

11

6

9-c

38

M

liotheca
oll. Rom.

Jesu



~~18-2-78~~


~~5-9-20~~

4.30



ca
m.

6-g-c 38



R H E T O R I -

C O R V M A D C. H E -

R E N N I V M L I B R I

Q V A T V O R .

*

Eiusdem

D E I N V E N T I O N E

L I B R I D V O .

*Ex Petri Victorij, ac Pauli Ma-
nuij castigationibus.*

V I R T V T H D V C E .



C O M I T E F O R T V N A .



A P V D S E B. G R Y -

P H I V M L V -

G D V N I .

Col. Rom. Sac. Vatic. 1555. Cat. Inscr.



DE INVENTIONE
LIBRI D. V. G.

EX LIBRIS
BIBLIOTHECA



APUD SEB. GRAY
PRIVATUM
G. VAN N.

Handwritten signature or note at the bottom of the page.

PETRVS VICTO-

RIVS NICOLAO AR-
DINGHELLO

S. D.



*I cū tu nobiscum adhuc in pa-
tria uiueres, Ardinghelle, suauis-
sime, nec ego suspicarer fore ut ali-
quò diu à nobis abfuturus his tem-
poribus proficiscerer, neminem potio-
rem habui, cui duas partes librorū Ciceronis, quæ tunc
editæ sunt, mitterem: quanto magis nunc debes
tertiam hanc, quæ prima habetur (tertio au-
tem loco non seruato ordine formis excusa est)
nomini tuo dicare? Cū enim hic esses, mi-
hi semper licebat aliquam partem dici tecum
familiarissimo sermone consumere, ac de com-
munibus literis, studijsq; meis aliquid conferre.
Nunc autē cum hoc sublatum sit, nihilq; aliud
restet, quo desiderium tui leniam, nisi sæpius
ad te scribere: cur non crebrò & quacunq; oc-
casione orta faciam? Sic enim & multum de
te cogito, quo nihil mihi, cum à te absū, ac-
cidere incundius potest: amantissimas pruden-
tissimasq; literas tuas elicio, quæ & me ualde
delectant, & cū opus est consilio iuuant.
Ac consilium quidem tuū in urbem migran-
di laudo: non possum tamen non dolere, quòd
incūdisima tua consuetudine careo. Cū enim*

Roma omnium, qui aut ingenio, aut doctrina
aut aliqua excellenti uirtute commendantur,
commune domicilium sit: sacerdotum tamen
propria & quasi germana patria existiman-
da est: eamq; præcipue sedem habere debent,
quicumq; uestre nationis uite integritate, lau-
datissimis studijs præditi sunt: non negarim
istuc etiam morum ac temporum uitio pluri-
mos confluere, qui prauis artibus instructi
sint, & hos quoq; non in postremis sæpe ha-
beri. Veruntamen non adeò hæc uirtuti secula
inimica sunt, ut non uideamus etiam Romæ
probitati, innocentie, sapientie locum esse. nam
& sanctissimos & sapientissimos uiros, spon-
te sua aduentantes, illa comiter excipit, atque
aliunde etiam præmijs, & honoribus ad se al-
licit: quantoq; magis antiqua institutio & di-
sciplina dissoluitur, tanto magis debet, qui hoc
facere possunt, & quorum maxime interest, la-
bentem, & iam ruentem molem suis humeris
sustinere, ac regere: atq; istic præcipue ope-
ram suam nauare, ubi Christianæ Reipub. se-
des collocata est. Nam illi, quorum inge-
nium in foro, & curia elucere potest: quem
locum industrie sue exercende aptiorem, aut
clariorẽ habeant, quàm eam, quò undique
ex omnibus regionibus, quæ CHRISTI le-
gibus parent, causæ deferuntur, & ubi am-
pla iudicia exercentur: aut unde suorum la-
borum

5
borum maiora premia expectare possunt?
nullo enim tempore uestri ordinis hominibus
in quibus optima artes, & praeclara studia
apparuerint, altissimi honorum gradus, &
amplissimae dignitates defuerunt. Recte igitur
& tu fecisti, qui maximis tuis labori-
bus acquisitas scientias & artes in ista po-
tissimum luce explicare uolueris: atque ex
ratione uiam tibi ad laudem & gloriam ape-
rire cogitaris, qua optimum quenque & stu-
diosissimum inuicem uti decet: & qua si
plures uterentur, commodius profectò nobis-
cum ageretur, meliusq; Christiano nomi-
ni consuleretur. neque enim locus esset ne-
quisimis quibusdam atque improbissimis ho-
minibus, qui languentibus studijs iuuentu-
tis, per facinora, ac scelera ad honores ob-
repunt, eosque statim uitae suae turpitudine
commaculant: quae res non paruam quoque
inurit sanctissimae atque optime religioni in-
famiam. Quod autem mihi in hoc tuo con-
silio maxima laude dignum uidetur, de eo
silere non possum, quod cum satis amplius
fortunas haberes, ut posses domi copiose ac
lautè uiuere, non ea te res tenuit, quò mi-
nus ad laudem & decus, posthabitis omni-
bus commodis, tenderes: anteponeresque so-
licitam & laboriosam uitam tranquille &
otiose. Multos enim cognoui acutissimis in-

genijs præditos, optimisq; artibus à pueritia
institutos, quibus rei familiaris copia obfue-
rit: siquidem deliniti, captiq; illecebris uolu-
ptatum, quas nimia rerum abundantia pro-
creat, eum conficere cursum, quem ingressi
erant, suo ipsi uitio non potuerunt. Neq; enim
tu quòd dignitatem tuam patrimonij angustijs
tueri non posses, honesteq; inter æquales, uer-
sari, ad parandas tibi tua industria & Labo-
re opes exire coactus es: nam quemadmodum
natura copiosè tibi & amplè cuncta sua bona
largita est, ita etiam fortuna tecum ualde be-
nigne se gessit. Istuc uerò cum uenisti (nulla
autem res actioq; tua nobis ignota & obscu-
ra esse potest) subito omnium oculi in te con-
uersi: nec enim illa penitus tue uirtutes inau-
dita erant, & uigibus adhuc apud eos pa-
tris tui nobilissimi ac prudentissimi uiri me-
moriam, qui Leoni X. uere maximo Pontifici
ita gratus & probatus extitit, ut semper in
maximis rebus ipsius iudicio ac sapientia ille
uteretur, atq; ei omnia sua arcana consilia
crederet, ac denique cuncta maiora negotia
procuranda daret: sed tamè citò, quod difficilli-
mum est, expectationem, quæ de tè incredibi-
lis excitata erat, superasti: ac, quod paucis qui
Romam accedunt, contingere solet, ut maior
fama euaderes, consecutus es. nam & libera-
lium studiorum cultiores maiorem esse te in ha-

rum

rum ingenuarum literarum doctrinam, quam
unquam existimassent experti sunt: & qui te
olim iuris ac legum cognitioni operam dedisse
non ignorant, quantum in eo studio profice-
ris, facile animadverterunt: ac omnes tandem
uno consensu neminem multis annis tot tan-
tisq; naturis bonis cumulatum, tamq; precla-
ris artibus instructum & ornatum Romam
uenisse pronuntiauerunt. Fruere igitur isthic,
Ardinghelle optime, tuis egregijs animi &
ingenij dotibus, ac gaude his amplissimis de
te hominum iudicijs: ego autem domi arctiori-
bus uinculis detentus quam honestissime po-
tuerō, hoc otium, quo nunc abundo, traducam:
& cum maiora adhuc nequeam, sæpe te (cuius
cogitatione solum recreor) literis meis compel-
labo. Quod si rectè duo illa uolumina ad te
misi (quod aptissime & appositissime mihi
uideor fecisse: nam & mirum quoddā scriben-
darum epistolarum artificium tenes, ac Cice-
ronē maxime in eo genere imitaris, & expri-
mis: nec non Philosophiæ studijs à prima ætate
semper deditus fuisti, & in omni doctrinarum
exercitatione uersatus) multo rectius hoc ad te
mitto, in quo cuncta eloquentiæ præcepta non
sine maxima eloquentiæ uis explicata & tra-
dita continentur. hoc enim tuorum laborū cur-
riculum futurum est, hæc ingenij tui in ista ur-
be palastra. Magna autem pars eruditorum

libenter hos de arte dicendi libros in manus
sumit. quòd eorum lectione mirifice delecte-
tur: tanto enim lepore, tantàque eleganti-
scripti sunt, ut nullus in eis seu uerborum, seu
sententiarum ornatus desideretur. præcepta
autem aut non ualde curant: aut si in eis quo-
que attentius commorentur, ad pernoscen-
dam potius uim naturamq; orationum Cice-
ronis sibi illa seponant: aut si quando acci-
dat, ad fictam aliquam orationem, quam
summo otio scribant, ornamentis quibusdam
illustrandam, quam quòd ipsis extra sua
umbracula usuri sint. Tu uerò & in solem
processurus, & tanquam in acie manus cum
aduersario sepe collaturus: quomodo igitur
ad te id non maxime pertinet? Frigent qui-
dem hodie pluribus locis studia dicendi, siue
omnis potius eloquentia muta est: nam anti-
qua ratio iudiciorum penè amissa (scriptis
enim autoritatibus quibusdam clarorum iu-
risconsultorum, prolatisque priuatis causis
tuentur) sed non solum ex foro, uerumetiam
ex curia senatq; ferè cunctis delectis rebus
publicis, omne eloquentie munus sublatum
est. Isthic uero prisci in hoc moris, ut in mul-
tis etiam præclaris rebus, non parua uestigia
remanent, nanq; & eloquentie suus tribuitur
honor, & parue magnaq; cause uoce disfer-
torum, atque eloquentium uirorum defendun-
tur.

tur. Vbi igitur potius quàm Roma Romana
 eloquentia pater in quotidiano usu versa-
 ri debet? qua in urbe maxima cum ingenij
 gloria floruit, & in qua simulacrum adhuc
 est, & quasi umbra quadam illius eloquen-
 tia; quam ipse plurimis ornamentis expoli-
 uerat atque perfecerat. aut cui magis quàm
 tibi, tuiq; simulibus, qui eam retinetis, ac
 cotidie in discrimen adducitis, Cicero aman-
 dus, atque eius semper in manibus est ha-
 benda? Nam & ille qua alios docere insti-
 tuit, non ex Græcorum rhetorum libris cor-
 rogauit, sed longo usu, ac cotidiana in cau-
 sis exercitatione perdidicit atque probauit.
 multum ipsa ualere, magnamq; uim ad ani-
 mos eorum qui audiunt, permouendos per-
 suadendosque habere, documento esse possunt
 ea, qua à Cicerone in dicendo admirabili-
 ter effecta sunt: qua & multa traduntur, &
 ab omnibus celebrantur. Quem enim potius
 aliquis in omni scientia & arte doctorem
 ac magistrum habere uelit, quàm eum qui
 se egregium quoddam eius rei artificium te-
 nere, agendo, atque experiendo sæpius de-
 clarauerit? De laudibus uero eloquentia ni-
 hil est quod agam: nam si eam laudare oportet,
 à præstantissimis ingenijs accurate com-
 mendata est, & in calum summis laudi-
 bus elata: si autem non oportet, cur uelim

me nunc ostentare, omnia ambitiosè argu-
menta colligendo, probationesque adferendo
in re perspicua & confessa, ut incerta
& obscura confirmanda? Qua-
re hanc partem omittam,
& ne te longius de-
tineamus, finem
dicendi fa-
ciam.

1

R H E T O R I -
C O R V M A D C. H E -
R E N N I V M L I B E R
P R I M V S .



ETSI negotijs familiaribus impediti, uix satis otij studio suppeditare possumus, & id ipsum quod datur otij, libentius in philosophia consumere consueuimus: tamen tua nos C. Elcrenni uoluntas commouit, ut de ratione dicendi conscriberemus: ne aut tua causa noluisse, aut fugisse nos laborem putares: & eo studiosius hoc negotium suscepimus, quod te non sine causa uelle cognoscere Rhetoricam intelligebamus. non enim parum habet in se fructus copia dicendi & comoditas orationis, si recta intelligentia, & definita moderatione anima gubernetur. Quas ob res, illa, quae Graeci scriptores inanis arrogantis causae sibi assumpserunt, reliquimus. nam illi, ne parum multa scisse uideretur, ea conquisiuerunt, quae nihil ad propositum attinebant, ut ars difficilior cognita putaretur, nos autem ea quae uidebantur ad rationem dicendi pertinere, sumpsimus. non enim spe quaestus, aut gloria comoti uenimus ad scribendum, quemadmodum ceteri: sed ut industria nostra

stratue morem geramus uoluntati. Nunc, ne
nimium longa sumatur oratio, de re dicere in-
cipiemus: sed, si te unum illud monuerimus, ar-
tem sine assiduitate dicendi non multum inua-
re: ut intelligas hanc rationem praeceptionis
accommodari ad exercitationem oportere.

ORATORIS officium est, de his rebus
posse dicere, quae res ad usum civilem moribus,
ac legibus constituta sunt, cum assensione au-
ditorum, quoad eius fieri poterit. Tria sunt
genera causarum, quae recipere, debet orator:
demonstratiuum, deliberatiuum, iudiciale.

Demonstratiuum est, quod attribuitur in ali-
cuius certa personae laudem, uel uituperatio-
nem. Deliberatiuum est, quod in consultatio-
ne positum, habet in se suasionem, & dissua-
sionem. Iudiciale est, quod positum in contro-
uersia, habet accusationem, aut petitionem
cum defensione. Nunc quas res oratorem ha-
bere oporteat, docebimus: deinde quomodo has
causas tractari conveniat, ostendemus. Opor-
tet igitur in oratore esse inuentionem, disposi-
tionem, elocutionem, memoriam & pronun-
tiationem. Inuentio, est excogitatio rerum ue-
rarum, aut uerisimilium, quae causam probabi-
lem reddant. Dispositio, est ordo, & distri-
butio rerum, quae demonstrat quid quibus in lo-
eis sit collocandum. Elocutio, est idoneorum
uerborum, & sententiarum ad inuentionem
accom

accommodatio. Memoria, est firma animi rerum, & uerborum dispositionis perceptio. Pronuntiatio, est uocis, & uultus, & gestus moderatio cum uenustate. Hæc omnia tribus modis assequi poterimus, arte, imitatione, exercitatione. Ars, est præceptio, quæ dat certam uiam, rationemq; dicendi. Imitatio, est quæ impellimur cum diligenti ratione, ut aliquorum similes in dicendo esse ualeamus. Exercitatio, est assiduus usus, consuetudoq; dicendi. Quoniam igitur demonstratum est, quas causas oratorem recipere oporteat, quasq; res habere conueniat; nunc, quemadmodum ad orationem possint officia oratoris accommodari, dicendum uidetur.

INVENTIO in sex partibus orationis consumitur, exordium, narrationem, diuisionem, confirmationem, confutationem, conclusionem. *Exordium, est principium orationis, per quod animus auditoris, aut iudicis constituitur, uel apparatus ad audiendum. Narratio, est rerum gestarum, aut perinde ut gestarum expositio. Diuisio, est per quam aperimus quid conueniat, & quid in controuersia sit, & per quam exponimus quibus de rebus simus dicturi. Confirmatio, est nostrorum argumentorum expositio cum assenuratione. Confutatio, est contrariorum locorum dissolutio.*

Conclusio, est artificiosus terminus orationis.

nis. Nunc quoniam una cum oratoris officijs,
quo res cognitu facilior esset, producti sumus
ut de orationis partibus loqueremur, & eas
ad inuentionis rationem accommodaremus: de
exordio primum dicendum uidetur. C A V S A
posita, quo commodius exordiri possimus, ge-
nus causa est considerandum. Genera cau-
sarum sunt quatuor: honestum, turpe, dubium,
humile. Honestum cause genus putatur, cum
aut id defendimus quod ab omnibus defenden-
dum uidetur: aut id oppugnamus quod ab
omnibus uidetur oppugnari debere, ut pro uiro
forti contra parricidam. Turpe genus cau-
se intelligitur, cum aut honesta res oppugna-
tur, aut defenditur turpis. Dubium genus est,
cum habet in se causa & honestatis, & turpi-
tudinis partem. Humile genus est, cum con-
tempta res offertur. Cum hac ita sint, conue-
niet exordiorum rationem ad omne genus cau-
sa accommodari. Exordiorum duo sunt gene-
ra, Principium, quod Græcè ὑπομνηστικὴν appel-
latur: & insinuatio, quæ ἐποδὸς nominatur.
Principium est, cum statim auditoris animum
nobis idoneum reddimus ad audiendum. Id ita
sumitur, ut attentos, ut dociles, ut beneuolos au-
ditores habere possimus. Si genus causa dubium
habebimus, à beneuolentia principium con-
stituemus, nequid illa turpitudinis pars nobis
obesse possit. Sin humile genus erit causa, fa-
cimus

ciemus attentos. Sin turpe causa genus erit, insinuatione utemur: de qua posterius dicemus, nisi quid nacti erimus quare aduersarios criminando beneuolentiam captare possimus. Sin honestum cause genus erit, licebit rectè uel uti, uel non uti principio. Si uti principio uolumus, aut id oportebit ostendere, quare causa sit honesta, aut breuiter quibus de rebus sumus dicturi, exponere. Si principio uti uolumus, à lege, à scriptura, aut ab aliquo firmissimo nostra cause adiumento principiū capere oportebit. Quoniam igitur docilem, beneuolum, attentum habere auditore uolumus, quo modo quidq; eorum confici possit, aperiemus. Dociles auditores habere poterimus, si summam cause breuiter exponemus, & si attentos eos faciemus. nam docilis est is, qui attente uult audire. Attentos habebimus, si pollicebimur nos de rebus magnis, nouis, inusitatis uerba facturos, aut de ijs rebus quæ ad Rempub. pertineant, aut ad eos ipsos qui audient, aut ad Deorum immortalium religionem, aut ad pietatem nos esse dicturos. & si rogabimus ut attente audiant, & si numero exponemus res de quibus dicturi sumus, Beneuolos auditores facere quatuor modis possum: à nostra ab aduersariorum, ab auditorum persona, & à rebus ipsis. A nostra persona beneuolentiam contrahimus, si nostrum officium sine arrogancia laudabimus, aut in Remp. quales fuerimus,

rimus, aut in parentes, aut in amicos, aut in eos
ipsoſ qui audiunt, aliquid referemus: dummo-
do hæc omnia ad eam ipſam rem, de qua agi-
tur, ſint accommodata. Item ſi noſtra incommo-
da proferemus, inopiam, ſolitudinem, calami-
tatem: & ſi orabimus ut nobis ſint auxilio, &
ſimul oſtendemus, nos in alijs ſpem nobiſſe ha-
bere. Ab aduerſariorum perſona beneuolentia
captabitur, ſi eos in odium, in inuidiam, in con-
temptiõnem adducemus. In odium rapiemus, ſi-
quid eorum ſpurce, ſuperbe, perfidiõſe, crudeliter,
confidenter, malitiõſe, flagitiõſe factum profe-
remus. In inuidiam trahemus, ſi uim, ſi poten-
tiam, factionem, diuitias, incontinẽtiam, nobili-
tatem, clientelam, hoſpitiũ, ſodalitatem, affini-
tates aduerſariorũ proferemus: & hiſ adiumen-
tis magis, quàm ueritati eos credere aperie-
mus. In contemptiõnem adducemus, ſi iner-
tiam, ignauiam, deſidiam, luxuriam aduerſa-
riorum proferemus. Ab auditorum perſona be-
neuolentia colligitur, ſi res eorũ fortiter, ſapienter,
manſuete, magnifice iudicatas proferemus:
& ſi, quæ de hiſ exiſtimatio, quæ iudiciũ expe-
ctatio ſit, aperiemus. A rebus ipſiſ beneuolum
efficiemus auditorem, ſi noſtram cauſam lau-
dando extollemus, aduerſariorũ per cõtemptiõ-
nem deprimemus. Deinceps de inſinuatione ape-
riendum eſt. T R I A ſunt tempora, quibꝯ prin-
cipio uti non poſſumus, quæ diligenter ſunt con-
ſidera

sideranda: aut cum turpem causam habemus, hoc est cum ipsa res animum auditoris à nobis alienat: aut cū animus auditoris persuasus esse uidetur ab ijs, qui antè contradixerunt: aut cū defessus est eos audiendo, qui antè dixerunt. Si causa turpitudinem habebit, exordiri poterimus his rationibus: rem, non hominem: aut hominem, non rem spectari oportere: non placere nobis ipsis quæ facta dicantur ab aduersarijs, & esse indigna, aut nefaria. Deinde, cū diu rem auxerimus, nihil simile à nobis factum esse ostendimus, aut aliquorū iudicium de simili causa, aut de eadē, aut de minore, aut de maiore proferemus. Deinde ad nostram causam pedetentim accedemus, & similitudinē conferemus. Item si negabimus nos de aduersarijs, aut de aliqua re eorum dicturos: & tamen occulte dicemus, interiectione uerborum. Si persuasus auditor fuerit, id est, si oratio aduersariorū auditoribus fidem fecerit (neq; enim non facile scire poterimus quoniam non sumus nescij quibus rebus fides fieri soleat.) Ergo si fidē factā putabimus, his rebus nos insinuabimus ad causam, si de eo, quod aduersarij firmissimum sibi adiumentum putauerint, primum nos dicturos pollicebimur, aut ab aduersarij dicto exordiemur: & ab eo maxime, quod ille nuperrime dixerit: aut dubitatione utemur, quid potissimum dicamus, aut cui loco primum respondeamus cum admira-

tione. Si defessi erunt audiendo, ab aliqua re, quæ risum mouere possit, exordiemur: ab apologo, à fabula uerisimili, imitatione, deprauatione, inuersione, ambiguo, suspitione, irrisione, stultitia, exuperatione, collatione, adiectione, abiectione, literarum mutatione, præterea expectatione, similitudine, nouitate, historia, uersu, aut ab alicuius interpellatione, aut arrisitione: & si promiserimus aliter ac parati fuerimus, nos esse dicturos: nos non eodem modo, ut cæteri soleant, uerba facturos: quid alij soleant, quid nos facturi simus, breuiter exponemus.

Inter insinuationem, & principium hoc interest: Principium huiusmodi debet esse, ut statim apertis rationibus quibus præscripsimus, aut beneuolum, aut attentum, aut docilem faciamus auditorem. At insinuatio eiusmodi debet esse, ut occulte per dissimulationem eadem illa omnia cõficiamus, ut ad eandem commoditatem in dicendi opere uenire possimus. Verum hæc tres utilitates, tametsi in tota oratione sunt comparandæ, hoc est, ut auditores sese perpetuò nobis attentos, dociles, beneuolos præbeant: tamen id per exordium causæ maxime comparandum est. Nunc, nequando uitioso exordio utamur, quæ uitia uitanda sint, docebo. In exordienda causa seruandum est, ut lenis sit sermo, ut usitata uerborum consuetudo, ut non apparatus oratio uideatur esse. VITIOSVM exordium est, quod

quod in pluris causas potest accommodari, quod uulgare dicitur. Item uitiosum est, quo nihilominus aduersarius potest uti, quod commune appellatur. Item illud, quo aduersarius poterit uti ex contrario. Item uitiosum est, quod nimium apparatis uerbis compositum est, aut nimis longum est: & quod non ex ipsa causa natum uidetur, quod separatum uocatur: in quo etiam translatum concluditur, ut propriè cohaereat cum narratione: & quod neq; beneuolum, neq; docilem, neq; attentum facit auditorem. De exordio satis dictum est, deinceps ad narrationem transeamus.

NARRATIONVM tria sunt genera. Vnum, quo exponimus rem gestam, & unumquodq; trahimus ad utilitatē nostram uincendi causa: quod pertinet ad eas causas, de quibus iudicium futurū est. Alterū genus est, narrationis, quod intercurrit nonnunquam, aut fidei, aut criminationis, aut transiionis, aut alicuius apparationis, uel laudationis causa. Tertium genus est id, quod à causa civili remotum est, in quo tamen exerceri conuenit, quo commodius illas superiores narrationes in causis tractare possimus. Eius narrationis duo sunt genera: unū quod in negotiis, alterū quod in personis positum est. Id, quod in negotiorum expositione positum est, treis habet partes, fabulam, historiam, argumentum. Fabula est, quae neque ueras, neque

uerisimiles continet res, ut ea, quæ tragœdijs
 traditæ sunt. Historia, est gestæ res, sed ab
 ætatis nostræ memoria remota. Argumen-
 tum, est ficta res, quæ tamen fieri potuit, uelut
 argumenta comœdiarum. Illud genus narra-
 tionis quod in personis positum est, debere habe-
 re sermonis festiuitatem, animorum dissimili-
 tudinem, grauitatem, lenitatem, spem, metum,
 suspicionem, desiderium, dissimulationem, erro-
 rem, misericordiam, rerum uarietates, fortune
 commutationem, insperatum incommodum,
 subitam lætitiâ, incundum exitum rerum. ue-
 rum hoc in exercendo transfigetur: illud quod
 ad ueritatem pertinet, quomodo tractari conue-
 niat, aperiemus. Treis conuenit res habere: nar-
 rationem, ut breuis, ut dilucida, ut uerisimilis
 sit: quæ quoniam fieri oportere scimus, quem-
 admodum faciamus, cognoscendum est. Rem
 breuiter narrare poterimus, si inde incipiemus
 narrare, unde necesse erit: & si non ab ultimo
 initio repetere uolemus: & si summam non par-
 ticulatim narrabimus: & si non ad extremum,
 sed usq; eò quod opus erit, prosequemur: & si
 transitionibus nullis utemur: & si non deerra-
 bimus ab eo quod cœperimus exponere: & si
 exitus rerum ita exponemus, ut antè quoque
 quæ facta sunt, sciri possint, tamen si nos reti-
 nuerimus. quod genus est, si dicam, me ex prouin-
 cia redisse, profectum quoque in prouinciâ
 intell

intelligatur: & omnino non modo id quod obest, sed etiam id quod neq; obest, neq; iuuat, satius est praterire: & ne bis, aut saepius idem dicamus: cauendum est etiam ne id quod semel supra diximus, deinceps dicamus, hoc modo, *Athenis Megaram uespero aduenit Simo: ubi aduenit Megaram, insidias fecit uirgini: insidias postquam fecit, uim in loco attulit.*

Rem dilucide narrabimus, si ut quicq; primū gestum erit, ita primum exponemus, & rerum, ac temporum ordinem conseruabimus: ut gesta res erunt, aut ut potuisse geri uidebuntur.

Hic erit considerandum, nequid perturbare, nequid contorere, nequid ambigue, nequid noue dicamus: nequam in aliam rem transeamus: ne ab ultimo repetamus: ne longe prosequamur: nequid, quod ad rem pertineat, prateramus: & si persequemur ea, quae de breuitate praecepta sunt. nam quo breuior, eò dilucidior, & cognitū facilius narratio fiet. Verisimilis narratio erit, si ut mos, ut opinio, ut natura postulat dicemus: si spatia temporum, personarū dignitates, consiliorum rationes, locorum opportunitates constabunt: ne refelli possit aut temporis parum fuisse, aut causam nullam, aut locū idoneum non fuisse, aut homines ipsos facere, aut pati non potuisse. Si uera res erit, nihilominus haec omnia narrando conseruanda sunt, nā saepe ueritas, nisi haec seruata sint, fidem non potest

facere. Sin erunt ficta, eo magis erunt conseruanda. De his rebus caute confligendum est, quibus in rebus tabula, aut alicuius firma auctoritas uidebitur interfuisse. Adhuc quæ dicta sunt, arbitror mihi constare cum cæteris artis scriptoribus, nisi quia de insinuatione noua excogitauimus, quod eam soli præter cæteros in tria tempora diuisimus, ut planè certam uiam, & perspicuam rationem exordiorum habere-mus. Nunc, quod reliquum est, quoniam de rerum inuentione disputandum est, in qua singulare consumitur oratoris officium: dabimus operam, ut nihilo minus industrie, quàm rei utilitas postulabit, quæsisse uideamur, si prius pauca de causarum diuisione dixerimus.

CAVSARVM diuisio in duas partes distributa est. Primum perorata narratione debemus aperire quid nobis conueniat cum aduersarijs: si ea, quæ nobis utilia erunt, conuenient, quid in controuersia relinquatur, hoc modo: Interfectam esse ab Oreste matrem conuenit mihi cum aduersarijs: iure fecerit, & licueritne facere, id est in controuersia. Item è contrario, Agamemnonem esse à Clytemnestra occisum confitentur. cum id ita sit, me ulcisci parum negant oportuisse. Deinde cum hoc fecerimus, distributione uti debemus. Ea diuiditur in duas partes, enumerationem, & expositionem. Enumeratione utemur, cum dicemus numero,

quos

quot de rebus dicturi sumus. eam plusquam trium partium numero esse non oportet: nam & periculosum est, nequando plus, minusque dicamus, & suspicionem affert auditori meditationis, & artificij: quæ res fidem abrogat orationi. *Expositio* est, cum res, quibus de rebus dicturi sumus, exponimus breviter, & absolute. Nunc ad confirmationem transeamus.

TOTA spes vincendi, ratioque persuadendi posita est in confirmatione, & confutatione. Nam cum adiumenta nostra exposuerimus, contrariaque dissoluerimus, absolute nimirum munus oratorium confecerimus. Virumque igitur facere poterimus, si constitutionem causæ cognoverimus. Causarum constitutiones alij quatuor fecerunt: noster doctor *Hermes* tres putavit esse: non ut de illorum quicquam detraheret inventionem, sed ut ostenderet id quod oportuisset, simpliciter, & singulari modo docere, illos distribuisse dupliciter, & bipartito.

Constitutio, est prima deprecatio defensoris cum accusatoris insimulatione coniuncta. Constitutiones itaque, ut diximus, tres sunt: *Coniecturalis*, *Legitima*, *Iuridicialis*. *Coniecturalis* est, cum de facto controversia est, hoc modo: *Ajax* in sylva, postquam rescivit quæ fecisset per insaniam, gladio incubuit. *Ulysses* intervenit: occisum conspicatur: è corpore cruentum telum educit. *Tencer* intervenit, cum

stratue morem geramus uoluntati. Nunc, ne nimium longa sumatur oratio, dere dicere incipiemus: sed, si te unum illud monuerimus, artem sine assiduitate dicendi non multum inuare: ut intelligas hanc rationem praeceptionis accommodari ad exercitationem oportere.

ORATORIS officium est, de his rebus posse dicere, quae res ad usum civilem moribus, ac legibus constituta sunt, cum assensione auditorum, quoad eius fieri poterit. Tria sunt genera causarum, quae recipere, debet orator: demonstratiuum, deliberatiuum, iudiciale.

Demonstratiuum est, quod attribuitur in alicuius certae personae laudem, uel uituperationem. Deliberatiuum est, quod in consultatione positum, habet in se suasionem, & dissuasionem. Iudiciale est, quod positum in controversia, habet accusationem, aut petitionem cum defensione. Nunc quas res oratorem habere oporteat, docebimus: deinde quomodo has causas tractari conueniat, ostendemus. Oportet igitur in oratore esse inuentionem, dispositionem, elocutionem, memoriam & pronuntiationem. Inuentio, est excogitatio rerum uerarum, aut uerisimilium, quae causam probabilem reddant. Dispositio, est ordo, & distributio rerum, quae demonstrat quid quibus in locis sit collocandum. Elocutio, est idoneorum uerborum, & sententiarum ad inuentionem

accom

accommodatio. Memoria, est firma animi re-
rum. Et uerborum dispositionis perceptio. Pro-
nuntiatio, est uocis, Et uultus, Et gestus mo-
deratio cum uenustate. Hæc omnia tribus mo-
dis assequi poterimus, arte, imitatione, exerci-
tatione. Ars, est præceptio, quæ dat certam
uiam, rationemq; dicendi. Imitatio, est qua
impellimur cum diligenti ratione, ut aliquo-
rum similes in dicendo esse ualeamus. Exerci-
tatio, est assiduus usus, consuetudoq; dicendi.
Quoniam igitur demonstratum est, quas causas
oratorum recipere oporteat, quasq; res habere
conueniat; nunc, quemadmodum ad orationem
possint officia oratoris accommodari, dicendum
uideretur.

INVENTIO in sex partibus orationis con-
sumitur, exordium, narrationem, diuisionem,
confirmationem, confutationem, conclusionem.
Exordium, est principium orationis, per quod
animus auditoris, aut iudicis constituitur, ut
apparatur ad audiendum. Narratio, est rerum
gestarum, aut perinde ut gestarum expositio.
Diuisio, est per quam aperimus quid conueniat,
Et quid in controuersia sit, Et per quam ex-
ponimus quibus de rebus simus dicturi. Con-
firmatio, est nostrorum argumentorum exposi-
tio cum assueuratione. Confutatio, est contra-
riorum locorum dissolutio.

Conclusio, est artificiosus terminus oratio-

nis. Nunc quoniam unā cum oratorij officijs,
quo res cognitu facilius esset, producti sumus
ut de orationis partibus loqueremur, & eas
ad inuentionis rationem accommodaremus: de
exordio primum dicendum uidetur. C A V S A
posita, quo commodius exordiri possimus, ge-
nus causa est considerandum. Genera cau-
sarum sunt quatuor: honestum, turpe, dubium,
humile. Honestum cause genus putatur, cum
aut id defendimus quod ab omnibus defenden-
dum uidetur: aut id oppugnamus quod ab
omnibus uidetur oppugnari debere, ut pro uiro
forti contra parricidam. Turpe genus cau-
se intelligitur, cum aut honesta res oppugna-
tur, aut defenditur turpis. Dubium genus est,
cum habet in se causa & honestatis, & turpi-
tudinis partem. Humile genus est, cum con-
tempta res offertur. Cum hac ita sint, conue-
niet exordiorum rationem ad omne genus cau-
sa accommodari. Exordiorum duo sunt gene-
ra, Principium, quod Græcè *ὑποκείμενον* appel-
latur: & insinuatio, quæ *ἐπεισόδιον* nominatur.
Principium est, cum statim auditoris animum
nobis idoneum reddimus ad audiendum. Id ita
sumitur, ut attentos, ut dociles, ut beneuolos au-
ditores habere possimus. Si genus causa dubiū
habebimus, à beneuolentia principium con-
stituemus, nequid illa turpitudinis pars nobis
obesse possit. Sin humile genus erit causa, fa-
cimus

ciemus attentos. Sin turpe causa genus erit, in-
sinuatione uicemur: de qua posterius dicimus,
nisi quid nacti erimus quare aduersarios cri-
minando beneuolentiam capere possimus. Sin
honestum causa genus erit, licebit recte uel uti,
uel non uti principio. Si uti principio uolumus,
aut id oportebit ostendere, quare causa sit ho-
nesta, aut breuiter quibus de rebus sumus dictu-
ri, exponere. Si principio uti uolumus, à lege, à
scriptura, aut ab aliquo firmissimo nostra cau-
sa adiuumento principium capere oportebit. Quo-
niam igitur docilem, beneuolum, attentum ha-
bere auditorem uolumus, quo modo quidq; eorum
confici possit, aperiemus. Dociles auditores ha-
bere poterimus, si summam causa breuiter expo-
nemus, & si attentos eos faciemus. nam doci-
lis est is, qui attente uult audire. Attentos ha-
bibimus, si pollicemur nos de rebus magnis,
nouis, inusitatis uerba facturos, aut de ijs rebus
quæ ad Rempub. pertineant, aut ad eos ipsos qui
audient, aut ad Deorum immortalium religio-
nem, aut ad pietatem nos esse dicturos. & si ro-
gabimus ut attente audiant, & si numero ex-
ponemus res de quibus dicturi sumus, Beneuo-
los auditores facere quatuor modis possum: à no-
stra ab aduersariorum, ab auditorum persona,
& à rebus ipsis. A nostra persona beneuolen-
tiam contrahimus, si nostrum officium sine ar-
rogantia laudabimus, aut in Remp. quales fue-
rimus,

rimus, aut in parentes, aut in amicos, aut in eos
ipsoſ qui audiunt, aliquid referemus: dummo-
do hæc omnia ad eam ipſam rem, de qua agi-
tur, ſint accommodata. Item ſi noſtra incommo-
da proferemus, inopiam, ſolitudinem, calami-
tatem: & ſi orabimus ut nobis ſint auxilio, &
ſimul oſtendemus, nos in alijs ſpem nobiſſe ha-
bere. Ab aduerſariorum perſona beneuolentia
captabitur, ſi eos in odium, in inuidiam, in con-
temptionem adducemus. In odium rapiemus, ſi-
quid eorum ſpurce, ſuperbe, perfidioſe, crudeliter,
confidenter, malitioſe, flagitioſe factum profe-
remus. In inuidiam trahemus, ſi uim, ſi poten-
tiam, factionem, diuitias, incontineſtiam, nobili-
tatem, clientelas, hoſpitiū, ſodalitatem, affini-
tates aduerſariorū proferemus: & his adiuven-
tis magis, quā ueritati eos conſidere aperie-
mus. In contemptionem adducemus, ſi iner-
tiam, ignauiam, deſidiam, luxuriam aduerſa-
riorum proferemus. Ab auditorum perſona be-
neuolentia colligitur, ſi res eorū fortiter, ſapien-
ter, manſuete, magnifice indicatas proferemus:
& ſi, quæ de his exiſtimatio, quæ iudicij expe-
ctatio ſit, aperiemus. A rebus ipſis beneuolum
efficiemus auditorem, ſi noſtram cauſam lau-
dando extollemus, aduerſariorū per cōtemp-
tionem deprimemus. Deinceps de inſinuatione ape-
riendum eſt. T R I A ſunt tempora, quibus prin-
cipio uti non poſſumus, quæ diligenter ſunt con-
ſideranda

sideranda: aut cum turpem causam habemus,
 hoc est cum ipsa res animum auditoris à nobis
 alienat: aut cū animus auditoris persuasus esse
 uidetur ab ijs, qui antè contradixerunt: aut cū
 defessus est eos audiendo, qui antè dixerunt. Si
 causa turpitudinem habebit, exordiri poterim-
 us his rationibus: rem, non hominem: aut ho-
 minem, non rem spectari oportere: non placere
 nobis ipsis quæ facta dicantur ab aduersarijs,
 & esse indigna, aut nefaria. Deinde, cū diu rem
 auxerimus, nihil simile à nobis factum esse osten-
 dimus, aut aliquorū iudicium de simili causa,
 aut de eadē, aut de minore, aut de maiore pro-
 feremus. Deinde ad nostram causam pedetentim
 accedemus, & similitudinē conferemus. Item si
 negabimus nos de aduersarijs, aut de aliqua re
 eorum dicturos: & tamen occulte dicemus, in-
 teriectione uerborum. Si persuasus auditor fue-
 rit, id est, si oratio aduersariorū auditoribus fi-
 dem fecerit (neq; enim non facile scire poterimus
 quoniam non sumus nescij quibus rebus fides fie-
 ri soleat.) Ergo si fidē factā putabimus, his re-
 bus nos insinuabimus ad causam, si de eo, quod
 aduersarij firmissimum sibi adiumentum pu-
 tauerint, primum nos dicturos pollicebimur,
 aut ab aduersarij dicto exordiemur: & ab eo
 maxime, quod ille nuperrime dixerit: aut dubi-
 tatione utemur, quid potissimum dicamus, aut
 cui loco primum respondeamus cum admira-

zione. Si defessi erunt audiendo, ab aliqua re, quæ risum mouere possit, exordiemur: ab apologo, à fabula uerisimili, imitatione, deprauatione, inuersione, ambiguo, suspitione, irrisione, stultitia, exuperatione, collatione, adiectione, abiectione, literarum mutatione, præterea expectatione, similitudine, nouitate, historia, uersu, aut ab alicuius interpellatione, aut arrisione: & si promiserimus aliter ac parati fuerimus, nos esse dicturos: nos non eodem modo, ut ceteri soleant, uerba facturos: quid alij soleant, quid nos facturi simus, breuiter exponemus.

Inter insinuationem, & principium hoc interest: Principium huiusmodi debet esse, ut statim apertis rationibus quibus præscripsimus, aut beneuolum, aut attentum, aut docilem faciamus auditorem. At insinuatio eiusmodi debet esse, ut occulte per dissimulationem eadem illa omnia cōficiamus, ut ad eandem commoditatē in dicendi opere uenire possimus. Verum hæres utilitates, tametsi in tota oratione sunt comparanda, hoc est, ut auditores sese perpetuò nobis attentos, dociles, beneuolos præbeant: tamen id per exordium causæ maxime comparandum est. Nunc, nequando uitioso exordio utamur, quæ uitia uitanda sint, docebo. In exordienda causa seruandum est, ut lenis sit sermo, ut usitata uerborum consuetudo, ut non apparatus oratio uideatur esse. VITIOSVM exordium est,

quod

quod in pluris causis potest accommodari, quod vulgare dicitur. Item uisiosum est, quo nihilominus aduersarius potest uti, quod commune appellatur. Item illud, quo aduersarius poterit uti ex contrario. Item uisiosum est, quod nimium apparatus uerbis compositum est, aut nimis longum est: & quod non ex ipsa causa natum uidetur, quod separatum uocatur: in quo etiam translatus concluditur, ut propriè cohaereat cum narratione: & quod neq; beneuolum, neq; docilem, neq; attentum facit auditorem. De exordio satis dictum est, deinceps ad narrationem transcamus.


NARRATIONVM tria sunt genera. Primum, quo exponimus rem gestam, & unumquodq; trahimus ad utilitatē nostram uincendi causa: quod pertinet ad eas causas, de quibus iudicium futurū est. Alterū genus est, narratio uis, quod intercurrit nonnunquam, aut fidei, aut criminacionis, aut transiſionis, aut alicuius apparacionis, uel laudacionis causa. Tertium genus est id, quod à causa ciuili remotum est, in quo tamen exerceri conuenit, quo commodius illas superiores narrationes in causis tractare possimus. Eius narrationis duo sunt genera: unū quod in negotijs, alterū quod in personis positum est. Id, quod in negotiorum expositione positum est, tria habet partes, fabulam, historiam, argumentum. Fabula est, qua neque ueras, neque

uerisimiles continet res, ut ea, quæ tragœdijs
 traditæ sunt. Historia, est gestæ res, sed ab
 ætatis nostræ memoria remota. Argumen-
 tum, est ficta res, quæ tamen fieri potuit, uelut
 argumenta comœdiarum. Illud genus narra-
 tionis quod in personis positum est, debere habe-
 re sermonis festiuitatem, animorum dissimili-
 tudinem, grauitatem, lenitatem, spem, metum,
 suspicionem, desiderium, dissimulationem, erro-
 rem, misericordiam, rerum uarietates, fortuna
 commutationem, insperatum incommodum,
 subitam lætitiâ, iucundum exitum rerum. ue-
 rum hoc in exercendo transigetur: illud quod
 ad ueritatem pertinet, quomodo tractari conue-
 niat, aperiemus. Treis conuenit res habere: nar-
 rationem, ut breuis, ut dilucida, ut uerisimilis
 sit: quæ quoniam fieri oportere scimus, quæ-
 admodum faciamus, cognoscendum est. Rem
 breuiter narrare poterimus, si inde incipiemus
 narrare, unde necesse erit: & si non ab ultimo
 initio repetere uolemus: & si summam non par-
 ticularum narrabimus: & si non ad extremum,
 sed usque eò quod opus erit, prosequemur: & si
 transitionibus nullis utemur: & si non deerra-
 bimur ab eo quod cœperimus exponere: & si
 exitus rerum ita exponemus, ut antè quoque
 quæ facta sunt, sciri possint, tamen si nos reti-
 nuerimus. quod genus est, si dicam, me ex provin-
 cia redisse, profectum quoque in provinciam
 intell

intelligatur: & omnino non modo id quod obest,
sed etiam id quod neq; obest, neq; iuuat, satius
est praterire: & ne bis, aut saepius idem dica-
mus: cauendum est etiam ne id quod semel su-
pra diximus, deinceps dicamus, hoc modo.
Athenis Megaram uespero aduenit Simo: ubi
aduenit Megaram, insidias fecit uirgini: insi-
dias postquam fecit, nim in loco attulit.

Rem dilucide narrabimus, si ut quicq; primū
gestum erit, ita primum exponemus. & rerum,
ac temporum ordinem conseruabimus: ut gesta
res erunt, aut ut potuisse geri uidebuntur.

Hic erit considerandum, nequid perturbate,
nequid contorte, nequid ambigue, nequid noue
dicamus: nequam in aliam rem transeamus:
ne ab ultimo repetamus: ne longe prosequamur:
nequid, quod ad rem pertineat, prateramus:
& si persequemur ea, quae de breuitate praece-
pta sunt. nam quo breuior, eo dilucidior. & co-
gnitu facilior narratio fiet. Perisimilis narra-
tio erit, si ut mos, ut opinio, ut natura postulat
dicemus: si spatia temporum, personarū digni-
tates, consiliorum rationes, locorum opportuni-
tates constabunt: ne refelli possit aut temporis
parum fuisse, aut causam nullam, aut locū ido-
neum non fuisse, aut homines ipsos facere, aut
pati non potuisse. Si uera res erit, nihilominus
haec omnia narrando conseruanda sunt, nā saepe
ueritas, nisi haec seruata sint, fidem non potest



facere. Sin erunt ficta, eo magis erunt conseruanda. De his rebus caute conflagendum est, quibus in rebus tabula, aut alicuius firma auctoritas uidebitur interfuisse. Adhuc quæ dicta sunt, arbitror mihi constare cum cæteris artis scriptoribus, nisi quia de insinuatione noua excogitauimus, quod eam soli præter cæteros in tria tempora diuisimus, ut planè certam uiam, & perspicuam rationem exordiorum habereamus. Nunc, quod reliquum est, quoniam de rerum inuentione disputandum est, in qua singulare consumitur oratoris officium: dabimus operam, ut nihilo minus industrie, quàm rei utilitas postulabit, quæsisse uideamur, si prius pauca de causarum diuisione dixerimus.

C A V S A R U M diuisio in duas partes distributa est. Primum perorata narratione debemus aperire quid nobis conueniat cum aduersarijs: si ea, quæ nobis utilia erunt, conuenient, quid in controuersia relinquatur, hoc modo: Interfectam esse ab Oreste matrem conuenit mihi cum aduersarijs: iure fecerit, & licueritne facere, id est in controuersia. Item è contrario, Agamemnonem esse à Clytemnestra occisum confitentur, cum id ita sit, me ulcisci parentem negant oportuisse. Deinde cum hoc fecerimus, distributione uti debemus. Ea diuiditur in duas partes, enumerationem, & expositionem. Enumeratione utemur, cum dicemus numero,

quot

quot de rebus dicturi sumus. eam plura quam trium partium numero esse non oportet: nam & periculosum est, nequando plus, minusque dicamus, & suspicionem affert auditori meditationis, & artificij: qua res fidem abrogat orationi. *Expositio* est, cum res, quibus de rebus dicturi sumus, exponimus breuiter, & absolute. Nunc ad confirmationem transcamus.

TOTA spes uincendi, ratioque persuadendi posita est in confirmatione, & consutatione. Nam cum adiumenta nostra exposuerimus, contrariaque dissoluerimus, absolute nimirum munus oratorium confecerimus. Virumque igitur facere poterimus, si constitutionem cause cognouerimus. Causarum constitutiones alij quatuor fecerunt: noster doctor *Hermetes* tres putauit esse: non ut de illorum quicquam detraheret inuentione, sed ut ostenderet id quod oportuisset, simpliciter, & singulari modo docere, illos distribuisse dupliciter, & bipartito.

Constitutio, est prima deprecatio defensoris cum accusatoris insimulatione coniuncta. Constitutiones itaque, ut diximus, tres sunt: *Coniecturalis*, *Legitima*, *Iuridicialis*. *Coniecturalis* est, cum de facto controuersia est, hoc modo: *Ajax* in silua, postquam rescivit quae fecisset per insaniam, gladio incubuit. *Ulysses* interuenit: occisum conspiciatur: e corpore cruentum telum educit. *Tenaceus* interuenit, cum

fratrem occisum, & inimicum fratris cum gladio cruento uidet, capitis arcessit. Hic quoniam coniectura uerum queritur, de facto erit controuersia, & ex eo constitutio cause coniecturalis nominatur. Legitima constitutio est, cum in scripto, aut scriptis aliquid controuersia nascitur. Ea diuiditur in partes sex, scriptum, & sententiam, contrarias leges, ambiguum, definitionem, translationem, ratiocinationem. Ex scripto & sententia nascitur controuersia, cum uidetur scriptoris uoluntas cum scripto ipso dissentire, hoc modo: Si lex sit, que iubeat eos, qui propter tempestatem nauim reliquerint, omnia perdere: eorum nauim, ceteraq; esse, si nauis conseruata sit, qui remanserint in nauis. Magnitudine tempestatis omnes perterriti, nauim reliquerunt, & in scapham conscenderunt, preter unum egrotum: is propter morbum exire, & fugere non potuit. casu & fortuitu nauis in portum incolumis delata est: illam egrotus possidet: nauim petit ille, cuius fuerat. Hæc constitutio legitima est ex scripto & sententia. Ex contrarijs legibus controuersia constat, cum alia lex iubet, aut permittit, alia uetat quidpiam fieri, hoc modo: Lex uetat eum qui de pecunijs repetundis damnatus sit, in concione orationem habere. Altera lex iubet, augurem, in demortui locum qui petat, in concione nominare. Augur quidam damnatus de pecunijs repe-

tund

fundus, in demerui locum qui petat, nominauit:
petitur ab eo multa. Constitutio hac est legitima
ex contrarijs legibus. Ex ambiguo controuersia
nascitur, cum scriptum duas, aut plureis res si-
gnificat, hoc modo: Paterfamilias, cum filium
hæredem faceret, testamento uasa argentea uxo-
ri legauit. Tullius hæres meus Tercia uxori
mea x x x. pondo uasorum argenteorum dato,
qua uolet. Post mortem eius uasa pretiosa et
calata magnificè, illa petit: Tullius se qua ue-
lit ipse x x x. pondo ei debere dicit. Constitutio
est legitima ex ambiguo. Ex definitione causa
constat, cum in controuersia est, quo nomine fa-
ctum appelletur. ea est huiusmodi: Cum Lucius
Saturninus legem frumentariam de semisibis,
et trientibus laturus esset: Cepio, qui per id
temporis quaestor urbanus erat, docuit Senatum,
ararium non posse pati largitionem tantam.
Senatus decreuit, si eam legem ad populum fe-
rat, aduersus Rempublicam uideri eum facere.
Saturninus ferre coepit: collega intercedere: ille
nihilominus cistellam deferre. Cepio, ut illum
contra senatusconsultum intercedentibus colle-
gis aduersus Kemp. uidit ferre, cum uiris bonis
impetum facit, pontes disturbat, cistas deiecit,
impedimento est quò secius feratur lex: accer-
situr Cepio maiestatis. Constitutio est legitima
ex definitione. uocabulum enim definitur ipsum,
cum quaeritur, quid sit minuire maiestatem. Ex

translatione controuersia nascitur, cum aut
tempus differendum, aut accusatorem mutan-
dum, aut Iudices mutandos reus dicit. Hac parte
constitutionis Græci in iudicijs, nos in iure ci-
uili plerumq; utimur. In hac parte nos iuris ci-
uilibis scientia inuabit: in iudicijs tamen nonnihil
ea utimur, hoc modo: Si quis peculatus accu-
satur, quod uasa argentea publica de loco pri-
uato dicatur sustulisse, possit dicere, cum defi-
nitione sit usus, quid sit furtum, quid peculatus:
secum furci agi, non peculatus oportere. Hac
partitio legitima constitutionis his de causis ra-
ro uenit in iudicium, quod in priuata actione
prætorie exceptiones sunt, & causa cadit is,
qui non quemadmodum oportet, egerit: & in
publicis questionibus cauetur legibus, ut antè,
si reo commodum sit, iudicium de accusatore
fiat, utrum illi liceat excusare necne. Ex ratio-
cinatione controuersia constat, cum res sine pro-
pria lege uenit in iudicium, qua tamen ab alijs
legibus similitudinem quandam aucupatur. ea
est huiusmodi: Lex est, Si furiosus existet,
agnatorum, gentiliumq;: in eo, pecuniaq; eius
potestas esto. & Lex. Qui parentem necasse
indicatus erit, is obuolutus, & obligatus corio,
deiciatur in profluentem. & Lex, Paterfa-
milias, uti super familia, pecuniæ sue lega-
uerit, ita ius esto. & Lex, Si paterfamilias
intestato moritur, familia, pecuniaq; eius agna-
torum

torum gentiliūq; esto. Malleolus indicatus est matrem necasse, ei damnato statim folliculo lapino os obuolutum est, & solea lignea pedibus inducæ sunt, & in carcerem ductus est. Qui defendebant eum, tabulas in carcerem afferunt: testamentū ipso presente conscribunt: testes rite affuerūt: de illo supplicium paulo post sumitur. ij qui hæredes erant, testamento hereditatem adeunt. Frater minor Malleoli, qui eum oppugnauerat, in eius periculo suam uocat hereditatē lege agnationis. Hic certa lex in rem nulla offertur, & tamen multa afferuntur, è quibus ratiocinatio nascitur, quare potuerit, aut non potuerit iure testamentum facere. Constitutio legitima, est ex ratiocinatione. Cuiusmodi partes essent legitimæ constitutionis, ostendimus: nunc de iuridicali cōstitutione dicamus. IURIDICALIS constitutio est, cū factum conuenit, sed iure, an iniuria factū sit, queritur. Eius constitutionis partes sunt due, quarum una absoluta, altera assumptiua nominatur. Absoluta est, cū id ipsum quod factum est, ut aliud nihil foris assumatur, recte factum esse dicemus. ea est huiusmodi: Mimus quidā nominatim Accium poetam compellauit in scena: cum eo Accius iniuriarum agit. hic nihil aliud defendit: nisi licere nominare eum, cuius nomine scripta dentur agenda. Assumptiua pars est, cum per se defensio infirmata est, sed assumpta extranea re comprobata

probat. *Assumptiua partes sunt quatuor, concessio, remotio criminis, translatio criminis, comparatio. Concessio est, cum reus postulat sibi ignosci: ea diuiditur in purgationem, & deprecationem. Purgatio est, cum consulto se negat reus fecisse. Ea diuiditur in fortunam, imprudentiam, necessitatem, Fortunam, ut Cyprianus ad tribunos ple. de amissione exercitus. Imprudentiam, ut ille, qui de eo seruo, qui dominum occiderat, supplicium sumpsit, cui frater esset, antequam tabulas testamenti aperuerit: cum is seruus manumissus testamento esset. Necessitudinem, ut ille, qui ad diem commeatus non uenit, quod eum aque interclusissent. Deprecatio est, cum & peccasse & consulto fecisse confiteatur, & tamen postulat ut sui misereantur. Hoc in iudicio non ferè potest usu uenire, nisi quando pro eo dicimus, cuius multa recte facta esse constant. Hoc modo, in loco communi per amplificationem inuicemus. Quod si hoc fecisset, tamen ei pro pristinis beneficijs ignosci conueniret: uerum nihil postulat ignosci. ergo in iudicium non uenit: at in senatum, aut ante Imperatorem, & in concilium talis causa potest uenire. Ex translatione criminis causa constat, cum fecisse nos non negamus, sed aliorum peccatis coactos fecisse dicimus: ut Orestes, cum se defendit, in matrem confert crimen. Ex remotione criminis causa constat, cum à nobis non*
crimen

crimen, sed culpam ipsam amouemus, & uel in hominem transferimus, uel in rem quampiam conferimus. In hominem transfertur: ut si accusatur is, qui Publium Sulpitium se fateatur occidisse: & id iussu consulum defendat: & eos dicat non modo imperasse, sed rationem quoque ostendisse quare id facere liceret. In rem confertur, ut si quis ex testamento, quod facere iussus sit, ex plibiscito uetetur. Ex comparatione criminis causa constat, cum dicimus necesse fuisse alterutrum facere: & id, quod fecerimus, satius fuisse facere. Ea causa huiusmodi est: Caius Pompilius, cum à Gallis obsideretur, neque effugere ullo modo posset, uenit cum hostium ducibus in colloctionem: ita decessit, ut impedimenta relinqueret, exercitum educeret: satius esse duxit amittere impedimenta quam exercitum. exercitum eduxit, impedimenta reliquit, arecscitur maiestatis. Quae constitutiones, & quae constitutionum partes sint, satis uidetur ostendisse. Nunc quomodo eas, & qua uia tractari conueniat, demonstrandum est, si prius aperuerimus quid oporteat ab ambobus in causa destinari, quo ratio omnis totius orationis conferatur. Constitutione igitur reperta, statim querenda est ratio. Ratio est, qua causam facit, & continet defensionem, hoc modo, ut docendi causa in hac potissimum causa consistamus: Orestes, cum confiteatur se occidisse ma-

trem,

R H E T O R I C O R V M

A D C. H E R E N N I V M

L I B E R I I.

IN PRIMO libro Herenni, breuiter exposuimus, quas causas recipere oratorem oporteret, & in quibus officijs artis elaborare conueniret, & ea officia qua ratione facillime consequi posset. Verum quòd neque de omnibus rebus simul dici poterat, & de maximis primum scribendum fuit, quo cetera tibi faciliora cognitu uiderentur, ita nobis placitum est, ut ea, qua difficillima essent, potissimum scriberemus.

CAUSARVM tria genera sunt, demonstratiuum, deliberatiuum, iudiciale, multo difficillimum est iudiciale: ergo id primum absolue-
mus. hoc & priore libro egimus, cum de oratoris officijs tractarem, quorum inuentio & prima, & difficillima est: ea quoq; nobis erit hoc in libro propemodum absoluta: & paruam partem eius in tertium uolumen transferemus.

De sex partibus orationis primum scribere incipimus. In primo libro locuti sumus de exordio, narratione, diuisione, nec pluribus uerbis, quam necesse fuit: nec minus dilucide, quam te uelle existimabamus. Deinde coniuncte de confirmatione, & cōsutatione dicendum fuit: quare genera constitutionum, & earum parteis aperuimus

ruimus, ex quo simul ostendebatur quomodo
constitutionem, & partem constitutionis causa
posita reperiri oporteret. Deinde docuimus, iu-
dicationem quemadmodum queri conueniret:
qua inuenta, curandum ut omnis ratio totius
orationis ad eam conferatur. Postea admonui-
mus, esse causas complures, in quibus plures con-
stitutiones, aut partes constitutionum accommo-
darentur. Reliquum uidebatur esse, ut ostende-
remus quæ ratio posset inuentiones ad unam-
quamq; constitutionem, aut partem constitutio-
nis accommodare. Et item quales argumenta-
tiones, quas Greci *ἐπιχαρίματα* appellant, se-
qui, & quales uitari oporteret: quorum utruq;
pertinet ad confirmationem, & confutationem.
Deinde ad extremum docebimus, cuiusmodi
conclusionibus orationum uti oporteat, qui lo-
cus erat extremus de sex partibus orationis. Pri-
mum ergo queremus, quemadmodum quanq;
causam tractari conueniat. & nimirum conie-
cturalem, quæ prima, & difficillima est partiissi-
mum consideremus.

IN CAUSA coniecturali, narratio accu-
satoris suspensiones interiectas, & dispersas ha-
bere debet: ut nihil actum, nihil dictum, nus-
quam uentum, aut abitum, nihil deniq; factum
sine causa patetur. Defensoris narratio simpli-
cem & dilucidam expositionem debet habere
sum attenuatione suspicionis. Huius constitu-

THE HISTORY OF THE
CITY OF BOSTON
FROM THE FIRST SETTLEMENT
TO THE PRESENT TIME

IN TWO VOLUMES.
BY
NATHANIEL BENTLEY, ESQ.
OF THE BARR, AT LINCOLN'S INN.
LONDON:
PRINTED BY J. JOHNSON, ST. PAUL'S CHURCH-YARD, 173.
1791.

THE HISTORY OF THE CITY OF BOSTON, FROM THE FIRST SETTLEMENT TO THE PRESENT TIME, IN TWO VOLUMES. BY NATHANIEL BENTLEY, ESQ. OF THE BARR, AT LINCOLN'S INN. LONDON: PRINTED BY J. JOHNSON, ST. PAUL'S CHURCH-YARD, 173. 1791.

ruimus, ex quo simul ostendebatur quomodo
 constitutionem, & partis constitutionis causa
 posita reperiri oporteret. Deinde docuimus, iu-
 dicationem quemadmodum queri conueniret:
 qua inuenta, curandum ut omnis ratio totius
 orationis ad eam conferatur. Postea admonui-
 mus, esse causas complures, in quibus plures con-
 stitutiones, aut partes constitutionum accommo-
 darentur. Reliquum uidebatur esse, ut ostende-
 remus qua ratio posset inuentiones ad unam-
 quamq; constitutionem, aut partem constitutio-
 nis accommodare. Et item quales argumenta-
 tiones, quas *Græci* *ἐπιχειρήματα* appellant, se-
 qui, & quales utari oporteret: quorum utruq;
 pertinet ad confirmationem, & confutationem.
 Deinde ad extremum docuimus, cuiusmodi
 conclusionibus orationum uti oporteat, qui lo-
 cus erat extremus de sex partibus orationis. Pri-
 mum ergo queremus, quemadmodum quanq;
 causam tractari conueniat. & nimirum conie-
 cturalem, qua prima, & difficillima est parissi-
 mum consideremus.

IN CAUSA coniecturali, narratio accu-
 satoris suspensiones interiectas, & dispersas ha-
 bere debet: ut nihil actum, nihil dictum, nus-
 quam uentum, aut abierum, nihil deniq; factum
 sine causa putetur. Defensoris narratio simpli-
 cem & dilucidam expositionem debet habere
 cum attenuation suspitionis. Huius constitu-
 c tionis

tionis ratio in sex partibus est distributa: probabile, collationem, signum, argumentum, confessionem, approbationem. Horum unumquodque quid ualeat, aperiemus. Probabile est, per quod probatur expedisse reo peccare, & à simili turpitudine hominem nunquam absuisse. Id diuiditur in causam, & in uitam. Causa est ea, quæ induxit ad maleficium, commodorum spe, aut incommodorum uitatione: ut cum queritur, num quod commodum maleficio acquisierit, num honorem, num pecuniâ, num dominationem, num aliquam cupiditatem aut amoris, aut huiusmodi libidinis uoluerit explere. Aut num quod incommodum uitarit, inimicitias, infamiam, dolorem, supplicium. Hic accusator in spe commodi, cupiditatem ostendet aduersarij, in uitatione incommodi formidinem augebit. Defensor autem negabit fuisse causam, si poterit, aut eam uehementer extenuabit. Deinde iniquum esse dicet, omnes, ad quos aliquid emolumenti ex aliqua re peruenerit, in suspensionem maleficij deuocari. Deinde uita hominis ex antè factis spectabitur. In quo primum considerabit accusator, num quando simile quid fecerit. Si id non reperiet, quæret num quando uenerit in similem suspensionem: & in eo debet esse occupatus, ut ad eam causam peccati, quam paulò antè exposuerit, uita hominis possit accommodari, hoc modo: Si dicet pecuniæ causa fecisse,

ostendit

ostendet eum semper auarum fuisse: si honoris, ambitiosum: ita poterit animi vitium cum causa peccati conglutinare. Si non poterit paritium cum causa reperire, reperiat dispar. Si non poterit auarum demonstrare, demonstret corruptorem, uel perfidiosum, si quo modo poterit. deniq; aliquo, aut quamplurimis uitijs contaminabit personam: deinde qui illud fecerit tam nequiter, eundem hunc tam perperam fecisse non esse mirandum. Si uehementer castus & integer existimabitur aduersarius, dicet, facta, non famam spectari oportere, illum antè occultasse sua flagitia, se planum facturum ab eo maleficio non abesse. Defensor, primum demonstrabit uitam integram, si poterit: id si non poterit, confugiet ad imprudenciam, stultitiam, adolescentiam, uim, persuasionem: quibus de rebus, uituperatio eorum, quæ extra id crimen cruit, non debeat assignari. Sin uehementer hominis turpitudine impediatur, & infamia, prius dabit operam ut falsos rumores dissipatos esse dicat de innocente: & utetur loco communi, rumoribus credi non oportere. Si nihil eorum fieri poterit, uisur extrema defensione, & dicat, non se de moribus eius apud censores, sed de criminibus aduersariorum apud iudices dicere. Collatio est, cum accusator id, quod aduersarium fecisse criminatur, alij comuni, nisi reo bonum

c i

fuisse

fuisse demonstrat, aut alium neminem potuisse perficere, nisi aduersarium: aut eum ipsum alijs rationibus aut non potuisse, aut non equè commode potuisse: aut cum effugisse alias rationes commodiores propter cupiditatem. Hoc loco defensor ut demonstret oportet, aut alijs quoq; bono fuisse, aut alios quoq; id, quod ipse insimuletur, facere potuisse. Signum est, per quod ostenditur idonea perficiendi facultas esse quaesita, id diuiditur in partes sex: locum, tempus, spatium, occasionem, spem perficiendi, spem celandi. Locus, queritur, celebris, an desertus: semper desertus, an tum cum id factum sit, fuerit in eo loco solitudo: sacer, an profanus: publicus, an priuatus fuerit. cuiusmodi loci attingant: num qui est passus, perspectus aut exauditus esse possit. Horum quid reo, quid accusatori conueniat, perscribere non grauaremur, nisi facile quibus causa posita, posset iudicare. Initia enim inuentionis ab arte debent proficisci: cetera facile comparabit exercitatio. Tempus ita queritur, qua parte anni, qua hora, noctu, an interdiu, qua diei, qua noctis hora factum esse dicatur, & cuiusmodi temporibus. Spatium ita consideratur, satisne longum fuerit ad eam rem transigendam: & potueritne scire satis ad id perficiendum spatiij futurum. Nam parui refert satis spatiij fuisse ad id perficiendum, si id ante sciri, & ratione prouideri non potuit. Oc-
casio

casio queritur, idoneane satis fuerit ad rem
adoriendam, an alia melior, quae aut prae-
rita sit, aut non expectata. Spes perficiendi,
quae fuerit spectabitur, hoc modo: si quae su-
pradicta sunt signa, concurrent: si praeterea
ex altera parte uires, pecunia, consilium, sci-
entia, apparatus: ex altera parte imbecillitas,
inopia, stultitia, imprudentia, inapparatio de-
monstrabitur fuisse. quare scire poterit, utrum
diffidendum, an confidendum fuerit. Spes ce-
landi quae fuerit, queritur ex conscijs, arbi-
tris, adiutoribus, liberis, aut seruis, aut
uerisq;. Argumentum, est per quod res co-
arguitur certioribus argumentis, et magis fir-
ma suspicione. id diuiditur in tempora tria:
praeteritum, instans, consequens. In praeteri-
to tempore oportet considerare ubi fuerit, ubi
uisus sit, quocum uisus sit, num quid appa-
rarit, num quem conuenerit, num quid dixe-
rit, num quem habuerit de conscijs, de adiuto-
ribus, de adiamentis, num quid in eo loco pra-
ter consuetudinem fecerit, aut alieno tempore.
In instanti tempore queritur num uisus sit
cum faciebat, num qui strepitus, clamor, crepi-
tus exauditus sit: aut denique num quid ali-
quo sensu perceptum sit, aspectu, auditu, ta-
ctu, odoratu, gustatu. nam quibus horum sen-
sus potest constare suspensionem. In consequenti
tempore spectabitur, num quid re transacta,

fratrem occisum, & inimicum fratris cum gladio cruento uidet, capitis arcessit. Hic quoniam coniectura uerum queritur, de facto erit controuersia, & ex eo constitutio causa coniecturalis nominatur. Legitima constitutio est, cum in scripto, aut scriptis aliquid controuersia nascitur. Ea diuiditur in partes sex, scriptum, & sententiam, contrarias leges, ambiguum, definitionem, translationem, ratiocinationem. Ex scripto & sententia nascitur controuersia, cum uidetur scriptoris uoluntas cum scripto ipso dissentire, hoc modo: Si lex sit, que iubeat eos, qui propter tempestatem nauim reliquerint, omnia perdere: eorum nauim, ceteraq; esse, si nauis conseruata sit, qui remanserint in naui. Magnitudine tempestatis omnes perterriti, nauim reliquerunt, & in scapham conscenderunt, prater unum agrotum: is propter morbum exire, & fugere non potuit. casu & fortuitu nauis in portum incolumis delata est: illam agrotus possidet: nauim petit ille, cuius fuerat. Hæc constitutio legitima est ex scripto & sententia. Ex contrarijs legibus controuersia constat, cum alia lex iubet, aut permittit, alia uetat quidpiam fieri, hoc modo: Lex uetat eum qui de pecunijs repetundis damnatus sit, in concione orationem habere. Altera lex iubet, augurem, in demortui locum qui petat, in concione nominare. Augur quidam damnatus de pecunijs repe-

tund

sundis, in demortui locum qui petat, nominauit:
petitur ab eo multa. Constitutio hac est legitima
ex contrarijs legibus. Ex ambiguo controuersia
nascitur, cum scriptum duas, aut plureis res si-
gnificat, hoc modo: Paterfamilias, cum filium
heredem faceret, testamento uasa argentea uxori
legauit. Tullius haeres meus Terentia uxori
meae x x x. pondo uasorum argenteorum dato,
qua uolet. Post mortem eius uasa pretiosa &
calata magnifice, illa petit: Tullius se qua ue-
lit ipse x x x. pondo ei debere dicit. Constitutio
est legitima ex ambiguo. Ex definitione causa
constat, cum in controuersia est, quo nomine fa-
ctum appelletur, ea est huiusmodi: Cum Lucius
Saturninus legem frumentariam de semisibus,
& trientibus laturus esset: Cepio, qui per id
temporis quaestor urbanus erat, docuit Senatam,
ararium non posse pati lurgitionem tantam.
Senatus decreuit, si eam legem ad populum fe-
rat, aduersus Rempublicam uideri cum facere.
Saturninus ferre coepit: collega intercedere: ille
nihilominus cistellam deferre. Cepio, ut illum
contra senatusconsultum intercedentibus colle-
gis aduersus Remp. uidit ferre, cum uiris bonis
impetum facit, pontes disturbat, cistas deiecit,
impedimento est quò secius feratur lex: accer-
situr Cepio maiestatis. Constitutio est legitima
ex definitione. uocabulum enim definitur ipsum,
cum quaeritur, quid sit minuire maiestatem. Ex

translatione controuersia nascitur, cum aut
tempus differendum, aut accusatorem mutan-
dum, aut Iudices mutandos reus dicit. Hac parte
constitutionis Græci in iudicijs, nos in iure ci-
uili plerunq; utimur. In hac parte nos iuris ci-
uilis scientia inuabit: in iudicijs tamen nonnihil
ea utimur, hoc modo: Si quis peculatus accu-
satur, quod uasa argentea publica de loco pri-
uato dicatur sustulisse, possit dicere, cum defi-
nitione sit usus, quid sit furtum, quid peculatus:
secum furti agi, non peculatus oportere. Hac
partitio legitima constitutionis his de causis ra-
ro uenit in iudicium, quod in priuata actione
prætorie exceptiones sunt, & causa cadit is,
qui non quemadmodum oportet, egerit: & in
publicis questionibus cauetur legibus, ut antè,
si reo commodum sit, iudicium de accusatore
fiat, utrum illi liceat excusare necne. Ex ratio-
cinatione controuersia constat, cum res sine pro-
pria lege uenit in iudicium, qua tamen ab alijs
legibus similitudinem quandam aucupatur. ea
est huiusmodi: Lex est, Si furiosus existeret,
agnatorum, gentiliumq;: in eo, pecuniaq; eius
potestas esto. & Lex. Qui parentem necasse
indicatus erit, is obuolutus, & obligatus corio,
deiciatur in profluentem. & Lex, Paterfa-
milias, uti super familia, pecuniæ suæ lega-
uerit, ita ius esto. & Lex, Si paterfamilias
intestato moritur, familia, pecuniaq; eius agna-
torum

torum gentiliūq; cōsto. Malleolus indicatus
 est matrem necasse, ei damnato statim folliculo
 lupino os obvolutum est, & solea lignea pedibus
 indueta sunt, & in carcerem ductus est. Qui
 defendebant eum, tabulas in carcerem afferunt:
 testamentū ipso praesente conscribunt: testes rite
 affuerūt: de illo supplicium paulo post sumitur.
 ij qui haeredes erant, testamento hereditatem
 adeunt. Frater minor Malleoli, qui eum oppu-
 gnauerat, in eius periculo suam uocat heredi-
 tatē lege agnationis. Hic certa lex in rem nulla
 affertur, & tamen multa afferuntur, ē quibus
 ratiocinatio nascitur, quare potuerit, aut non
 potuerit iure testamentum facere. Constitutio le-
 gitima, est ex ratiocinatione. Cuiusmodi partes
 essent legitimae constitutionis, ostendimus: nunc
 de iuridicali cōstitutione dicamus. IURIDI-
 CIALIS constitutio est, cum factum conuenit,
 sed iure, an iniuria factū sit, queritur. Eius con-
 stitutionis partes sunt duae, quarum una abso-
 luta, altera assumptiua nominatur. Absoluta
 est, cum id ipsum quod factum est, ut aliud nihil
 foris assumatur, recte factum esse dicemus. ea est
 huiusmodi: Minus quidā nominatim Accium
 poetam compellant in scena: cum eo Accius
 iniuriarum agit. hic nihil aliud defendit: nisi li-
 cere nominare eum, cuius nomine scripta dentur
 agenda. Assumptiua pars est, cum per se defen-
 sio infirmata est, sed assumpta extranea re com-
 proba

probat. *Assumptiua partes sunt quatuor, concessio, remotio criminis, translatio criminis, comparatio. Concessio est, cum reus postulat sibi ignosci: ea diuiditur in purgationem, & deprecationem. Purgatio est, cum consulto se negat reus fecisse. Ea diuiditur in fortunam, imprudentiam, necessitatem, Fortunam, ut Cyprianus ad tribunos ple. de amissione exercitus. Imprudentiam, ut ille, qui de eo seruo, qui dominum occiderat, supplicium sumpsit, cui frater esset, antequam tabulas testamenti aperuerit: cum is seruus manumissus testamento esset. Necessitudinem, ut ille, qui ad diem commeatus non uenit, quod eum aque interclusissent. Deprecatio est, cum & peccasse & consulto fecisse confiteatur, & tamen postulat ut sui misereantur. Hoc in iudicio non ferè potest usu uenire, nisi quando pro eo dicimus, cuius multa recte facta esse constant. Hoc modo, in loco communi per amplificationem inuicemus. Quod si hoc fecisset, tamen ei pro pristinis beneficijs ignosci conueniret: uerum nihil postulat ignosci, ergo in iudicium non uenit: at in senatum, aut ante Imperatorem, & in concilium talis causa potest uenire. Ex translatione criminis causa constat, cum fecisse nos non negamus, sed aliorum peccatis coactos fecisse dicimus: ut Orestes, cum se defendit, in matrem confert crimen. Ex remotione criminis causa constat, cum à nobis non*
crimen

crimen, sed culpam ipsam amouemus. & uel in hominem transferimus, uel in rem quampiam conferimus. In hominem transferitur: ut si accusetur is, qui Publium Sulpitium se fateatur occidisse, & id iussu consulum defendat: & eos dicat non modo imperasse, sed rationem quoque ostendisse quare id facere liceret. In rem confertur, ut si quis ex testamento, quod facere iussus sit, ex plibiscito ueretur. Ex comparatione criminis causa constat, cum dicimus necesse fuisse aliterurum facere: & id, quod fecerimus, satius fuisse facere. Ea causa huiusmodi est: Caius Pompilius, cum à Gallis obsideretur, neque effugere ullo modo posset, uenit cum hostium ducibus in colloquutionem: ita decessit, ut impedimenta relinqueret, exercitum educeret: satius esse duxit amittere impedimenta quam exercitum. exercitum eduxit, impedimenta reliquit, arcescitur maiestatis. Quae constitutiones, & quae constitutionum partes sint, satis uidetur ostendisse. Nunc quomodo eas, & quae uia tractari conueniat, demonstrandum est, si prius aperuerimus quid oporteat ab amobus in causa destinari, quo ratio omnis totius orationis conferatur. Constitutione igitur reperta, statim querenda est ratio. Ratio est, quae causam facit, & continet defensionem, hoc modo, ut docendi causa in hac potissimum causa consistamus: Orestes, cum confiteatur se occidisse matrem,

rem, nisi attulerit facti rationem, peruerit defensionem. ergo affert eam : quæ nisi intercederet, ne causa quidem esset. illa enim, inquit, patrem meum occiderat. Ergo, ut ostendi, ratio ea est, quæ continet defensionem, sine qua nec parua quidē dubitatio potest remorari damnationem. Inuenta ratione, firmamentum querendum est : id est, quod accusationem continet, quodq; affertur contra rationem defensionis, de qua antè dictum est. Id constituetur hoc modo: Cum usus fuerit Orestes ratione, hoc pacto, Iure occidi. illa enim patrem meum occiderat: uetur accusator firmamento, hoc modo: Sed non abs te tamen occidi, neq; indemnatum pœnas pendere oportuit. Ex ratione defensionis, & ex firmamento accusationis, iudicij questio nascatur oportet : quam nos iudicationem, Græci *ὑπομνησιν* appellant. Ea cōstituitur ex coniunctione firmamenti & rationis defensione, hoc modo: Cum dicat Orestes, se patris ulciscendi causa matrem occidisse, rectumne fuerit à filio sine iudicio Clytemnestram occidi. Ergo hac ratione iudicationem inuenire conuenit. Inuenta iudicatione, omnem rationem totius orationis eò conferri oportebit. In omnibus constitutionibus, & partibus constitutionum hac uia iudicationes reperientur, præterquam in coniecturali constitutione : nam in ea nec ratio, quare feceris queritur, fecisse enim negatur : nec firmamen-

rum exquiritur : quoniam non subest ratio.
Quare ex intentione & inficiatione iudicatio
constituitur , hoc modo : Intentio , Occidisti
Aiacem. Inficiatio , Non occidi. Iudicatio,
occideris'ne. Ratio omnis utriusque orationis,
ut antè dictum est , ad hanc iudicationem con-
ferenda est. Si plures erunt constitutiones , aut
partes constitutionum , iudicationes quoq; plu-
res erunt in una causa , sed omnes simili ratione
reperientur. Sedulo dedimus operam , ut breui-
ter , & dilucide quibus de rebus adhuc dicen-
dum fuit , diceremus. Nunc , quoniam satis
huius voluminis magnitudo creuit , commodius
est in altero libro de ceteris rebus deinceps ex-
ponere . nequa propter multitudinem literarum
possit animum tuum defatigatio retardare. sed,
si quidem hæc tardius , quàm studes , absol-
uentur , cum rerum magnitudini , tum nostris
quoque occupationibus assignare debebis. Re-
runtamen maturabimus , & quod negotio
diminutum fuerit , exaquarebimus in-
dustria : ut pro tuo in nos officio,
& nostro in te studio munus
hoc accumulatiſſimè
tue largiamur
volunta-
ti.

R H E T O R I C O R V M

A D C. H E R E N N I V M

L I B E R I I.



IN PRIMO libro Herenni, bre-
uiter exposuimus, quas causas re-
cipere oratorem oporteret, & in
quibus officijs artis elaborare con-
ueniret, & ea officia qua ratione facillime con-
sequi posset. Verum quod neque de omnibus re-
bus simul dici poterat, & de maximis primum
scribendum fuit, quo cetera tibi faciliora co-
gnitu uiderentur, ita nobis placitum est, ut ea,
qua difficillima essent, potissimum scriberemus,
CAVSARVM tria genera sunt, demonstra-
tiuum, deliberatiuum, iudiciale, multo difficil-
limum est iudiciale: ergo id primum absolue-
mus. hoc & priore libro egimus, cum de ora-
toris officijs tractarem, quorum inuentio &
prima, & difficillima est: ea quoque nobis erit
hoc in libro propemodum absoluta: & paruam
partem eius in tertium uolumen transferemus.
De sex partibus orationis primum scribere in-
cepimus. In primo libro locuti sumus de exor-
dio, narratione, diuisione, nec pluribus uerbis,
quam necesse fuit: nec minus dilucide, quam te
uelle existimabamus. Deinde coniuncte de con-
firmatione, & consutatione dicendum fuit: quare
genera constitutionum, & earum parteis ape-

rimus

ruimus, ex quo simul ostendebatur quomodo
 constitutionem, & partis constitutionis causa
 posita reperiri oporteret. Deinde docuimus, iu-
 dicationem quemadmodum queri conueniret:
 qua inuenta, curandum ut omnis ratio totius
 orationis ad eam conferatur. Postea admonui-
 mus, esse causas complures, in quibus plures con-
 stitutiones, aut partes constitutionum accommo-
 darentur. Reliquum uidebatur esse, ut ostende-
 remus quae ratio posset inuentiones ad unam-
 quamq; constitutionem, aut partem constitutio-
 nis accommodare. Et item quales argumenta-
 tiones, quas Graeci ἐπιχειρήματα appellant, se-
 qui, & quales uitari oporteret: quorum utruq;
 pertinet ad confirmationem, & confutationem.
 Deinde ad extremum docebimus, cuiusmodi
 conclusionibus orationum uti oporteat, qui lo-
 cus erat extremus de sex partibus orationis. Pri-
 mum ergo queremus, quemadmodum quamq;
 causam tractari conueniat. & nimirum conie-
 cturalem, quae prima, & difficillima est parti-
 sum consideremus.

IN CAUSA coniecturali, narratio accu-
 satoris suspiciones interiectas, & dispersas ha-
 bere debet: ut nihil actum, nihil dictum, nus-
 quam uentum, aut abutum, nihil deniq; factum
 sine causa putetur. Defensoris narratio simpli-
 cem & dilucidam expositionem debet habere
 cum attenuatione suspicionis. Huius constitu-

tionis ratio in sex partibus est distributa: probabile, collationem, signum, argumentum, consecutionem, approbationem. Horum unumquodque quid ualeat, aperiemus. Probabile est, per quod probatur expedisse reo peccare, & à simili turpitudine hominem nunquam absuisse. Id diuiditur in causam, & in uitam. Causa est ea, quæ induxit ad maleficium, commodorum spe, aut incommodorum euitatione: ut cum queritur, num quod commodum maleficio acquisierit, num honorem, num pecuniâ, num dominationem, num aliquam cupiditatem aut amoris, aut huiusmodi libidinis uoluerit explere. Aut num quod incommodum uitauit, inimicitias, infamiam, dolorem, supplicium. Hic accusator in spe commodi, cupiditatem ostendet aduersarij, in uitatione incommodi formidinem augebit. Defensor autem negabit fuisse causam, si poterit, aut eam uehementer extenuabit. Deinde iniquum esse dicet, omnes, ad quos aliquid emolumenti ex aliqua re peruenerit, in suspicionem maleficij deuocari. Deinde uita hominis ex antè factis spectabitur. In quo primum considerabit accusator, num quando simile quid fecerit. Si id non reperiet, quæret num quando uenerit in similem suspicionem: & in eo debebit esse occupatus, ut ad eam causam peccati, quam paulò antè exposuerit, uita hominis possit accommodari, hoc modo: Si dicet pecunie causa fecisse,

ostendit

ostendet eum semper auarum fuisse: si hono-
ris, ambitiosum: ita poterit animi uitium cum
causa peccati congluinare. Si non poterit par
uitium cum causa reperire, reperiat dispar. Si
non poterit auarum demonstrare, demonstret
corruptiorem, uel perfidiosum, si quo modo pote-
rit. deniq; aliquo, aut quamplurimis uitijs con-
taminabit personam: deinde qui illud fecerit
tam nequiter, eundem hunc tam perperam fe-
cisse non esse mirandum. Si uehementer ca-
stus & integer existimabitur aduersarius,
dicet, facta, non famam spectari oportere,
illum ante occultasse sua flagitia, se planum
facturum ab eo maleficium non abesse. De-
fensor, primum demonstrabit uitam integram,
si poterit: id si non poterit, confugiet ad im-
prudenciam, stultitiam, adolescentiam, uim,
persuasionem: quibus de rebus, uituperatio eo-
rum, quae extra id crimen erant, non debeat
assignari. Sin uehementer hominis turpitudine
impedietur, & infamia, prius dabit operam ut
falsos rumores dissipatos esse dicat de innocen-
te: & utetur loco communi, rumoribus credi
non oportere. Si nihil eorum fieri poterit, uia-
tur extrema defensione, & dicat, non se de mo-
ribus eius apud censores, sed de criminibus ad-
uersariorum apud iudices dicere. Collatio est,
cum accusator id, quod aduersarium fecif-
se criminatur, alij nemini, nisi reo bonum

fuisse demonstrat, aut alium neminem potuisse perficere, nisi aduersarium: aut eum ipsum alijs rationibus aut non potuisse, aut non equè commode potuisse: aut cum effugisse alias rationes commodiores propter cupiditatem. Hoc loco defensor ut demonstret oportet, aut alijs quoq; bono fuisse, aut alios quoq; id, quod ipse insimuletur, facere potuisse. Signum est, per quod ostenditur idonea perficiendi facultas esse quesita, id diuiditur in partes sex: locum, tempus, spatium, occasionem, spem perficiendi, spem celandi. Locus, queritur, celebris, an desertus: semper desertus, an tum cum id factum sit, fuerit in eo loco solitudo: sacer, an profanus: publicus, an priuatus fuerit. cuiusmodi loci attingant: num qui est passus, perspectus aut exauditus esse possit. Horum quid reo, quid accusatori conueniat, perscribere non grauaremur, nisi facile quiniis causa posita, posset iudicare. Initia enim inuentionis ab arte debent proficisci: cetera facile comparabit exercitatio. Tempus ita queritur, qua parte anni, qua hora, noctu, an interdiu, qua dici, qua noctis hora factum esse dicatur, & cuiusmodi temporibus. Spatium ita consideratur, satisne longum fuerit ad eam rem transigendam: & potueritne scire satis ad id perficiendum spatiij futurum. Nam parui refert satis spatiij fuisse ad id perficiendum, si id ante sciri, & ratione prouideri non potuit. Oc-
casio

caso queritur, idoneane satis fuerit ad rem
adoriendam, an alia melior, quae aut prae-
rita sit, aut non expectata. Spes perficiendi,
quae fuerit spectabitur, hoc modo: si quae su-
pradicta sunt signa, concurrent: si praeterea
ex altera parte vires, pecunia, consilium, sci-
entia, apparatus: ex altera parte imbecillitas,
inopia, stultitia, imprudentia, inapparatio de-
monstrabitur fuisse. quare scire poterit, utrum
diffidendum, an confidendum fuerit. Spes ce-
landi quae fuerit, queritur ex conscijs, arbi-
tris, adiutoribus, liberis, aut servis, aut
utrisq;. Argumentum, est per quod res co-
arguitur certioribus argumentis, & magis fir-
ma suspicione. id diuiditur in tempora tria:
praeitium, instans, consequens. In praeiti-
o tempore oportet considerare ubi fuerit, ubi
uisus sit, quocum uisus sit, num quid appa-
raris, num quem conuenerit, num quid dixe-
rit, num quem habuerit de conscijs, de adiuto-
ribus, de adiamentis, num quid in eo loco pra-
eter consuetudinem fecerit, aut alieno tempore.
In instanti tempore queritur num uisus sit
cum faciebat, num qui strepitus, clamor, crepi-
tus exauditus sit: aut denique num quid ali-
quo sensu perceptum sit, aspectu, auditu, ta-
ctu, odoratu, gustatu. nam quibus horum sens-
us potest constare suspensionem. In consequenti
tempore spectabitur, num quid re transacta,

relictum sit quod iudicet aut factum esse malef-
 ficiū, aut a quo factum sit. Factum esse, hoc
 modo: si tumore, aut liuore decoloratum est cor-
 pus mortui. significat cum ueneno necatum.
 A quo factum sit, hoc modo: si telum, si uesti-
 mentum, siquid eiusmodi relictum sit, aut si ue-
 stigium rei fuerit, aut si cruor in uestimentis: si
 aut in eo loco comprehensus, aut uisus sit trans-
 acto negotio, quo in loco res gesta dicitur. Con-
 secutio est, cum queritur, quæ signa nocentis,
 & innocentis consequi soleant. Accusator
 dicet, si poterit, aduersarium, cum ad eum uen-
 tum sit, erubuisse, expalluisse, titubasse, incon-
 stanter locutum esse, concidisse, pollicitum esse
 aliquid: quæ signa conscientia sunt. Si reus ho-
 rum nihil fecerit, accusator dicet, eum usque-
 adeo præmeditatum fuisse quid sibi esset usu
 uenturum, ut confidentissime resistens respon-
 deret: quæ signa, confidentia, non innocentia
 sunt. Defensor, si pertimuerit, magnitudine pe-
 riculi, non conscientia peccati se commotum es-
 se dicet. Si non pertimuerit, fretum innocentia
 negabit esse commotum. Approbatio est, qua
 utimur ad extremum confirmata suspicione. Ea
 habet locos proprios, atq; communes. Proprii
 sunt ij, quibus nisi accusator, nemo potest uti:
 & ij, quibus nisi defensor. Communes sunt, quæ
 alia in causa ab reo, alia ab accusatore tractan-
 tur. In causa coniecturali proprius locus ac-
 cusat

cufatoris est, cum dicit malorum miseri non
 oportere. & cum argui peccati atrocitatem.
 Defensoris proprius locus est, cum misericor-
 diam capiat. & cum accusatorem calumniari
 criminatur. Communes loci sunt cum accusato-
 ris, cum defensoris, à testibus, contra testes, à
 quaestionibus, contra quaestiones, ab argumen-
 tis, contra argumentum, à rumoribus, contra
 rumores. A testibus dicemus, secundum au-
 thoritatem, & uitam testium, & constantiam
 testimoniorum. Contra testes, uita turpitudi-
 nem, testimoniorum inconstantiam, si aut fi-
 ri non potuisse dicemus, aut non factum esse
 quod dicunt, aut scire illos non potuisse, aut cu-
 pide dicere, & argumentari. hac & ad impro-
 bationem, & approbationem testium perue-
 bunt. A quaestionibus dicemus, cum demon-
 strabimus, maiores nostros ueri inueniendi cau-
 sa tormētis, & cruciatu noluisse queri, & sum-
 mo dolore homines cogi, ut quicquid sciant di-
 cunt. Et praeterea confirmatio hac erit disputa-
 tio, si quae dicta erunt argumentando, iisdem uis,
 quibus omnis cōiectura tractatur, trahimus ad
 uerisimilem suspicionem, idemq; hoc in testimo-
 nijs ficere oportebit. Contra quaestiones hoc mo-
 do dicemus, primum, maiores uoluisse certis in-
 rebus interponi quaestiones: cum quae uere di-
 cerentur, sciri: quae falso in quaestione pronun-
 tiarentur, refelli possent. hoc modo: Quo in

loco quid positum sit, & siquid esset simile, quod uideri, aut aliquo simili signo percipi posset: deinde, dolori credi non oportere, quòd aliud alio recentior sit in dolore, quòd ingeniosior ad comminiscendum, quòd deniq; sepe scire, aut suspicari possit, quid quesitor uelit audire: quod cum dixerit, intelligat sibi finem doloris futurum. Hæc disputatio comprobabitur, si refellamus, quæ in questionibus erunt dicta probabili argumentatione: idq; partibus coniecturæ, quas antè exposuimus, facere oportebit. Ab argumentis, & signis, & cæteris locis, quibus augetur suspicio, dicere hoc modo conuenit: *Quum multa concurrant argumenta, & signa, quæ inter se consentiant, rem perspicuam, non suspiciosam uideri oportere. item plus oportere signis, & argumentis credi quàm testibus. hæc enim eo modo exponi, quo modo reuera sunt gesta: testes corrumpti posse uel pretio, uel gratia, uel metu, uel similitate. Contra argumenta & signa, & cæteras suspiciones dicemus hoc modo: si demonstrabimus, nullam rem esse, quam non suspicionibus quibus possit criminari, deinde, unamquamq; suspensionem extenuabimus, & dabimus operam ut ostendamus, nihil magis in nos eam, quàm in alium quempiam conuenire: indignum esse facinus sine testibus, coniecturam, & suspensionem firmamentis satis habere.* A rumoribus dicemus: si negabimus

gabimus temere famam nasci solere, quin subsit
aliquid, & si dicemus causam non fuisse qua-
re quispiam confingeret & comminisceretur.
Et praterea si ceteri falsi soleant esse: argumen-
tabimur hunc esse uerum. Contra rumores di-
cemus primum, si docebimus multos esse falsos
rumores, & exemplis, utemur, de quibus falsa
fama fuerit: & aut inimicos nostros, aut ho-
mines natura maleuolos, & maledicos confin-
xisse dicemus: & aliquam aut fictam fabulam
in aduersarios asseremus, quam dicamus omni-
bus in ore esse: aut uerum rumorem proferem-
us, qui illis aliquid turpitudinis asserat, neq;
tamen ei rumori nos fidem habere dicemus,
ideo quod quiuis homo possit quemuis turpem
de quolibet rumorem proferre, & confictam fa-
bulam dissipare. Veruntamen si rumor uehe-
menter probabilis esse uidebitur, argumentan-
do fame fidem poterimus abrogare. Quod &
difficillima tractatu est constitutio coniectura-
lis, & in ueris causis sepiissime tractanda est, eo
diligentius omneis eius partes perscrutati su-
mus, ut ne paruula quidem inubatione, aut of-
fensione impediremur, si ad hanc rationem pre-
ceptionis assiduitatem exercitationis accommo-
daremus. Nunc ad legitime constitutionis par-
tis transeamus.

CUM uoluntas scriptoris cum scripto dissi-
dere uidebitur, si a scripto dicemus, his locis

utemur secundum narrationem. Primum scriptoris collaudatione. Deinde scripti recitatione. Deinde perscuntatione, scirentne aduersarij id scriptum fuisse in lege, aut in testamento, aut in stipulatione, aut in quolibet scripto, quod ad eam rem pertineat? Deinde collatione quid scriptum sit, quid aduersarij se fecisse dicant: quid iudicem sequi conueniat, utrum id quod diligenter perscriptum sit, an id quod acutè sit excogitatum? deinde ea sententia, quæ ab aduersarijs sit excogitata, & scripto attributa, contemnetur, & infirmabitur. Deinde quæretur quid ei obfuerit, si id uoluisset scribere, ut non potuerit perscribere. Deinde à nobis sententia reperietur, et causa proferetur quare id scriptor senserit, quod perscripsit, & demonstrabitur scriptum esse illud dilucide, breuiter, commodè, perfectè, certa cum ratione. Deinde exempla proferentur, quæ res, cum ab aduersarijs sententia redderetur, & uoluntas afferretur, à scripto potius iudicata sint. Deinde ostendetur, quàm periculosum sit à scripto recedere. Locus communis est contra eum, qui, cum fateatur se contra id, quod legibus sancitum, aut testamento perscriptum sit, fecisse, tamen facti querat defensionem. A sententia sic dicemus: Primum laudabimus scriptoris commoditatem, atque breuitatem, quòd tantum scripserit quod necesse fuerit: illud, quod sine scripto intelligi

telligi potuerit, non necessario scribendum pu-
 tarit. Deinde dicemus calumniatoris esse offi-
 cium, uerba & literas sequi, negligere uolun-
 tatem. Deinde id quod scriptum sit, aut non
 posse fieri, aut non lege, non more, non natura;
 non bono & a quo posse fieri: qua omnia uoluis-
 se scriptorem quam rectissime fieri nemo dubi-
 tet, at ea qua à nobis facta sint, iustissime facta.
 Deinde contrariam sententiam, aut nullam esse,
 aut stultam, aut iniustam, aut non posse fieri,
 aut non constare cum superioribus, & inferio-
 ribus sententijs, aut cum iure communi, aut
 cum alijs legibus communibus, aut cum rebus
 iudicatis dissentire. Deinde exemplorum à uo-
 luntate, & contra scriptum indicatorum enu-
 meratione ueniamur. Deinde legum, & stipula-
 tionum breuiter exceptarum, in quibus intelli-
 gatur scriptorum uoluntas, & expositio. Locus
 communis contra eum, qui scriptum recitet, &
 uoluntatem scriptoris non interpreteetur. Cum
 duæ leges inter se discrepant, uidendum est pri-
 mum, num qua abrogatio, aut derogatio sit.
 Deinde, utrum leges ita dissentiant ut altera in-
 beat, altera uetet: an ita ut altera cogat, altera
 permittat. Infirma enim erit eius defensio, qui
 negabit se fecisse, quod cogereetur, cū altera lex
 permitteret. plus enim ualeat sanctio permissio-
 ne. Item illa defensio tenuis est, cum ostenditur
 id factū esse quod ea lex sanciat, cui legi abro-
 garum,

patum, uel derogatum sit : id quod posteriori
lege sancitum sit, esse neglectū. Cū hæc erunt
considerata, statim nostræ legis expositione, re-
citatione, collaudatione uicemur. Deinde, con-
trariæ legis enodabimus uoluntatem, & eam
trahemus ad nostræ causæ commodum. Deinde
de iuridicali absoluta sumemus rationem iu-
ris, & quæremus partem iuris, utrum cum ea
faciat : de qua parte posterius differemus. Si
ambiguum esse scriptū putabitur, quod in duas
aut plureis sententiæ trahi possit, hoc modo tra-
ctandum est : Primum, si ne ambiguum, qua-
rendum est. Deinde quomodo scriptum esset si
id quod aduersarij interpretantur, scriptor fieri
uoluisset, ostendendum est. Deinde id quod nos
interpretemur & fieri posse, & honeste, recte,
lege, more, natura, bono, & æquo fieri posse,
quod aduersarij interpretantur è contrario: nec
esse ambigū scriptum, cum intelligatur utra
sententia uera sit. Sunt qui arbitrantur ad hanc
causam tractandam, uehementer pertinere co-
gnitionem amphilogiarum eam, quæ à diale-
cticis profertur. Nos uerò arbitramur, non mo-
do nullo adiumento esse, sed potius maximo im-
pedimento. omnes enim illi amphilogias aucu-
pantur, eas etiam quæ ex altera parte senten-
tiam nullā possunt interpretari. Itaq; & alieni
sermonis molesti interpellatores, et scripti tum
odiosi, tum obscuri interpretes sunt: & dū cau-
re, exp

id, expedireq; loqui uolunt, infansissimè repe-
riuntur. Ita dum metuunt, in dicendo nequid
ambiguum dicant, nomē suum pronuntiare non
possunt. Verum horum pueriles opiniones, re-
ctissimis rationibus cum uoles, refellemus. In
presentia hac interserere non alienum fuit, ut
huius infantie garrulam disciplinā contemne-
remus. Cum definitione utemur, primum afferē-
mus breuem uocabuli definitionem, hoc modò:
Maiestatem is minuit, qui ea tollit, ex quibus
rebus ciuitatis amplitudo constat: quæ sunt ea,
quæ capiunt suffragia populi, & magistratus
consilium. Nempe igitur tu & populum suf-
fragio, & magistratum consilio priuasti, cum
pontes disturbasti. Item ex cōtrario, Maiesta-
tem is minuit, qui amplitudinem ciuitatis de-
trimento affecit. Ego non affeci, sed prohibui
detrimento. ararium enim conseruaui, libidini
malorum restiti, maiestatem omnem intecrue
non passus sum. Primum igitur uocabuli senten-
tia breuiter, & ad utilitatem causa accommo-
data describitur. Deinde, factū nostrum cum
uerbi descriptione coniungetur. Deinde, cōtrā-
rie descriptionis ratio refelletur, si aut falsa
erit, aut inutilis, aut turpis, aut iniuriosa. Id
quoq; ex iuris partibus sumetur de inuidiciali
absoluta, de qua iam loquemur. Quæritur in
translationibus, primum, num aliquis eius rei
actionem, petitionem, possessionem, aut execu-
tionem

tionem habeat, quem non oporteat, num alio modo, tempore, loco, num alia lege, num alio querente, aut agente. Hac legibus, & moribus a quo, & bono reperitur, de quibus dicitur in iuridicali absoluta. In causa rationali primum queretur, ecquid in rebus maioribus, aut minoribus, aut similibus, similiter scriptum, aut indicatum sit. deinde, utrum ea res similis sit rei, de qua agitur, an dissimilis: deinde utrum consulto de ea re scriptum non sit, quod noluerit cauere, an quod satis cautum putarit, propter ceterorum scriptorum similitudinem. De partibus legitima constitutionis satis dictum est, nunc ad iuridicalem reuertamur. ABSOLUTA iuridicali constitutione utemur, cum ipsam rem, quam nos fecisse confitemur, iure factam dicimus, sine ulla assumptione extraria defensionis. in ea conuenit queri, iurēne factum sit. De eo causa posita dicere poterimus, si ex quibus partibus ius constat, cognouerimus. Constat igitur ius ex his partibus, natura, lege, consuetudine, iudicato, a quo & bono, pacto. Natura ius est, quod cognationis, aut pietatis causa obseruatur: quo iure parentes a liberis, & a parentibus liberi coluntur. Lege ius est id, quod populi iussu sancitum est, quod genus, Vt in ius eas, cum noceris. Consuetudine ius est id, quod sine lege aque, ac si legitimum sit, usitatum est: quod genus id: Quod argentiario obtuleris expensum.

pensum, à socio eius rectè repetere possit. Iudicatum est id, de quo sententia lata est, aut decretum interpositum. Ea saepe diuersa sunt, ut aliud aly iudici, aut praetori, aut consuli, aut tribuno plebis placitum sit: & fit, ut de eadem re saepe alius aliud decreuerit, aut iudicauerit. quod genus, *M. Drusus* Praetor urbanus, quod cum herede mandati ageretur, iudicium reddidit: *Sextus Iulius* non reddidit. Item *Caius Calius* index absoluit iniuriarum cum qui *Lucilium* poetam in scena nominatum laeserat: *Publius Atrius* eum, qui *L. Accium* poetam nominauerat, condemnauit. Ergo quia possunt res simili de causa dissimiliter iudicata proferri, cum id usu uenerit: iudicem cum iudice, tempus cum tempore, numerum cum numero iudiciorum proferemus. Ex aequo & bono ius cõstat, quod ad ueritatem, & utilitatem communem uidetur pertinere: quod genus, ut maior annis *L. X.* & cui morbus causa est, cognitorem det. Ex eo nouum ius constitutum conuenit ex tẽpore, et hominis dignitate. Ex pacto ius est siquid inter se pepigerint, siquid inter quos conuenit. Pacta sunt, quae legibus obseruanda sunt, hoc modo: Rem ubi pagunt, oratione pagunt: in comitio, aut in foro ante meridiem causam conijcito. Sunt item pacta, quae sine legibus obseruantur ex conueniu: quae iuri praeferre dicantur. His igitur paribus iniuriam demonstrat

demonstrari, ius confirmari conuenit, idq; in absoluta iuridiciali faciendum uidetur. C V M ex comparatione quaeretur, utrum satius fuerit agere id, quod reus dicat se fecisse: an id quod accusator dicat oportuisse fieri: primum queri conuenit utrum fuerit uilius ex contentione: hoc est, utrum uenustius, facilius, conducibilius, deinde oportebit queri, ipsum ne oportuerit iudicare: utrum fuerit uilius: an aliorum fuerit statuendi potestas. deinde interponetur ab accusatore suspicio ex coniecturali constitutione, quare puetur nō ea ratione factum esse, quo melius deteriori anteponeretur: sed dolo malo negotium gestū. deinde quaeretur potueritne uitari, ne in eum locū ueniretur. Ab defensore cōtra refelletur argumentatio cōiecturalis aliqua probabili causa, de qua antē dictū est. His locis ita tractatis, accusator utetur loco communi in cum, qui inutile uili praposuerit, cū statuendi non habuerit potestatem. Defensor, contra eos qui equum censeant, rem perniciosam uili praeponi, utetur loco communi per conquestionem, & simul quaeret ab accusatoribus & ab iudicibus ipsis quid facturi essent, si in eo loco fuissent: & tempus, locum, rem, deliberationem suam ponet ante oculos. Translatio criminis est, cū ab reo facti causa in aliorum peccatū transferitur, in qua primum quarendum est, iurēne in alium crimen transferatur.

feratur. deinde spectandū est, an eque magnum sit illud peccatum, quod in alium transferatur, atq; illud quod reus suscepisse fateatur. deinde oportueritne in ea re peccare, in qua alius ante peccarit, deinde oportueritne iudicium ante fieri. deinde, cum factum iudicium non sit de illo crimine, quod in alium transferatur, oporteatne de ea re iudicium fieri, quæ res in iudicium non uenerit. Locus communis accusatoris, contra eum, qui plus censeat uim, quam iudicia ualere oportere. Et ab aduersarijs percontabitur accusator quid futurum sit, si idem ceteri faciant: ut de indemnatis supplicium sumant, quod eos idē fecisse dicat. quid si ipse accusator idem facere uoluisset: Defensor eorum peccati atrocitatem proferet, in quos crimen transferetur. rē, locū, tempus ante oculos ponet, ut ij, qui audient, existiment, aut non potuisse, aut non fuisse utile rem in iudiciū uenire. Concessio est, per quam nobis ignosci postulamus, ea diuiditur in purgationem, & deprecationem. Purgatio est, cum consulto à nobis factū negamus. ea diuiditur in necessitudinē, fortunā, imprudentiā. De his primum partibus ostendendum est: deinde ad deprecationē reuertendum uidetur. Primum, considerandū est, utrum per culpam uentū sit in necessitudinē: num culpam ueniendi necessitudo fecerit. deinde querendum est, æquo modo uis illa uitari potuerit, ac leuanda

d


ri. dein

ri. deinde is qui in necessitudinem causam conferet, expertusne sit quid contra facere, aut excogitare posset. deinde, num quæ suspensiones ex coniecturali constitutione trahi possint, quæ significant id consulto factū esse quod necessario accidisse dicitur. deinde, si maxime necessitudo quæpiam fuerit, conueniatne eam satis idoneam causam putari. Si autem imprudentia reus se peccasse dicet, primum quaeritur, utrū potuerit scire, an non potuerit. deinde, utrum data sit opera ut sciretur, an non deinde, utrum casu nescierit, an culpa. nam qui se propter uinum, aut amorem, aut iracundiam fugisse rationem dicet, is animi uitio uidebitur nescisse, non imprudentia. quare non imprudentia se defendet, sed culpa contaminabitur. deinde, coniecturali constitutione quaeritur utrum scierit, aut ignorauerit: & considerabitur, satisne imprudentia praesidiū debeat esse, cū factum esse constet. Cum in fortunam causa conferetur, & ea re defensor ignosci dicet reo oportere: eadem omnia uidentur considerata quæ de necessitudine praescripta sunt. etenim hæ tres partes purgationis inter se finitimæ sunt, ut in omnes eadem ferè possint accommodari. Loci cōmunes in his causis: Accusatoris contra eū, qui cum se peccasse confiteatur, tamen oratione iudices mouetur. Defensoris, de humanitate, misericordia uoluntatem in omnibus rebus spectari conuenire: &

quæ

qua consilio facta non sint, ea fraudi esse non
oportere. Deprecatione utemur, cum fatebimur
nos peccasse, neq; id imprudenter, aut fortuitum,
aut necessario fecisse dicemus: & tamen ignosci
nobis postulabimus. Sic ignoscendi ratio qua-
ritur ex ijs locis, si plura, aut maiora officia,
quam maleficia uidebuntur cōstare: si qua vir-
tus, aut nobilitas erit in eo qui supplicabit: si
qua spes erit, usui futurū si sine supplicio disces-
serit: si ipse ille supplex, māsuctus, & misericors
in potestatibus ostendetur fuisse: si ea qua pec-
cavit, non odio, non crudelitate, sed officio, &
recto studio cōmota fecit: si tali de causa alijs
quoq; ignotum est: si nihil ab eo periculi nobis
futurum uidebitur: si eum missum fecerimus: si
nulla aut a nostris ciuibus, aut ab aliqua ciui-
tate uinuperatio ex ea re suscipitur. Zoci com-
munes, de humanitate, fortuna, misericordia,
rerum cōmutatione. His locis omnibus ex con-
trario utetur is, qui cōtradicer, cum amplifica-
tione, & enumeratione omnium peccatorum.
Hac causa iudicialis fieri nō potest, ut in primo
libro ostendimus, se quēd potest uel ad sena-
tum, uel ad conciliū uenire, non uisa est super-
sedenda. Cum a nobis crimē remouere uolumus,
aut in rem, aut in hominem nostri peccati cau-
sam conferemus. Si causa in hominē confertur,
querendum erit primum potueritne tantum,
quantum reus demonstrabit is, in quem causa

d 2 confe



conferetur : & ecquonam modo aut honestè,
aut sine periculo potuerit obsistè, si maxime ita
sit: num ea re concedi reo conueniat, quod alie-
no inductu fecerit. deinde in coniecturalem
trahetur controuersiam, & quæretur num
consulto factum sit. Si causa in rem quandam
conferetur, & hæc eadem ferè, & omnia,
quæ de necessitudine præcepimus, consideranda
erunt. QVONIAM satis ostendisse uidemur
quibus argumentationibus in unoquoque ge-
nere causæ iudicialis uti conueniret. consequi
uidetur ut doceamus quemadmodum ipsas ar-
gumentationes ornatè, & absolutè tractare
possimus. nam ferè non difficile est inuenire
quid sit causæ adiumento: difficillimū uero est,
inuentum expolire, & expedite pronuntiare.
hæc enim res facit ut neq; diutius, quàm satis sit,
in eisdem locis commoremur: neq; eodẽ iden-
tidẽ reuoluamur: neq; inchoatam argumen-
tationem relinquamus: neque incommode ad
aliam deinceps transcamus. Itaq; hæc ratione
& ipsi meminisse poterimus quid quoquo loco
dixerimus: & auditor cum totius causæ, tum
uniuscuiusq; argumentationis distributionem
percipere, & meminisse poterit. Ergo absolu-
tissima, & perfectissima argumentatio est ea,
quæ in quinq; partibus est distributa: propositio-
nem, rationem, rationis confirmationem, exorna-
tionem, complexionem. Propositio est, per quam
ostend

ostendimus summatim quid sit quod probare
uolumus. Ratio est, causa, quæ demonstrat id
uerum esse quod intendimus, breui subiectione.
Rationis confirmatio est ea quæ pluribus argu-
mentis corroborat breuiter exposita rationem.
Exornatio est, quæ utimur rei honestandæ, &
collocupletandæ causâ confirmata argumen-
tatione. Complexio est, quæ concludit breuiter col-
ligens parteis argumentationis. Hisce igitur
quinque partibus ut absolutissime utamur, hoc
modo tractabimus argumentationem. Causam
ostendemus *Ulyssi* fuisse quare interfecerit *Aia-
cem*, inimicum enim acerrimum de medio tol-
lere uolebat, à quo sibi non iniuria summum pe-
riculum metuebat. uidebat illo incolumi, se
incolumem non futurum. sperabat illius morte,
se salutem sibi comparare, consueuerat, si iure
non poterat, quauis iniuria inimico exitiū ma-
chinari. cui rei mors indigna *Palamedis* testi-
monium dat. Ergo & metus periculi hortaba-
tur eum interimere, à quo supplicium uerebatur
& consuetudo peccandi, maleficij suscipiendi
remouebat dubitationem. Omnes enim cum mi-
nima peccata cum causâ suscipiunt, tum uero
illa, quæ multo maxima sunt maleficia, aliquo
certo emolumento inducti suscipere conantur.
Si multos induxit in peccatum pecunie spes, si
complures scelere se contaminauerunt imperij
cupidine, si multi leue compendium fraude

maxima commutauerunt : cui *pirum* uidebitur , istum à maleficio propter acerrimam formidinem non temperasse ? Virum fortissimum , integerrimum , inimicitarum persequentissimum , iniuria laceratum , ira excitatum , homo timidus , nocens , conscius sui peccati , insidiosus , inimicum incolumē esse noluit : cui tandem hoc *murum* uidebitur ? Nam cum seras bestias uideamus alacres , & erectas uadere , ut alteri bestia noceant : non est incredibile putandum , istius quoq; animum ferum , crudelem , atq; inhumanum cupide ad inimici perniciem profectum : praesertim cū in bestiis nullam neq; bonam , neq; malam rationem uideamus : in isto plurimus , & pessimus rationes semper fuisse intelligamus . Si ergo pollicitus sum , me daturum causam , qua inductus *Ulysses* accesserit ad maleficiū , & si inimicitarum acerrimam rationem , & periculi motū intercessisse demonstrari : non est dubium quin confiteatur causam maleficij fuisse . Ergo absolutissima est argumentatio ea , quae ex quinque partibus constat : sed ea nō semper necesse est uti . Tum enim complexione supersedendū est , si res breuis est , ut facile memoria comprehendatur : tum exornatio praetermittenda est , si parum locuples ad amplificandum , & exornandum res uidetur esse . Sin & brevis erit argumētatio , & res tenuis , aut humilis , tum & exornatione & complexione

plexione supersedendum est. In omni argumen-
tatione de duabus partibus postremis, hac, quā
exposui, ratio est habenda. Ergo amplissima est
argumentatio quinquepartita: breuissima est tri-
partita: mediocris, sublaui aut exornatione aut
complexione quadripartita. GENERA duo
sunt uitiosarum argumentationum: unum, quod
ab aduersario reprehēdi potest, idq; pertinet ad
causam: alterum, quod tamen si nugatorium est,
tamen non indiget reprehensione. Quae sunt quae
reprehensione confutari conueniat, quae tacite
contemni, atq; uitari sine reprehensione, si exem-
pla subiecerō, intelligere dilucide poteris. Hae
cognitio uitiosarum argumentationum dupli-
cem utilitatem asseret. nam & uitare in argu-
mentatione uitium admonēbit, & ab alijs non
uitatum commodē reprehendere docebit. Quo-
niam igitur ostendimus perfectam, & plenam
argumentationem ex quinque partibus consta-
re, in unaquaque parte argumentationis quae
uitia euitanda sunt consideremus: ut & ipsi
ab his uitjs recedere, & aduersariorum ar-
gumentationes hac praeceptione in omnibus
partibus tentare, & ab aliqua parte labefacta-
re possimus. Expositio uitiosa est, cum ab ali-
qua, aut a maiore parte ad omnes confertur
id, quod non necessario est omnibus attribu-
tum: ut si quis hoc modo exponat: Omnes, qui
in paupertate sunt, malum maleficio parare

diuitias, quàm officio paupertatem tueri. Si quis hoc modo exposuerit argumentationem, ut non curet querere qualis ratio, aut rationis confirmatio sit: ipsam facile reprehendemus expositionem, cum ostendemus id, quod in aliquo paupere improbo sit, in omnes pauperes falsò & iniuria conferri. Item uitiosa expositio est, cum id quod raro fit, fieri omnino negatur: hoc modo: Nemo potest uno aspectu, neq; prateriens in amorem incidere. nam cum non nemo deuenit in amorem uno aspectu, & cum ille neminem dixerit, omnino nihil differt raro id fieri, dummodo aliquando fieri, aut posse fieri intelligatur. Item uitiosa expositio est, cum omneis res ostendemus nos collegisse, & aliquam rem idoneam praterimus, hoc modo: Quoniam igitur hominem occisum constat esse, necesse est aut à pradonibus, aut ab inimicis occisum esse, aut abs te, quem ille heredem testamento ex parte faciebat. pradones illo loco nunquam sunt nisi: inimicum nullum habebat: relinquitur, si neq; à pradonibus, neq; ab inimicis occisus est, quod alteri non erant, alteros non habebat, ut abs te sit interemptus. Nam in huiusmodi expositione, reprehensione utemur, si quos prater eos, quos ille dixerit, potuisse suscipere maleficium, ostenderimus: uelut in hoc exemplo, cum dixeris necesse esse aut à pradonibus, aut ab inimicis, aut à nobis occisum esse: dicemus potuisse uel à familia,

milīa, uel à coheredis nostris. Cum hoc modo illorum collectionem disturbauerimus, nobis latiore locum defendendi relinquemus. Ergo hoc quoq; uitandum est in expositione, nequando, cum omnia collegisse uideamur, aliquam idoneam partem reliquerimus. Item uitiosa expositio est, quæ constat ex falsa enumeratione: ut si, cum plura sunt, pauciora dicamus, hoc modo: *Due res sunt, Iudices, quæ omnes ad maleficiū impellunt, luxuries, & auaritia, Quid amor, inquit quispiam: quid ambitio, quid religio, quid metus mortis, quid imperij cupiditas, quid deniq; alia permulta?* Item falsa enumeratio est, cum pauciora sunt, & plura dicimus, hoc modo: *Tres res sunt, quæ omnes homines sollicitant: metus, cupiditas, agritudo. Satis fuerat dixisse metum, & cupiditatem: quoniam agritudinem cum utraq; re coniunctam esse necesse est.* Item uitiosa expositio est, quæ nimium longe repetitur, hoc modo: *Omnium malorum stultitia est mater, quæ parit immensas cupiditates: immensa porro cupiditates infinita, & immoderata sunt: hæc pariunt auaritiā: auaritia porro hominem ad quoduis maleficiū impellit. igitur auaritia inducti aduersarij nostri, hoc in se faciū admiserunt.* Hic id quod extremum dictum est, satis fuit exponere, ne Ennium, & ceteros poetas imitemur, quibus hoc modo loqui concessum est.

Ex Euripide. Vinam'ne in nemore Pelio securibus
Cæsa cecidissent abiecta ad terram trabes.
Neue inde navis inchoanda exordium
Coepisset, quæ nunc nominatur nomine
Argo, quæ ueluti Argiui delecti uiri,
Petebant illam pellem inauratam arietis
Colchis, imperio regis Pelie per dolum:
Nam nunquam hera errans mea, domo effer-
ret pedem

Medea, animo agra, amore suo saucia.
Nam hic satis erat dicere (si id modo, quod esset
satis, curasset poeta)

Vinam'ne hera errans mea, domo efferret pedem

Medea, animo agra, amore suo saucia.

Ergo hac quoque ab ultimo repetitione in expo-
sitionibus magnopere supersedendum est. non
enim reprehensione eget, sicut aliæ complures,
sed sua sponte vitiosa est.

Vitiosa ratio est, quæ ad expositionem non est
accommodata, uel propter infirmitatem, uel
propter uanitatem.

Infirma ratio est, quæ non necessario ostendit ita
esse, quemadmodum expositum est, uelut apud
Plautum.

Amicum castigare ob meritam noxiam,

Immane Immane est facinus, uerum in aetate utile,
Et conducibile-

Hæc expositio est. Videam⁹ quæ ratio afferatur,
Nam ego amicum hodie meum

Non

Non castigabo pro commerita noxia. Con castigabo.

Ex eo quod ipse facturus est, non ex eo quod fieri conuenit, utile quid sit ratiocinatur. Vanaratio est, quæ ex falsa causa constat, hoc modo: Amor fugiendus non est: nam ex eo uerissima nascitur amicitia, aut hoc modo, Philosophia uitanda est: affert enim secediam, atque desidiam. Nam hæ rationes, nisi falsæ essent, expositiones quoque earum ueras esse confiteremur. Item infirma ratio est, quæ non necessariam causam affert expositionis, uelut Pacuuius.

Fortunam insanam esse, & cecam, & brutam perhibent philosophi,

Saxoq; instare globoso predicant uolubili.

Ideo quò saxum impulerit, eò cadere fortunam autumant,

Cecam, ob eam rem iterant, quia nihil cernat, quò sese applicet.

Insanam autem aiunt, quia atrox, incerta, instabilisq; sit.

Brutam, quia dignum, atque indignum neque ut internoscere.

Sunt autem alij philosophi, qui contrà, fortunam negent

Miseriam esse ullam, sed temeritate omnia regi ad magis

Verisimile aiunt, quod usus reipsa experiundo edocet,

Velut Orestes modo fuit rex, modo mendicus

cus factus est.

Nausfragio res contigit. nempe ergo haud fortuna obtigit,

Nam hic Pacuvius infirma ratione utitur, cum ait, uerius esse temeritate, quam fortuna res regere. nam utraq; opinione philosophorum fieri potuit, ut is, qui rex fuisset, mendicus factus esset. Item infirma ratio est, quae uidetur pro ratione afferri, sed idem dicit, quod in expositione dictum est, hoc modo: Magna malo est omnibus auaritia, ideo quod homines magnis, & multis incommodis conflantur propter immensam pecunia cupiditatem. Nam hic alijs uerbis idem per rationem dicitur, quod dictum est per expositionem. Item infirma ratio est, quae minus idoneam, quam res postulat, causam subijcit expositioni, hoc modo: Utilis est sapientia, propterea quod qui sapientes sunt, pietatem colere consueverunt. Item utile est amicos ueros habere. habes enim quibus cum iocari possis. nam huiusmodi in rationibus non uniuersali, neq; absoluta, sed extenuata ratione expositio confirmatur. Item infirma ratio est, quae uel alij expositioni potest accommodari, ut facit Pacuvius, qui eadem affert rationem quare caca, eandem quare bruta fortuna dicatur. IN confirmatione rationis multa & uitanda in nostra, & obseruanda in aduersariorum ratione sunt uitia, proptereaq; diligentius consideranda sunt, quod accurata confirmat

firmatio rationis totam uehementissime compro-
bat argumentationem. Triuntur igitur studiosi
in confirmanda ratione duplici conclusione, hoc
modo:

Iniuria abs te afficior indigna pater:

Nam, si improbum Threspontem existimaueras,

Cur me huic locabas nuptijs? sin est probus,

Cur talem inuitam inuitum cogis linquere?

*Quae ex modo concludentur, aut ex contrario
conuerterentur, aut ex simplici parte reprehenden-
tur. Ex contrario, hoc modo:*

Nulla te indigna nata afficio iniuria:

Si probus est, bene locavi: sin est improbus,

Diuotio te liberabo incommodis,

*Ex simplici parte reprehenduntur, si ex duplici
conclusionem alterutra pars diluitur, hoc modo:*

Nam si improbum Threspontem existimaueras,

Cur me huic locabas nuptijs? Duxi probum,

Erravi, post cognoui, & fugio cognitum.

*Ergo reprehensio huius conclusionis duplex est:
acutior illa superior, faciliior hac posterior ad
excogitandum. Item uitiosa est confirmatio ra-
tionis, cum ea re, qua plura significat, abutimur
pro certo unius rei signo, hoc modo: Necessse est,
quoniam pallet, agrotasse: aut necesse est pepe-
rissse, quoniam sustinet puerum infantem. Nam
hac sua sponte certa signa non habent, si non
caetera quoq; similia concurrant: quod si con-
currerint, nonnihil huiusmodi signa adaugere
sust*

suspicionem. Item uitiosum est, cū uel in alium, uel in eum ipsum, qui dicit id, quod in aduersarium dicitur, potest conuenire, hoc modo:

Miseri sunt, qui uxores ducunt: at tu duxisti aliam.

Item uitiosum est id, quod uulgarem habet defensionem, hoc modo: Iracundia inductus peccauit, aut adolescentia, aut amore. huiusmodi enim deprecationes si probabuntur, impune maxima peccata dilabentur. Item uitiosum est, cum id pro certo sumitur, quod inter omnibus non constat: quia etiam nunc in controuersia est, hoc modo:

Eho tu, Dii, quibus est potestas, motus superiorum, atq; inferum,

Pacem inter sese conciliant, conferunt concordiam.

Nam ita pro suo iure, hoc exemplo usum Threspontem Ennius induxit, quasi iam satis certis rationibus ita esse demonstrasset. Item uitiosum est, quod iam quasi sero, atq; actō negotio dici uidetur, hoc modo: In mentem mihi si uenisset Quirites, non commissem ut hunc in locum res ueniret. nam hoc, aut hoc fecissem: sed me tum hac ratio fugit. Item uitiosum est, cum id quod in aperto delicto positum est, tamen aliqua leui regitur defensione, hoc modo:

Cum te expetebam omnes, florentissimo

Regno reliqui, nunc desertum ab omnibus,

Summa

Summo periculo solus, ut restituam paro.

Item uitiosum est, quod aliam in partem, ac dictum sit, potest accipi. id est huiusmodi: ut si quis potens, ac factiosus in concione dixerit: Satius est uti regibus, quam malis legibus. nam hoc, tamen si rei arguenda causa potest sine malitia dici, tamen propter potentiam eius, qui dicit, non dicitur sine atroci suspitione. Item uitiosum est, falsis, aut uulgaribus definitionibus uti. Falsa sunt huiusmodi: si quis dicat iniuriam nullam esse, nisi que ex pulsatione, aut conuitio constet. Vulgares sunt: que nihilo minus in aliam rem transferri possunt, ut si quis dicat: quadruplator, ut breuiter describam, capitalis est. est enim improbus, & pestifer ciuis. nam nihilo magis quadruplatoris, quam furis, quem sicarij, aut proditoris attulit definitionem. Item uitiosum est, pro argumento sumere, quod in disquisitione positum est: ut si quis quam furti arguat, dicat eum esse hominem improbum, auarum, fraudulentum, ei rei testimonium esse quod sibi furtum fecerit. Item uitiosum est, controuersiam controuersia dissoluere, hoc modo: Non conuenit Censores istum uobis satisfacere ex eo quod ait, se non potuisse adesse ita ut iuratus fuerat: quod si ad exercitum non uenisset, id ne tribuno militum diceret? Hoc ideo uitiosum est, quia non expedita, aut indicata res, sed impedita, & in simili controuersia posita, exempli

loca

loco profertur. Item uitiosum est, cum id, de quo summa controuersia est, parum expeditur, & quasi transactum sit, relinquitur, hoc modo:

Aperite fatur dictio, si intelligas:

Tali dari arma, qualis, qui gessit, fuit.

Iubet, potiri si studeamus Pergamo.

Qua ego profiteor esse mea. nam me aquum est frui

Fraternis armis, mihiq; adiudicariet,

Vel quod propinquus, uel quod uirtute amulus. Item uitiosum est, ipsum sibi in sua oratione dissentire, & contra ea qua ante dixerit, dicere hoc modo:

Qua causa accussem hunc, nequeo exponendo euoluere.

Nā si ueretur quid eū accusē, qui est probus?

Sin inuerecundum animi ingenium possidet.

Quid eum accussem, qui id parui auditum existimet?

Non incommoda ratione uidetur sibi ostendisse quare non accusaret. quid quod postea ait?

Nunc ego te ab summo iam detexam exordio.

*Item uitiosum est, quod dicitur contra iudicis uoluntatem, aut eorum qui audiunt: si aut partes quibus illi student, aut homines quos illi caros habent, ledantur: aut aliquo huiusmodi uitio leditur auditoris uoluntas. Item uitiosum est, non omnes res confirmare quas pollicitus sis in expositione. Item uerendum est, ne de aliare
dicat.*

dicatur, cum alia de re cōtrouersia sit, inq; huiusmodi uitio considerandum est, ne aut ad rem addatur quid, aut quippiam de re detrahatur, aut tota causa mutata, in aliā causam deriuatur. Vti apud Pacuuiū Zethus cum Amphione, quorum controuersia cum de musica induta sit, disputatio in sapientiæ ratione, & uirtutis utilitatē consumitur. Item considerandum est, ne aliud accusatoris criminatio contineat, aliud defensoris ratio purget: quod sepe cōsulso multi ab re faciunt angustijs causa coacti. Vti si quis cum accusetur ambitu magistratum petisse, ab imperatoribus sepenumero se apud exercitiū donatū esse dicat. Hoc si diligenter in aduersariorū oratione obseruauerimus, sepeprehendemus, & in eiusmodi deprehensione ostendemus eos de ea re quid dicant, non habere. Item uitiosum est, artem, aut scientiam, aut studium quodpiam uituperare propter eorū uitia, qui in eo studio sunt: ueluti qui Rhetoricam uituperant propter alicuius oratoris uituperandam uitam. Item uitiosum est, ex eo quod perperam factum esse cōstat, putare ostendit à quo homine factum est, hoc modo: Mortuum deformatum, timore pradiū, corpore decoloratum constat fuisse, ergo ueneno necatus est. Deinde, si sit usqueadeo in eo occupatus, ut multi faciunt, uenenum datum, uitio non mediocri conflicetur. non enim factūne sit, quariur, sed à

quo factum sit. Item uitiosum est, in comparandis rebus alteram rem offerre, de altera mentionem non facere, aut negligenter disputare. ut si compareretur, utrum satius sit populum frumentum accipere, an non accipere: quæ comoda sint, in altera re curet enumerare, quæ in altera re incommoda sint, uelut depressa prætereat: aut ea, quæ minima sunt, dicat. Item uitiosum est, in rebus comparandis necesse putari, alteram rem uituperari, cum alteram laudes: quod genus, si queratur, utris maior honor habendus sit Albensibus, an V. gentinis, quod Reipu. & populo Romano profuerunt: & is qui dicat, alteris alteros lædat. Non enim necesse est, si alteros præponas, alteros uituperare. fieri enim potest, ut cum alteros magis laudaris, aliquam alteris partem laudis attribuas, ne cupide pugnasse contra ueritatem puteris. Item uitiosum est, de nomine, & uocabulo eius rei controuersiam struere, quam rem consuetudo optime potest indicare: uelut Sulpitius, qui intercesserat, ne exules, quibus causam dicere non licuisset, reducerentur: idem posterius immutata uoluntate, cum eandem legem ferret, aliam sese ferre dicebat propter nominum commutationem. nam non exules, sed ui eiectos se reducere aiebat: proinde quasi id fuisset in controuersia, quo illi nomine appellarentur à populo Roma. aut proinde quasi non omnes, quibus aqua, & igni interd-

ctum

Etum est, exules appellentur. Verum illi fortasse ignoscimus, si cum causa fecit: nos tamen intelligimus uitiosum esse intendere controuersiam propter nominum mutationem. **Q**UONIAM exornatio constat ex similibus, & exemplis, & amplificationibus: & iudicatis rebus, & ceteris que pertinent ad exaggerandam, & collocupletandam argumentationem: quæ sint his rebus uitia consideremus. Simile uitiosum est, quod ex aliqua parte dissimile est, nec habet paræ rationem cõparationis: aut sibi ipsi obest qui affert. Exemplum uitiosum est, si aut falsum est, ut reprehendatur: aut si improbum, ut non sit imitandum: aut maius, aut minus, quàm res postulabit. Res iudicata uitiose profertur, si aut dissimili de re profertur: aut de ea re, de qua controuersia nõ est: aut si improba, aut eiusmodi ut aut plures, aut magis idoneæ res iudicæ ab aduersarijs proferrî possint. Item uitiosum est id, quod aduersarij factum esse confiteantur, de eo argumentari, & planum facere factum esse. nam id tantum augeri oportet. Item uitiosum est, id augere, quod cõuenit doceri hoc modo: *Ut* si quis, quẽ arguat hominẽ occidisse: & antè, quàm satis idoneas argumentationes attulerit, augeat peccatũ, & dicat, nihil indignius esse, quàm hominem occidere. non enim utrum indignum sit, an nõ, sed factumne sit, queritur. Complexio uitiosa est, quæ non ut quicq; primũ

dictum est, primum complectitur: & quæ non breuiter concluditur: & quæ nõ enumeratione certum, & constans aliquid relinquit, ut intelligatur, quid propositum in argumentatione, sit: quid deinde ratione, quid confirmatione, quid tota argumentatione demonstratum sit.

CONCLUSIONES, quæ apud Græcos *ἰνδολογίαι* nominantur, tripartitæ sunt, nam constant ex enumeratione, amplificatione, & commiseratione. Quatuor locis uti possumus conclusionibus: in principio, secundum narrationem, secundum firmissimam argumentationem, in conclusione. Enumeratio est, per quam colligimus, & commonemus quibus de rebus uerba fecerimus, breuiter: ut renouetur, non redintegretur oratio: & ordine, quicquid erit dictum, referemus: ut auditor, si memorie mandauerit, ad id quod ipse meminert, reducatur. In qua curandum est ne aut ab exordio, aut à narratione repetatur orationis enumeratio. Ficta enim, & dedita opera comparata oratio uidebitur esse, artificij significandi, aut ingenij uendicandi, uel memorie ostentanda causa. quapropter initium enumerationis sumendum est à diuisione, deinde ordine breuiter exponenda sunt res, quæ tractatæ erūt in confirmatione & confutatione. Amplificatio, est res quæ per locum communem instigationis auditorum causa sumitur. Loci cōmunes ex decem præceptis commodis

modissime sumuntur ad augēdi criminis causa.
 Primus locus sumitur ab autoritate, cum com-
 memoramus, quanta cura ea res fuerit dys im-
 mortalibus, aut maioribus nostris regibus, ci-
 uitatibus, nationibus, hominibus sapientissimis,
 Senatui. item maximè quomodo de his rebus
 in legibus sancitum sit. Secundus locus est, cum
 consideramus, ille res, de quibus criminamur,
 ad quos pertineat: utrum ad omnes, quod atro-
 cissimum est: an ad superiores, (quod genus hi
 sunt, à quibus autoritatis locus communis sumi-
 tur) an ad pares, hoc est in eisdē partibus ani-
 mi, corporis, fortunariū positos: an ad inferiores
 qui omnibus his rebus autecelluntur. Tertius
 locus est, quo percontamur quid sit euenturum,
 si omnibus idem cōcedatur: & ea re neglecta,
 ostendemus quid periculorum, aut incōmodor-
 um consequatur. Quartus locus est, quo de-
 monstratur, si huic sit remissum, mul. os ala-
 criorēs ad maleficia futuros, quos adhuc expe-
 ctatio iudiciū remoratur. Quintus locus est, per
 quem ostendimus, si semel aliter iudicatum sit,
 nullam rem fore, quæ incōmodo mederi, aut
 perperam factum, aut erratum iudicium corri-
 gere possit. quo in loco non incōmodum erit, ut
 ceterarum rerum comparatione, ut ostendamus
 alias res posse aut uetustate sedari, aut consilio
 corrigi: huius rei, aut leniunde, aut corrigendæ
 nullam rem adiumento futuram. Sextus locus

est, cum ostendimus ex consulto factū, & dicemus uoluntario facinori nullam esse excusationem, sed imprudentiæ iustā deprecationē paratam. Septimus locus est, quo ostendimus tetrum facinus, crudele, nefarium, tyrannicū esse: quod genius, iniuriæ mulierū, aut earū rerum aliquid, quarum rerū causa, bella suscipiuntur, & cum hostibūs de uita dimicatur. Octauus locus est, quo ostendimus, non uulgare, sed singulare esse maleficium, spurcū, nefariū, inusitatū: quo maturius & atrocius uindicandum sit. Nonus locus constat ex peccatorū comparatione, quasi cum dicemus, maus esse maleficiū superare ingenia, quā sacrum ledere: quod propter egestatem alterum, alterū propter intemperantē superbiam fiat. Decimus locus est, per quē omnia, quæ in negotio gerendo acti sunt, quæq; rem consequi solent, exponemus acriter, & criminose, & diligēter, ut agi res, & geri negotium uideatur rerū consequentiū enumeratione. Misericordia cōmouebitur auditoris animus, si uaria fortunarū commutationem dicemus: si ostendimus, in quibus commodis fuimus, quibusq; incommodis simus comparatione: si quæ nobis futura sint, nisi causam obtinuerimus, enumerabimus & ostendimus: si supplicabimus, & nos sub eorum, quorum misericordiam captabimus, potestatem subiiciemus. si quid nostris parentibus, liberis, cæteris necessarijs casurum sit propter

propter nostras calamitates, asperimus. Et simul ostendimus, illorum nos sollicitudine. Et miseria, non nostris incommodis dolere. si de clementia, humanitate, misericordia nostra, qua in alios usi sumus, asperimus. si nos semper, aut diu in malis fuisse ostendimus. si nostrum fatum, aut fortunam conqueremur si animum nostrum fortem, patientem incommodorum ostendimus futurum. Commiserationem breuem esse oportet. Nihil enim lacryma citius arefcit. Ferè locos obscurissimos totius artificij tractauimus in hoc libro: qua propter huic uolumini modus hic sit. reliquis preceptiones, quoad uidebitur, in tertium librum transferemus. Hæc si, ut conquisite conscripsimus, ita ut diligenter fueris consuetus: Et nos industria fructus ex tua scientia capiemus. Et tute nostram diligentiam laudabis, tuaq; perceptione letabere: tu scientior crïs præceptorum artificio, nos alacriores ad reliquum persoluumdum. Perum hac futura facis scio. te enim non ignoro. sed nos deinceps ad cætera præcepta transiamus, ut
 (quod libentissime facimus) tue uoluntati
 rectissime morem gera-
 mus.

R H E T O R I C O R V M

A D C. H E R E N N I V M

L I B E R I I I.



AD OMNEM iudiciale[m] causam
 quemadmodum conueniret inuen-
 tionem rerum accommodari, satis
 abundanter, ut arbitror, superiori-
 bus libris demonstratum est. Nunc earum ra-
 tionem rerum inueniendarum, quæ pertinebant
 ad causas deliberatiuas, & demonstratiuas, in
 hunc librum transtulimus: ut omnis inueniendi
 præceptio tibi quàm primum persolueretur. Re-
 liquæ quatuor partes erant artificij, De tribus
 partibus in hoc libro dicemus, dispositione, pro-
 nuntiatione, & memoria. De elocutione, quia
 plura dicenda uidebantur, in quarto libro con-
 scribere maluimus: quàm, ut arbitror, tibi li-
 brum celeriter absolutum mittemus, ne quid tibi
 rhetoricæ artis deesse possit. Interea prima
 quæq; & nobiscum, cum uoles, & interdum
 sine nobis legendo consequere, nequid impedia-
 re quin ad hanc utilitatem pariter nobiscum
 progredi possis. Nunc tu fac ut attentum te præ-
 beas, nos proficisci ad instituta pergemus.

DELIBERATIONES partim sunt hu-
 iusmodi, ut queratur, utrū potius faciendum sit:
 partim huiusmodi, ut quid potissimum facien-
 dum, consideretur. Utrū potius, hoc modo: Car-
 thago

thago tollenda, an relinquenda uideatur. Quid
 potissimum, hoc pacto: Præ si Annibal consul-
 set, cum ex Italia Carthaginem accersitur, an
 in Italia remaneat, an domum redeat, an in
 Aegyptum profectus, occupet Alexandriam.
 Item deliberationes partim ipsa propter se con-
 sultanda sunt: ut si deliberet Senatus, captiuos
 ab hostibus redimat, an non, partim propter ali-
 quam extraneam causam ueniunt in delibera-
 tionem, & consultationem: ut si deliberet Se-
 natus, bello Italico soluat ne legibus Scipio-
 nis, ut ei liceat ante tempus consulere fieri partim
 & propter se sunt deliberanda, & magis pro-
 pter extraneam causam ueniunt in consulta-
 tionem: ut si deliberet Senatus, bello Italico socijs
 ciuitatem det, an non. In quibus causis rei na-
 tura faciet deliberationem, omnis ratio ad ipsam
 rem accommodabitur: in quibus extranea cau-
 sa conficiet deliberationem, in his ea ipsa erit
 causa ad augenda, aut deprimenda. Omnem ra-
 tionem eorum qui sententiam dicent, finem sibi
 conueniet utilitatis proponere, ut omnis ad eam
 totius orationis ratio conferatur. Utilitas in
 duas partes in ciuili consultatione diuiditur:
 iuram, & honestam. Iura est, qua conficit in-
 stantis, aut consequentis periculi uitationem qua-
 libet ratione. Hæc distribuitur in iuram, & dolū:
 quorum aut alterum separatim, aut utrumque so-
 memus coniungimus. Vis secermitur per exerci-

ius, classes, arma, tormenta, reuocationes hominum, & alias huiusmodi res. Dolus cōsumitur in pecunia, pollicitationes, dissimulationes, maturationes, mentiones, & certas res, de quibus magis idoneo tempore loquemur, si quando de re militari, aut de administratione Reipub. scribere uelimus. Honestā res diuiditur in rectā, & laudabilē. Rectū est, quod cum uirtute, & officio fit id diuiditur in prudentiam, iustitiam, fortitudinem, modestiam. Prudentia est calliditas, quæ ratione quadā potest delectum habere bonorum, & malorum. Dicitur item prudentia scientia cuiusdam artificij. Item appellatur prudentia multarum rerum memoria, & usus complurium negotiorum. Iustitia est æquitas ius unicuique tribuens pro dignitate cuiusque. Fortitudo est rerum magnarū appetitio, & rerum humilium contemptio, & laboris cum uilitatis ratione perpesio. Modestia est in animo continens moderatio cupiditatū. Prudentie partibus utemur in dicendo, si commodè cum incommodis conferemus: cum alicrum sequi, uitare alicrum cohortabimur: aut si qua in re cohortabimur aliquem, cuius rei aliqua disciplinabilem scientiā poterimus habere, & quomodo: aut qua quidque ratione fieri oporteat ostendemus. Aut si suadebimus quippiā, cuius rei gesta aut presentē, aut auditam memoriā poterimus habere: qua in re facile id, quod uelimus

uelimus, exemplo allato persuadere possumus. Iustitia partibus utemur, si aut innocentum, aut supplicum miseri dicimus oportere: si ostendimus, bene meritis gratiam referri convenire; si demonstrabimus, ulcisci male meritos oportere: si fidem magnopere censuimus conservandam: si leges, & mores civitatis egregie dicimus servari oportere: si societates, atq; amicitias studiosae dicimus coli convenire: si quod ius in parentes, deos, patriam natura comparavit, id religiose colendam demonstrabimus: si hospitias, clientelas, cognationes, affinitates caste colendas esse dicimus: si nec prece, nec pretio, nec gratia, nec periculo, nec similitate a via recta ostendimus deduci oportere: si dicimus in omnibus aequabile ius statui convenire. His atq; huiusmodi partibus iustitia si quam rem in cōcione, aut in consilio faciendum censuimus, iustam esse ostendimus: contrariis iniustam. ita fiet ut eisdem l. cis & ad suadendum, & ad dissuadendum simus parati. S'n fortitudinis retinenda causa faciendum quid esse dicimus, ostendimus res magnas, & excelsus sequi, & appeti oportere: & item res humiles, & indignas viris fortibus viros sortes propterea contemnere oportere, nec idoneas dignitate sua iudicare. Item a nulla re honesta periculi, aut laboris magnitudine deduci oportere: antiquiorem mortem turpitudine haberi: nullo dolore cogi ut ab officio

reced

recedatur : nullius pro rei ueritate metuere ini-
micitias : quodlibet pro patria, parentibus, ho-
spitibus, amicis, & ijs rebus, quas iustitia co-
lere cogit, adire periculum, & quemlibet susci-
pere laborem. Modestia partibus utemur, si ni-
mias libidines honoris, pecuniæ, similitumq; re-
rum uituperabimus : si unamquanq; rem certo
naturæ termino definimus : si deniq; quod cui-
q; satis sit, ostendemus, & nimium progredi
dissuadebimus, & modum unicuiq; rei statue-
mus. Huiusmodi partes sunt uirtutis, ampli-
ficandæ, si suadebimus : attenuandæ, si ab his de-
hortabimur, ut hæc attenuentur, quæ supra de-
monstrauimus. nam nemo erit qui censeat à uirtute
recedendum : uicrum aut res huiusmodi non dica-
tur esse, ut uirtutem possimus egregiam experi-
ri : aut in cōtrarijs potius rebus, quam in his uir-
tus constare ostendatur. Item, si quo pacto po-
terimus, quam is, qui contrā dicet, iustitiam uo-
carit, nos demonstrabimus ignauiam esse, &
inertiam, ac prauam libertatem. Quam pruden-
tiam appellarit, ineptiā, & garrulam, & odio-
sam scientiam esse dicemus. Quam ille modestiā
dicet esse, eam nos inertiam, & dissolutam ne-
gligentiam dicemus. Quam ille fortitudinem no-
minarit, eam nos gladiatoriam, & inconsidera-
tam appellabimus temeritatem. Laudabile est,
quod confecit honestam, & presentem, & con-
sequentem commemoratione : hoc nos eò à recto
separ

separauimus, non quòd hæ quatuor partes, quæ subijciuntur sub uocabulo recti, hanc honestatis commemorationem dare non soleant: sed quam ex recto laudabile nascatur, tamen in dicendo seorsum tractandum est hoc ab illo, neque enim solum laudis causa rectum sequi cõuenit, sed si laus consequitur, duplicatur recti appetendi uoluntas. Cũ igitur erit demonstratum rectum, laudabile esse demonstrabimus, aut ab idoneis hominibus, ut si qua res honestiori ordini placeat, quæ a deteriore ordine improbetur: aut aliquibus socijs, aut omnibus ciuibus, exteris nationibus, posterisque nostris. Cum huiusmodi locorũ diuisio sit in consultatione, breuiter aperienda est totius tractatio causa. Exordiri licebit uel à principio, uel ab insinuatione, uel ijsdẽ rationibus, quibus in iudiciali causa. Si cuius rei narratio incidet, eadem ratione narrari oportebit. Quoniam in huiusmodi causis finis est utilitas, & ea diuiditur in rationem tutam, atque honestã: si utrunque poterimus ostendere, utrunque pollicebimur nos in dicendo demonstraturos esse. Sin alterum demonstraturi erimus, simpliciter quod dicturi sumus, ostendemus. At si nostrã rationem tutam esse dicemus, diuisione utemur in uim, & consilium. Nam quod in docendo rei dilucidanda causa dolum appellauimus, id in dicendo honestius consilium appellabimus. Si rationis nostræ sententiam rectam esse dicemus,

mus,

mus, & omnes partes recti incident, quadri-
partita diuisione utemur: si non incident, quot
erunt, tot exponemus in dicendo. In confirma-
tione, & confutatione utemur locis, quos ante
ostendimus nostris confirmandis, contrarijs
confutandis. Argumentationis artificiose tra-
ctande ratio de secundo libro petetur. Sed si
acciderit ut in consultatione alteri ab tua ra-
tione, alteri ab honesta sententia sit: ut in deli-
beratione eorum, qui a Poenis circumfessi deli-
berant quid agant: qui tutam rationem sequi
suadebit, his locis utetur: Nullam rem utilio-
rem esse incolumitate: uirtutibus uti neminem
posse, qui suas rationes in tuto nō collocarit: nec
deos quidem esse auxilio ijs, qui se in consilio in
periculum mittāt: honestum nihil oportere exi-
stimari, quod non salutem pariat. Qui tute rei
præponet rationem honestam, his locis utetur:
Virtutem nullo tempore relinquendam: uel do-
lorem, si is timeatur: uel mortem, si ea formide-
tur, dedecore, & infamia leuiorem esse: consi-
derare, quæ sit turpitude consecutura. at non
immortalitatem, neq; æternam incolumitatem
consequi: nec esse exploratū illo uiuato pericu-
lo, nullum in aliud periculum uenturos: uirtute
uel ultero ad mortem proficisci, esse præclarum,
fortitudini fortunam quoq; esse adiumento so-
lere. cum tute uiuere, qui honeste uiuat, non
qui in præsentia incolumis sit, & cum, qui tur-
piter

pitur uiuat. incolumem in perpetuum esse non posse. Conclusionibus fere similibus in his & iudicialibus causis uti solemus, nisi quod his maximè conducit quamplurima rerum antègestarum exempla proferre. Nunc ad demonstratiuum genus cause transeamus.

QVONIAM hac causa diuiditur in laudem, & uituperationem, quibus ex rebus laudem constituturimus, ex contrarijs rebus erit uituperatio comparanda. Laus igitur potest esse rerum externarum, & corporis, & animi. Rerum externarum sint ea, quæ casu, aut fortuna secunda, aut aduersa accidere possunt: ut genus, educatio, diuitiæ, potestates, gloria, ciuitates, amicitie, & quæ huiusmodi sunt, & ea quæ his sunt contraria. Corporis sunt ea, quæ natura corpori attribuit commoda, aut incommoda: ut uoluntas, uires, dignitas, ualitudo, & quæ contraria sunt. Animi sunt ea quæ consilio, & cogitatione nostra constant: ut prudentia, iustitia, fortitudo, modestia, & quæ contraria sunt. Erit igitur hæc cõfirmatio, & confutatio nobis. In huiusmodi igitur causa principium sumetur aut ab nostra, aut ab eius, de quo loquemur, aut ab eorum, qui audient, persone, aut ab re. Ab nostra, si laudabimus, dicemus aut officio facere: quod causa necessitudinis intercedat: aut studio, quod eiusmodi uirtutis sit, ut omnes commemorare debeant uelle:

aut

aut quòd rectum sit ex aliorum laude ostendere, qualis noster animus sit. Si vituperabimus aut merito facere, quòd ita tractati sumus: aut studio, quòd utile putemus esse ab omnibus unicam malitiam, atq; nequitiam cognosci: aut quòd placeat ostendi, quid nobis displiceat ex aliorum vituperatione. Ab eius persona de quo loquemur, si laudabimus, dicemus, uereri nos ut illius facta uerbis consequi non possimus: omnes homines illius uirtutes predicare oportere: ipsa facta omnium laudatorum eloquentiam antecire. Si vituperabimus, ea quæ uidebimus contraria paucis uerbis commutatis dici posse, dicemus, ut paulo antè supra exempli causa demonstratum est. Ab auditorum persona, si laudabimus, dicemus, quoniam non apud ignotos laudemus, nos monendi causa pauca esse dicturos: aut si erunt ignoti, ut talem uirum uelint cognoscere, petemus: quoniam in eodem uirtutis studio sint, apud quos laudemus, quo ille qui laudatus fuerit, sperare nos facile ijs, quibus uelimus, huius facta probaturos. Contraria vituperatio quoniam norint, pauca de nequitia eius nos esse dicturos: quòd si ignorent, petemus ut cognoscant, uti malitiam uitare possint, quoniam dissimiles sunt, qui audiant, atque ille qui vituperatur, nos sperare illius uitam uehementer improbaturos. Ab rebus ipsis, incertos esse quid potissimum laudemus:

uereri,

uereri, ne cum multa dixerimus, plura praetercamus: & quae similes sententias habebunt, quibus sententijs contraria sumuntur à uituperatione. Principio tractato, tum ab re, tum ab aliqua harum, quas antea commemorauimus, variationum, narratio non erit ulla, quae necessario consequatur: sed, si qua inciderit, cum aliquod factum eius, de quo loquimur, nobis narrandum sit cum laude, aut uituperatione, praecipio narrandi de primo libro repetetur. Diuisione hac utemur: primo exponemus quas res laudaturi sumus, aut uituperaturi. deinde ut quaeque, quòue tempore res erit gesta, ordine dicemus, ut quid quamq; tute cauteq; egerit, intelligatur. Sed exponere oportebit animi uirtutes, aut uitia: deinde commoda, aut incommoda corporis, aut rerum externarum, quomodo ab animo tractata sint, demonstrare. Ordinem hunc adhibere in demonstranda uita debemus. Ab externis rebus, genus in laude, quibus maioribus natus sit, si bono genere, parem, aut excelsiorem fuisse: si humili genere, ipsam in suis, non in maiorum uirtutibus habuisse praesidium. In uituperatione, si bono genere, dedecori maioribus fuisse: si malo, tamen his ipsis detrimento fuisse. Educatio in laude: bene & honeste, in bonis disciplinis per omnem pueritiam educatum esse. in uituperatione, è contrario. Deinde transire oportet ad corporis com-
f moda.

moda. *A* natura in laude, si sit dignitas, atq; forma, laudi fuisse eam, quemadmodum ceteris detrimento, atq; dedecori, si vires, atq; uelocitas egregia, honestis hæc exercitationibus, & industrijs dicemus cōparata, si ualetudo, ex perpetua diligentia, & temperantia cupiditatum. In uituperatione, si erunt hæ corporis commoda, his male usum dicemus, quæ casu, & natura tanquam quilibet gladiator habuerit. si non erunt, præter formā omnia ipsius culpa, & intemperantia non fuisse dicemus. Deinde reuertemur ad extraneas res, & in his animi quæ uirtutes, aut quæ uitia fuerint, considerabimus: diuitie, an paupertas fuerit, & quæ potestates, quæ gloriæ, quæ amicitie, quæ inimicitie, & quid fortiter in inimicijs gerendis fecerit, cuius causa suscepit inimicitias: quæ fide, beneuolentia, officio gesserit amicitias. In diuitijs qualis, aut in paupertate cuiusmodi fuerit, quemadmodum habuerit in potestatibus gerendis animum. Si interierit, cuiusmodi mors eius fuerit, cuiusmodi res mortem eius sit consecuta. Ad omnes autem res in quibus animus hominis maxime consideratur, ille quatuor animi uirtutes erunt accommodandæ, ut si laudemus, aliud iuste, aliud fortiter, aliud modeste, aliud prudenter factum esse dicamus. Si uituperemus, è cōtrario. Perspicuum est iam nimirum ex hac dispositione, quemadmodum sit tractanda tripartita

parita diuifio laudis, & uituperationis, fi il-
 lud etiam affumpferimus, non necesse eſſe nos
 omnis has partes in laudem, aut uituperatio-
 nem transferre, propterea quod ſape ne inci-
 dunt quidem: ſape ita tenuiter incidunt, ut non
 ſint neceſſarie dictu. Quapropter eas partes,
 que firmiſſime uidebuntur, legere oportebit.
 Concluſionibus breuibus utimur, enumeratio-
 ne ad exitum cauſa: in ipſa cauſa crebras, &
 breuis amplificationes interponemus per locos
 communes. Nec hoc genus cauſa, eo quod raro
 accidit in uita, negligentius conſiderandum
 eſt. neque enim id, quod poſſeſt accidere, ut ſa-
 ciendum ſit aliquando, non oportet uelle quam
 accommodatiſſime poſſe facere. Eſi ſepara-
 tim hac cauſa minus ſape tractatur: at in iu-
 dicialibus, & in deliberatiuis cauſis ſape ma-
 gne partes uerſantur laudis, aut uituperatio-
 nis. quare in hoc quoque genere cauſa nonnihil
 induſtria conferendum putauimus. Nunc ab-
 ſoluta nobis difficillima parte rhetorica, hoc
 eſt inuentione perpolita, atque ad omne cauſa
 genus accommodata, tempus eſt ad ceteras
 partes proficiſci. Deinceps igitur de diſpoſi-
 tione dicemus.

QVONIAM diſpoſitio eſt, per quam illa
 que inuenimus, in ordinem redigimus, ut cer-
 to quidque loco pronuntietur: uidendum eſt
 cuiuſmodi rationem in diſponendo nos habere

conueniat. Genera dispositionis sunt duo: unum ab institutione artis profectum: alterum ad casum temporis accommodatum. Ex institutione artis disponemus, cum sequemur eam præceptionem, quam in primo libro exposuimus: hoc est, ut utamur principio, narratione, diuisione, confirmatione, confutatione, conclusione: & hunc ordinem quemadmodum præceptum est antè, in dicendo sequemur. Item ex institutione artis nõ modo totas causas per orationem: sed singulas quoque argumentationes disponemus, quemadmodum in secundo libro docuimus, id est expositionem, rationem, confirmationem rationis, exornationem, complexionem. Hac igitur duplex dispositio est, una per orationes, altera per argumentationes ab institutione artis profecta. Est autem alia dispositio, quæ, cum ab ordine artificioso recedendum est, oratoris iudicio ad tempus accommodatur: ut si à narratione dicere incipiamus, aut ab aliqua firmissima argumentatione, aut à literarum aliquarum recitatione: aut si secundum principium confirmatione utamur, deinde narratione: aut si quæ huiusmodi permutationem ordinis faciamus, quorum nihil, nisi causa postulet, fieri oportebit. Nam si uehementer aures auditorum obtusa uidebuntur, atque animi defatigati ab aduersarij multitudine uerborum, commode poterimus principio supersedere, & exordiri causam

sam aut à narratione, aut ab aliqua firma argu-
 mentatione. deinde, si commodum erit, quia
 non semper necesse est, ad principij sententiam
 reuerſi licebit. Si causa nostra magnam diffi-
 cultatē uidebitur habere, ut nemo a quo animo
 principium poſſit audire, à narratione cum in-
 ceperimus, ad principij sententiam reuerſamur
 licebit. Si narratio parum probabilis eſt, exor-
 diemur ab aliqua firma argumentatione. His
 commutationibus, & translationibus paruum
 ſape uti necesse eſt: cū ipsa res artificioſam di-
 ſpoſitionem artiſcioſe commutare cogit. In con-
 firmatione, & conſutatione argumentationum
 diſpoſitiones huiusmodi conuenit habere, ſimiſ-
 ſimas argumentationes in primis, & in poſtre-
 mis causa partibus collocare: mediocres, & ne-
 que inuiles ad dicendum, neq; neceſſarias ad
 probandum: quæ ſi ſeparatim, ac ſingule dican-
 tur, infirma ſunt: cum cæteris coniunctæ, firmæ,
 & probabiles ſunt, interponi & in medio col-
 locari oportet. Nam & re narrata ſtatim ex-
 pectat animus auditoris ex qua re causa cōfir-
 mari poſſit: quapropter continuo formam ali-
 quam oportet inferre argumentationē. Et quo-
 niam ſuperrime dictum facile memoriæ man-
 datur, utile eſt, cum dicere deſinamus, recen-
 tem aliquam relinquere in animis auditorum
 bene firmam argumentationem. Hac diſpoſi-
 tio locorum, tanquam inſtructio militum ſa-

cillime in dicendo, sicut illa in pugnando, parare poterit uisitoriam.

PRONUNTIATIONEM multi maxime oratori uile dixerunt esse, & ad persuadendum plurimum ualere. nos quid unum de quinque rebus plurimum profui, non facile dixerimus: nec egregie magnam esse utilitatem in pronuntiatione audacter confirmauerimus. Nam comoda inuentiones, & concinna uerborum elocutiones, & partium cause artificiosae dispositiones, & horum omnium diligens memoria sine pronuntiatione, non plus quam sine his rebus pronuntiatio sola ualere poterit. Quare quia nemo de ea re diligenter scripsit (nam omnes uix putarunt posse de uoce, & uultu, gestu, dilucide scribi, cum haeres ad sensus nostros pertinere) & quia magnopere ea pars à nobis ad dicendum comparanda est: non negligenter uidetur tota res consideranda. Diuiditur igitur pronuntiatio in uocis figuram, & corporis motum. Figura uocis est, quae suum quendam possidet habitum ratione, & industria paratum. Ea diuiditur in tres partes: magnitudinem, firmitudinem, mollitudinem. Magnitudinem uocis maxime comparat natura, nonnihil hanc auget, sed maxime cura conseruat. Firmitudinem uocis maxime natura comparat, nonnihil adauget, & maxime conseruat exercitatio declamationis. Mollitudinem uocis, hoc est, uocem

eam torquere pro nostro commodo possimus, maxime faciet exercitatio declamationis. Quapropter de magnitudine uocis, & firmitudinis parte, quoniam altera natura, altera cura comparatur, nihil ad nos attinget commonere, nisi ut ab ijs, qui non inscijs sunt eius artificij, ratio curanda uocis petatur. De ea parte firmitudinis, quæ conseruatur ratione declamationis, & de mollitudine uocis, quæ maxime necessaria est oratori, quoniam ea quoque moderatione declamationis comparatur, dicendum uidetur. Firmam igitur quam maxime poterimus in dicendo uocem conseruare, si quam maxime sedata, & depressa uoce principia dicemus. nam ladanur arterie, si ante, quam leni uoce permulse sunt, acri clamore compleantur. Et interuallis longioribus uti conueniet. recreatur enim uox spiritu, & arterie reticendo acquiescunt. Et continuum clamorem remittere, & ad sermonem transire oportet, (Commuationes enim faciunt, ut nullo genere uocis effuso, in omni uoce integri simus) & acutus uocis exclamations uitare debemus. idus enim fit, & uulnerrantur arteria acuta, atque attenuata nimis acclamatione: & si quis splendor est uocis, consumitur clamore uniuersus. Et uero spiritu conuincitur multa dicere, in extrema conuenis oratione. fauces enim calefunt, & arterie complentur: & uox, quæ uarie tractata est, reducitur

in quendam sonum æquabilem, atq; constantem. Sæpe rerum natura gratia quedam iure debetur, uelut accidit in hac re. Nam, quæ diximus ad uocem seruandam prodesse, eadem attinent ad suauitatem pronuntiationis: ut quod nostræ uoci profit, idem uoluptate auditoris probeatur. Virile est ad firmitudinem uocis sedata uox in principio. quid insuauius quam clamor in exordio causæ? Intervalla uocem confirmant: eadem sententias cōcinniores diuisione reddunt, & auditori spatium cogitandi relinquunt. Conseruat uocem continui clamoris remissio: & auditorem quidem uarietas maxime delectat, cum sermone animum eius retinet, aut exuscitat clamore. Acuta exclamatio uocē, & fauces uulnerat: eadem ledit auditorem: habet enim quiddam illiberale, & ad muliebre potius uociferationem, quam ad uirilem dignitatem in dicendo accommodatum. In extrema oratione continens uox remedio est uoci. quid? hæc eadem, nonne animum uehementissime calefacit auditoris in totius conclusione causæ? Quoniam igitur res eadem uocis firmitudini, & pronuntiationis suauitadini prosunt, de utraq; re simul erit in præsentia dictum: de firmitudine, quæ uisa sunt, & de suauitate, quæ coniuncta fuerunt: cætera suo loco paulò post dicemus. Mollitudo igitur uocis, quoniam omnis ad rhetoris præceptionem pertinet, diligentius nobis

nobis consideranda est. eam diuidimus in sermonem, contentionem, amplificationem. Sermo, est oratio remissa, & finitima quotidiane locutioni. Contentio, est oratio acris, & ad confirmandum, & consiliandum accommodata. Amplificatio est oratio, quæ aut ad iracundiam inducit, aut ad misericordiam trahit auditoris animum. Sermo diuiditur in partes quatuor, dignitatem, demonstrationem, narrationem, iocationem. Dignitas, est oratio cum aliqua gravitate, & uocis remissione. Demonstratio est, quæ docet remissa uoce quomodo quid fieri potuerit, aut non potuerit. Narratio est rerum gestarum, aut perinde ut gestarum expositio. Iocatio, est oratio quæ ex aliqua re risum prudentem, & liberalem potest comparare. Contentio diuiditur in continuationem, & distributionem. Continuatio est orationis enuntiande acceleratio clamorosa. Distributio est in contentione oratio frequens cum raris & breuibus interuallis acris uociferatione. Amplificatio diuiditur in cohortationem, & conquestionem. Cohortatio est, quæ aliquod peccatum amplificans, auditorem ad iracundiam adducit. Conquestio est oratio, quæ incommodorum amplificatione animum auditoris ad misericordiam perducit. Quoniam igitur molliuendo uocis in tres partes diuisa est, & hæ partes ipse in octo partes alias distribuit: harum octo partium quæ cuiusq; idonea

pronuntiatio sit, demonstrandum uidetur. Sermo cum est in dignitate, plenis faucibus quam sedatissima, & depressissima uoce uti conueniet: ita tamen ut ne ab oratoria consuetudine ad tragicam transcamus. Cum autem est in demonstratione, uoce paululum attenuata, crebris interuallis, & diuisionibus oportet uti, ut ipsa pronuntiatione eas res, quas demonstrabimus, inferere, atque interficere uideamur in animis auditorum. Cum autem sermo in narratione est, tum uocum uarietate opus est: ut quo quidque pacto gestum sit, ita narrari uideatur. Strenue quod uolumus ostendere factum, celeriuscule dicemus: at aliud otiose retardabimus. deinde modo acriter, tum clementer, moeste, hilariter in omnes partes commutabimus, ut uerba, ita pronuntiationem. Siqua inciderint in narratione dicta, rogata, responsa, siquae admirationes de quibus nos narrabimus, diligenter animaduertemus ut omnium personarum sensus, atque animos uoce exprimamus. Sin erit sermo in iocatione, leniter tremebunda uoce, cum parua significatione risus, sine ulla suspitione nimiae cachinnationis, leniter oportebit à sermone serio torquere ad liberalem iocum uocem. Cum autem contendere oportebit, quoniam id, aut per continuationem, aut per distributionem faciendum est: in continuatione ad aucto mediocriter sono uocis, uerbis continuandis, uocem quoque ad augere oportebit.

Et torquere sonum, Et celeriter cum clamore
uerba conficere, ut nim uolubilem orationis uo-
ciferatio consequi possit. In distributione uocem
ab imis faucibus exclamacione quamclariissi-
ma adhibere oportet: Et quantum spatij per
singulas exclamaciones sumpserimus, tantum
in singula interualla spatij consumere iubemur.
In amplificationibus, cum cohortacione utemur
uocē attenuatissima, clamore leni, sono aquabi-
li, commutationibus crebris, maxima celeritate.
In conqueſtione utemur uoce depressa, inclinato
sono, crebris interuallis, longis spatijs, magnis
commutationibus. De figura uocis satis dictum
est, nunc de corporis motu dicendum uidetur.
Motus, est corporis gestus, Et uultus modera-
tio quedam, que probabiliora reddit ea que
pronuntiantur. Conuenit igitur in uultu pudor-
em Et acrimoniam esse. In gestu nec uenusta-
tem conspicuam, nec turpitudinem esse, ne aut hi-
striones, aut operarij uideamur esse. Ad easdem
igitur partes, in quas uox est distributa, motus
quoq; corporis ratio uidetur esse accommodan-
da. Nam si erit sermo cum dignitate, stantes in
uestigio, leni dextra motu loqui oportebit: hi-
laritate, tristitia, mediocritate uultus ad ser-
monis sententias accommodata. Sin erit in de-
monstratione sermo, paululum corpus a cerui-
cibus demitemus. Nam hoc est à natura da-
tum, ut quā proxime tum uultum admoceamus
ad

ad auditores si quam rem docere eos, & uche-
menter instigare uelimus. Sin erit in narratione
sermo, idem motus poterit idoneus esse, qui pau-
lo antè demonstrabatur in dignitate. Sin erit in
iocatione, uultu quandam debemus hilarita-
tem significare sine commutatione gestus. Sin
contendemus per continuationem, brachio ce-
leri, mobili uultu, acri aspectu utemur. Sin
contentio fiet per distributionem, celeri porre-
ctione brachij, inambulatione, pedis dexteri ra-
ra suppositione, acri & defixo aspectu uti opor-
tet. Sin utemur amplificatione per cohortatio-
nem, paulo tardiore & consideratione gestu con-
ueniet uti: similibus ceteris rebus atq; in con-
tentione per continuationem. Sin utemur am-
plificatione per conquestionem, scemineo plan-
gore, & capitis ictu, nonnunquam sedato, &
constanti gestu mæsto, & conturbato uultu uti
oportebit. Non sum nescius, quantum suscepe-
rim negotij, qui motus corporis exprimere uer-
bis, & imitari scriptura conatus sim uoces.
Verum nec hoc confisus sum posse fieri, ut de his
rebus satis commode scribi posset: nec si id fieri
non posset, hoc quod feci, fore inutile putabam,
propterea quòd hic admonere uolumus quid
oporteret: reliqua trademus exercitationi. Hoc
tamen scire oportet, pronuntiationem bonam id
perficere, ut res ex animo agi uideatur. Nunc
ad thesaurum inuentorū, atq; omnium partium.

rhetorica custodem memoriam transeamus.
MEMORIA utrum habeat quiddam artificij,
an omnis à natura proficiat, aliud dicendi
tempus magis idoneum dabitur. Nunc perinde
atque constet in hac re multum valere artem &
praeceptionem, ita de ea re loquemur. Placet enim
nobis esse artificium memoria: quare placeat,
alias ostendimus: in praesentia cuiusmodi sit ea,
aperimus. Sunt igitur duae memoriae: una na-
turalis, altera artificiosa. Naturalis est ea, quae
nostris animis insita est, & simul cum cogita-
tione nata. Artificiosa est ea, quam confirmat
inductio quaedam, & ratio praeeptionis. Sed
quia in ceteris rebus ingenij bonitas imitatur
saepè doctrinam: ars porro naturae comoda con-
firmat & auget: ita fit in hac re, ut nonnun-
quam naturalis memoria, sicuti data est egregia,
similis sit huic artificiosa. Porro haec artificio-
sa, naturae comoda retinet, & amplificat ra-
tione doctrinae. Quapropter & naturalis memo-
ria praeeptione confirmanda est, ut sit egregia:
& haec quae doctrinae datur, indiget ingenij. Nec
hoc magis aut minus in hac re quam in ceteris
artibus fit, ut ingenio, doctrina, praeeptione,
natura niteatur. Quare & illis qui naturae me-
mores sunt, ut his haec erit institutio, quod tunc
paulò post poteris intelligere. quòd si illi freti in-
genio, nostra praeeptione non indigerent: iam tunc
iusta causa daretur, quare ipsi qui minus ingenij
habent,

habent, adiumento uelimus esse. Nunc de artificiosa memoria loquemur. Constat igitur artificiosa memoria locis & imaginibus. Locos appellamus eos qui breuiter, perfecte, insigniter aut natura, aut manu sunt absoluti, ut eos facile naturali memoria cōprehendere & amplecti queamus: ut ades, intercolumnium, angulum, fornix, & alia quæ his similia sunt. Imagines sunt formæ quedam & notæ, & simulacra eius rei, quam meminisse uolumus: quod genus, equi, lcones, aquile: quorum memoriam si uolumus habere, imagines eorum certis in locis collocare nos oportebit. Nunc cuiusmodi locos inuenire, & quo pacto reperire, & in locis imagines constitutare oporteat, ostendimus. Quemadmodum igitur qui literas sciunt, possunt id quod dictum est, scribere & recitare quod scripserūt: ita qui nunquam didicerunt, possunt quæ audierunt in locis collocare, & ex his memoriter pronūtiare. Loci enim ceræ, aut chartæ simillimi sunt: imagines, literis: dispositio & collocatio imaginum, scriptura: pronuntiatio, lectio. Oportet igitur, si uolumus multa meminisse, multos nobis locos comparare, ut in multis locis multas imagines collocare possimus. Item putamus oportere ex ordine hos locos habere, nequando perturbatione ordinis impediamur quo secius quorū quoq; loco libebit, uel à superiore, uel ab inferiore, uel ab media parte imagines sequi, ea quæ
mand

mandata locis erūt, edere & proferre possumus. Nam ut si ordine stantes notos cōplures uiderimus, nihil nostrā interfit utrum à summo, an ab imo, an ab medio nomine eorum dicere incipiamus: item in locis ex ordine collocatis eueniet, ut in quamlibet partem quoto quoq; loco libebit, imaginibus commoniti dicere possumus id quod locis mādauimus. Quare placet & ex ordine locos comparare: & locos quos assumpserimus, egregie commeditari oportebit, ut perpetuo nobis hærere possint. Nam imagines, sicut litteræ delineant: ubi nihil illis utimur, loci tanquā cœra remanere debent. Et ne fortē in numero locorum falli possumus, quintum quēq; locum places notari: quod genus, si in quinto loco manum auream collocemus, & si in decimo aliquē notum, cui prænomen sit Decimo: deinde facile erūt similes notus quinto quoque loco collocare. Tum commodius est in derelicta, quā in celebri regione locos comparare: propterea quod frequentia, & obambulatio hominum cōturbat, & infirmat imaginum notus, solitudo conseruat integras simulacrorum figuras. Præterea dissimiles forma, atq; natura loci comparandi sunt, ut distincte interlucere possint, nam si quis multa intercolumnia sumpserit, conturbabitur similitudine locorum, ut ignoret quid in quoquo loco collocari: & magnitudine modica: & mediocres locos habere oportet. nā & præter modum

amp

ampliū agas imagines reddūt, & nimis angusti
 saepe non uidentur posse capere imaginum collo-
 cationē. Tum nec nimis illustres, nec uehemen-
 ter obscuros locos haberi oportet: ne aut obsc-
 centur tenebris imagines, aut splendore prae-
 geant. Internalli locorum mediocria placet esse
 ferè paulo plus aut minus pedū tricenū. nam
 ut aspectus, ita cognitio minus ualeat, siue ni-
 mis procul amoueris, siue uehementer prope ad-
 moueris id quod oportet uideri. Sed quanquā fa-
 cile est e, qui paulo plura explorauerit, quāuis
 multos & idoneos locos cōparare: tamen, si quis
 ad ista satis idoneos inuenire se nō putabit, ipse
 sibi constituat, quā uolet multos licebit. Cogi-
 tatio enim quamuis regionē potest amplecti, &
 in ea situm loci cuiusdam ad suum arbitrium
 fabricari & architectari. Quare licebit si hac
 prompta copia contenti non erimus, nosmetipsos
 nobis cogitatione nostra regionem constituere,
 & idoneorum locorum commodissimam distin-
 ctionem cōparare. De locis satis dictū est. nunc
 ad imaginum rationem transeamus. Quoniam
 ergo rerum similes imagines esse oportet, & ex
 omnibus uerbis notis nobis similitudines eligere
 debemus, duplices igitur similitudines esse de-
 bent: una rerū, altera uerborum. Rerū similitu-
 dines exprimuntur, cum summatim ipsorū nego-
 tiorū imagines comparamus. Uerborū similitu-
 dines constituuntur, cum uniuscuiusq; nominis,

Et uocabuli memoria imagine notatur. Rei totius memoriam saepe una nota, Et imagine simplici comprehendemus hoc modo: *¶* Si accusator dixerit ab reo hominem ueneno necatum, Et hereditatis causa factum argueris, Et eius rei multos dixerit testes, Et conscios esse, Si hoc primum, ut ad defendendum nobis expeditum sit, meminisse uolumus, in primo loco rei totius imaginem conformabimus, agrotum in lecto cubantem faciemus, ipsum illum de quo agitur, si formam eius detinebimus: si eum non agnouerimus, aliquem agrotum non de minimo loco sumemus, ut cito in mentem uenire possit, Et reum ad lectum eius adstiuemus: dextra poculum, sinistra tabulas, medicum testiculos ariesinos tenentem. Hoc modo Et testium, Et hereditatis, Et ueneno necati memoriam habere poterimus. Item deinceps cetera crimina ex ordine in locis ponemus: Et quotiescunq; rem meminisse uolumus, si formarum dispositione, Et imaginum diligenti notatione utemur, facile ea que uolumus, memoria consequemur. Cum uerborum similitudines imaginibus exprimere uolumus, plus negotij suscipiemus, Et magis ingenium nostrum exercebimus. id nos hoc modo facere oportebit: Iam domuitionem reges Atrida parant, in loco constituere oportet manus ad caelum tollentem Domitium, cum a regibus marijs loris cadatur. Hoc erit, Iam domuitione reges. In-

altero loco *Aescopum*, & *Cimbrum* subordinare
Iphigeniam, *Agamemnonem*, & *Mene-*
laum: hoc erit, *Atride* parant. hoc modo
omnia uerba erunt expressa. Sed hæc imagi-
num conformatio tum ualeat, s. naturalem me-
moriæ exuscitauerimus hac notatione: ut uer-
su posito, ipsi nobiscum primum irāseamus bis,
aut ter eum uersum: deinde cum imaginibus
uerba exprimamus, hoc modo natura supedita-
bitur doctrina: nā utraq; altera separata minus
erit firma: ita tamen ut multo plus indoctrina,
atq; arte præsidij sit, quod docere non grauare-
mur, ni metucremus, ne cum ab instituto nostro
recessissemus, minus cōmode seruaretur hæc dilu-
eida breuitas præceptionis. Nunc quoniam so-
let accidere ut imagines partim firmæ & ad mo-
nendū idoneæ sint: partim imbecilles & infirmæ,
quæ uix memoriā possint excitare: qua de causa
utrumq; fiat, cōsiderandum est: ut cognita causa
quas uitemus, & quas sequamur imagines, sci-
re possimus. Docet igitur nos ipsa natura quid
oporteat fieri. nam si quas res in uita uidemus
paruas, usitatas, quotidianas, eas meminisse non
solemus: propterea quod nulli nisi noua, aut ad-
mirabili re commouetur animus, at si quid uide-
mus, aut audimus egregie turpe, aut honestum,
inusuatū, magnū, incredibile, ridiculum, id diu
meminisse cōsueuimus. Itemq; quas res ante ora
uidemus, aut audimus (obliuiscimur plerunq;

quæ

que acciderunt in pueritia) meminimus optime
 scire: nec hoc alia de causa potest accidere, nisi
 quod usitata res facile è memoria elabuntur, in-
 signes & noua manent diutius. Solis exortus,
 cursus, occasus nemo admiratur, propterea quod
 quotidie fiut: at eclipses solis mirantur, quia ra-
 ro accidunt: & solis eclipses magis mirantur,
 quam lune, quoniam hæ crebriores sunt. Docet
 ergo, se natura uulgari, & usitata re non ex-
 scitari, nouitate uero, & insigni quodam nego-
 tio commoueri. Imitetur igitur ars naturam: &
 quod ea desiderat, inueniet: quod ostēdit, sequa-
 tur. Nihil est enim quod aut natura extremum
 inuenerit, aut doctrina primū, sed rerū principia
 ab ingenio profecta sunt, & exitus disciplina
 comparantur. Imagines igitur nos in eo genere
 constituere oportebit, quod genus in memoria
 manere diutissime potest: id accidet, si quamma-
 xime notas similitudines constituemus: si non
 mutas, nec uagas, sed aliquid agentes imagines
 ponemus: si egregiam pulchritudinem, aut uni-
 cam turpitudinem eis attribuemus: si aliqua re
 exornabimus, ut si coronis, aut ueste purpurea,
 quo nobis notior sit similitudo: aut si qua re de-
 formabimus, ut si cruentam, aut cæno obliuam,
 aut rubrica delibutam inducamus, quo magis
 insignita sit forma: aut si ridiculas res aliquas
 imaginibus attribuamus. nā cū res quoq; faciet,
 ut facilius meminisse possimus. nam quas res

ueras faciliè meminimus, easdem fictas, & diligenter notatas meminisse non est difficile. Sed illud facile oportebit, ut idētidem primos quosque locos imaginum renouandarum causa celesriter animo percurramus. Scio plerosq; Græcos, qui de memoria scripserūt, fecisse ut multorum uerborum imagines conscriberent: uti qui eas ediscere uellēt, paratas haberēt, nequid in querendo consumerent opera: quorum rationem aliquot de causis improbamus. Primum, quòd in uerborum innumerabilium multitudine ridiculum sit mille uerborum imagines comparare. Quantulum enim poterunt hac ualere, cum ex infinita uerborum copia modo aliud, modo aliud nos uerbum meminisse oportebit? deinde cur uolumus ab industria quenquam remouere, ut nequid ipse querat, cum nos illi omnia parata, quesitaq; tradamus? Præterea similitudine alia alius magis commouetur. nam ut sæpe formam siquam similem cuipiā dixerimus esse, non omnes habemus assensores, quòd alij uideant aliud: ita fit in imaginibus, ut quæ nobis diligenter nota sint, ea parum uideantur insignes alijs. Quare sibi quenq; suo commodo conuenit imagines comparare. Postremo præceptoris est docere, quemadmodum queri quidq; conueniat, aut unum aliquod, aut alterum, non omnia, quæ eius generis erunt, exempli causa subijcere, quò res possit esse dilucidior, ut cum de præcijs querendis

rendis disputamus, rationem damus querendi, non mille proœmiorum genera conscribimus: ita arbitramur de imaginibus fieri conuenire. Nunc, ne fortè uerborum memoriam aut nimis difficilem, aut parum utilem arbitreris, & ipsarum memoria rerum contentus sis, quòd & utiliores sint, & plus habeant facilitatis: admonendus es quare uerborum memoria non improbemus. Nam putamus oportere eos, qui uelint res faciliores sine labore & molestia facile meminisse, in rebus difficilioribus esse antè exercitatos. Nec nos hanc uerborum memoriam inducimus, ut uersus meminisse possimus: sed ut hac exercitatione, illa rerum memoria, que pertinet ad utilitatem, confirmetur: ut ab hac difficili consuetudine, sine labore ad illam facilitatem transire possimus. Sed cum in omni disciplina infirma est artis præceptio sine summa assiduitate exercitationis: tum uero in *peruoluntate* minimum ualet doctrina, nisi industria, studio, labore, diligentia comprobetur. Quamplurimos locos ut habeas, & quammaxime ad præcepta accommodatos curare debebis. In imaginibus collocandis exerceri quotidie conueniet. non enim, sicut in cæteris studijs, abducimur nonnunquam occupatione, ita ab hac re nos potest causa deducere aliqua. nunquam est enim quin aliquid memoris tradere uelimus, & tum maxime, cum aliquo maiore negotio deti-

AD HERENN.
nemur. Quare cum sit utile facile meminisse,
non te fallit, quòd tantopere utile sit, quanto la-
bore sit appetendum: quod poteris existimare
utilitate cognita. Pluribus uerbis ad eam te
hortari non est sententia: ne aut tu nostro, aut
nos tuo studio diffidere, aut minus, quàm res po-
stulat, dixisse uideamur. De quinta parte rheto-
rica deinceps dicemus: tu primis quæsq; parteis
in animo frequenta: & quod maximè necesse
est, exercitatione confirma.

R H E T O R I C O R U M

A D C. H E R E N N I U M

L I B E R I I I I.



VONIAM in hoc libro C. He-
renni de elocutione conscripsimus,
& quibus in rebus opus fuit exem-
plis uti, nostris exemplis usi sumus.
& id fecimus præter consuetudinē Græcorum,
qui de hac re scripserunt: necessario faciendum
est, ut paucis rationem nostræ consilij demus.
Atq; hoc nos necessitudine facere, non studio,
satis erit signi, quòd in superioribus libris nihil
neq; ante re, neq; præter re locuti sumus. Nunc, si
pauca, quæ res postulat, dixerimus: tibi id, quod
reliquum est artis, ita, uti instituiamus, persolue-
mus. Sed facilius nostram rationem intelliges, si
prius quid illi dicant cognoueris. Compluribus
de caus

de causis putant oportere, cum ipsi praeceperint, quo pacto oporteat ornare elocutionem, uniuscuiusque generis ab oratore, aut poeta probato sumptum ponere exemplum. Et primum se id modestia commotos facere dicant, propterea quod uideatur esse ostentatio quaedam non satis habere praecipere de artificio: sed ipsos etiam uideri uelle artificiose fingere exempla: hoc est, inquirunt, ostentare se, non artē ostendere. Quare pudor in primis est ad eam rem impedimento, ne nos solos probare, nos amare: alios contemnere, & deridere uideamur. Etenim cum possumus ab Ennio sumptū, aut à Graccho ponere exemplum, uidetur esse arrogantia, illa relinquere, & ad sua deuenire. Præterea, exempla, testimoniorū locum obtinent. id enim quod admonuerit, & leuiter fecerit præceptio, exemplo, sicut testimonio comprobatur. Non igitur ridiculus sit, si quis in līe, aut in iudicio domestico pugnet, & sui ipsius testimonio abutatur? ut enim testimonium, sic exemplum rei confirmandæ causa sumitur. Non ergo oportet hoc, nisi à probatissimo sumi: ne, quod aliud cōfirmare debeat, egeat ipsum confirmationis. etenim necesse est aut se omnibus antepoñant, & sua maxime probent: aut negent optima esse exempla quæ à probatissimis oratoribus, aut poetis sumpta sunt. Si se omnibus antepoñant, intolerabili arrogantia uti: si quos sibi præponant, & eorum exem-

pla suis exemplis non putent prestare, non possunt dicere quare sibi illos anteponat. Quid igitur ipsa autoritas antiquorum? Nam tum res probabiliore, tum hominum studia ad imitandum alacriora reddit, immo erigit omnium cupiditates, & acuit industriam. cum spes iniecta est posse imitando Gracchi, aut Crassi consequi facultatem. postremo hoc ipsum est summum artificium, res varias, & dispares in tot poematibus, & orationibus sparsas, & uage disiectas, ita diligenter eligere, ut unumquodque genus exemplorum sub singulos artis locos subijcere possis. Hoc si industria solum fieri posset, tamen effemus laudandi, cum talem laborem non fugissemus, nunc uero sine summo artificio non potest fieri. Quis est enim qui non, cum summe teneat artem, possit ea, quae iubeat ars, de tanta, & tam diffusa scriptura notare, & separare? Ceteri cum legunt orationes bonas aut poemata, probant oratores, & poetas, neque intelligunt quare commoti probent, quod scire non possunt ubi sit, nec quid sit, nec quomodo factum sit id, quod eos maxime delectet. At is qui & hac omnia intelligit, & idonea maxime eligit, & omnia in arte maxime scribenda, redigit in singulas rationes praeceptionis, necesse est eius rei summus artifex sit. Hoc igitur ipsum maximum artificium est in arte sua posse & alienis exemplis uti, hac illi cum dicunt, ma
gis

gis nos autoritate sua commouent, quam ueritate
 se disputationis. Illud enim ueremur, necui satis
 sit ad contrariam rationem probandam, quod
 ab ea steterint ij, qui & inuentores huius arti-
 ficij fuerunt, & uetustate iam satis omnibus
 probati sunt. quod si illorum autoritate remota,
 res omnes uolenti cum re comparare: intelligunt,
 non omnia esse cōcedenda antiquitati. Primum
 igitur quod ab eis modestia dicitur, uideamus
 ne nimium inutiliter & pueriliter proferatur,
 Nam si tacere, & nihil scribere modestia est:
 cur quicquam scribunt aut loquuntur? Sin ali-
 quid suum scribunt, cur quo secius omnia scri-
 bant, impediuntur modestia? Quasi si quis ad
 olympiacum uenerit cursum, & steterit ut mi-
 satus, impudentesq; illos dicat esse, qui currere
 cœperint, ipse intra carcerem stet, & narret alijs
 quomodo Ladus, aut Boius cum Sicyonijs cur-
 sitarit: sic isti, cum in artis curriculum descen-
 derunt, illos, qui in eo quod est artificij, elaborēt,
 aiunt facere immodeste: ipsi aliquem antiquū
 oratorem aut poetā laudāt, aut scripturam, sicut
 in studium rhetorica artis prodire non audeant.
 Non ausim dicere, sed tamē uereor, ne qua in re
 laudem modestia uenientur, in ea ipsa re sint im-
 pudentes. Quid enim tibi uis? aliquis inquit,
 artem tuam scribis: gignis nobis nouas praece-
 ptiones: eas ipse confirmare non potes: ab alijs
 exempla sumis: uide ne facias impudenter, qui

tuo nomini uelis ex aliorum laboribus libare laudem. Nam si eorum uolumina prehenderint antiqui oratores, & poetae, & suum quisq; de libris suis tulerint: nihil istis, quod suum uelint relinquitur. At exempla, quoniam testimoniorum similia sunt, item conuenit, ut testimonia ab hominibus probatissimis sumi. Primum omnium exempla ponuntur hic non confirmandi, neq; testificandi causa, sed demonstrandi. Non enim, cum dicimus esse exornationem, quae uerbi causa constet ex similiter desinentibus uerbis, & ponimus hoc exemplum à Crasso, quod possumus, & debemus, testimoniam collocamus, sed exemplum. Hoc igitur interest inter exemplum, & testimonium. Exemplo demonstratur id quod dicimus, cuiusmodi sit. Testimonio esse illud ita, ut nos dicimus, confirmatur. Præterea oportet testimonium cum re conuenire. aliter enim rem non potest confirmare. at id, quod illi faciunt, cum re non conuenit. Quid ita? Quia pollicentur artem se scribere, & exempla proferunt. ab ijs plerunq; qui artem nescierunt. tum quis est, qui possit id, quod de arte scripserit, comprobare, nisi aliquid scribat ex arte? Cōtraq; faciunt, quam polliceri uidentur. nam cum scribere artem instituunt, uidentur dicere se excogitasse, quod alios docerent: cum uerò scribunt, ostendunt nobis quid alij excogitarint. At hoc ipsum est difficile, inquiunt,

eligere

eligere de multis. Quid dicitis difficile? utrum laboriosum, an artificiosum? Si laboriosum, non statim præclarum. sunt enim multa laboriosa: quæ si faciatis, non continuo gloriemini: nisi etiam, si uestra manu fabulas, aut orationes totas transcripseritis, gloriosum putaretis. sin autem istud artificium egregiū dicitis: uidete, ne insueti rerum maiorum uideamini, si uos parua res, sicuti magna delectat. Nam isto modo eligere rudis quidem nemo potest: sed sine summo artificio multi. Quisquis enim audierit de arte paulò plus, in elocutione præsertim, omnia uidere poterit quæ ex arte dicuntur: facere nemo poterit, nisi eruditus. Ita ut si de tragædijs Ennij uelis sententias eligere, aut de Pacuianis periodos, sed quia planè rudis id facere nemo poterit, cum feceris, te literatissimum putes, ineptus sis: propterea quòd id facile faciat quinis mediocriter literatus. Item si cum ex orationibus, aut poematibus elegeris exempla, quæ certis signis artificij notata sunt, quia rudis id nemo facere possit, artificiosissime te fecisse putes, erras: propterea quòd isto signo uidemus te nonnihil eius scire, alyis signis te scire multa intelligimus. Quòd si artificiosum est intelligere quæ sunt ex arte scripta: multo est artificiosius ipsum scribere ex arte. qui enim scribit artificiose, ab alyis commode scripta facile intelligere poterit: qui eliget facile, non

cont

continuo ipse cōmode scribit. & si est maxime artificiosum, alio tēpore utantur ea facultate, non tum, cū parere ipsi, & gignere, & proferre debent. Postrēmo in eo num artificij consumant, ut ipsi ab alijs potius eligendi quā aliorum boni electores existimētur. Contra ea quæ ab ijs dicuntur, qui dicunt alienis se exemplis uī oportere, satis est dictum. nunc quæ separatim dici possint, consideremus. Dicimus ergo eos, omnes, ideo quod alienis utantur, peccare: tum etiam magis delinquere, quod à multis exēpla sumant. sed de eo, quod postea diximus, ante uideamus. Si concederem aliena oportere assumere exempla, uincerē unius oportere. Primum, quod contra hoc nulla staret eorum ratio. liceret enim eligerent, & probarent quemlibet qui sibi in omnes res suppeditaret exempla, uel poētā, uel oratorem, cuius autoritate niterentur. Deinde interest magni eius qui discere uult, utrum unum omnia, an omnia neminem, sed aliud alium putet consequi posse. Si enim putabit posse omnia penes unum consistere, ipse quoq; ad omnium nitetur facultatem: si id desperarit, in paucis se exercebit. ipsis etiam contentus erit: nec mirum, cū ipse praeceptor artis omnia penes unum reperire non potuerit. Allatis igitur exemplis à Catone, à Gracchis à Lelio, à Scipione, Galba, Porcina, Crasso, Antonio, ceterisq; : item sumptis alijs à poētis, & histor

historiarum scriptoribus, necesse erit eum qui
discet, ab omnibus putare omnia, ab uno pauca
vix potuisse sumi. Quare si unius alicuius esse
similem satis habebit, omnia quae omnes habue-
runt, solum habere se posse diffidet. ergo inutile
est ei, qui discere vult, non putare unum omnia
posse. Igitur nemo in hanc incidet opinionem, si
ab uno exempla sumpserint, nunc hoc signi est
ipsum artis scriptores non putasse unum potuisse
in omnibus elocutionis partibus enitere: quo-
niam neque sua protulerunt, neque unius alicui-
us, aut denique duorum, sed ab omnibus orato-
ribus, et poetis exempla sumpserunt. Deinde,
si quis velit artem demonstrare, nihil prodesse
ad discendum, non male utatur hoc adiuumen-
to, quod unus omneis artis partes consequi ne-
mo potuerit. Quod igitur iuvat horum ratio-
nem, qui omnino improbant artem, id non ridi-
culum est, ipsum scriptorem artis suo iudicio
comprobare? Ergo ab uno sumenda fuisse do-
cuimus exempla, si semper aliunde sumeren-
tur. Nunc omnino aliunde sic intelligemus su-
menda non fuisse: primum omnium, quod ab
artis scriptore offertur exemplum, de eius arti-
ficio debet esse, non, ut si quis purpuram, aut
aliud quippiam uendens, dicat, Sume à me: sed
huius exemplum aliunde rogabo, tibi quoque osten-
dam. Si merces ipsi qui uendunt, aliunde ex-
emplum quarit, aliud mercis: aut si acervos
se di

se dicant tritici habere, & eorū exemplum pugno non habeant quod ostendant : si Triptolemus, cum omnibus semen largiretur, ipse ab alijs hominibus id mutaretur : aut si Prometheus, cū mortalibus ignem diuidere uellet : ipse à uicinis cum testā ambulans carbunculos corrogaret, non ridiculum uideretur? Isti magistri omnium dicendi praeceptores non uidentur sibi ridicule facere, cum id quod alijs pollicentur, ab alijs querunt. Si, qui se fontes maximos penitus absconditos aperuisse dicat, & haec sciens quāmaximè loquatur, neq; habeat quo summa sedet, non irrideatur? Isti, cum nō modo dominos se fontium, sed se ipsos fontes esse dicant, & omnium rigare debeant ingenia, non putant fore ridiculum, si cum id polliceantur alijs, arecant ipsi siccitate. Chares à Zysippo statuas facere non isto modo didicit, ut Zysippus caput ostēderet Myronis, brachia Praxitelis, pedes Polycleiti : sed omnia corā magistrum facientem uidebat, ceterorum opera, uel sua sponte considerare poterat. Isti credunt eos qui haec uelint discere, alia ratione doceri posse commodius. Praeterea, nec possunt quidem ea, quae sumuntur ab alijs exempla, tam esse accommodata ad artem, quam propria, propterea quod in dicendo leuiter unusquisq; locus plerunq; tangitur, ne ars appareat. In praecipiendo, expresse conscripta ponere oportet exempla, ut in aris formam

formam conuenire possint: & post in dicendo, ne possis ars eminere, & ab omnibus uideri facultate oratoris occultatur. Ergo etiam, ut magis ars cognoscatur, suis exemplis melius est uti. Postremo hæc quoque res duxit nos ad hanc rationem, quod nomina rerum Græca, quæ conuertimus, ea remota sunt à consuetudine. Quæ enim res apud nostros non erant, earum rerum nomina non poterant esse usitata. Ergo hæc asperiora primò uideantur necesse est, idque fiet rei, non nostra difficultate. Reliquum scripturæ consuetudine in exemplis hæc aliena si posuissimus, factum esset, ut quod commodius esset in hoc libro, id nostrum non esset: quod asperius, & inusitatum, id propriè nobis attribueretur. Ergo hanc quoque incommoditatem fugimus. His de causis, cum artis inuentionem Græcarum probassimus, exemplorum rationem secuti non sumus. Nunc tempus postulat ut ad elocutionis præcepta transeamus. Bipartita erit igitur nobis elocutionis præceptio. Primum dicemus quibus in generibus semper omnis oratoria elocutio debeat esse. Deinde ostendemus quas res semper habere debeat,

SUNT igitur tria genera, quæ nos figuris appellamus, in quibus omnis oratio non uitiata consumitur: unam grauem, alteram mediocrem, tertiam extenuatam uocamus. Grauis est, quæ constat ex uerborum grauium magna, & ornata

ornata constructione. *Mediocris* est, quæ constat ex humiliore, neque tamen ex infima, & peruulgatissima uerborum dignitate. *Attenuata* est, quæ demissa est usque ad usitatissimam puri consuetudinem sermonis. In graui figura consumetur oratio, si quæ cuiusq; rei poterunt ornatissima uerba reperiri, siue propria, siue translata ad unamquamq; rem accommodabuntur: & si graues sententia, quæ in amplificatione, & commiseratione tractantur, eligentur: & si exornationes sententiarum, aut uerborum, quæ grauitatem habebunt, de quibus post dicemus, adhibebuntur. In hoc genere figura erit hoc exemplum: Nam quis est uestrum, Iudices, qui satis idoneum possit in eum pœnam excogitare, qui prodere hostibus patriam cogitare? quod maleficio cum hoc scelere comparari? quod huic maleficio dignum supplicium potest inueniri? In ijs, qui uiolassent ingenuam, matrem familiâs consuprassent, pulsassent aliquem, aut postremo necassent, maxima supplicia maiores nostri consumpserrunt: huic truculentissimo, ac nefario facinori singularem pœnam non reliquerunt? Atq; in alijs maleficijs ad singulos, aut ad paucos ex alieno peccato iniuria peruenit: huius sceleris, qui sunt affines, uno consilio uniuersis ciuibus, atrocissimas calamitates machinantur. O ferros animos: O crudeles cogitationes: O derelictos
ab

ab humanitate homines: quid agere ausi sunt,
aut cogitare potuerunt? quo pacto hostes re-
uulsis maiorum sepulcris, deiectis mœnibus,
ouantes irruerunt in ciuitatē: quo modo deūm
spoliatis templis, optimatibus trucidatis, alijs
arreptis in seruitutem, matribus familiās, &
ingenus sub hostilem libidinem subiectis, urbs
acerbissimo concidat incendio conflagrata: qui
se nō putant id quod uoluerint, ad exitum per-
duxisse, nisi sanctissima patria miserandum
scelerati uiderint cinerem? Nequeo uerbis con-
sequi, Iudices, indignitatem rei: sed negligen-
tius id sero, quia uos mei non indigetis. Vester
enim uos animus amantissimus Reip. facile edo-
cet, ut eum, qui fortunas omnium uoluerit pro-
dere, precipitem perturbetis ex ea ciuitate,
quā iste spurcissimorū hostium dominatu ne-
fario uoluerit obruere. In mediocri figura uer-
sabitur oratio, si hac, ut antē dixi, aliquātulum
demiserimus, neq; tamen ad infimum descen-
derimus, sic: Quibuscum bellum gerimus, Iu-
dices, uidetis: cū socijs, qui pro nobis pugnare,
& imperium nostrum, nobiscū simul uirtute,
& industria conseruare soliti sunt. Hi cum se,
& opes suas, & copiā necessariorum norunt:
eum uerò nihilominus propter propinquitatē,
& omnium rerum societatem, quid in omni-
bus rebus populus Romanus posset, scire, &
aestimare poterant. Hi, cum deliberassent no-
h biscum

biscum bellum gerere, quæso, quæ res erat, quæ
freti bellum suscipere conarentur? cum multo
maximam sociorum partem in officio manere
intelligerent: cum sibi non multitudinem mili-
tum, non idoneos imperatores, non pecuniâ pu-
blicam præsto esse uiderent, non deniq; ullam
rem, quæ res pertinet ad bellum administran-
dum. Si cum finitimis de finibus bellum gere-
rent, si totum certamen in uno prælio positum
putarent: tamen omnibus rebus instructiores,
ac paratiores uenirent, nê dum illud imperium
orbis terra, cui imperio omnes gentes, reges,
nationes, partim ui, partim uoluntate consen-
serunt, cum aut armis, aut liberalitate a popu-
lo Romano superati essent, ad se transferre tan-
tulis uiribus conarentur. Quæret aliquis, quid
Fregellani, non sua sponte conati sum? Eo qui-
dem minus isti facile conarentur, quo illi,
quemadmodum descissent, uidebant. Nam re-
rum imperiti, qui uniuscuiusq; rei de rebus an-
te gestis exempla petere non possunt, ij per im-
prudentiâ facile deducuntur in fraudem. at ij
qui sciunt quid alijs acciderit, facile ex alio-
rum euentis suis rationibus possunt prouidere.
Nulla igitur re inducti, nulla spe freti arma
sustulerunt? Quis hoc credat, tantam amen-
tiam quenquam tenuisse, ut imperium populi
Romani tentare auderet nullis copijs fretus?
Ergo aliquid fuisse necesse est: quid aliud, nisi
id

id quod dico, potest esse? In attenuato figure genere, quod ad infimum, & quotidianum sermonem demissum est, hoc erit exemplum: Nam, ut forte hic in balneas uenit, coepit, postquam persusus est, defricari. Deinde, ubi uisum ut in alueum descenderet, ecce ibi iste de transuerso. Hic, inquit adolescens, pueri tui modo me pulsauerunt, satisfacias oportet. Hic, qui id aetatis ab ignoto praefer consuetudine appellatus esset, erubuit. Iste clarius eadem, & alia dicere coepit. Sic uix tandem, inquit, Sine me considerare. Tum uero iste coepit uocem clamare ista, quae facile cuius rubores cingere posset, Ita petulans es, atque acer, ut ne ad solarium quidem idoneus, ut mihi uideatur, sed penes scenam, & in eiusmodi locis exercitus sis? Conturbatus est adolescens, nec mirum, cui etiam nunc pedagogi lites ad auriculas uersarentur, imperio eiusmodi conuictorum. Vbi enim iste uidisset scurram exhausta rubore, qui se putaret nihil habere quod de existimatione perderet, ut omnia sine fuma detrimento facere posset? Igitur genera figurarum ex ipsis exemplis intelligi poterunt. Erit enim & attenuata uerborum constructio quadam, & item alia in grauitate, alia posita in mediocritate. Est autem cauendum, ne dum haec genera conseclemur, in finitima, & propinqua uitia ueniamus. Nam graui figura, quae laudanda

est, propinqua est ea, qua fugienda est, qua recte uidebitur appellari, si sufflata nominabitur. Nam ita, ut corporis bonam habitudinem tumor imitatur sepe, ita grauis oratio sepe imperitiis uidetur ea, qua turget, & inflata est, cum aut nouis, aut priscis uerbis, aut duriter aliunde translatis, aut granioribus, quam res postulat, aliquid dicitur, hoc modo: Nam qui perduellionibus uendit patriam, non satis supplicij dederit, si praeceptum in Neptunias depulsus erit lacrimas. Poenitet igitur istum, qui montes belli fabricatus est, campos sustulit pacis. In hoc genus plerique cum declinassent, & ab eo, quod profecti sunt, aberrauerunt, & specie grauitatis falluntur, nec prospicere possunt orationis tumorem. Qui in mediocri genus orationis profecti sunt, si peruenire eò non potuerunt, errantes perueniunt ad confinem generis eius generis, quod appellamus fluctuans, & dissolutum: eo quod sine nervis, & articulis fluctuat huc & illuc, nec potest confirmare, nec uiriliter sese expedire. id est huiusmodi: Socij nostri, cum belligerare nobiscum uellent, profecto ratiocinati essent etiam atque etiam, quid possent facere, si quidem sua sponte facerent, & non haberent hinc adiutores multos, & malos homines, & audaces. Solent enim diu cogitare omnes, qui magna negotia uolunt agere. Non potest huiusmodi sermo tenere ar-

tentum

tentum auditorem. diffluit enim totus, neque quicquam comprehendens perfectis uerbis amplectitur. Qui non possunt in illa facetissima uerborum attenuatone commodè uersari, ueniunt ad aridum, & exangue genus orationis, quod non alienum est exile nominari, cuiusmodi est hoc: Nam istuc ad balneas accessit: ad hunc postea dixit, Hic tuus seruus me pulsauit. postea dixit hic illi, Considerabo. Post ille conuiuium fecit, & magis, magisq; presentibus mulus elumauit. Friuolus hic quidem iam, & illiberalis est sermo. non enim adeptus est id, quod habet attenuata figura puris uerbis, & electis compositam orationem.

Omne genus orationis, & graue, & mediocre, & attenuatum, dignitate afficiunt exornationes, de quibus post loquemur: quæ si raræ disponuntur, distinctam sicuti coloribus: si crebræ collocabuntur, oblitam reddunt orationem. Sed figuram in dicendo commutari oportet, ut grauem mediocrem, mediocrem excipiat attenuata, Deinde identidem commutentur, ut facile satietas uarietate uitetur.

QUONIAM quibus in generibus elocutio uersari debeat, dictum est: uideamus nunc quas res debeat habere elocutio commodæ & perfectæ. Quæ maxime admodum oratori accommodata est, tres res in se debet habere, elegantiam, compositionem, dignitatem. ELEGAN-

T I A est, quæ facit ut unum quodq; pure & aperte dici videatur. Hæc distribuitur in latinitatē, & explanationem. **Latinitas** est, quæ sermonem purum conseruat ab omni uitio remotum. **Uitia** in sermone, quo minus is latinus sit, duo possunt esse, **Solæcismus**, & **Barbarismus**. **Solæcismus** est, cum uerbis pluribus consequens uerbum superiori non accommodatur. **Barbarismus** est, cum uerbum aliquod uitiose offertur. Hæc qua ratione uitare possimus, in arte grammatica dilucide discemus. **Explicatio** est, quæ reddit apertam, & dilucidam orationem. ea comparatur duabus rebus, usitatis uerbis, & proprijs. **Usitata** sunt ea, quæ uersantur in sermone, & consuetudine quotidiana. **Propria**, quæ eius rei uerba sunt, aut esse possunt, quæ de loquemur. **COMPOSITIO** est uerborum constructio, quæ faciat omnes partes orationis aqualiter perpolitas. ea conseruabitur, si fugiemus crebras uocalium concursiones, quæ uasiam, atq; hiantem orationem reddunt, ut hoc est: *Baccæ anææ amœnissimæ impendebant.* Et si uitabimus eiusdem literæ inuicem assiduitatem: cui uitio uersus hic erit exemplo (nam hic nihil prohibet in uitijs, alienis exemplis uti) *O Tite tute Tati tibi tanta tyranne tulisti.* & hic eiusdem poëtæ, *Quicquam, quisquam, cuiquam* quod conueniat, neget. Et si eiusdem uerbi assiduitatem

nimis

nimiam fugiemus, ea est huiusmodi: Nam cuius rationis ratio non extet, ei rationi ratio non est fidem habere. Et si non utemur continenter similiter cadentibus uerbis, hoc modo: *Fientes, plorantes, lacrymantes, obtestantes.* Et si uerborum transiunctionem uitabimus, nisi quae erit concinna, qua de re posterius loquemur, quo in uitio est Lucilius assiduus, ut hoc est in priore libro. Has res ad te scriptas Luci misimus Aeli. Item fugere oportet longam uerborum continuationem, quae et auditoris aures, et oratoris spiritum ledit. His uitijs in compositione uitatis, reliquum operis consumendum est in dignitate. **DIGNITAS** est, quae reddit oratam orationem utriusque distinguens. Hac et in uerborum, et sententiarum exornationem diuiditur. Verborum exornatio est, quae ipsius sermonis insignita comineatur perpolitione. Sententiarum exornatio est: quae non in uerbis, sed in ipsis rebus quandam habet dignitatem. **R E P E T I T I O** est, cum continenter ab uno atque eodem uerbo in rebus similibus, et diuersis principia sumuntur, hoc modo: *Vobis istud attribuentum est, nobis gratia habenda, uobis res ista erit honori.* Item, *Scipio Numantiam sustulit. Scipio Carthaginem deleuit, Scipio pacem peperit. Scipio ciuitatem seruauit.* Item, *Tu in forum prodire, tu lucem conspicerre, tu in horum conspectum uenire conaris? audes uerbu facere, audes*

quiequam ab istis petere, audes supplicium deprecari? Quid est quod possis defendere? quid est quod audeas postulare? quid est quod tibi putes concedi oportere? Non insiurandum reliquisti? non amicos prodidisti? non parenti manus inulisti? non deniq; in omni dedecore uolutatus es? Hac exornatio, cum multum uenustatis habet, tum grauitatis & acrimonia plurimum. Quare uidetur esse adhibenda & ad exornandam, & ad augendam orationem.

CONVERSIO est, per quam non, ut ante, primum repetimus uerbum: sed ad postremum continenter reuertimur, hoc modo: Pœnos pop. Rom. iniustitia uicit, armis uicit, liberalitate uicit. Item, ex quo tempore concordia de ciuitate sublata est, libertas sublata est, fides sublata est, amicitia sublata est. Item C. Zalius homo nouus erat, ingeniosus erat, doctus erat, bonis uiris, & studiosus amicus erat: ergo in ciuitate primus erat. Item, Nam cum istos, ut absoluantur, rogas: ut peierem rogas: ut existimationem negligant rogas: ut leges po. Ro. tua libidini largiantur rogas. COMPLEXIO est, qua utrâq; complectitur exornatione, & hanc, & quâ ante exposuimus, ut & repetatur idem primum uerbum sapius, & crebrò ad idem postremum reuertamur, hoc modo: Qui sunt, qui fœdera saepe ruperunt? Carthaginienses. qui sunt qui crudele bellum in Italia gesserunt? Carthaginienses, qui sunt,

sunt, qui Italiam deformauerunt? Carthaginenses, qui sunt qui sibi postulant ignosci? Carthaginenses. Videte ergo, quid conueniat eos impetrare. Item, Quem senatus damnarit, quem pop. Rom. damnarit, quem omnium existimatio damnarit, eum uos sententijs uestris absoluetis? TRADUCTIO est, qua facit, ut cum idem uerbum crebrius ponatur, non modo non offendas animum, sed etiam concinniore orationem reddat, hoc pacto: Qui nihil habet in uita iucundius uita, is cum uirtute uitam non potest colere. Item, Eum tu hominem appellas, qui si fuisset homo, nunquam tam crudeliter uitam hominis petisset. At erat inimicus: ergo inimicum sic uleisci uoluit, ut ipse sibi reperiretur inimicus. Item, Diuitias sine diuitum esse: tu uero uirtutem praeter diuitijs: nam si uoles diuitias cum uirtute comparare, uix satis idonea ubi uidebuntur diuitia, quae uirtutis pedisequa sint. Ex eodem genere est exornationis, cum idem uerbum modo ponitur in hac, modo in altera re, hoc modo: Cur eam rem tam studiose curas qua multas tibi dabit curas? Item, Amari iucundum est, si curetur nequid insit amari. Item, Veniam ad uos, si mihi Senatus dei ueniam. In his quatuor generibus exornationum, quae adhuc propositae sunt, non inopia uerborum fit ut ad idem uerbum redeatur sapius: sed inest festiuitas quaedam, quae facilius auribus diiudicari.

cari, quam uerbis demonstrari potest. Contentio est, cum ex contrarijs uerbis oratio conficitur, hoc pacto: *Habet assentatio iucunda principia, eadem exitus amarissimos affert.* Item, *Inimicis te placabilem, amicis inexorabilem præbes.* Item, *In otio tumultuarius, in tumultu solus es otiosus. In re frigidissima cales, in seruentissima friges.* Tacito cum opus est, clamas: cum loqui conuenit, obmutescis. *Ades, abesse uis: abesse reuerii cupis.* In pace bellum quaritis, in bello pacem desideras. In cōcione de uirtute loqueris, in prælio per ignauiam tubæ sonitum perferre non potes. Hoc genere si distinguemus orationem, & ornati, & graues poterimus esse. Exclamatio, est quæ conficit significationem doloris, aut indignationis alicuius per hominis, aut urbis, aut loci, aut rei cuiuspiam compellationem, hoc modo: *Te nunc alloquor. Africane, cuius mortui quoque nomen splendori, ac decori est ciuitati. Tui clarissimi nepotes suo sanguine abluerant inimicorum crudelitatem.* Item, *O perfidiose Fregelle, quam facile scelere uestro contabuiſtis: ut cuius nitor urbis Italiam nuper illustrauit, eius nunc uix fundamentorum reliquie maneant.* Item bonorum insidiatores Lurocinio uitam innocentissimi cuiusq; petiſtis: tantamne ex iniquitate iudiciorum uestris calumnijs assumptis facultatem? Hæc exclamatione si loco ueniamur, & raro, & cum rei magnitudo postulare uidebitur,

bitur, ad quem uolumus indignationem animi auditoris adducemus. Interrogatio non omnis gravis est, neq; cōcinna: sed hæc, quæ cum enumerata sunt ea, quæ obsunt cause aduersariorum, confirmat superiorem orationem, hoc patet: Cum igitur hæc omnia faceres, diceres, administrares, utrum animos sociorum ab Republica remouebas & alienabas, an non? & utrum ne aliquem exornari oportuit, qui ista prohiberet, ac fieri non sineret, an non?

Ratiocinatio est, per quam nos ipsi à nobis rationem poscimus quare quidque dicamus, & crebro nosmet à nobis petimus uniuscuiusque propositionis explanationem: ea est huiusmodi: *M*iores nostri, si quam unius peccati mulierem damnabant, simplici iudicio multorum maleficiorum conuictam putabant. Quo pacto? quoniam quam impudicam iudicabant, eam ueneficij quoque damnatam existimabant. Quid ita? quia necesse est eam, quæ suum corpus addixerit turpissime cupiditati, timere permultos. Quos istos? uirum, parentes, ceteros, id quos uideri sui dedecoris infamia pertinere. Quid postea? quos tantopere timeat, eos, necesse est, ut quoquomodo possit, ueneficio petat. Cur? quia nulla potest honesta ratio retinere eam, quam magnitudo peccati sic ita timet, ut, intemperantia audacem, natura muliebri inconsideratam. Quid ueneficij damnatam? quid? putabant impudicam quoque;

quoque necessario. Quare? quia nulla facilius
ad id maleficium causa, quam turpis amor, &
intemperas libido commouere potuit: cum cuius
animus mulieris esset corruptus, eius corpus ca-
stum esse non putarint. Quid in uiris? idem ne
hoc obseruabant? minime. Quid ita? quia uiros
ad unumquodq; maleficium singule cupidita-
tes impellunt: mulieres ad omnia maleficia cu-
peditas una ducit. Item, Bene maiores nostri
hoc comparauerunt, ut neminem regem, quem
armis cepissent, uita priuarent. Quid ita? quia
quam nobis facultatem fortuna dedisset, iniquū
erat in eorum supplicio consumere, quos eadem
fortuna paulo antè in amplissimo statu collo-
carat. Quid quòd exercitum contraduxit? de-
sino meminisse. Quid ita? quia uiri fortis est,
qui de uictoria contendunt, eos hostes putare:
qui uicti sunt, eos homines iudicare, ut possit
bellum fortitudo minuere, pacem humanitas
augere. At ille si uicisset, num idem fecisset?
non profecto tam sapiens fuisset. Quid igitur ei
parcis? quia talem stulticiam contemnere, non
imitari consueui. Hæc exornatio ad sermonem
uehementer accommodata est, & animum au-
ditoris reddit attentum, tum uenustate sermo-
nis, tum rationum expectatione. Sententia, est
oratio sumpta de uita, quæ aut quid sit, aut quid
esse oporteat in uita breuiter ostendit, hoc mo-
do: Difficile est primum uirtutem reuereri, qui
semper

semper secunda fortuna sit usus. Item, Liber is
est existimandus, qui nulli turpitudini seruit.
Item, Egens aequè est is, qui non satis habet, &
is, cui nihil satis potest esse. Item, Optima ui-
uendi ratio est eligenda, tam iucundam consue-
tudo reddet. Huiusmodi sententiae simplices non
sunt improbandae, propterea quòd habet brevis
expositio, si rationis nullius indiget, magnam
delectationem. Sed illud quoque probandum
est genus sententiae, quòd confirmatur subiectio-
ne rationis, hoc modo: Omnes bene uiuendi ra-
tiones in uirtute sunt collocandae, propterea
quòd sola uirtus in sua potestate est: omnia pra-
ter eam subiecta sunt fortune dominationi. Itē,
Qui fortunis alicuius inducti, amicitiam eius
secuti sunt: hi simul ac fortuna dilapsa est, de-
uolant omnes. Cum enim recessit ea res, qua
fuit consuetudinis causa, nihil superest, quare
possint in amicitia retineri. Sunt item senten-
tiae, quae duplices efferuntur, hoc modo sine ra-
tione: Errant qui in prosperis rebus omnes im-
petus fortune se putant fugisse. Sapienter cogi-
rant, qui temporibus secundis casus aduersos re-
formidant. Cum ratione hoc pacto: Qui adole-
scentium peccatis ignosci putant oportere, fallun-
tur: propterea quòd aetas illa non est impedimen-
to bonis studiis: at hi sapienter faciunt, qui ado-
lescentes maxime castigant: ut quibus uirtu-
tibus omnem uitam tueri possint, eas in aetate
maior

maturissima uelint comparare. Sententias interponi raro conuenit, ut rei actores, non uiuendi praeceptores esse uideamur: cum ita interponuntur, multum afferent ornamenti. Nam necesse est animo eam comprobet tacitus auditor, cum ad causam uideat accommodari rem certam ex uita & moribus sumptam. Contrarium idem ferè est, quod contentio. Contrarium est, quod ex rebus diuersis duabus alteram breuiter, & facile confirmat, hoc pacto: Nam qui suis rationibus inimicus fuerit semper, cum quomodo alienis rebus amicum fore speres? Et item, Nam quem in amicitia perfidiosum esse cognoueris, cum quare putes inimicitias cum fide habere posse? Et qui priuatus intolerabili superbia fuerit: cum commodum, & sui cognoscentem uideri in potestate quis speret? Et qui in sermonibus & conuentu amicorum uerum dixeris nunquam, eum sibi in concionibus credis, à mendacio temperaturum? Item, Quos ex collibus deiecimus, cum his in campo metuimus dinucare? Qui, cum plures erant, paucis nobis exaquari non poterant: hi, postquam pauciores sunt, metuimus ne sint superiores? Hoc exornationis genus breuibus, & continuatis uerbis perfectum esse debet, & cum commodum est auditui, propter breuem & absolutam conclusionem: cum uero uehementer id quod opus est oratori, comprobatur contraria re: & ex eo, quod dubium non est.

est, expedit illud quod dubium est, ut aut dilui
 non possit, aut multo difficillime possit. Mem-
 brum orationis appellatur res breuiter absolu-
 ta sine totius sententiae demonstratione, quae de-
 nuo alio membro orationis excipitur, hoc modo:
 Et inimico proderas: id est unum, quod appel-
 latur membrum. deinde hoc excipitur oportet
 ab altero. Et amicum ledebas. Ex duobus mem-
 bris his, haec exoratio potest constare: sed com-
 modissima. Et absolutissima est, quae ex tribus
 constat, hoc pacto: Et inimico proderas, Et
 amicum ledebas, Et tibi ipsi non consulebas.
 Item, Nec Reipublice consulisti, nec amicis
 profuisti, nec inimicis restitisti. Articulus
 dicitur, cum singula verba intervallo distin-
 guentur caesa oratione, hoc modo: Acrimonia,
 uoce, uultu aduersarios perterruisti. Item, In-
 imicos inuidia, iniurijs, potentia, perfidia sustu-
 listi. Inter huius generis, Et illius superioris ue-
 hementiam hoc interest: quod illud tardius, Et
 rarius uenit, hoc crebrius. Et celerius peruenit.
 Itaque in illo genere ex remotione brachij, Et
 contorsione dexterae gladius ad corpus afferri:
 in hoc autem crebro, Et celeri uulnere corpus
 consauciari uidetur. Continuatio est densa, Et
 equitans frequentatio uerborum cum absolu-
 tione sententiarum. ea uenitur commodissime
 tripartito, in sententia, in contrario, in conclu-
 sione. In sententia, hoc pacto: Ei non minus
 potest:

potest obesse fortuna, qui sibi firmitus in virtute, qui in casu presidium collocavit. In contrario, hoc modo: Nam si quis spei non multum collocavit in casu, quid est quod ei magnopere casus obesse possit? In conclusione, hoc pacto: Quod si in eos plurimum fortuna potest, qui suas rationes omnes in casum contulerunt: non sunt omnia committenda fortuna, ne magnam nimis in nos habeat dominationem. In his tribus generibus ad continuationis vim adeo frequentatio est necessaria, ut infirma facultas oratoris videatur, nisi sententiam, & contrarium, & conclusionem frequentibus afferat verbis. Sed & alias quoque nonnunquam, non alienum est, tamen si necesse non est, eloqui res aliquas per huiusmodi continuationes. Compar appellatur, quod habet in se membra orationis, de quibus antè diximus, quæ constant ex pari fere numero syllabarum. Hoc non de enumeratione nostra fiet (nam id quidem puerile est) sed tantum affert usus, & exercitatio facultatis, ut animi quodam sensu par membrum superiori referre possimus, hoc modo: In praelio mortem pater oppetebat; domi filius nuptias comparabat: hæc omnia graueis casus administrabant. Item; Illi fortuna felicitatem dedit, huic industria uirtutem comparauit. In hoc genere saepe fieri potest ut non planè par sit numerus syllabarum, & tamen esse uideatur, si una, aut
etiam

etiam altera syllaba est alterum breuius, aut si cum in altero plures sunt, in altero longior, aut longiores, plenior, aut pleniores syllabae erunt: ut longitudo, aut plenitudo harum, multitudinem alterius assequatur, & exaequet. Similiter cadens exornatio dicitur, cum in eadem constructione uerborum, duo, aut plura sunt uerba, quae similiter iisdem casibus efferruntur, hoc modo: *Hominem laudas egentem uirtutis, abundantem felicitatis. Item, Cuius omnis in pecunia spes est, eius à sapientia est animus remotus. Diligentia comparat diuitias, negligentia corrumpit animum: & tamen, cum ita uiuit, neminem pra se ducit hominem. Similiter desinens est, cum tametsi casus non insunt in uerbis, tamen similes exitus sunt, hoc pacto: Turpiter audes facere, nequiter studes dicere. *Uinis inuidiosè, delinquis studiosè, loqueris odiose. Item, Audacter terribas, humiliter placas. Hac duo genera, quorum alterum in exitus, alterum in casus similitudine uersatur, inter se uicem uicem conueniunt: & ea re, qui his bene utuntur, plerumque simul ea collocant in iisdem partibus orationis. Id hoc pacto facere oportet: Perditissima ratio est amorem petere, pudorem fugere, diligere formam, negligere famam. Hic & ea uerba quae casus habent, ad casus similes: & illa quae non habent, ad similes exitus ueniunt. Annominatio est, cum ad**

idem uerbum acceditur commutatione unius literæ, aut literarum: aut ad res dissimileis similia uerba accommodantur. Ea multis & uarijs rationibus cõficitur: attenuatone, aut complexione eiusdem literæ, sic: *Hic*, qui se magnifice iactat atq; ostentat, uenit à te antè quàm Romam uenit. *Ex contrario*: *Hic* quos homines alea uincit, eos ferro statim uincit. *Productione* eiusdem literæ, hoc modo: *Hunc* animum dulcedo ducit ad animum. *Breuitate* eiusdem literæ, hoc modo: *Hic* tametsi uidetur esse honoris cupidus, tamen non tantum curiam diligit, quantum Curiam. *Addendis literis*, hoc pacto: *Hic* sibi posset tẽperare, nisi amor mallet obtemperare. *Demendis literis* sic: Si leones tãquã leones uitasset, uita se tradidisset. *Trãsferendis literis*, sic: *Videte*, Iudices, utrum homini nauo, an uano credere malitis. Item, *Nolo* esse laudator, ne uidear adulator. *Commutando*, hoc modo: *Diligere* oportet, quem uelis diligere. *Hæ* sunt annominationes, quæ in literarum commutatione, breuitate, aut productione, aut translatione, aut aliquo huiusmodi genere uersantur. Sunt autem aliæ, quæ non habent tam propinquam in uerbis similitudinem, & tamen dissimiles non sunt: quibus de generibus unum est huiusmodi: *Quid* ueniam, quĩsim, quare ueniam, quem insimulem, cui proxim, quem postulem, breui cognoscetis. Nam hic

est in

est in quibusdam uerbis quadam similitudo non
 tam affectanda, quam illa superiores: sed tamē
 adhibenda nonnunquam. Alterum genus hu-
 iusmodi: *Demus operam Quirites*, ne omnino
Patres conscripti, *circumscripti* patentur: Hac
 annominatio magis accedit ad similitudinem,
 quam illa superior, sed minus quam illa supe-
 riores: propterea quod nō solum addita, sed uno
 tempore dempta quoque: licita sunt. Tertium ge-
 nus est, quod uersatur in casuum commutatio-
 ne, aut unius, aut plurium nominum. unius no-
 minis, hoc modo: *Alexander Macedo summo*
labore animum ad uirtutes à pueritia confir-
mauit. *Alexandri uirtutes*, per orbem terra
 cum laude & gloria uulgatae sunt. *Alexan-*
drum omnes maxime metuerunt, item plurimum
dilexerunt. *Alexandro si uita data longior*
esset, Oceanum Macedonum gloria transuolaf-
set. Varie hic unum nomen in cōmutatione ca-
 suum uolutatū est. Plura nomina casibus com-
 mutatis, hoc modo facient annominationē: *Ti-*
berii Gracchū Rempu. administrantē indigna
prohibuit nex diutius in ea cōmorari. *C. Grac-*
cho similiter occisio oblata est, quae uirum Reip.
amantissimum subito de sinu ciuitatis eripuit:
Saturninum fide captum, malorum perfidia per
seclus uita priuauit. *Tutus ō Druse sanguis do-*
mesticos parietes, & uultū patris aspersit. *Sul-*
pitio, cui paulo antē omnia cōcedebāt, cū breui

spatio non modo uiuere, sed etiam se peliri prohibuerunt. Hæc tria genera proxima exornationum, quorum unum in similiter cadentibus, alterum in similiter desinentibus uerbis, tertium in annominationibus positum est, perrara sumenda sunt, cum in ueritate dicemus: propterea quod nō hæc uidentur reperiri posse sine elaboratione, & operæ cōsumptione. Eiusmodi autem studia ad delectationem, quàm ad ueritatem uidentur accommodatiora. Quare fides & grauitas, & seueritas oratoria minuitur his exornationibus frequenter collocatis: & non modo tollitur autoritas dicendi, sed offenditur quoq; in eiusmodi oratione auditor: propterea quod est in his lepos, & sc̃stinitas, nō dignitas, neq; pulchritudo. Quare quæ sunt ampla & pulchra, diu placere possunt: quæ lepida & concinna, cito satietate afficiunt aurium sensum fastidiosissimum. Quomodo igitur, si crebro his generibus utemur, puerili uidebimur elocutione delectari: ita, si raro has interfereamus exornationes, & in causa tota uarie dispergemus, commodè luminibus distinctis illustrabimus orationem. Subiectio est, cum interrogamus aduersarios: aut querimus ipsi quid ab illis, aut quid contra nos dici possit. deinde subijcimus id quod dici oportet, aut quod non oportet, aut nobis adiumento futurū sit, aut offuturum illis è contrario, hoc modo: Quare igitur

tur unde iste tam pecuniosus factus sit. amplius
 patrimoniū relictum est? at patris bona uenie-
 runt: hereditas aliqua obuenit? non potest dici:
 sed etiā à necessarijs omnibus exheredatus est,
 premium aliquod ex lite, aut iudicio cepit? non
 modo id non fecit, sed etiam insuper ipse grandi
 sponsione uictus est. Ergo si his rationibus lo-
 cupletatus non est, sicut omnes uidetis, aut isti
 domi nascitur aurum: aut unde licitum non est,
 pecunias accepit. Item, Sæpe, Iudices, animad-
 uerti, multos aliqua ex honestate, quā ne ini-
 mici quidem criminari possint, sibi presidium
 petere, quorum nihil potest aduersarius facere.
 Nam utrum ad patris eius uirtutem confugiet?
 at eum uos iurati capite damnastis. An ad
 suam reuertetur antiquā uitam alicubi honeste
 tractatam? nam hic quidem ante oculos uestros
 quomodo uixerit, scitis omnes. An cognatos
 suos enumerabit, quibus uos conueniat commo-
 ueri? at hi quidem nulli sunt. Amicos prose-
 ret? at nemo est qui sibi non pueri turpe, istius
 amicum nominari. Item, Credo inimicum, quem
 nocentem putabas, in iudicium adduxisti? non:
 nam indemnatum necasti. Leges, quæ id facere
 prohibent, ueritus es? at ne scriptas quidem iu-
 dicasti. Cum ipse te ueteris amicitia commone-
 faceret, cōmotus es? at nihilo minus, si etiam
 studiosus occidisti. Quid, cum tibi pueri ad pe-
 des uolutarētur, misericordia motus es? at corū

patrem crudelissime sepultura quoq; prohibuisti. Multum inest acrimonia, & gravitatis in hac exornatione, propterea quod, cum quæsitum est quid oporteat, subjicitur id non esse factum. quare facillime fit, ut augeatur indignitas negotij. Ex eodẽ genere, ut ad nostram quoq; personam referamus subiectionem, sic: Num quid me facere conveniret, cum à tanta multitudine Gallorum circumfunderer? an dimicarem? at cum parva manu cum prodiremus, locum quoq; inimicissimum habebamus. Siderem in castris? at neq; subsidium, quod expectarem, habebamus: neq; erat, quo vitam produceremus. Castra relinquerem? at obsidebamus. Vitā militum negligerem? at ea videbar eos accepisse cōditione, ut quo id possem, incolumes patriæ, & parentibus conservarem. Hostium conditionem repudiarem? at salus antiquior est militum, quàm impedimentorū. Huiusmodi cōsequuntur identidem subiectiones, ut ex omnibus ostendi videatur, nihil potius, quàm quod factum sit faciendum fuisse. Gradatio est, in qua nō ante ad consequens verbum descenditur, quàm ad superius consensum est, hoc modo: Nam quæ reliqua spes manet libertatis, si illis, & quod libet licet, & quod licet possunt, & quod possunt, audent, & quod audent faciunt, & quod faciunt nobis molestum non est? Item, non sensi hoc, & non suasi: neq; suasi, & non ipse statim facere cœpi:

coepi: neq; facere coepi, & non perfeci: neq; perfeci, & non probavi. Item, *Africano* industria uirtutem, uirtus gloriam, gloria annulos comparauit. Item, imperium *Graciae* fuit apud *Athenienses*, *Atheniensium* potius sum *Spartiatas*, *Spartiatas* superauere *Thebani*, *Thebanos* *Macedones* uicerunt: qui ad imperiū *Graciae* breui tempore adiunxerunt *Asiam* bello subactam. Habet in se quendam leporem superioris cuiusque crebra repetitio uerbi, quae propria est huius exornationis. Desinitio est, quae rei al cuius proprias amplectitur potestates breuiter & absolute, hoc modo: *Maiestas*, *Reipub.* est, in qua continetur dignitas, & amplitudo ciuitatis. Item, *iniuria* sunt, quae aut pulsatione corpus, aut commutatio aures, aut aliqua turpitudine uitam cuiuspiam uiolant. Item, Non est ista diligentia, sed auaritia: id eo quod diligentia est accurata conseruatio suorum: auaritia, iniuriosa appetitio alienorum. Item, Non est ista fortitudo, sed temeritas: propterea quid fortitudo est contemptio laboris, & periculi cum ratione utilitatis, & compensatione commodorum. *Temeritas*, est cum inconsiderata laborum perpeſſione gladiatoria periculorum susceptio. Haec igitur commoda putatur exornatio, quod omnem rei cuiuspiam uim, & potestatem ita dilucide proponit, & breuiter explicat, ut ne quae pluribus uerbis oportuisse

120
A D R E R E N.
dici uideatur: neq; lucidius, potuisse dici pute-
tur. Transito uocatur, quæ cum ostendit bre-
uiter quod dictum sit, proponit item breui quod
consequatur, hoc modo: In patriam cuiusmodi
fuerit, habetis: nunc in parentes qualis extite-
rit, considerate. Item, Mea in istum beneficia
cognoscitis: nunc quomodo iste mihi gratiam
retulerit accipite. Proficit hæc aliquantum ex-
ornatio ad diuis res. nam & quid dixerit com-
monet, & ad reliquum comparat audiorem.
Correctio est, quæ tollit id, quod dictum est: &
pro eo id, quod magis idoneum uidetur, repo-
nit, hoc pacto: Quod si iste suos hospites rogas-
set, imo innuisset modo, hoc facile perfici pos-
set. Item, Nam postquam isti uicerint, atque
adeo uicti sunt, eam quomodo uictoriam appel-
lem, quæ uictoribus plus calamitatis, quam bo-
ni dederit? O uirtutis comes inuidia, quæ bonos
insequeris plerumq; , atq; adeo insectaris! Com-
mouetur hoc genere animus auditoris. res enim
communi uerbo elata tantummodo dicta uide-
tur: ea post ipsius oratoris correctionem magis
idonea fit pronuntiatione. Non igitur satius
esset, dicet aliquis, ab initio (praesertim cum scri-
bas) ad optimum, & electissimum uerbum de-
uenire? Est enim non est satius, si commutatio
uerbi id erit demonstratura eiusmodi rem esse:
ut cum eam communi uerbo appellaris, lenius
dixisse uidearis: cum ad electius uerbum acce-
das,

das, insigniorem rem facias. Quod si continuo uenisses ad id uerbum, nec rei, nec uerbi gratia animaduersa esset. Occupatio est, cum dicimus nos praterire, aut non scire, aut nolle dicere id, quod tunc maxime dicimus, hoc modo: Nam de pueritia quidem tua, quam tu omni intemperantia addixisti, dicerem, si hoc tempus idoneum putarem: nunc consilio relinquo. Et illud praterco, quod rei militaris te infrequentē tradidisti. Deinde quod iniuriarum satisfecisti L. Labroni, nihil ad rem pertinere puto: horum nihil dico: reuertor ad illud, de quo iudicium est. Item, Non dico te ab socijs pecunias accepisse: non sum in eo occupatus, quod ciuitates, regna, domos omnium depeculatus es: furta, rapinas omnes tuas omitto. Hac utilis est exornatio, si aut rem, quam non pertineat alijs ostendere, occulte admonuisse prodest: aut si longum est, aut ignobile, aut planum, aut non potest fieri, aut facile potest reprehendi, ut utilius sit occulte fecisse suspicionem, quam huiusmodi intendisse orationem, que redarguatur. Disiunctio est, cum eorum de quibus dicimus, aut utrumq; aut unumquodq; certo concluditur uerbo, sic: Populus Romae. Numantiam deleuit, Carthaginem sustulit, Corinthum disiecit, Fregellas euerit. Nihil Numantinis uires corporis auxiliata sunt: nihil Carthaginensibus scientia rei militaris adiumento fuit: nihil Corinthijs erudita

calliditas praesidiū tulit: nihil Fregellanis moriū,
 & sermonis societas opitulata est. Item, Forma
 dignitas aut morbo deflorescit, aut uetustate
 extinguitur. Hic utrunq; & in superiore exem-
 plo unamquanq; rem certo uerbo concludi ui-
 demus. Coniunctio est, cum interpositione uerbi,
 & superiores orationis partes comprehendun-
 tur, & inferiores, hoc modo: Formae dignitas,
 aut morbo deflorescit, aut uetustate. Adiu-
 nctio est, cum uerbum, quo res comprehenditur,
 non interponimus: sed aut primum, aut postre-
 mum collocamus. Primum, hoc pacto: Deflore-
 scit formae dignitas aut morbo, aut uetustate.
 Postremum sic: Aut morbo, aut uetustate for-
 mae dignitas deflorescit. Ad festiuitatē disiu-
 nctio est appposita. quare rarius utemur ea, ne sa-
 tietatem pariat. Ad breuitatem coniunctio.
 quare saepius adhibenda est. haec tres exornatio-
 nes de simplici genere manant. Conduplicatio
 est, cum ratione amplificationis, aut commise-
 rationis eiusdem unius, aut plurium uerborum
 iteratio, hoc modo: *Tumultus C. Graechi, tu-
 multus domesticos & intestinos comparat.* Itē,
*Commotus non es, cum tibi mater pedes ample-
 xaretur, non es commotus.* Item, Nunc etiam
 audes in horum conspectam uenire proditor pa-
 tria, proditor inquam patriae uenire audes in ho-
 rum conspectum? Vehementer auditorem cōmo-
 uet eiusdē redintegratio uerbi, et uulnus maius
 efficit.

efficit in contrario cause, quasi aliquod telum
sepius perueniat in eandē partē corporis. Inter-
pretatio est, quæ nō iterans idem reintegrat uer-
bum: sed id commutat quod possum est, alio uer-
bo quod idem ualeat, hoc modo: Remp. radicatus
eueristi: ciuitatem funditus deieciſti. Item, Pa-
trem nefarie uerberasti: parenti manus scelera-
te intulisti. Necessē est eius, qui audit, animum
commoueri, cum grauitas prioris dicti renoua-
tur interpretatione uerborum. Commutatio est,
cū due sententiæ inter se discrepantes ex trāsie-
ctione ita offeruntur, ut à priori posterior con-
traria priori proficiſcatur, hoc modo: Esse oportet,
ut uiuas: nō uiuere, ut edas. Item, Ea re poë-
mata non facio: quia cuiusmodi nolo nō possum,
cuiusmodi possum nolo. Item, Quæ de illo dicen-
tur, dici non possunt: quæ dici possunt, nō dicen-
tur. Item, Si poema, loquens pictura est: pictura,
tacitum poema debet esse. Item, Quia stultus es,
ea re taces: non tamen quia taces, ea re stultus
es. Non potest dici quin commode fiat, cum con-
traria sententiæ translatione, uerba quoq; con-
uertantur. Plura subiicimus exempla, ut quo-
niam difficile est hoc genus exornationis inuen-
iri, dilucidum esset, ut cum bene esset intellectu,
facilius in dicendo inueniretur. Permissio est,
cum ostendimus in dicendo non aliquam rem
totam tradere, & concedere alicuius uolunta-
ti, sic: Quoniam omnibus rebus creptis, solum
mibi

mihī superest animus, & corpus: hæc ipsa, quæ
mihī de multis sola relicta sunt, uobis, & ue-
stra condono potestati. Vos me quo pacto uobis
uidetur, utamini atq; abutamini licebit impu-
ne, in me quicquid libet statuere, dicite, atq; ob-
temperabo. Hoc genus, tametsi aliàs quoque,
nonnunquam tractandum est, tamen ad mise-
ricordiam commouendam uehementissime est ac-
commodatum. Dubitatio est, cum querere ui-
detur orator, utrum de duobus potius, aut quid
de pluribus potissimum dicat, hoc modo: Ob-
fuit eo tempore plurimum Reip. & O S S. siue stul-
titiæ, siue malitiæ dicere oportet, siue utrūq;
Item, Tu istud ausus es dicere homo omnium
mortalium? quero quoniam te digno moribus
tuis appellem nomine. Expeditio est, cum ra-
tionibus compluribus enumeratis, quibus ali-
qua res aut fieri, aut non fieri potuerit, ceteræ
tolluntur, una relinquitur, quam nos intēdimus,
hoc modo: Necessè est, cum constet istum nostrū
fundum fuisse, ostendas te aut uacuum posse-
disse, aut usū tuum fecisse, aut emissee, aut herē-
ditate tibi uenisse. Vacuum, cum ego adesset,
possidere non potuisti. Tuum usū fecisse etiam
num non potes: emptio nulla profertur: herēdi-
tate tibi me uiuo mea pecuniā uenire nō potuit.
Relinquitur ergo, ut me ui de meo fundo deice-
ris. Hæc exornatio plurimū iuuabit coniectura-
les argumētationes, sed non erit tanquā in ple-
risq;

risq; ut cum uelimus, ea possimus uiu. nam facere id non poterimus, nisi nobis ipsa negotij natura dabit facultatem. Dissolutio est qua cōiunctionibus uerborum è medio sublati, separatis partibus offertur, hoc modo: Gere morem pareni, pare cognatis, obsequere amicis, obtempera legibus. Item, Descende in integram defensionem: noli quicquā recusare: da seruos in questionem: stude uerū inuenire. Hoc genus & acrimoniam habet in se, & uerementissimū est, & ad breuitatem accommodatū. Præcisio est, cum dictis quibusdam reliquum, quod ceptum est dici, relinquitur in audientium iudicio, sic: Mihi tecum præcertatio non est, ideo quod pop. Ro. me: nolo dicere, ne cui fori è arrogans uidear: te autem sepe ignominia dignum putauit. Item, Tu ista nunc audes dicere? qui nuper aliena domui: non ausim dicere, ne, cum te digna dixerō, me indignum quippiā dixisse uidear. Hic atrocior tacita suspicio, quā disertæ explanatio facta est. Conclusio est, quæ breui argumentatione ex ijs, quæ ante dicta sunt aut facta, conficit id quod necessario consequatur hoc modō: Quod si Danais datum erat oraculū, non posse capi Troiam sine Philocteta sagittis: hæ autem nihil aliud fecerunt, nisi Alexandrum perculerunt: hunc extinguere, id nimirum capi fuit Troiam. Restans etiam decem exornationes uerborum, quas iccirco non uagè dispersimus, sed à

sed à superioribus separauimus , quòd omnes in
uno genere posita sunt. Nam earum omnium
hoc proprium est, ut ab usitata uerborum pote-
state recedatur , atq; in aliam rationem cum
quadam uenustate oratio conferatur. De qui-
bus exornationibus Nominatio est prima , quæ
nos admonet, ut cui rei nomen aut non sit , aut
satis idoneum non sit, eam nosmet idoneo uerbo
nominemus, aut imitationis, aut significationis
causa. Imitationis, hoc modo, ut maiores rude-
re, & uagire, & mugire, & murmurare. &
sibilare appellauerunt. Significande rei causa,
sic: Postquam iste in Remp. fecit impetum, fra-
gor ciuitatis in primis est auditus. Hoc genere
raro est utendum, ne noui uerbi assiduitatis odiū
pariat: sed si commode quis eo utatur, & raro,
non modo non offendet nouitate, sed etiam exor-
nabit orationem. Pronominatio est, quæ sicuti
cognomine quodam extraneo demonstrat id,
quod suo nomine appellari non potest, ut si quis,
cum loquatur de Gracchis, At nō Africani
nepotes, inquit, istiusmodi faciunt. Item si quis
de aduersario dicat: Videte nunc, inquit, Iudi-
ces, quemadmodum me Plagiosippus iste tra-
ctarit. Hoc pacto non inornate poterimus & in
laudando, & in ledendo, aut in corpore, aut in
animo, aut in extraneis rebus dicere, sicuti co-
gnomen, quod pro certo nomine collocamus.
Denominatio est, quæ à propinquis, & finiti-
mis

mis rebus trahit orationem, qua possit intelligi res, quae non suo vocabulo sit appellata. id aut ab inuentore conficitur: ut si quis de Tarpeio loquens, cum Capitolinum nominet. aut ab inuenio: ut si quis pro Libero uinum, pro Cereere frugem appeller. Aut ab instrumento dominū: ut si quis Macedonas appellarit, hoc modo: Nō iam cito Sarissa Gracia potita sunt. Aut idē Gallos significās dicat, Nec tam facile ex Italia Materis transalpina depulsa est. Aut id quod sit, ab eo qui facit: ut si quis cū bello uelis ostendere aliquid quēpiā fecisse, dicat: Mars istud necessario te facere cōēgit. Aut si quod facit, ab eo quod sit: ut cum desidiosam artem dicemus, quia desidiosos facit: & frigus pigrū, quia pigros efficit. Ab eo quod cōtinet, id quod continetur, hoc modo denominabitur: Armis Italia non potest uinci, nec Gracia disciplinis. nam hic pro Graecis, & Italis, quae continent, notata sunt. Ab eo quod continetur, id quod continet: ut si quis aurum, uel argētum, aut ebur nominet, cum diuitias uelit nominare. Harum omnium denominationum magis in pyracpiendo diuisio, quā in quacrendo difficilis inuentio est, ideo quēd plena consuetudo est, non modo poetarum, & oratorum, sed etiam quotidiani sermonis, huiusmodi denominationum. Circuitio, est oratio rem simplicem assumptam circumscribens clocutione, hoc pacto: Scipio-

nis

nis providentia Carthaginis opes fregit. Nam hic, nisi ornandi ratio quedam esset habita, Scipio potuit, & Carthago simpliciter appellari. Transgressio est, quæ uerborum perturbat ordinem peruersione, aut transiunctione. Peruersione, sic: Hoc uobis deos immortales arbitror dedisse uirtute pro uestra. Transiunctione, hoc modo, Instabilis in istum plurimum fortuna ualuit, Omnes inuidiose eripuit tibi bene uiuendi casus facultates. Huiusmodi transiunctio, quæ rem non reddit obscuram, multum proderit ad continuationes, de quibus antè dictum est, in quibus oportet uerba sicut à poetis in quendam extruere numerum, ut perfectè, & perpolitissimè possint esse absolutæ. Superlatio est oratio superans ueritatem, alicuius augendi, minuendique causa. hæc sumitur separatim, aut cum comparatione. Separatim sic: Quod si concordiam retinebimus in ciuitate, imperij magnitudinem solis ortu, atq; occasu metimur. Cum comparatione, aut à similitudine, aut à præstantia superlatio sumitur. À similitudine, sic: Corpore niuem candorem, aspectu igneum ardorem assequabatur. À præstantia, hoc modo: Cuius ore sermo melle dulcior profluebat. Eodem genere hoc est: Tantus erat in armis splendor, ut solis fulgor obscurior uideretur. Intellectio est, cum res tota parua de parte cognoscitur, aut de toto pars. De parte totum sic intellig

intelligitur, Non illa te nuptiales tibia eius ma-
 trimonii commonebant? Nam hic omnis sancti-
 monia nuptiarum uno signo tibiarum intelli-
 gitur. De toto pars, ut si quis ei, qui uestitum, aut
 ornatum sumptuosum ostendet, dicat: Ostentas
 mihi diuitias, & locupletes copias iactas. Ab
 uno plura intelliguntur, hoc modo: Pœno fuit
 Hispanus auxilio, fuit immanis ille transalpi-
 nus, in Italia quoq; non nemo sensit idem toga-
 tus. A pluribus unum sic intelligitur: Atrox
 calamitas pectora mœrore pulsabat: itaq; an-
 helans ex imis pulmonibus præ cura spiritus
 ducebatur. Nam in superioribus plures Hispa-
 ni, & Galli, & togati, & hic unum pectus, &
 unus pulmo intelligitur: & erit illic diminutus
 numerus festiuitatis, hic adauctus grauitatis
 gratia. Abusio est, quæ uerbo simili, & propin-
 quo pro certo & proprio abutitur, hoc modo:
 Vires hominis breues sunt, aut parua statura,
 aut longum in homine consilium, aut oratio ma-
 gna, aut uti pauco sermone. Nam hic facile est
 intellectu, finitima uerba rerum dissimilium, ra-
 tione abusionis esse traducta. Translatio est, cū
 uerbum in quādam rem transfertur ex alia re,
 quod propter similitudinem recte uidetur posse
 transferri. ea utimur rei ante oculos ponenda
 causa, sic: Hic Italiam tumultus expergescit
 terrore subito. Breuitatis causa sic: Recens ad-
 uentus exercitus subito ciuitatem extinxit. Ob-

scœnitatis uitande causa, sic: Cuius mater quod-
 tidianis nuptiis delectatur. Augendi causa, sic:
 Nullius mœror, & calamitas istius explere
 inimicitias, & nefariam saturare crudelitatem
 potuit. Minuendi causa, sic: Magno se predicat
 auxilio fuisse, quia paululam in rebus difficili-
 mis aspirauit. Ornandi causa, sic: Aliquando
 Reip. rationes, quæ malitia nocentium exaruerunt,
 uirtute optimorum reuirescunt. Translationem
 dicunt prudentem esse: oportere, ut cum ratione in
 consimilem rem transeat: ne sine delectu temere,
 & cupide uideatur in dissimilem transcur-
 risse. Permutatio est oratio aliud uerbis, aliud
 sententiâ demonstrans. Ea diuiditur in tres par-
 tes, similitudinem, argumentum, contrarium. Per
 similitudinem sumitur, cum translationes, una
 aut plures frequenter ponuntur à simplici ratio-
 ne ductæ, sic: Nam cum canes fingantur officij
 luporum, cuiusmodi præsidio pecuaria credemus?
 Per argumentum tractatur, cum à persona, aut
 à loco, aut à re aliqua similitudo, augendi, aut
 minuendi causa ducitur: ut si quis Drusum,
 Gracchum, Numitorem obsoletum dicat. Ex
 contrario ducitur sic: ut si quis hominem pro-
 digum, & luxuriosum illudens, parcum, & di-
 ligentem appellet. Et in hoc postremo, quod ex
 contrario sumitur: & illo primo, quod à simili-
 tudine ducitur, per translationem argumento
 poterimus uti. Per similitudinem sic: Quid ait
 hic

hic rex, atq; Agamemnon noster, siue, ut crudelitas est, potius Atreus? Ex contrario, si quem impium, qui patrem uerberauit, Aeneam uocemus: intemperantem, & adulterum, Hippolytum nominamus. Hæc sunt ferè quæ dicenda uidebantur de uerborum exornationibus. Nunc res ipsa monet, ut deinceps ad sententiarum exornationes tranſeamus.

DISTRIBVTIO est, cum in plures res, aut personas certa negotia quædam disperſuntur. hoc modo: Qui ueſtrum, lud ces, nomen Senatus diligit, hunc odium neceſſe est: petulantissime enim ſemper ille oppugnauiſſe Senatum. Qui equeſtrem locum ſplendiſſimum cupit eſſe in ciuitate, is oportet iſtum maximas pœnas dediſſe uelis, ne iſte ſua turpitudine ordini honeſtiſſimo macula, atq; dedecori ſit. Qui paruulus habetis, oſtendite iſtius ſupplicio uobis homines impios non placere. Quibus liberi ſunt, ſtatuite exemplum, quanta pœna in ciuitate ſint hominibus huiusmodi comparata. Item, Senatus officiũ eſt, conſilio ciuitatem iuuare. Maſiſtraus officiũ eſt, opera & diligentia cõſequi uoluntatem Senatus. Populi officiũ eſt, res optimas, & homines idoneos maxime ſuis ſententijs eligere, & probare. Accuſatoris officiũ eſt, inferre crimina. Deſenſoris, diluere, & propulſare. Fiſis eſt dicere quæ ſciarit, aut audierit. Queſitoris eſt, unumquẽq; horum in officio

suo continere. Quare L. Crassi, si testem, preterquam quod sciat, aut audierit, argumentari, & coniectura prosequi patieris, ius accusatoris eum iure testimonij commiscebis: testis improbi cupiditatem confirmabis, reo duplicem defensionem parabis. Est hæc exornatio copiosa. comprehendit enim breui multa, & suum cuique tribuens, officium separat, & res diuidit plures. Licentia est, cum apud eos, quos aut uereri, aut metuere debemus: tamen aliquid pro iure nostro dicimus, quod eos minimè offendat, aut quos hi diligunt, cum in aliquo errato uere reprehendi posse uideantur, hoc modo: Miramini Quirites, quod ab omnibus uestre rationes deferantur, quod causam uestram nemo suscipiat, quod se nemo uestri defensorem profiteatur: id tribuite uestre culpæ, atque desinite istud mirari. quid enim est quare non omnes istam rem fugere, ac uitare debeant? Recordamini quos habueritis defensores: studia eorum uobis ante oculos proponite. deinde omnium exitus considerate: tum uobis ueniet in mentem, ut uere dicam, negligentia uestra, siue ignauia potius, illos omnes ante oculos uestros trucidatos esse, inimicos eorum uestris suffragijs in amplissimum locum peruenisse. Item, Nam quid fuit, Iudices, quare in sententijs ferendis dubitaueritis? aut istum hominem nefarium ampliare ueritis? non apertissima res erant crimini datae?

non

non omnes ha testibus comprobata? non contra tenuit, & negatoria responsum? Hic uos ueriti estis, si primo cœtu condemnassetis, ne crudeles existimaremini: dum eam uitastis uicuperationem, quæ longè à uobis erat absitura, eam inuenistis, ut timidi atq; ignaui putaremini. Maximas, & priuatas, & publicas calamitates accepistis: cum etiam maiores impendere uideantur, si diutius & osecitami. Luce nocte, nocte lucem expectatis. Aliquid quotidie acerbis atq; incommodis nuntiatur: & eum cuius opera nobis hæc accidunt, remoramini diutius. & alius, ac Reip. perniciem retinetis, quoad potestis in ciuitate. Eiusmodi licentia si nimium uidebitur acrimonia habere, multis mitigationibus lenietur. nam continuo aliquid huiusmodi licebit inferre: Hic ego uirtutem uestram quero, sapientiã desidero, uicterem cõsuetudinem requiro, ut quod erat commotum licentia, id laude mitigetur, ut alicui res ab iracundia, & molestia remoueat, alicui res ab errato deterreat. Hæc res, sicut in amicitia, ita in dicendo, si loco sit, maxime facit ut & illi, qui audiens, à culpa absint: & nos, qui dicimus amici eorum, & ueritatis esse uideamur. Est autem quoddam genus licentiae in dicendo, quod astutiore ratione comparatur: cū aut ita obiurgamus eos, qui audiunt, quomodo ipsi se cupiunt obiurgari, aut id, quod scimus facile omnes audituros, dicimus nos timere, quomodo

modo accipiant: sed tamen ueritate commoueri,
ut nihilo secius dicamus. Eorum amborum ge-
nerum exempla subiiciemus. Prioris huiusmodi:
Nimium Quirites animis istis simplicibus, &
mansuetis, nimium creditis unicuique, existimatis
unumquemque; eniti ut perficiat quæ uobis polli-
citus sit: erratis, et frustra falsa spe iam diu de-
tineamini, stultitia uestra est: quia quod erat in
uestra potestate, ab alijs petere, quam ipsi sume-
re maluistis. Posterioris licentiæ hoc erit exem-
plum: Mihi cum isto, Iudices fuit amicitia, sed
ista tamen amicitia (tamen si uercor quomodo
accepturi sitis) uos me priuastis. quid ita? quia,
ut uobis essem probatus, cum, qui uos oppugna-
bat, inimicum, quam amicū habere malui. Ergo
hæc exornatio, cui licentiæ nomen est, sicuti de-
monstrauimus, duplici ratione tractabitur: acrimo-
nia, quæ, si nimium fuerit aspera, mitigabitur
laude, & assimulatione, de qua superius dixi-
mus, quæ non indiget mitigatione, propterea
quod imitatur licentiā, & sua sponte ad animū
auditoris se accommodat. Diminutio est, cum
aliquid esse in nobis, aut in ijs quos defendimus,
aut natura, aut fortuna, aut industria dice-
mus egregium: quod nequa significetur arro-
gans ostentatio, diminuitur, et attenuatur ora-
tione, hoc modo: Nam hoc pro meo iure, Iudi-
ces, dico, me labore, & industria curasse, ut di-
sciplinam militarem non in postremis tenerem.

Hic

Hic si quis dixisset, *Ut optime tenerem*: tamen si
 uere dixisset, tamen arrogans uisus esset. nunc
 & ad inuidiam uitandam, & ad laudem com-
 parandam satis dictum est. Item, *Utrum* igitur
 auaritia causa, aut egestatis accessit ad ma-
 leficiū? *Auaritia*? at largissimus fuit in
 amicos, quod signum liberalitatis est, qua con-
 traria auaritia est. *Egestatis*? at huic quidem
 parcer, nolo nimium dicere, non tenuissimum pa-
 trimonium reliquit. Hic quoque uitatum est ne
 magnum, aut maximum dicretur. hoc igitur
 in nostris, aut eorum, quos defendemus, egre-
 gius commodis proferendus obseruabimus. Nam
 eiusmodi res & inuidiam contrahunt in uita,
 & odium in oratione, si inconsiderate tractes.
 Quare quemadmodum in uiuendi ratione su-
 gniur inuidia, sic in dicendo consilio uitatur
 odium. Descriptio nominatur, quæ rerum con-
 sequentium continet perspicuam & dilucidam
 cum grauitate expositionem, hoc modo: Quod
 si istum, Iudices, uestris sententijs liberaueritis,
 statim sicut è cauea leo missus, aut aliqua te-
 rerrima bellua soluta ex carceris uolabit, &
 n regabitur in foro: acuens dentes multos in eni-
 usque fortunas, in omnes amicos, atque mimi-
 cos, notos atque ignotos incursans, aliorum fa-
 mam depeculans, aliorum caput oppugnans,
 aliorum domum, ad omnem familiam perfrun-
 gens, Rempubl. funditus lab. factans. Quare,

*Iudices, eijcite eum de ciuitate, liberate omnes
formidine, uobis denique ipsis consulite. nam si
istum impunitum dimiseritis, in uosmetipsos,
mibi credite, feram, & truculentam bestiam,
Iudices, immiseritis. Item, Nam si de hoc, Iudi-
ces, grauem sententiam tuleritis, uno iudicio si-
mul multos iugulaueritis. grandis natu parens,
cuius spes senectutis omnis in huius adoleſcentia
posita est, quare uelit in uita manere, non habe-
bit: filij parui priuati patris auxilio, ludibrio,
& despectui paternis inimicis erunt oppositi:
tota domus huius indigna concidet calamitate:
at inimici statim sanguinolenta palma, crude-
lissima uictoria positi, insultabunt in horum
miserias: & superbia, re simul, & uerbis inue-
hantur. Item, Nam neminem ueſtrum fugit,
Quirites, capta urbe, que miserie consequi so-
leant: arma qui contra tulerint, statim crude-
lissime trucidantur: ceteri, qui possunt per eta-
tem, & uires laborem ferre, rapiuntur in serui-
tutem: qui non possunt, uita priuantur: uno de-
niq; , atq; eodem tempore domus hostili flagrat
incendio: & quos natura, aut uoluntas neces-
situdine, aut beneuolentia cōiunxerit, distrahun-
tur: liberi partim è gremijs parentum diripiun-
tur, partim in sinu iugulantur, partim ante pe-
des constuprantur. nemo, Iudices, est, qui possit
satis rem consequi uerbis, nec referre oratione
magnitudinem calamitatis. Hoc genere exor-
natio*

nationis, uel indignatio, uel misericordia potest commoueri: cum res consequentes comprehense uniuersa perspicua breuiter exprimuntur oratione. Diuisio est, quæ rem, semouens à re utranque absoluit ratione subiecta, hoc modo: Cur ego nunc tibi quicquam obijciam? si probus es, non meruisti: sin improbus, non commoueris. Item, Quid nunc ego de meis proprijs meritis predicem? si meministi, obtundam: sin obliui es, cum re nihil egerim, quid est quod uerbis proficere possim? Item, Duæ res sunt, quæ possunt homines ad turpe compendium commouere: inopia, atque auaritia. te auarum in fraterna diuisione cognouimus, inopem atq; egentem nunc uidemus: qui potes igitur ostendere causam maleficij non fuisse? Inter hanc diuisionem, & illam, quæ de partibus orationis tertia est, de qua in libro primo diximus, secundum narrationem, hoc interest: quod illa diuidit per enumerationem, aut per expositionem, quibus de rebus in tota oratione disputatio futura sit: hæc se statim explicat, & breui duabus, aut pluribus partibus, subiiciens rationes, exornat orationem. Frequentatio est, cum res in tota causa dispersæ coguntur unum in locum, quo grauior, aut acrior, aut criminiosior oratio sit, hoc pacto: A quo tandem abest iste uitio? quid est, Indices, cur uelutis eum liberare? Sæ pudicitia proditor est, insidiator.

alienae cupidus, intemperans, petulans, superbus, impius in parentes, ingratus in amicos, infestus in cognatos, in superiores contumax, in aequos & pares fastidiosus, in inferiores crudelis, denique in omnes intolerabilis. Eiusdem generis est illa frequentatio, quae plurimum coniecturalibus causis opiulatur, cum suspiciones, quae separatim dictae, minutae & infirmae erant, unum in locum coactae rem videntur perspicuam facere, non suspiciosam, hoc pacto: Nolite igitur Iudices, nolite ea, quae dixi separatim spectare, sed omnia colligite, & conferte in unum. Si & commodum ad istum ex morte illius ueniebat, & uita est turpissima hominis, animus auarissimus, fortunae familiaris rei attenuatissima, & res ista bono nemini praeter istum fuit: neque alius quisquam aequae commode, neque iste alijs commodioribus rationibus facere potuit: neque praeteritum quicquam est ab isto, quod opus fuerit: ad maleficium neque factum, quod opus non fuerit: & cum locus idoneus maxime questus, tum occasio aggrediendi commoda, tempus ad eundi opportunissimum, spatium cōficiendi longissimum sumptum est, non sine maxima occultandi, & perficiendi maleficij spe: & praeterea ante quam occisus homo is est, iste usus est in collo, in quo est occisio facta, solus. Paulo post in ipso loco maleficij, uox illius, qui occidebatur, audita est: deinde post occisionem, istum multa nocte

nocte domum rediſſe conſtat: poſtera die iu-
benter, & inconstantē de occiſione illius locu-
tum. Hac partim teſtimonijs, partim quaſtio-
nibus & argumentis, omnia comprobantur, &
rumore populi, quem ex argumentis natum ne-
ceſſe eſt eſſe uerum: ueſtrum iudices eſt, his unum
in locum collatis, certam ſumere ſcientiam, non
ſuſpicionem maleficij. Nam unum aliquid, aut
alterum poteſt in iſtum caſu cecidiſſe ſuſpicioſe:
ut omnia inter ſe à primo ad poſtremum con-
ueniant maleficia, neceſſe eſt caſu non poſſe fieri.
Vrhemens eſt hac exortatio, & in coniecturali
conſtitutione cauſae ſerme ſemper neceſſaria,
& in ceteris generibus cauſarum, & in omni
oratione adhibenda nonnunquam. Expolitiō
eſt, cum in eodem loco manemus, & aliud atq;
aliud dicere uidemur. Ea dupliciter fit, ſi au-
tandem planè dicimus rem, aut de eadem re.
Eandem rem dicimus, non eodem modo: nam
id quidem obtundere auditorem eſt, non rem ex-
polire, ſed commutare. Commutabimus tripli-
citer, uerbis, pronuntiando, tractando. Verbis
commutabimus, cum re ſemel dicta, iterum,
aut ſæpius alijs uerbis, qua idem ualeant, eadem
res proferatur, hoc modo: Nullum tantum eſt
periculum, quod ſapiens pro ſalute patriae ui-
tandum arbitretur. Cum augetur incolumitas
perpetua ciuitatis, qui bonis erit rationibus
præditus, proſpecto nullum uita discrimen ſibi
pro

pro fortunis Reip. fugiendum putabit: Et erit in ea sententia semper, ut pro patria studiose, quamvis in magnam descendat vita dimutationem. Pronuntiando commutabimus, si tum in sermone, tum in acrimonia, tum in alio, atq; alio genere uocis, atq; gestus, eadem uerbis commutando, pronuntiatione quoq; uehementius immutabimus. Hoc neq; commodissime scribi potest, neq; parum est apertum: quare non egi exempli. Tertium genus est commutationis, quod ita etando conficitur, si sententiam traieciemus aut ad sermocinationem, aut ad exuscitationem. Sermocinatio est de qua planius paulo post suo loco dicemus. Nunc breuiter ad hanc rem quod satis fu attingemus: in qua constituitur alicuius persone oratio accommodata ad dignitatem, hoc modo (ut quo facilius res cognosci possit, ne ab eadem sententia recedamus): Sapiens, qui omnia Reip. causa suscipienda periculi putabit, sepe ipse secum loquitur: Non mihi soli, sed etiam, atq; adeo multo potius natus sum patriæ: uita quæ fato debetur, saluti patriæ potissimum soluatur. Aluit hac me, tunc, atq; honeste produxit usq; ad hanc ætatem: munijt meas rationes bonis legibus, optimis moribus, honestissimis disciplinis. Quid est quod à me satis ei persolui possit, unde hæc accepta sunt? Quia hæc loquitur secum sapiens, sepe ego in periculis Reip. nullum ipse periculum fugi. Item mutatur

res tractando, si traducitur ad exuscitationem, cum & nos commoti dicere uideamur, & auditoris animum commouemus, sic: Quis est tam tenui cogitatione præditus, cuius animus tantis angustijs inuidiæ continetur, qui non hunc hominem studiosissime laudet, & sapientissimum iudicet: qui pro salute patriæ, pro incolumitate ciuitatis, pro Reipub. fortunis, quamuis magnum, atq; atrox periculum studiose suscipiat, & libenter subeat? Equidem hunc hominem præis cupio satis laudare, quam possim, idemq; hoc certo scio uobis omnibus usu uenire. Eadem res igitur his tribus in dicendo commutabitur rebus, uerbis, pronuntiando, tractando: sed tractando dupliciter, sermocinatione, & exuscitatione. Sed de eadem re eum dicemus, pluribus uicemur commutationibus. Nam eam rem simpliciter pronuntiauerimus, rationem poterimus subijcere. deinde duplicem, uel sine rationibus, uel cum rationibus pronuntiare sententiam deinde afferre contrarium. De quibus omnibus diximus in uerborum exornationibus. Deinde simile & exemplum, de quo suo loco plura dicemus. Deinde conclusionem, de qua in secundo libro, quæ opus fuerunt, diximus, demonstrantes argumentationem quemadmodum concludere oporteat. In hoc libro docuimus, cuiusmodi esset exornatio uerbi: cui conclusioni nomen est. Ergo huiusmodi uehementer ornata poter

poterit esse expolitio, quæ constabit ex frequentibus uerborum exornationibus, & sententiarum. Hoc modo igitur septem partibus tractabitur, sed ab eiusdem sententia non recedamus exemplo, ut scire possis quàm facile præceptione rhetorica res simplex multiplici ratione tractetur. Sapiens nullum pro Reipub. periculum uitabit, ideo quòd saepe fit, ut cum pro Republica perire noluerit, necessario cum Republ. pereat. & quoniam sunt omnia commoda à patria accepta, nullum incommodum pro patria graue putandum est: ergo qui fugiunt id periculum quod pro Republica subeundum est stulte faciunt. nam neq; effugere incommoda possunt, & ingrati in ciuitatem reperiuntur. At qui patriæ periculo suo periculo expectant, hi sapientes putandi sunt: cum & eum, quem debent honorem Reipub. reddunt, & pro multis perire malunt, quàm cum multis. Etenim uehementer est iniquum, uitam, quam à natura acceptam propter patriam conseruaueris, naturæ, cùm cogat, reddere: patriæ, cùm roget, non dare: & cum possis cum summa uirtute & honore pro patria interire, malle per dedecus & ignauiam uiuere: & cum pro amicis & parentibus & cæteris necessarijs adire periculum uelis, pro Republ. in qua & hoc, & illud sanctissimū nomen patriæ continetur, nolle in discrimen uenire. Itaq; uti contemnendus est, qui in nauigando se quàm nauim manu inco-

lumen:

*lumen : ita uituperandus , qui in Reipublica
discrimine , sua plus quàm communi saluti con-
sultat. Nunc enim fracta , multi incolumes euase-
runt : ex naufragio patrie saluus nemo potest
enatare. Quod mihi bene uidetur Decius intel-
lexisse , qui se deuouisse dicitur , & pro legio-
nibus in hostes immisisse medios. amisit uitam ,
at non perdidit. re enim uilissima & parua
maximam redemit : dedit uitam , accepit pa-
triam : amisit animam , potius est gloria , qua
cum summa laude prodita , ueiustate quotidie
magis enitescit. Quòd si pro Republica debere
accedere ad periculum & ratione demonstra-
rum est , & exemplo comprobatum : ij sapien-
tes sunt existimandi , qui nullum pro salute pa-
triae periculum uitant. In his igitur generibus
expolitio uersatur , de qua producti sumus ut
plura diceremus , quòd non modo cum causam
dicimus , adiunat & exornat orationem , sed
nullo maxime per eam exercemur ad elocu-
tionis facultatem. Quare conueniet extra cau-
sam in exercendo rationes adhibere expolitio-
nis. in dicendo uti cum exornabimus argumen-
tationem , de qua diximus in l. bro secundo. Com-
moratio est , cum in loco firmissimo , quo tota
causa continetur , manetur diutius : & eodem
sepius reditur. hac uti maxime conuenit , &
id est oratoris boni maxime proprium. Non
enim datur auditori potestus animum de re fir-
missi*

missima dimorandi. huic exemplum satis idoneum subijci non potuit : propterea quòd hic locus non est à tota causa separatus sicut membrum aliquod, sed tanquam sanguis persusus est per totum corpus orationis. Contentio est, per quam contraria referuntur. Ea est in uerborum exornationibus, ut antè docuimus, eiusmodi: Inimicis te placabilem, amicis inexorabilem præbes. In sententiis, huiusmodi: Vos huius incommodis luteris, iste Reipublica calamitate letatur. Vos uestris fortunis diffiditis: iste solus suis comagis confidit. Inter hæc duo contentionum genera hoc interest: illud ex uerbis celeriter relatis constat, hic sententia contraria ex comparatione referantur oportet. Similitudo, est oratio traducens ad rem quampiam aliquid ex re dispari simile. Ea sumitur aut ornandi causa, aut probandi, aut apertius dicendi, aut ante oculos ponendi. Quomodo igitur quatuor de causis sumitur, ita quatuor modis dicitur: per contrarium, per negationem, per breuitatem, per collationem. Ad unamquamq; sumendæ causam similitudinis accommodabimus singulos modos pronuntiandi. Ornandi causa sumitur per contrarium, sic: Non enim, quemadmodum in palaestra, qui iedas candentes accipit celerior est in cursu continuo, quàm ille qui tradit: ita melior imperator nouus, qui accipit exercitum, quàm ille qui decidit: propterea quòd defatigatus cursor

integ

integro faciem : hic peritus imperator imperito
 exercitum tradit. Hoc sine simili satis planè, &
 perspicue, et probabiliter dici potuit, hoc modo:
 Dicitur minus bonos imperatores à melioribus
 exercitum accipere solere: sed ornandi causa si-
 mile sumptum est, ut orationi dignitas quedam
 compareretur. Dictum est autè per contrarium.
 nam tunc similitudo sumetur per contrarium,
 cum ei rei, quam nos probamus, aliquā rem ne-
 gamus esse similem, ut paulo antiè, cum de curso
 ribus differebamus. Per negationē dicitur pro-
 bandi causa, hoc modo: Neq; equus indomitus,
 quamuis natura bene compositus sit, idoneus po-
 test esse ad eas utilitates, & aptus, qua deside-
 rantur ab equo : neq; homo indoctus, quamuis
 sit ingeniosus, ad uirtutem potest peruenire. hoc
 probabilius factum est, quod magis est uerisimi-
 le: nō posse uirtutē sine doctrina cōparari : quo-
 niam nec equus quidē indomitus idoneus possit
 esse, ergo sumptum est probādi causa. Dictum
 est autem per negationem: id enim perspicuum
 est de primo similitudinis uerbo. Aperius di-
 cendi causa similitudo dicitur per breuitatem,
 hoc modo: In amicitia gerenda, sicut in certami-
 ne currendi, non ita conuenit exerceri, ut quoad
 necesse sit peruenire possit: sed ut productus stu-
 dio, & uiribus ultra facile procurras. Nam hoc
 simile est, ut aperius intelligatur, Mala ratione
 Iacere, qui reprehendant eos, qui (uerbi causa)

post mortem amici, liberos eius custodiant: pro-
 pterea quòd in cursore tantum uelocitatis esse
 oporteat, ut efferatur usq; ad finē: in amico tan-
 tum beneuolētia studium, ut ultra quā amicus
 sentire possit, procuret amicitie studio. Dictū
 autem simile est per breuitatē. non enim ita, ut
 in ceteris rebus, res ab re separata est: sed utraq;
 res coniuncte & confuse pronuntiata. Ante
 oculos ponendi negotij causa, sumitur similicu-
 do per collationem, sic: Vti citharædas, cum
 prodierit optime uestitus, palla inaurata indu-
 tus, cum chlamyde purpurea coloribus varijs
 intexta, & cum corona aurea magnis fulgenti-
 bus gemmis illuminata, citharam tenens exor-
 natissimam auro & ebore distinctam: ipse præ-
 terea forma, & specie sit, et statura appositā ad
 dignitatem: si cum magnam populo cōmoueris
 his rebus expectationem, repente silentio facto
 uocem emittat acerbissimam cum turpissimo
 corporis motu: quo melius ornatus, & magis
 fuerit expectatus, eo magis derisus, & contem-
 ptus cecidit: ita si quis in excelsō loco, & in
 magnis, ac locupletibus copijs collocatus fortunæ
 muneribus, & natura cōmodis omnibus abun-
 dabit, si uirtutis & artium, quæ uirtutis ma-
 gistræ sunt, egebit: quo magis ceteris rebus
 erit copiosus, & illustris & expectatus, eò ue-
 hementius derisus, & contemptus ex omni con-
 uenit bonorū cecidit. Hoc simile exornatione
 utriusq;

utriusq; rei. & alterius inscitia artificij, alterius stultitia simili ratione collata, sub aspectus omnium rem subiecit. Dictum autem est per collationem, propterea quod proposita similitudine, paria sunt relata omnia. In similibus observare oportebis diligenter, ut cum rem asseramus similem, cuius rei causa similitudinem attulerimus, verba quoq; ad similitudinem habeamus accommodata. id est huiusmodi: Ita ut hircundines adliuo tempore praesto sunt, frigore pulsa recedunt: ex eadem similitudine nunc per translationem verba sumimus: Ita fulsi amici sereno vita tempore praesto sunt: simulatq; hyemem fortuna uiderint, deuolant omnes. Sed inuentio similitum facilis erit, si quis sibi omnes res animatas & inanimatas, mutas & loquentes, feras & mansuetas, terrestres & caelestes & maritimas, artificio, casu, natura comparatas, usitatas atq; inusitatas, frequenter ante oculos poterit ponere, & ex his aliquam uenari similitudinem, quae aut ornare, aut docere, aut aperiorem rem facere, aut ponere ante oculos possit. Non enim res tota toti rei necesse est similis sit, sed ad ipsum, ad quod conferetur, similitudinem habeat oportet. Exemplum, est aliquis facti aut dicti praecriti cum certi auctoris nomine, propositio. Id sumitur iisdem de causis, quibus similitudo. Rem ornatiorem facit, cum nullius rei, nisi dignitatis causa sumitur, aperi-

tiorem, cum id, quod sit obscurius, magis dilucidum reddit. Probabiliorem, cum magis uerisimilem facit. Ante oculos ponit, cum exprimit omnia perspicue, ut res dicta prope manu tentari possit. Niuscuiusq; generis singula subieciimus exempli, nisi exemplum, quod genus esset in expolitione demonstrassemus, & causas sumendi in similitudine aperuissemus. quare nolimus, neq; pauca, quo minus intelligeretur, neq; re intellecta, plura conscribere. Imago, est forma cum forma quadam similitudine collatio. Hac sumitur, aut laudis, aut uituperationis causa. Laudis causa, sic: Ibant in praeliū corpore iuari ualidissima: impetu leonis acerrimi similes. Vituperationis, ut in odiū, aut in inuidia, aut in contempnionem adducat. Ut in odium, hoc modo: Isle quotidie per forum medium tanquam iubatus draco serpit, aspectu rabido circumspectans huc & illuc, si quem reperiat cui aliquid mali faucibus afflare, quem ore attingere, dentibus infecare, lingua aspergere possit. Ut in inuidiam adducat, hoc modo: Isle, qui diuitias suas iactat, sicut gallus ē Phrygia, aut ariolus quispian depressus, & oneratus auro, clamat & deierat. Ut in contempnionem adducat, sic: Isle qui tanquam cochlea abscondens retentat sese iacitus, quo sit tuus, comeditur cum domo sua, & auferitur. Effictio est, cum exprimitur, & effingitur uerbis corporis cuiuspiam forma

forma, quoad satis sit ad intelligendum, hoc modo: Hunc dico, Iudices, rubrum, breuem, incuruum, canum, subscriptum, casum, cui sanè magna est in mento cicatrix, si quo modo potest uobis in memoriam redire. Habet hac exornatio cum utilitatem, si quem uelis ostendere: tum uenustatē, si breuiter & dilucide facta est. Notatio est, cum alicuius natura certis describitur signis, quæ sicuti nota quadam, natura sunt attributa. Vt si uelis non diuitem, sed ostentatorem pecuniosum describere: Iste, inquires, iudices, qui se dici diuitem, putat esse præclarum: primum nunc uidete quo uultu nos intueatur, nonne uobis uidetur dicere, Darem, si mihi molesti non essem? Cum uero sinistra mensum subleuat, existimat se gemma nitore, & auri splendore aspectus omnium perstringere. Cum puerum respicit hūc unum quem ego noui, uos non arbitror nouisse, alio nomine appellat, deinde alio atq; alio, Heus tu, inquit, ueni Sannio ne quid isti barbari perturbent. Vt ignoti, qui audiunt, unum putent eligi de multis: ei dicit in aurem, aut ut domi lectuli sternantur, aut ab auunculo rogetur Æthiops, qui ad balneas ueniat: aut asturconi locus ante ostium suum datur, aut aliquid fragile falsa choragium gloria cōparetur. Deinde exclamat, ut omnes audiant, Videto ut diligenter enumeretur, si potest ante noctem. Puer qui iā bene hominis naturam no-

uit. Tu illo plures mintas oportet, inquit, si hodie uis transnumerari. Age, inquit, duc tecum Zibanum, & Sosiam. Sanè. Deinde casu ueniunt hospites homini, qui istū splendide, dum peregrinaretur, receperat: ex ea re homo hercle sanè cōturbatur, sed tamen à uitio natura non recedit. Bene, inquit, facitis, cum uenitis: sed rectius fecissetis, si ad me domū recta abiissetis. Id fecissemus, inquiunt illi, si domū nouissemus. At istud quidem facile fuit undelibet inuenire, uerū ite mecum. Sequuntur illi. sermo interea huius consumitur omnis in ostentatione. Quarit in agris cuiusmodi frumenta sint. negat se quia uile incense sint, accedere posse: nec adificare etiā nunc audere. Tamen si in Tusculano quidē cœpi insanire, & in iisdem fundamentis adificare. Dum hæc loquitur, uenit in ades quasdam, in quibus sodalitiū erat eodem die futurū: quo iste pro notitia domini adium ingreditur cum hospitibus: Hic, inquit, habito. Perspicit argentum quod erat expositū: uicit triclinium strauit. probat. accedit seruulus. dicit homini clare, dominum iam uenturum, si uelit exire. Siāne, inquit? eamus hospites, frater uenit ex Falerno. ego illi obuiam pergā: uos huc decima uenitote. Hospites discedunt. Ille se raptim domum suam comiecit: Illi decima, quo iusserat, ueniunt: querunt hunc, reperiunt domus cuiā sit: in diuersorium derisi conferunt sese. Videt hominē postera die:

dicenarrant, exposculant, accusant. At iste eos
 similitudine loci deceptos, angiporto toto deer-
 rassi, contra ualitudine suam se ad multa nocte
 expectasse, Sannioni puero negotium dederat,
 ut uasa, uestimenta, pueros corrogaret. Scruulus
 non inurbanus satis strenue, & concinne cōpa-
 rat: iste hospites domū deducit. At se ades ma-
 ximas cuidam amico ad nuptias accōmodasse.
 Nuntiat interea puer argentum repeti (periti-
 muerat enim, qui commodat) Apagete, in-
 quit, ades cōmodatui, familiam dedi: argentum
 quoq; uult? Tamen si hospites habeo, tamen uti-
 tur licet, nos famis delectabimur. Quid ego,
 qua deinde efficiat, narrē? Eiusmodi est homi-
 nis natura, ut qua singulis diebus efficiat gloria
 atq; ostentatione, ea uix annuo sermone enar-
 rare possim. Huiusmodi notationes, qua de-
 scribunt quid consentaneum sit uniuscuiusque
 natura, uehementer habent magnam delecta-
 tionem. Totam enim naturam cuiuspiam po-
 nunt ante oculos, aut gloriosi, ut nos, exempli
 causa ceperamus: aut inuidi, timidi, aut au-
 si, ambitiosi, amatoris, luxuriosi, furis, quadru-
 platoris: denique cuiusuis studium protrahi po-
 test in medium tali notatione. Sermocinatio
 est, cum alicui persone sermo attribuitur, &
 is exponitur cum ratione dignitatis, hoc pa-
 eto: Cum militibus urbs redundaret, &
 omnes timore oppressi domi continerentur, ue-

161 A D H E R E N T.
nit isle cum fago, gladio succinctus, tencns iacu-
lum: quinq; adolescentes hominē simili ornatu
subsequitur, irrumpt in ades subito: deinde ma-
gna uoce, Vbi est isle beatus, inquit, adium do-
minus, quin mihi praesto sit? quid taceris? Hic
alij omnes stupidi timore obmutuerunt. Vxor
illius infelicissimi cum maximo fletu ad istius
pedes abiicit sese: Parce, inquit, & per ea, quae
tibi dulcissima sunt in uita, miserece nostri, noli
extinguere extinctos, Fer mansuete fortunam:
nos quoq; fuimus beati: nosce te esse hominem.
At ille: Quin illum mihi datis? at uos auribus
meis opplorare desinitis, non abibit, illi nuntia-
tur interea uenisse istum, & clamore maximo
mortē minari: quod simul ut audiuit, Fleus, in-
quit, Gorgia pedissequa puerorum, absconde pue-
ros, defende, fac ut incolumes ad adolescentiam
perducas. Vix hac dixerat, cum ecce isle pra-
sto, Sedes, inquit, audax? non uox mea tibi ui-
tam ademit? exple meas inimicitias, & iracun-
diam satura tuo sanguine. Ille cum magno spi-
ritu, Metuebam, inquit, ne planē uictus essem:
nunc uideo in iudicio mecum contendere non
uis, ubi superari turpissimum est, superare pul-
cherrimū: interficere me uis: occidat equidem,
sed uictus non peribo. At ille, In extremo uita
tempore etiam sententiose loqueris: neq; ei, quē
uides dominari, uis supplicare? Tum mulier,
Immo quidem isle rogat & supplicat, sed tu
quæso

queso commouere, Et tu per deos, inquit, hunc
 amplexare, dominus est: uicit hic re, uince tu
 nunc animū. Cur non desinis, inquit, uxor loqui:
 que me digna non sunt? tace, & que curanda
 sunt, cura. tu cessus mihi uitā, tibi omnem bene
 uiuendi spem mea morte cripere? iste mulierem
 repulit ab se lamentantem: illi nescio quid inci-
 pienti dicere, quid dignum uidelicet illius uir-
 tute esset, gladium in latere defixit. Puto in hoc
 exemplo datos esse unicuique sermones ad digni-
 tatem accommodatos: id quod oportet in hoc gene-
 re obseruare. Sunt item sermocinationes conse-
 quentes hoc genus: Nam quid putamus illos di-
 cturos, si hoc iudicaueritis? nonne hæc omnes
 utentur oratione? Deinde subijcere sermonem.
 Conformatio est, cum aliqua, quæ non adest per-
 sona consingitur quasi adsit: aut cum res muta,
 aut informis sit eloquens, & formata, et ei ora-
 tio attribuitur ad dignitatem accommodata,
 aut actio quadam, hoc pacto: Quod si nunc hæc
 urbs inuictissima uocem emittat, non hoc pa-
 cto loquatur? Ego illa plurimis trophæis orna-
 ta, triumphis diuata, certissimis, clarissimis loca
 pletata uictorijs, nunc uestris seditionibus, o ci-
 ues uxor: quam dolis malitiosa Carthago, uiri-
 bus probata Numantia, disciplinis erudita Co-
 rinthus labefactare non potuit, eam patiementi
 nunc ab hominibus deterrimis proteri atque con-
 culeari? Item, Quod si nunc Lucius ille Bru-

tus reuiuifcat. Et hic ante pedes ueſtros adſis,
non hac uietur oratione? Ego reges cieci: uos ty
rannos introducitis. ego libertatem, qua nō erat,
peperi: uos pariem ſeruare non uultis. ego capi
tis mei periculo patriam liberaui: uos liberi ſine
periculo eſſe non curatis. Hac conformatio, licet
in plures res mutas, atq; inanimatas transfera
tur, proficit plurimum in amplificationis parti
bus Et cōmuſeratione. Significatio eſt, quæ plus
in ſuſpicionē relinquit quàm poſitum eſt in ora
tione: ea ſit per exuperationem, ambiguum, con
ſequentiam, abſciſſionem, ſimilitudinē. Per exu
perationem, cum plus dictum eſt quàm patitur
ueritas, augēda ſuſpicionis cauſa, ſic: Hic de tam
to patrimonio tam cito teſtam, qua ſibi petas
ignem, non reliquit. Per ambiguum, cum uerbum
poſteſt in duas, pluresue ſententias accipi, ſed ac
cipitur in eam pariem, quam uult is, qui dixit:
ut de eo ſi dicas, qui multas hereditates adiecit:
Proſpice tu, qui plurimum cernis. Ambigua
quemadmodum uitāda ſunt, qua obſcuram red
dunt orationem: ita hæc conſequentia, qua conſi
ciunt huiusmodi ſignificationem. Ea reperien
tur facile, ſi nouerimus, Et animaduertimus
uerborum ancipites aut multiplices poteſtates.
Per conſequentiam ſignificatio ſit, cum res, qua
ſequuntur aliquam rem, dicuntur, ex quibus to
ta res relinquitur in ſuſpicionē: ut ſi ſalsamen
tarij filio dicas: Quieſce tu, cuius pater cubito
ſe emittit

se emungere solebat. Per abscissionē, si cum incipimus aliquid dicere, praeidimus: & ex eo quod iam diximus, satis relinquitur suspitionis, sic: Qui ista forma, & etate nuper aliena domui: nolo plura dicere. Per similitudinem cum aliqua re simili allata, nihil amplius dicimus, sed ex ea significamus quid sentiamus, hoc modo: Noli Saturnine nimium populi frequentia fretus esse, inulsi iacent Cracchi. Hae exornatio plurimum festiuitatis habet interdū & dignitatis. Sinit enim quiddam tacito oratore ipsum auditorem suspicari. Breuitas, est res ipsis sanctumodo uerbis necessarijs expedita, hoc modo: Lemnum prateriens cepit: inde Tharsi praesidium reliquit: post urbem in Bichynia sustulit: inde pulsus in Hellepontum, statim potitur Abydo. Item, Modo consul, quondā tribunus, deinde primus erat ciuitatis, nū proficiscitur in Asia: deinde exul, & hostis est dictus, post imperator, postremo cōsul factus est. Habet paucia comprehensa breuitas multarū rerum expeditiōem. Quare adhibenda saepe est cum aut res non eget longe orationis, aut tempus non sinit commorari. Demonstratio est, cum ita res uerbis exprimitur, ut geri negotium, & res ante oculos esse uideatur. Id fieri poteris si qua ante, & post, & in ipsa re facta crunt, cōprehendimus: aut à rebus consequentibus, aut à circumstantibus non recedimus, hoc modo: Quod simul atq;

atq; Gracchus prospexit fluctuare populum
 uerentem ne ipse autoritate Senatus commotus,
 à sententia desisteret: iubet aduocari cōcionem.
 Isle interea scelere & malis cogitationibus re-
 dundans, euoluit ex templo Iouis, & sudans, oeu-
 lis ardentibus, erecto capillo, contorta toga, cum
 pluribus alijs ire celerius cœpit. Illi præco facie-
 bat audientiam: hic subsellium quoddam calce
 premens dextra pedem defringit, & alios hoc
 idem iubet facere. Cum Gracchus deos incipe-
 ret precari: cursim isti impetum faciunt, ex alijs
 alijsq; partiibus conuolant, atq; è populo unus,
 Fuge, inquit Tiberi, fuge: non uides? respice
 inquam. Deinde uaga multitudo subito timore
 perterrita, fugere cœpit. At isle spumans ex
 ore scelus, anhelans ex infimo pectore crudelita-
 tem, contorquet brachium: & dubitanti Grac-
 cho quid esset, neq; tamen locum, in quo con-
 siliat relinquenti percutit tempus. Ille nulla
 uoce delibans insitam uirtutem cōcidit tacitus.
 Isle uiri fortissimi miserando sanguine aspersus,
 quasi facinus præclarissimum fecisset, circun-
 spectans, & hilari sceleratam graulantibus
 manum porrigens, in templum Iouis contulit
 sese. Hac exornatio in amplificanda, & commi-
 seranda re plurimum prodest. & in huiusmodi
 narrationibus: statuit enim totam rem & pro-
 pè ponit ante oculos. Omnes rationes honestan-
 da elocutionis studiose collegimus: in quibus

Herenni si te diligenter exercueris, & gravitatem, & dignitatem, & suavitatem habere in dicendo poteris, ut oratorie planè loquaris: ne nuda atq; inornata inuentio vulgari sermone efferatur. Nunc identidem nosmetipsi nobis instemus: res enim communis agitur, ut frequenter & assidue consequamur artis rationem studio, & exercitatione: quod alij cum molestia tribus de causis maxime faciunt: aut si cum quibus libenter exerceantur, non habent: aut si sibi diffidunt: aut si nesciunt quā viam sequi debēt: quæ à nobis absunt omnes difficultates. Nam & simul libenter exerceamur propter amicitiam, cuius initium cognatio fecit: cetera philosophia ratio confirmavit. Et nobis nō dissidimus: propterea quod & aliquantulum processimus, & alia meliora sunt, quæ multo intensius petimus in vita, ut etiā si non peruenierimus in dicendo quod volumus, parua pars. vitæ perfectissima desideretur. Et viam, quam sequamur, habemus: propterea quod in his libris nihil præteritum est rhetoricæ præceptionis. Demonstratum est cum quo modo res in omnibus generibus causarum inueniri oporteat. dictum est, quo pacto eas disponere conveniat. traditum est, quæ ratione esset pronuntiandum. præceptū est, quæ viâ meminisse possemus. demonstratū est, quibus modis perfecta elocutio compararetur. Quæ si sequamur, acutè & cito reperiemus, distinctè

& ord

Et ordinate disponemus, grauitate & uenustate pronuntiabimus, firme & perpetuo meminerimus, ornate & suauiter eloquemur. Ergo in arte rhetorica nihil est amplius. Hæc omnia adipiscemur, si rationes præceptionis diligentia consequemur & exercitatione.

M. T. CICERONIS

RHETORICORVM

LIBER I.

SAEPER & multum hoc mecum cogitavi, bonine an mali plus attuleris hominibus, & ciuitatibus copia dicendi, ac summum eloquentia studium. Nam cum & nostra Reip. detrimenta considero, & maximarum ciuitatum ueteres animo calamitates colligo, non minimam uideo per disertissimos homines inuictam esse partem incommodorum. Cum autem res ab nostra memoria propter uetustatem remotas ex literarum monumentis repetere instituo: uultus urbes constitutas, plurima bella restituta, firmissimas societates, sanctissimas amicitias intelligo, cum animi ratione, tum facilius eloquentia comparatas. Ac me quidem diu cogitantem ratio ipsa in hanc potissimum sententiam ducit, ut existimem sapientiam sine eloquentia parum prodesse ciuitatibus: eloquen-

etiam uero sine sapientia nimium obesse plerumque; prodesse nunquam. Quare si quis omnibus rectissimus, atque honestissimus studiis rationis et officij, consumit omnem operam in exercitatione discendi, is inutilis sibi, perniciosus patrie ciuis alitur. qui uero ita se armat eloquentia, ut non oppugnare commoda patrie, sed pro his propugnare possit: is mihi uir, et suis et publicis rationibus utilissimus atque amicissimus ciuis fore uidetur. Ac si uolumus huius rei, quae uocatur eloquentia, siue artis, siue studij, siue exercitationis cuiusdam, siue facultatis à natura profecta considerare principium, reperimus id ex honestissimis causis natum, atque optimis rationibus profectum. Nam fuit quoddam tempus; cum in agris homines passim bestiarum more uagabantur, et sibi uictu ferino uitam propagabant: nec ratione animi quicquam, sed pleraque uiribus corporis administrabant. Nondum diuina religionis, non humani officij ratio colebatur: nemo legitimas uiderat nuptias: non certos quisquam inspexerat liberos, non ius aquabile quid utilitatis haberet, acceperat. Ita propter errorem atque inscientiam, caca ac temeraria dominatrix animi cupiditas ad se explendam uiribus corporis abutebatur perniciosissimis satellitibus. Quo tempore quidam magnus uidelicet uir, et sapiens cognouit, quae materia esset, et quanta ad maximas res opportunitas ani-

mis inesset hominū, si quis eam posset elicere, & precipiendo meliorem reddere. Qui dispersos homines in agris & in relictis syluestribus abditos ratione quadam compulsi unum in locum, & congregauit: & eos in unāquāq; re inducens. uilem atq; honestā: primo propter insolentiam reclamantes, deinde propter rationem atq; orationem studiosius audientes, ex feris, & immanibus mites reddidit & mansuetos. Ac mihi quidē uidetur hoc, nec tacita, nec inops dicendi sapientia perficere potuisse, ut homines à cōsuetudine subito conuerteret, & ad diuersas uitae rationes traduceret. Age uero urbibus constitutus, ut fidē colere, & iustitiam retinere discerent, & alijs parere sua uoluntate consueverunt: ac non modo labores excipiendos cōmunis commodi causa, sed etiā uitam admiuendam existimarent: qui tandē fieri potuit, nisi homines ea qua ratione inuenissent, eloquentia persuadere potuissent? Profectō nemo nisi graui, ac suauis commotus oratione, cum uiribus plurimū posset, ad ius uoluisset sine ui descendere: ut inter quos posset excellere, cū ijs se pateretur aequari, & sua uoluntate à iucundissima consuetudine recederet, qua praesertim iam natura uim obtineret propter uicinitatē. Ac primo quidem sic & nata & progressa longius eloquentia uidetur: & item postea maximis in rebus pacis & belli cum summis hominū utilitatibus esse uersata

*sata. Postquam uero commoditas quadam, pra-
 ua uirtutis imitatrix, sine ratione officij dicen-
 di copiam consecuta est, tum ingenio freta ma-
 litiis peruertere urbes, & uitas hominum labe-
 factare assuevit. Atq; huius quoq; exordium
 mali, quoniam principium boni diximus, explicе-
 mus. Verisimillimum mihi uidebitur quodam tem-
 pore, neq; in publicis rebus insantes, & insipien-
 tes homines solitos esse uersari: nec uero ad pri-
 uatas causas magnos ac discretos homines acce-
 dere: sed cum à summis uiris maxima res admi-
 nistrarentur, arbitror alios fuisse non incallidos
 homines, qui ad paruas controuersias priuato-
 rum accederent. Quibus in controuersijs cum saepe
 à mendacio contra uerum homines stare con-
 suescerent, dicendi assiduitas aluit audaciam:
 ut necessario superiores illi propter iniurias ci-
 uium resistere audacibus. & opitulari suis
 quisq; necessarijs cogeretur. Itaq; cum in dicendo
 saepe par, nonnunquam etiam superior uisus esset
 is, qui omisso studio sapientia, nihil sibi prater
 eloquentiam comparasset: fiebat ut & multitu-
 dinis, & suo iudicio dignus, qui Remp. gereret,
 uideretur. Hinc nimirum non iniuria, cum ad
 gubernacula Reip. temerarij, atq; audaces ho-
 mines accesserant, maxima ac miserrima nau-
 fragia fiebant. Quibus rebus tantum odij atq;
 inuidia suscepit eloquentia, ut homines inge-
 niosissimi, quasi ex aliqua turbida tempestate*

in portum: sic ex seditiosa, & tumultuosa uita
 se in studium aliquod tradere quicquid. Quare
 mihi uidentur postea cetera studia recta, atq;
 honesta per otium concelebrata ab optimis
 enituisse: hoc uero à plerisq; eorum desertum
 obsoleuisse eo tempore, quo multo uehementius
 erat retinendū, & studiosius adaugendū. Nam
 quo indignius rem honestissimam, & rectissi-
 mam uiolabat stultorum & improborum te-
 meritas, & audacia summo cum Reip. detri-
 mento: eo studiosius & illis resistendum fuit, et
 Reipub. consulendum. Quod nostrū illum non
 fugit Catonem, neq; Laliū, neq; corū (ut uere
 dicam) discipulum Africanū, neq; Gracchos
 Africani nepotes: quibus in hominibus erat
 summa uirtus, & summa uirtute amplificata
 autoritas: & qua his rebus ornamento, & Reip.
 presidio esset, eloquentia. Quare meo quidem
 animo nihilominus eloquentie studendum est,
 etsi ea quidam & priuatim & publice peruer-
 se abutuntur: sed eo quidem uehementius, ne
 mali magno cum detrimento bonorum et com-
 muni omnium pernicie plurimum possint: cum
 praesertim hoc unum sit quod ad omnes res, &
 priuatas, & publicas maxime pertineat, hoc
 iusta, hoc honesta, hoc illustris, hoc eodem uita
 iucunda fiat. Nam hinc ad Remp. plurima con-
 moda ueniunt, si moderatrix omnium rerum
 praesto est sapientia. hinc ad ipsos, qui eā adepti
 sunt,

sunt, laus, honor, dignitas confluit : hinc amicis quoque eorum certissimum, ac tutissimum praesidium comparatur. Ac mihi quidem uidetur homines, cum multis rebus humiliores, & infirmiores sint, hac re maxime bestiis praestare, quod loqui possunt. Quare praestare mihi quiddam uidetur adeptus, qui quare homines bestiis praestent, ea in re hominibus ipsis antecellat. Hoc si forte non natura modo, neque exercitatione conficitur, uerum etiam artificio quoddam comparatur, non alienum est uidere quae dicantur, qui quaedam eius rei praecepta nobis reliquerunt. Sed antequam de praeceptis oratorum dicamus, uidetur dicendum de genere ipsius artis, de officio, de fine, de materia, de partibus. Nam his rebus cognitis, facilius, & expeditius uniuscuiusque animus ipsam rationem, ac uiam artis considerare poterit.

CIVILIS quaedam ratio est, quae multis, & magnis ex rebus constat. Eius quaedam magna & amplius pars est artificiosa eloquentiae, quam rhetoricam uocant. Nam neque cum istis sentimus, qui civilem scientiam eloquentia non putant indigere, & ab istis, qui eam putant omnem rhetoricis, & artificio contineri, magnopere dissentimus. Quare hanc oratoriam facultatem in eo genere ponemus, ut eam civilem scientiae partem esse dicamus. Officium autem eius facultatis uidetur esse dicere appositae ad persuasionem:

Finis, persuadere dictione. Inter officium autem, & finem hoc interest: quod in officio quid fieri: in fine, quid officio conveniat, consideratur. ut medici officium dicimus esse curare ad sanandum, apposite: finem, sanare curatione. Item oratoris, quid officium, & quid finem esse dicamus, intelligemus cum id quod facere debet, officium esse dicemus: illud, cuius causa facere debet, finem appellabimus. Materiam artis eam dicimus, in qua omnis ars, & ea facultas, qua conficitur ex arte, versatur: ut si medicina materiam dicamus morbos ac vulnera, quod in his omnis medicina versetur: item quibus in rebus versatur ars, & facultas oratoria, eas res materiam artis rhetorice nominamus. Has autem res alij plures, alij pauciores existimaverunt. Nam Gorgias Leontinus antiquissimus ferè rhetor, omnibus de rebus oratorem optime posse dicere existimavit: hic infinitam, & immensam huic artificio materiam subijcere videtur. Aristoteles autem qui huic arti plurima adiumenta, atque ornamenta subministravit, tribus in generibus rerum versari rhetoris officium putavit: demonstratiuo, deliberatiuo, iudiciali. Demonstratiuum est, quod tribuitur in alicuius certa persona laudem aut vituperationem. Deliberatiuum est, quod posuit in disceptatione, & consultatione civili, habet in se sententia dictionem. Iudiciale est, quod posuit

fitum in iudicio, habet in se accusationem, & defensionem: aut petitionem, & recusationem. Et quemadmodum nostra quidem fert opinio, Oratoris ars, & facultas in hac materia tripartita uersari existimanda est. Nam Hermagoras quidem nec quid dicat attendere, nec quid polliceatur intelligere uidetur: qui oratoris materiam in causam & in questionem diuidat: Causam esse dicat, rem quæ habeat in se controuersiam in dicendo positam cum personarum certarum interpositione: quam nos quoque oratori dicimus esse attributam. nam ei tres partes, quas ante diximus, supponimus, iudicialem, deliberatiuam, demonstratiuam. Questionem autem eam appellat, quæ habeat in se controuersiam in dicendo positam sine certarum personarum interpositione, ad hunc modum: ut, Quid sit bonum in uita præter honestatem, Verine sint sensus, Quæ sit mundi forma, Quæ sit solis magnitudo. Quas quæstiones procul ab oratoris officio remotas, facile omnes intelligere existimamus. Nam quibus in rebus summa ingenia philosophorum plurimo cum labore consumpta intelligimus, eas sicut aliquas paruas res oratori attribuere magna amentia uidetur, Quod si magnam in his Hermagoras habuisset facultatem, studio & disciplina comparatam, uideretur, fretus sua scientia, falsum quiddam constituisse de oratoris officio: & non quid ars

Finis, persuadere dictione. Inter officium autem, & finem hoc interest: quod in officio quid fieri: in fine, quid officio conveniat, consideratur. ut medici officium dicimus esse curare ad sanandum, apposite: finem, sanare curatione. Item oratoris, quid officium, & quid finem esse dicamus, intelligemus cum id quod facere debet, officium esse dicemus: illud, cuius causa facere debet, finem appellabimus. Materiam artis eam dicimus, in qua omnis ars, & ea facultas, qua conficitur ex arte, versatur: ut si medicina materiam dicamus morbos ac vulnera, quod in his omnis medicina versetur: item quibus in rebus versatur ars, & facultas oratoria, eas res materiam artis rhetorice nominamus. Has autem res alij plures, alij pauciores existimaverunt. Nam Gorgias Leontinus antiquissimus ferè rhetor, omnibus de rebus oratorem optime posse dicere existimavit: hic infinitam, & immensam huic artificio materiam subycere videtur. Aristoteles autem qui huic arti plurima adiumenta, atq; ornamenta subministravit, tribus in generibus rerum versari rhetoris officium putavit: demonstratio, deliberatio, iudiciali. Demonstrativum est, quod tribuitur in alicuius certæ personæ laudem aut vituperationem. Deliberativum est, quod positum in disceptatione, & consultatione civili, habet in se sententiæ dictionem. Iudiciale est, quod positum

suum in iudicio, habet in se accusationem, & defensionem: aut petitionem, & recusationem. Et quemadmodum nostra quidem fert opinio, Oratoris ars, & facultas in hac materia triparsita uersari existimanda est. Nam Hermagoras quidem nec quid dicat attendere, nec quid polliceatur intelligere uidetur: qui oratoris materiam in causam & in questionem diuidat: Causam esse dicat, rem que habeat in se controuersiam in dicendo positam cum personarum certarum interpositione: quam nos quoque oratori dicimus esse attributam. nam ei tres partes, quas ante diximus, supponimus, iudicialem, deliberatiuam, demonstratiuam. Questionem autem eam appellat, qua habeat in se controuersiam in dicendo positam sine certarum personarum interpositione, ad hunc modum: at, Quid sit bonum in uita prater honestatem, Verine sint sensus, Que sit mundi forma, Qua sit solis magnitudo. Quas questiones procul ab oratoris officio remotas, facile omnes intelligere existimamus. Nam quibus in rebus summa ingenia philosophorum plurimo cum labore consumpta intelligimus, eas sicut aliquas paruas res oratori attribuere magna amentia uidetur. Quod si magnam in his Hermagoras habuisset facultatem, studio & disciplina comparatam, uideretur, fretus sua scientia, falsum quiddam constituisse de oratoris officio: & non quid ars,

sed quid ipse posset, exposuisse. nunc uero ea uis
 est in homine, ut ei multo rhetoricam citius
 quis ademere, quam philosophiam concesserit.
 Neq; eò dico, quòd eius ars, quam edidit, mi-
 hi mendosissime scripta uideatur: (nam satis
 in ea uidetur ex antiquis artibus ingeniosè,
 & diligenter electas res collocasse, & nonnihil
 ipse quoque noui protulisse) uerum oratori
 minimum est de arte loqui, quod hic fecit:
 multo maximum ex arte dicere, quod cum mi-
 nime potuisse omnes uidemus. Quare materia
 quidem nobis rhetorica uidetur artis ea, quam
 Aristoteli uisam esse diximus. Partes autem
 hæ sunt, quas plerique dixerunt, Inuentio,
 Dispositio, Elocutio, Memoria, Pronuntiatio.
 Inuentio, est excogitatio rerum uerarum;
 aut uerisimilium, quæ causam probabilem red-
 dant. Dispositio, est rerum inuentarum in
 ordinem distributio. Elocutio, est idoneorum
 uerborum, & sententiarum ad inuentionem
 accommodatio. Memoria, est firma animi re-
 rum ac uerborum ad inuentionem perceptio.

Pronuntiatio, est ex rerum, & uerborum di-
 gnitate, uocis, & corporis moderatio. Nunc his
 rebus breuiter constitutis, eas rationes, quibus
 ostendere possumus genus, & officium, & fi-
 nem huius artis, aliud in tempus differemus.
 Nam & multorum uerborum indigent, &
 non tantopere ad artis descriptionem & præ-
 cepta

cepta tradenda pertinent. Eum autem, qui ar-
tem rhetoricam scribat, de duabus reliquis re-
bus, de materia artis, ac partibus scribere opor-
tere existimamus. Ac mihi quidem uidetur
coniuncte agendum de materia ac partibus.
Quere inuentio, qua princeps est omnium par-
tium, potissimum in omni causarum genere,
qualis debeat esse, consideretur.

OMNIS res, qua habet in se positam in di-
stinctione, aut disceputatione aliquam controuersum,
aut facti, aut nominis, aut generis, aut actionis
continet questionem. Eam igitur, questionem,
ex qua causa nascitur, constitutionem appella-
mus. Constitutio est prima conflictio causarum
ex depulsione intentionis profecta, hoc modo: Fe-
cisti, non feci: aut iure feci. Cum facti contro-
uersa est, quoniam coniecturis causa firmatur,
constitutio coniecturalis appellatur.

Cum autem nominis, quia uis uocabuli defi-
nienda uerbis est, constitutio definitiua nomina-
tur. Cum uero qualis res sit queritur, quia & de
ui, & de genere negotij controuersa est, consti-
tutio generalis uocatur. At cum causa ex eo
pendet, quod non aut is agere uidetur quē opor-
tet, aut non cum eo, qui ea oportet, aut non apud
quos, quo tempore, qua lege, quo crimine, qua
poena oportet, translatiua dicitur constitutio:
quia actio translationis, & commutationis in-
digere uidetur. Atq; harum aliquam in omni

cas generalis constitutionis parteis esse dixit.
Quod si generis causa partes non possunt recte
putari, multo minus recte partis causa partes
putabuntur. Pars autem causa constitutio est
omnis. Non enim causa ad constitutionem, sed
constitutio ad causam accommodatur: sed de-
monstratio, & deliberatio generis causa partes
non possunt recte putari, quod ipsa sunt genera.
Multo igitur minus recte partis eius, quod hic
dicis, partes putabuntur. Deinde, si constitutio
& ipsa, & pars constitutionis eius quolibet, in-
tentionis depulsio est: que intentionis depulsio
non est, ea nec constitutio, nec pars constitutionis
est. At si que intentionis depulsio non est, ea
nec constitutio, nec pars constitutionis est: de-
monstratio, & deliberatio, neq; constitutio, nec
pars constitutionis est. Si igitur constitutio, &
ipsa, & pars eius quolibet intentionis depulsio
est: deliberatio, & demonstratio, neq; consti-
tutio, neq; pars constitutionis est. Placet autem
ipsi intentionis esse depulsionem. placeat igitur
oportet non esse constitutionem, nec partem con-
stitutionis. Atq; hoc eodem urgebitur, siue con-
stitutionem primam cause accusatoris confirma-
tionem dixerit, siue defensoris primam deprec-
ationem. Nam eum eadem omnia incommoda se-
quentur. Deinde, coniecturalis causa non potest
simul ex eadem parte eodem in genere & con-
iecturalis esse, & definitiva. Rursus nec definiti-

ius causa potest simul ex eadem parte eodem in genere & definitiua esse, & translatiua. Et omnino nulla constitutio, nec pars constitutionis potest simul & suam habere, & alterius in se uim continere, ideo quod unaquaque ex se, & ex sua natura simpliciter consideratur. Altera assumpta numerus constitutionum duplicatur, non uis constitutionis augetur. At deliberatiua causa simul ex eadem parte eodem in genere & coniecturalem, & generalem & definitiuam, & translatiuam solet habere constitutionem, & unam aliquando, & plures nonnunquam: ergo ipsa nec constitutio est, nec pars constitutionis. Idem in demonstratione solet usu euenire. Genera igitur, ut ante diximus, hae causarum putanda sunt, non partes alicuius constitutionis. Hae ergo constitutio, quam generalem nominamus, parteis nobis uidetur duas habere, iuridicalem, & negotialem. Iuridicalis est, in qua aequi, & recti natura, aut premij, aut poena ratio quaritur. Negotialis est, in qua quid iuris ex civili more, & aequitate sit, consideratur: cui diligentia praesse apud nos iurisconsulti existimantur. At iuridicalis quidem ipsa in duas distribuitur parteis: absolutam, & assumptiuam. Absoluta est, quae ipsa in se continet iuris, & iniuriae questionem. Assumptiua est, quae ipsa ex se nihil firmas ad recensionem: fors autem aliquid de-
fensio

mis inesset hominū, si quis eam posset elicere, &
 precipiendo meliorē reddere. Qui dispersos ho-
 mines in agris & in tectis syluestribus abditos
 ratione quadam compulit unum in locum, &
 congregauit: & eos in unāquinq; rē inducens
 utilem atq; honestā: primo propter insolentiam
 reclamantes, deinde propter rationem atq; ora-
 tionem studiosius audientes, ex feris, & imma-
 nibus mites reddidit & mansuetos. Ac mihi
 quidē uidetur hoc, nec tacita, nec inops dicendi
 sapientia perficere potuisse, ut homines à cōsue-
 tudine subito conuerteret, & ad diuersas uite
 rationes traduceret. Age uero urbibus consti-
 tutis, ut fidē colere, & iustitiam retinere disce-
 rent, & alijs parere sua uolūtate consuescerent:
 ac non modo labores excipiendos cōmunis com-
 modi causa, sed etiā uitam admittendam existi-
 marent: qui tandē fieri potuit, nisi homines ea
 quæ ratione inuenissent, eloquentia persuadere
 potuissent? Profectò nemo nisi graui, ac suauis
 commotus oratione, cum uiribus plurimū pos-
 set, ad ius noluisse sine ui descendere: ut inter
 quos posset excellere, cū ijs se pateretur æquari,
 & sua uoluntate à iucundissima consuetudine
 recederet, quæ præsertim iam natura uim obti-
 neret propter uetustatē. Ac primo quidem sic
 & nata & progressa longius eloquentia uide-
 tur: & uicē postea maximis in rebus pacis &
 belli cum summis hominū utilitatibus esse uer-
 sata

sata. Postquam uero commoditas quadam, pra-
ua uirtutis imitatrix, sine ratione officij dicen-
di copiam consecuta est, tum ingenio freta ma-
litiis peruertere urbes, & uitas hominum labe-
factare assuevit. Atq; huius quoq; exordium
mali, quoniam principiu boni diximus, explicem-
us. Verisimilimum mihi uidebitur quoda tem-
pore, neq; in publicis rebus insantes, & insipien-
tes homines solitos esse uersari: nec uero ad pri-
uatas causas magnos ac disertos homines acce-
dere: sed cu à summis uiris maxima res admi-
nistrarentur, arbitror alios fuisse non incallidos
homines, qui ad paruas controuersias priuato-
rum accederent. Quibus in controuersijs cu saepe
à mendacio contra uerum homines stare con-
suescerent, dicendi assiduitas aluit audaciam:
ut necessario superiores illi propter iniurias ci-
uium resistere audacibus. & opitulari suis
quisq; necessarijs cogereetur. Itaq; cu in dicendo
sape par, nonnunqua etiam superior uisus effe-
ris, qui omisso studio sapientia, nihil sibi praeter
eloquentiam comparasset: fiebat ut & multitu-
dinus, & suo iudicio dignus, qui Remp. gereret,
mideretur. Hinc nimirum non iniuria, cum ad
gubernacula Reip. temerarij, atq; audaces ho-
mines accesserant, maxima ac miserrima nau-
fragia fiebant. Quibus rebus tantum odij atq;
inuidiae suscepit eloquentia, ut homines inge-
niosissimi, quasi ex aliqua turbida tempestate

in portum: sic ex seditiosa, & tumultuosa uita
 se in studium aliquod traderent quictū. Quare
 mihi uidentur postea cetera studia recta, atq;
 honesta per otium concelebrata ab optimis
 enituisse: hoc uero à plerisq; eorum desertum
 obsoleuisse eo tempore, quo multo uehementius
 erat retinendū, & studiosius adaugendū. Nam
 quo indignius rem honestissimam, & rectissi-
 mam uiolabat stultorum & improborum re-
 meritas, & audacia summo cum Reip. detri-
 mento: eo studiosius & illis resistendum fuit, et
 Reipub. consulendum. Quod nostrū illum non
 fugit Catonem, neq; Laliū, neq; corū (ut uere
 dicam) discipulum Africanū, neq; Gracchos
 Africani nepotes: quibus in hominibus erat
 summa uirtus, & summa uirtute amplificata
 autoritas: & quæ his rebus ornamento, & Reip.
 praesidio esset, eloquentia. Quare meo quidem
 animo nihilominus eloquentia studendum est,
 etsi ea quidam & priuatim & publice peruer-
 se abutuntur: sed eo quidem uehementius, ne
 mali magno cum detrimento bonorum et com-
 muni omnium perniciæ plurimum possint: cum
 praesertim hoc unum sit quod ad omnes res, &
 priuatas, & publicas maxime pertineat, hoc
 iuta, hoc honesta, hoc illustris, hoc eodem uita
 iucunda fiat. Nam hinc ad Remp. plurima com-
 moda ueniunt, si moderatrix omnium rerum
 praesto est sapientia. hinc ad ipsos, qui eā adepti
 sunt,

sunt, laus, honor, dignitas confluunt: hinc amicis quoque eorum certissimum, ac tutissimum praesidium comparatur. Ac mihi quidem uidentur homines, cum multis rebus humiliores, & infirmiores sint, hac re maxime bestijs praestare, quod loqui possunt. Quare praecelsum mihi quiddam uidetur adeptus ille, qui quare homines bestijs praestent, ea in re hominibus ipsis antecellat. Hoc si forte non natura modo, neque exercitatione conficitur, uerum etiam artificio quoddam comparatur, non alienum est uidere quae dicantur, qui quaedam eius rei praecepta nobis reliquerunt. Sed antequam de praeceptis oratorum dicamus, uidetur dicendum de genere ipsius artis, de officio, de fine, de materia, de partibus. Nam his rebus cognitis, facilius, & expeditius uniuscuiusque animus ipsam rationem, ac uiam artis considerare poterit.

CIVILIS quaedam ratio est, quae multis, & magnis ex rebus constat. Eius quaedam magna, & ampla pars est artificiosa eloquentia, quam rhetoricam uocant. Nam neque cum istis sentimus, qui civilem scientiam eloquentia non putant indigere, & ab istis, qui eam putant omnem rhetoricam, & artificio contineri, magnopere dissensimus. Quare hanc oratoriam facultatem in eo genere ponemus, ut eam civilem scientiae partem esse dicamus. Officium autem eius facultatis uidetur esse dicere apposite ad persuasionem:

Finis, persuadere dictione. *Inter officium autem, & finem* hoc interest: quòd in officio quid fieri: in fine, quid officio conveniat, consideratur. ut medici officium dicimus esse curare ad sanandum, apposite: finem, sanare curatione. Item oratoris, quid officium, & quid finem esse dicamus, intelligemus cum id quod facere debet, officium esse dicemus: illud, cuius causa facere debet, finem appellabimus. *Materiam artis* eam dicimus, in qua omnis ars, & ea facultas, qua conficitur ex arte, versatur: ut si medicina materiam dicamus morbos ac vulnere, quòd in his omnis medicina versetur: item quibus in rebus versatur ars, & facultas oratoria, eas res materiam artis rhetorica nominamus. *Has autem res alij plures, alij pauciores existimaverunt.* Nam Gorgias Leontinus antiquissimus ferè rhetor, omnibus de rebus oratorem optime posse dicere existimavit: hic infinitam, & immensam huic artificio materiam subijcere videtur. *Aristoteles autem* qui huic arti plurima adiumenta, atq; ornamenta subministravit, tribus in generibus rerum versari rhetoris officium putavit: demonstrativum, deliberativum, iudiciale. *Demonstrativum* est, quod tribuitur in alicuius certa persone laudem aut vituperationem. *Deliberativum* est, quod positum in disceptatione, & consultatione civili, habet in se sententiae dictionem. *Iudiciale* est, quod possum

fitum in iudicio, habet in se accusationem, & defensionem: aut petitionem, & recusationem. Et quemadmodum nostra quidem fert opinio, Oratoris ars, & facultas in hac materia tripartita uersari existimanda est. Nam Hermagoras quidem nec quid dicat attendere, nec quid polliceatur intelligere uidetur: qui oratoris materiam in causam & in quaestionem diuidat: Causam esse dicat, rem qua habeat in se controuersiam in dicendo positam cum personarum certarum interpositione: quam nos quoque oratori dicimus esse attributam. nam ei tres partes, quas ante diximus, supponimus, iudicialem, deliberatiuam, demonstratiuam. Quaestionem autem eam appellat, qua habeat in se controuersiam in dicendo positam sine certarum personarum interpositione, ad hunc modum: *ut, Quid sit bonum in uita prater honestatem, Verine sine sensus, Qua sit mundi forma, Qua sit solis magnitudo. Quas quaestiones procul ab oratoris officio remotas, facile omnes intelligere existimamus. Nam quibus in rebus summa ingenia philosophorum plurimo cum labore consumpta intelligimus, eas sicut aliquas paruas res oratori attribuire magna amentia uidetur, Quod si magnam in his Hermagoras habuisset facultatem, studio & disciplina comparatam, uideretur, fretus sua scientia, falsum quiddam constituisse de oratoris officio: & non quid ars,*

sed quid ipse posset, exposuisse. nunc uero ea uis
 est in homine, ut ei multo rhetoricam citius
 quis ademerit, quam philosophiam concesserit.
 Neq; eò dico, quòd eius ars, quam edidit, mi-
 hi mendosissime scripta uideatur: (nam satis
 in ea uidetur ex antiquis artibus ingeniosè,
 & diligenter electas res collocasse, & nonnihil
 ipse quoque noui protulisse) uerum oratori
 minimum est de arte loqui, quod hic fecit:
 multo maximum ex arte dicere, quod cum mi-
 nime potuisse omnes uidemus. Quare materia
 quidem nobis rhetorica uidetur artis ea, quam
 Aristoteli uisam esse diximus. Partes autem
 hæ sunt, quas plerique dixerunt, Inuentio,
 Dispositio, Elocutio, Memoria, Pronuntiatio.
 Inuentio, est excogitatio rerum uerarum;
 aut uerisimilium, quæ causam probabilem red-
 dant. Dispositio, est rerum inuentarum in
 ordinem distributio. Elocutio, est idoneorum
 uerborum, & sententiarum ad inuentionem
 accommodatio. Memoria, est firma animi re-
 rum ac uerborum ad inuentionem perceptio.

Pronuntiatio, est rerum, & uerborum di-
 gnitate, uocis, & corporis moderatio. Nunc his
 rebus breuiter constitutis, eas rationes, quibus
 ostendere possumus genus, & officium, & fi-
 nem huius artis, aliud in tempus differemus.
 Nam & multorum uerborum indigens, &
 non tantopere ad artis descriptionem & præ-
 cepta

cepta tradenda pertinent. Eum autem, qui artem rhetoricam scribat, de duabus reliquis rebus, de materia artis, ac partibus scribere oportere existimamus. Ac mihi quidem uidetur coniuncte agendum de materia ac partibus. Quare inuentio, qua princeps est omnium partium, potissimum in omni causarum genere, qualis debeat esse, consideretur.

OMNIS res, qua habet in se positam in dictione, aut disceptatione aliquam controuersum, aut facti, aut nominis, aut generis, aut actionis continet questionem. Eam igitur, questionem, ex qua causa nascitur, constitutionem appellamus. Constitutio est prima conflictio causarum ex depulsionem intentionis profecta, hoc modo: Fecisti, non feci: aut iure feci. Cum facti controuersa est, quoniam coniecturis causa firmatur, constitutio coniecturalis appellatur.

Cum autem nominis, quia uis uocabuli definienda uerbis est, constitutio definitina nominatur. Cum uero qualis res sit queritur, quia & de ui, & de genere negotij controuersa est, constitutio generalis uocatur. Ac cum causa ex eo pendet, quod non aut is agere uidetur quod oportet, aut non cum eo, qui ea oportet, aut non apud quos, quo tempore, qua lege, quo crimine, qua poena oportet, translatina dicitur constitutio: quia actio translationis, & commutationis indigere uidetur. Atq; harum aliquam in omne

causa genus incidere necesse est. nam in quam rem non inciderit, in ea nihil esse poterit controuersie. Quare eam nec causam quidem conuenit putari. At facti quidem controuersia in omnia tempora potest distribui. Nam quid factum sit, potest quari hoc modo: Occiderintne *Aiacem Ulysses*. Et quid fiat, hoc modo: Bonone animo sint erga pop. Rom. *Fregellani*. Et quid futurum sit, hoc modo: Si *Carthaginem* reliquerimus incolumem, num quid sit incommodi ad Remp. peruenturum. Nominis est controuersia, cum de facto conuenit, & queritur id quod factum est, quo nomine appellatur. Quo in genere necesse est ideo nominis esse controuersiam, non quod de re ipsa non conueniat, non quod de facto non constet, sed quod id, quod factum sit, aliud alij uideatur esse, & idcirco alijs alio nomine id appellet. Quare in huiusmodi generibus definienda res erit uerbis, & breuiter describenda: ut si quis sacrum ex priuato surripuerit, utrum fur, an sacrilegus sit indicandus. nam id cum quaritur, necesse erit definire utrumque, quid sit fur, quid sacrilegus: & sua descriptione ostendere, alio nomine illam rem, de qua agitur, appellari oportere, atque aduersarij dicunt. Generis est controuersia, cum & quid factum sit, conuenit, & quo id factum nomine appellari oporteat, constat: & tamen quantum, & cuiusmodi, & omnino quale sit, queri

queritur, hoc modo: iustum, an iniustum: utile,
an inuile. et omnia in quibus quale sit id quod
factum est, queritur, sine ulla nominis cōtrouer-
sia. Huic generi Hermagoras parteis quatuor
supposuit, deliberatiuam, demonstratiuam, iu-
ridiciale, negotialem. Quod eius, ut nos puta-
mus, non mediocriter peccatum reprehendendum
uideatur: uerum breui, ne si aut taciti praterieri-
mus, sine causa non secuti eum putemur: aut si
diutius in hoc constiterimus, moram atq; im-
pedimentum reliquis praeceptis intulisse uideamur.
Si deliberatio, & demonstratio genera
sunt causarum, non possunt recte partes alicuius
generis causa putari. Eadem enim res alij ge-
nus esse, alij pars potest: eidem genus esse, &
pars non potest. Deliberatio autem, & demon-
stratio genera sunt causarum. Nam aut nullum
causa genus est, aut iudiciale solum, aut & iu-
diciale, & demonstratiuum, & deliberatiuum.
Nullum dicere esse causa genus, cum causas esse
multas dicat, & in ea praecepta dei, amenitas
est. Vnum autem iudiciale solum esse qui potest,
cum deliberatio, & demonstratio neq; ipsae si-
miles inter se sint, & ab iudicali genere plu-
rimum dissideant, & suum quaque finem ha-
beat, quò referri debeat? Relinquitur ergo, ut
omnia tria genera sint causarum. Deliberatio
igitur, & demonstratio non possunt recte par-
teis alicuius generis causa putari. Male igitur

earum generalis constitutionis partes esse dixit.
Quod si generis causa partes non possunt recte
putari, multo minus recte partis causa partes
putabuntur. Pars autem causa constitutio est
omnis. Non enim causa ad constitutionem, sed
constitutio ad causam accommodatur: sed de-
monstratio, & deliberatio generis causa partes
non possunt recte putari, quod ipsa sunt genera.
Multo igitur minus recte partis eius, quod hic
dicitur, partes putabuntur. Deinde, si constitutio
& ipsa, & pars constitutionis eius quolibet, in-
tentionis depulsio est: quae intentionis depulsio
non est, ea nec constitutio, nec pars constitutionis
est. At si quae intentionis depulsio non est, ea
nec constitutio, nec pars constitutionis est: de-
monstratio, & deliberatio, neque constitutio, nec
pars constitutionis est. Si igitur constitutio, &
ipsa, & pars eius quolibet intentionis depulsio
est: deliberatio, & demonstratio, neque consti-
tutio, neque pars constitutionis est. Placet autem
ipsi intentionis esse depulsionem. placeat igitur
oportet non esse constitutionem, nec partem con-
stitutionis. Atque hoc eodem urgebitur, siue con-
stitutionem primam causae accusatoris confirma-
tionem dixerit, siue defensoris primam deprec-
ationem. Nam eum eadem omnia incommoda se-
quuntur. Deinde coniecturalis causa non potest
simul ex eadem parte eodem in genere & con-
iecturalis esse, & definitiva. Rursus nec definitiva

eius causa potest simul ex eadem parte eodem in genere & definitiua esse, & translatiua. Et omnino nulla constitutio, nec pars constitutionis potest simul & suam habere, & alterius in se nim continere, ideo quod unaquaque ex se, & ex sua natura simpliciter consideratur. Altera assumpta numerus constitutionum duplicatur, non vis constitutionis augetur. Si deliberatiua causa simul ex eadem parte eodem in genere & coniecturalem, & generalem & definitiuam, & translatiuam solet habere constitutionem, & unam aliquando, & plures nonnunquam: ergo ipsa nec constitutio est, nec pars constitutionis. Idcirco in demonstratione solet usu euenire. Genera igitur, ut ante diximus, hęc causarum putanda sunt, non partes alicuius constitutionis. Hęc ergo constitutio, quam generalem nominamus, parteis nobis uidetur duas habere, iuridicalem, & negotialem. Iuridicalis est, in qua equi, & recti natura, aut premij, aut pœna ratio quaritur. Negotialis est, in qua quid iuris ex civili more, & aequitate sit, consideratur: cui diligentia præesse apud nos iuriconsulti existimantur. Ac iuridicalis quidem ipsa in duas distribuitur parteis: absolutam, & assumptiuam. Absoluta est, quæ ipsa in se continet iuris, & iniurię questionem. Assumptiua est, quæ ipsa ex se nihil firmat ad recusationem: foris autem aliquid defensio

fensionis assumit. Eius partes sunt quatuor, concessio, remotio criminis, relatio criminis, comparatio. Concessio est, cum reus non id, quod factum est, defendit, sed ut ignoscatur postulat. Hac in duas partes diuiditur, purgationem, & deprecationem. Purgatio est, cum factum conceditur, culpa remouetur. Hac partis habet tres, imprudentiam, casum, necessitatem. Deprecatio est, cum & peccasse, & consilio peccasse reus se confitetur, & tamen, ut ignoscatur, postulat: quod genus pererrare potest accidere. Remotio criminis est, cum id crimen quod inferitur, ab se, & a sua culpa, ui, & potestate in alium reus remouere conatur. Id dupliciter fieri poterit, si aut causa aut factum in alium transferetur. Causa transferitur, cum aliena dicitur ui & potestate factum. Factum autem cum alius aut debuisse, aut potuisse facere dicitur. Relatio criminis est, quod ideo iure factum dicitur, quod aliquis ante iniuria lacefferit. Comparatio est, cum aliud aliquod factum rectum, aut utile contenditur, quod ut fieret, illud quod arguitur, dicitur esse commissum. In quarta constitutione, quam translatinam nominamus, eius constitutionis est controuersia, cum aut quem, aut quicum, aut quomodo, aut apud quos, aut quo iure, aut quo tempore agere oporteat, quaritur, aut omnino aliquid de commutatione, aut infirmatione actionis agitur. Huius constitutionis

Herm

Hermagoras inuictor esse existimatur: non quia non nisi sint ea ueteres oratores saepe multi: sed quia non animaduertierint artis scriptores eam superiores, nec retulerint in numerum constitutionum. Post autem ab hoc inuentam multi reprehenderunt, quos non tam imprudentia falli putamus (res enim perspicua est) quam inuidia atque obreclatione quadam impediri. Et constitutiones quidem, & earum partes exposuimus: exempla autem cuiusque generis tunc commodius exposituri uidemur, cum in unūquodque eorum argumentorum copiam dabimus. Nam argumentandi ratio dilucidior erit, cum & ad genus, & ad exemplum causa statim poterit accommodari. Constitutione causa reperia, statim placet considerare, utrum causa sit simplex, an coniuncta: & si coniuncta erit, utrum sit ex pluribus questionibus iuncta, an ex aliqua comparatione. Simplex est, quæ absolutam in se continet unam questionem, hoc modo: Corinthiis bellum indicamus, an non?

Coniuncta ex pluribus questionibus, in quæ plura quaruntur, hoc modo: Virum Carthago diruatur, an Carthaginensibus reddatur, an eò colonia deducatur. Ex comparatione, in qua per contentionem, utrum potius, aut quid potissimum sit, queritur, ad hunc modum: Virum exercitus in Macedoniam contra Philippum mittatur, qui socijs sit auxilio, an teneatur in Italia,

Italia; ut quam maxima contra Annibalem eo-
pia sint. Deinde considerandum est an in ratio-
ne, an in scripto sit controuersia. Nam scripti
controuersia est ea, qua ex descriptionis genere na-
scitur. Eius autem genera, qua sunt separata à
constitutionibus, quinque sunt. Nam tum uerba
ipsa uidentur cum sententia scriptoris dissidere;
tum inter se dua leges aut plures discrepare,
tum id quod scriptum est, duas aut plures res si-
gnificare: tum ex eo, quod scriptum est, aliud
quoque, quod non scriptum est, inueniri: tum uis
uerbi, quasi in definitiuâ constitutione, in quo
posita sit, quari. Quare primum genus de scri-
pto & sententia, secundum ex contrarijs legibus,
tertium ambiguum, quartum ratiocinatum,
quintum definitiuum nominamus. Ratio est au-
tem cum omnis questio non in scriptione, sed in
aliqua argumentatione consistit. Ac tum con-
siderato genere causa; & cognita constitutione,
cum simplex ne, an coniuncta sit, intellexeris,
& scripti, an rationis habeat controuersiam ui-
deris: deinceps erit uidendum, qua questio, qua
ratio, qua iudicatio, quod firmamentum causa
sit: qua omnia à constitutione profiscantur
oportet. Questio est ea, qua ex constitutione cau-
sarum gignitur controuersia, hoc modo, Non in-
re fecisti, iure fieri. Causarum autem hac est con-
flictio, in qua constitutio constat. Ex ea igitur
nascitur controuersia, quam questionem dici-

mus, hoc modo: Iurene fecerit. Ratio est ea, quæ
 continet causam: quæ si sublata sit, nihil in cau-
 sa controuersia relinquetur, hoc modo (ut docem-
 di causa in facili, & peruulgato exemplo consi-
 stamus): Orestes si accusetur matricidij, nisi hoc
 dicat: Iure feci, illa enim patrem meum occide-
 rat: non habet defensionem, quæ sublata, omnis
 quoque controuersia sublata sit. Ergo eius causa
 ratio est, quod illa Agamemnonem occiderit.
 Iudicatio est, quæ ex infirmatione, & confirma-
 tione rationis nascitur controuersia. Nam sit ea
 nobis exposta ratio, quam paulo antè exposui-
 mus: illa enim, inquit, patrem occiderat. At
 non, inquit aduersarius, abs te filio matrem ne-
 cari oportuit. Potuit enim sine tuo scelere illius
 factum puniri. Ex hac deductione rationis illa
 summa nascitur controuersia, quam iudicatio-
 nem appellamus. Ea est huiusmodi: Rectum ne
 fuerit ab Oreste matrem occidi, cum illa Orestie
 patrem occidisset. Firmamentum, est firmissima
 argumentatio defensoris, & apertissima ad iudi-
 cationem, ut si uelit Orestes dicere: Eiusmodi
 animus matris suæ fuisse in patrem suum, in se
 ipsum, in sorores, in regnum, in simam generis,
 & familia, ut ab ea penas liberi sui potissimum
 perire debuerint. Et in cæteris quidem constitu-
 tionibus, ad hunc modum iudicationes reperian-
 tur: in consueturali autem constitutione, quia ra-
 tio non est (factum enim non conceditur) non
 potest

potest ex deductione rationis nasci indicatio. Quare necesse est eandem esse questionem, & indicationem: ut factum est, factum non est, factum ne sit. Quot autem in causa constitutiones, aut earum partes erunt, totidem necesse erit questiones, rationes, indicationes, firmamenta reperiri. His omnibus in causa reperiis, tum denique singule partes totius cause consideranda sunt. Nam non ut quidq; dicendum primum, ita primum animaduertendum uidetur, ideo quod illa que prima dicuntur, si uehementer uelis congruere, & coherere cum causis, ex eis ducas oportet que post dicenda sunt. Quare cum indicatio, & ea, que ad indicationem oportet inueniri argumenta, diligenter erunt artificio reperia, cura & cogitatione pertractata, tunc denique ordinande sunt cetera partes orationis.

Ha partes sex esse omnino nobis uidentur: Exordium, Narratio, Partitio, Confirmatio, Reprehensio, Conclusio. Nunc quoniam exordium princeps omnium esse debet, nos quoque primum in ratione exordicendi praecepta dabimus.

EXORDIUM, est oratio animum auditoris idoneè comparans ad reliquam dictionem: quod eueniet, si eum beneuolum, attentum, docilem fecerit. Quare qui bene exordiri causam nolet, eum necesse est genus sua causa diligenter antè cognoscere. Genera causarum sunt quinque: Honestu, admirabile, humile, anceps, obscurum.

Honestu

Honestum genus est, cui statim sine oratione nostra auditoris fauet animus. Admirabile, à quo alienatus est animus eorum qui audituri sunt. Humile, quod negligitur ab auditore, & non magnopere attendendum uidetur. Anceps, in quo aut iudicatio dubia est: aut causa & honestatis & turpitudinis particeps, ut & benevolentiam pariat & offensionem. Obscurum, in quo aut tardi auditores sunt, aut difficilioribus ad cognoscendum negotijs causa implicata est. Quare cum tam diuersa sint genera causarum, exordiri quoque dispari ratione in unoquoque genere necesse est. Igitur exordium in duas partes diuiditur, in principium, & insinuationem. Principium, est oratio perspicue, & protinus perficiens auditorem beneuolum, aut docilem, aut attentum. Insinuatio, est oratio quadam dissimulatione, & circuitione obsecrare subiens auditoris animum. In admirabili genere causa, si non omnino infesti auditores erunt, principio benevolentiam comparare licebit: sin erunt uehementer abalienati, consurgere necesse erit ad insinuationem. Nam ab ira, si perspicue pax & benevolentia petitur, non modo ea non inuenitur, sed augetur atque inflammatur odium. In humili autem genere causa, contemptionis tollenda causa, necesse erit attentum efficere auditorem. Anceps genus causa, si dubiam indicationem habebit, ab ipsa in-

dicatione exordium est: sin autem partem
 surpirudinis, & partem honestatis habebit, be-
 nenuolentiam captare oportebit, ut in genus ho-
 nestum causa translata uideatur. Cum autem
 erit honestum cause genus, uel prateriri princi-
 pium poterit: uel, si comodum fuerit, aut à nar-
 ratione incipimus, aut à lege, aut ab aliqua
 firmissima ratione nostra dictionis: uel, si uti
 principio placebit, benenuolentia paribus uten-
 dum est, ut id quod est augeatur. In obscuro cau-
 se genere per principium dociles auditores effi-
 cere oportebit. Nunc quoniam quas res exordio
 conficere oporteat dictum est, reliquum est ut
 ostendatur quibus quaq; res rationibus confici
 possit. Benenuolentia quatuor ex locis compara-
 tur: ab nostra, ab aduersariorum, ab iudicum
 persona, à causa. Ab nostra, si de nostris fa-
 ctis & officijs sine arrogancia dicemus: si cri-
 mina illata, & aliquas minus honestas suspi-
 ciones iniectas diluamus: si quæ incommoda ac-
 ciderint, aut quæ insistent difficultates, profere-
 mus: si prece & obsecratione humili ac suppli-
 ci utemur. Ab aduersariorum autem, si eos
 aut in odium, aut in inuidiam, aut in contem-
 ptionem adducemus. In odium ducentur, si quod
 eorum spurce, superbe, crudeliter, malitiose fa-
 ctum profertur. In inuidiam, si uis eorum, po-
 tentia, diuitia, cognatio, pecunie profertur,
 atq; eorum usus arrogans & intolerabilis: ne
 his

his rebus magis uideantur, quàm causa sue cō-
fidere. In conemptionem adducentur, si eorum
inertia, negligentia, ignauia, desidiosum stu-
dium, & luxuriosum otium proferetur. Ab
auditorum persona beneuolentia capiabitur, si
res ab his fortiter, sapienter, mansuete gesta
proferuntur, ut nequa assentat o nimia signifi-
cetur: & si de his, quàm honesta existimatio,
quantaq; eorum iudicij, & autoritatis expe-
ctatio sit, ostendatur. Ab ipsis rebus, si no-
stram causam laudando extollemus, aduersa-
riorum causam per conemptionem deprime-
mus. Attentos autem faciemus, si demonstra-
bimus ea, quæ dicturi erimus, magna, noua, in-
credibilia esse, & aut ad omnes, aut ad eos, qui
audiunt, aut ad aliquos illustres homines, aut
ad deos immortales, aut ad summam Reip. per-
tinere. & si pollicebimur nos breui nostram cau-
sam demonstraturos, atque exponemus iudica-
tionem, aut iudicationes, si plures erunt. Docil-
es auditores faciemus, si aperite, & breuiter
summam causa exponemus, hoc est, in quo con-
sistat controuersia. Nam & cum docilem ue-
lis facere, simul attentum facias oportet. nam
is maximè docilis est, qui attentissime est pa-
ratus audire. Nunc insinuationes quemad-
modum tractari conueniat, deinceps dicendum
uidetur. Insinuatione igitur utendum est, cum
admirabile genus cause est, hoc est, ut antè di-

ximus, cum animus auditoris infestus est. Id autem tribus ex causis fit maxime, si aut inest in ipsa causa quedam turpitudine: aut si ab ijs, qui antè dixerunt, iam quiddam auditori persuasum uideatur: aut eo tempore locus dicendi datur, cum iam illi, quos audire oportet, defessi sunt audiendo. Nam ex hac quoque re non minus, quam ex primis duabus, in oratione nonnunquam animus auditoris offenditur. Si causa turpitudine contrahet offensionem, aut pro eo, in quo offenditur, alium hominem, qui diligitur, interponi oportet: aut pro re, in qua offenditur, aliam rem, quæ probatur: aut pro re hominem, aut pro homine rem, ut ab eo quod odit, ad id quod diligit auditoris animus traducatur: & dissimulare id te defensurum, quod existimeris defensurus. Deinde cum iam mitior factus eris auditor, ingredi pedetentim in defensionem, & dicere ea, quæ indignentur aduersarij, tibi quoque indigna uideri. Deinde cum lenieris, cum qui audit, demonstrare nihil eorum ad te pertinere, & negare te quicquam de aduersarijs esse dicturum, neque hoc, neque illud: ut neque aperte ledas eos, qui diliguntur: & tamen id obscure facias, quoad possis alienes ab eis auditorum uoluntatem: & aliquorum iudicium simili de re, aut auctoritatem proferre imitatione dignam. Deinde, aut eandem, aut consimilem, aut maiorem, aut minorem agi rem in praesentia

ita demonstrare. Sin oratio aduersariorum fidem uidebitur auditoribus fecisse, idq; ei, qui intelligit, quibus rebus fides fiat, facile erit cognitum: oportet aut de eo quod aduersarij sibi firmissimum putarint, & maxime ij, qui audierint, probarint, primum te dicturum polliceri, aut ab aduersarij dicto exordiri, & ab eo potissimum, quod ille nuperrime dixerit: aut dubitatione uti quid primū dicas. aut cui potissimum loco respondeas cum admiratione. Nam auditor, cum eum, quē aduersarij perturbatum putant oratione, uidet animo firmissimo contradicere paratum, plerumq; se potius temere assensisse, quā illum sine causa considerare arbitrat. Sin auditoris studium defatigatio abalienauit à causa, te breuius, quā paratus fueris esse dicturum, commodum est polliceri, non imitaturum aduersarium. Sin res dabit, non inutile est ab aliqua re noua, aut ridicula incipere, aut ex tempore, qua nata sit, quod genus strepitum, acclamationum: aut iam paratu, quae uel apologum, uel fabulam, uel aliquam contineat irrisiōem: aut si rei dignitas adimet iocandi facultatem, aliquid iriste, nouum, horribile statim non incommodum est inijcere. Nam ut cibi satietas, & fastidium, aut subamara aliqua re releuatur, aut dulci mitigatur: sic animus defessus audiendo, aut admiratione integratur, aut risu renouatur. Ac separatim

tas generalis constitutionis parteis esse dixit. Quod si generis causa partes non possunt recte putari, multo minus recte partiis causa partes putabuntur. Pars autem causa constitutio est omnis. Non enim causa ad constitutionem, sed constitutio ad causam accommodatur: sed demonstratio, & deliberatio generis causa partes non possunt recte putari, quod ipsa sunt genera. Multo igitur minus recte partis eius, quod hic dicit, partes putabuntur. Deinde, si constitutio & ipsa, & pars constitutionis eius quolibet, intentionis depulsio est: quæ intentionis depulsio non est, ea nec constitutio, nec pars constitutionis est. At si quæ intentionis depulsio non est, ea nec constitutio, nec pars constitutionis est: demonstratio, & deliberatio, neq; constitutio, nec pars constitutionis est. Si igitur constitutio, & ipsa, & pars eius quolibet intentionis depulsio est: deliberatio, & demonstratio, neq; constitutio, neq; pars constitutionis est. Placet autem ipsi intentionis esse depulsionem. placeat igitur oportet non esse constitutionem, nec partem constitutionis. Atq; hoc eodem urgetur, siue constitutionem primam causæ accusatoris confirmationem dixerit, siue defensoris primam deprecationem. Nam eum eadem omnia incommoda sequentur. Deinde coniecturalis causa non potest simul ex eadem parte eodem in genere & coniecturalis esse, & definitiva. Rursus nec definitiva

ius causa potest simul ex eadem parte eodem in genere & definitiua esse, & translatiua. Et omnino nulla constitutio, nec pars constitutionis potest simul & suam habere, & alicuius in se vim continere, ideo quod unaquaque ex se, & ex sua natura simpliciter consideratur. Altera assumpta numerus constitutionum duplicatur, non vis constitutionis augetur. At deliberatiua causa simul ex eadem parte eodem in genere & coniecturalem, & generalem & definitiuam, & translatiuam solus habere constitutionem, & unam aliquando, & plures nonnunquam: ergo ipsa nec constitutio est, nec pars constitutionis. Idcirco in demonstratione solus usu euenire. Contra igitur, ut ante diximus, hac causam putanda sunt, non partes alicuius constitutionis. Hac ergo constitutio, quam generalem nominamus, partes nobis uidetur duas habere, iuridicalem, & negotialem. Iuridicalis est, in qua aequi, & recti natura, aut premij, aut poene ratio queritur. Negotialis est, in qua quid iuris ex civili more, & aequitate sit, consideratur: cui diligentia praesse apud nos iurisconsulti existimantur. At iuridicalis quidem ipsa in duas distribuitur partes: absolutam, & assumptiuam. Absoluta est, qua ipsa in se continet iuris, & iniurie questionem. Assumptiua est, qua ipsa ex se nihil firmi dat ad recusationem: foris autem aliquid defensio

fensionis assumit. Eius partes sunt quatuor, concessio, remotio criminis, relatio criminis, comparatio. Concessio est, cum reus non id, quod factum est, defendit, sed ut ignoscatur postulat. Hac in duas partes diuiditur, purgationem, & deprecationem. Purgatio est, cum factum conceditur, culpa remouetur. Hac partes habet tres, imprudentiam, casum, necessitatem. Deprecatio est, cum & peccasse, & consilio peccasse reus se confitetur, & tamen, ut ignoscatur, postulat: quod genus pererrare potest accidere. Remotio criminis est, cum id crimen quod inferitur, ab se, & à sua culpa, ui, & potestate in alium reus remouere conatur. Id dupliciter fieri poterit, si aut causa aut factum in alium transferetur. Causa transferitur, cum aliena dicitur ui & potestate factum. Factum autem cum alius aut debuisse, aut potuisse facere dicitur. Relatio criminis est, quod ideo iure factum dicitur, quod aliquis ante iniuria lacefferit. Comparatio est, cum aliud aliquod factum rectum, aut uile contenditur, quod ut fieret, illud quod arguitur, dicitur esse commissum. In quarta constitutione, quam translati uam nominamus, eius constitutionis est controuersia, cum aut quem, aut quicum, aut quomodo, aut apud quos, aut quo iure, aut quo tempore agere oporteat, quaritur, aut omnino aliquid de commutatione, aut infirmatione actionis agitur. Huius constitutionis

Herm

Hermagoras inuictior esse existimatur: non quia non usi sint ea ueteres oratores saepe multi: sed quia non animaduertierint artis scriptores eam superiores, nec retulerint in numerum consuetudinum. Post autem ab hoc inueniam multi reprehenderunt, quos non tam imprudentia falli putamus (res enim perspicua est) quam inuidia, atque obrectatione quadam impediri. Et constitutiones quidem, & earum parteis exposuimus: exempla autem cuiusque generis tunc commodius exposituri uidemur, cum in uniuersis eorum argumentorum copiam dabimus. Nam argumentandi ratio dilucidior erit, cum & ad genus, & ad exemplum causa statim poterit accommodari. Constitutione cause reperia, statim placet considerare, utrum causa sit simplex, an coniuncta: & si coniuncta erit, utrum sit ex pluribus questionibus iuncta, an ex aliqua comparatione. Simplex est, quae absolutam in se continet unam questionem, hoc modo: Corinthijs bellum indicamus, an non?

Coniuncta ex pluribus questionibus, in qua plura quaruntur, hoc modo: Virum Carthago diruatur, an Carthaginiensibus reddatur, an eo colonia deducatur. Ex comparatione, in qua per contentionem, utrum potius, aut quid potissimum sit queritur, ad hunc modum: Virum exercitus in Macedoniam contra Philippum mittatur, qui socijs sit auxilio, an teneatur in Italia,

Italia; ut quam maxima contra Annibalem eo-
 pia sint. Deinde considerandum est an in ratio-
 ne, an in scripto sit controuersia. Nam scripti
 controuersia est ea, quæ ex descriptionis genere na-
 scitur. Eius autem genera, quæ sunt separata à
 constitutionibus, quinque sunt. Nam tum uerba
 ipsa uidentur cum sententia scriptoris dissidere,
 tum inter se dua leges aut plures discrepare,
 tum id quod scriptum est, duas aut plures res si-
 gnificare: tum ex eo, quod scriptum est, aliud
 quoque, quod non scriptum est, inueniri: tum uis
 uerbi, quasi in definitiuâ constitutione, in quo
 posita sit, quæri. Quare primum genus de scri-
 pto & sententia, secundum ex contrarijs legibus,
 tertium ambiguum, quartum ratione inartatum,
 quintum definitiuum nominamus. Ratio est au-
 tem cum omnis quæstio non in scriptione, sed in
 aliqua argumentatione consistit. Ac tum con-
 siderato genere causæ, & cognita constitutione,
 cum simplex ne, an coniuncta sit, intellexeris,
 & scripti, an rationis habeat controuersiam ui-
 deris: deinceps erit uidendum, quæ quæstio, quæ
 ratio, quæ iudicatio, quod firmamentum causæ
 sit: quæ omnia à constitutione proficiantur
 oportet. Quæstio est ea, quæ ex conflictione cau-
 sarum gignitur controuersia, hoc modo, Non in
 re fecisti, iure feci. Causarum autem hæc est con-
 flictio, in qua constitutio constat. Ex ea igitur
 nascitur controuersia, quam quæstionem dici-

mus,

mus, hoc modo : Iurene fecerit. Ratio est ea, qua
continet causam: quae si sublata sit, nihil in cau-
sa controuersia relinqueretur, hoc modo (ut docem
di causa in facili, & peruulgato exemplo consi-
stamus): Orestes si accusetur matricidij, nisi hoc
dicat : Iure feci, illa enim patrem meum occide-
rat: non habet defensionem, qua sublata, omnis
quoq; controuersia sublata sit. Ergo eius causa
ratio est, quod illa Agamemnonem occiderit.
Iudicatio est, quae ex infirmatione, & confirma-
tione rationis nascitur controuersia. Nam sic ea
nobis exposita ratio, quam paulo ante exposui-
mus: illa enim, inquit, patrem occiderat. Ne
non, inquit aduersarius, abs te filio matrem ne-
cari oportuit. Potuit enim sine tuo scelere illius
factum puniri. Ex hac deductione rationis illa
summa nascitur controuersia, quam iudicatio-
nem appellamus. Ea est huiusmodi: Rectum ne
fuerit ab Oreste matrem occidi, cum illa Orestis
patrem occidisset. Firmamentum, est firmissima
argumentatio defensoris, & aptissima ad iudi-
cationem, ut si uelis Orestes dicere: Eiusmodi
animum matris suae fuisse in patrem suum, in se
ipsum, in sorores, in regnum, in simam generis,
& familia, ut ab ea poenas liberi sui potissimum
perire debuerint. Et in causis quidem constitu-
tionibus, ad hunc modum iudicationes reperian-
tur: in coniecturali autem constitutione, quia ra-
tio non est (factum enim non conceditur) non
potest

potest ex deductione rationis nasci iudicatio. Quare necesse est eandem esse questionem, & iudicationem: ut factum est, factum non est, factum'ne sit. Quot autem in causa constitutiones, aut earum partes erunt, totidem necesse erit questiones, rationes, iudicationes, firmamenta reperiri. His omnibus in causa reperiis, tum denique singule partes totius cause considerande sunt. Nam non ut quidq; dicendum primum, ita primum animaduertendum uidetur, ideo quod illa que prima dicuntur, si uehementer uelis congruere, & coherere cum causis, ex eis ducas oportet que post dicenda sunt. Quare cum iudicatio, & ea, que ad iudicationem oportet inueniri argumenta, diligenter erunt artificio reperia, cura & cogitatione pertractata, tunc denique ordinande sunt cetera partes orationis.

Ha partes sex esse omnino nobis uidentur: Exordium, Narratio, Partitio, Confirmatio, Reprehensio, Conclusio. Nunc quoniam exordium princeps omnium esse debet, nos quoq; primum in ratione exordii praecepta dabimus.

EXORDIUM, est oratio animum auditoris idoneè comparans ad reliquam dictionem: quod eueniet, si eum beneuolum, attentum, docilem fecerit. Quare qui bene exordiri causam uolet, eum necesse est genus suae causa diligenter antè cognoscere. Genera causarum sunt quinque: Honestum, admirabile, humile, anceps, obscurum.

Honestum

Honestum genus est, cui statim sine oratione nostra auditoris fauet animus. Admirabile, à quo alienatus est animus eorum qui audituri sunt. Humile, quod negligitur ab auditore, & non magnopere attendendum uidetur. Anceps, in quo aut indicatio dubia est: aut causa & honestatis & turpitudinis particeps, ut & beneuolentiam pariat & offensionem. Obscurum, in quo aut tardi auditores sunt, aut difficilioribus ad cognoscendum negotijs causa implicita est. Quare cum tam diuersa sint genera causarum, exordiri quoq; dispari ratione in unoquoq; genere necesse est. Igitur exordium in duas partes diuiditur, in principium, & insinuationem. Principium, est oratio perspicue, & protinus perficiens auditorem beneuolum, aut docilem, aut attentum. Insinuatio, est oratio quadam dissimulatione, & circuitione obscure subiens auditoris animum. In admirabili genere causa, si non omnino infesti auditores erunt, principio beneuolentiam comparare licebit: sin erunt uehementer abalienati, consurgere necesse erit ad insinuationem. Nam ab irasis, si perspicue pax & beneuolentia petitur, nō modo ea nō inuenitur, sed augetur atq; inflammatur odium. In humili autem genere causa, contemptum tollenda causa, necesse erit attentum efficere auditorem. Anceps genus causa, si dubiam indicationem habebit, ab ipsa in-

his rebus magis uideantur, quam cause sue cō-
fidere. In conemptionem adducuntur, si eorum
inertia, negligentia, ignauia, desidiosum stu-
dium, & luxuriosum otium proficetur. Ab
auditorum persona beneuolentia captabitur, si
res ab his fortiter, sapienter, mansuete gesta
profereatur, ut nequa assentat o nimia signifi-
cetur: & si de his, quam honesta existimatio,
quantaq; eorum iudicij, & autoritatis expe-
ctatio sit, ostendatur. Ab ipsis rebus, si no-
stram causam laudando extollemus, aduersa-
riorum causam per conemptionem deprime-
mus. Attentos autem facimus, si demonstra-
bimus ea, que dicturi erimus, magna, noua, in-
credibilia esse, & aut ad omnes, aut ad eos, qui
audiunt, aut ad aliquos illustres homines, aut
ad deos immortales, aut ad summam Reip. per-
tinere. & si pollicebimur nos breui nostram cau-
sam demonstraturos, atque exponemus iudica-
tionem, aut iudicationes, si plures erunt. Doci-
les auditores facimus, si aperte, & breuiter
summam causa exponemus, hoc est, in quo con-
sistat controuersia. Nam & cum docilem ue-
lis facere, simul attentum facies oportet. nam
is maxime docilis est, qui attentissime est pa-
ratus audire. Nunc insinuationes quema-
dum tractari conueniat, deinceps dicendum
uidetur. Insinuatione igitur utendum est, cum
admirabile genus causa est, hoc est, ut ante di-

xius, cum animus auditoris infestus est. Id autem tribus ex causis fit maxime, si aut inest in ipsa causa quedam turpitudine: aut si ab ijs, qui ante dixerunt, iam quiddam auditori persuasum uideatur: aut eo tempore locus dicendi datur, cum iam illi, quos audire oportet, defessi sunt audiendo. Nam ex hac quoque re non minus, quam ex primis duabus, in oratione nonnunquam animus auditoris offenditur. Si causa turpitudine contrahet offensionem, aut pro eo, in quo offenditur, alium hominem, qui diligitur, interponi oportet: aut pro re, in qua offenditur, aliam rem, quae probatur: aut pro re hominem, aut pro homine rem, ut ab eo quod odit, ad id quod diligit auditoris animus traducatur: & dissimulare id te defensurum, quod existimeris defensurus. Deinde cum iam mitior factus erit auditor, ingredi pedetentim in defensionem, & dicere ea, quae indignentur aduersarij, tibi quoque indigna uideri. Deinde cum lenieris cum qui audiet, demonstrare nihil eorum ad te pertinere, & negare te quicquam de aduersarijs esse dicturum, neque hoc, neque illud: ut neque aperte laedas eos, qui diliguntur: & tamen id obscure facias, quoad possis alienes ab eis auditorum uoluntatem: & aliquorum iudicium simili de re, aut autoritatem proferre imitatione dignam. Deinde, aut eandem, aut consimilem, aut maiorem, aut minorem agi rem in praesentia

ita demonstrare. Sin oratio aduersariorum fide-
 dem uidebitur auditoribus fecisse, idq; ei, qui
 intelligit, quibus rebus fides fiat, facile erit co-
 gnitu: oportet aut de eo quod aduersarij sibi fir-
 missimum putarint, & maximè ij, qui audie-
 rint, probarint, primum se dicturum polliceri,
 aut ab aduersarij dicto exordiri, & ab eo po-
 tissimum, quod ille nuperrime dixerit: aut du-
 bitatione uti quid primū dicas. aut cui potissi-
 mum loco respondeas cum admiratione. Nam
 auditor, cum eam, quæ aduersarij perturbatum
 putant oratione, uidet animo firmissimo con-
 tradicere paratum, plerumq; se potius temere
 assensisse, quàm illum sine causa considerare ar-
 bitratur. Sin auditoris studium defatigatio ab-
 alienauit à causa, te breuius, quàm paratus
 fueris, esse dicturum, commodum est polliceri,
 non imitaturum aduersarium. Sin res dabit,
 non inutile est ab aliqua re noua, aut ridicula
 incipere, aut ex tempore, qua nata sit, quod ge-
 nus strepitum, acclamationem: aut iam paratu,
 qua uel apologum, uel fabulam, uel aliquam
 contineat irrisiōem: aut si rei dignitas admet
 iocandi facultatem, aliquid triste, nouum, hor-
 ribile statim non incommodum est inijcere. Nam
 ut cibi satietas, & fastidium, aut subamara
 aliqua re releuatur, aut dulci mitigatur: sic
 animus defessus audiendo, aut admiratione in-
 tegratur, aut risu renouatur. Ac separatim

quidem, quæ de principio, & insinuatione dicenda uidebantur, hæc ferè sunt: nunc quiddam breuiter & cõmuniter de utroq; præcipiendum uidetur. Exordium sententiarum, & grauitatis plurimum debet habere, & ompino omnia quæ pertinent ad dignitatem in se continere: propterea quòd id optimè faciendum est, quod oratorem auditori maximè commendat. Splendoris, & festiuitatis, & concinnitudinis minimum, propterea quòd ex his suspicio quadam apparationis atq; artificiosæ diligentia nascitur, quæ maximè orationi fidem, oratori adimit auctoritatem. Vicia uerò hæc sunt certissima exordiorum, quæ summo pere uitare oportebit: uulgare, commune, commutabile, longum, separatum, translatum, contra præcepta. Vulgare est, quod in plures causas potest accommodari, ut cõuenire uideatur. Commune est, quod nihilominus in hanc, quàm in contrariam partem causæ potest conuenire. Commutabile, quod ab aduersario potest leuiter mutatum ex contraria parte dici. Longum est, quod pluribus uerbis aut sententijs ultra, quàm satis est, producit. Separatum, quod nõ ex ipsa causa ductum est, nec sicut aliquod membrum annexum orationi. Translatum est, quod aliud conficit, quàm causa genus postulat: ut si quis docilem faciat auditorem, cum beneuolentiam causa desideret: aut si principio utatur, cum insinuationem res postul

postulat. Contra precepta est, quod nihil eorum efficit, quorum causa de exordijs precepta traduntur: hoc est, quod cum qui audit, neq; benivolus, neq; attentus, neq; docilem efficit, aut, quo profecto nihil peius est, ut contra sit, facit. Ac de exordio quidem fatis dictum est.

NARRATIO, est rerum gestarum, aut ut gestarum expositio. Narrationum tria sunt genera. Primum genus est, in quo ipsa causa, & omnis ratio controuersa continetur. Alterum, in quo digressio aliqua extra causam aut criminationis, aut similitudinis, aut delectationis non aliena ab eo negotio, quo de agitur, aut amplificationis causa interponitur. Tertium genus est remotum à civilibus causis, quod delectationis causa non inuiti cum exercitatione dicitur & scribitur. Eius partes sunt duae, quarum altera in negotijs, altera in personis maxime versatur. Ea quae in negotiorum expositione posita est, tres habet partes: fabulam, historiam, argumentum. Fabula est, in qua nec uera, nec uerisimiles res continentur. cuiusmodi est:

Angues ingentes alios inuicti iugo.

Historia, est gesta res ab aetate nostra memoria remota. quod genus: Appius indixit Carthaginensibus bellum. Argumentum, est ficta res, quae tamen fieri potuit. huiusmodi apud Terentium:

Nam is postquam excessit ex ephebis Sossia.

illa autem narratio, quæ uersatur in personis, eiusmodi est, ut in ea simul cum rebus ipsis personarum sermones & animi perspicui possint, hoc modo:

Venit ad me sæpe clauitās, quid agis Mitio?

Cur perdis adolescentem nobis? cur amat?

Cur potat? cur tu his reb⁹ sumptus suggeris?

Vestitu nimio indulges, nimium ineptus es.

Nimiū ipse durus es, præter equū & bonū.

Hoc in genere narrationis multa inesse debet festiuitas confecta ex rerum uarietate, animorum dissimilitudine, grauitate, lenitate, spe, metu, suspitione, desiderio, dissimulatione, errore, misericordia, fortuna cōmutatione, insperatio incōmodo, subita lætitia, iucundo exitu rerū, Verum hæc ex ijs, quæ postea de elocutione præcipientur, ornamenta sumuntur. Nunc de narratione ea, quæ causæ continet expositionem dicendum uidetur. Oportet igitur eam tres habere res, ut breuis, ut aperta, ut probabilis sit. Breuis erit, si unde necesse est, inde initium sumetur, & nō ab ultimo repetetur: & si, cuius rei satis erit summam dixisse, eius partes non dicentur (nam sæpe satis est, quod factum sit dicere, non ut enarres, quemadmodum sit factum) & si nō longius, quàm quod situ opus est, in narrando procedetur: & si nullam in rem aliam transibitur: & ita dicetur, ut nonnunquam ex eo quod dictum sit, id quod, dictum non sit, intelligatur, & si

Et si non modo id, quod obest, uerum etiam id,
quod nec obest, nec adiuvat, praecribitur: Et si
semel unumquodque dicitur, Et si non ab eo in
quo proxime desinum erit, deinceps incipietur.
Ac multos imitatio decipit breuitatis; ut cum
se breues putet esse, longissimi sint: cum deni ope-
ram, ut res multas breuiter dicant non ut omni-
no paucas res dicant, Et non plures quam ne-
cesse sit. nam plerisque breuiter dicere uidetur,
qui ita dicit, Accessi ad ades, puerum euoca-
ui, respondit, quae sui dominum: domi negauit esse:
Hic tamen si tot res breuius non potuit dicere:
tamen quia satis fuit dixisse, Domi negauit esse,
sive rerum multitudine longus. Quare hoc quoque
in genere uitanda est breuitatis imitatio. Et no-
minus rerum non necessariarum: quam uerborum
multitudine supersedendum est. Aperta autem
narratio poterit esse, sit ut quoque primum ge-
stum erit, ita primum exponatur, Et rerum ac
temporum ordo seruabitur, ut ita narrentur ut
gesta res erunt, aut ut potuisse geri uidebuntur.
Hic considerandum erit, nequid perturbare, ne
quid contortie dicatur, nequam in aliam rem
transcatur, ne ab ultimo repetatur, ne ad exire-
mum prodeatur: nequid, quod ad rem perineat,
praeteratur: Et omnino quae praecepta de bre-
uitate sunt, hoc quoque in genere sunt conseruan-
da. nam saepe res parum est intellecta longitu-
dine magis, quam obscuritate narrationis. Ac

uerbis quoq; dilucidis utendum est, quo de genere dicendum est in praeceptis elocutionis. Probabilis erit narratio, si in ea uidebuntur inesse ea, quae solent apparere in ueritate, si personarum dignitates seruabuntur, si causae factorum extabunt, si fuisse facultates faciundi uidebuntur, si tempus idoneum, si spatij satis, si locus opportunus ad eandem rem qua de re narrabitur, fuisse ostendetur: si res & ad eorum qui agent, naturam, & ad uulgi rancorem, & ad eorum qui audiunt, opinionem accommodabitur, ac ueriquidem similis ex his rationibus esse poterit. Illud autem praeterea considerare oportebit, ne aut cum obsit narratio, aut cum nihil prosit, tunc interponatur: aut non loco, aut non quem admodum causa postulat, narretur. Obsit tum, cum ipsius rei gesta expositio magnam excipit offensionem, quam argumentando, & causam agendo leniri oportebit. Quod cum acciderit, membratim oportebit partis rei gesta dispergere in causam: & ad unamquamq; confestim rationem accommodare, ut uulneri praesto medicamentum sit, & odium statim defensio mitiget. Nihil prodest narratio tunc, cum ab aduersarijs re exposita, nostra nihil interest iterum, aut alio modo narrare: aut cum ab ijs qui audiunt, ita tenetur negotium, ut nostra nihil intersit eos alio pacto docere. Quod cum acciderit, omnino narratione supersedendum est.

Non

Non loco dicitur, cum non in ea parte orationis collocatur, in qua res postulat: quò de genere agemus cum, cum de dispositione dicimus: nā hoc ad dispositionem pertinet. Non quemadmodum causa postulat, narratur, cum aut id quod aduersario prodit, dilucide & ornate exponitur: aut id quod ipsam adiuvat, obscure dicitur & negligenter. Quare ut hoc uiuim uideatur, omnia torquenda sunt ad commodum sue causæ, contraria que prateriri poterant, praterendo: que illius erunt, leuiter attingendo: sua diligenter & enodate narrando. Sic de narratione quidem satis dictum uidetur: deinceps ad partitionem transeamus.

RECTE habita in causa partitio, illustrē & perspicuā totam efficit orationē. Eius partes due sunt, quarum utraq; magnopere ad apericiendam causam, & constituendā pertinet controuersiam. Una pars est, que quid cū aduersarijs conueniat, & quid in controuersia relinquatur, ostendit: ex qua certū quiddam designatur auditori, in quo animum debeat habere occupatum. Altera est in qua rerum earū, de quibus erimus dicturi, breuiter expositio ponitur distributa: ex qua conficitur, ut certas animo res teneat auditor, quibus dictis, intelligat fore peroratum. Nunc utroque genere partitionis quemadmodum conueniat uti, breuiter dicendum uidetur. Quæ partitio, quid conueniat,

aut

aut quid non conueniat, ostendit: hæc debet illud quod conuenit, inclinare ad suæ causæ commodum. hoc modo: Interfectam matrem esse à filio conuenit mihi cum aduersarijs. Item contra: Interfectum esse à chlytanncstra Agamemnonem conuenit, nam hic uterq; id posuit quod conueniebat, & tamen suæ causæ commodum consuluit. Deinde quid controuersia sit, ponendum est in iudicationis expositione, quæ quemadmodum inueniretur, antè dictum est. Quæ autem partitio rerum distributam continet expositionem, hæc habere debet breuitatem, absolutionem, paucitatem. Breuitas est, cum nisi necessarium nullum assumitur uerbum. Hæc in hoc genere iccirco utilis est, quòd rebus ipsis, & partibus causæ, non uerbis, neq; extraneis ornamentis animus auditoris tenendus est. Absolutio est, per quam omnia, quæ incidunt in causam, genera, de quibus dicendum est, amplectitur partitione. In qua uidendum est, ne aut aliquod genus utile relinquatur, aut serò extra partitionem, id quod uiciosissimum ac turpissimum est, inferatur. Paucitas in partitione seruatur si genera ipsa rerum ponuntur, neq; permiste cum partibus implicantur. Nam genus est, quod plures partes amplectitur, ut. animal. Pars est, quæ subest generi, ut. equus. Sed sæpe eadem res alijs genus, alijs pars est. Nam homo animalis pars est, Thebani aut Troiani genus.

Hc

Hac ideo diligentius inducitur præscriptio, ut
aperiè intellecta generali partitione, paucitas
generū in partitione seruari possit. nam qui ita
partitur: Ostendā propter cupiditatem, & au-
daciā, & auariciā aduersariorum omnia
incommoda ad Remp. peruenisse: is non intellexit
in partitione exposito genere, partem se generis
admiscuisse. nam genus est omnium nimirum li-
bidinum cupiditas: eius autem generis sine du-
bio pars est auaritia. Hoc igitur uitandum est,
ne cuius genus posueris, eius secum aliquā di-
uersam & dissimilem partem ponas in eadem
partitione. Quod, si quod in genus plures inci-
dent partes, id cum in prima partitione causa
erit simpliciter expositū, distribuetur eo tempō-
re commodissime, cum ad ipsam uentum erit ex-
plicandum in causa dictione post partitionem.
Atq; illud quoq; pertinet ad paucitatē, ne aut
plura quā satis est, demonstraturos nos dica-
mus, hoc modo: Ostendam aduersarios, quod ar-
guimus, & potuisse facere, & uoluisse, & fe-
cisse. nam fecisse ostendere satis est. Aut cum in
causa partitiō nulla sit, & quiddā simplex aga-
tur, tamen utamur distributione: idq; per raro
potest accidere. At sunt alia quoque præcepta
partitionum, quæ ad hunc usum oratorium non
tantopere pertinent, quæ uersantur in philoso-
phia, ex quibus hac ipsa transtulimus, quæ con-
uenire uidebantur, quorum nihil in cæteris ar-
tibus

tibus inueniebamus. Atque his de partitione praeceptis, in omni dictione meminisse oportebit, ut & prima quaeque pars, ut exposita est in partitione, sic ordine transfigatur: & omnibus explicatis peroratum sit, hoc modo, (ut nequid posterius praeter conclusionem inferatur.) Partitur apud Terentium breuiter, & commodè senex in *Andria*, quæ cognoscere libertum uelit:

Et pacto & gnati uitam, & consilium meum
Cognosces, & quid facere in hac re te uelim.
Itaque quemadmodum in partitione proposuit,
ita narrat primum gnati uitam:

Nam is postquam excessit ex cephisiosia.

Deinde suum consilium: Et nunc id operando. Deinde quid Sositam uelit facere, id, quod postremum posuit in partitione, postremum dicit: Nunc tuum est officium. Quemadmodum igitur hic & ad primam quamque partem primum accessit, & omnibus absolutis, finem dicendi fecit: sic nobis placet & ad singulas partes accedere, & omnibus absolutis perorare. Nunc de confirmatione, deinceps ita, ut ordo ipse postulat, praecipendum uidetur.

CONFIRMATIO est, per quam argumento nostrae causae fidem, & auctoritatem, & firmamentum adiungit oratio. Huius partis certa sunt praecepta, quæ in singula causarum genera diuidentur. Veruntamen non incommodum uidetur quandam sylvam, atque materiam

scriam uniuersam antè permistâ, & confusam
exponere omnium argumentationum: post au-
tem tradere quemadmodum unumquodq; genus
cause hinc omnibus argumentandi rationibus
tractis, confirmare oporteat. Omnes res argu-
mentando confirmantur aut ex eo, quod perso-
nis, aut ex eo quod negotijs est attributum. *Ad*
personis has res attributas putamus: nomen, na-
turam, uictum, fortunam, habitum, affectionem,
studia, consilia, facta, casus, orationes. Nomen
est, quod unicuiq; personæ datur, quo suo quaq;
proprio, & certo uocabulo appellatur. Naturâ
ipsam definire difficile est: partes autem eius
enumerare eas, quarum indigenius ad hâc præ-
ceptionem, facilius est. Ha autem partim diui-
no, partim mortali in genere uersantur. Mor-
taliū autem, pars in hominū, pars in bestia-
rum genere enumeratur. Atq; hominū genus
& in sexu consideratur, uirile an muliebre sit:
& in natione, patria, cognatione, & aetate. Na-
tione, Grauius an barbarius. Patria, Athenien-
sis, an Lacedæmonius. Cognatione, quibus maio-
ribus, quibus consanguineis. Aetate, puer an
adolescens, paruū grandior an senex. Præterea
commoda & incommoda considerantur ab na-
tura data animo, aut corpori, hoc modo: Va-
lens an imbecillus, longus an breuis, formosus
an deformis, uelox an tardus sit, acutus an he-
betior, memor an obliuiosus, comis, officiosus, pa-
riens,

riens, prudens ac contra: & omnino quæ à natura data animo & corpori considerabuntur, in natura consideranda sunt. Nam quæ industria comparantur, ad habitum pertinet: de quo posterius dicendum est. In uictu considerare oportet, apud quos, & quo more, & cuius arbitrio sit educatus, quos habuerit artium liberalium magistros: quos uiuendi præceptores, quibus amicis utatur, quo in negotio, quæstu, artificio sit occupatus: quomodo rem familiarem administret, quæ consuetudine domestica sit. In fortuna queritur, seruus sit an liber, pecuniosus an tenuis, priuatus an cum potestate: si cum potestate, iure an iniuria, felix, clarus an contra, quales liberos habeat. Ac si de non uiuo queratur, etiam quali morte sit affectus, erit considerandum. Habitum autem hunc appellamus animi aut corporis constantem, & absolutam aliquam in re perfectionem, ut uirtutis aut artis perceptionem alicuius, aut quamuis scientiam. Et item corporis aliquam commoditatem non natura datam, sed studio & industria comparatam. Affectio, est animi, aut corporis ex tempore aliqua de causa commutatio, ut letitia, cupiditas, metus, molestia, morbus, debilitas: & alia quæ genere in eodem reperiuntur. Studium autem est, animi assidua, & uchemens ad aliquam rem applicata magna cum uoluntate occupatio, ut philosophia, poëtria, geometria,

eria, literarum. Consilium, est aliquid faciendi, aut non faciendi uere excogitata ratio. Facta autem, & casus, & orationes tribus ex temporibus considerabuntur: quid fecerit, aut quid ipsi acciderit, aut quid dixerit, aut quid faciat, quid ipsi accidat, quid dicat, aut quid facturus sit, quid ipsi casurum sit, qua sit usus oratione. ac personis quidē hęc uidentur esse attributa. Negotijs autē quę sunt attributa, partim sunt continentia cum ipso negotio, partim in gestione negotij considerantur, partim adiuncta negotio sunt, partim gestū negotium consequuntur. Continentia cum ipso negotio sunt ea, quę semper affixa esse uidentur ad rem, neq; ab ea possunt separari. Ex his prima est breuis complexio totius negotij, quę summā continet facti, hoc modo: Parentis occisio, patria proditio. Deinde causa eius summa, per quam, & quamobrem, & cuius rei causa factum sit, quaritur: deinde ante rem gestam quę facta sunt, continentur usq; ad ipsum negotium: deinde in ipso gerendo negotio quid actum sit: deinde quid postea factū sit. In gestione autem negotij, qui locus secundus erat, de ijs quę negotijs attributa sunt, quaritur locus, tempus, modus, occasio, facultas. Locus consideratur in quo res gestā sit ex opportunitate, quam uideatur habuisse ad negotium administrandum. Ea autem opportunitas quaritur ex magnitudine, intervallo, longinquitate, propin-

o

quitate

quitate, solitudine, celebritate, natura ipsius lo-
 ci, & uicinitate totius regionis. Ex his etiam
 attributionibus, sacer an prophanus, publicus
 an ne priuatus, alienus an ipsius, de quo agitur,
 locus sit, an fuerit. Tempus autem est id, quo
 nunc utimur (nam ipsum quidem generaliter de-
 finire difficile est) pars quedam aeternitatis, cum
 alicuius anni, mensurui, diurni, nocturniue
 spatij certa significatione. In hoc & quae pre-
 terierunt considerantur: & eorum ipsorum, quae
 propter uetustatem obsoleuerunt, ut incredibilia
 uideantur, & iam in fabularum numerum re-
 ponantur: & quae iamdiu gesta, & à memoria
 nostra remota, tamen faciant fidem, uere tradi-
 ta esse, quod eorum monumenta certa in literis
 extent: & quae nuper gesta sint, quae scire pleri-
 que possint: & item quae instent in praesentia, &
 quae maxime fiunt, & quae consequantur. In
 quibus potest considerari, quid otiosus, & quid
 serius futurum sit. Et item communiter in tempo-
 re perspiciendo longinquitas eius est consideran-
 da. nam saepe oportet commetiri cum tempore
 negotium, & uidere potueritne aut magnitudo
 negotij, aut multitudo rerum in eo transigi tem-
 pore. Consideratur autem tempus & anni, &
 mensis, & diei, & noctis, & uigiliae, & horae,
 & in aliqua parte alicuius horum. Occasio au-
 tem est pars temporis habens in se alicuius rei
 idoneam faciendi aut non faciendi opportuni-
 tatem

tatem. Quare cum tempore hoc differt. nam genere quidem utrunq; idem esse intelligitur: uerū in tempore spatium quodammodo declaratur, quod in annis, aut in anno, aut in aliqua anni parte spectatur. In occasione ad spatium temporis faciendi quædam opportunitas intelligitur adiuncta. Quare cum genere idem sit, sit aliud quod quadam parte & specie, ut diximus, differat. Hac distribuitur in tria genera, publicū, commune, singulare. Publicum est, quod ciuitas uniuersa aliqua de causa frequenter, ut ludi, dies festus, bellum. Commune est, quod accidit omnibus eodem fere tempore, ut metis, uindemia, calor, frigus. Singulare autem est, quod aliqua de causa privatim solet alicui accidere, ut nuptiæ, sacrificium, funus, conuiuium, somnus. Modus autē est, in quo quemadmodum, & quo animo factū sit, quaritur. Eius partes sunt prudentia & imprudentia. Prudentiæ autem ratio quaritur ex ijs quæ clām, palām, uis, persuasione fecerit. Imprudentia autem in purgationem confertur: cuius partes sunt, inscientia, casus, necessitas: & in afflictionem animi hoc est molestiam, iracundiam, amorem: & cætera quæ in simili genere uersantur. Faciliates sunt, aut quibus facilius fit, aut sine quibus aliquid confici non potest. Adiunctum autem negotio id intelligitur, quod maius, & quod minus, & quod simile erit ei negotio de quo agitur, & quod

quod aque magnum, & quod contrarium, &
 quod disparatum, & genus & pars, & euen-
 tus. Maius & minus, & aque magnum, ex vi
 & ex numero & ex figura negotij, sicut ex sta-
 tura corporis consideratur. Simile autem ex spe-
 cie comparabili: comparabile autem ex conse-
 renda, atq; assimilanda natura indicatur. Con-
 trarium est, quod posuit in genere diuerso, ab
 eodem, cui contrariū esse dicitur, plurimum di-
 stat: ut frigus calori, vita mors. Disparatū au-
 tem est id, quod ab aliqua re per oppositionem
 negationis separatur, hoc modo: Sapere, &
 non sapere. Genus est, quod partem aliquam
 amplectitur, ut cupiditas. Pars est, quæ subest
 generi, ut amor, auaritia. Euentus est, aliquid
 exitus negotij: in quo quæri solet, quid ex qua-
 que re eueniat, eueniat, euenturumq; sit. Quare
 hoc in genere ut commodius, quid euenturum
 sit, ante animo colligi possit, quid quaq; ex re
 soleat euenire, considerandum est, hoc modo: Ex
 arrogantia odium, ex insolentia arrogantia.
 Quarta autem pars est ex ijs, quas negotijs di-
 cebamus esse attributas, consecutio. In hac he-
 res queruntur, quæ gestum negotium consequun-
 tur. Primum, quod factum est, quo id nomine
 appellari conueniat. Deinde eius facti qui sunt
 principes & inuectores: qui deniq; autoritatis
 eius & inuentionis comprobatores atq; amali.
 Deinde ecquæ ea de re, aut eius rei sit lex, con-
 suetudo,

suetudo, ætlio, iudicium, scientia, artificium. Deinde natura eius cucnre vulgo soleat, an insolenter & raro. Postea homines id sua auctoritate comprobare, an offendi in his consueverint, & cætera qua factum aliquod similiter confestim, aut ex intervallo solent consequi. Deinde postremo attendendum est, num quæ res ex ijs rebus, quæ sunt posite in partibus honestatis, aut utilitatis consequantur, de quibus in deliberatio genere causæ distinctus erit dicendum. Ac negotijs quidem fieri res ea, quas commemorauimus, sunt attributa. Omnis autem argumentatio, quæ ex ijs locis quos commemorauimus, sumetur, aut probabilis, aut necessaria debet esse. Etenim, ut breuiter describamus, argumentatio uidetur esse inuentum ex aliquo genere, rem aliquam aut probabiliter ostendens, aut necessarie demonstrans. Necesse demonstrantur ea, quæ aliter ac dicuntur, nec fieri, nec probari possunt, hoc modo: Si peperit, cum uiro concubuit. Hoc genus argumentandi, quod in necessaria demonstratione versatur, maxime tractatur in dicendo, aut per complexionem, aut per enumerationem, aut per simplicem conclusionem. Complexio, est in qua utrum concesseris, reprehenditur, ad hunc modum: Si improbus est, cur uteris? si probus, cur accusas? Enumeratio est, in qua pluribus rebus expositis & cæteris infirmatis, una reliqua

necessario confirmatur, hoc pacto: Necessesse est aut inimicitiarum causa ab hoc esse occisum, aut metus, aut spei, aut alicuius amici gratia: aut si horum nihil est, ab hoc non esse occisum. nam sine causa maleficium susceptum esse non potest. Sed neque inimicitiae fuerunt, nec metus ullus, nec spes ex morte illius alicuius commodi, neque ad amicum huius aliquem mors eius pertinebat. Relinquitur igitur, ut ab hoc non sit occisus, Simplex autem conclusio ex necessaria consequuntione conficitur, hoc modo: Si uos me istud eo tempore fecisse dicitis: ego autem eo ipso tempore trans mare fui: relinquitur, ut id, quod dicatis, non modo non fecerim, sed ne potuerim quidem facere. Atque hoc diligenter uidere oportebit, ne quo pacto genus hoc refelli possit: ut ne confirmatio modum in se argumentationis solum habeat, & quādam similitudinem necessariae conclusionis: uerum ipsa argumentatio ex necessaria ratione consistat. Probabile autem est id, quod serè fieri solet: aut quod in opinione positum est: aut quod habet in se ad hanc quādam similitudinem, siue id falsum est, siue uerum. Verum in eo genere quod serè solet fieri, probabile huiusmodi est: Si mater est, diligit filium. Si auarus est, negligit iniurandum. In eo autem, quod in opinione positum est, huiusmodi sunt probabilia: Impiys apud inferos pœnas esse preparatas. Eos, qui philo-

sophia

sophia dant operam, non arbitrarī Deos esse. Similitudo autem in contrarijs, & paritibus; & in ijs rebus, quæ sub eandem cadunt rationem, maxime spectatur. In contrarijs hoc modo: Nam si ijs, qui imprudentes laeserunt, ignosci convenit: ijs qui necessavio profuerunt, haberi gratiam non oportet. Ex pari, sic: Nam ut locus sine portu, navibus esse non potest: iustus: sic animus sine fide, stabilis amicis non potest esse. In ijs rebus quæ sub eandem rationem cadunt, hoc modo probabile consideratur: Nam si Rhodijs turpe non est portorium locare, ne Hermaeonti quidem turpe est conducere. Hac tum vera sunt, hoc pacto: Quoniam cicatrix est, fuit vulnus. Tum verisimilia, hoc modo: Si malus erat in calceis pulvis, ex itinere cum venire oportebat. Omne autem (ut certas quasdam in partibus distribuamus) probabile quod sumitur ad argumentationem, aut signum est, aut credibile, aut indicatum, aut comparabile. Signum est, quod sub sensum aliquem cadit, & quiddam significat, quod ex ipso profectum videtur, quod aut antè fuerit, aut in ipso negotio, aut post sit consecutum: & tamen indiget testimonijs, & gravioris confirmationis: ut, cruor, fuga, pallor, pulvis, & quæ his sunt similia. Credibile est, quod sine ullo teste auditoris opinione firmatur, hoc modo: Nemo est qui non liberos suos incolumes, & beatos esse

cupiat. *Iudicatum*, est res assensione, aut autoritate, aut iudicio alicuius, aut aliquorum comprobata. Id tribus in generibus spectatur, religioso, communi, approbato. Religiosum est, quod iurati legibus iudicant. Commune est, quod omnes uulgo probant, & secuti sunt huiusmodi: *Ut* maioribus natu assurgatur, ut supplicum misceatur. *Approbatum* est, quod homines, cum dubium esset, quale haberi oporteret, sua constituerunt autoritate: uelut *Gracchi* patris factum, quem populus Romanus ob id factum, quod insciente collega in censura nihil gessit, post censuram consulē fecit. Comparabile autem est, quod in rebus diuersis similem aliquam rationem continet. *Eius* partes sunt *ires*, *imago*, *collatio*, *exemplum*. *Imago*, est oratio demonstrans corporum aut naturarum similitudinem. *Collatio*, est oratio rem cum re, ex similitudine conferens. *Exemplum*, est quod rem autoritate, aut casu alicuius hominis, aut negotij confirmat aut infirmat. *Horum* exempla & descriptiones in praeceptis elocutionis cognoscuntur. *Ac* fons quidem confirmationis, ut facultas iulit, apertius est, nec minus dilucide, quam rei natura ferebat, demonstratus est. *Quemadmodum* autem quaeque constitutio, & pars constitutionis, & omnis controversia siue in ratione, siue in scripto uersetur, tractari debeat: & quae in quasque argumentationes con-

ueniant : singillatim in secundo libro de uno-
quoque genere dicemus. In presentia tantummo-
do numeros , & modos , & parteis argumen-
tandi confuse , & permiste despersimus : post
descripte , & electe in genus quodque cause , quid
cuique conueniat , ex hac copia digeremus. Atque
inueniri quidem omnis ex his locis argumenta-
tio poterit : inuentam exornari , & certas in
parteis distingui. & suauissimum est , & sum-
me necessarium , & ab artibus scriptoribus maxi-
me neglectum. Quare & de ea praeceptione no-
bis & in hoc loco dicendum uisum est , ut ad in-
uentionem argumenti absolutio quoque argu-
mentandi adiungeretur. Et magna cum cura ,
& diligentia locus hic omnis considerandus est :
quod non rei solum magna utilitas est , sed praeci-
piendi quoque summa difficultas.

OMNIS igitur argumentatio , aut per indu-
ctionem tractanda est , aut per rationationem.
Inductio , est oratio , qua rebus non dubijs captae
assensionem eius quicum instituta est : quibus as-
sensionibus facit , ut illi dubia quaedam res pro-
pter similitudinem earum rerum quibus assen-
sit , probetur : uelut apud Socraticum Aeschi-
nem demonstrat Socrates , cum Xenophontis
uxore , & cum ipso Xenophonte Aspasiam lo-
cutam : Dic mihi quaso Xenophontis uxor , si
uicina tua melius habeat aurum quam tu habes :
utrum illius , an tuum malis. Illius , inquit. Quod
o s si ues

si uestem, & ceterum ornatum muliebrem pretij maioris habeat, quàm tu habes: tuúmne an illius malis? Illius uero, respondit. Agesis, inquit, si uirum illa meliorem habeat, quàm tu habes: utrúmne tuum an illius malis? Hic mulier erubuit. Aspasia autem cum ipso Xenophonte sermonem instituit: Quæso, inquit Xenophon, si uicinus tuus meliorẽ equum habeat, quàm tuus est: tuúmne equum malis, an illius? Illius, inquit. Quòd si fundum meliorem habeat, quàm tu habes: utrum tandem fundum habere malis? Illum, inquit, meliorem scilicet. Quòd si uxorem meliorẽ habeat, quàm tu habes, utrum illius malis? Atque hic Xenophon quoq; ipse tacuit. Pòst Aspasia: Quoniã uterq; uestrum, inquit, id mihi solum nõ respondit, quod ego solum audire uolueram: egomet dicam quid uterq; cogitet: Nam & tu mulier optimum uirum mauis habere, & tu Xenophon uxorem habere lectissimam maxime uis. Quare nisi hoc perfeceritis: ut neq; uir melior, neq; fœmina lectior in terris sit, profecto id semper, quod optimum putabitur esse, multo maxime requiretis: & tu, ut maritus sis quamoptime mulieris, & hæc quamoptimo uiro nupta sit. Hic, cum rebus non dubijs esset assensum, factum est propter similitudinem, ut etiam illud, quod dubiũ uidebatur, si quis separatim quæreret, id pro certo propter rationem rogandi concederetur. Hoc modo sermonis

monis plurimum Socrates usus est, propterea quod nihil ipse afferre ad persuadendum uolebat, sed ex eo, quod sibi ille dederat quicum disputabas, aliquid conficere maluit, quod ille ex eo quod iam concessisset, necessario approbare deberet. Hoc in genere praeicipiendum nobis uidetur. Primum, ut illud, quod inducimus per similitudinem, cuiusmodi sit, ut sit necesse concedi. Nam ex quo postulabimus nobis illud, quod dubium sit concedi, dubium esse id ipsum non oportebit. Deinde illud, cuius confirmandi causa fuit inductio, uidendum est ut simile iis rebus sit, quas res quasi non dubias ante induxerimus. Nam ante aliquid nobis concessum esse nihil proderit, si ei dissimile erit id, cuius causa illud concedi primum uoluerimus. Deinde non intelligat quo spectent illae primae inductiones, & ad quem sine exitum peruentura. Nam qui uidet si ei rei, qua primo rogetur, reffe assenserit, illam quoque rem, qua sibi displicet, esse necessario concedendam, plerumque aut non respondendo, aut male respondendo longius procedere rogationem non sinit. Quare ratione rogationis imprudens ab eo quod concessit, ad id quod non uult concedere, deducendus est. Extremum autem aut taceatur oportet, aut concedatur, aut negetur. Si negabitur, aut ostendenda est similitudo earum rerum quae antea concessa sunt, aut alia utendum inductione.

Si concedatur, concludenda est argumentatio. Si
 tacebitur, aut elicienda est responsio: aut quo-
 niam taciturnitas imitatur confessionem, pro
 eo ac si concessum sit, concludere oportebit ar-
 gumentationem. Ita fit hoc genus argumentan-
 di tripartitum. Prima pars constat ex simili-
 tudine una, pluribusue. Altera ex eo, quod
 concedit uolumus, cuius causa similitudines
 adhibita sunt. Tertia ex conclusione, quæ aut
 confirmat concessionem, aut quid ex ea confi-
 ciatur ostendit. Sed quia non satis uidebitur
 alicui dilucide demonstratum, nisi quod ex ci-
 uili causarum genere exemplum subiecerimus,
 uidetur huiusmodi quoq; utendum exemplo: non
 quo præceptio differat, aut aliter hoc in sermo-
 ne, atq; in dicendo sit utendum: sed ut eorum
 uoluntati satisfiat, qui quod aliquo in loco ui-
 derint, alio in loco; nisi demonstratum est, ne-
 queant cognoscere. Ergo in hac causa qua
 apud Græcos est peruagata, quod Epaminon-
 das Thebanorum imperator ei, qui sibi ex lege
 prætor successerat, exercitum non tradidit: &
 cum paucos ipse dies contra legem exercitum
 tenuisset, Lacedæmonios funditus uicit: poterit
 accusator argumentatione uti per inductionem,
 cum scriptum legis contra sententiam defendat,
 ad hunc modum: Si iudices, id quod Epami-
 nondas ait legis scriptorem; sensisse, adscribat
 ad legem, & addat exceptionem hanc, extra
 quam

quam si quis Reip. causa exercitum non traderit, patiementi? non opinor. Quod si uosmetipsi, quod à uestra religione, & sapientia remotissimum est, istius honoris causa hanc eandem exceptionem iniussu populi ad legem adscribi iubetis, populus Thibanus patietur ne id fieri? profecto non patietur. Quod ergo adscribi ad legem nefas est, id sequi quasi adscriptum sit, relictum uobis uideatur? Noui uestram intelligentiam, non potest ita uideri, Iudices. Quod si literis corrigi neq; ab illo, neq; à uobis scriptoris uoluntas potest, uidete ne multo indignius sit id re, & iudicio uestro mutari, quod ne uerbo quidem commutari potest. Ac de inductione quidem satis in praesentia dictum uidetur. Nunc deinceps ratiocinationis uim & naturam consideremus. Ratiocinatio est, oratio ex ipsa re probabile aliquid eliciens: quod expositum, & per se cognitum, sua se ui, & ratione confirmet. Hoc de genere qui diligentius considerandum putauerunt, eum idem usu dicendi sequentur, paulum in praecipiendo ratione dissenserunt. Nam partim quinque eius partes esse dixerunt, partim non plus quam in tres partes posse distribui putauerunt. Eorum controuersiam non incommodum uidetur cum utrorumque ratione exponere. Nam & brevis est, & non eiusmodi ut alteri prorsus nihil dicere possint, & locus hic nobis in dicendo minime negligendus uidetur.

uidetur. Qui putant in quinque distribui partes
oportere, aiunt primum convenire exponere sum-
mam argumentationis, ad hanc modum: Me-
lius accurantur, quæ consilio geruntur, quam
quæ sine consilio administrantur. Hanc pri-
mam partem numerant: eam deinceps ratio-
nibus varijs, & quamcopiosissimis verbis ap-
probare putant oportere, hoc modo: Domus ea,
quæ ratione regitur, omnibus instructior est re-
bus, & apparatus, quam ea, quæ temere, &
nullo consilio administratur. Exercitus is, cui
præpositus est sapiens & callidus Imperator,
omnibus partibus commodius regitur, quam is
qui stulticia & temeritate alicuius admini-
stratur. Eadem nanigj ratio est. Nam navis
optime cursum conficit ea quæ scientissimo gu-
bernatore utitur. Cum propositio sit hoc pacto
approbata, & due partes transferint ratioci-
nationis: tertia in parte aiunt, quod ostendere
velis, id ex vi propositionis oportere assumere,
hoc pacto: Nihil autem omnium rerum melius,
quam omnis mundus administratur. Huius as-
sumptionis quarto in loco aliam porro inducunt
approbationem, hoc modo: Nam & signorum
ortus, & obitus definitum quendam ordinem
servant, & annuæ commutationes, non modo
quædam ex necessitate semper eodẽ modo fiunt:
verum ad utilitates quoq; rerum omnium sunt
accommodatæ, & diurnæ, nocturnæq; vicissi-
tudi

tudines, nulla in re unquam mutata quicquam
nocuerunt. Quæ signo sunt omnia, non mediocri
quodam consilio naturam mundi administrari.
Quinto inducunt loco complexionem eam, quæ
aut id infert solum, quod ex omnibus partibus
cogitur, hoc modo: Consilio igitur mundus ad-
ministratur. aut unum in locum cum conduce-
ris breuiter propositionem & assumptionem, id
adiungit quod ex his conficiatur, ad hunc mo-
dum: Quod si melius geruntur ea, quæ consilio,
quàm quæ sine consilio administrantur: nihil
autem omnium rerum melius, quàm omnis mun-
dus administratur: consilio igitur mundus ad-
ministratur. Quinquepartitam igitur hoc pa-
cto putant esse argumentationem. Qui autem
tripartitam esse dicunt, ij non aliter putant tra-
ctari oportere argumentationem, sed partiti-
onem horum reprehendunt. Negant enim neque
à propositione: neque ab assumptione appro-
bationes earum separari oportere: neque pro-
positionem absolutam, neque assumptionem si-
bi perfectam uideri, quæ approbatione confir-
mata non sit. Quare quis illi duas partis nu-
merant, propositionem & approbationem, si-
bi unam partem uideri propositionem: quæ
si approbata non sit, propositio non sit argu-
mentationis. Item quæ ab illis assumptio, &
assumptionis approbatio dicitur, eandem sibi
assumptionem solam uideri. Ita fit ut eadem
ratione

ratione argumentatio tractata, alijs triparti-
ta, alijs quinquepartita uideatur. Quare eue-
nit, ut res non tam ad usum dicendi pertineat,
quàm ad rationem preceptionis. Nobis autem
commodior illa partitio uidetur esse quæ in
quinq; partibus distributa est, quam omnes ab
Aristotele & Theophrasto profecti, maxime
secuti sunt. Nam quemadmodum illud supe-
rius genus argumentandi, quod per inductionem
sumitur, maxime Socrates & Socratici tra-
ctauerunt: sic hoc, quod per ratiocinationem
ex politur, summe est ab Aristotele, atq; Peri-
pateticis, & Theophrasto frequentatum: dein-
de à rhetoribus ijs, qui elegantissimi atque ar-
tificiosissimi patati sunt. Quare autem nobis
illa magis partitio probetur, dicendum uide-
tur, ne temere secuti putemur: & breuiter di-
cendum, ne in huiusmodi rebus diutius quàm
ratio precipiendi postulat, commoremur. Si
quadam in argumentatione satis est uti propo-
sitione, & non oportet adiungere approbatio-
nem propositioni: quadam autem in argumen-
tatione infirma est propositio, nisi adiuncta sit
approbatio: separatim quiddam est à propo-
sitione approbatio. Quod enim adiungi, & se-
parari ab aliquo potest, id non potest idem esse,
quod est id. ad quod adiungitur, & à quo se-
paratur. Est autem quadam argumentatio, in
qua propositio non indiget approbatione: &
quod

quædam, in qua nihil ualet absq; approbatione,
ut ostendimus. Separata est igitur a propositione
approbatio. Ostendimus autem, id quod polliciti
sumus, hoc modo: Quæ propositio in se quid-
dam continet perspicuum, eo quod constare in-
ter omnes necesse est, hæc uelle approbare & fir-
mare nihil attinet. Ea est huiusmodi: Si quo die
ista exdes Romæ facta est, ego Athenis eo die
fui, interesse in eade nō potui. Hoc quia perspi-
cuc uerū est, nihil attinet approbari. Quare assu-
mi statim oportet, hoc modo: Fui autem Athe-
nis eo die: hoc si nō constat, indiget approbatio-
nis: qua inducta cōplexio consequetur, Igitur in
eade interesse non potui. Est igitur quædā propo-
sitiō quæ nō indiget approbatione: nam esse qui-
dem quandā quæ indigeat, quid attinet ostende-
re, quod cuius facile perspicuum est? Quod si
ita est, ex hoc & ex eo, quod proposueramus,
hoc conficitur, separatum esse quiddam à pro-
positione approbationem. Si autem ita est: fal-
sum est non esse plies quam tripartitā argumen-
tatione. Simili modo liquet aliter quoq; appro-
bationem separatum esse ab assumptione. Nam si
quædam in argumentatione satis est uti assump-
tione, & nō oportet adiungere approbationem
assumptioni: quædam autē in argumentatione in-
firma est assumptio: nisi adiuncta sit approba-
tio: separatum quiddam est extra assumptione ap-
probatio. Est autē argumentatio quædam, in qua

assumptio non indiget approbationis, quadam autem, in qua nihil ualet sine approbatione, ut ostendemus. Separata est igitur ab assumptione approbatio. Ostendamus autem quod polliciti sumus, hoc modo: Qua perspicuam omnibus ueritatem continet assumptio, nihil indiget approbationis. ea est eiusmodi: Si oportet sapere, dare operam philosophiae conuenit. haec propositio indiget approbationis. Non enim perspicua est, neq; constat inter omnes, propterea quod multi nihil prodesse philosophiam, plerique etiam obesse arbitrantur. Assumptio perspicua est haec: Oportet autem sapere, hoc autem quia ipsum ex re perspicitur, & uerum esse intelligitur, nihil attinet approbari. Quare statim concludenda est argumentatio, Igitur dare operam philosophiae conuenit. Est ergo assumptio quadam, quae approbationis non indiget. nam quandam indigere, perspicuum est. Separata est igitur ab assumptione approbatio. Falsum ergo est, non esse plus quam tripartitam argumentationem. Atque ex his illud iam perspicuum est, esse quandam argumentationem, in qua neque propositio, neq; assumptio indigeat approbationis, huiusmodi (ut certum quiddam, & breue exempli causa ponamus): Si summopere sapientia petenda est: summopere stultitia uitanda est. Summo autem opere sapientia petenda est: summo igitur opere stul-

uia uiuanda est. Hic & assumptio, & propositio perspicua est. Quare neutra quoque indiget approbatione. Ex his omnibus illud perspicuum est, approbationem uim adiungi, uim non adiungi. Ex quo cognoscitur, neque in propositione, neque in assumptione contineri approbationem: sed utranque suo loco positam, uim suam tanquam certam & propriam obtinere. Quod si ita est, commode partiti sunt illi, qui in quinque partes distribuerunt argumentationem. Quinque sunt igitur partes eius argumentationis, quae per ratiocinationem tractatur. Propositio, per quam breuiter locus is exponitur, ex quo uis omnis oportet emanet ratiocinationis. Propositionis approbatio, per quam id, quod breuiter expositum est, rationibus affirmatum, probabilius & apertius fit. Assumptio, per quam id, quod ex propositione ad ostendendum pertinet, assumitur. Assumptionis approbatio, per quam id quod assumptum est, rationibus firmatur. Complexio, per quam id, quod conficitur ex omni argumentatione, breuiter exponitur. Quae plurimas habet argumentatio partis, ea constat ex his quinque partibus. Secunda est quadripartita. Tertia tripartita. Dein bipartita, quod in controuersia est. De unaquaque parte potest alicui uideri posse argumentationem confidere. Eorum igitur, quae consistant exem-

pla ponemus. Horum, quæ dubia sunt, rationes
 afferemus. Quinquaginta argumentatio est
 huiusmodi: Omnes leges, Indices, ad commodum
 Reip. referri oportet, & eas ex utilitate commu-
 ni, non ex scriptione, quæ in literis est, interpre-
 tari. Ea enim uirtute & sapientia maiores no-
 stri fuerunt, ut in legibus scribendis nihil sibi
 aliud, nisi salutem atq; utilitatem Reipubli.
 proponerent. Neq; enim ipsi quod obesse, scri-
 bere uolebant: & si scripissent, cum esset intel-
 lectum, repudiarum iri legem intelligebant. Ne-
 mo enim leges legum causa saluas esse uult, sed
 Reip. quod ex legibus omnes Respub. optime pu-
 rant administrari. Quamobrem igitur leges
 seruari oportet, ad eam causam scripta omnia
 interpretari conuenit: hoc est quoniam Reipub.
 seruimus, ex Reipublicæ commodo atque utili-
 tate leges interpretemur. Nam ut ex medici-
 na nihil oportet putare proficisci, nisi quod ad
 corporis utilitatem spectat, quoniam eius cau-
 sa est instituta: sic a legibus nihil conuenit
 arbitrari, nisi quod Reipublica conducatur
 proficisci: quoniam eius causa sunt compa-
 rate. Ergo in hoc quoq; iudicio desinite literas
 legis perseruari, & legem, ut æquum est, ex
 utilitate Reipubli. considerate. Quid enim ma-
 gis utile Thebanis fuit, quam Lacedæmonios
 opprimi? Quid magis Epaminondam The-
 banorum imperatorem, quam uictoria The-
 banorum

banorum consulere decuit? Quid hunc tanta Thebanorum gloria, tam claro, atq; exornato trophæo carius, atq; antiquius habere convenit? Scripto videlicet legis omisso, scriptoris sententiam considerare debebat. Atq; hoc quidem satis consideratum est, nullam esse legem, nisi Reipublica causa scriptam. Summam igitur amentiam esse existimabat, quod scriptum esset Reipubli. salutis causa, id non ex Reipubli. salute interpretari. Quod si leges omnes ad utilitatem Reipubli. referri convenit: hic autem saluti Reipubli. profuit: profectò non potest eodem facto, & communibus fortunis consuluisse, & legibus non obtemperasse. Quatuor autem partibus constat argumentatio, cum aut proponimus, aut assumimus sine approbatione. Id facere oportet cum aut proposuio ex se intelligitur, aut assumptio perspicua est, & nullius approbationis indiget. Propositionis approbatione præterita, quatuor ex partibus argumentatio tractatur, ad hunc modum: Iudices, qui ex lege iurati iudicatis, legibus obtemperare debetis. Obtemperare autem legibus non potestis, nisi quod scriptum est in lege, sequamini. Quod enim certius legis scriptor testimonium voluntatis sue relinquere potuit, quam quod ipse magna cum cura, atq; diligentia scripsit? Quod si licet non extarent, magnopere eas requireremus, ut ex his

scriptoris voluntas cognoscereetur: nec tamen
 Epaminonda permitteremus, nisi extra iudi-
 cium quidem esset, ut is nobis sententiam legis
 interpretaretur, nedum nunc istud patiamur,
 cum præsto lex sit, non ex eo quod apertissime
 scriptum est, sed ex eo, quod sua causa conue-
 nit, scriptoris voluntatem interpretare. Quod
 si vos, Iudices, legibus obtemperare debetis, &
 id facere non potestis, nisi quod scriptum est in
 lege sequamini: quid causa est quin istum con-
 tra legem fecisse iudicetis? Assumptionis autem
 approbatione præterita, quadripartita sic fiet ar-
 gumentatio: Qui sæpenumero nos per fidem
 fefellerunt, eorum orationi fidem habere non
 debemus. Siquid enim perfidia illorum detri-
 menti acceperimus, nemo erit, præter nosmetipsos,
 quem iure accusare possimus. Ac primū quidē
 decipi incommodum est, iterum stultum, tertium
 turpe. Carthaginienses autem persæpe iam nos
 fefellerunt. Summa igitur amentia est in eorum
 fide spem habere, quorum perfidia toties dece-
 ptus sis. Vtræque approbatione præterita, tripar-
 titæ sit hoc pacto: Aut metuamus Carthagi-
 nienses oportet, si incolumes eos reliquerimus:
 aut eorum urbem diruamus, ac metuere quidem
 non oportet. Restat igitur, ut urbem diruamus.
 Sunt autem qui putant nonnunquam posse com-
 plexione superscideri oportere, cum id perspi-
 cuum sit, quod conficiatur ex ratiocinatione.

Quod

Quod si fiat, bipartitam quoque fieri argumen-
tationem, hoc modo: Si peperit, uirgo non est:
peperit autem. hic suis esse dicunt proponere
& assumere, quoniam perspicuum sit quod con-
ficiatur, complexionis rem non indigere. Nobis
autem uidetur & omnis ratiocinatio inclu-
denda esse, & illud nitium, quod illis displicet,
magno opere uitandum est: ne quod perspicuum
sit, id in complexionem inferamus. Hoc autem
fieri poterit, si complexionum genera intelli-
gantur. Nam aut ita complectemur, ut in
unum conducamus propositionem, & assump-
tionem, hoc modo: Quod si leges omnes ad
utilitatem Reipublice referri conuenit: hic au-
tem saluti Reipublice profuit: profecto non potest
eodem facto, & saluti communi consuluisse, &
legibus non obtemperasse. Aut ita, ut ex con-
trario sententia conficiatur, hoc modo: Summa
igitur amentia est, in eorum fide spem habere,
quorum perfidia toties deceptus sis. Aut ita,
ut id solum, quod conficitur, inferatur ad hunc
modum: Verbum igitur diruamus. Aut ut id
quod eam rem, quae conficitur, sequatur neces-
se est, id est huiusmodi: Si peperit, cum uiro
concubuit: peperit autem. Conficitur hoc: Con-
cubuit igitur cum uiro. Hoc si nolis inferre, &
inferas id, quod sequitur, Fecit igitur incestum:
& concluderis argumentationem, & perspi-
cuan feceris complexionem. Quare in longis

argumentationibus, ex conductionibus, aut ex contrario complecti oportet in breuibus id solum, quod conficitur, exponere: in iis, in quibus, exitus perspicuus est, consecratione uti. Si qui autem ex una quoque parte putabunt constare argumentationem, poterunt dicere sepe satis esse hoc modo argumentationem facere: Quoniam peperit, cum viro cōcubuit: nam hoc nullius neque approbationis, neque assumptionis, uel eius approbationis, neque complexionis indigere: sed nobis ambiguitate nominis uidentur errare. Nam & argumentatio nomine uno res duas significat, ideo quod & inuentum aliquam in rem probabile, aut necessarium, argumentatio uocatur, & eius inuenti artificiosa expolitio. Quando igitur proferent aliquid huiusmodi: Quoniam peperit, cum viro concubuit: inuentū proferent, non expolitionem. Nos autem de expolitionis partibus loquimur. Nihil igitur ad hanc rem ratio illi pertinebit, atque hac distinctione alia quoque, que uidebuntur officere huic partitioni propulsabimus, siqui aut assumptionem aliquando tolli posse patent, aut propositionem: que si quid habet probabile, aut necessarium, quoquomodo commoueat auditorem necesse est. Quod si solū spectaretur id, quod esset inuentū, ac nihil quo pacto tractaretur id quod esset excogitū, referret: nequaquam tantū inter summos oratores & mediocres interesse existimaretur. Variare

riare autem orationem magnopere oportebit. nā omnibus in rebus similitudo est satietatis mater. id fieri poterit, si non similiter semper ingrediamur in argumentationem. Nam primū omnium generibus ipsis distinguere conuenit orationem: hoc est tum inductione uti, tum ratiocinatione. Deinde in ipsa argumentatione non semper a propositione incipere, nec semper quinque partibus abuti, neque eadem ratione expolire paruitiones, sed tum ab assumptione incipere licet, tum ab approbatione alterutra, cum utraq; , tum hoc tum illo genere complexione uti. Id ut perspiciamus, aut scribamur, aut in quolibet exemplo de iis, quæ proposita sunt, hoc idem exerceamus, ut quam facile sit factu. Ac de partibus quidem argumentationis satis nobis dictum uidetur. Illud autem uolumus intelligi, nos probe tenere alijs quoque rationibus tractari argumentationes in philosophia multis, & obscuris, de quibus certum est artificium constitutum. Verum illa nobis abhorrere ab usu oratorio uidentur. Quæ pertinere autem ad dicendum putamus, ea nos commodius, quam ceteros attendisse non affirmamus, sed perquisitijs, & diligentius, conscripsisse pollicemur. Nunc, ut instituimus, proficisci ordine ad reliqua pergemus.

REPREHENSIO est, per quam argumentando aduersariorum confirmatio diluitur, aut infirmatur, aut alieniatur. Hæc fonte inuen-

tionis eodem utetur, quo utitur confirmatio: propterea, quod quibus ex locis aliqua res confirmari potest, iisdem potest ex locis infirmari. Nihil enim considerandum est in his omnibus inuentionibus, nisi id quod personis, aut negotiis attributum est. Quare inuentionem, & argumentationum expolitionem ex illis, quæ antè præcepta sunt, hanc quoque in partem orationis transferri oportebit. Veruntamen, ut quedam præceptio detur huius quoque partis, exponemus modos reprehensionis: quos qui obseruabunt, facilius ea, quæ contra dicentur, diluere, aut infirmare poterunt. Omnis argumentatio reprehenditur, si aut ex ijs quæ sumpta sunt, non conceditur aliquod unum, pluraue: aut his concessis, complexio confici ex his negatur: aut si genus ipsum argumentationis uiciosum ostenditur: aut si contra firmam argumentationem, alia æque firma, aut firmior ponitur. Ex ijs, quæ sumuntur, aliquid non conceditur: cum aut id, quod credibile dicunt, negatur esse eiusmodi: aut quod comparabile putant, dissimile ostenditur, aut iudicatum aliam in partem traducitur, aut omnino iudicium improbat: aut quod signum esse aduersarij dixerunt, id eiusmodi negatur esse, aut si complexio, aut una, aut ex utraque parte reprehenditur, aut si enumeratio falsa ostenditur, aut si simplex conclusio falsi aliquid continere demonstratur.

Num

Nam omne quod sumitur ad argumentandum, siue pro probabili, siue pro necessario, necesse est sumatur ex his locis, ut antè ostendimus. Quod pro credibili sumptum erit, id infirmabitur si aut perspicue falsum erit, hoc modo: Nemo est, qui non pecuniam, quàm sapientiã malit. Aut ex contrario quoq; credibile aliquid habebit, hoc modo: Quis est qui non officij cupidior sit quàm pecunia? Aut erit omnino incredibile, ut si quis, quem constet esse avarum, dicat alicuius mediocri officij causa se maximã pecuniam neglexisse. Aut si, quod in quibusdã rebus, aut hominibus accidit, id omnibus dicatur usu evenire, hoc pacto: Qui pauperes sunt, ijs antiquior officio pecunia est. Qui locus desertus est, in eo eadem factam esse oportet. In loco celebri homo occidi quì potuit? aut si id quod raro fit, fieri omnino negatur: ut Curius pro Fulvio: Nemo potest uno aspectu, neq; præteriens in amorem incidere. Quod autem pro signo sumetur, id ex iisdem locis, quibus confirmatur, infirmabitur. Nam in signo primum verum esse ostendi oportet. Deinde eius esse rei signum proprium, quod de re agitur, ut errorem cadit. Deinde factum esse, quod non oportuerit: aut non factum, quod oportuerit. Postremo scisse eũ, de qua quaritur, eius rei legẽ, & consuetudinẽ. Nam eæ res sunt signo attributæ, quas diligentius aperiemus, cum separatim de ipsa coniecturali constitutione dicem

dicemus. Ergo horū unumquodq; in reprehensione, aut non esse signo, aut parum magno esse, aut à se potius, quam ab aduersarijs stare, aut omnino falso dici, aut in aliā quoq; suspicionem duci posse demonstrabitur. Cum autem pro comparabili aliquid inducetur, quoniā id per similitudinem maxime tractatur, in reprehendendo conueniet, simile id negare esse quod conferetur ei quicum conferetur. Id fieri poterit, si demonstrabitur diuersum esse genere, natura, ui, magnitudine, tempore, loco, persona, opinione: ac si quo in numero illud, quod per similitudinem afferetur, & quo in loco hoc genus, cuius causa afferetur, haberi conueniat, ostendetur. Deinde quid res cum re differat, demonstrabimus, ex quo docebimus aliud de eo quod cōparabitur, & de eo quicū comparabitur, existimari oportere. Huius facultatis maxime indigemus, cum ea ipsa argumētatio, quæ per inductionem tractatur; erit reprehendenda. Si iudicatum ali-quod inferetur, quoniam id ex his locis maxime firmatur, laude eorum, qui iudicarunt, similitudine eius rei, quæ de agitur, ad eam rem, quæ de iudicatum est, commemorando non modo non esse reprehensum iudiciū, sed ab omnibus approbatum: & demonstrando difficilius, & maius fuisse id iudicatum quod afferatur, quam id, quod instet. Ex contrarijs locis, si res aut uera aut uerisimilis permittet, infirmari oportebit:

rebit: atq; erit obſervandum diligenter, ne ni-
hil ad id quod agatur, pertineat id quod iudi-
catum ſit: Et videndum eſt ne ea res proſcri-
atur, in qua ſit offenſum, ut de ipſo qui iudica-
rit, iudicium fieri videatur. Oportet autem ani-
madvertere, ne cum aliter multa ſint iudicata,
ſolitarium aliquod, aut rarum indicatum aſſe-
ratur. Nam his rebus autoritas iudicari maxi-
mè poteſt infirmari. Atq; ea quidem argu-
menta, quæ quaſi probabilia ſumuntur, ad hunc
modum tentari oportebit. Quæ uerò ſicuti ne-
ceſſaria inducemur, ea ſi forte imitabuntur mo-
do neceſſariam argumentationem, neq; erunt
eiſmodi, ſi reprehendentur. Primum comple-
xio, qua utrum conceſſeris, debet tollere, ſi uera
eſt, nunquam reprehendetur: ſi falſa, duobus
modis, aut conuerſione, aut alterius partis infir-
matione. Conuerſione, hoc modo:

Nā ſi ueretur, quid cū accuſes, qui eſt probus?

Sin inuerecundum animi ingenium poſſidet,

Quid cū accuſes, qui id parui auditu aſſimet?

Hic ſiue uereri dixeris, ſiue non uereri, conclu-
dendum hoc putat, ut neget eſſe accuſandum.

Quod conuerſione, ſic reprehēdetur: Immo ue-

ro accuſandus eſt. Nam ſi ueretur, accuſes, non

enim parui auditu aſſimabit. Sin inuerecun-

dum animi ingenium poſſidet, tamen accuſes.

non enim probus eſt. Alterius autem partis

infirmatione hoc modo reprehendetur: Verum

ſi uer

si ueretur, accusatione tua correctus, ab errato
 recedet. Enumeratio uitiosa intelligitur, si ue
 prateritum quiddam dicemus, quod uelimus
 concedere: aut infirmum aliquid annuera
 tum, quod aut contra dici possit, aut causa non
 sit, quare non honeste possimus concedere. Prae
 teritur quiddam in eiusmodi enumerationibus:
 Quoniam habes istum equum, aut emeris
 oportet, aut hereditate possideas, aut munere
 acceperis, aut domi tibi natus sit: aut si horum
 nihil est, surripueris necesse est. Sed neq; emisisti,
 neq; hereditate uenit, neq; domi natus est, neq;
 donatus est: necesse est ergo surripueris. Hoc co
 mode reprehenditur, si dici possit ex hostilibus
 equus esse captus, cuius praeda scilicet non ue
 nuerit: quo illato, infirmatur enumeratio, quo
 niam id sit inductum quod prateritum sit in
 enumeratione. Alio autem modo reprehen
 detur, si aut contra aliquid dicetur, hoc est, si
 (exempli causa, ut in eodem uersumur) poterit
 ostendi hereditate uenisse: aut si extremum illud
 non erit turpe concedere, ut si quis cum dixerint
 aduersarij, Aut insidias facere uoluisti, aut
 amico morem gessisti, aut cupiditate elatus es:
 amico se morem gessisse fateatur. Simplex au
 tem conclusio reprehenditur, si id quod sequitur,
 non uideatur necessario eum eo, quod antecessit,
 coherere. Nam hoc quidem, Si spiritum ducit,
 uiuit: Si dies est, lucret: eiusmodi est ut cum priore
 necess

necessario posterius coherere uideatur. Hoc autem, Si mater est, diligit: Si aliquando peccauit, nunquam corrigitur: sic conueniet reprehendi, ut demonstretur non necessario eū priore posterius coherere. hoc genus & cetera necessaria, & omnino omnis argumentatio, & eius reprehensio maiorem quandam uim continet, & Latius patet, quā hic exponitur: sed eius artificij cognitio huiusmodi est, ut non ad huius artis partem aliquam adiungi possit: sed ipsa separatim longi temporis, & magnæ atq; arduæ cognitionis indigeat. Quare illa nobis alio tempore, atq; ad aliud institutum, si facultas erit, explicabuntur. Nunc his præceptionibus rhetorum ad usum oratorij contentos nos esse oportebit. Cum igitur ex ijs quæ sumuntur, aliquid non conceditur, sic infirmabitur. Cum autem his concessis, complexio ex his non conficitur, hæc erunt considerata, num aliud conficiatur, aliud dicatur, hoc modo: Si eū aliquis dicat se profectum esse ad exercitum, coneritq; eum quis uelit hac argumentatione uiti, Si acuisset ad exercitum, a Tribunis militaribus uisus esses: non es autem uisus ab his: non es igitur profectus ad exercitum. hic cum concesseris propositionem, & assumptionem, complexio est infirmanda. Aliud enim quā cogebatur, illatum est. Ac nunc quidem quò facilius res cognoscere, perspicuo & grandi uicio prædium

ditum posuimus exemplum: sed saepe obscurius
positum iurium pro uero probatur, cum aut pa-
rum memineris quod concesseris, aut ambiguum
aliquod pro certo concesseris. Ambiguum si
concesseris ex ea parte quam ipse intellexeris:
eam partem si aduersarius ad aliam partem per
complexionem uelit accommodare, demonstrare
oportebit, non ex eo quod ipse concesseris, sed
ex eo quod ille sumpserit, confici complexionem
ad hunc modum: Si pecunia indigetis, pecuniam
non habetis: Si pecuniam non habetis, pauperes
estis: Indigetis autem pecunia: creatura enim,
nisi ita esset, operam non daretis: Pauperes igitur
estis. Hoc si reprehenditur: Cum dicebas,
Si indigetis pecunia, pecuniam non habetis: hoc
intelligebam: si propter inopiam in egestate
estis, pecuniam non habetis, Et idcirco conce-
debam, cum autem hoc sumebas, indigetis au-
tem pecunia, illud accipiebam. Vultis autem pe-
cunia plus habere, ex quibus concessione non
conficitur hoc, Pauperes igitur estis, conficere-
tur autem, si tibi primo quoque concessissem,
qui pecuniam maiorem uellet habere, cum pe-
cuniam non habere. Saepe autem obliuiscuntur
quid concesseris, Et idcirco id quod non confi-
citur, quasi conficiatur, in conclusione inferitur,
hoc modo: Si ad illam hereditatem ueniebat, uerissi-
mile est ab illo esse necatum. Deinde hoc appro-
bant plurimis uerbis post assumunt. Ad illum

autem

antem hereditas ueniebat, deinde inferitur. Ille igitur occidit. Id ex ijs quæ sumpserat, nō conficitur. Quare obseruare diligenter oportet & quid sumatur, & quid ex his cōficiatur. Ipsum autem genus argumentationis uitiosum his de causis ostendetur: si aut in ipso uitium erit: aut si non ad id quod instituitur, accommodabitur. Atq; in ipso uitium erit: si omnino totū falsum erit, si commune, si uulgare, si leue, si remotum, si mala definitio, si controuersum, si perspicuū, si non cōcessum, si turpe, si offensum, si contrariū, si inconstans, si aduersum. Falsum est, in quo perspicue mendaciū est, hoc modo: Non potest esse sapiēs, qui pecuniā negligit: Socrates autem pecuniam negligebat: non igitur sapiens erat: Commune est, quod nihilo magis ab aduersarijs, quā a nobis facit, hoc modo: Idcirco, Iudices, quia ueram causam habebam, breui perorauī. Vulgare est, quod in aliā quoq; rē non probabilem, si nunc concessum sit, transferri possit, hoc modo: Si ueram causam non haberet, uobis se. Iudices, nō commisisset. Leue est, quod aut post tempus dicitur, hoc modo: Si in mentem uenisset, non commisisset. aut perspicue rem turpem leui tegere uult defensione, hoc modo:

Cum te expetebant omnes, florentissimo

In regno reliqui: nunc desertum ab omnibus.

Summo periculo sola ut restituam, paro.

Remotum est, quod, ultra quā satis est, pe-

itur, hoc modo: Quòd si non P. Scipio Corneli-
 liam filiam Tiberio Graccho collocasset, atq; ex
 ea duos Gracchos procreasset, tanta seditiones
 nata non essent. Quare hoc incommodum Sci-
 pioni adscribendum uidetur. Huiusmodi est
 illa quoq; conqueſtio:

Vinam, ne in nemore Pclio securibus

Casa cecidisset abiegna ad terram trabes.

Longius enim repetita est, quàm res postula-
 bat. Mala definitio est, cum aut communia de-
 scribit, hoc modo: Seditiosus est is, qui malus,
 atq; inuiliſ est ciuis. nam hoc non magis sedi-
 tiosi, quàm ambitiosi, quàm calumniatoris,
 quàm alicuius improbi hominis uim describit.
 Aut falsum quiddam dicit, hoc pacto: Sapien-
 tia, est pecunia acquirenda intelligentia. Aut
 aliquid non graue, nec magnum continens, sic:
 Stultitia, est immensa gloria cupiditas. Est hæc
 quidem stultitia, sed ex parte quadam non ex
 omni genere definita. Controversum est, in quo
 ad dubium demonstrandum dubia causa af-
 fertur, hoc modo:

Eho tu, dū, quibus est potestas motus supe-
 rum, atq; inferum

Pacē inter sese cōciliant, conferunt cōcordiā.
 Perspicuum est, de quo non est controuersia: ut
 si quis, cum Orestem accuset, planum faciat ab
 eo matrem esse occisam. Non concessum est,
 cum id quod augetur, in controuersia est, ut si
 quis

quis, cum *Ulysses* accuset, in hoc maxime commoretur, Indignum esse ab homine ignavissimo virum fortissimum *Aiacem* necatum. Turpe est, quod aut eo loco, in quo dicitur: aut eo homine, qui dicat: aut eo tempore, quo dicitur: aut ijs, qui audiunt: aut ea re, de qua agitur, indignum propter inhonestam rem videtur. Offensum, est quod eorum qui audiunt, voluntatem ledit: ut si quis apud equites Romanos cupidus iudicandi *Cepionis* legem iudiciariam laudet. Contrarium, est quod contra ea dicitur quae ij qui audiunt, fecerunt: ut si quis apud *Alexandrum* *Macedonem* contra aliquem urbis expugnatorem diceret, nihil esse crudelius, quam urbes diruere, cum ipse *Alexander* *Thebas* diruisset. Inconstans est, quod ab eodem de eadem re diverse dicitur: ut si quis, cum dixerit, qui virtutem habeat, cum nullius rei ad bene vivendum indigere, neget postea sine bona paletudine posse bene vivere, aut se amico adesse propter benevolentiam: sperare enim aliquid commodi ad se peruenturum. Adversum est, quod ipsi cause aliqua ex parte officit, ut si quis hostium vim, & copias & felicitatem augeat, cum ad pugnam milites horretur. Si non ad id, quod instituitur, accommodabitur aliqua pars argumentationis, horum aliquo in vicio reperietur. Si plura pollicitus, pauciora demonstrabit: aut si cum totum debet ostendere, de parte aliqua

loquatur, hoc modo: *Mulierum genus auarum est. Nam Eriphyle auro uiri uitam uendidit. Aut si non id quod accusabitur, defendet: ut si quis, cum ambitus accusabitur, manu se fortitem esse defendet, ut Amphion apud Euripidem. Item apud Pacuuiū, qui uituperata musica, sapientiam laudat. Aut si res ex hominis uitio uituperabitur: ut si quis doctrinā ex alicuius docti uitij reprehendat. Aut si quis, cum aliquem uolet laudare, de felicitate eius non de uirtute dicat. Aut si quis rem cum re ita comparabit, ut alteram se non putet laudare, nisi alteram uituperarit: aut si alteram ita laudet, ut alterius nō faciat mentionem. ut si quis, cum aliqui deliberent, bellum geratur, an non pacem laudet omnino, non illud bellum inutile esse demonstrat. Aut si, cum de certa re quæritur, de communē instituetur oratio. Aut si ratio alicuius rei reddetur falsa; hoc modo: Pecunia bonū est, propterea quod ea maxime uitam beatam efficiat. Aut si infirma, ut Plautus:*

in Trinumo

Amicum castigare ob meritam noxiam,

Immane

Immane est facinus: uerum in etate utile,

in gestigabo

Et conducibile: nam ego amicū hodie meum

Non castigabo pro commerita noxia.

Aut eadem, hoc modo: Maximum malum est auaritia: multos enim magnis incommodis afficit pecunie cupiditas. Aut parum idonea, hoc modo: Maximum bonum est amicitia:

plur

plurima enim delectationes sunt in amicitia. Quartus modus erat reprehensionis, per quem contra firmam argumentationem, æque firma, aut firmitior ponebatur. Hoc genus in deliberationibus maxime uersatur, cum aliquid, quod contrà dicatur, æquum esse concedimus. Sed id quod nos defendimus, necessarium esse demonstramus, aut cum id quod illi defendant utile esse faciamur: quod nos dicamus, demonstramus esse honestum. Ac de reprehensione hac quidem existimauimus esse dicenda. Deinceps nunc de conclusione ponemus. Hermagoras digressionem, deinde tum postremam conclusionem ponit. In hac autem digressionem ille putat oportere quandam inferri orationem à causa, atq; à iudicatione ipsa remotam, quæ aut sui laudem, aut aduersarij uituperationem contineat, aut in aliam causam deducat: ex qua conficiat aliquid confirmationis, aut reprehensionis non argumentando, sed augendo per quandam amplificationem. Hanc si quis partemputarie esse orationis, sequatur Hermagoram licebit. Nam & augendi, & laudandi, & uituperandi præcepta à nobis partim data sunt, partim suo loco dabuntur. Nobis autem non placeat hanc partem in numerum reponi, quòd de causa digredi, nisi per locum communem, displicet: quo de genere posterius est dicendum. Laudes autem, & uituperationes non separatim

placet tractari, sed in ipsis argumentationibus esse implicitas. Nunc de conclusione dicemus.

CONCLUSIO, est exitus et determinatio totius orationis. Hæc habet partis tres, enumerationem, indignationem, conquestionem. Enumeratio est, per quam res disperse, & diffuse dictæ, unum in locum coguntur, & remiscendi causa, unum sub aspectum subiiciuntur. Hæc si semper eodem modo tractabitur, perspicue ab omnibus artificio quodam tractari intelligetur: sin uarie fiet, & hanc suspicionem, & satietatem uitare poterit. Quare tum oportebit ita facere, ut pleriq; faciant propter facilitatem, singillatim unamq; inq; rem attingere, & ita omnes transire breuiter argumentationes: tum autem, id quod difficilius est, dicere quas partis exposueris in partitione, de quibus te pollicitus sis dicturum, & reducere in memoriam, quibus rationibus unamq; partem confirmaris: tum ab ijs qui audiunt, querere quid sit quod sibi uelle debeant demonstrari, hoc modo: Docuimus hoc, illud planum fecimus: ita simul & in memoriam redibit auditor, & putabit nihil esse præterea quod debeat desiderare. Atque in his generibus (ut antè dictum est) tum tuas argumentationes transire separatim, tum id quod artificiosius est, cum tuis contrariis coniungere: & cum tuam argumentationem dixeris, tum con-

era eam quod afferebatur, quemadmodum dilucris, ostendere. Ita per breuem comparationem auditoris memoria & de confirmatione, & de reprehensione redintegabitur. Atque hac alijs actionis quoque modis uariare oportebit. Nam cum ex tua persona enumerare possis, ut quid, & quo loco quidque dixeris admoneas: tum uero personam, aut rem aliquam inducere, & enumerationem ei totam attribuere. Personam, hoc modo: Nam si legis scriptor existat, & querat à uobis quid dubitetis, quid possitis dicere: cum uobis hoc, & hoc sit demonstratum. Atque hinc item ut in nostra persona licebit, alias singillatim transire omnes argumentationes: alias ad partitiones singula genera referre, alias ab auditore, quid desideret querere: alias hac facere per comparationem suarum, & contrariarum argumentationum. Res autem inducetur, si alicui rei huiusmodi, legi, loco, urbi, monimento attribuetur oratio per enumerationem, hoc modo: Quid si leges loqui possent, nonne hac apud nos quererentur? Quidnam amplius desideratis, Iudices, cum uobis hoc, & hoc planum factum sit? In hoc quoque genere omnibus eisdem modis uti licebit. Commune autem præceptum hoc datur ad enumerationem, ut ex unaquaque argumentatione, quoniam tota iterum dici non potest, id eligatur quod erit granißimum: & unumquodque quam breuissime transeat, ut

memoria non oratio renouata uideatur. Indignatio, est oratio; per quam conficitur ut in aliquem hominem magnum odium, aut in rem grauis offensio concitetur. In hoc genere illud primum intelligi uolumus, posse omnibus ex locis ijs, quos in confirmandi praeceptis posuimus, tractari indignationem. Nam ex ijs rebus, quae personis atque negotijs attributa sunt, quaeuis amplificationes & indignationes nasci possunt: sed tamen ea, quae separatim de indignatione praecipui possunt, consideremus. Primus locus sumitur ab autoritate, cum commemoramus, quanta cura res ea fuerit aut Dijs immortalibus, aut eis quorum autoritas grauisissima debeat esse, qui locus sumetur ex sortibus, oraculis, uatibus, ostentis, prodigijs, responsis, similibus rebus. Item ex maioribus nostris, regibus, ciuitatibus, gentibus, hominibus sapientissimis, senatu, populo, legum scriptoribus. Secundus locus est, per quem illa res, ad quos pertineat, cum amplificatione per indignationem ostenditur, an ad omnes, an ad maiorem partem, quod atrocissimum est: an ad superiores, quales sunt ij quorum ex autoritate indignatio sumitur, quod indignissimum est: an ad pares animo, fortuna, corpore, quod iniquissimum est: an ad inferiores, quod superbissimum est. Tercius locus est, per quem querimus, quidnam sit euenturum, si idem ceteri faciant: & simul ostendimus, huic si concessum sit, multos amulos

amulos eiusdem audacie futuros: ex quo quid mali sit euenturum demonstrabimus. Quartus locus est, per quem demonstramus multos alacres expectare quid statuitur, ut ex eo quod uni concessum sit, sibi quoque tali de re quid liceat, intelligere possint. Quintus locus est, per quem ostendimus ceteras res perperam constitutas, intellecta ueritate commutatas corrigi posse: hanc esse rem que si sit semel iudicata, neq; aliq commutari iudicio, neq; ulla potestate corrigi possit. Sextus locus est, per quam consulto, & de industria factum esse demonstratur: & illud adiungitur, uoluntario maleficio ueniam dari non oportere: imprudētie concedi nonnunquam conuenire. Septimus locus est, per quem indignamur, quod tetrum, crudele, nefarium, tyrannicum factum esse dicamus, per uim, per manum opulentam: que res ab legibus, ab equabili iure remotissima sit. Octauus locus est, per quem demonstramus non uulgare, neq; factitium esse, ne ab audacissimis quidem hominibus id maleficio, de quo agitur: atq; id à feris quoq; hominibus & à barbaris gentibus, & immanibus bestijs remotum esse. Hæc erunt que in parentes, liberos, coniuges, consanguineos, supplices crudeliter facta dicentur: & deinceps si qua proferantur in maiores natu, in hospites, in uicinos, in amicos, in eos quibuscum uitam egeris in eos apud quos educatus sis, in eos à quibus

eruditius sis, in mortuos, in miseros & misericordia dignos, in homines claros, nobiles, & honore usos, in eos qui neque ledere alium, nec se defendere potuerunt, ut in pueros, senes, mulieres: quibus omnibus acriter excitata indignatio summum in eum, qui uiolari horum aliquid, odium commouere poterit. Nonus locus est, per quem cum alijs quæ constant esse peccata, hoc, quo de quæstio est, comparatur, & ita per contentionem quanto atrocius & indignius sit illud, de quo agitur, ostenditur. Decimus locus est, per quem omnia quæ in negotio gerendo acta sunt, quæque post negotium consecuta sunt, cum uniuscuiusque indignatione, & criminatione colligimus: & rem uerbis quam maxime ante oculos eius apud quem dicitur, ponimus: ut id quod indignum est, perinde illi uideatur indignum, ac si ipse interfuerit, ac præsens uiderit. Undecimus locus est, per quem ostendimus ab eo factum, à quo minime oportuerit: & à quo, si alius faceret, prohiberi conueniret.

Duodecimus locus est, per quem indignamur, quod nobis hoc primis acciderit, nec alicui unquam usu euenerit. Tertiusdecimus locus est, si cum iniuria contumelia iuncta demonstratur: per quem locum in superbiam & arrogantiam odium concitatur. Quartusdecimus locus est, per quem petimus ab ijs qui audiunt, ut ad suas res, nostras iniurias referant: si ad pueros pertinebit.

nebis de liberis suis cogitent : si ad mulieres ; de uxoribus : si ad senes , de patribus aut parentibus. Quintus decimus est locus , per quem dicimus inimicis quoque & hostibus ea quæ nobis acciderint , indigna uideri solere : & indignatio quidē his fere de locis grauissime sumetur. Conquestionis autem huiusmodi de rebus patetis petere oportebit. Conquestio , est oratio , auditorum misericordiam captans , In hac primum animum auditoris mitem , & misericordem cōficere oportet , quo facilius conquestione commoueri possit : Id locis communibus efficere oportebit , per quos fortuna uis in omnes , & hominum infirmitas ostenditur : qua ratione habita grauitur & sententiosè , maxime dimittitur animus hominum ; & ad misericordiam comparatur , cum in alieno malo suam infirmitatem considerabit. Deinde primus locus est misericordie , per quem quibus in bonis fuerint , & nunc quibus in malis sint , ostenditur. Secundus , qui in tempora tribuitur , per quem , quibus in malis fuerint , & sint ; & futuri sint , demonstratur. Tertius , per quem unumquodque deploratur incommodum , ut in morte filij pueritiæ del. elatū , amor , spes , solatium , educatio : & si qua simili in genere quolibet de incommodo per conquestionem dici poterunt. Quartus , per quem res turpes & humiles , & illiberales proferuntur , & indigna atque , genere , fortuna , pristino honore , beneficijs ,
quas

quas passi perpassuriue sint. Quintus est, per
 quem omnia ante oculos singillatim incommoda
 ponentur, ut uideatur is, qui audit, uidere, & re
 quoq; ipsa quasi adsit, non uerbis solum ad mi-
 sericordiam ducatur. Sextus, per quem prater
 spem in miserijs demonstratur esse, & cum ali-
 quid expectaret, non modo id non adeptum esse,
 sed in summas misérias incidisse. Septimus, per
 quem ad ipsos qui audiunt, similem casum con-
 uertimus: & petimus ut de suis liberis, aut pa-
 rentibus, aut aliquo, qui illis carus debeat esse,
 nos cum uideant, recordentur. Octauus, per
 quem aliquid dicitur esse factum quod nō opor-
 tuerit, aut non factum quod oportuerit, hoc mo-
 do: Non affui, non uidi, non postremam eius uo-
 cem audiri, non extremum eius spiritum excepi.
 Item, Inimicorum in manibus mortuus est: ho-
 stili in terra turpiter iacuit insepultus: à feri-
 diu uexatus communi quoq; honore in morte
 caruit. Nonus, per quem oratio ad mutas, &
 expertes animi res refertur: ut si ad equum, do-
 mum, uestem, sermonem alicuius accommodes,
 quibus animus eorum, qui audiunt, & aliquem
 dilexerunt, uehementer commouetur. Decimus,
 per quem inopia, infirmitas, solitudo demonstra-
 tur. Undecimus, per quem aut liberorum, aut
 parentum, aut sui corporis, sepeliendi, aut alicu-
 ius eiusmodi rei commendatio fit. Duodecimus,
 per quem disunctio deploratur ab aliquo, cum
 ded

deducaris, ab eo, quicum libentissime uixeris, ut
à parente, filio, fratre, familiari. Tertiusdecimus,
per quem cum indignatione conquerimur, quòd
ab ijs à quibus minime conueniat, male tractemur,
propinquis, amicis, quibus benefecerimus,
quos adiutores fore putauerimus: aut à quibus
indignum est, ut seruis, libertis, clientibus, suppli-
cibus. Quartusdecimus, qui per obsecrationem
sumitur, in quo orantur modo illi qui audiunt,
humili & supplici oratione, ut misereantur.
Quintusdecimus, per quem non nostras, sed eo-
rum qui cari nobis debent esse, fortunas con-
queri nos demonstramus. Sextusdecimus est, per
quem animum nostrum in alios misericordem
esse ostendimus: & iam amplum, & excelsum
& patientem incommodorum esse, & futurum,
siquid acciderit, demonstramus. Nam sepe uir-
tus & magnificencia, in quo grauitas & au-
toritas est, plus proficit ad misericordiam commo-
uendam, quàm humilitas & obsecratio. Commo-
tis autem animis, diutius in conquestione mora-
ri non oportebit. Quemadmodum enim dixit
rhetor Apollonius, lacryma nihil citius arcescit.
Sed quoniam & satis, ut uidemur, de omnibus
partibus orationis diximus, & huius uoluminis
magnitudo longius processit, quæ sequuntur de-
inceps in secundo libro dicemus,

M. T. CICERONIS DE
ARTE RHETORI-
CA LIBER II.



CROTONIATAE quondam, cum
florerent omnibus copijs, & in Ita-
lia cum in primis beati numeraren-
tur: templum Iunonis, quod reli-
giosissime colebant, egregijs picturis locupletare
voluerunt. Itaq; Eracleotem Zeuxim, qui cum
longe exteris excellere pictoribus existimaba-
tur, magno pretio conductum adhibuerunt.
Is & ceteras tabulas complures pinxit, qua-
rum nonnulla pars usque ad nostram memo-
riam propter sani religionem remansit, & ut
excellentem muliebris formae pulchritudinem
muta in sese imago contineret, Helena se pin-
gere simulacrum uelle dixit. Quod Crotoniata,
qui cum muliebri in corpore pingendo pluri-
mum alijs praestare saepe accepissent, libenter
audierunt. Putauerunt enim eum, si quo in ge-
nere plurimum posset, in eo magnopere elabo-
rasset, egregium sibi opus illo in fano relictum.
Neque uanens illa opinio fefellit, nam Zeuxis
illico quesuit ab his quasnam uirgines formo-
sas haberent. Illi autem statim hominem dedu-
xerunt in palestram, atq; ei pueros ostenderunt
multos magna praeditos dignitate. (Etenim
quodam tempore Crotoniata multum omnibus
corp

corporum uiribus, et dignitatibus antesteterunt, atque honestissimas ex gymnico certamine uictorias domum cum maxima laude retulerunt). Cum puerorum igitur formas, et corpora magno hic opere miraretur, Horum, inquiunt illi, sorores sunt apud nos uirgines. quare qua sint ille dignitate, potes ex his suspicari. Præbete igitur mihi quæso, inquit, ex istis uirginibus formosissimas. dum pingo id, quod pollicitus sum uobis, ut inuicem in simulacrum ex animali exemplo aeritas transferatur. Tunc Crotoniata publico de consilio uirgines unum in locum adduxerunt, et pictori quas uellet, eligendi potestatem dederunt. Ille autem quinque delegit, quarum nomina multi poetæ memoria tradiderunt, quod eius essent iudicio probate, qui uerissimum pulchritudinis habere iudicium debuisset. Neque enim putauit omnia, quæ quæreret ad uenustatem, uno in corpore se reperire posse: ideo quod nihil simplici in genere omni ex parte perfectum natura expoluit. Itaque tanquam ceteris non sit habitura quod largiatur, si uni cuncta concesserit, aliud alij commodi aliquo adiuncto incommodo muneratur. Quod quoniam nobis quoque uoluntatis accidit, ut artem dicendi perscriberemus: non unum aliquod proposuimus exemplum, cuius omnes partes, quæcunque essent in genere, exprimenda nobis necessario uiderentur: sed omnibus unum
in la

ipsos simul atque illos superiores nos nobis omnes, quoad facultas tulit, proposuimus; & ex nostro quoque nonnihil in commune conuulimus. Quod si ea quæ in his libris exponuntur, tantopere eligenda fuerunt, quanto studio electa sunt: profecto neque nos, neque alios industria nostræ poenitebit. Sin autem temere aliquid alicuius præteruisse, aut non satis eleganter se cuti uidebimur: docti ab aliquo facile, & libenter sententiam commutabimus, non enim parum cognosse, sed in parum cognito stulte, & duppersenerasse turpe est: propterea quod alterum communi hominum infirmitati, alterum singulari inuiscutiq; uitio est attributum. Quare nos quidem sine ulla affirmatione simul quærentes dubitantes, unumquodque dicemus: ne dum paruum hoc consequimur, ut satis commode hæc perscripsisse uideamur, illud amittamus, quod maximum est, ut ne cui rei temere, atque arroganter assenserimus. Verum hoc quidem nos, & in hoc tempore, & in omni uita studiose, quoad facultas feret, consequemur. Nunc autem ne longius oratio progressa uideatur, de reliquis, quæ præcipienda uidentur esse, dicemus. Igitur primus liber expositio generis huius artis, & officio, & fine, & materia, & partibus, genera controuersiarum & inuentiones, & constitutiones continebat. Deinde partes orationis, & in eas omnes omnia præcepta. Quare cum

in eo ceteris de rebus distinctius dictum sit, dis-
persæ autem de confirmatione, & de reprehensionem: nunc certos confirmandi & reprehenden-
di in singula causarum genera locos tradendos
arbitramur. Et quia quo pacto tractari cõue-
niret argumentationes, in libro primo non in-
diligenter expositum est, hic tantũ ipsa inuenta
unamquaq; in rem exponentur simpliciter sine
ulla exornatione: ut ex hoc, inuenta ipsa: ex su-
periore autẽ expolitio inuentorũ petatur. Qua-
re hæc quæ nunc præcipientur, ad confirmatio-
nis, & reprehensionis partes referre oportebit.

OMNES & demonstratiua, & delibera-
tiua, et iudicialis causa necesse est in aliquo co-
rum, quæ antè exposita sunt, constitutionis gene-
re uno, pluribusue uersetur. Hoc quanquam ita
est, tamen cum communiter quadam de omni-
bus præcipi possint, separatim quoq; aliæ sunt
cuiusq; generis, et diuersæ præceptiones. Aliud
enim laus aut uituperatio, aliud sententiæ di-
ctio, aliud accusatio aut recusatio conficere de-
bet. In iudijs quid æquum sit queritur: in de-
monstrationibus, quid honestum: in deliberatio-
nibus, ut nos arbitramur, quid honestum sit,
& quid utile. Nam ceteri utilitatis modo fi-
nem in suadendo, & in dissuadendo exponi opor-
tere arbitrati sunt. Quorum igitur generum fi-
nes & exitus diuersi sunt: eorum præcepta ead-
em esse non possunt. Neq; nunc hoc dicimus

non easdem incidere constitutiones: ueruntamen
oratio quadā ex ipso fine, & genere causæ na-
scitur, quæ pertineat ad uitæ alicuius demon-
strationem, aut ad sententiæ dictionem. Quare
nunc in exponēdijs controuersijs in iudiciali ge-
nere causarum & praeceptorū uersabimur. Ex
quo pleraq; in cetera quoq; causarū genera si-
mili implicata controuersia nulla cum difficul-
tate transferentur: post autem separatim de re-
liquis dicemus. Nunc à coniecturali constitu-
tione proficiscemur, cuius exemplum sit hoc ex-
positum: In itinere quidam proficiscentem ad
mercatum quendam, & secum aliquantum nu-
morum ferentem est comitatus: cum hoc, ut ferè
fit, in uia sermonē contulit: ex quo factum est ut
illud iter familiarius facere uellens. Quare, cū
in quandam tabernā diuertissent, simul coenare,
& in eodem loco somnū capere uoluerunt. Coe-
nati discubuerunt ibidem: caupo autē (nam ita
dicitur post inuentum, cum in alio maleficio de-
prehensus esset) cum illum alterum, uidelicet qui
numos haberet, animaduertisset, noctu postquā
illos arētius, ut fit, iam ex lassitudine dormire
sensit, accessit, & alterius eorum, qui sine numis
erat, gladium propter appositum ē uagina edu-
xit, & illum alterū occidit, numos abstulit, gla-
dium cruentum in uaginam recondidit, ipse sese
in lectum suum recepit. Ille autem, cuius gladio
occisus erat facta, multa ante lucem surrexit.

comit

comitem illum suum inclamauit semel, & sepius. illum somno impeditum non respondere existimauit: ipse gladium & caetera, quae secum attulerat, festulit: solus profectus est. Caupo non multo post exclamauit hominem esse occisum, & cum quibusdam diuersoribus illum qui ante exierat, consequitur: in itinere hominem comprehendit: gladium eius e uagina educit: reperit trueniū: homo in urbem ab illis deducitur, ac reus fit. In hac intentio est criminis, Occidisti. Depulsio, Non occidi. Ex quibus constitutio est. Quaestio eadem in coniecturali, quae indicatio, Occideritne. Nunc exponemus locos, quorum pars aliqua in omnem coniecturalem incidit controuersiam. Hoc autem & in horum locorum expositione, & in caeterorum oportebit attendere, non omnes in omnem causam conuenire. Ut enim omne nomen ex aliquibus, non ex omnibus literis scribitur: sic omnem in causam non omnis argumentorum copia, sed eorum necessaria pars aliqua conueniet. Omnis igitur, ex causa ex persona, ex facto ipso, coniectura capienda est. Causa distribuitur in impulsionem, & in ratiocinationem. Impulsio est quae sine cogitatione per quandam affectionem animi facere aliquid horiatur: ut amor iracundia, agridudo, inuoluntia, & omnino omnia, in quibus animus ita uidetur affectus fuisse, ut rem perspicere cum consilio & cura non potuerit: & id quod fecit, impetu quodam

animi potius quam cogitatione fecerit. Ratio-
cinatio autem est diligens, & considerata fa-
ciendi aliquid, aut non faciendi excogitatio. Ea
dicitur tum interfuisse, cum aliquid faciendum,
aut non faciendum certa de causa vitasse, aut se-
cutus esse animus videtur: ut si amicitie quid
causa factum diceretur, si inimici ulciscendi; si me-
tus, si glorie, si pecunia, si denique (ut omnia ge-
neratim amplectamur) alicuius vitandi, augen-
di, adipiscendive commodi: aut contra regnandi,
diminuendi, deuitandive incommodi causa. Nam
horum in genus alterutrum illa quoque incident,
in quibus aut incommodum aliquod maioris vi-
tandi incommodi causa, aut maioris adipiscendi
comodi suscipitur: aut commodum aliquod ma-
ioris adipiscendi commodi, aut maioris vitandi
incommodi praeteritur. Hic locus sicut aliquod
fundamentum est huius constitutionis: nam ni-
hil factum esse cuiuspiam probatur, nisi aliquid
quare factum sit, ostenditur. Ergo accusator, cum
aliquid impulsione factum esse dicet, illum im-
petum & quandam commotionem animi, affe-
ctionemque; verbis, & sententijs amplificare de-
bebit, & ostendere quanta vis amoris sit, quan-
ta animi perturbatio ex iracundia fiat, aut ex
aliqua causa earum qua impulsim aliquem id
fecisse dicet. Hic & exemplorum commemora-
tione, qui simili impulsu aliquid commiserint,
& similitudinum collatione, & ipsius animi
affect

affectionis explicatione curandū est, ut non mi-
rum uideatur, si quod ad facinus tali perturba-
tione commotus animus accesserit. Cum autem
non impulsione, uerum ratiocinatione aliquem
commisisse quid dicet, quid cōmodi sit secutus,
aut quid incommodi fuerit, demonstrabit. Et id
augēbū quammaxime poterit: ut quoad eius
fieri possit, idonea quammaxime causa ad pec-
candū horitata uideatur. Si glorie causa, quan-
tam gloriam consecuturam existimarit. Item si
dominationis, si pecunie, si amicitie, si inimici-
tiarum. Et omnino quicquid erit, quod causa
fuisse dicet, id summe augere debebit. Et hoc
eum magnopere considerare oportebit, non quid
in ueritate modo, uerum, etiam uehementius,
quid in opinione eius, quem arguet, fuerit. Nihil
enim refert non fuisse, aut non esse aliquid com-
modi, aut incommodi, si ostendi potest ei uisum
esse qui arguatur. Nam opinio dupliciter fallit
homines, cum aut res aliusmodi est ac putatur,
aut non is euentus est quem arbutati sunt. Res
aliusmodi est tum cum aut id, quod bonū est ma-
lum putant: aut cōtrā, quod malū est, bonum:
aut quod nec malum est, nec bonum, malum aut
bonum: aut quod malum, aut bonum est, nec ma-
lum, nec bonū. Hoc intellecto quis negabit ul-
lam esse pecuniā fratris, aut amici iurā, aut de-
nique officio suo antiquiore, aut suauiore,
uō eris hoc accusatori negandum. Nam in eum

culpa

memoria non oratio renouata uideatur. Indignatio, est oratio, per quam conficitur ut in aliquem hominem magnum odium, aut in rem grauis offensio concitetur. In hoc genere illud primum intelligi uolumus, posse omnibus ex locis ijs, quos in confirmandi praeceptis posuimus, tractari indignationem. Nam ex ijs rebus, quae personis atq; negotijs attributa sunt, quaeuis amplificationes & indignationes nasci possunt: sed tamen ea, quae separatim de indignatione praecipui possunt, consideremus. Primus locus sumitur ab autoritate, cum commemoramus, quantae cura res ea fuerit aut Dijs immortalibus, aut eis quorum autoritas grauissima debeat esse. qui locus sumetur ex sortibus, oraculis, uatibus, ostentis, prodigijs, responsis, similibus rebus. Item ex maioribus nostris, regibus, ciuitatibus, gentibus, hominibus sapientissimis, senatu, populo, legum scriptoribus. Secundus locus est, per quem illa res, ad quos pertineat, cum amplificatione per indignationem ostenditur, an ad omnes, an ad maiorem partem, quod atrocissimum est: an ad superiores, quales sunt ij quorum ex autoritate indignatio sumitur, quod indignissimum est: an ad pares animo, fortuna, corpore, quod iniquissimum est: an ad inferiores, quod superbissimum est. Tercius locus est, per quem querimus, quidnam sit euenturum, si idem ceteri faciant: & simul ostendimus, huic si concessum sit, multos amulos

amulos eiusdem audacie futuros: ex quo quid mali sit euenturum demonstrabimus. Quartus locus est, per quem demonstramus multos alacres expectare quid statuatur, ut ex eo quod uni concessum sit, sibi quoque tali de re quid liceat, intelligere possint. Quintus locus est, per quem ostendimus ceteras res perperam constitutas, intellecta ueritate commutatas corrigi posse: hanc esse rem que si sit semel iudicata, neq; alio commutari iudicio, neq; ulla potestate corrigi possit. Sextus locus est, per quam consulto, & de industria factum esse demonstratur: & illud adiungitur, uoluntario maleficio ueniam dari non oportere: imprudētiā concedi nonnunquam conuenire. Septimus locus est, per quem indignamur, quod tetrum, crudele, nefarium, tyrannicum factum esse dicamus, per uim, per manum opulentiam: que res ab legibus, ab equabili iure remotissima sit. Octauus locus est, per quem demonstramus non uulgare, neq; factitatum esse, ne ab audacissimis quidem hominibus id maleficio, de quo agitur: atq; id à feris quoq; hominibus & à barbaris gentibus, & immanibus bestijs remotum esse. Hec erunt que in parentes, liberos, coniuges, consanguineos, supplices crudeliter facta dicentur: & deinceps si qua proferantur in maiores natu, in hospites, in uicinos, in amicos, in eos quibuscum uitam egeris in eos apud quos educatus sis, in eos à quibus

eruditus sis, in mortuos, in miseros & misERICORDIA dignos, in homines claros, nobiles, & honore usos, in eos qui neque ledere alium, nec se defendere potuerunt, ut in pueros, senes, mulieres: quibus omnibus acriter excitata indignatio summum in eum, qui uiolari horum aliquid, odium commovere poterit. Nonus locus est, per quem cum alijs quæ constant esse peccata, hoc, quo de quæstio est, comparatur, & ita per contentionem quanto atrocius & indignius sit illud, de quo agitur, ostenditur. Decimus locus est, per quem omnia quæ in negotio gerendo acta sunt, quæque post negotium consecuta sunt, cum uniuscuiusque indignatione, & criminatione colligimus: & rem uerbis quam maxime ante oculos eius apud quem dicitur, ponimus: ut id quod indignum est, perinde illi uideatur indignum, ac si ipse interfuerit, ac præsens uiderit. Undecimus locus est, per quem ostendimus ab eo factum, à quo minime oportuerit: & à quo, si alius faceret, prohiberi conueniret.

Duodecimus locus est, per quem indignamur, quod nobis hoc primis acciderit, nec alicui unquam usu euenerit. Tertiusdecimus locus est, si cum iniuria contumelia iuncta demonstratur: per quem locum in superbiam & arrogantiam odium concitatur. Quartusdecimus locus est, per quem petimus ab ijs qui audiunt, ut ad suas res, nostras iniurias referant: si ad pueros pertinebit.

nebit. de liberis suis cogitent : si ad mulieres, de uxoribus : si ad senes, de patribus aut parentibus. Quintusdecimus est locus, per quem dicimus inimicis quoque & hostibus ea quae nobis acciderint, indigna uideri solere : & indignatio quidē his fere de locis grauissime sumetur. Conquestionis autem huiusmodi de rebus parieis petere oportebit. Conquestio, est oratio, auditorum misericordiam captans, In hac primum animum auditoris mitem, & misericordem cōficere oportet, quo facilius conquestione commoueri possit. Id locis communibus efficere oportebit, per quos fortuna uis in omnes, & hominum infirmitas ostenditur : qua ratione habita grauiter & sententiose, maxime dimittitur animus hominum, & ad misericordiam comparatur, cum in alieno malo suam infirmitatem considerabit. Deinde primus locus est misericordiae, per quem quibus in bonis fuerint, & nunc quibus in malis sint, ostenditur. Secundus, qui in tempora tribuitur, per quem, quibus in malis fuerint, & sint, & futuri sint, demonstratur. Tertius, per quem unumquodque deploratur incommodum, ut in morte filij pueritiae del. elatio, amor, spes, solatium, educatio : & si qua simili in genere quolibet de incommodo per conquestionem dici poterunt. Quartus, per quem res turpes & humiles, & illiberales proferuntur, & indigna aetate, genere, fortuna, pristino honore, beneficijs, quas

quas passi perpeſſuriue ſint. Quintus eſt, per quem omnia ante oculos ſingillatim incommoda ponentur, ut uideatur is, qui audit, uidere, & re quoq; ipſa quaſi adſit, non uerbis ſolum ad miſericordiam ducatur. Sextus, per quem prater ſpem in miſerijs demonſtratur eſſe, & cum aliquid expectaret, non modo id non adeptum eſſe, ſed in ſummas miſerias incidiſſe. Septimus, per quem ad ipſos qui audiunt, ſimilem caſum conuerſimus: & petimus ut de ſuis liberis, aut parentibus, aut aliquo, qui illis carus debeat eſſe, nos cum uideant, recordentur. Octauus, per quem aliquid dicitur eſſe factum quod nō oportuerit, aut non factum quod oportuerit, hoc modo: Non affui, non uidi, non poſtremam eius uocem audiui, non extremum eius ſpiritum excepi. Item, Inimicorum in manibus mortuus eſt: hoſtili in terra turpiter iacuit inſepultus: à ſeria diu uexatus communi quoq; honore in morte caruit. Nonus, per quem oratio ad mutas, & expertes animi res reſeritur: ut ſi ad equum, domum, ueſtem, ſermonem alicuius accommodes, quibus animus eorum, qui audiunt, & aliquem dilexerunt, uehementer commouetur. Decimus, per quem inopia, infirmitas, ſolitudo demonſtratur. Undecimus, per quem aut liberorum, aut parentum, aut ſui corporis, ſepeliendi, aut alicuius eiufmodi rei commendatio fit. Duodecimus, per quem diſiunctio deploratur ab aliquo, cum

ded

deducaris, ab eo, quicum libentissime nixeris, ut à parente, filio, fratre, familiari. Tertiusdecimus, per quem cum indignatione conquerimur, quòd ab ijs à quibus minime conueniat, male tractemur, propinquis, amicis, quibus benefecerimus, quos adiutores fore putauerimus: aut à quibus indignum est, ut seruis, libertis, clientibus, supplicibus. Quartusdecimus, qui per obsecrationem sumitur, in quo oratur modo illi qui audiunt, humili & supplici oratione, ut misereantur. Quintusdecimus, per quem non nostras, sed eorum qui cari nobis debent esse, fortunas conqueri nos demonstramus. Sextusdecimus est, per quem animum nostrum in alios misericordem esse ostendimus: & tamen amplum, & excelsum & patientem incommodorum esse, & futurum, siquid acciderit, demonstramus. Nam sepe uirtus & magnificentia, in quo grauitas & auctoritas est, plus proficit ad misericordiam commouendam, quàm humilitas & obsecratio. Commotis autem animis, diutius in conuestione morari non oportebit. Quemadmodum enim dixit rhetor Apollonius, lacryma nihil citius arefcit. Sed quoniam & satis, ut uidemur, de omnibus partibus orationis diximus, & huius uoluminis magnitudo longius processit, qua sequuntur deinceps in secundo libro dicemus,

M. T. CICERONIS DE
ARTE RHETORI-
CA LIBER II.



CROTONIATAE quondam, cum
 florent omnibus copiis, & in Ita-
 lia cum in primis beati numeraren-
 tur: templum Iunonis, quod reli-
 giosissime colebant, egregijs picturis locupletare
 uoluerunt. Itaq; Erasileotem Zeuxim, qui tum
 longe ceteris excellere pictoribus existimaba-
 tur, magno pretio conductum adhibuerunt.
 Is & ceteras tabulas complures pinxit, qua-
 rum nonnulla pars usque ad nostram memo-
 riam propter sani religionem remansit, & ut
 excellentem muliebris formae pulchritudinem
 muta in sese imago contineret, Helena se pin-
 gere simulacrum uelle dixit. Quod Crotoniata,
 qui cum muliebri in corpore pingendo pluri-
 mum alijs praestare sepe accepissent, libenter
 audierunt. Putauerunt enim cum, siquo in ge-
 nere plurimum posset, in eo magnopere elabo-
 rasse, egregium sibi opus illo in sano relicturum.
 Neque tamen eos illa opinio fefellit, nam Zeuxis
 illico quesuit ab his quasnam uirgines formo-
 sas haberent. Illi autem statim hominem dede-
 xerunt in palestram, atq; ei pueros ostenderunt
 multis magna praeditos dignitate. (Etenim
 quodam tempore Crotoniata multum omnibus

corp

corporum uiribus, et dignitatibus antecellere-
runt. atque honestissimas ex gymnico certami-
ne uictorias domum cum maxima laude reuole-
runt). Cum puerorum igitur formas, et cor-
pora magno hic opere miraretur, Horum, in-
quiunt illi, sorores sunt apud nos uirgines. quare
qua sint illa dignitate, potes ex his suspicari.
Præbete igitur mihi quæso, inquit, ex istis uir-
ginibus formosissimas. dum pingo id, quod pol-
licitus sum uobis, ut mutuum in simulacrum ex
animali exemplo æritas transferatur. Tunc
Crotoniæ publico de consilio uirgines unum
in locum conduxerunt, et pictori quas uellet,
eligendi potestatem dederunt. Ille autem quinque
delegit, quarum nomina multi poëtæ memoria
tradiderunt, quod eius essent iudicio probate,
qui uerissimum pulchritudinis habere iudicium
debuisset. Neque enim putauit omnia, quæ qua-
reret ad uenustatem, uno in corpore se reperire
posse: ideo quod nihil simplici in genere omni
ex parte perfectum natura excoluit. Itaque
tanquam ceteris non sit habitura quod largia-
tur, si uni cuncta concesserit, aliud alij comma-
di aliquo adiuncto incommodo muneratur.
Quod quoniam nobis quoque uoluntatis acci-
dit, ut artem dicendi perscriberemus: non unum
aliquod proposuimus exemplum, cuius omnes
partes, quæcumque essent in genere, exprimenda
nobis necessario uiderentur: sed omnibus unum
in la

in locum coactis scriptoribus, quod quisq; com-
modissime præcipere uidebatur; & excerptimus:
& ex uarijs ingenijs excellentissima quaq; li-
bauimus. ex ijs enim, qui nomine & memoria
digni sunt, nec nihil optime, nec omnia præcla-
rissime quisquam dicere nobis uidebatur. Qua-
propter stultitia nobis uisa est, aut à bene inuen-
tis alicuius recedere, siquo in uitio eius offende-
remur: aut ad uitia quoq; eius accedere, cuius
aliquo bene præcepto duceremur. Quòd si in cæ-
teris quoq; studijs à multis eligere homines com-
modissimum quodq;, quàm sese uni alicui certo
uellent addicere, minus in arrogantiam offen-
derent, non tantopere in uitijs perseuerarent:
aliquanto ex inscientia leuius laborarent. Ac,
si par in nobis huius artis, atque in illo picturæ
scientia fuisset, fortasse magis hoc suo in genere
opus nostrum, quàm ille in sua pictura nobilis
eniteret. ex maiore enim copia nobis, quàm illi,
fuit exemplorum eligendi potestas. Ille una ex
urbe, & ex eo numero uirginum, quæ tum erat,
eligere potuit: nobis omnium quicumq; fuerunt
ab ultimo principio huius præceptionis usque
ad hoc tempus expositis copijs, quodcumq; pla-
ceret, eligendi potestas fuit. Ac ueteres quidem
scriptores artis usque ab principe illo, atq; in-
uentore Zysia repetitos unum in locum condu-
xit Aristoteles, & nominatim cuiusque præ-
cepta magna conquisita cura perspicuè conscri-
psit,

psit, atq; enodata diligenter exposuit: ac tantū
inuentoribus ipsis suauitate, & breuitate dicē-
di præstitit, ut nemo illorū præcepta ex ipsorum
libris cognoscat: sed omnes, qui quod illi præci-
piant, uelint intelligere, ad hunc quasi ad quen-
dam multo commodiorem explicatorem reuer-
tantur. Atq; hic quidē ipse & sese ipsum no-
bis, & eos qui ante se fuerant, in medio posuit:
ut ceteros, & seipsum per se cognosceremus.
Ab hoc autem qui profecti sunt, quanquam in
maximis philosophiæ partibus, opera plurimum
consumpserunt, sicut & ipse, cuius instituta se-
quebantur, fecerat: tamen permulta nobis præ-
cepta dicendi reliquerunt. Atq; alij quoq; alio
ex fonte præceptores dicendi emanauerunt: qui
item permultum ad dicendum, siquid ars profi-
cit, opitulati sunt. nam fuit tempore eodem, quo
Aristoteles, magnus & nobilis rhetor Isocra-
tes: cuius ipsius quam cōstet esse artem, non in-
uenimus. Discipulorum autem, atq; eorum qui
protinus ab hac sunt disciplina profecti, mul-
ta de arte præcepta reperimus. Ex his duabus
diuersis sicuti familijs, quarum altera cum ner-
saretur in philosophia, nonnullam rhetorica
quoq; artis sibi curam assumbat: altera uerò
omnis in dicendi erat studio & præceptione oc-
cupata: unum quoddam est conflatum genus, à
posterioribus, qui ab utrisq; ea, quæ commodè
dici uidebantur, in suas artes contulerunt: quos
ipso

ipsos simul atque illos superiores nos nobis omnes, quoad facultas tulit, proposuimus; & ex nostro quoque nonnihil in commune conuulimus. Quod si ea quæ in his libris exponuntur, tantopere eligenda fuerunt, quanto studio electa sunt; profecto neque nos, neque alios industria nostra poenitebit. Sin autem timere aliquid alicuius præteruisse, aut non satis eleganter secuti videbimur: docti ab aliquo facile, & libenter sententiam commutabimus: non enim parum cognosse, sed in parum cognito stulte, & diu persenerasse turpe est: propterea quod, alterum communi hominum infirmitati, alterum singulari uniuscuiusque uitio est attributum. Quare nos quidem sine ulla affirmatione simul querentes dubitantes, unumquodque dicimus: ne dum parauimus hoc consequimur, ut satis commodè hæc perscripsisse uideamur, illud amittamus, quod maximum est, ut ne cui rei temere, atque arroganter assenserimus. Verum hoc quidem nos; & in hoc tempore, & in omni uita studiose, quoad facultas feret, consequemur. Nunc autem ne longius oratio progressa uideatur, de reliquis, quæ præcipiēda uidentur esse, dicemus. Igitur primus liber exposito genere huius artis, & officio, & fine, & materia, & partibus, genera controuersiarum & inuentiones, & constitutiones continebat. Deinde partes orationis, & in eas omnes omnia præcepta. Quare cum

in eo ceteris de rebus distinctius dictum sit, dis-
persæ autem de confirmatione, & de reprehensionem: nunc certos confirmandi & reprehenden-
di in singula causarum genera locos tradendos
arbitramur. Et quia quo pacto tractari cõue-
niret argumentationes, in libro primo non in-
diligenter expositum est, hic tantũ ipsa inuenta
inamquamq; in rem exponentur simpliciter sine
ulla exornatione: ut ex hoc, inuenta ipsa: ex su-
periore autẽ expolitio inuentorũ petatur. Qua-
re hæc quæ nunc præcipiuntur, ad confirmatio-
nis, & reprehensionis partes referre oportebit.

OMNIS & demonstratiua, & delibera-
tiua, et iudicialis causa necesse est in aliquo co-
rum, quæ antè exposita sunt, cõstitutionis gene-
re uno, pluribũsue uersetur. Hoc quanquam ita
est, tamen cum communiter quedam de omni-
bus præcipi possint, separatim quoq; aliæ sunt
cuiusq; generis, et diuersæ præceptiones. Aliud
enim laus aut uituperatio, aliud sententiæ di-
ctio, aliud accusatio aut recusatio conficere de-
bet. In iudicijs quid æquum sit queritur: in de-
monstrationibus, quid honestum: in deliberatio-
nibus, ut nos arbitramur, quid honestum sit,
& quid utile. Nam ceteri utilitatis modo fi-
nem in suadendo, & in dissuadendo exponi opor-
tere arbitrati sunt. Quorum igitur generum fi-
nes & exitus diuersi sunt: eorum præcepta eã-
dem esse non possunt. Neq; nunc hoc dicimus

non easdem incidere constitutiones: ueruntamen
 oratio quadā ex ipso fine, & genere causae na-
 scitur, quae pertineat ad uia alicuius demon-
 strationem, aut ad sententiae dictionem. Quare
 nunc in exponēdijs controuersijs in iudiciali ge-
 nere causarum & praeceptorū uersabimur. Ex
 quo pleraq; in cetera quoq; causarū genera si-
 mili implicita controuersia nulla cum difficul-
 tate transferentur: post autem separatim de re-
 liquis dicemus. Nunc à coniecturali constitu-
 tione proficiscemur, cuius exemplum sit hoc ex-
 positum: In itinere quidam proficiscētem ad-
 mercatum quendam, & secum aliquantum nu-
 morum ferentem est comitatus: cum hoc, ut ferē
 fit, in uia sermonē contulit: ex quo factum est ut
 illud iter familiarius facere uellent. Quare, cū
 in quandam tabernā diuersiffent, simul coenare,
 & in eodem loco somnū capere uoluerunt. Coe-
 nati discubuerunt ibidem: caupo autē (nam ita
 dicitur post inuentum, cum in alio mensecio de-
 prehensus esset) cum illum alterum, uidelicet qui
 numos haberet, animaduertisset, noctu postquā
 illos arētius, ut fit, iam ex lassitudine dormire
 sensit, accessit, & alterius eorum, qui sine numis
 erat, gladium propter appositum ē uagina eduxit,
 & illum alterū occidit numos abstulit, gla-
 dium eruentum in uaginam recondidit, ipse sese
 in lectum suum recepit. Ille autem, cuius gladio
 occisio erat facta, multa ante lucem surrexit.

conue

comitem illum suum inelamavit semel, & sa-
pius. illum somno impeditum nō respōdere exi-
stimavit: ipse gladiū & cetera, quæ secū attu-
lerat, se sustulit: solus profectus est. Campo nō mul-
to post cōclamavit hominē esse occisum, & cū
quibusdam diversoribus illum qui antè exierat,
consequitur: in itinere hominem comprehendit:
gladium eius ē uagina educit: reperit truentiū:
homo in urbem ab illis deducitur, ac reus fit. In
hac intentio est criminis, Occidisti. Depulsio,
Non occidi, Ex quibus constitutio est. Quæstio
eadem in coniecturali, quæ iudicatio, Occiderit-
ne. Nunc exponemus locos, quorum pars aliqua
in omnem coniecturalem incidit controuersiam.
Hoc autem & in horum locorum expositione,
& in ceterorum oportebit attendere, nō omnes
in omnem causam conuenire. Vt enim omne no-
men ex aliquibus, non ex omnibus literis scribi-
tur: sic omnium in causam non omnis argumen-
torum copia, sed eorum necessaria pars aliqua
cōueniet. Omnis igitur, ex causa ex persona, ex
facto ipso cōiectura capienda est. Causa distri-
buitur in impulsione, & in ratiocinationem.
Impulsio est quæ sine cogitatione per quandam
affectionem animi facere aliquid horiatur: ut
amor, iracundia, agrido, uinolentia, & omni-
no omnia, in quibus animus ita uidetur affe-
ctus fuisse, ut rem perspicere eum cōsilio & cu-
ra non pōnerit: & id quod fecit, impetu quodā

animi potius quam cogitatione fecerit. Ratio-
cinatio autem est diligens, & considerata fa-
ciendi aliquid, aut nō faciendi excogitatio. Ea
dicitur cum intersuisse, cum aliquid faciendum,
aut non faciendū certa de causa vitasse, aut se-
cutus esse animus videtur: ut si amicitia quid
causa factū dicetur, si inimici ulciscendi; si me-
tus, si gloria, si pecunia, si deniq; (ut omnia ge-
neratim amplectamur) alicuius retinēdi, augē-
di, adipiscendūe cōmodi: aut contrā reijciendi,
diminuendi, deuitandūe incōmodi causa. Nam
horum in genus alternitum illa quoq; incidunt,
in quibus aut incommodum aliquod maioris ui-
tandi incommodi causa, aut maioris adipiscēdi
cōmodi suscipitur: aut commodum aliquod ma-
ioris adipiscendi commodi, aut maioris vitandi
incommodi praeteritur. Hic locus sicut aliquod
fundamentum est huius constitutionis: nam ni-
hil factum esse cuiuspiam probatur, nisi aliquid
quare factū sit, ostēditur. Ergo accusator, cum
aliquid impulsione factum esse dicet, illum im-
petum & quandam commotionem animi, affe-
ctionemq; uerbis, & sententijs amplificare de-
bebit, & ostendere quanta uis amoris sit, quan-
ta animi perturbatio ex iracundia fiat, aut ex
aliqua causa earum qua impulsim aliquem id
fecisse dicet. Hic & exemplorum commemora-
tione, qui simili impulsu aliquid commiserint,
& similitudinum collatione, & ipsius animi
affect

affectionis explicatione curandū est, ut non mirum uideatur, si quod ad facinus tali perturbatione commotus animus accesserit. Cum autem non impulsione, uerum ratiocinatione aliquem commisisse quid dicet, quid cōmodi sit secutus, aut quid incommodi fuerit, demonstrabit: & id augebit quāmaxime poterit: ut quoad eius fieri possit, idonea quāmaxime causa ad peccandū hortata uideatur. Si glorie causa, quātam gloriam consecuturam existimari. Item si dominationis, si pecunie, si amicitie, si inimicitiarum, & omnino quicquid erit, quod cause fuisse dicet, id summe augere debet. Et hoc eum magnopere considerare oportebit, non quid in ueritate modo, uerum etiam uehementius, quid in opinione eius, quem arguet, fuerit. Nihil enim referi non fuisse, aut non esse aliquid cōmodi, aut incommodi, si ostendi potest ei uisum esse qui arguatur. Nam opinio dupliciter fallit homines, cum aut res aliusmodi est ac putatur, aut non is euentus est quem arbitrati sunt. Res aliusmodi est tum cum aut id, quod bonū est malū putant: aut cōtrā, quod malū est, bonum: aut quod nec malum est, nec bonum, malum aut bonum: aut quod malum, aut bonum est, nec malum, nec bonū. Hoc intellecto sequis negabit ullam esse pecuniā fratris, aut amici iusta, aut denique officio suo antiquiore, aut suuiores, uō erit hoc accusatori negandum. Nam in eum

culpa

culpa, & summum odium transferetur, qui id, quod tam uere, & pie dicitur, negabit. Verum illud dicendum erit, illi non esse ita uisum, quod sumi oportet ex ijs, qua ad personam pertinet, de quo post dicendum est. Euentus autem tum fallit, cum aliter accidit, atque iij qui arguuntur, arbitrati esse dicuntur, ut si quis dicatur alium occidisse, ac uoluerit, quod aut similitudine, aut suspitione, aut demonstratione falsa deceptus sit: aut cum necasse, cuius testamento, non sit heres. quod eius testamento se heredem arbitraeus sit, non enim ex euentu cogitationem spectari oportere, sed qua cogitatione, & spe ad malefictum profectus sit, considerare: & quo animo quid quisque faciat, non quo casu utatur, ad rem pertinere. In hoc autem loco, caput illud erit accusatori, si demonstrare poterit alij nemini causam fuisse faciendi. Secundarium, si tantam, aut tam idoneam nemini. Sin fuisse alijs quoque causa faciendi uidebitur, aut potestas alijs defuisse demonstranda est, aut facultas, aut uoluntas: Potestas, si aut nescisse, aut non affuisse, aut conficere aliquid non potuisse dicitur. Facultas, si ratio, adiutores, adiumenta, & cetera qua ad rem pertinebunt, defuisse alieni demonstrabuntur. Voluntas, si animus à talibus factis uacuis, & integer esse dicetur. Postremo, quas ad defensionem rationes reo dabimus, ijs accusator ad alios ex culpa eximendos abutetur

abuteretur, Verum id breui faciendum est. & in
 unum multa sunt cōducenda: ut ne alterius de-
 fendendi causa hunc accusare, sed huius accu-
 sandi causa defendere alterum videatur. atq;
 accusatori quidē hęc ferē sunt in causa facien-
 da, & considerata, Defensor autē ex contra-
 rio: primū impulsione, aut nullam fuisse di-
 cet: aut si fuisse cōcedet, extenuabit, & parua-
 lam quandam fuisse demonstrabit, aut non ex
 ea solere huiusmodi facta nasci, docebit, Quo
 erit in loco demonstrandum quæ vis & natura
 eius sit affectionis, quæ impulsus aliquid reus
 commisisse dicetur: in quo, & exempla, & simi-
 litudines erunt proferenda, & ipsa diligenter
 natura eius affectionis quam lenissime quieris-
 simam ad partem explicanda: ut & res ipsa à
 facto crudeli, & turbulento ad quoddam mi-
 tius, & tranquillius traducatur: & oratio ta-
 men ad animum eius qui audiet, & ad animi
 quendam intimum sensum accommodetur. Ra-
 tiocinationis autē suspensiones infirmabit, si aut
 commodum nullum fuisse, aut parum, aut alijs
 magis fuisse, aut nihilo sibi magis quàm alijs
 aut incommodum sibi maius quàm commodum
 dicet: ut nequaquam fuerit illius cōmodi, quod
 expetitur dicatur, magnitudo, aut cum eo in-
 commodo quod acciderit, aut cum illo periculo
 quod subeatur, comparanda qui omnes loci si-
 militer incommodi quoq; uitatione tractabun-
 tur.

tur. Sin accusator dixerit eum id esse secutum,
quod ei uisum sit commodū: aut id sugisse quod
putarit esse incommodum, quanquam in falsa
fuerit opinione: demonstrandum erit defensori
neminem tanta esse stultitia, qui tali in re pos-
sit ueritatem ignorare. Quod si id concedatur,
illud non concessum iri, nec dubitasse quidem
hunc quid eius iuris esset, sed id quod falsum
fuerit, sine ulla dubitatione pro falso, quod ue-
rum pro uero probasse. Quod si dubitauerit,
summa fuisse apensia, dubia spe impulsus cer-
tum in periculum se committere: Quemadmo-
dum autem accusator, cum ab alijs culpam di-
mouebit, defensoris locis utetur: sic ijs locis, qui
accusatori dati sunt, utitur reus, cum in alios
ab se crimen uolet transferre. Ex persona au-
tem coniectura capietur, si ea res, qua personis
attributa sunt, diligenter considerabuntur: quas
omnes in primo libro exposuimus. nam & de
nomine nonnunquam aliquid suspicionis na-
scitur. Nomen autem cum dicimus, cogno-
men quoque intelligatur oportet. De homi-
nis enim certo & proprio uocabulo agitur, ut
si dicamus iccirco aliquem Caldum uocari,
quod temerario, & repentino consilio sit: aut
si ea de re hominibus Gracos imperitis uerba
dedit, quod Clodius, aut Cacilius, aut Mu-
tius uocarentur. Et de natura licet aliquantu-
lum ducere suspicionis. omnia enim hæc, uir
an mul

an mulier; huius an illius ciuitatis sit, quibus sit maioribus, quibus consanguineis; qua etate, quo animo, quo corpore; qua natura sunt attributa, ad aliquam coniecturam faciendam pertinebunt. Et ex uictu multa trahuntur suspiciones, cum quemadmodum, & apud quos, & a quibus educatus, & eruditus sit, quaeritur, & quibuscum uiuat, qua ratione uiuat, quo more domestico uiuat. Et ex fortuna sepe argumentatio nascitur, cum seruus an liber, pecuniosus an pauper; nobilis an ignobilis, felix an infelix, priuatus an cum potestate sit, aut fuerit, aut futurus sit, consideratur: aut deniq; aliquid eorum quaeritur, quae fortune esse attributa intelliguntur. *Habitus* autem, quoniam in aliqua perfecta & constanti animi aut corporis absolutione consistit, quo in genere est uirtus; scientia; & quae contraria sunt: res ipsa causa posita docebit, ecquid hic quoq; locus suspicionis ostendat. Nam affectionis quidem ratio perspicuam solet pra se genere coniecturam, ut amor, iracundia, molestia: propterea quod & ipsorum uis intelligitur, & quae res harum aliquam rem consequantur, faciles cogniti sunt. Studium autem quoniam est assidua, & uehemens ad aliquam rem applicata magna cum uoluntate occupatio, facile ex eo ducitur argumentatio, quae res ipsa desiderabit in causa. Item ex consilio sumetur aliquid suspicionis. Nam consilium, est aliquid faciend

faciendi, non faciendine excogitata ratio. Item facta, & casus, & orationes, quæ sunt omnia (ut in confirmationis præceptis dictum est) in tria tempora distributa: facile erit uidere ecquid afferant ad coniecturam confirmandam suspicionis. Ac personis quidem res ea sunt attributa, ex quibus omnibus unum in locum coactis accusatoris erit improbatione hominis uti. Nam causa facti parum firmitudinis habet, nisi animus eius, qui insimulatur, in eam suspicionem adducatur ut à tali culpa, non uideatur abhorruisse. Nec enim animum alicuius improbare nihil attinet, cum causa, quare peccauerit, non intercesserit: sic causam peccati intercedere leue est, si animus nulli minus honesta rationi affinis ostenditur. Quare uitam eius, quem arguit ex antefactis accusator improbare debebit, et ostendere si quo in pari ante peccato conuictus sit. Si id non poterit, siquam in similem ante suspicionem uenerit, ac maxime si fieri poterit, simili aliquo in genere eiusmodi causa aliqua commotum peccasse, aut in aque magna re, aut in maiore, aut in minore: ut si quis pecunia dicat inductum fecisse, possit demonstrare aliqua in re eius aliquod factum auarum. Item in omni causa naturam, aut uictum, aut studium, aut fortunam, aut aliquid eorum, quæ personis attributa sunt, ad eam causam, quæ commotum peccasse dicit, adiungere, atque ex dispari quoque genere culp

culparum, si ex pari sumendi facultas non erit, improbare animum aduersarij oportebit: si auaritia inductum arguas fecisse, & auarum eum, quem accuses, demonstrare non possis: alijs asfinem esse uitij doceas, & ex ea re non esse mirandum, qui in illa re turpis, aut cupidus, aut petulans fuerit, hoc quoq; in re eum deliquisse. Quantiū enim de honestate & autoritate eius, qui arguitur, detractum est, tantum de facultate totius est defensionis diminutum. Si nulli asfinis poterit uitio reus antè admissio demonstrari: locus inducetur ille, per quem hortandi Iudices erunt, ut ueterem famam hominis nihil ad rem putent pertinere. Nam eum antè celasse, nūc manifesta teneri. Quare non oportere hanc rem ex superiori uita spectari, sed superiorem uitam ex hac re improbari, & aut potestatem antè peccandi non fuisse, aut causam. Aut si hec dici non poterunt, dicendum erit illud extremum non esse mirū, si nunc primum deliquerit. Nam necesse est eum qui uelit peccare, aliquando primum delinquere. Sin uita anteacta ignorabitur, hoc loco praterito, & cur prateratur demonstrato, argumentis accusationem statim confirmare oportebit. Defensor autem primum, si poterit, debet uitam eius, qui insimulabitur, quam honestissimam demonstrare. Id faciet, si ostendet aliqua eius nota. & communia officia, quod genus in parentes, cognatos, ami-

cos, affines, necessarios : etiam quæ magis rara,
& eximia sient, si ab eo, cum magno aliquo labore, aut periculo, aut utraque re, cum necesse non esset, officij causa, aut in Rempublicam, aut in parentes, aut in aliquos eorum qui modo exposui sum, facta esse dicet. Deinde si nihil deliquisse, nulla cupiditate impeditum ab officio recessisse. Quod eo confirmatius erit, si cum potestas impune aliquid faciendi minus honeste fuisse dicetur, voluntas ei faciendi demonstrabitur abfuisse. Hoc autem ipsum genus erit eo firmitus, si eo ipso in genere, quo arguetur, integritate ante fuisse demonstrabitur: ut si cum avaritia causa fuisse arguatur, minime omni in vita pecunia cupidus fuisse doceatur. Hic illa magna cum gravitate inducetur indignatio, iuncta cum questionem, per quam miserum facinus esse, & indignum demonstrabitur, cum animus omni in vita fuerit à vitijs remotissimus, eam causam putare, quæ homines audaces in fraudem rapere soleat. castissimum quoque hominem ad peccandum potuisse impellere: aut iniquum esse, & optimo cuique perniciosissimum, non vitam honeste actam tali in tempore, quamplurimam prodesset, sed subita ex criminatione, quæ consingere facile possit, non ex antea acta vita, quæ neque ad tempus fingi, neque ullo modo immutari possit, facere iudicium. Sin autem in antea acta vita aliqua turpitudines erunt, aut falso venisse in
eam

eam existimationem dicentur, aut ex aliquorū inuidia, aut obrectatione, aut falsa opinione: aut imprudentia, necessitudine, aut persuasioni, adolescentie, aut alicui non malitiosa animi affectioni attribuentur, aut dissimili in genere uitiorum: ut animus non omnino integer, sed à tali culpa remotus esse uideatur. Ac si nullo modo uita turpitudine, aut infamia leniri poterit oratione, negare oportebit de uita eius, & moribus queri, sed de eo crimine, quo de arguatur: quare ante factis omissis, illud quod instet, agi oportere. Ex facto autem ipso suspensiones dicentur, si totius administratio negotij ex omnibus partibus percontabitur, atq; hæ suspensiones partim ex negotio separatim, partim communiter ex personis atq; ex hoc negotio proficiantur. Ex negotio dici poterūt, si eas res, quæ negotijs attributæ sunt, diligenter considerabimus. Ex ijs igitur in hanc constitutionē cōuenire uidentur genera eorum omnia, partes generum pleraq; Videre igitur primum oportebit, quæ sint continentia cum ipso negotio: hoc est, quæ ab re separari non possint. Quo in loco satis erit diligenter considerare, quid sis ante rem factum, ex quo spes perficiendi nata, & faciendi facultas quesita uideatur: quid in ipsa re gerenda, quid postea consecutum sit. Deinde ipsius est negotij gestio pertractanda. Nam hoc genus earum rerum, quæ negotio attributæ sunt, secundo in loco

loco nobis est expositum. Hoc ergo in genere spectabitur locus, tempus, occasio, facultas: quorum uniuscuiusque us diligenter in confirmationis praeceptis explicata est. Quare, ne aut hic non admonuisse, aut ne eadem iterum dixisse uideamur: breuiter demonstrabimus, quid quaque in parte considerari oporteat. In loco igitur opportunitas, in tempore longinquitas, in occasione commoditas ad faciendum idonea, in facultate copia. & potestas earum rerum, propter quas aliquid facilius fit, aut sine quibus omnino confici non potest, considerata est. Deinde uidendum est quid adiunctum sit negotio, hoc est, quid maius, quid minus, quid aequum magnum sit, quid simile: ex quibus coniectura quaedam ducitur, si quemadmodum res maiores, minores, aequae magna, similesque; agi soleant, diligenter considerabitur. Quo in genere euentus quoque uidendus erit, hoc est quid ex unaquaque re soleat euenire, magnopere considerandum est, ut metus, letitia, titubatio. Quarta autem pars erat ex iis, quas negotiis dicebamus esse attributas, consecutio. In ea quaruntur ea, quae gestum negotium confestim, aut ex intervallo consequuntur. In qua uidebimus eoque consuetudo sit, eoque lex, eoque actio, eequod eius rei artificium sit, aut usus, aut exercitatio hominum, aut approbatio, aut offensio, ex quibus nonnunquam elicitur aliquid suspicionis. Sunt autem aliquae suspicio-

nes,

nes, quæ communiter & ex negotiorum, & ex personarum attributionibus sumuntur. Nam et ex fortuna, & ex natura, & ex uictu studio factis, casu orationibus, consilio, & ex habitu animi, aut corporis pleraq; pertinent ad eandem res, quæ rem credibilem, aut incredibilem facere possunt, & cum facti suspitione iunguntur. Maxime enim queri oportet in hac constitutione, primum potuerint aliquid fieri. deinde ecquo ab alio potuerit. Deinde facultas, de qua antè diximus. Deinde utrum id facinus sit, quod poenitere fuerit necesse: item quod spem celandi non haberet. Deinde necessitudo, in quam necesse fuerit id aut fieri, aut ita fieri queritur. Quorum pars ad consilium pertinet, quod personis attributum est, ut in ea causa, quam exposuimus. Ante rem erit, quod in itinere se tam familiariter applicauerit: quod sermonis causam quesierit: quod simul diuerterit: dehinc cœnarit. In re, nox, somnus. Post rem, quod solus exierit, quod illum tam familiarem comitatum tam equo animo reliquerit, quod crucentum gladium habuerit. Horum pars ad consilium pertinet. queritur enim utrum uideatur diligenter ratio faciendi esse habita, & excogitata, an ita temere, ut non uerisimile sit quenquam tam temere ad maleficium accessisse. In quo queritur num quo alio modo commodius potuerit fieri, uel à fortuna administrari. Nam

sepe, si pecunia, adiumenta, si adiutores desint, facultas fuisse faciendi non uidetur, hoc modo: si diligenter attendamus, apta inter se esse intelligimus hic qua negotijs, & illa qua personis sunt attributa. Hic neque facile est, neque necessarium distinguere, ut in superioribus partibus, quo pacto quidq; accusatorem, & quomodo defensorem tractare oporteat. Non necessarium, propterea quod causa posita, quid in quanq; conueniat, res ipsa docebit eos, qui non omnia hic se inuenturos putabunt: sed ad ea; qua praecepta sunt, comparisonis modo quandam in commune mediocrem intelligentiam conferent. Non facile autem, quod & infinitum est tot de rebus utranq; in partem singillatim de unaquaq; explicare, & alias aliter haec in utranq; partem cause solent conuenire. Quare considerare haec quae exposuimus, oportebit. Facilius autem ad inuentionem animus incedet, si gesti negotij & suam, & aduersarij narrationem sepe, & diligenter pertractabit, & quid quaq; pars suspicionis habebit, eliciens considerabit. Quare, quo consilio, qua spe perficiendi quidq; factum sit: cur hoc modo potius, quam illo: cur ab hoc potius, quam ab illo: cur nullo adiutore, aut cur hoc: cur nemo sit conscius, aut cur sit, aut cur hic sit: cur hoc antè factum sit: cur hoc, antè factum non sit: cur hoc in ipso negotio, cur hoc post

post negotium: aut quid factum de industria, aut quid rem ipsam consecutum sit. constetne oratio aut cum re, aut ipsa secum, hoc huiusne rei sit signum, an illius, an huius & illius, & utrius potius: quid factum sit quod non oportuerit, aut non factum quod oportuerit. Cū animus hac intentione omnes totius negotij partes considerabit, tum illi ipsi in medium conseruati loci procedent, de quibus antè dictū est: & cum ex singulis, tum ex coniunctis argumenta certa nascentur. Quorum argumentorum pars probabilis, pars necessario in genere uersabitur. Accedunt autem ad coniecturam septē questiones, testimonia, rumores, quæ contra omnia uterq; simili uia præceptorum torquere ad suæ causæ commodum debebit. Nam & ex questione suspiciones, & ex testimonio, & ex rumore aliquo pari ratione, ut ex causa, & ex persona, & ex facto duci oportebit. Quare nobis & iij uidetur errare, qui hoc genus suspitionum artificij non putant indigere, & iij qui aliter hoc de genere, ac de omni coniectura præcipiendum putant. Omnis enim iisdem ex locis coniectura sumenda est. Nam & eius qui in questione aliquid dixerit, & eius qui in testimonio, & ipsius rumoris causa, & utritus ex iisdem attributionibus reperiretur. Omni autem in causa pars argumentorum est adiuncta ei causæ solum quæ dicitur, & ab ipsa ita ducta.

ducta, ut ab ea separatim in omnes eiusdem generis causas transferri non satis commodè possit. Pars autem est peruagatior: & aut in omnes eiusdem generis, aut in plerasq; causas accommodata. Hac ergo argumenta, quæ transferri in multas causas possunt, locos communes nominamus. Nam locus communis, aut certa rei quandam cōtinet amplificationem: ut si quis hoc uelit ostendere, eum qui parentem necarit, maximo supplicio esse dignum: quo loco nisi perorata, & probata causa, non est utendum. Aut dubia, quæ ex contrario quoq; habeat probabiles rationes argumentandi: ut suspicionibus credi oportere, & contrà, suspicionibus credi non oportere. Ac pars locorum communium, aut per indignationem, aut per conquestionem inducitur, de quibus antè dictum est: pars per aliquam probabilem utraq; ex parte rationem. Distinguitur autem oratio, atq; illustratur maxime, raro inducendis locis communibus, & aliquo loco, iam certioribus illis auditoribus, & argumentis confirmantibus. Nam & tum conceditur commune quiddam dicere, cum diligenter aliquis proprius causæ locus tractatus est: & auditoris animus aut renouatur ad ea, quæ restant, aut omnibus iam dictis, exuscitatur. Omnia enim ornamenta elocutionis, in quibus & suauitatis, & gravitatis plurimum consistit, & omnia, quæ in inuentione uerborum, & sententiar

sentiarum aliquid habent dignitatis, in communes locos conferuntur. Quare, non ut causarum, sic oratorum quoque multorum communes loci sunt, nam nisi ab ijs, qui multa exercitatione magnam sibi & uerborum, & sententiarum copiam comparauerint, tractari non poterunt ornate, & grauiter, quemadmodum natura ipsorum desiderat. Atque hoc sit nobis dictum communiter de omni genere locorum communium. Nunc exponemus in coniecturalem constitutionem qui loci communes incidere soleant. Suspicionibus credi oportere, & non oportere. Rumoribus credi oportere, & non oportere. Testibus credi oportere, & non oportere. Questionibus credi oportere, & non oportere. Vitam anteactam spectari oportere, & non oportere. Eiusdem esse, qui in illa re peccarit, & hoc quoque admisisse: & non esse eiusdem. Maxime spectari causam oportere, & non oportere. Atque hi quidem, & si qui eiusmodi ex proprio argumento communes loci nascuntur, in contrarias partes diducuntur. Certus autem locus est accusatoris, per quem auget facti atrocitatem, & aliter per quem negat malorum misereri oportere. Defensoris, per quem calumnia accusatorum cum indignatione ostenditur, & per quem eam conuestione misericordia capatur. Hi, & ceteri omnes loci communes ex iisdem praeceptis sumuntur, quibus cetera argumenta-

rationes: sed illa tenuius, & acutius, & subtilius tractantur: hi autem grauius, & ornatijs, & cum uerbis, cum etiam sententijs excellentibus. In illis enim finis est; ut id quod dicitur, uerum esse uideatur: in his tamen si hoc quoque uideri oportet, tamen finis est amplitudo, Nunc ad aliam constitutionem transeamus.

CVM est nominis controuersia; quia uis uocabuli definienda uerbis est, constitutio definitiua dicitur. Eius generis exemplo nobis posita sit haec causa: C. Flaminius is qui consul Remp. mal. gessit bello Punico secundo, cum tribunus plebis esset, inuito senatu, & omnino contra uoluntatem omnium optimatum per seditionem ad populum legem Agrariam ferebat. Eunc pater suus concilium pl. bis habentem de templo deduxit: accersitur maiestatis. Intentio est, Maiestatem minuisi, quod tribunum plebis de templo deduxisti. Depulsio est, Non minui maiestatem. Questio est, Maiestatemne minuerit. Ratio, In filium enim quam habebam potestatem, ea usus sum. Rationis infirmatio, At enim qui patria potestate, hoc est priuata quadam, tribuniciam potestate, hoc est populi potestatem infirmat, minuit is maiestatem. Iudicatio est, Minuante is maiestatem, qui in tribuniciam potestatem patria potestate uisus. Ad hanc indicationem argumentationes omnes afferri oportebit. Ac ne quis forte arbitretur nos non intel-
ligere

figere aliam quoque incidere constitutionem in hanc causam: eam nos pariter solam sumimus, in qua praecepta nobis danda sunt. Omnibus autem partibus hoc in libro explicatis, quibus omni in causa, si diligenter attendit, omnes uidebitur constitutiones, & earum pariter & controuersias, siquae forte in eas incident, nam de omnibus perscribemus. Primus ergo accusatoris locus est, eius nominis, cuius de ui queritur, breuis & aperta, & ex hominum opinione definitio, hoc modo: Maiestatem minueri, est de dignitate, aut amplitudine, aut potestate populi, aut eorum quibus populus potestatem dedit, aliquid derogare. Hoc sic breuiter expositum, pluribus uerbis est & rationibus confirmandum, & ita esse, ut descripseris, ostendendum. Postea ad id quod defmieris, factum eius qui accusabitur, adiungere oportabit: & ex eo quod ostenderis esse, uerbi causa, Docere aduersarium maiestatem minuisse: & hunc locum totum communi loco confirmare, per quem ipsius facti atrocitas, aut indignitas, aut omnino culpa cum indignatione augeatur. Post erit infirmanda aduersariorum descriptio. Ea autem infirmabitur, si falsa demonstrabitur. Hoc ex opinione hominum sumitur: cum quemadmodum, & quibus in rebus homines in consuetudine scribendi, aut sermocinandi eo uerbo uti soleant, considerabitur. Item infirmabitur, si turpis aut inutilis esse ostendetur eius

descriptionis approbatio: & si, quæ incommoda
consecutura sint, eo concessio ostendatur. id au-
tem ex honestatis & utilitatis partibus sume-
tur, de quibus in deliberationis præceptis expo-
nemus. Et si cum definitione nostra aduersa-
riorum definitionem conferemus: & nostram
ueram, honestam, utilem esse demonstrabimus,
illorum contrā. Quæremus autem res, aut maio-
ri, aut minori, aut parti in negotio similes, ex
quibus affirmetur nostra descriptio. Iam si res
plures erunt definiendæ: ut si queratur, fur sit,
an sacrilegus, qui uasa ex priuato sacra sur-
ripuerit, erit utendum pluribus definitionibus.
Deinde simili ratione causa tractanda. Locus
autem communis in eius malitiam, qui non mo-
do rerum, uerumetiam uerborum potestatem
sibi arrogare conetur, ut & faciat, quod uelis:
& id quod fecerit, quo uelis nomine appelles.
Deinde defensoris primus locus est, item nomi-
nis breuis & aperta & ex opinione hominum
descriptio, hoc modo: Maiestatem minuire est,
aliquid de Republ. cum potestatem non habeas,
administrare. Deinde huius confirmatio est, si-
milibus, & exemplis, & rationibus. Postea sui
facti ab illa definitione separatio. Deinde locus
communis, per quem facti utilitas, aut honestas
adaugeatur. Deinde sequitur aduersariorum de-
finitionis reprehensio: quæ iisdem ex locis omni-
bus, quos accusatori præscripsimus, conficitur:

&

Et cetera post eadem præter communem locum inducentur. Locus autem communis erit defensoris is, per quem indignabitur: accusatorem sui periculi causa non res solum conuertere, uerum etiam uerba commutare conari. Nam illi quidem communes loci, qui aut calumnie accusatorum demonstrande, aut misericordiæ captande, aut facti indignandi, aut à misericordia deterrendi causa sumuntur, ex periculi magnitudine, non ex causa genere ducuntur. Quare non in omnem causam, sed in omne causa genus incidunt. Eorum mentionem in coniecturali constitutione fecimus. Inductione autem eorum, cum causa postulabit, utemur.

CUM autem actio translationis, aut commutationis indigere uidetur: quod non aut is agit, quem oportet, aut cum eo quicum oportet, aut apud quos, qua lege, qua pœna, quo crimine, quo tempore oportet: constitutio translatiua appellatur. Eius nobis exempla permulta opus sunt, si singula translationum genera queramus: sed quia ratio præceptorum similis est, exemplorum multitudine supersedendum est. Atque in nostra quidem consuetudine multis de causis fit ut rarius incidant translationes. Nam et prætorij exceptionibus multa excluduntur actiones: et ita ius civile habemus constitutum, ut causa cadat is, qui non quemadmodum oportet, egerit. Quare iam iure plerumque uersantur. Ibi enim et

exceptiones postulantur. & quodammodo agendi potestas datur, & omnis conceptio priuatorum iudiciorum constituitur. In ipsis autem iudicijs rarius incidunt: & tamen, si quando incidunt, eiusmodi sunt ut per se minus habeant firmitudinis. confirmantur autem assumpta alia aliqua constitutione. Vt in quodam iudicio, cum uenefici cuiusdam nomen esset delatum, & quia parricidij causa subscripta esset, extra ordinem esset acceptum, cum in accusatione aliqua quadam crimina testibus & argumentis confirmarentur, parricidij autem solum mentio facta esset, defensor in hoc ipso multum oportet ut diu consistat, cum de nec parentis nihil demonstratum sit, indignum facinus esse ea poena afficere eum, qua parricide afficiuntur. Id autem si damnetur, fieri necesse esset: quoniam & id causa subscribeum, & ex ea re nomen extraordinem sit acceptum. Ea igitur poena si afficere non oporteat, damnavi quoque non oportere, quoniam ea poena damnationem necessario consequatur. Hic defensor poena commutationem ex translatiuo genere inducendo, totam infirmabit accusationem. Veruntamen ceteris quoque criminibus defendendis coniecturali constitutione translationem confirmabit. Exemplum autem translationis in causa nobis positum sit huiusmodi: Cum ad uim faciendam quidam armati uenissent: armati copiam praestiterunt

fuerum, & tuidam equiti Romano quidam
 ex armatis resistenti gladio manum præcidit.
 Agit is, cui manus præcisa est, iniuriarum, po-
 stulat is, qui cum agitur, à prætore exceptio-
 nem: extra quam in reum capitis præiudicium
 fiat. Hic is qui agit, iudicium purum postulat:
 Ille quicum agitur, exceptionem addi ait opor-
 tere. Quæstio est, Excipiendum sit, an non. Ra-
 tio, Non enim oportet in recuperatorio iudicio
 eius maleficij, de quo inter sicarios queritur,
 præiudicium fieri. Infirmatio rationis, Eiusmo-
 di sunt iniuria, ut de his indignum sit non primo
 quoq; tempore iudicari. Iudicatio, Atrocitas
 iniuriarum satis ne causa sit, quare dum de ea
 iudicetur, de aliquo maiore maleficio, de quo iu-
 dicium cõparatum sit, præiudicetur, atq; exem-
 plum quidem hoc est. In omni autem causa ab
 utroq; queri oportebit, à quo, & per quos, &
 quemodo, & quo tempore aut agi, aut iudicari,
 aut quid statui de ea re conueniat. Id ex parti-
 bus iuris, de quibus post dicendum est, sumi
 oportebit: & ratiocinari quid in similibus re-
 bus fieri soleat: & videre virum malitia quid
 aliud agatur, aliud simuletur, an stulticia, an
 necessitudine, quòd alio modo agi non possit: an
 occasione agendi sic sit iudicium, aut actio con-
 stituta: an recte sine ulla re eiusmodi res aga-
 tur. Locus autem communis contra eum, qui
 translationem inducet, fugere iudicium ac pœ-
 nano

nam, quia causa diffidat. A translatione autem omnium fore perturbationem, si non ita res agatur, & in iudicium ueniat, quo pacto oporteat: hoc est, si aut cum eo agatur, quicum non oporteat, aut alia poena, alio crimine, alio tempore: atque hanc rationem ad perturbationem iudiciorum omnium pertinere. Tres igitur ea constitutiones, quae partes non habent, ad hunc modum tractabuntur. Nunc generalem constitutionem, & partes eius consideremus.

CUM & facto, & facti nomine concessio, neque ulla actionis illata controuersia, uis & natura, & genus negotij ipsius quaritur, constitutionem generalem appellamus. Huius primas esse partes duas nobis uideri diximus negotialem, & iudiciale. Negotialis est, quae in ipso negotio iuris civilis habet implicitam controuersiam. Ea est huiusmodi: Quidam pupillum heredem fecit, Pupillus autem ante mortuus est, quam in suam tutelam uenires. De hereditate ea, quae pupillo uenit inter eos, qui patris pupilli heredes secundi sunt, & inter agnatos pupilli controuersia est: possessio heredum secundorum est. Intentio est agnatorum, Nostra pecunia est, de qua is, cuius agnati sumus, testatus non est. Depulsio est, Imo nostra, qui heredes secundi testamento patris sumus. Questio est, Viroramsis. Ratio est, Pater enim & sibi & filio testamentum scripsit, dum is pupillus esset. Quare,
qua

que filij fuerunt, testamento patris nostra fiant
necesse est. Infirmatio est rationis, Imo pater
sibi scripsit, & secundum heredem non filio,
sed sibi iussit esse. Quare præter quàm quod
ipsius fuit in testamento, ullius uestrum esse
non potest. Iudicatio, Possit ne quisquam de fi-
lij pupillire testari. An heredes secundi ipsius
patrisfamiliàs, non filij quoq; eius heredes pu-
pilli sint. Atque hoc non alienum est, quòd ad
multa pertineat, ne aut nusquam, aut usque-
quaq; dicatur, hic admonere. Sunt causa, que
plures habent rationes in simplici constitutio-
ne: quod fit, cum id quod factum est, aut quod
defenditur, pluribus de causis rectum, aut pro-
babile uideri potest, ut in hac ipsa causa. Sup-
ponatur enim ab heredibus hæc ratio, Unius
enim pecunie plures dissimilibus de causis ha-
redes esse non possunt: nec unquam factum est,
ut eiusdem pecunie alius testamento, alius le-
ge hæres esset. Infirmatio hæc erit, Non est
una pecunia: propterea quòd altera iam erat
pupilli aduentitia: cuius hæres non illo in te-
stamento quisquam scriptus erat, siquid pu-
pillo accidisset: & de altera patris etiam nunc
mortui uoluntas plurimum ualibat, quæ iam
mortuo pupillo suis heredibus concedebat. Iu-
dicatio est, Vnâne pecunia fuerit. ac si hæc
erunt usi infirmatione. Possent plures esse unius
heredes pecunie dissimilibus de causis. de eo
ipso

nam, quia causa diffidat. A translatione autem omnium fore perturbationem, si non ita res agatur, & in iudicium ueniat, quo pacto oporteat: hoc est, si aut cum eo agatur, quicum non oporteat, aut alia poena, alio crimine, alio tempore: atq; hanc rationem ad perturbationem iudiciorum omnium pertinere. Tres igitur ea constitutiones, quae partes non habent, ad hunc modum tractabuntur. Nunc generalem constitutionem, & partes eius consideremus.

CUM & facto, & facti nomine concesso, neq; ulla actionis illata controuersia, uis & natura, & genus negotij ipsius quaritur, constitutionem generalem appellamus. Huius primas esse partes duas nobis uideri diximus negotialem, & iudicialem. Negotialis est, quae in ipso negotio iuris civilis habet implicitam controuersiam. Ea est huiusmodi: Quidam pupillum heredem fecit, Pupillus autem ante mortuus est, quam in suam tutelam ueniret. De hereditate ea, quae pupillo uenit inter eos, qui patris pupilli heredes secundi sunt, & inter agnatos pupilli controuersia est: possessio heredum secundorum est. Intentio est agnatorum, Nostra pecunia est, de qua is, cuius agnati sumus, testatus non est, Depulsio est, Imò nostra, qui heredes secundi testamento patris sumus, Quæstio est, Virorum sit. Ratio est, Pater enim & sibi & filio testamentum scripsit, dum is pupillus esset. Quare,
qua

que filij fuerunt, testamento patris nostra fiant
necesse est. Infirmatio est rationis, Imo pater
sibi scripsit, & secundum heredem non filio,
sed sibi iussit esse. Quare preter quam quod
ipsius fuit in testamento, ullius uestrum esse
non potest. Iudicatio, Possit ne quisquam de fi-
lij pupilli re testari. An heredes secundi ipsius
patrifamilias, non filij quoq; eius heredes pu-
pilli sint. Atque hoc non alienum est quod ad
multa pertineat, ne aut nusquam, aut usque-
qua; dicatur, hic admonere. Sunt causa, que
plures habent rationes in simplici constitutio-
ne: quod fit, cum id quod factum est, aut quod
defenditur, pluribus de causis rectum, aut pro-
babile uideri potest, ut in hac ipsa causa. Sup-
ponatur enim ab heredibus hac ratio, Unius
enim pecunie plures dissimilibus de causis ha-
redes esse non possunt: nec unquam factum est,
ut eiusdem pecunie alius testamento, alius le-
ge heres esset. Infirmatio hac erit, Non est
una pecunia: propterea quod altera iam erat
pupilli aduentitia: cuius heres non illo in te-
stamento quisquam scriptus erat, siquid pu-
pillo accidisset: & de altera patris etiam nunc
mortui uoluntas plurimum ualibat, que iam
mortuo pupillo suis heredibus coequebat. Iu-
dicatio est, Una ne pecunia fuerit. ac si hac
erunt usi infirmatione. Posse plures esse unius
heredes pecunia dissimilibus de causis, de eo
ipso

ipſo indicatio naſcitur, Poſſint'ne eiſdem pec-
catis plures diſſimilibus generibus eſſe hare-
des, Ergo una in conſtitutione intellectum eſt,
quomodo & rationes, & rationum infirmatio-
nes, & præterea indicationes plures ſiunt. Nunc
huius generis præcepta uideamus. Viriſq; , aut
etiam omnibus, ſi plures ambigent, ius ex qui-
bus rebus conſtet, eſt conſiderandum. Initium
ergo eius ab natura ductum uidetur. Quedam
autem ex utilitatis ratione, aut perſpicua no-
bis, aut obſcura in conſuetudinem ueniſſe; poſſunt
autem approbata. Quedam aut à conſuetu-
dine, aut uero utilia uſa, legibus eſſe firmata.
Ac natura quidem ius eſt, quod nobis non opi-
nio; ſed quedam innata uis afferat, ut religio-
nem; pietatem, gratiam, uindicationem, ob-
ſeruantiam, ueritatem. Religionem, eam que
in metu & ceremonia Deorum ſit, appellant.
Pietatem, que erga patriam, aut parentes, aut
alios ſanguine coniunctos officium conſeruare
moneat. Gratiā, que in memoria & remun-
eratione officiorum, & honorum, & amici-
tiarum obſeruantiam teneat. Vindicationem,
per quam uim, & contumeliam defendendo,
aut ulciſcendo propulſimus à nobis, & à no-
ſtris qui nobis eſſe chari debent: & per quam
peccata punimus. Obſeruantiam, per quam ata-
te, aut ſapientia, aut honore, aut aliqua digni-
tate antecedentes reueremur & colimus. Veri-
tatem

ratem, per quam damus operam ne quid aliter,
quàm confirmauerimus, fiat, aut factum, aut
futurū sit. Ac natura quidem iura minus ipsa
quaruntur ad hanc controuersiam, quòd neq; in
hoc civili iure uersantur, & à uulgari intelli-
gentia remotiora sunt: ad similitudinem uero
aliquam aut ad rem amplificandam sepe sunt
inscrenda. Consuetudinis autem ius esse putatur
id, quod uoluntate omnium sine lege uetustas
comprobarit. In ea autem iura sunt quaedam
ipsa iam certa propter uetustatem. Quo in ge-
nere & alia sunt multa: & eorum multo ma-
xima pars, qua pratores ediscere consueuerunt.
Quaedam autem genera iuris iam certa consue-
tudine facta sunt: quod genus, pactum, par, iu-
dicatum. Pactum est, quod inter aliquos conue-
nit, quod iam ita iustum putatur, ut iuri pre-
stare dicatur, Par, quod inter omnes aquabile
est. Iudicatum, de quo iam antè sententia alicu-
ius, aut aliquorum constitutum est. Iam iura le-
gitima ex legibus cognosci oportebit. His erga
ex partibus iuris quicquid aut ex ipsa re, aut ex
simili, aut ex maiore, aut ex minore nasci uide-
bitur, quenq; attendere, atq; elicere perentanda
namquanq; partem iuris oportebit. Locorum
autem cōmunium, quoniam (ut antè dictum est)
duo sunt genera: quorum alterū dubie rei, alie-
rium certe continet amplificationem, quid ipsa
causa det, & quid augeri per communem locum
possit

possit, & oporteat, considerabitur. Nam certi, qui in omnes incidant loci praescribi non possunt. in plurisq; fortasse ab auctoritate iurisperitorum, & contra auctoritatem dici oportebit. Attendendum est autem in hac, & in omnibus, num quos locos communes, praeter eos quos exposuimus, ipsa res ostendat. Nunc iuridiciale genus, & partes eius consideremus.

IURIDICIALIS est, in qua aequi & iniqui natura, et praemij, aut poena ratio queritur. Huius partes sunt duae, quarum alteram absolutam, alteram assumptivam nominamus. Absoluta est, quae ipsa in se, non ut negotialis implicite & abscondite, sed patentius & expeditius recti, & non recti questionem continet. Ea est huiusmodi: Cum Thebani Lacedaemonios bello superavissent: & serè mos esset Graijs, cum inter se bellum gessissent, ut ij qui vicissent, trophaum aliquod in finibus statuerent victoriae modo in praesentia declaranda causa, non ut in perpetuum belli memoria maneret, ancum statuerunt trophaum. Accusantur apud Amphictyonas, id est apud commune Graeciae concilium. intentio est. Non oportuit. Depulsio est, Oportuit. Quastio est, Oportuerit'ne. Ratio est, Eam enim ex bello gloriam virtute peperimus, ut eius aeterna insignia posteris nostris relinquere vellemus. Infirmatio est, Atamē aeternum inimicitarum monumentū Graios de Graijs statuere

non oportet. Iudicatio est, cum summa uirtutis celebranda causa Gray de Gray's aeternum inimicitiarum monumentum statuerint, recte, an contra fecerint. Hanc ideo rationem subieci-
mus, ut hoc cause genus ipsum, de quo agimus, cognosceretur. Nam si eam supposuissemus, qua fortasse usi sunt, Non enim iuste, neq; pie bellum gessistis: in relationem criminis dilaberemur, de qua post loquemur. Virumq; autem cause genus in hanc causam incidere perspicuum est. In hanc argumentationes ex iisdem locis sumen-
de sunt, atq; in causam negotialem, de qua ante dictum est. Locos autem communes & ex cau-
sa ipsa, siquid inerit indignationis, aut conque-
stionis, & ex iuris utilitate & natura multos
& graues sumere licebit, & oportebit, si cau-
sa dignitas uidebitur postulare. Nunc assump-
ptiuam partem iuridicialis consideremus. As-
sumptiuam igitur tunc dicitur, cum ipsum ex se
factum probari non potest, aliquo autem foris
adiuncto argumento descenditur. Eius partes
sunt quatuor, Comparatio, Relatio criminis, Re-
motio criminis, Concessio. Comparatio est, cum
aliquod factum, quod per se ipsum non sit pro-
bandum, ex eo, cuius id causa factum est, de-
fenditur. Ea est huiusmodi: Quidam Impera-
tor, cum ab hostibus circumsideretur, neque ef-
fugere nullo modo posset, de pactus est cum eis
ut arma & impedimenta relinqueret, milites:

educeret. Itaque fecit: armis & impedimentis
amissis, præter speciem milites conseruauit. Ac-
cusatur maiestatis. Incurrit huc definitio, quid
sit ledere maiestatem: sed nos hunc locum, de
quo agimus, consideremus. Intentio est, Non
oportuit arma & impedimenta relinquere. De-
pulsio est, Oportuit. Questio est, Oportuerunt.
Ratio est, Milites enim omnes perussent. Infirma-
tio est aut coniecturalis, Non perussent: aut al-
tera coniecturalis, Non ideo fecisti. Ex quibus
sunt iudicationes Perussent'ne: & idcōne fe-
cerit, aut hac comparatiua, cuius nunc indige-
mus, At enim satius fuit amittere milites,
quàm arma & impedimenta hostibus conce-
dere. Ex qua iudicatio nascitur, Cum omnes
perituri milites essent, nisi ad hanc pactionem
uenissent, utrum satius fuerit amittere milites,
an ad hanc conditionem uenire. Hoc causa ge-
nus ex his locis tractari conueniet. Oportebit
adhibere cæterarum quoque constitutionū ra-
tionem atque præcepta, ac maximè coniectu-
ris faciendis infirmare illud, quod cum eo quod
crimini dabitur, y qui accusabuntur, compa-
rabuntur. Id fiet, si aut id quod dicent defen-
sores futurum fuisse, nisi id factum esset, quo de
facto iudicium est, futurum fuisse negabitur:
aut si alia ratione, & aliam ob causam, ac dicere
se reus fecisse, demonstrabitur esse factum.
Eius rei confirmatio, & item contraria de parte
infra

infirmatio ex coniecturali constitutione sumetur. Sin autem certo nomine maleficij uocabitur in iudicium, sicut in hac causa (nam maiestatis accersitur) definitione, & definitionis preceptis uti oportebit. Atq; hæc quidem plerūq; in hoc genere incidunt, ut coniectura, & definitione utendum sit. Sin aliud quoq; aliquod genus incidet, eius generis præcepta licebit huc pari ratione transferre. Nam accusatori maxime est in hoc elaborandum, ut id ipsum factum, propter quod sibi reus concedi putat oportere, quamplurimis infirmet rationibus: quod facile est, si quamplurimis constitutionibus aggrediat, ut id improbaret. Ipsa autem comparatio separata à cæteris generibus controuersiarum sic ex sua ui considerabitur: si illud quod comparabitur, aut non honestum, aut non utile, aut non necessarium fuisse, aut non tantopere utile, aut non tantopere honestum, aut non tantopere necessarium fuisse demonstrabitur. Deinde oportet accusatorem illud, quod ipse arguat, ab eo quod defensor comparat, separare. Id autem faciet, si demonstrabit non ita fieri solere, neque oportere, neq; esse rationem, quare hoc propter hoc fiat: ut propter salutem militum ea quæ salutis causa comparata sunt, hostibus tradantur. Postea comparare oportebit cum beneficio maleficii, & omnino id quod arguitur cum eo quod factum ab defensore laudatur, aut faciendum

c 2 fuisse

fuisse demonstratur, contendere: & hoc extenuando malefici magnitudinem simul adaugere. Id fieri poterit, si demonstrabitur, honestius, utilius, magis necessarium fuisse illud quod uitari reus, quam illud quod fecerit. Honesti autem, & utilis, & necessarij uis & natura in deliberationis praeceptis cognoscetur. Deinde oportebit ipsam illam comparatiuam iudicationem exponere tanquam causam deliberandi. & de ea ex deliberationis praeceptis deinceps dicere. Sit enim hac iudicatio, quam antea exposuimus: Cum omnes perituri milites essent, nisi ad hanc pacitionem uenissent: uirum satius fuerit perire milites, an ad hanc pacitionem uenire. Hoc ex locis deliberationis, quasi aliqua in consultationem res ueniat, tractari oportebit. Defensor autem quibus in locis ab accusatore alia constitutiones erunt inducta, in ijs ipse quoque ex iisdem constitutionibus defensionem comparabit: ceteros autem omnes locos, qui ad ipsam comparisonem pertinebunt, ex contrario tractabit. Locis autem communes erunt accusatoris, in eum qui cum de facto turpi aliquo, aut inuili, aut utroq; fateatur: quare tamen aliqua defensionem, & facti inuilitatem, aut turpitudinem cum indignatione proferre. Defensoris est, nullum factum inutile, neq; turpe, neq; ueniale, neq; honestu putari oportere, nisi quo animo, quo tempore, qua de causa factum sit, intelli

gatur

gatur. Qui locus ita communis est, ut bene tractatus in hac causa, magno ad persuadendum momento futurus sit. Et alter locus, per quem magna cum amplificatione beneficii magnitudo ex utilitate, aut honestate, aut facti necessitudine demonstratur. Et tertius, per quem res expressa uerbis, ante oculos eorum qui audiunt, ponitur: ut ipsi se quoque idem facturos fuisse arbitrentur, si sibi illi res atque ea faciendi causa per idem tempus accidisset. Relatio criminis est, cum reus id quod arguitur confessus, alterius se inductum peccato, iure fecisse demonstrat. Ea est huiusmodi: Horatius occisis tribus Curiatibus, & duobus amissis fratribus, domum se uictor recepit. Is animaduertit sororem suam de fratrum morte non laborantem: sponsi autem nomen appellantem identidem Curiatibus cum genitu, & lamentatione, indignè passus, uirginem occidit, accusatur. Inuentio est, Iniuria sororem occidisti. Depulsio est, Iure occidi. Questio est, Iurène occiderit. Ratio est, Illa enim hostium mortem lugebat, fratrum negligebat, me & populum Rom. uicisse moleste ferebat. Infirmatio est, Tamen à fratre indemnata necari non oportuit. Ex qua indicatio fit: Cum Horatia fratrum mortem negligeret, hostium lugeret, de fratris & populi Romani uictoria non gauderet, oportuerit eam à fratre indemnata necari. Hoc in genere causa, primū siquid

ex cæteris dabitur constitutionibus sumi oportebit, sicut in comparatione præceptum est. Postea si qua facultas erit, per aliquam constitutionem illum, in quem crimen transfertur, defendere. Deinde de iure esse illud, quod in alterum peccatum reus transferat, quam quod ipse suscepit. Postea translationis partibus uti, & ostendere à quo, & per quos, & quomodo, & quo tempore aut agi, aut iudicari, aut statui de ea re consueverit: ac simul ostendere non oportuisse antè supplicium, quam iudicium interponere. Tum leges quoque & iudicia demonstranda sunt, per qua potuerit id peccatum, quod sponte sua reus punitus sit, moribus, & iudicio vindicari. Deinde negare debebit, audiri oportere id quod in eum criminis conferatur, de quo is ipse qui conferat, iudicium fieri noluerit: & id quod iudicatum non sit, pro infecto haberi oportere. Postea impudentiam demonstrare eorum, qui eum nunc apud Iudices accusent, quem sine iudicibus ipsi condemnarint: & de eo iudicium faciant, de quo iam ipsi supplicium sumpserint. Postea perturbationem iudicii futuram dicemus, & iudices longius, quam potestatem habeant, progressuros, si simul & de reo, & de eo, quem reus arguat, iudicarint. Deinde hoc si constitutum sit, ut peccata homines peccatis, & iniurias iniurijs ulciscantur, quantum incommodorum consequatur. Ac
si idem

si idem facere ipse, qui nunc accusat, ualisset: ne hoc quidem ipso quicquam opus fuisset iudicio. si uero ceteri quoque idem faciant, omnino iudicium nullum futurum. Postea demonstrabitur, ne si iudicio quidem illa damnata esset, in quam id crimen ab reo cōferatur, potuisse hunc ipsum de illa supplicium sumere. Quare esse indignum, eum qui ne de damnata quidem poenas sumere potuisset, de ea supplicium sumpsisse, quae ne adducta quidem sit in iudicium. Deinde postulabit, ut legē, qua lege fecerit, proferat. Deinde (quemadmodum in comparatione precipiebamus) ut illud quod comparabatur, extenuaretur ab accusatore quammaxime: sic in hoc genere oportebit illius culpam, in quem crimen transferetur, cum huius maleficio, qui se iure fecisse dicat, comparare. Postea demonstrandum est, non esse illud eiusmodi, ut ob id hoc fieri conueniret. Extrema est, at in comparatione assumptio iudicationis, & de ea per amplificationem ex deliberationis praeceptis dictio. Defensor autem, quae per alias constitutiones inducentur, ex ijs locis qui traditi sunt, infirmabit. Ipsam autem relationem comprobabit: primum augendo eius, in quem refert crimen, culpam & audaciam: & quammaxime per indignationem, si res ferat, iuncta conqueſtione aucte oculos ponendo. Postea lenius demonstrando reum punitum, quam si ille promeritus: & suum

supplicium cum illius iniuria conferendo. Deinde oportebit eos locos, qui ita erunt ab accusatore tractari, ut refelli, & contrariam in partem conuertere possint, quo in genere sunt tres extreni, contrarijs rationibus infirmare. Illa autem acerrima accusatorum criminatio, per quam perturbationem fore omnium iudiciorum demonstrant, si de indemnato supplicij sumendi potestas data sit, leuabitur. Primum, si eiusmodi demonstrabitur iniuria, ut non modo uiro bono, uerum etiam homini libero uideatur non fuisse toleranda. Deinde ita perspicua, ut ne ab ipso quidem qui fecisset, in dubium uocaretur. Deinde eiusmodi, ut in eam is maxime debuerit animaduertere, qui animaduertit: ut non tam rectum, non tam fuerit honestum in iudicium illam rem peruenire, quam eo modo, atq; ab eo uindicari, quo modo, & à quo sit uindicata. Postea sic rem fuisse apertam, ut iudicium de ea re fieri nihil attinuerit. Atq; hic demonstrandum est rationibus & rebus similibus permultas ita atroces & perspicuas res esse, ut de his non modo non necesse sit, sed ne utile quidem, quin mox iudicium fiat, expectare. Locus communis accusatoris in eum, qui cum id quod arguitur, negare non possit, tamen aliquid sibi spei comparet ex iudiciorum perturbatione. Atq; hic utilitatis iudiciorum demonstratio, & de eo cōquestio, qui supplicium dederit indemnata

tus: in eius autem qui sumpserit audaciam, &
 crudelitatem, indignatio. Ab defensore in eius,
 quem ultus sit, audaciam sui conquestione: rem
 non ex nomine ipsius negotij, sed ex consilio
 eius qui fecerit, & causa, & tempore considera-
 ri oportere: quid mali futurum sit aut ex iniu-
 ria, aut ex scelere alicuius: nisi tanta, & tam
 perspicua audacia ab eo, ad cuius famam, aut ad
 parentes, aut ad liberos pertinuerit: aut ad ali-
 quam rem, quam caram esse omnibus aut neces-
 se est, aut oportet esse, fuerit vindicata. Remotio
 criminis est, cum eius intentio facti, quod ab
 aduersario inferitur, in alium, aut in aliud di-
 mouetur. Id fit bipartito: nam cum causa, tum
 res ipsa remouetur. Cause remotionis hoc nobis
 exemplo sit: Rhodij quosdam legarunt Athe-
 nas. Legatis Quaestores sumptum, quem oport-
 rebat dari non dederunt. Legati profecti non
 sunt, accusantur. Intentio est, Proficisci oportuit.
 Depulsio est, Non oportuit. Questio est, Opor-
 tueritne. Ratio est, Sumptus enim, qui de publi-
 co dari solet, is ab Quaestore non est datus. Infir-
 matio est, Vos tamen id quod publice uobis da-
 tum erat negotij, conficere oportebat. Iudicatio
 est, cum ijs qui legati erant, sumptus qui debe-
 batur de publico, non daretur, oportueritne eos
 conficere nihilominus legationem. Hoc in gene-
 re primum, sicut in ceteris, siquid aut ex conie-
 cturali, aut ex alia constitutione sumi possit, ui-
 dere

dere oportebit. Deinde pleraq; ex comparatione, & ex relatione criminis in hanc quoq; causam conuenire poterunt. Accusator autem illum, cuius culpa id factum reus dicet, primum defendet, si poterit: sin minus poterit, negabit ad hoc iudicium illius, sed huius quem ipse accuset, culpam pertinere. Postea dicet, suo quenq; officio consulere oportere: nec si ille peccasset, hunc oportuisse peccare. Deinde si ille deliquerit, separatim illum, sicut hunc accusari oportere. & non cum huius defensione coniungi illius accusationem. Defensor autem, cum cetera siqua ex alijs incident constitutionibus, pertractarit, de ipsa remotione sic argumentabitur. Primum cuius acciderit culpa demonstrabit. Deinde cum id aliena culpa accidisset, ostendet se aut non potuisse, aut non debuisse id facere quod accusator dicat oportuisse. Quod non potuerit, ex utilitatis partibus, in quibus est necessitudinis vis implicata, demonstrabit. quod non debuerit, ex honestate considerabitur. De utroq; distinctius in deliberationis genere dicitur. Deinde omnia facta esse ab reo, qua in ipsius sacrine potestate: quod minus, quam conuenerit, factum sit, culpa id alterius accidisse. Deinde in alterius culpa exponenda demonstrandum est, quantum uoluntatis, & studij fuerit in ipso: & id signis confirmandum huiusmodi, ex cetera diligentia, ex antea factis,

aut dictis: atq; hoc ipsi utile fuisse facere, inutile autem non facere, & cum cetera uitam magis hoc fuisse consentaneum, quam quod propter alterius culpam non fecerit. Sin autem non in hominem certum, sed in rem aliquam causa dimouebitur, ut in hac eadem re. si Quaestor mortuus esset, & idcirco legatis pecunia data non esset: accusatione alterius, & culpa depulsione dempta, ceteris similiter uti locis oportebit, & ex concessionis partibus qua conuenient, assumere, de quibus post nobis dicendum erit. Loci autem communes ydem utrisq; ferè, qui superioribus assumptiuis incident. Hi tamen certissimi: Accusatoris, facti indignatio: Defensoris, cum in alio culpa sit, aut in ipso non sit supplicio reū affici non oportere. Ipsius autem rei sit remotio, cum id quod datur crimini, negat neq; ad se, neq; ad officium suum reus pertinuisse: nec, si quod in eo sit delictū, sibi attribui oportere. Id genus causa est huiusmodi: In eo fœdere, quod factum est quondam cum Samnitibus, quidam adolescens nobilis porcā sustinuit iussu imperatoris. Fœdere autem ab senatu improbato, & imperatore Samnitibus dedito, quidam in senatu eum quoq; dicit, qui porcā tenuerit, dedi oportere. Intentio est, Dedi oportet. Depulsio est, Non oportet. Quaestio est, Oporteatne. Ratio est, Non enim meum fuit officium, nec mea potestas: cum & id sta-

is, & priuatus essem, & esset summa cum auctoritate & potestate imperator, qui uideret ut satis honestum fœdus feriretur. Infirmatio est. Attamen quoniam tu particeps factus es in turpissimo fœdere summa religionis, dedi te conuenit. Iudicatio est, Cum is qui potestatis nihil habuerit iussu imperatoris in fœdere, et in tanta religione interfuerit, dedendusne sit hostibus, necne. Hoc genus causa à superiore hoc differt, quòd in illo concedit se reus oportuisse facere id, quòd fieri dicat accusator oportuisse, sed alicui rei aut homini causam attribuit, qua uoluntati sua fuerit impedimento, sine confessionis partibus. nam earum quedam maior uis est, quo paulò post intelligitur. In hoc autem non accusare alterum, nec culpam in alium transferre debet, sed demonstrare eam rem nec ad se, nec ad potestatem, neq; ad officium suum pertinuisse, aut pertinere. Atq; in hoc genere hoc accidit noui, quòd accusator quoque saepe ex remotione criminationem conficit. Ut si quis eum accuset, qui, cum prator esset, in expeditionem ad arma populum uocauit, cum consules adessent. Nam ut in superiore exemplo reus ab suo officio ac potestate factum dimonebat: sic in hoc ab eius officio ac potestate, qui accusatur, ipse accusator factum remouendo, hac ipsa ratione confirmat accusationem. In hac ab utroq; ex omnibus partibus honestatis, & omnibus utilis

utilitatis partibus, exemplis, signis, ratiocinando quid cuiusque officij, iuris potestatis sit, quari oportebit: & fueritne ei, quo de agitur, id iuris, officij, potestatis attributum, necne. Locos autem communes ex ipsa re, si quid indignationis ac conqueſtionis habebit, sumi oportebit. Concessio est, per quam non factum ipsum improbat, ab reo: sed ut ignoscatur, id petitur. Cuius partes sunt duae, purgatio, & deprecatio. Purgatio est, per quam eius qui accusatur, non factum ipsum, sed uoluntas defenditur. Ea habet partes tres, imprudentiam, casum necessitudinem. Imprudentia est, cum scisse aliquid is qui arguitur, negatur. Ut apud quosdam lex erat, ne quis Dianae uitulum immolaret. Nauta quidam, cum aduersa tempestate in alto iactarentur, uouerunt, si eo portu quem conspiciabant potiti essent, ei deo qui ibi esset, se uitulum immolatu- ros. Casu erat in eo portu sanum Diana eius, cui uitulum immolari non licebat. Imprudentes legis cum exissent, uitulum immolauerunt. Accusantur: Intentio est, Vitulum immolastis ei deo, cui non licebat. Depulsio est in concessione posita. Ratio est, Nesciui non licere. Infirmatio est, Tamen quoniam fecisti quod non licebat: ex lege supplicio dignus es. Indicatio est, Cum id fecerit quod non oportuerit: & id non oportere nescierit, sit ne supplicio dignus. Casus autem inferetur in

conce

concessionem, cum demonstrabitur aliqua fortuna uis uoluntati obstiisse, ut in hac: Cum Lacedemonijs lex esset, ut hostias, nisi ad sacrificium quoddam redemptor praeuisset, capitale esset: hostias is qui redemerat, cum sacrificij dies instaret, in urbem ex agro cepit agere: cum subito magnis commotus tempestatibus fluuius Eurotas, is qui propter Lacedemonem fluit, ita magnus, & uehemens factus est, ut eo traduci uictima nullo modo possent. Redemptor suae uoluntatis ostendenda causa hostias constituit omnes in litore, ut qui trans flumen essent, uidere possent. Cum omnes studio eius subitam fluminis magnitudinem scirent fuisse impedimento, tamen quidam capitis accersierunt. Intentio est, Hostiae, quas debuisse, ad sacrificium praesto non fuerunt. Depulsio est concessio. Ratio, Flumen enim subito accreuit, & ea re eraduci non potuerunt. Infirmatio est. Tamen quoniam quod lex iubet, factum non est, supplicio dignus es. Indicatio est, Cum in ea redemptor contra legem aliquid fecerit, qua in re studio eius subita fluminis obstitit magnitudo, supplicio dignus sit. Necessitudo autem inferitur: cum ui quadam reus id quod fecerit, fecisse defenditur, hoc modo: Lex est apud Rhodios, ut si qua rostrata in portu nauis deprehensa sit, publicetur. Cum magna in alto tempestas esset, uis uentorum inuisis nauibus Rhodiorum in portum nauim

navim coëgit. Quæstor navim populi vocat. Navis dominus negat publicari oportere. Intentio est, Rostrata navis in portu deprehensa est. Depulsio est concessio. Ratio, Vi & necessario sumus in portum coacti. Infirmatio est, Navim ex lege tamen, populi esse oportet. Indicatio est, Cum rostratam navim in portu deprehensam lex publicarit, cumq; hac navis inuitis navitis vi tempestatis in portum coniecta sit. oporteatne eam publicari. Horum trium generum idcirco unum in locum contulimus exempla, quod similis in ea præceptio argumentorum traditur. Nam in his omnibus primum, siquid res ipsa dabit facultatis, coniecturam ab accusatore induci oportebit, ut id quod voluntate factum negabitur, consilio factum suspitione aliqua demonstretur. Deinde inducere definitionem necessitudinis, aut casus, aut imprudentiæ: & exempla ad eam definitionem adiungere, in quibus imprudentia fuisse videatur, aut casus, aut necessitudo: & ab his id quod reus inferat, separare, id est ostendere dissimile, quod levius, facilius, non ignorabile, non fortuitum, non necessarium fuerit. Postea demonstrare, potuisse evitari, & hac ratione provideri potuisse si hoc, aut illud fecisset, aut nisi fecisset, præcaueri, & definitionibus ostendere non hanc imprudentiam, aut casum, aut necessitudinem, sed inertiam, negligentiam, fatuitatem nominari oportet

oportere. Ac si qua necessitudo turpitudinem
uidebitur habere, oportebit per locorum com-
muniū implicationem redarguentem demon-
strare, quibus perpeti, mori deniq; satius fuisse,
quā eiusmodi necessitudini obtemperare.
Atq; tum ex ijs locis, de quibus in negotiali
parte dictum est, iuris & aequitatis naturam
oportebit querere, & quasi in absoluta iuridi-
ciali per se hoc ipsum ab rebus omnibus sepa-
ratim considerare. Atq; hoc in loco, si facul-
tas erit, exemplis uti oportebit, quibus in simili
excusatione non sit ignotum: & contentione,
magis illis ignoscendum fuisse: & ex delibera-
tionis partibus, turpe, aut inuile esse concedi
eam rem, quæ ab aduersario commissæ sit: per-
magnum esse, & magno futurum detrimento,
si ea res ab ijs, qui potestatem habent indican-
di, neglecta sit. Defensor autem cōuersis omni-
bus his partibus poterit uti. Maxime autem in
uoluntate defendenda commorabitur, & in ea
re adaugenda, quæ uoluntati fuerit impedimen-
to, & se plus quā fecerit facere non potuisse:
& in omnibus rebus uoluntatem spectari opor-
tere, & se conuinci non posse, quod non absit à
culpa: & ex suo nomine communem hominum
infirmiorem posse damnari. Deinde nihil in-
dignius esse, quā cum qui culpa careat, suppli-
cio non carere. Loci autem communes accusa-
toris unus in confessione, & alter, quanta po-
testas.

testas peccandi relinquatur, si semel inflicturn
sit, ut non de facto, sed de facti causa queratur.
Defensoris autem, conquestio calamitatis eius,
qua non culpa, sed ui maiore quadam accide-
rit: & de fortuna potestate, & hominū infir-
mitate, & uti suum animum, nō euentum con-
siderent. In quibus omnibus conquestiōe sua-
rum arumnarum & crudelitatis aduersario-
rum indignationē inesse oportebit. Ac nemi-
nem mirari conueniet, si aut in ijs, aut in alijs
exemplis scripti quoq; controuersiam adiun-
ctam uidebit. Quo de genere post erit nobis se-
paratim dicendum, propterea quod quedam
genera causarum simpliciter, & ex sua ui con-
siderantur: quedam autem sibi aliud quoque
aliquod controuersie genus assumunt. Quare
omnibus cognitis, non erit difficile in unam-
quamq; causam transferre, quod ex eo quoque
genere conueniet: ut in his exemplis concessio-
nis inest omnibus scripti controuersia ea, que
ex scripto & sententia nominatur. Sed quia
de concessione loquebamur, in eam precepta
dedimus, alio autem loco de scripto, & senten-
tia dicemus, nunc in alteram concessionis par-
tem considerationem intendemus. Deprecati-
o est, in qua non defensio facti, sed ignoscendi
postulatio continetur. Hoc genus nix in iudi-
cio probari potest: ideo quod confessio peccato,
difficile est ab eo, qui peccatorum uindex esse
n debet

debet, ut ignoscat impetrare. Quare parte eius generis, cum causam non in eo constitueris, ut licebit. Et si pro aliquo clero aut foris uiro, cuius in Comp. multa sint beneficia, dixeris, possis, cum uidearis non uti deprecatione, uti tamen ad hunc modum: Quòd si, Iudices, hic pro suis beneficijs, pro suo studio, quod in uos habuit semper, tali suo tempore multorum suorum re-cte factorum causa uni delicto ut ignoscereis postularet: tamen dignum uestra mansuetudine, dignum uirtute huius esset, Iudices, à uobis hanc rem hoc postulante impetrari. Deinde augere beneficia licebit, & iudices per locum communem ad ignoscendi uoluntatem ducere. Quare hoc genus, quanquam in iudicijs non uersatur, nisi quadam ex parte, tamen quia & pars ipsa inducenda nonnunquam est, & in Senatu, aut concilio saepe omni in genere tractanda: in id quoq; precepta ponemus. Nam in Senatu, et in concilio de Siphace diu deliberatum est: & de Q. Numitorio Pullo, apud L. Opimium, et eius concilium diu dictum est: & magis in hoc quidem ignoscendi, quam cognoscendi postulatio ualuit. Nam semper animo bono se in populum Romanum fuisse non tam facile probabat, cum coniecturali constitutione uteretur, quam ut propter posterius beneficium sibi ignosceretur, cum deprecationis parteis adiungeret. Oportebit eum igitur, qui sibi ut ignoscatur, postulabit.

bit, commemorare, si qua sua poterit beneficia: & si poterit, ostendere ea maiora esse, quam hæc quæ deliquit, ut plus ab eo boni, quam mali profectum esse uideatur. Deinde maiorum suorum beneficia, si qua extabunt, proferre. Deinde ostendere non odio, neq; crudelitate fecisse quod fecerit, sed aut stultitia, aut impulsu alicuius, aut aliqua honesta aut probabili causa. Postea polliceri, & confirmare, se & hoc peccato doctum, & beneficio eorum, qui sibi ignouerint, confirmatum, omni tempore à tali ratione abfuturum. Deinde spem ostendere aliquo se in loco, magno us qui sibi concesserint, usui futurum. Postea si facilius erit, se aut consanguineum, aut iam à maioribus in primis amicum esse demonstrabit, & amplitudinem suæ uoluntatis, & nobilitatē generis eorum qui se saluum uelint, & dignitatem ostendere, & cetera ea quæ personis ad honestatem & amplitudinem sunt attributa, cum conqueſtione, sine arrogancia in se esse demonstrabit, ut honore potius aliquo, quam ullo supplicio dignus esse uideatur. Deinde ceteras proferre, quibus maiora delicta concessa sunt. Ac multū proficiet, si se misericordē in potestate, et propensum ad ignoscendum fuisse ostendet. Atq; ipsum illud peccatum erit extenuandum, ut quæ minimum obfuisse uideatur, & aut turpe, aut inutile demonstrandum tali de homine suppli-

cium sumere. Deinde locis communibus misericordiam captare oportebit ex ijs preceptis, quæ in primo libro sunt exposita. Adversarius autem malefacta augebit, nihil imprudenter, sed omnia ex crudelitate, & malitia facta dicet. Ipsum immisericordem, superbum fuisse: & si poterit, ostendet semper inimicum fuisse, & amicū fieri nullo modo posse. Si beneficia proferet, aut aliqua de causa facta, non propter benevolentiam demonstrabit, aut postea odium esse acre susceptum, aut illa omnia maleficijs esse deleta, aut leniora beneficia quàm maleficia, aut cum beneficijs honos habitus sit, pro maleficio poenam sumi oportere. Deinde turpe esse, aut inutile ignosci. Deinde de quo ut potestus esset, saepe optarint, in eum potestate non uti, summam esse stultitiam: & cogitare oportere quem animum in eum, uel quale odium habuerint. Locus autem communis erit indignatio maleficij, & alter eorum misereri oportere, qui propter fortunam, non propter malitiam in miserijs sint. Quoniam igitur in generali constitutione tandiu propter eius partium multitudinem commoramur, ne fortè uarietate & dissimilitudine rerum deductus alicuius animus in quendam errorem deferatur, quid etiam nobis ex eo genere restet, & quare restet admonendum uidetur. Iuridicalem causam esse dicebamus, in qua aequi & iniqui natura,

tura, præmij aut pœna ratio quaeretur. Eas causas, in quibus de æquo & iniquo quaeritur, exposuimus: nunc restat ut de præmio, & de pœna explicemus. Sunt enim multe causæ, quæ ex præmij alicuius petitione constant. nam & apud iudices de præmio sæpe accusatorum quaeritur: & à senatu, aut concilio aliquod præmium sæpe petitur. Ac neminem conueniet arbitrari nos, cum aliquod exemplum ponamus, quod in senatu agatur, ab iudiciali genere exemplorum recedere. Quicquid enim de homine probando, aut improbando dicitur, cum ad eam dictionum sententiarum quoque ratio accommodetur, id non, si per sententia dictionem agitur, deliberatiuum est: sed quia de homine statuitur, iudiciale est habendum. Omni- no autem qui diligenter omnium causarum uisus & naturam cognouerit, cum genere primo, tum etiam forma eas intelliget dissidere. Cateris autem partibus aptas inter se omnes, & aliam in aliam implicatam uidebit. Nunc de præmijs consideremus. L. Licinius Crassus consul quosdam in citriore Gallia nullo illustri, neq; certo duce, neq; eo nomine, neq; numero præditos, ut digni essent qui hostes Romani P. esse dicerentur: quod tamen excursionibus, & latrocinijs infestam prouinciam redderent, confectatus est, & confecit. Romam redijt, triumphum ab senatu postulat. Hic ut & in

deprecatione nihil ad nos attinet, rationibus
 & infirmationibus rationum supponendis ad
 iudicationem pervenire: propterea quod nisi
 alia quoque incidet constitutio, aut pars consti-
 tutionis, simplex erit indicatio, & in questione
 ipsa cominebitur. In deprecatione, huiusmodi,
 Oporteatne pena affici. In hac, huiusmodi,
 Oporteatne premium dari. Nunc ad premij
 questionem appositos locos exponemus. Ratio
 igitur premij quatuor est in parteis distributa:
 in beneficia, in hominem, in premij genus, in
 facultates. Beneficia ex sua vi, ex tempore ex
 animo eius qui fecerit, ex casu considerantur.
 Ex sua vi, quarentur hoc modo: Magna an
 parva, facilia an difficilia, singularia sint an
 vulgaria, vera an falsa quadam ex oratione ho-
 nestentur. Ex tempore autem, si tum cum in-
 digereamus, cum ceteri non possent, aut nollent
 opitulari, si tum cum spes desisset, opiculatus
 sit. Ex animo, si non sui commodi causa, sed eo
 consilio fecit omnia, ut hoc consistere posset. Ex
 casu, si non fortuna, sed industria factum vide-
 bitur, aut si industria fortuna obstitisset. In ho-
 minem autem, quibus rationibus uixerit, quid
 sumptus in eam rem, aut laboris insumpserit, et
 siquid aliquando tale fecerit, num alicui laboris,
 aut deorum bonitatis premium sibi postulet:
 num aliquando ipse talem ob causam aliquem
 premio affici negarit oportere: aut nū iam sa-

is, pro eo quod fecerit, honos habitus sit: aut nō
 necesse fuerit ei facere id quod fecerit: aut num
 huiusmodi sit factum, ut nisi fecisset, supplicio
 dignus esset, non quia fecerit, premio: aut num
 ante tempus premium petat. Et spem incertam
 certo uendit pretio: aut num quo supplicium
 aliquod uitet, eo premium postulet, uti de se
 preiudicium factum esse uideatur. In premij au-
 tem genere, quid & quantum, & quamobrem
 postuletur, & quo & quanto queque res pre-
 mio digna sit, considerabitur. Deinde apud ma-
 iores, quibus hominibus, & quibus de causis
 talis honos sit habitus, queretur. Deinde ne is
 honos nimium peruagetur. Atq; hic eius, qui
 contra aliquem premium postulantiem dicet,
 locus erit communis, premia uirtutis & officij
 sancta & casta esse oportere: neq; ea aut cum
 improbis communicari, aut in mediocribus ho-
 minibus peruiuari. Et alter, minus homines
 uirtutis cupidos fore uirtutis premio peruiuga-
 to. Que enim rara & ardua sint, ea ex premio
 pulchra & iucunda hominibus uideri. Et ter-
 tius, si existant qui apud maiores nostros ob egre-
 giam uirtutem tali honore dignati sunt, non ne
 de sua gloria cum pari premio tales homines af-
 fici uideant, deliberari putent? & eorum enume-
 ratio, & cū eis quos cōtra dicat, cōparatio. Eius
 autem qui premium petet, facti sui amplificatio
 & eorū qui premio affecti sunt, cum suis factis

contentio. Deinde ceteros à uirtutis studio repulsum iri, si ipse pramio non sit affectus. Facultates autem considerantur, cum aliquod pecuniarium pramium postulatur, in quo uirum copiane sit agri, uel ligalium, pecunie, an penuria consideratur. Loci communes, facultates augere, non minuere oportere: & impudentem esse, qui pro beneficio non gratiam, uerum mercedem postulet; contra autem de pecunia rationari sordidum esse, cum de gratia referenda deliberetur: & se non pretium pro facto, sed honorem ita ut factitatum sit, pro beneficio postulare. Ac de constitutionibus quidem satis dictum est: nunc de ijs controuersijs, qua in scripto uersantur dicendum uidetur.

IN SCRIPTO uersatur controuersia, cum ex descriptionis ratione aliquid dubij nascitur. Id fit ex ambiguo, ex scripto & sententia, ex contrarijs legibus, ex ratiocinatione, ex definitione. Ex ambiguo autem nascitur controuersia, cum quid senserit scriptor, obscurum est, quod scriptum duas plures uel res significat, ad hunc modum: Paterfamilias, cum filium heredem faceret, uasorum argenteorum centum pondo uxori sua sic legauit: Haeres meus uxori meae uasorum argenteorum pondo centum, qua uolet, dato. Post mortem eius uasa magnifica, & pretiose calata petit à filio mater: ille se qua ipse uellet, debere dici. Primum si fieri poterit, demonstrat

demonstrandum est non esse ambiguum scriptum, propterea quod omnes in consuetudine sermonis sic, uti solent eo uerbo uno, pluribus uel in ea sententia, in qua is qui dicet, accipiendum esse demonstrabit. Deinde ex superiore, & ex inferiore scriptura docendum id quod queratur, fieri perspicuum. Quare si ipsa separatim ex se uerba considerentur, omnia, aut pleraque ambigua uisum iri: qua autem ex omni considerata scriptura perspicua fiant, haec ambigua non oportere existimari. Deinde qua in sententia scriptor fuerit, ex ceteris eius scriptis, ex factis, ex dictis, animo, atque uita eius sumi oportebit: & eam ipsam scripturam, in qua inerit illud ambiguum, de quo queritur, totam omnibus ex partibus pertentare, si quid aut ad id appositum sit, quod nos interpretemur, aut ei, quod aduersarius intelligat, aduersetur. Nam facile, quid uerisimile sit eum uoluisse, qui scripsit, ex omni scriptura, & ex persona scriptoris, atque his rebus quae personis attributae sunt, considerabitur. Deinde erit demonstrandum, si quid ex ipsa re dabitur facultatis, id quod aduersarius intelligat, multo minus commode fieri posse, quam id quod nos accipimus, quod illius rei neque administratio, neque exitus ullus erit: nos quod dicamus, facile & commode transigi posse, ut in hac lege: (nihil enim prohibet fictam legem exempli loco ponere, quo facilius res in-

tellig

uestigatur.) Meretrix coronam auream ne ha-
 beto : si habuerit, publica esto: contra eum qui
 meretricem publicari dicat ex lege oportere,
 posse dici, neq; administrationem esse ullam pu-
 blica meretricis, neq; exitum legis in meretrice
 publicanda: at in auro publicando & admini-
 strationem, & exitum facilem esse, & incommo-
 di nihil inesse. Ac diligenter illud quoq; atten-
 dere oportebit, num illo probato quod aduer-
 sarius intelligat, utilior res, aut honestior, aut
 magis necessaria, a scriptore neglecta uideat-
 ur. Id fiet, si id quod nos demonstrabimus, ho-
 nestum, aut utile, aut necessarium demonstrabi-
 mus: & si id quod ab aduersarijs dicitur, mini-
 me eiusmodi dicemus esse. Deinde si in lege erit
 ex ambiguo controuersia, dare operam oportebit,
 ut de eo quod aduersarius intelligat, alia in
 lege cautum esse doceatur. Per multum autem
 proficiet illud demonstrare quemadmodum scri-
 psisset, si id quod aduersarius accipiat, fieri aut
 intelligi uoluisset: ut in hac causa, in qua de
 xasis argenteis queritur, possit mulier dicere,
 nihil attinuisse adscribi, qua uolet, si heredis
 uoluntari permittet. Eo enim non adscripto
 nihil inesse dubitationis, quin, heres qua ipse
 uellet, darci. Amentia igitur fuisse, cum ha-
 redi uellet cauere, id ascribere, quo non ad-
 scripto nihilominus heredi cauere. Quare hoc
 genere magnopere talibus in causis uti oportebit:

rebit: si hoc modo scripisset, isto uerbo usus non
 esset, non isto loco uerbum istud collocasset. Nam
 ex his sententia scriptoris maxime perspicitur.
 Deinde quo tempore scriptum sit, querendum
 est, ut, quod cum uoluisset in eiusmodi tempore
 uerisimile sit, intelligatur. Post ex deliberatio-
 nis partibus, quid utilius, & quid honestius,
 & illi ad scribendum, & his ad comprobandum
 sit, demonstrandum: & ex his siquid amplifica-
 tionis dabitur, communibus utrunque locis uti
 oportebit. Ex scripto & sententia controuer-
 sia consistit, cum alter uerbis ipsis quæ scripta
 sunt, utitur: alter ad id quod scriptorem sensisse
 dicet, omnem adiungit dictionem. Scriptoris
 autem sententia ab eo qui sententia se defendet,
 tum semper ad idem spectare, & idem uelle
 demonstrabitur: tum aut ex facto, aut ex euen-
 tu aliquo ad tempus id quod instituit, accom-
 modatur. Semper ad idem spectare, hoc modo:
 Paterfamilias cum liberorum nihil haberet,
 uxorem autem haberet, in testamento ita scri-
 psit: Si mihi filius genitus fuerit unus, plu-
 res uero, is mihi heres esto. Deinde quæ assolent.
 Postea, Si filius ante moritur, quam in tute-
 lam suam uenerit, tu mihi (dicebat) secundus
 heres esto. Filius non est natus. ambigunt agna-
 ti cum eo qui est secundus heres, si filius ante,
 quam in tutelam ueniat, mortuus sit. In hoc ge-
 nere non potest hoc dici ad tempus, aut ad euen-
 tum

tum aliquem sententiam scriptoris oportere accommodari: propterea quod de ea sola demonstratur, qua fretus ille, qui contra scriptum dices suam esse hereditatem defendit. Alium autem genus est eorum qui sententiam inducunt, in quo non simplex uoluntas scriptoris ostenditur, qua in omne tempus, & in omne factum idem ualeat: sed ex quodam facto, aut euentu ad tempus interpretanda dicitur. Ea partibus iuridicalis assumptiua maxime sustinetur. Nam tum inducitur comparatio, ut in eum qui, cum lex aperiri portas noctu uctaret, aperuit quodam in bello, & auxilia quadam in oppidum recepit, ne ab hostibus opprimeretur, si foris essent, quod prope muros castra hostes haberet. Tum relatio criminis, ut in eo qui, cum communis lex omnium hominem occidere uctaret, tribunum milium suum qui uim sibi inferre conabatur, occidit. Tum remotio criminis, ut in eo qui, cum lex quibus diebus in legationem proficisceretur praestituerat, quia sumptum non dedit. Quaestor, profectus non est. Tum concessio per purgationem & per imprudentiam, ut in uituli immolatione: & per uim, ut in naui rostrata: & per casum, ut in Euroia fluminis magnitudine. Quare aut ita sententia inducitur, ut unum quoddam uoluisse scriptor demonstretur: aut sic, ut in eiusmodi re & tempore hoc uoluisse doceatur. Ergo is, qui scriptum defendit

scendit, his locis plerunq; omnibus, maiore autem parte semper poterit uti. Primum scriptoris collaudatione, & loco communi: nihil eos qui iudicent, nisi id quod scriptum sit, spectare oportere: & hoc eo magis, si legitimum scriptum proferetur, id est, aut lex ipsa, aut ex lege aliquid. Postea, quod uehementissimum est, facti aut intentionis aduersariorum cum ipso scripto contentione, quid scriptum sit, quid factum, quid iuratus iudex: quem locum multis modis uariare oportebit, tum ipsum secum admirantem quidnam contra dici possit: tum ad Iudicis officium reuertentem, & ab eo querentem, quid praeterea audire, aut expectare debeat: tum ipsum aduersarium, quasi intentantis loco producendo, hoc interrogando utrum scriptum neget esse eo modo, an ab se contra factum esse, aut contra contendi neget, utrum negare ausus sit se dicere defuturum. Si neutrum neget, & contra tamen dicat nihil esse quo hominem impudentiorem quisquam se uisurum arbitretur: in hoc ita commorari conueniet, quasi nihil praeterea dicendum sit, & quasi contra dici nihil possit, saepe id quod scriptum est, recitando, saepe cum scripto factum aduersarij configendo, atque interdum acriter ad iudicem ipsum reuertendo.

Quo in loco iudici demonstrandum est, quid iuratus sit, quid sequi debeat: duabus de causis iudicem dubitare oportere, si aut scriptum
sit

sit obscure, aut neget aliquid aduersarius. cum
 & scriptum sit aperte, & aduersarius omnia
 confiscatur: tum iudicem legi parere, non in-
 terpretari legem oportere. Hoc loco confirma-
 tio, tum diluere ea quæ contrā dici poterant;
 oportebit. Contrā autem dicetur, si aut prorsus
 aliud sensisse scriptor, & scripsisse aliud de-
 monstrabatur, ut in illa de testamento, quam
 posuimus, controuersia, aut causa assumptiue
 inferretur, quamobrem scripto non potuerit;
 aut non oportuerit obtemperari. Si aliud sen-
 sisse scriptor, aliud scripsisse dicetur is qui scri-
 pto utitur, hoc dicet, non oportere de eius vo-
 luntate nos argumentari, qui ne id facere pos-
 semus, indicium nobis reliquerit sua voluntas:
 multa incommoda consequi, si instituat ut
 à scripto recedatur. Nam & eos qui aliquid
 scribant, non existimaturos id quod scripserint,
 ratum futurum: & eos qui iudicent, certū quid
 sequantur, nihil habituros, si semel à scripto re-
 cedere consueverint. Quod si voluntas scripto-
 ris conseruanda sit, se, non aduersarios à volun-
 tate eius stare. Nam multo propius accedere
 ad scriptoris voluntatem cum qui ex ipsius eam
 literis interpretetur, quam illum qui sententiam
 scriptoris non ex ipsius scripto spectet, quod ille
 sue voluntatis, quasi imaginem reliquerit, sed
 domesticis suspicionibus perscrutetur. Sin cau-
 sam afferet is, qui à sententia stabit, primum eris
 contrad

Contradicendum; quàm absurdum non negare
contra legem fecisse, sed quare fecerit, causam
aliquam inuenire. Deinde conuersa omnia esse,
antè solitos esse accusatores iudicibus persua-
dere affinem esse alicuius culpe eum qui ac-
cusaretur, causam proferre quæ eum ad pec-
candum impulisset: nunc ipsum reum causam
afferre quare deliquerit. Deinde hanc inducere
partitionem, cuius in singulas partes multæ con-
uenient argumentationes. Primum nulla in lege
ullam causam contra scriptum accipi conue-
nire. Deinde si in cæteris legibus conueniat, hanc
esse eiusmodi legem, ut in ea non oporteat. Po-
stremo si in hac quoq; lege oporteat, hanc qui-
dem causam accipi minime oportere. Prima
pars his ferè locis confirmabitur. scriptori neq;
ingenium, neq; operam, neq; ullam facultatem
defuisse quo minus posset aperte perscribere id
quod cogitaret: non fuisse ei graue, nec difficile
eam causam excipere, quàm aduersarij profe-
rant, si quicquam excipendum putasset, con-
sueuisse eos qui leges scribant, exceptionibus
uti. Deinde oportet recitare leges cum exceptio-
nibus scriptas, & maxime uidere, si qua in ea
ipsa lege qua de agitur, sit exceptio aliquo in
capite, aut apud eundem legis scriptorem, quo
magis probetur eum fuisse excepturum, siquid
excipendum putaret, & ostendere causam acci-
pere, nihil aliud esse, nisi legem tollere, ideo quòd

cum

cum semel causa consideretur, nihil attineat eam ex lege considerare, quippe qua in lege scripta non sit. Quod si sit institutum, omnibus causam dari, & potestatem peccandi, cum intellexerint uos ex ingenio eius, qui contra legem fecerit, non ex lege, in quam iurati suis, rem iudicare. Deinde & ipsis iudicibus iudicandi, & ceteris ciuibus uiuendi rationes perturbatum iri, si semel à legibus recessum sit. Nam & Indices neque quid sequantur habituros, si ab eo quod scriptum sit, recedant: neq; quo pacto alijs improbare possint, quòd contra legem iudicarent: & ceteros ciues, quid agant ignoraturos, si ex suo quisque consilio, & ex ea ratione que in mentem aut in libidinem uenerit, non ex communi praescripto ciuitatis unamquamq; rem administrabit. Postea querere à iudicibus ipsis, quare in alienis detineantur negotijs, cur Reipublica munere impediuntur, cum sapius suis rebus: & commodis seruire possint: cur in certa uerba iurent, cur certo tempore conueniant, certo discedant. Nihil quisquam afferat causa quo minus frequenter operam Reipub. det, nisi qua causa ex lege excepta sit: an se legibus obstrictos in tantis molestijs esse equum censeant: aduersarios nostros leges negligere concedant. Deinde item querere ab iudicibus, si eius rei causam, propter quam se reus contra legem fecisse dicat, exceptionem ipse in lege adscribat.

bat, passurine sint. Postea hoc quod faciat, indignius, & impudentius esse, quam si adscribat. Age porro, quid si ipsi uelint Iudices adscribere, passurusne sit populus? atq; hoc esse indignius, quam rem uerbo, & licetis mutare non possint, eam re ipsa, & iudicio maxime commutare. Deinde indignum esse, de lege aliquid derogari, aut legē abrogari, aut aliqua ex parte commutari: cum populo cognoscendi & probandi, aut improbandi potestas nulla fiat, hoc ipsis iudicibus inuidiosissimum futurum. Non hunc locum esse, neq; hoc tempus legum corrigendarum, apud populum hoc, & per populum agi conuenire. Quod si nunc id agant, uelle se scire qui lator sit, qui sint accepturi: se actiones uidere, & dissuadere uelle. Quod si hæc cum summe inutilia, tum multo turpissima sunt, legem cuiusmodi sit in presentia conseruari à iudicibus, post si displiceat à populo corrigi conuenire. Deinde si scriptum non extaret, magnopere quaereremus: neq; isti, ne si extra periculū quidem esset, crederemus. Nunc cum scriptū sit, amentiam esse eius qui peccarie potius, quam legis ipsius uerba cognoscere. His & huiusmodi rationibus ostenditur, causam extra scriptum accipi non oportere. Secunda pars est, in qua est ostendendum, si in ceteris legibus oporteat, in hac non oportere. Hoc demonstrabitur, si lex aut ad res maximas, utilissimas, honestissimas.

religiosissimas uidebitur pertinere : aut inutile,
aut turpe, aut nefas esse tali in re non diligētis-
sime legi obtemperare: aut ita lex diligenter per-
scripta demonstrabitur, ita tantum unaquaq;
de re, & ita quod oportuerit exceptū, ut mini-
me conueniat quicquā in tam diligenti scriptu-
ra præteritum arbitrari. Tertius locus est ei, qui
pro scripto dicit, maxime necessarius, per quem
ostēdat oportet, si eo ueniat, causam contra scri-
ptum accipi: eam tamen minime oportere, quæ
ab aduersarijs afferatur: qui locus idcirco est
huic necessarius, quod semper is, qui contra scri-
ptum dicit, æquitatis aliquid afferat oportet.
Nam summa impudentia est, eum qui contra
quod scriptum sit, aliquid probare uelit, non
æquitatis præsidio id facere conari. Siquid igitur
ex hac ipsa quippiam accusator deroget,
omnibus partibus iustius, & probabilius accu-
sare uideatur. Nam superior oratio hoc omnis
faciebat, uti iudices etiā si nollent, necesse esset:
hec autem etiam si necesse non esset, ut uellent,
contrā iudicare. Id autem fiet, si quibus ex locis
culpa demonstrabitur, non esse in eo, qui cōpa-
ratione, aut remotione, aut relatione criminis,
aut concessionis partibus se defendit: de quibus
antē, ut posuimus diligenter perscripsimus. De
his locis, quæ res postulabit, ad causam aduer-
sariorum improbadam transferemus: aut causæ
& rationes afferentur, quare, & quo consilio
ita

ita sit in lege aut in testamento scriptum, ne sententia quoque & uoluntate scriptoris, non ipsa solum scriptura causa confirmatum esse uideatur: aut alijs quoque constitutionibus factum coarguetur. Contra scriptum autem qui dicet, primum cum inducet locum, per quem æquitas causæ demonstretur: aut ostendet quo animo, quo consilio, qua de causa fecerit: & quācūq; causam assumet, assumptionis partibus se defendet, de quibus antè dictū est. Atq; hoc in loco cum diutius commemoratus sui facti rationem & æquitatem causæ exornauerit: tum ex his locis ferè contra aduersarios dicet, oportere causas accipi: demonstrabit nullā esse legē, quæ aliquam rem inutilem, aut iniquam fieri uelit: omnia supplicia, quæ à legibus proficiantur, culpa ac malitiæ uindicandæ causa constituta esse: scriptorem ipsum, si existat, factum hoc probaturum: & idem ipsum, si ei talis res accidisset, facturū fuisse: & ea re legis scriptorē certo ex ordine iudices, certa etate præditos constituisse, ut essent, non qui scriptum suum recitarent, quod quiuis puer facere posset, sed qui cogitationem assequi possent, & uoluntatem interpretari. Deinde illum scriptorem, si scripta sua stultis hominibus, & barbaris iudicibus committeret, omnia summa diligentia perscripturnum fuisse: nunc uero quòd intelligeret quales uiri iudicaturi essent, idcirco eum quæ

perspicua uideret esse, nō adscripsisse: neq; enim uos scripti sui recitatores, sed uoluntatis interpretes fore putauit. Postea querere ab aduersarijs, Quid si hoc fecissem? quid si hoc accidisset? eorum aliquid, in quibus aut causa sit honestissima, aut necessitudo certissima, tūmne accusaretis? Atqui hoc lex nusquā excepit. Nō ergo omnia scriptis, sed quedam quæ perspicua sunt, tacitis exceptionibus caueri. Deinde nullā rem neq; legibus, neq; scriptura ulla: deniq; ne in sermone quidem quotidiano, atq; imperijs domesticis recte posse administrari, si unusquisq; uelit uerba spectare, & non ad uoluntatem eius qui uerba habuerit, accedere. Deinde ex utilitatis & honestatis partibus ostendere, quā inutile, aut quā turpe sit id quod aduersarij dicant fieri oportuisse, aut oportere: & id quod nos fecerimus, aut postulemus, quā utile, aut quā honestum sit. Deinde leges nobis caras esse non propter literas, quæ tenues & obscuræ notæ sint uoluntatis: sed propter earum rerum, quibus descriptum est, utilitatem, & eorum qui scripserint, sapientiam & diligentiam. Postea quid sit lex, describere, ut ea uideatur in sententijs, non in uerbis consistere: & index is uideatur legi obtemperare, qui sententiam eius, non qui scripturam sequatur. Deinde quā indignum sit eodem affici supplicia cum qui propter aliquod scelus & audaciam contra le-

gem fecerit, & cum qui honesta, aut necessaria de causa, non ab sententia, sed ab literis legis recesserit: atq; his & huiusmodi rationibus & accipi causam, & in hac lege accipi, & eam causam quam ipse afferat, oportere accipi demonstrabit. Et quemadmodum ei dicebamus, qui à scripto diccret, hoc fore utilissimum, siquid de equitate ea, quæ cū adversario staret, derogasset: sic huic qui contra scriptum dicet, plurimum proderit ex ipsa scriptura aliquid ad suam causam conuertere, aut ambigue aliquid scriptum ostendere. Deinde ex illo ambiguo eam partem, quæ sibi prosit, defendere: aut uerbi definitionem inducere, & illius uerbi uim, quo urgeri uideatur, ad suæ causæ commodum traducere: aut ex scripto, non scriptū aliquid inducere per ratiocinationem, de qua post dicemus. Quæcumq; autem in re quamuis leniter probabili scripto ipso se defenderit, etiam cum equitate causa abundabit, necessario multum proficiet, ideo quòd si id, quo nititur aduersariorum causa, subduxerit, omnem illam eius uim & acrimoniam lenierit ac diluerit. Loci autem communes certis ex assumptionis partibus in utranque partem conuenient. Præterea eius qui à scripto dicet, leges ex se, non ex eius qui contra commiserit, utilitate spectari oportere, & legibus antiquius habere nihil oportere. Contra scriptū, leges in consilio scriptoris &

utilitate cōmuni, non in uerbis consistere: Quāta
indignum sit aequitatem literis urgeri, quā uo-
luntate eius qui scripserit, defendatur. Ex con-
trarijs autem legibus cōtrouersia nascitur, cum
inter se duæ uidentur leges, aut plures discrepa-
re, hoc modo: Lex, Qui tyrannum occiderit,
olympionicarū præmiū capito. Et quā uolee
sibi rem à magistratu deposcito, Et magistra-
tus ei concedito. Et altera lex, Tyranno occiso
quinque eius proximos cognatione magistratus
necato. Alexādrū qui apud Phæreos in The-
salia tyrannidem occuparat, uxor sua, cui The-
be nomen fuit, noctu, cum simul cubaret, occidit.
Hæc filium suū quem ex tyranno habebat, sibi
præmiū loco deposcit. Sunt qui ex lege puerum
occidi dicant oportere. Res in iudicio est. In hoc
genere utraq; in partem ydem loci, atq; eadem
præcepta conuenient, ideo quod uterq; suam le-
gem confirmare, contrariam infirmare debet.
Primum igitur leges oportet contendere, consi-
derando utra lex ad maiores, hoc est ad utilio-
res, ad honestiores ac magis necessarias res per-
tineat. Ex quo conficitur, ut si leges duæ aut si
plures, aut quotquot erūt, cōseruari non possint,
quia discrepent inter se: ea maxime cōseruanda
putetur quæ ad maximas res pertinere uidea-
tur. Deinde utra lex posterius lata sit, nam po-
strema quæque grauissima est. Deinde utra lex
iubeat aliquid, utra permittat, nam id quod
imp

imperatur, necessarium: illud quod permittitur, voluntarium est. Deinde in iura lege, si non obtemperatū sit, poena afficiatur, aut in iura maior poena statuatur. Nam maxime conseruanda est ea quae diligentissima & sancta est. Deinde iura lex iubeat, iura uetet. nam saepe ea quae uetat quasi exceptione quadam corrigere uidetur illam quae iubet. Deinde iura lex de genere omni, iura de parte quadam, iura communiter in plures, iura in aliquam certam rem scripta uideatur. nam quae in partem aliquam & quae in certam quandam rem scripta est, promptius ad causam accedere uidetur, & ad iudiciū magis pertinere. Deinde ex lege utrum statim fieri necesse sit, utrū habeat aliquam moram, & sustentationem. nam id quod statim faciendum sit, perfici prius oportet. deinde operam dare ut sua lex ipso scripto uideatur nisi. Contraria autem, aut per ambiguum, aut per ratiocinationem, aut per definitionē induci, quo sanctius & firmitus id uideatur esse, quod aperius descriptum sit. Deinde suae legis ad scriptum ipsam sententiam quoque adiungere: contrariam legem item ad aliam sententiam traducere, ut si fieri poterit, ne discrepare quidem uideantur inter se. Postremo facere, si causa dabit facultatem, ut nostra ratione utraq; lex conseruari uideatur, & aduersariorum ratione altera sit necessario negligenda. Locos autem communes,

Et quos ipsa causa det, uidere oportebit, Et ex utilitatis Et honestatis amplissimis partibus sumere, demonstrantem per amplificationem ad utram potius legem accedere oporteat. Ex ratiocinatione nascitur controuersia, cum ex eo quod uspiam est, ad id quod nusquam scriptum est, peruenitur, hoc pacto: Lex, Si furiosus est, agnatum gentiliumq; in eo pecuniaq; eius potestus esto. Et lex, Paterfamilias uti super familia pecuniaq; sua legauerit, ita ius esto. Et Lex, Si paterfamilias intestato moritur, familia, pecuniaq; eius agnatum, gentiliumq; esto. Quidam iudicatus est parentem occidisse, Et statim, quod effugiendi potestas non fuit, lignee soleae in pedes inductae sunt. Os autem obuolutum est folliculo, Et praeligatum: deinde est in carcerem deductus, ut ibi esset tansisper, dum culcus in quem coniectus in profluentem deferretur, compararetur. Interea quidam eius familiares in carcerem tabulas afferunt, Et testes adducunt. Heredes quos ipse iubet, scribunt, tabulae obsignantur. De illo post supplicium sumitur. Inter eos qui heredes in tabulis scripti sunt, Et inter agnatos de hereditate controuersia est. Hic certa lex, quae testamenti faciendi ijs qui in eo loco sint, adimat potestatem, nulla profertur. Ex ceteris legibus, Et quae hunc ipsum supplicio huiusmodi afficiunt, Et quae ad testamenti faciendi potestatem pertinent,

nent, per ratiocinationem ueniendum est ad eiusmodi rationem, ut queratur habueritne testamenti facienda potestatem. Locos autem in hoc genere argumentandi hos, & huiusmodi quosdam esse arbitramur. Primum eius scripti quod proferas, laudationem & confirmationem. Deinde eius rei qua de queratur, cum eo de quo constat, collationem eiusmodi, ut id de quo queritur, rei de qua constat, simile esse uideatur. Postea admirationem percunctatione, qui fieri possit ut qui hoc equum esse concedat, illud neget, quod aut equius, aut eodem sit in genere. Deinde idcirco de hac re nihil esse scriptum: quod, cum de illa esset scriptum, de hac re is qui scribebat, dubitaturum neminem arbitratus sit. Postea multis in legibus multa esse praterita, qua idcirco praterita nemo arbitretur, quod ex ceteris, de quibus scriptum sit, intelligi possint. Deinde equitas rei demonstranda est, ut in iuridicali absoluta. Contra autem qui dicet, similitudinem infirmare debet: quod faciet, si demonstrabit illud quod conferatur, ab eo cui conferatur, diuersum esse genere, natura, ui, magnitudine, tempore, loco, persona, opinione: si quo in numero illud quod per similitudinem afferitur, & quo in loco illud cuius causa afferretur, haberi conueniat, ostendetur. Deinde quid res cum re differat, demonstrabitur, ut non idem uideatur de utraq;

existimari oportere. Ac si ipse quoque poterit
ratiocinationibus uti, iisdem rationibus,
quibus ante predictum est, utetur: si non poterit,
negabit oportere quicquam, nisi quod scriptum
sit, considerare: periclitari omnia iura, si simi-
litudines accipiantur: nisi esse quod non alteri
simile esse uideatur: multis dissimilibus rebus
in unamquamque rem tantum singulas esse leges:
omnia posse inter se uel similia, uel dissimilia
demonstrari. Loci communes à rationatione,
oportere coniectura ex eo quod scriptum sit, ad
id quod non sit scriptum peruenire: & neminem
posse omnes res per scripturam amplecti, sed
eum commodissime scribere, qui curet ut que-
dam ex quibusdam intelligantur. Contra ra-
tionationem, huiusmodi coniecturam diuina-
tionem esse, & stulti scriptoris esse non posse o-
mnibus de rebus cauere quibus uelit. Definitio
est, cum in scripto uerbum aliquod est positum,
cuius de re queritur, hoc modo: Lex, Qui in ad-
uersa tempestate nauim reliquerint, omnia
amittunt: eorum nauis & onera sunt, qui
in naui remanserint. Duo quidam, cum iam
in alio nauigarent, & eorum alterius nauis,
alterius onus esset, naufragum quendam na-
uantem, & manus ad se tendentem animad-
uerterunt: misericordia commoti, nauim ad
eum applicauerunt, hominem ad se sustulerunt.
Postea aliquanto ipsos quoque tempestas uehe-
mentius

mentius iactare coepit usq; adeo, ut dominus
 navis, cum idem gubernator esset, in scapham
 confugeret, & inde funiculo, qui à puppi reli-
 gatus scapham annexam trahebat, navi quo-
 ad posset, moderaretur: ille autem cuius merces
 erant, in gladium in navi ibidem incumberet.
 Hic ille naufragus ad gubernaculum accessit,
 & navi quoad potuit, est opitulatus. Sedatis
 autem fluctibus, & tempestate iam commu-
 tata, navis in portum prouehitur. Ille autem,
 qui in gladium incubuerat, leuiter saucius, fa-
 cile est ex uulnere recreatus. Navim cum onere
 horum trium suam quisq; esse dicit. Hic omnes
 scripto ad causam accedunt, & ex nominis ui-
 nascitur cōtrouersia. Nam & relinquere nauē,
 & remanere in navi, deniq; navis ipsa quid sit
 definitionibus quæritur: iisdem autem ex locis
 omnibus, quibus definitiua constitutio tractabi-
 tur. Nunc expositis ijs argumentationibus, quæ
 in iudiciale causarum genus accommodantur,
 deinceps in deliberatiuum genus & demonstrati-
 uum argumentandi locos & præcepta dabi-
 mus, non quo non in aliqua constitutione omnis
 semper causa uersetur, sed quia proprii tantum
 harum causarum quidam loci sunt, non à con-
 stitutione separati, sed ad fines horum generum
 accommodati. Nam placet in iudicali genere
 finem esse æquitatem, hoc est partem quandam
 honestatis. In deliberatiuo autem Aristoteli
 placee

placet utilitatem, nobis & honestatem & utilitatem. In demonstratiuo autem honestatem. Quare in quoque genere cause quadam argumentationes communiter ac similiter tractabuntur: quaedam separatim ad finem, quo referri omnem rationem oportet, adiungentur. Atque uniuscuiusque constitutionis exemplum supponere non grauaremur, nisi illud uideremus, quemadmodum res obscura dicendo fierent apertiores, sic res apertas obscuriores fieri oratione. Nunc ad deliberationis precepta pergamus.

RERUM expectandarum tria genera sunt. Par autem numerus uitandarum ex contraria parte. Nam est quiddam quod sua ui nos alliciat ad sese, non emolumento captans aliquo, sed trahens sua dignitate: quod genus, uirtus, scientia, ueritas est. Aliud autem non propter suam uim & naturam, sed propter fructum atque utilitatem petendum: quod pecunia est. Est porro quiddam ex horum partibus iunctum, quod & sua ui, & dignitate nos inductos ducit, & pra se gerit quandam utilitatem, quo magis expectatur: ut amicitia, bona existimatio. Atque ex his horum contraria facile tacentibus nobis intelliguntur. Sed ut expeditius ratio tradatur, ea quae posuimus, breui nominabuntur. Nam in primo genere quae sunt, honesta appellabuntur. Quae autem in secundo, utilia. Haec autem tertia, quia partem honestatis continent, & quia maior est
uis

vis honestatis, iuncta res omnino ex duplici genere intelliguntur: sed in meliorem partem vocabuli conferantur, & honesta nominentur. Ex his illud conficitur, ut appetendarum rerum partes sint honestas & utilitas, vitandarum turpitudine & inutilitas. His igitur duabus rebus due res grandes sunt attributa, necessitudo & affectio: quarum altera ex vi, altera ex re & personis consideratur. De utraq; post aperius perscribemus. Nunc honestatis rationes primum explicemus. Quod autem totum, aut aliqua ex parte propter se petitur, honestum nominabimus. Quare cum eius due partes sint, quarum altera simplex, altera iuncta sit, simplicem prius consideremus. Est igitur in eo genere omnes res una vi atq; uno nomine amplexa uirtus. Nam uirtus est animi habitus nature modo rationi consentaneus. Quamobrem omnibus eius partibus cognitis, tota vis erit simplicis honestatis consideranda. Habet igitur partis quatuor: prudentiam, iustitiam, fortitudinem, temperantiam. Prudentia est, rerum bonarum & malarum, & utrarumq; scientia. Partes eius, memoria, intelligentia, providentia. Memoria est, per quam animus repetit illa quæ fuerunt. Intelligentia est, per quam ea perspicit quæ sunt. Providentia est, per quam futurum aliquid uidetur antè quàm factum sit. Iustitia, est habitus animi, communi utilitate

litate conseruata, suam cuiq; tribuens digni-
 tatem. Eius initium est ab natura profectum.
 Deinde quædam in consuetudinem ex utilitatis
 ratione uenerunt: postea res & ab natura pro-
 fectas, & ab cōsuetudine probatas, legem me-
 tus & religio sanxit. Natura ius est, quod non
 opinio genuit, sed quædam innata uis inseruit,
 ut religionem, pietatem, gratiam, uindicatio-
 nem, obseruantiam, ueritatem. Religio est, quæ
 superioris cuiusdam nature (quam diuinam uo-
 cant) curam, carimoniamq; affert. Pietas, per
 quam sanguine coniunctis, patriaq; beneuo-
 lis officium, & diligens tribuitur cultus. Gra-
 tia, in qua amicitiarum & officiorum alte-
 rius memoria, & alterius remunerandi uolun-
 tas continetur. Vndicatio est, per quam uis
 & iniuria, & omnino omne quod absfuturum
 est, defendendo aut ulciscendo propulsatur. Ob-
 seruantia est, per quam homines aliqua digni-
 tate antecedentes cultu quodam & honore di-
 gnantur. Veritas est, per quã immutata ea quæ
 sunt aut antè fuerunt, aut futura sunt, dicuntur.
 Consuetudine ius est, quod aut leuiter à natura
 tractum aluit, & maius fecit usus, ut religio-
 nem: aut si quid eorum quæ antè diximus, ab
 natura profectum maius factum propter con-
 suetudinem uidemus, aut quod in morem ue-
 nustas uulgi approbatione perduxit: quod ge-
 nus, pactum, par, indicatum. Pactum est, quod
 inter

inter aliquos convenit. Par, quod in omnes
 æquabile est. Judicatum, de quo alicuius, aut
 aliquorum iam sententijs constitutum est. Lege
 ius est, quod in eo scripto, quod populo exposi-
 tum est ut observet, continetur. Fortitudo, est
 considerata periculorum susceptio, & laborum
 perperessio. Eius partes magnificentia, fidentia,
 patientia, perseverantia. Magnificentia, est re-
 rum magnarum & excelsarum cum animi am-
 pla quadam, & splendida propositione agita-
 tio, atq; administratio. Fidentia est, per quam
 magnis & honestis in rebus multum ipse ani-
 mus in se fiducie certa cum spe collocavit. Pa-
 tientia est, honestatis, aut utilitatis causa rerum
 arduarum ac difficilium voluntaria ac diutur-
 na perperessio. Perseverantia, est in ratione bene
 considerata, stabilis & perpetua permansio,
 Temperantia, est rationis in libidinem, atq; in
 alios non rectos impetus animi firma & mode-
 rata dominatio. Eius partes sunt, continentia,
 clementia, modestia. Continentia est, per quam
 cupiditas consilij gubernatione regitur. Clemen-
 tia, per quam animi temere in odium alicuius
 iniectionis concitati comitate retinentur. Mo-
 destia, per quam pudor honestus claram &
 stabilem comparat auctoritatem. Atque hæc
 omnia propter se solum, ut nihil adiungatur
 emolumenti, petenda sunt. Quod ut demonstre-
 tur, neq; ad hoc nostrum institutum pertinet, et
 à bren

à breuitate præcipiendi remotum est. Propter se autem uitanda sunt, non ea modo, quæ his contraria sunt, aut fortitudini ignauia, & iniustitia iniustitia: uerumetiam illa quæ propinqua uidentur, & finitima esse, absunt autem longissime: quod genus, fidentia contrarium est diffidentia, & ea re uitium est. Audacia non contrarium, sed oppositum est, ac propinquum, & tamen uitium est. Sic unicuique uirtuti finitimum uitium reperitur, aut certo iam nomine appellatum: ut audacia, quæ fidentia: pertinacia, quæ perseuerantia finitima est: superstitio, quæ religioni propinqua est, aut sine ullo certo nomine. Quæ omnia item uti contraria rerum bonarum in rebus uitandis reponemus. Ac de eo quidem genere honestatis, quod omni ex parte propter se petitur, satis dictum est: nunc de eo, in quo utilitas quoque adiungitur, quod tamen honestum uocamus, dicendum uidetur. Sunt igitur multa, quæ nos cum dignitate, tum quoque fructu suo ducunt ad se: quo in genere est gloria, dignitas, amplitudo, amicitia. Gloria, est frequens de aliquo fama cum laude. Dignitas, alicuius honesta & cultus, & honore & uerecundia digna autoritas. Amplitudo, potentia, aut maiestatis, aut aliquarum copiarum magnæ abundantia. Amicitia, uoluntas erga aliquem rerum bonarum illius ipsius causa, quem diligit, cum eius pari uoluntate. Hic, quia de ciuilibus causis

causis loquimur, fructus ad amicitiam adiungimus, ut eorum quoque causa petenda uideatur: ne forte qui nos de omni amicitia dicere existimant, reprehendere incipiant: quanquam sunt qui propter utilitatem modo petendam putant amicitiam: sunt qui propter se solum, sunt qui propter se & utilitatem: quorum quid uerissime constituatur, alius locus erit considerandus. Nunc hoc sic ad usum oratorium relinquatur, utranque propter rem amicitiam esse expetendam. Amicitiarum autem ratio, quoniam partim sunt religionibus iunctæ, partim non sunt: & quia partim ueteres sunt, partim novæ, partim ab illorum, partim ab nostro beneficio profectæ, partim utiliores, partim minus utiles: ex causarum dignitatibus, ex temporum opportunitatibus, ex officiis, ex religionibus, ex uetustatibus habebitur. Utilitas autem, aut in corpore posita est, aut in extraneis rebus: quarum tamen rerum multo maxima pars ad corporis commodum reuertitur: ut in Republica quedam sunt, quæ (ut sic dicam) ad corpus pertinent ciuitatis, ut agri, portus, pecunia, classes, nautæ, milites, socij: quibus rebus incolumitatem ac libertatem retinent ciuitates. Alia uerò quæ iam quiddam magis amplum & minus necessarium conficiunt, ut urbis egregia exornatio atque amplitudo, ut quadam excellens pecunia magnitudo, amicitiarum ac societatum

multitudo : quibus rebus non illud solum conficitur ut saluæ & incolumēs, uerumetiam ut amplæ atq; potentes sint ciuitates. Quare utilitatis due partes uidentur esse, incolumitas & potentia. Incolumitas, est salutis tuta atq; integra conseruatio. Potentia est, ad sua conseruanda, & alterius obtinenda idonearum rerum facultas. Atq; in ijs omnibus, quæ antè dicta sunt, quid difficulter fieri, & quid facile fieri possit, oportet considerare. Facile fieri id dicimus, quod sine magno, aut sine ullo labore, sumptu, molestia, quam breuissimo tempore confici potest. Difficile autem fieri, quod quanquam laboris, sumptus, molestia, longinquitatis indiget, atq; aut omnes, aut plurimas, aut maximas causas habet difficultatis: tamen his susceptis difficultatibus, compleri, atq; ad exitum perducì potest. Quoniam ergo de honestate, & de utilitate diximus, nunc restat ut de ijs rebus quas his attributas esse dicebamus, necessitudine & affectione perscribamus. Puto igitur esse hanc necessitudinem, cui nulla ui resisti potest, quæ neq; mutari, neq; leniri potest. Atq; ut apertius hoc sit, exemplis licet nim rei, qualis & quanta sit, cognoscamus. Vri posse flammam ligneam materiam necesse est. Corpus mortale aliquo tempore interire necesse est, atq; ita necesse, ut uis postulat ea, quam modo describebamus, necessitudinis: cui nulla ui resisti potest.

qua neq; mutari, neq; leniri potest. Euiusmodi necessitudines cum in dicendi rationes incident, recte necessitudines appellabuntur. Sin aliquæ res incident difficiles, in illa superiori possit ne fieri, quæstione considerabimus. Atq; etiam hoc mihi uideor uidere, esse quasdam cum adiunctione necessitudines, quasdam simplices & absolutas. Nam aliter dicere solemus, Neceffe est Cassilinenfes se dedere Annibali: aliter autem, Neceffe est Cassilinum uenire in Annibalis potestatem. Illic in superiore adiunctio est hæc, Nifi malint fame perire: si enim id malint, non est neceffe. Hoc inferius non item, propterea quod siue uelint Cassilinenfes se dedere, siue famem perpeti, atq; ita perire, neceffe est Cassilinum uenire in Annibalis potestatem. Quid igitur perficere potest hæc necessitudinis distributio? Propè dicam, plurimum, cum is locus necessitudinis uidebitur incurrere. Nam cum simplex erit necessitudo, nihil erit quod multa dicamus, cum eam nulla ratione lenire possimus. Cum autem ita neceffe erit ut aliquid effugere aut adipisci uelimus, tum adiunctio illa quid habeat utilitatis aut quid honestatis, erit considerandum. Nam si uelis attendere, ita tamen ut id quæras quod conueniat ad usum ciuitatis, reperiis nullam esse rem quam facere neceffe sit, nisi propter aliquam causam, quam adiunctionem nominamus. Præter hæc autem inuenias


esse multas res necessitudinis, ad quas similis adiunctio non accedit. Quod genus, ut homines mortales necesse est interire, sine adiunctione: ut cibo utantur non necesse est, nisi cum illa exceptione, extra quam, si nolint fame perire. Ergo, ut dixi, illud quod adiungitur, semper cuiusmodi sit, erit considerandum. Nam omni tempore id pertinebit, ut aut ad honestatem hoc modo exponenda necessitudo sit: Necesse est hoc faciamus, si honeste uolumus uiuere: aut ad incolumitatem hoc modo: Necesse est, si incolumes uolumus esse. aut ad commoditatem, hoc modo: Necesse est, si sine incommodo uolumus uiuere. Ac summa quidem necessitudo uidetur esse honestatis, huic proxima incolumitatis, tertia ac leuissima commoditatis, quæ cum his nunquam poterit duabus contendere. Hasce autem inter se sæpe necesse est comparari, ut quam præstet honestas incolumitati, tamen ueri potissimum consulendum sit, deliberetur. Cuius rei certum quiddam præscriptum uidetur in perpetuum dari posse. Nam quæ re fieri poterit, ut cum incolumitati consuluerimus, quod sit in præsentia de honestate delibatum, uirtute aliquando & industria recuperetur, incolumitatis ratio uidebitur habenda: cum autem id non poterit, honestatis. Itæ in huiusmodi quoque re, cum incolumitati uidebimur consulere, uere poterimus dicere, nos honestatis rationem habere,

bere, quoniam sine incolumitate eam nullo tempore possumus adipisci. Qua in re uel concedere alteri, uel ad conditionem alterius descendere, & in presentia quiescere, atque aliud tempus expectare oportebit. In commoditatis uero ratione modo illud attendatur, dignane causa uideatur ea, quæ ad uilitatem pertinebit, quare aut de magnificentia, aut de honestate quiddam derogetur. Atq; in hoc loco mihi caput illud uidetur esse, ut queramus quid sit illud, quod si adipisci aut effugere uelimus, aliqua res nobis sit necessaria: hoc est, quæ sit adiunctio, ut proinde uti quæq; res erit, laboremus, & grauissimam quanq; causam uehementissime necessariam iudicemus. Affectio, est quædam ex tempore, aut ex negotiorum euentu, aut administratione, aut studio hominum commutatio rerum, ut non tales, quales antè habita sint, aut plerunq; haberi soleant, habende uideantur esse: ut ad hostes transire turpe uidetur esse, at non illo animo quo Ulysses transiit: & pecuniam in mare deicere inutile, at non eo consilio quo Aristippus fecit. Sunt igitur res quædam ex tempore, & ex consilio, non ex sua natura considerande, quibus in omnibus quid temporis petant, aut quid personis dignum sit, considerandum est: & non quid, sed quo quidq; animo, quicum, quo tempore, quandiu fiat, attendendum est. His ex partibus ad sententiam dicendam,

dem, locos sumi oportere arbitramur. Laudes autem & uituperationes ex ijs locis sumentur, qui loci personis sunt attributi: de quibus antè dictum est. Sin distributius tractare quis uolet, partiatur in animum & corpus & extraneas res licebit. Animi est, uirtus, cuius de partibus paulò antè dictum est. Corpora, ualctudo, dignitas, uires, uelocitas. Extraneæ, honos, pecunia, affinitas, genus, amici, patria, potentia, & cetera quæ simili esse in genere intelligentur. Atque in his id quod in omnia ualet, ualere oportebit contraria quoque, & quæ, & qualia sint, intelligentur. Videte autem in laudando & in uituperando oportebit, non tam quæ in corpore, aut in extrarjs rebus habueritis, de quo agetur, quàm quo pacto his rebus usus sit. Nam fortunam quidem & laudare stultitia, & uituperare superbia est. Animi autem & laus honesta, & uituperatio uehemens est. Nunc quoniam omne in causa genus argumentandi ratio tradita est, de inuentione prima ac maxima parte rhetoricæ satis dictum uidetur. Quare quoniam & una pars ad exitum hunc ab superiore libro perducta est, & hic liber non parum continet literarum, quæ restant in reliquis dicemus.

In p.^o lib. epist. Famil.

Scipsi igitur Aristotelis more, quemadmodum
vobis tres libros in disputatione, ac dialogo
de oratore, quos arbitror Lantulo tuo ^{fore} non inu-
tiles. adhorrentur. a ceteris praeceptis, et omnibus
antiquorum, et Aristotelicis, et Iocunticam
rationem oratoriam complectuntur.










1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900







1851
1852
1853

M. TVLLII
CICERO-
NIS

RHETORICORVM
SECVNDVS
TOMVS.
*



Horum catalogum sequenti pa-
gella inuenies..

VIRTVTE DVCE,



COMITE FORTVNA.

APVD SEB. GRV-
PHIVM LV-
GDVNI.
1555.

IN HOC TOMO
CONTINEN-
TUR

M. T. CICE-
RONIS

De Oratore ad Quintum fratrem, li-
bri III.

De Claris oratoribus, qui dicitur Bru-
tus, liber I.

Orator ad Brutum, liber I.

Topica ad Trebatium, liber I.

Oratoriæ partitiones, liber I.

Eiusdem de optimo genere oratorum
Præfatio quædam.

*Omnia ad castigatissima quæque exem-
plaria, præcipuè Victorij ac*

*Pauli Manutij ca-
stigata.*

3
M. T. C I C E-
RONIS AD QVIN-
TUM FRATREM
DIALOGI
DE ORATORE.

BIBLIOTECA
ROMANA
VITTORIO EMANUELE



OGITANTI mihi se-
penumero, & memoria uc-
tera repctenti, perbeati fuis-
se Quinte frater, illi uideri
solent, qui in optima Repu-
cum & honoribus, & re-
rum gestarum gloria florent, cum uita cur-
sum tenere potuerunt, ut uel in negotio sine pe-
riculo, uel in otio cū dignitate esse possent. Ac
fuit tempus illud, cum mihi quoq; initium re-
quiescendi, atq; animum ad utriusq; nostrum
praclara studia referendi fore, iussum, & propè
ab omnibus concessum esse arbitrarer, si infi-
nitus forensium rerum labor, & ambitionis oc-
cupatio, decursu honorum, etiam aetatis flexu
constitisset. Quam spem cogitationum, & con-
siliorum meorum, cum graues communium
temporum, tum uarij nostri casus sefellerunt.
Nam qui locus quicuis & trāquillitatis plenif-
simus fore uidebatur, in eo maxime molestia-
rum, & turbulentissima tēpestates existerunt.

*Neq; uerò nobis cupientibus, atq; exoptantibus
fructus otij datus est ad eas artes, quibus à pue-
ris dediti fuimus, celebrandas, inter nosq; re-
colendas. Nam prima aetate incidimus in ipsam
perturbationem disciplinae ueteris, & consulatu
deuenimus in medium rerum omnium certa-
men atq; discrimen, & hoc tempus omne post
consulatum obiecimus ijs fluctibus, qui per nos
à communi peste depulsi, in nosmetipsos redun-
darunt. Sed tamen in his uel asperitatibus re-
rum, uel angustijs temporis obsequar studijs no-
stris: & quantum mihi uel fraus inimicorum,
uel causa amicorum, uel Resp. tribuet otij, ad
scribendum potissimum conferam. Tibi uerò
frater neq; hortanti deero, neq; roganti. Nam
neq; autoritate quisquam apud me plus te ua-
lere potest, neq; uoluntate. Ac mihi repetenda
est ueteris cuiusdam memoria non sanè satis
explicata recordatio, sed ut arbitror, apta ad id
quod requiris, ut cognoscas quae uiri omnium
eloquentissimi clarissimiq; senserint de omni ra-
tione dicendi. Vis enim, ut mihi saepe dixisti,
quoniam quae pueris, aut adolescentulis nobis
ex commentariolis nostris inchoata atque ru-
dia exciderunt, uix hac aetate digna, & hoc
usu, quem ex causis quas diximus, tot tantisq;
consecuti sumus, aliquid iisdem de rebus poli-
tius à nobis perfectiusq; proferrì: solesq; non-
nunquam hac de re à me in disputationibus no-
stris*

stris dissentire, quòd ego eruditissimorum hominum artibus eloquentiam contineri statuam: tu autem illam ab elegantia doctrina segregandam putes, & in quodam ingenij atq; exercitationis genere ponendam. Ac mihi quidem sepe numero in summos homines ac summis ingenijs preditos intuenti, quarendum esse uisum est, quid esset cur plures in omnibus artibus quam in dicendo admirabiles exstitissent: nam quocunq; te animo & cogitatione conuerteris, permultos excellentes in quoque genere uidebis, non mediocrium artium, sed propè maximarum. Quis enim est, qui, si clarorum hominum scientiam rerum gestarum uel utilitate, uel magnitudine metiri uelit, non anteponat oratori Imperatorem? Quis autem dubitet, quin belli duces ex hac una ciuitate praestantissimos penè innumerabiles, in dicendo autem excellentes uix paucos proferre possimus? Iam uerò consilio ac sapientia qui regere ac gubernare Rempub. possent, multi nostra, plures patrum memoria, atq; etiam maiorum exiiterunt, cum boni per diu nulli, uix autem singulis aetatibus singuli tolerabiles oratores inuenirentur. Ac ne quis fortè cum alijs studijs, quæ reconditis in artibus atq; in quadam uarietate literarum uersentur, magis hanc dicendi rationem, quam cum Imperatoris laude, aut cum boni senatoris prudentia comparandam putet, cōuertat animum,

Et ea ipsa artium genera circumspectat, quicquid
 in ijs floruerint, quamquid multi sint: facillime
 quanta oratorum sit, semperquid fuerit paucitas,
 indicabit. Neque enim te fugit, laudatarum ar-
 tium omnium procreatricem quadam, et quasi
 parentem, eam, quam φιλοσοφία Græci uocant,
 ab hominibus doctissimis iudicari: in qua diffi-
 cile est enumerare, quot uiri, quanta scientia,
 quantaquid in suis studijs uariet uel, et copia fue-
 rint, qui non aliqua in re una separatim elabo-
 rarint, sed omnia quaecumque essent, uel scientie
 peruestigatione, uel differendi ratione compre-
 henderint. Quis ignorat, uel, qui mathematici uo-
 centur, quanta in obscuritate rerum, et quam
 recondita in arte, et multiplici subtiliquid uersen-
 tur? quo tamen in genere ita multi perfecti ho-
 mines existerunt, ut nemo ferè studuisse ei scien-
 tia uehementius uideatur, quin quod uoluerit,
 consecutus sit. Quis musicis, quis huic studio
 literarum, quod profitentur uel qui grammatici
 uocantur, penitus se dedit, quin omnem illa-
 rum artium penè infinitam uim et materiam
 scientia et cognitione comprehenderit? Vere
 mihi hoc uideor esse dicturus, ex omnibus ijs,
 qui in harum artium studijs liberalissimis sint,
 doctrinisquid uersati, minimam copiam poëta-
 rum egregiorum exstitisse: atque in hoc ipso
 numero, in quo perrarò exoritur aliquis ex-
 cellens, si diligenter et ex nostrorum et
 Græco

Græcorum copia comparare uoles, multo tamen pauciores oratores quàm poëtæ boni reperiuntur. Quod hoc etiam mirabilius debet uideri, quia cæterarum artium studia ferè reconditis atq; abditis è fontibus hauriuntur: dicendi autem omnis ratio in medio posita, communi quodam in usu atq; in hominum more & sermone uersatur: ut in cæteris id maxime excellat, quod longissime sit ab imperitorum intelligentia sensuq; disiunctum: in dicendo autem uitiū uel maximum sit, à uulgari genere orationis, atq; à consuetudine communis sensus abhorreere. Ac ne illud quidem uere dici potest, aut plures cæteris artibus inferuire, aut maiore delectatione, aut spe uberiore, aut præmijs ad perdiscendum amplioribus commoueri, atq; ut omittam Græciam, quæ semper eloquentiæ princeps esse uoluit, atq; illius omnium doctrinarum inuentrices Athenas, in quibus summa dicendi uis, & inuenta est, & perfectæ: in hac ipsa ciuitate profectò nulli unquam uehementius quàm eloquentiæ studia uiguerunt. Nam postleaquam imperio omnium gentium constituto diuturnitas pacis otium confirmauit, nemo ferè laudis cupidus adolescens non sibi ad dicendum studio omni entendum putauit. Ac primo quidem totius rationis ignari, qui neq; exercitationis ullam uiam, neq; aliquod præceptum artis esse arbitrantur, tan-

rum quantum ingenio & cogitatione poteram, con-
 sequebantur. Post autem auditis oratoribus
 Græcis, cognitisq; eorum literis, adhibitisq; do-
 ctoribus, incredibili quodam nostri homines di-
 cendi studio flagrauerunt. Excitabat eos ma-
 gnitudo & uarietas, multitudoq; in omni gene-
 re causarum, ut ad eam doctrinam, quam suo
 quisq; studio affecutus esset, adiungeretur usus
 frequens, qui omnium magistrorum precepta
 superaret. Erant autem huic studio maxima,
 quæ nunc quoq; sunt, proposita præmia, uel ad
 gratiam, uel ad opes, uel ad dignitatem: inge-
 nia uero (ut multis rebus possumus iudicare)
 nostrorum hominum multum cæteris homini-
 bus omnium gentium præstiterunt. Quibus de
 causis, quis non iure miretur ex omni memoria
 atatum, temporum, ciuitatum, tam exiguum
 oratorum numerum inueniri? Sed nimirum
 maius est hoc quiddam, quàm homines opinan-
 tur, & pluribus ex artibus, studijsq; collectum.
 Quis enim aliud in maxima discipulorum multi-
 tudine, summa magistrorum copia, præstantis-
 simis hominum ingenijs, infinita causarum ua-
 rietate, amplissimis eloquætiæ propositis præmijs
 esse causæ putet, nisi rei quandam incredibilem
 magnitudinem ac difficultatem? Est enim &
 scientia comprehendenda rerum plurimarum,
 sine qua uerborum uolubilitas inanis atq; irri-
 denda est: & ipsa oratio confirmanda non solum
 electio

electione, sed etiam constructione uerborum: & omnes animorum motus, quos hominum generi rerum natura tribuit, penitus pernoscedi, quod omnis uis ratioq; dicendi in eorum qui audiunt, mentibus aut sedandis, aut excitandis exprimenda est. Accedat eodem oportet lepos quidam, facetiæq;, & eruditio libero digna, celeritasq;, & breuitas, & respondendi, & laceffendi subtili uenustate atq; urbanitate coniuncta. Tenenda præterea est omnis antiquitas, exëplorumq; uis: neq; legum, aut iuris ciuilis scientia negligenda est. Nam quid ego de actione ipsa plura dicam? quæ motu corporis, quæ gestu, quæ uultu, quæ uocis confirmatione, ac uarietate moderanda est, quæ sola per seipsa quanta sit, histriionũ leuis ars, & scena declarat: in qua cum omnes in oris, & uocis, & motus moderatione elaborerent, quis ignorat quàm pauci sint, fuerintq;, quos animo a quo spectare possimus? Quid dicam de thesauro rerum omnium memoria? quæ nisi custos inuentis, cogitatisq; rebus, & uerbis adhibeatur, intelligimus omnia, etiam si præclarissima fuerint, in oratore peritura. Quamobrem mirari desinamus, quæ causa sit eloquentium paucitatis, cum ex illis rebus uniuersis eloquentia constet, quibus in singulis elaborare permagnũ est: hortemurq; potius liberos nostros, ceterosq;, quorum gloria nobis & dignitas chara est, ut animo rei magnitudinem complectantur: neque

ijs, aut preceptis, aut magistris, aut exercitatio-
nibus, quibus utuntur omnes, sed alijs quibus-
dam se id quod expetunt, consequi posse con-
fident. Ac mea quidem sententia nemo pote-
rit esse omni laude cumulatus orator, nisi erit
omnium rerum magnarum, atq; artium scien-
tiam consecutus. Etenim ex rerum cognitione
efflorescat, & redundet oportet oratio, quæ, nisi
subest res ab oratore percepta & cognita, in-
anem quandam habet elocutionem, & penè pue-
rilem. Neq; uerò ego hoc tantum oneris impo-
nam nostris præsertim oratoribus in hac tanta
occupatione urbis ac uitæ, nihil ut ijs putem lice-
re nescire: quanquam uis oratoris, professioq;
ipsa bene dicendi hoc suscipere, ac polliceri ui-
detur, ut omni de re, quacumq; sit proposita, ab
eo ornate copioseq; dicatur. Sed quia non dubi-
to quin hoc plerisq; immensum infinitumq; ui-
deatur: & quòd Græcos homines non solum
ingenio & doctrina, sed etiā orio studioq; abun-
dantes partitionem quandam artium fecisse ui-
deor: neq; in uniuerso genere singulos elaborasse,
sed seposuisse à cæteris dictionibus eam partem
dicendi, quæ in forensibus disceptationibus iu-
diciorum, aut deliberationum uersaretur, &
id unum genus oratori reliquisse: non comple-
ctar in his libris amplius, quam quod huic ge-
neri re quæsitæ, & multum disputata, summo-
rum hominum propè consensu est tributum: repe-
tamq;

tamq; non ab incunabulis nostræ ueteris puerilisq; doctrine quendam ordinem præceptorum, sed ea quæ quondam accepi in nostrorum hominum eloquentissimorum, & omni dignitate principum disputatione esse uersata. non quòd illa contemnam, quæ Greci dicendi artifices, & doctores reliquerunt: sed cum illa pateant; in promptuq; sit omnibus; neq; ea interpretatione mea, aut ornatiùs explicari, aut planius exprimi possint, dabis hanc ueniam mi frater, ut opinor, ut eorum quibus summa dicendi laus à nostris hominibus concessa est, auctoritatem Grecis antepōnam.

CUM igitur uehemētius inueheretur in causam principū consul Philippus, Drusiq; tribunatus pro senatus auctoritate susceptus, infringi iam, ac debilitari uideretur: dici memini ludorum Romanorum diebus L. Crassum quasi colligendi sui causa, se in Tusculanū cōtulisse: uenisse eodē socer eius, qui fuerat Q. Mutius, dicebatur, & M. Antonius homo et consiliorum in Rep. socius, & summa cum Crasso familiaritate coniunctus. Exierant autem cum ipso Crasso duo adolescētes, & Drusi maximè familiares, & in quibus magnam tum spem maiores natu dignitatis sue collocarāt, C. Cotta: qui tum tribunatum pl. petebat, & P. Sulpitius, qui deinceps eum magistratum petiturus putabatur: hi primo die temporibus illis, deq; uniuersa
Rep.

Rep. quam ob causam uenerant, multum inter se usq; ad extremum tempus diei collocuti sunt: quo quidem in sermone multa diuinitus à tribus illis consularibus Cotta deplorata & commemorata narrabat, ut nihil incidisset postea ciuitati mali, quod non impendere illi tanto antè uidissent. Eo autem omni sermone confecto, tantam in Crasso humanitatem fuisse, ut cum lauti accubuissent, tolleretur omnis illa superioris tristitia sermonis, eaq; esset in homine iucunditas, & tantus in iocando lepos, ut dies inter eos curia fuisse uideretur, conuiuium Thusculani. Postero autem die, cum illi maiores natu satis quiescent, in ambulationem uertum esse dicebatur, tum Scauola duobus spatijs, tribusue factis dixisse, Cur non imitamur Crasse Socratem illū, qui est in Phaedro Platonis? nam me hac tua platanus admonuit, quæ non minus ad opacandū hunc locum patulis est diffusa ramis, quàm illa, cuius umbram secutus est Socrates, quæ mihi uidetur non tam ipsa aquula quæ describitur, quàm Platonis oratione creuisse: sed quod ille durissimis pedibus fecit, ut se abiceret in herbam, atq; ita, quæ philosophi diuinitus ferunt esse dicta, loqueretur, id meis pedibus certe concedi est æquius. Tum Crassum, Imo uero commodius etiam, puluinosq; poposcisse, & omnes in ijs sedibus, quæ erant sub platano, consedissee dicebat. Ibi, ut ex pristino sermone relaxarentur animis

animi omnium, solebat Cotta narrare Crassum sermonem quendam de studio dicendi intulisse: qui, cum ita esset exorsus, Non sibi cohortandum Sulpitium & Cottam, sed magis utrumque collaudandum uideri, quod tantam iam essent facultatem adepti, ut non equalibus suis solum anteponebantur, sed cum maioribus natu compararentur: Neque uero mihi quicquam, inquit, præstabilius uidetur, quam posse dicendo tenere hominum cõtus, mentes allicere, uoluntates impellere quò uelit, unde autem uelit, deducere hæc una res in omni libero populo, maximeque in pacatis trãquillisque ciuitatibus præcipue semper floruit, semperque dominata est. Quid enim est aut tam admirabile, quam ex infinita multitudine hominum existere unum, qui id quod omnibus natura sit datũ, uel solus, uel cum paucis facere possit? aut tam iucundum cognitu atque auditu, quam sapientibus sententijs, grauibuscque uerbis ornata oratio & perpolitata? aut tam potens, tamque magnificum, quam populi motus, iudicum religiones, senatus grauitatem unius oratione cõuertere? quid tam porro regium, tam liberale, tam munificum, quam opem ferre supplicibus, excitare afflictos, dare salutem, liberare periculis, retinere homines in ciuitate? quid autem tam necessarium, quam tenere semper arma, quibus uel reclusus ipse esse possis, uel prouocare improbos, uel te ulcisci læcessitus?

cessitus? Age uerò ne semper forum, subsellia, rostra, curiamq; mediteris, quid esse potest in otio aut iucundius, aut magis proprium humanitatis, quam sermo facetus, ac nulla in re rudis? Hoc enim uno præstamus uel maximè feris, quòd colloquimur inter nos, & quòd exprimere dicendo sensa possumus. Quamobrem quis hoc non iure miretur, summeq; in eo elaborandum esse arbitretur, ut quo uno homines maximè bestijs præstent, in hoc hominibus ipsis antecellat? Vi uerò iam ad illa summa ueniamus, quæ uis alia potuit aut dispersos homines unum in locum congregare, aut à fera agrestiq; uita ad hunc humanum cultum civilemq; deducere, aut iam constitutis ciuitatibus, leges, iudicia, iura describere? Ac ne plura, quæ sunt penè innumerabilia, confectè, comprehendam breui: sic enim statuo, perfecti oratoris moderatione & sapientia non solum ipsius dignitatem, sed & priuatorum plurimorum, & uniuersæ Reip. salutem maximè contineri. Quamobrem pergite, ut facitis adolescentes: atq; in id studium, in quo estis, incumbite, ut & uobis honori, & amicis utilitati, & Reip. emolumento esse possitis. Tum Scauola comiter, ut solebat, Cætera, inquit, assentior Crasso, ne aut de C. Læly soceri mei, aut de huius generi aut arte aut gloria deiraham: sed illa duo Crasse, uereor ut tibi possim concedere: Unum quòd ab

orat

oratoribus ciuitates, & ab initio constitutas,
 & sepe conseruatas esse dixisti: Alterū, quod
 remoto foro, concione, iudicijs, senatu statuisti
 oratorem in omni genere sermonis & humani-
 tatis esse perfectum. Quis enim tibi hoc conces-
 serit, aut ab initio genus hominum in montibus
 ac syluis dissipatum, non prudentium consilijs
 compulsū potius, quā disertorum oratione
 delimitū, sed oppidis mœnibusq; sepsisse? aut ue-
 rò reliquas utilitates aut instituendas, aut con-
 seruandis ciuitatibus, nō à sapientibus & for-
 tibus uiris, sed à disertis & ornate dicentibus
 esse cōstitutas? An uerò tibi Romulus ille, aut
 pastores & conuenas congregasse, aut Sabino-
 rum connubia cōiunxisse, aut finitimorum uim
 repressisse eloquentia uidetur, non consilio &
 sapientia singulari? Quid in Numa Pompilio,
 quid in Seruio Tullo, quid in ceteris regibus,
 quorum multa sunt eximia ad constituendam
 Rempublicam, num quod eloquentie uesti-
 gium apparet? Quid exactis regibus? tamen si
 ipsam exactionem mente non lingua perfectam
 L. Bruti esse cernimus: sed deinceps omnia,
 nōne plena consiliorum, inania uerborum ui-
 demus? Ego uerò si uelim & nostrae ciuitatis
 exemplis uti, & aliarum plura proferre possim
 detrimenta publicis rebus, quā adiuuementa
 per homines eloquentissimos importata: sed ut
 reliqua praetermittam, omnium mihi uideor
 excep

exceptis Crasse uobis duobus, eloquentissimos:
audisse Tiberium, & C. Sempronios: quorum
pater homo prudens, & grauis, haudquaquam
eloquens, & saepe alias, & maximè censor sa-
luti Reipub. fuit: atq; is non accurata quadam
orationis copia, sed nutu atq; uerbo libertinos
in urbanas tribus transtulit: quod nisi fecisset,
Rempublicam, quam nunc uix tenemus, iam
diu nullam haberemus. At uerò eius filij di-
ferti, & omnibus uel natura, uel doctrina pra-
sidijs ad dicendum parati, cum ciuitatem uel
paterno consilio, uel auitis armis florentissi-
mam acceperant, ista praeclara gubernatrice, ut
ais, ciuitatem eloquentia Remp. dissipauerunt.
Quid leges ueteres, moresq; maiorū? quid au-
spicia, quibus & ego & tu Crasse, cum magna
Reip. salute praesumus: quid religiones, & ce-
remoniae: quid haec iura ciuilia, quae iampridem
in nostra familia sine ulla eloquentia laude
uersantur? num aut inuenta sunt, aut cognita,
aut omnino ab oratorū genere tractata? Equi-
dem & Seruium Galbam memoria teneo, di-
uinum hominem in dicendo, & M. Aemy-
lium Porcinam, & Cn. ipsum Carbonem, quem
tu adolescentulus perpulisti, ignarum legum,
hastantiē in maiorum institutis, rudem in iure
ciuili: & haec atas nostra, praeter te Crasse, qui
tuo magis studio, quam proprio munere aliquo
disertorum, ius à nobis ciuile didicisti, quod
interd.

interdum pudeat, iuris ignara est. Quod uero in extrema oratione quasi tuo iure sumpsisisti, oratorem in omnis sermonis disputatione copiosissime posse uersari, id, nisi hic in tuo regno essimus, non tulissem, multisq; praessent qui aut interdicto tecum contenderent, aut te ex iure manu consertum uocarent, quod in alienas possessiones tam temere irruisses. Agerent enim tecum lege primum Pythagorei omnes, atq; Democritici, ceteriq; in suo genere physici, uindicarentq; ornati homines in dicendo, & graues, quibuscum tibi iusto sacramento contendere non liceret. Urgerent praeterea philosophorum greges, iam ab illo fonte & capite Socrate, nihil te de bonis rebus in uita, nihil de malis, nihil de animi permotionibus, nihil de hominum moribus, nihil de ratione uita didicisse, nihil omnino quaesisse, nihil scire conuincerent: & cum uniuersi in te impetum fecissent, tum singula familiae litem tibi intenderent. Instaret academia, quae quicquid dixisses, in teipsum negare cogeret. Stoici uero nostri disputationum suarum atq; interrogationum laqueis te irretitum tenerent. Peripatetici autem etiam haec ipsa, quae propria oratorum putas esse adiumenta atq; ornamenta dicendi, ab se peti uincerent oportere: ac non solum meliora, sed etiam multo plura Aristotelem, Theophrastumq; de his rebus, quam omnes dicendi magistros scripsisse ostenderent.

Missos facito mathematicos, grammaticos, musicos, quorum artibus uestra ista dicēdi uis ne minima quidem societate coniungitur. Quamobrem ista tanta, tamq; multa profitenda Crasse non censeo: satis id est magnum, quod potes præstare, ut in iudicijs ea causa, quancunq; in dicis, melior & probabilior esse uideatur: ut in concionibus & sententijs dicendis ad persuadendum tua plurimum ualeat oratio: deniq; ut prudentibus diserte, stultis etiam uere dicere uidearis: hoc amplius si quid poteris, nō id mihi uidebitur orator, sed Crassus sua quadam propria non communi oratorum facultate posse. Tum ille, Non sum, inquit, nescius Scænola, ista inter Græcos dici & disceptari solere: audiui enim summos homines, cum Quæstor ex Macedonia uenissem. Athenis, florēte academia, ut temporibus illis ferebatur, quod eam Carneades & Clitomachus & Aeschines obtinebant: erat etiam Metrodorus, qui cum illis unā ipsum illum Carneadem diligētius audierat, hominem omnium in dicendo, ut ferebant, acerrimum & copiosissimum: uigebat auditor Panætij illius tui Mnesarchus, & Peripatetici Critolaus & Diodorus: multi erant præterea præclari in philosophia & nobiles, a quibus omnibus unā penē repellere uoce oratorem à gubernaculis ciuitatū excludi ab omni doctrina, rerumq; maiorum scientia, ac tantū in iudicia

& conc

& cōciunculas, tanquam in aliquod pistrinum
 uetundi & compingi uidebam. Sed ego neq;
 illis assentiebar, neq; harum disputationum in-
 uentori & principi longe omnium in dicendo
 grauisimo, & eloquentissimo Platoni, cuius
 tum Athenis diligentius legi cum Carneade
 Gorgiam: quo in libro in hoc maxime admira-
 bar Platonem, quòd mihi in oratoribus irri-
 dēdis ipse esse orator summus uidebatur: uerbi
 enim controuersia tā diu torquet Graculos ho-
 mines contentionis cupidiores, quam ueritatis.
 Nam si quis staret esse oratorē, qui tan-
 tūmodo in iure, aut in iudicijs possit, aut apud
 populum, aut in senatu copiose loqui, tamē huic
 ipsi multa tribuat & concedat necesse est. Neq;
 enim sine multa periractatione omniū rerū pub.
 neq; sine legum, moris, iuris scientia, neq; natu-
 ra hominum incognita ac moribus, in his ipsis
 rebus satis callide uersari & perire potest: qui
 autem hac cognouerit, sine quibus ne illa qui-
 dem minima in causis quisquam recte tueri po-
 test, quid huic abesse poterit de maximarum
 rerum scientia? Sin oratoris nihil uis esse, nisi
 cōposue, ornare, copiose eloqui, quero id ipsum
 qui possit assequi sine ea scientia, quam ei non
 conceditis? dicendi enim uirtus, nisi ei qui di-
 cit, ea de quibus dicit, percepta sint, extare non
 potest. Quamobrem si ornate locutus est, sicut
 fertur, & mihi uidetur physicus ille Demo-

enieuu. materies illa fuit phisici, de qua dixit: ornatus uero ipse uerboru oratoris putadus est. Et si Plato de rebus à ciuilibus controuersis remotissimis diuinitus est locutus, quod ego concedo: si item Aristoteles, si Theophrastus, si Carneades in rebus ijs de quibus disputauerunt, eloquentes & in dicendo suauēs atque ornati fuerunt: sint haec res, de quibus disputant, in alijs quibusdam studijs, oratio quidem ipsa propria est huius unius rationis de qua loquimur & querimus. Etenim uidemus iisdem de rebus ieiune quosdam & exiliter, ut eum quem acutissimum ferunt Chrysippum, disputauisse: neq; ob eam rem philosophiae non satis fecisse, quod non habuerit hanc dicendi ex arte alienam facultatem. Quid ergo interest? aut qui discernes eorum quos nominauī, ubertate in dicendo & copiam, ab eorum exilitate, qui hac dicendi uarietate, & elegantia nō utuntur? Vnū erit profecto, quod ij qui bene dicunt asserūt proprium, compositam orationem & ornatam, & artificio quodam & expolitione distinctā. Haec autem oratio, si res non subest ab oratore percepta & cognita, aut nulla sit necesse est, aut omnium irrisione ludatur. Quid est enim tam furiosum, quam uerborū uel optimorū atq; ornatissimorū sonitus inanis, nulla subiecta sententia, nec scientia? Quicquid erit igitur quacūq; ex arte, quocūq; de genere, id orator si tanquam clientis causam

causam didicerit, dicet melius & ornatus, quā ille ipse eius rei inuentor atq; artifex. Nā si quis erit qui hoc dicat, esse quasdam oratorum proprias sententias atq; causas, & quasi certarum rerum forensibus cancellis circumscriptā scientiam: fatebor equidem in his magis assidue versari hanc nostram dictionem: sed tamen in ijs ipsis rebus permulta sunt, quae isti magistri qui rhetorici uocantur, nec tradunt, nec tenent. Quis enim nescit maximam uim existere oratoris in hominum mentibus uel ad iram, aut ad odium, aut dolorem incitandis, uel ab hisce ijsdem per-motionibus ad lenitatem misericordiamq; reuocandis? quae nisi qui naturas hominum uimq; omnem humanitatis, causasq; eas quibus mentes aut incitantur aut reflectuntur, penitus perspexerit, dicēdo quod uolet, perficere nō poterit. Atqui totus hic locus philosophorum putatur proprius: neq; orator, me autore unquam repugnabit, sed cum illis cognitionē rerum concesserit, quod in ea solum illi uoluerint elaborare: tractationē orationis, quae sine illa scientia nulla est, sibi assumet. Hoc enim est proprium oratoris, quod saepe iam dixi oratio grauis & ornata, & hominum sensibus ac mentibus accommodata. Quibus de rebus Aristotelem & Theophrastū scripsisse fateor. Sed uide ne hoc Scauola, totum sit a me: nam ego quae sunt oratori cum illis communia, non mutior ab illis:

isti, quæ de his rebus disputant, oratorum esse concedunt. Itaque cæteros libros artis isti suæ nomine, hos rhetoricos & inferibunt, & appellant. Etenim, cum illi in dicendo inciderint loci (quod per sepe euenit) ut de dijs immortalibus, de pietate, de concordia, de amicitia, de communi ciuium, de hominum, de gentium iure, de equitate, de temperantia, de magnitudine animi, de omni uirtutis genere sit dicendum, clamabant credo omnia gymnasia, atque omnes philosophorum scholæ, sua hæc esse omnia propria, nihil omnino ad oratorem pertinere. Quibus ego, ut de his rebus omnibus in angulis consumendi otij causa differant, cum concessero, illud tamen oratori tribuam & dabo, ut eadem, de quibus illi tenui quodam & exiguo sermone disputant, hic cum omni grauitate & incunditate explicet. Hæc ego cum ipsis philosophis, tum Athenis differebam; cogebat enim me Marcus Marcellus hic noster (qui nunc ædilis curulis est; & profecto, nisi ludos nunc faceret, huic nostro sermoni inuereffet) ac iam tum erat adolescentulus his studijs mirifice deditus. Tam uero de legibus instituendis, de bello, de pace, de socijs, de uetigalibus, de iure ciuium generatim in ordines, atatesque descriptio, dicant uel Greci, si uolunt Lysurgum, aut Solonem (quamquam illos quidem censemus in numero eloquentium reponendos) scisse melius quam Hyperidem, aut Demosthe-
nem,

nem, perfectos iam homines in dicendo, & per-
 politos: uel nostros decemuiros, qui XII. tabu-
 las perscripserunt, quos necesse est fuisse pruden-
 tes, anteponi in hoc genere, & Ser. Galba, &
 socero tuo C. Lelio, quos constat dicendi gloria
 prestitisse. Nunquam enim negabo esse quasdam
 artes proprias eorum qui in his cognoscendis
 atq; tractandis studium suum omne posuerunt,
 sed oratorem plenum atque perfectum esse eum
 dicam, qui de omnibus rebus possit uariè co-
 pioseq; dicere. Etenim saepe in ijs causis quas
 omnes proprias esse oratorum consentiunt, est
 aliquid quod non ex usu forensi, quem solum
 oratoribus conceditis, sed ex obscuriore aliqua
 scientia sit promendum & assumendum. Quero
 enim, num possit aut contra imperatorem, aut
 pro imperatore dici sine rei militaris usu, aut
 saepe etiam sine regionum terrestrium aut ma-
 ritimarum scientia? num apud populum de le-
 gibus iubendis aut uetandis, num in senatu de
 omni Reipubli. genere dici sine summa rerum
 ciuiliu cognitione & prudentia? num admo-
 ueri possit oratio ad sensus animorum, atq; mo-
 tus uel inflammandos, uel etiam extinguendos
 (quod unum in oratore dominatur) sine diligen-
 tissima peruestigatione earum omnium ratio-
 num, quae de naturis humani generis ac moribus
 à philosophis explicantur? Atq; haud scio an
 minus hoc uobis sim probaturus, eundem non

dubitabo quod sentio dicere : physica ista ipsa, qua paulò antè & mathematica, & ceterarum artium propria posuisti, scientia sunt eorum qui illa profitentur: illustrare autem oratione si quis istas ipsas artes uelit, ad oratoris ei confugiendum est facultatem. Neq; enim si Philonem illum architectum, qui Atheniensibus armamentarium fecit, constat perdiserte populo rationem operis sui reddidisse, existimandum est architecti potius artificio disertum, quàm oratoris fuisse. Nec si huic M. Antonio pro Hermodoro fuisset de naualium opere dicendū, nō cum ab illo causam didicisset, ipse ornatè de alieno artificio, copioseq; dixisset, Neq; uero Asclepiades is, quo nos medico amicoq; usi sumus, tum cum eloquentia uincebat ceteros medicos, in eo ipso, quòd ornatè dicebat, medicina facultate utebatur, non eloquentia. Atq; illud est probabilius, neq; tamen uerum, quod Socrates dicere solebat, omnes in eo quod scirent, satis esse eloquentes. Illud uerius neque quenquam in eo disertum esse posse quod nesciat: neq; si id optimè sciat, ignarusq; sit faciundæ ac policundæ orationis, diserte id ipsum posse, de quo sciat, dicere. Quamobrem si quis uniuersam & propriam oratoris uim definire complectiq; uult, is orator erit mea sententia, hoc tam graui dignus nomine, qui quacunq; res inciderit, qua sit dictione explicanda, prudenter & compositè, & ornatè, & memoriter dicat

cum

cum quadam etiam actionis dignitate. Sin cui-
 piam nimis infinitum uidetur, quod ita propo-
 sui, quacunq; de re: licet hinc quantum cuiq; ui-
 debitur, circuncidat atq; amputet: tamen illud
 tenebo, si, qua ceteris in artibus aut studijs sita
 sunt, orator ignoret, tantumq; ea teneat qua sine
 in disceptationibus, aut in usa forensi: tamen his
 de rebus ipsis si sit ei dicendum, cum cognouerit
 ab ijs qui tenent qua sint in quaq; re multo ora-
 torem melius, quam ipsos illos, quorum ea sunt
 artes, esse dicturum. Ita si de re militari dicen-
 dum huic erit Sulpitio, quæret à C. Mario affini
 nostro, & cum acceperit, ita pronuntiabit, ut ipsi
 C. Mario penè hic melius, quam ipse ille scire
 uideatur. Sin de iure civili: tecum comunicabit,
 teq; hominem prudentissimū & peritissimū, in
 ijs ipsis rebus, quas abs te didicerit, dicendi arte
 superabit. Sin que res inciderit, in qua de natu-
 ra, de uitjs hominum, de cupiditatibus, de modo
 de continentia, de dolore, de morte dicendum sit:
 forsitan si ei sit uisum (etsi hac quidem nosse de-
 bet orator) cum Sex. Pompeio erudito homi-
 ne in philosophia communicabit. Hoc profecto
 efficiet ut quacunq; rem à quoq; cognouerit, de
 ea re multo dicat ornatiùs, quam ille ipse unde
 cognorit. Sed si me audierit, quoniam philoso-
 phia in tres partes est distributa, in natura ob-
 securitatem, in differendi subtilitatē, in uitam atq;
 mores: duo illa relinquamus, idq; largiamur

inertia nostra: tertium uero, quod semper oratoris
 fuit, nisi tenebimus, nihil oratori, in quo magnus
 esse possit, relinquemus. Quare hic locus de uita &
 moribus totus est oratori perdiscendus: cetera si
 nō didicerit, tamen poterit, si quando uolet, ornare
 dicendo, cum erunt ad eum delata & iradita. Etenim
 si constat inter doctos, hominem ignarum astrologie
 ornatissimis atq; optimis uersibus Aratum de caelo,
 stellisq; dixisse: si de rebus rusticis hominem ab agro
 remotissimum Nicandrum Colophonium poetica quadam
 facultate nō rustica scripsisse praeclare: quid est
 cur non orator de rebus ijs eloquentissimè dicat,
 quas ad certam causam tempusq; cognorit? Est enim
 finitimus oratori poeta, numeris astrictior paulo,
 uerborum autem licentia liberior, multis uero ornandi
 generibus socius ac penè par: in hoc quidem certe
 propè idem, nullis ut terminis circumscribat, aut
 definiat ius suum, quo minus ei liceat eadem illi
 facultate et copia negari quā uelit. Nunquid illud
 quare Scaeuola negasti te fuisse laturum, nisi in meo
 regno esses, quod in omni genere sermonis, in omni
 parte humanitatis dixerim oratorem perfectū esse
 debere? Nunquam mehercule hoc dicerem, si eum
 quem fingo, meipsum esse arbitrarer: sed ut solebat
 C. Lucilius saepe dicere homo tibi subiratus,
 mihi propter eam ipsam causam minus, quam uolebat,
 familiaris, sed tamen & doctus et per-
 urba

urbanus : sic sentio neminem esse in oratorum numero habendum, qui non sit omnibus ijs artibus, quæ sunt libero homine dignæ, perpolitus: quibus ipsis, si in dicendo non utimur, tamen apparet atq; exiat utrum simus earum rudes, an didicerimus: ut qui pila ludunt, non utuntur in ipsa lusione artificio proprio palæstræ, sed indicat ipse motus, didicerint ne palæstram, an nesciant: & qui aliquid fingunt, etsi cum pictura nihil utuntur, tamen utrum sciant pingere an nesciant, non obscurum est: sic in orationibus hisce ipsis iudiciorum, concionum, senatus, etiamsi proprie ceteræ non adhibentur artes, tamen facile declaratur utrum is qui dicat, tantummodo in hoc declamatorio sit opere iactatus, an ad dicendum omnibus ingenuis artibus instructus accesserit. Tum ridens Scauola, Non luctabor, inquit, tecum Crasse amplius: id enim ipsum quod contra me locutus es, artificio quodam es consecutus, ut & mihi quæ ego uellem, non esse oratoris, concederes: & ea ipsa nescio quomodo rursus detorqueres, atq; oratori propria traderes. Hæc cum ego Prætor Rhodium uenissem, & cum summo illo doctore istius disciplina Apollonio ea quæ à Panætio acceperam, contulissem, irrisit ille quidem ut solebat, philosophiam atque contempsit, multaq; non tam grauius dixit, quam facile: tua autem fuit oratio eiusmodi, non ut ullam artem doctrinamue

contem

contemneres, sed ut omnes comites ac ministros
oratoris esse diceres: quas ego, si quis sit unus
complexus omnes, idemq; si ad eas facultates
istam ornatissima orationis adiunxerit, non
possum dicere eum non egregium quendam ho-
minem atq; admirandum fore: sed is, si quis esset
aut si etiam unquam fuisset, aut uero si esse pos-
set, tu esses unus profecto, qui & meo iudicio et
omnium uix ullam ceteris oratoribus (pace ho-
rum dixerim) laudem reliquisti. Verum si tibi
ipsi nihil deest, quod in forensibus rebus civili-
busq; ueretur, quin scias: neq; eam tamen scien-
tiam, quam adiungis oratori, complexus es: ui-
deamus ne plus ei tribuas, quam res & ueritas
ipsa concedat. Hic Crassus, Memento, inquit,
me non de mea, sed de oratoris facultate dixisse.
Quid enim nos aut didicimus, aut scire potui-
mus, qui antè ad agendum, quam ad cognoscen-
dum uenimus? quos in foro, quos in ambitione,
quos in Republi. quos in amicorum negotijs res
ipsa antè confecit, quam possemus aliquid de
rebus tantis suspicari. Quod si tibi tantum in
nobis uidetur esse, quibus etiam si ingenium, ut
tu putas, non maximè defuit, doctrina certè &
osium, & herculè etiam studium illud dicendi
acerrimum defuit: quid censes si ad alicuius in-
genium uel maius, illa quæ ego non attingi, ac-
cesserint, qualem illum & quantum oratorem
futurum? Tum Antonius, Probas mihi, inquit,
ista

istā Crasse quæ dicis : nec dubito quin multo locupletior in dicendo futurus sit , si quis omnium rerum atq; artium rationem naturamq; comprehenderit. Sed primum id difficile factū est, præsertim in hac nostra uita nostrisq; occupationibus : deinde illud etiam uerendum est , ne abstrahamur ab hac exercitatione & consuetudine dicēdi populari & forensi. Aliud enim mihi quoddam genus orationis esse uidetur eorum hominum , de quibus pauloante dixisti : quamuis illi ornatè & grauiter , aut de natura rerum, aut de humanis rebus loquantur. Nitidum quoddam genus est uerborum & latum, sed palæstre magis & olei , quàm huius ciuilis turbe ac fori. Nanq; egomet, qui serò ac leuiter Græcas literas attigissem, tamen cū proconsul in Ciliciam proficiscens, Athenas uenissem, complures tum ibi dies sum propter nauigandi difficultatem commoratus : sed cum quotidie mecum haberem homines doctissimos , eos serè ipsos qui abs te modo sunt nominati, cumq; hoc nescio quomodo apud eos increbuisse, me in causis maioribus , sicuti te , solere uersari : pro se quisq; eorum, quantum quisq; poterat, de officio & ratione oratoris disputabat. Horum alij, sicut iste ipse Mnesarchus , hos quos nos oratores uocaremus , nihil esse dicebat , nisi quosdam operarios lingua ccleri & exercitata; oratorem autem, nisi qui sapiens esset, esse neminem : atq;

ipsam

ipsam eloquentiam, quod ex bene dicendi scientia constaret, unam quandam esse uirtutem: & qui unam uirtutem haberet, omnes habere: easque ipsas esse inter se aequales & pares: ita qui esset eloquens, eum uirtutes omnes habere, atque esse sapientem. Sed hac erat spinosa quadam, & exilis oratio, longaeque à nostris sensibus abhorrebat. Carneades uero nullo uberius ipsam de rebus loquebatur, non quo aperiret sententiam suam (hic enim mos erat patrius academie aduersari semper omnibus in disputando) sed tum maxime tamen hoc significabat, eos qui rhetores nominarentur, & qui dicendi praecepta traderent, nihil plane tenere, neque posse quenquam facultatem assequi dicendi, nisi qui philosophorum inuenta didicisset. Disputabant contra discreti homines Athenienses in Repub. causisque uersati, in quibus erat etiam is qui nuper Romae fuit. Menodemus hospes meus: qui cum diceret esse quandam prudentiam, quae uersaretur in perspicendis rationibus constituendarum & regendarum rerum publicarum: excitabatur homo promptus ab homine abundanti doctrina, & quadam incredibili uarietate rerum & copia. Omnes enim partes illius ipsius prudentiae petendas esse à philosophia docebat. neque ea quae statuerentur in Repub. de Dijs immortalibus, de disciplina iuuentutis, de iustitia, de patientia, de temperantia

tantia, de modo rerum omnium, ceteraque, sine
quibus ciuitates aut esse, aut bene morata esse
non possent, usquam in eorum libris inueniri.
Quod si tantam uim rerum maximarum arte
sua rhetorici illi doctores complecterentur, qua-
rebat cur de proœmijs & epilogis, & de huius-
modi nugis (sic enim appellabat) referti essent
eorum libri: de ciuitatibus instituendis, de scri-
bendis legibus, de equitate, de iustitia, de fide,
de frangendis cupiditatibus, conformandis ho-
minum moribus, litera in eorum libris nulla
inueniretur. Ipsa uerò præcepta sic illudere so-
lebat, ut ostenderet non modo eos illius expertes
esse prudentia quam sibi asciscerent, sed ne hanc
quidem ipsam dicendi rationem ac uiam nosse.
Caput enim esse arbitrabatur oratoris, ut &
ipsis apud quos ageret, talis, qualem se ipse
optaret, uideretur: id fieri uita dignitate, de qua
nihil rhetorici isti doctores in præceptis suis re-
liquissent: & uti eorum qui audirent, sic affi-
cerentur animi, ut eos affici uellet orator: quod
item fieri nullo modo posse, nisi cognosceret is
qui diceret, quoz modis hominum mentes, &
quibus rebus, et quo genere orationis in quinq;
partem mouerentur. Hæc autem esse penitus in
media philosophia retrusa atq; abalita, quæ isti
rhetores ne primoribus quidē labris attigissent.
Ea Menedemus exēplis magis quam argumen-
tis conabatur refellere: memoriter enim multa
ex orat

ex orationibus Demosthenis praeclarè scripta pronuntians, docebat illum in animis uel iudicum, uel populi, in omnem partem dicendo permouendis, non fuisse ignarum, quibus ea rebus consequeretur, quae negaret ille sine philosophia quenquam scire posse. Huic respondebat, non se negare Demosthenem summam prudentiam summamq; uim habuisse dicendi: sed siue ille hoc ingenio potuisset, siue id quo constaret, Platonis studiosus audiendi fuisset, non quid ille potuisset, sed quid isti docerent esse querendum. Saepè etiam in eam partem ferebatur oratione, ut omnino disputaret, nullam artem esse dicendi: idq; cum argumentis docuerat, quòd ita nati essemus ut & blandiri, & suppliciter insinuare ijs à quibus esset petendum, & aduersarios minaciter terrere possemus. & rem gestam exponere, & id quod intenderemus confirmare, & id quod contrà diceretur, refellere, & ad extremum deprecari aliquid & conqueri, quibus in rebus omnis oratorum uersaretur facultas: & quòd cōsuetudo, exercitatioq;, & intelligēdi prudentiam acueret, & eloquendi celeritatem incitaret: tum etiam exemplorum copia nitebatur. Nam primum quasi dedita opera neminem scriptorem artis, ne mediocriter quidem disertum fuisse dicebat, cum repeteret usq; à Corace nescio quo, & Tysia, quos artis illius inuentores & principes fuisse constaret: eloquentissim

In
Vrute.

tissimos autem homines, qui ista nec didicissent,
 nec omnino scisse curassent, innumerabiles quos-
 dam nominabat: in quibus etiam siue ille irri-
 dens, siue quod ita putaret & q; ita audisset, me
 in illo numero, qui illa non didicissent, & tamē
 (ut ipse dicebat) possem aliquid in dicendo, pro-
 ferebat. Quorum ego illi aliterū fac lē assentie-
 bar, nihil me didicisse: in altero autem me illudi
 ab eo, aut etiam ipsum errare arbitrabar. Ar-
 tem uerò negabat esse ullam, nisi quæ cognitis
 penitusq; perspectis, & in unum exitum spe-
 ctantibus, & nunquam fallentibus rebus con-
 tineretur. Hac autem omnia quæ tractarentur
 ab oratoribus, dubia esse & incerta: cum &
 dicerentur ab ijs qui ea omnia nō plene tenerēt,
 & audirētur ab ijs quibus nō scientia esset tra-
 dendu, sed exigui temporis aut falsa, aut certē
 obscura opinio. Quid multa? sic mihi tum per-
 suadere uidebatur, neq; artificium ullam esse
 dicendi, nisi quenquam posse, nisi qui illa quæ a
 doctissimis hominibus in philosophia diceren-
 tur, cognosceret, aut callide aut copiose diceret.
 Quibus dicere Carneades solebat, ingenium
 tuum Crasse uehementer admirans, me sibi per-
 facilem in audiendo, te perpugnacem in dispu-
 tando esse usum. Tumq; ego hac eadem opi-
 nione adductus, scripsi etiā illud quodā in libel-
 lo, qui me imprudēte & inuito excidit, & per-
 uenit in manus hominum, disertos me cognosse

ex orationibus Demosthenis praeclarè scripta pronuntians, docebat illum in animis uel iudicium, uel populi, in omnem partem dicendo permouendis, non fuisse ignarum, quibus ea rebus consequeretur, quae negaret ille sine philosophia quencquam scire posse. Huic respondebat, non se negare Demosthenem summam prudentiam summamq; uim habuisse dicendi: sed siue ille hoc ingenio potuisset, siue id quo constaret, Platonis studiosus audiendi fuisset, non quid ille potuisset, sed quid isti docerent esse querendum. Saepe etiam in eam partem ferebatur oratione, ut omnino disputaret, nullam artem esse dicendi: idq; cum argumentis docuerat, quòd ita nati essemus ut & blandiri, & suppliciter insinuarere ijs à quibus esset petendum, & aduersarios minaciter terrere possemus. & rem gestam exponere, & id quod intenderemus confirmare, & id quod contrà diceretur, refellere, & ad extremum deprecari aliquid & conqueri, quibus in rebus omnis oratorum uersaretur facultas: & quòd cōsuetudo, exercitatioq;, & intelligendi prudentiam acueret, & eloquendi celeritatem incitaret: tum etiam exemplorum copia nitebatur. Nam primum quasi dedita opera neminem scriptorem artis, ne mediocriter quidem disertum fuisse dicebat, cum repeteret usq; à Corace nescio quo, & Tysia, quos artis illius inuentores & principes fuisse constaret: eloquen-

tissim

tissimos autem homines, qui ista nec didicissent,
 nec omnino scisse curassent, innumerabiles quos-
 dam nominabat: in quibus etiam siue ille irri-
 dens, siue quòd ita putaret & q; ita audisset, me
 in illo numero, qui illa non didicissent, & tamē
 (ut ipse dicebat) possem aliquid in dicendo, pro-
 ferebat. Quorum ego illi alterū facillè assentie-
 bar, nihil me didicisse: in altero autem me illudi
 ab eo, aut etiam ipsum errare arbitrabar. Ar-
 tem uerò negabat esse ullam, nisi quæ cognitis
 penitusq; perspectis, & in unum exitum spe-
 ctantibus, & nunquam fallentibus rebus con-
 tineretur. Hac autem omnia quæ tractarentur
 ab oratoribus, dubia esse & incerta: cum &
 dicerentur ab ijs qui ea omnia nō plane tenerēt,
 & audirētur ab ijs quibus nō scientia esset tra-
 denda, sed exigui temporis aut falsa, aut certè
 obscura opinio. Quid multa? sic mihi tum per-
 suadere uidebatur, neq; artificium ullam esse
 dicendi, nisi quenquam posse, nisi qui illa quæ à
 doctissimis hominibus in philosophia diceren-
 tur, cognosceret, aut callide aut copiose diceret.
 Quibus dicere Carneades solebat, ingenium
 tuum Crassè uehementer admirans, me sibi per-
 facilem in audiendo, te perpugnacem in dispu-
 tando esse usum. Tumq; ego hac eadem opi-
 nione adductus, scripsi etiā illud quodā in libel-
 lo, qui me imprudēte & inuito excidit, & per-
 uenit in manus hominum, disertos me cognosse

nonnullos, eloquentem adhuc neminē: quod eum
statuebam disertum, qui posset satis acute atq;
dilucide apud mediocres homines ex communi
quadam hominum opinione dicere: eloquentem
uerò qui mirabilius & magnificentius augere
posset atq; ornare quæ uellet, omnesq; omnium
rerum, quæ ad dicendum pertinerent, fonteis
animo ac memoria contineret. Id si est difficile
nobis, qui antè quàm ad dicendum ingressi si-
mus, obruimur ambitione & foro: sit tamen
in re positum atq; natura. Ego enim quantum
auguror coniectura, quantaq; ingenia in no-
stris hominibus esse uideo, non despero fore ali-
quem aliquando, qui & studio acriore quàm
nos sumus atq; fuimus, & otio ac facultate di-
scendi maiore ac maturiore, & labore atq; in-
dustria superiore, cum se ad audiendum, legen-
dum, scribendumq; maiore opera dederit, exi-
stat talis orator, qualem querimus: qui iure non
solum disertus, sed etiam eloquens dici possit:
qui tamen mea sententia, aut hic est iam Cras-
sus, aut si quis pari fuerit ingenio, pluraq; quàm
hic & audierit & lectitarit & scripserit, pau-
lum huic aliquid poterit addere. Hoc loco Sul-
pitius, desperanti mihi, inquit, & Cotta, sed
ualde optanti utrique nostrum cecidit, ut in
istum sermonem Crasse delaberemini. nobis
enim huic uenientibus iucundum satis fore ui-
debatur, si cum uos de rebus alijs loqueremini,
tamen

tamen nos aliquid ex sermone uestro memoria dignū excipere possemus: ut uerò penitus in eam ipsam totius huius uel studiū, uel arificij, uel facultatis disputationem penè intimam perueniretis, uix optandum nobis uidebatur. Ego enim qui ab incunte atate incensus essem studio utriusq; uestrum, Crassi uerò etiam amore, cum ab eo nusquam discederem, uerbum ex eo nunquam elicere potui de ui ac ratione dicēdi, cum & per meipsum egissem, & per Drusum sapientissem: quo in genere in Antoni (uere loquar) nunquam mihi percontanti aut quarenti aliquid defuisti, & per sepe me, quæ soleres in dicendo obseruare, docuisti. Nunc quoniam uterq; uestrum patefecit earum rerum ipsarum aditum quæ querimus, & quoniam princeps Crassus eius sermonis ordiendi fuit: date nobis hanc ueniam, ut ea quæ sentitis de omni genere dicendi, subtiliter prosequamini. Quod quidem si erit à uobis impetratum, magnam habebō Crasse huic palæstræ & Tusculano tuo gratiam, & longè Academia illi ac Lycio tuum hoc suburbanum gymnasium antepōnam. Tum ille, Immo uerò, inquit Sulpiti, rogemus Antonium, qui & potest facere id quod requiris, & consuevit, ut te audio dicere. Nam me quidem semper à genere hoc toto sermonis refugisse, & tibi cupienti atque instanti sæpiissime negasse, tute paulo antè dixisti, quod ego non

superbia, neq; inhumanitate faciebam, neq; quo-
 tuo studio rectissimo atque optimo non obsequi
 uellem: (præsertim cum te unum ex omnibus
 ad dicendum maxime natum, aptumq; cognos-
 sem) sed mehercule istius disputationis insolentia,
 atq; earum rerum quæ quasi iraduntur in
 arte inscitiæ. Tum Cotta, Quoniam id quod
 difficilimum nobis uidebatur, ut omnino de his
 rebus Crasse loquerere, affecui sumus: de reli-
 quo iam nostra culpa fuerit, si te, nisi omnia quæ
 percontati erimus, explicaris, dimiserimus. De
 his credo rebus, inquit Crassus, ut in conditio-
erotionibus nibus scribi solet, quibus sciam, poteroq;. Tum
non conditio nibus scribi solet, quibus sciam, poteroq;. Tum
nibus. De con- nostrum tam impudens est, qui se scire aut posse
ione nide postulet? Iam uero ista condicione, dum mihi
Vulp. in Titul liceat negare posse, quod non potero, & fieri
 nescire quod nesciam: licet, inquit Crassus, ue-
 stro arbitrato percontemini. Atq; inquit Sul-
 pitius, hoc primū ex te, de quo modo Antonius
 exposuit, quid sentias quarimus, existimēsne
 artem aliquā esse dicendi. Quid mihi nunc uos,
 inquit Crassus, tanquā alicui Graculo otioso et
 loquaci, & fortasse docto atq; erudito questiu-
 culam, de qua meo arbitrato loquar, ponitis?
 Quando enim me ista curasse, aut cogitasse ar-
 bitramini, & non semper irrississe potius eorum
 hominū impudentiā, qui cum in schola assedis-
 sent, ex magna hominū frequentia dicere iube-
 rent

rent, si quis quid quereret. quod primum ferunt
 Leontinū fecisse Gorgia, qui permagnum quid-
 dam suscipere ac profiteri uidebatur, cum se ad
 omnia, de quibus quisq; audire uellet, esse pa-
 ratum denuntiaret. Postea uerò uulgo facere
 coeperunt, hodieq; faciunt, ut nulla sit res neq;
 tanta, neq; tam improba, neq; tam noua, de
 qua se non omnia qua dici possunt, profiteantur
 esse dicturos. Quod si te Cotta arbrarer, aut
 re Sulpitii de ysrælus audire uelle, adduxissem
 huc Gracū aliquē, qui nos istiusmodi disputa-
 tionibus delictaret, quod ne nunc quidem diffi-
 cile factu est. Est enim apud M. Pisonē adole-
 scentem iam huic studio deditum, summo homi-
 nem ingenio, nostr. q; cupidissimū, peripate-
 ticus Staseus homo nobis sanē familiaris, &
 ut inter homines peritos constare uideo, in illo
 suo genere omnium princeps. Quem tu, inquit
 mihi Mutius, Staseam? quē peripateticū nar-
 ras? gerendus est tibi mos adolēcentibus Trasse,
 qui non Graci alicuius quotidianam loquaci-
 tatem sine usu, neq; ex scholis cantilenam re-
 quirunt: sed ex homine omnium sapientissimū
 atq; eloquentissimū, atq; ex eo qui non in libel-
 lis, sed in maximis causis, & in hoc domicilio
 imperij & glorie sit consilio linguaq; prin-
 ceps, cuius uestigia qui persequi cupiunt, eius
 sententiam sciscitantur. Equidem te cum in di-
 cendo semper putauimus, cum uerò tibi nun-

quàm eloquentia maiorem tribui laudem quàm
 humanitatis, qua nunc te uti uel maximè de-
 cet, neq; defugere eam disputationem, ad quam
 te duo excellentis ingenij adulescentes cupiunt
 accedere. Ego uerò, inquit, istis obsequi studeo,
 neq; grauabor breuiter meo more quid quaq;
 de re sentiam dicere. Ac primò illud (quoniam
 auctoritatem tuam negligere scianola fas mihi
 esse non puto) respondeo, mihi dicendi aut nul-
 lam artem, aut pertenuem uideri, sed omnè esse
 contentione inter homines doctos in uerbi con-
 trouersia positam. Nam si ars ita definitur, ut
 paulò antè exposuit Antonius, ex rebus pe-
 nitus perspectis planeq; cognitis, atq; ab opi-
 nionis arbitrio seiunctis, scientiaq; comprehen-
 sis, non mihi uideatur ars oratoris esse ulla. Sunt
 enim uaria, & ad uulgarem popularemq; sen-
 sum accommodata omnia genera huius foren-
 sis nostrae dictionis. Sim autem ea quae obserua-
 ta sunt in usu, ac ratione dicendi, hac ab homi-
 nibus callidis ac peritis animaduersa ac nota-
 ta, uerbis designata, generibus illustrata, par-
 tibus distributa sunt (id quod fieri potuisse ui-
 deo) non intelligo quamobrem non, si minus illa
 subtili definitione, ac hac uulgari opinione ars
 esse uideatur. Sed siue est ars, siue artis qua-
 dam similitudo, non est quidem ea negligenda:
 uerum intelligendum est, alia quaedam ad con-
 sequendā eloquentiam esse maiora. Tum An-
 tonius

tonius uehementer se assentiri Crasso dixit, quòd neq; ita amplecteretur artem, ut ij solerent, qui omnem uim dicendi in arte ponerent: neq; rursum eam totā sicut pleriq; philosophi facerent, repudiaret. Sed ex istimo, inquit, gratum te his esse Crasse facturum, si ista exposueris, quæ putas ad dicendum plus quàm ipsam artem posse prodisse. Dicam equidem quoniam institui, petamq; à uobis, inquit, ne has meas ineptias offeratis: quanquam moderabor ipse, ne ut quidam magister atq; artifex, sed quasi unus è togatorum numero, atq; ex forensi usu homo mediocris, neq; omnino rudis, uidear non ipse aliquid à me prompsisse, sed fortuito in sermonem uestrum incidisse. Equidem cum peterem magistratus, solebam in prehensando dimittere à me se auolam, cum ei ita dicerem, me uelle esse ineptum. id erat petere blandius: quod nisi inepte fieret, bene non posset fieri, hunc autem esse unum hominem ex omnibus, quo presente ego ineptus esse minimè uellem: quem quidem nunc mearum ineptiarum reſtem & spectatorem fortuna constituit. Nam quid est ineptius, quàm de dicendo dicere, cum id ipsum dicere nunquam sit non ineptum, nisi cum est necessarium? Perge uero Crasse, inquit Mutius: istam enim culpam quam uereris, ego præstabo. Sic igitur sentio, inquit Crassus, naturam primū, atq; ingenium ad dicendum uim affer-

re maximam : neq; uero istis , de quibus paulo
antè dixit. Antonius, scriptoribus artis ratio-
nem dicendi & uiam, sed naturam defuisse.
Nam & animi atque ingenij celeres quidam
motus esse debent, qui ad excogitandum acuti,
& ad explicandum ornandumq; sint uberes,
& ad memoriam firmi atq; diuturni. & si quis
est, qui hæc putet arte accipi posse, quod falsum
est (præclare enim se res habeat, si hæc accendi
aut commoueri arte possint : inferi quidem, &
donari ab arte non possunt omnia. sunt enim illa
dona naturæ) quid de illis dicet, quæ certè cum
ipso homine nascuntur. lingue solutio, uocis so-
nus, latera, uires, conformatio quadam & fi-
gura totius oris & corporis ? Neq; hæc ita di-
co, ut ars aliquid limare non possit : (neq; enim
ignoro, & quæ bona sint, fieri meliora posse do-
ctrina : & quæ non optima, aliquo modo acui
tamè, & corrigi posse, sed sunt quidam aut ita
lingua hesitantes, aut ita uoce absorti, aut ita
uultu motuq; corporis uastii atq; agrestes, ut
etiam si ingenijs atq; arte ualeant, tamen in
oratorum numerū uenire non possint. sunt autè
quidā ita naturæ numeribus in ijsdem rebus ha-
biles, ita ornati, ut non nati, sed ab aliquo deo
ficti esse uideantur. Magnū quiddā est onus atq;
munus suscipere atq; proficere, se esse omnibus
silentibus unū maximis de rebus magno in con-
uentu hominū audiendū. adest enim ferè nemo,

quin

quàm acutius atq; acrius uitia in dicente, quàm
 recta uideat: ita quicquid est in quo off. nditur,
 id etiam illa quæ laudanda sunt, obruit. Neq;
 hæc in eam sententiã disputo, ut homines ado-
 lescētes siquid naturale forte nō habiāt, omni-
 no, à dicendi studio deterream. Quis enim non
 uideat C. Celio equali meo magno honori fuis-
 se homini nouo illam ipsam, quancunq; assiqui
 potuerit in dicendo, mediocritatem? quis ue-
 strum equalem meum Q. Varium uastum ho-
 minem atq; foedum non intelligit illi ita sa-
 cultate, quancunq; habuit, magnam esse in ci-
 uitate gratiam consecutum? Sed quia de ora-
 tore querimus, fungendus est nobis oratione no-
 stra detractis omnibus uitijs orator atq; omni
 laude cumulandus. Neq; enim si multitudo li-
 tium, si uarietas causarū, si hæc turba & bar-
 baria forensis dat locum uel uitiosissimis ora-
 toribus; idcirco nos hoc quod querimus, omit-
 temus. Itaq; in ijs artibus, in quibus non utili-
 tas queritur necessaria, sed animi libera qua-
 dam oblectatio, quàm diligenter, & quàm pro-
 pè fastidiosè iudicamus? Nullæ enim lites, neq;
 controuersie sunt, quæ cogant homines, sicut in
 foro non bonos oratores, uem in theatro acto-
 res malos perpeti. Est igitur oratori diligenter
 prouidendum non uti illis satisfaciatur, qui-
 bus necesse est: sed ut ijs ipsis admirabilis esse
 uideatur, quibus libere liceat iudicare. Ac si

queritis planè quid sentiā, enuntiabo apud ho-
 mines familiarissimos, quod adhuc semper ta-
 cui, & taceo dum putavi. Mihi etiā quiq; opti-
 me dicunt, quiq; id facillime atq; ornatissime
 facere possint, tamen nisi timide ad dicendum
 accedunt, & in exordienda oratione perturbā-
 tur, penè impudentes vidētur, tametsi id accide-
 re non potest. Ut enim quisq; optime dicit, ita
 maxime dicendi difficultatem variosq; eventus
 orationis hominumq; expectationē perterritescit.
 Qui uero nihil potest dignum re, dignum nomi-
 ne oratoris, dignum hominum auribus efficere
 atq; edere, is mihi etiā si cōmouetur in dicendo,
 tamen impudens uidetur: non enim pudendo, sed
 non faciendo id quod non decet, impudentia no-
 men effugere debemus. Quem uero non pudet (id
 quod in plerisq; uideo) hunc ego non reprehē-
 sione solū, sed etiā pœna dignum puto. Equi-
 dem & in uobis animaduertere soleo, & in me
 ipso sepiissime experior, ut ex albescam in prin-
 cipijs dicendi, & tota mente, atq; omnibus ar-
 tibus contremiscam. Adolescentulus uero sic
 in initio accusationis exanimatus sum, ut hoc
 summum beneficium Quinto Maximo debue-
 rim, quod continuo consilium dimiserit, simul ac
 me fractum ac debilitatum metu uiderit. Hic
 omnes assensi significare inter sese, & colloqui
 cœperunt: fuit enim mirificus quidam in Crasso
 pudor, qui tamen non modo non obesset eius
 oratio

orationi, sed etiam probitatis commendatione
 prodesset. Tū Antonius, Sape, ut dicis, inquit,
 animaduerti Crasse, & te & ceteros summos
 oratores, quanquam tibi par mea sententia ne-
 mo unquam fuit, in dicendi exordio permoue-
 ri. Cuius quidem rei cum causam quærerem,
 quidnam esset cur ut in quoq; oratore plurimū
 esset, ita maximè is pertimesceret: has causas,
 inueniebam duas. Vnam, quòd intelligerent ij,
 quos usus ac natura docuisset, nonnunquā sum-
 mis oratoribus non satis ex sententia euentum
 dicendi procedere: ita non iniuria quotiescunq;
 dicerent, id quod aliquando posset accidere, ne-
 tum accideret, timere. Altera est hac, de qua
 queri saepe solco: ceterarum homines artium
 spectati & probati, si quando aliquid minus
 bene fecerunt quàm solent, aut noluisse, aut ua-
 letudine impediti non potuisse consequi id quod
 scirent, putantur. Noluit, inquit, hodie agere
 Roscius, aut crudior fuit. Oratoris peccatum,
 si quod est animaduersum, stultitia peccatū ui-
 detur, stultitia autem excusationem non habet:
 quia nemo uidetur aut quia crudus fuerit, aut
 quòd ita maluerit, stultus fuisse, quo etiam
 grauius iudicium in dicendo subimus. quoties
 enim dicimus, toties de nobis iudicatur: & qui
 semel in gestu peccauit, non continuo existima-
 tur nescire gestum: cuius autem in dicendo ali-
 quid reprehensum est, aut aeterna in eo, aut certe
 diu

diuturna ualet opinio tarditatis. illud uero, quod à te dictum est, esse permulta quæ orator, nisi à natura haberet, non multum à magistro adiuuaretur, ualde tibi assentior: inq; eo uel maxime probaui summum illum doctore Alabandensem Apollonium: qui cum mercede doceret, tamen non patiebatur eos quos indigebat non posse oratores euadere, operam apud sese perdere, dimittibatq;: & ad quancunq; artem putabat esse aptum, ad eam impellere atque hortari solebat. Satis est enim cæteris artificijs percipiendis tantummodo similem esse hominis, & id quod tradatur, uel etiam inculcetur, si quis forte sit tardior, posse percipere animo, & memoria custodire: non quaritur mobilitas lingue, non celeritas uerborum, non deniq; ea quæ nobis non possumus fingere, facies, uultus, sonus. In oratore autem acumen dialecticorum, sententiæ philosophorum, uerba propè poetarum, memoria iurisperitorum, uox tragicædorum, gestus penè summorum actorum est requirendus. Quamobrem nihil in hominum genere rarius perfecto oratore inueniri potest, quæ enim singularum rerum artifices, singula si mediocriter adepti sunt, probantur: ea nisi omnia summa sunt in oratore, probari non possunt. Tum Crassus, Atqui uide, inquit, in artificio & opera quàm tenui & leui quanto plus adhibeatur diligentia, quàm in hac re, quam

quàm constat esse maximam. Sepe enim soleo audire Roscium, cum ita dicat se adhuc reperire discipulum, quem quidem probaret, potuisse neminem: non quo non essent quidam probabiles, sed quia si aliquid modo esset uirum, id ferre ipse non posset. Nihil est enim tam insigne, nec tam ad diuturnitatem memorie stabile, quàm id in quo aliquid offenderis. Itaque ut ad hanc similitudinem huius histrionis oratoriam laudem dirigamus, uiderisne quàm nihil ab eo, nisi perfectè, nihil nisi cum summa uenustate fiat, nisi ita ut deceat, & uti omnes moueat atque delectet? Itaque hoc iandiu est consecutus, ut in quo quisque artificio excelleret, is in suo genere Roscius diceretur. Hanc ego absolutionem, perfectionemque in oratore desyderans, à qua ipse longè absum, facio impudenter: mihi enim uolo ignosci, ceteris ipse non ignosco. Nam qui non potest, qui uitiose facit, quem denique non decet, hunc (ut Apollonius inbebat) ad id quod facere possit, detrudendum puto. Nam tu igitur, inquit Sulpitius, me aut hunc Cottam ius ciuile, aut rem militarem iubes discere? nam quis ad ista summa, atque in omni genere perfecta potest peruenire? Tamen ille, Ego uerò, inquit, quòd in uobis egregiam quandam ac preclaram indolem ad dicendum esse cognoui, idcirco hæc exposui omnia: nec magis ad eos deterrendos, qui non possent, quàm

quàm ad uos qui possetis, exacuendos accommodaui orationem meam: & quanquam in utroque uestrum summum esse ingenium studiumq; perspexi, tamen hæc quæ sunt in specie posita, de quibus plura fortasse dixi, quàm solent Græci dicere, in te Sulpitii diuina sunt. Ego enim neminem nec motu corporis, neque ipso habitu atq; forma aptiorem, nec uoce pleniorē, aut suauiorē mihi uideor audisse: quæ quibus à natura minora data sunt, tamen illud assequi possunt, ut ijs quæ habeant, modice & scienter utantur, & ut ne dedeceat. Id enim est maximè uitandum, & de hoc uno minimè est facile præcipere, non mihi modo, qui sicut unus paterfamilias his de rebus loquor, sed etiam ipsi illi Roscio, quem sæpe audio dicere, caput esse artis decere: quod tamen unum id esse, quod tradi arte non possit. Sed, si placet, sermonem aliò transferamus, & nostro more aliquando, non rhetorico loquamur. Minime uerò, inquit Cotta: nunc enim te iam exoremus necesse est, quoniam retines nos in hoc studio, nec ad aliam dimittis artem, ut nobis explices quicquid est istud quod tu in dicendo potes: neque enim sumus nimis auidi, ista tua mediocri eloquentia contenti sumus. idq; ex te quarimus (ut ne plus nos assequamur, quàm quantulum tu in dicendo assecutus es) quoniam quæ à natura expetenda sunt, ea di

ea dicis non nimis deesse nobis, quid praterea esse assumendum putes? Tum Crassus arridens, Quid censes, inquit, Cotta, nisi studium & ardorem quendam amoris? sine quo, cum in uita nihil quicquam egregium, tum certè hoc quod tu expetis: nemo unquam assequetur. Neq; uerò uos ad eam rem uideo esse cohortandos, quos, cum mihi quoq; sitis molesti, nimis etiam flagrare intelligo cupiditate. Sed profecto studia nihil prosunt perueniendi aliquò, nisi illud quod eò, quò intendas, ferat deducatq; cognoris. Quare, quoniam mihi lenius quoddam onus imponitis, neq; ex me de oratoris arte, sed de hac mea quantulacumq; est, facultate queritis: exponam uobis non quandam aut perreconditam, aut ualde difficilem, aut magnificam, aut grauem rationem consuetudinis meae, qua quondam solitus sum uti, cum mihi in isto studio uersari adolescenti licebat. Tum Sulpitius, O diem Cotta nobis inquit, optatum: quod enim neq; precibus unquam, nec insidiando, nec speculando assequi potui, ut quid Crassus ageret meditandi, aut dicendi causa, non modo uidere mihi, sed ex eius scriptore, & lectore Diphilo suspicari liceret, id spero nos esse adeptos, omniaq; iam ex ipso quae diu cupimus, cognituros. Tum Crassus, Atqui arbitror Sulpiti, cum audieris non tam te hac admiraturum, quae dixero, quam existimaturum tum cum

ea au

ea audire cupiebas, causam cur cuperes non
fuisse. Nihil enim dicam reconditum, nihil ex-
pectatione uestra dignum, nihil aut in ad tam
uobis, aut eu quam nouū. Nam principio (illud
quod est homine ingenuo liberaliueq; educato
dignum) non negabo me ista omnium commu-
nia & contrita praecepta didicisse. Primum
oratoris officium esse, dicere ad persuadendum
accommodare: deinde esse omnem orationem,
aut de infinita rei questione sine designatione
personarum, & temporum, aut de re certis in
personis, ac temporibus locata. In utraq; au-
tem re, quicquid in controuersiam ueniat, in eo
queri solere, aut factumne sit: aut si est fa-
ctum, quale sit, aut etiam quo nomine uocetur:
aut, quod nonnulli addunt, rectene factum esse
uideatur. Existere autem controuersias, etiam
ex scripti interpretatione, in quo aut ambigue
quid sit scriptum, aut contrarie, aut ita ut a sen-
tentia scriptum dissideat: his autem omnibus
partibus subiecta quaedam esse argumenta
propria. Sed causarum quae sint à communi
questione seiunctae, partim in iudicijs uersari,
partim in deliberationibus esse etiam genus
tertium, quod in laudandis, aut uituperandis
hominibus poneretur: certosq; esse locos quibus
in iudicijs uteremur, in quibus aequitas quæri-
tur: alios in deliberationibus, qui omnes ad uti-
litatem dirigerentur eorum, quibus consilium
dare

daremus : alios item in laudationibus , in quibus ad personarum dignitatem omnia referrentur. Cumq; esset omnis oratoris uis ac facultas in quinque partes distributa : ut deberet reperire primum quid diceret , deinde inuenta non solum ordine , sed etiam momento quodam atq; iudicio dispensare atq; disponere , tum ea deniq; uestire atq; ornare oratione , post memoria sepire , ad extremum agere cum dignitate & uenustate : etiam illa cognoram & acceperam , ante quam de re diceremus , initio conciliandos eorum esse animos qui audirent : deinde rem demonstrandam , postea controuersiam constituendam : tum id quod nos intenderemus , confirmandum , post , quae contra dicerentur , refellenda : extrema autem oratione ea quae pro nobis essent amplificanda & augenda , quaeq; essent pro aduersarijs infirmenda atq; frangenda. Audieram etiam quae de orationis ipsius ornamentis traderentur , in qua praecipitur . primum , ut pure & Latine loquamur : deinde ut planè & dilucide , tum ut ornate , post ad rerum dignitatem apte , & quasi decore , singulorumq; rerum praecepta cognoram. Quin etiam quae maxime propria essent naturae , tamen his ipsis artem adhiberi uideram. nam de actione & de memoria quedam breuia , sed magna cum exercitatione praecepta gustaram. In his enim ferè rebus omnis istorum artificum do-

dd Etrina

Et rina uersatur, quam ego si nihil dicam adiuuare, mentiar. habet enim quaedam quasi ad commonendum oratorem, quo quidq; referat. Et quo intuens, ab eo quodcunq; sibi proposuerit, minus aberraret. Verum ego hanc uim intelligo esse in praeceptis omnibus, non ut ea fecerint oratores, eloquentia laudem sint adepti: sed quae sua sponte homines eloquentes facerent, ea quosdam obseruasse, atq; id egisse: sic esse non eloquentiam ex artificio, sed artificium ex eloquentia natum: quod tamen, ut antè dixi, non cūcio. est enim etiamsi minus necessarium ad bene dicendum, tamen ad cognoscendum non illiberale. Ea exercitatio quaedam suscipienda uobis est, quanquam uos quidem iam pridem estis in cursu, sed ijs qui ingrediuntur ad studium, quiq; ea quae agenda sunt in foro, tanquam in acie, possunt etiam nunc exercitatione quasi ludicra prae discere ac meditari. Hanc ipsam, inquit Sulpitius, nosse uolumus, attamen ista quae abs te breuiter de arte decursa sunt, audire cupimus, quanquam sunt nobis quoq; non inaudita. Verum illa mox, nunc de ipsa exercitatione quid sentias querimus. Equidem probo ista, Crassus inquit, quae uos facere soletis: ut causa aliqua posita consimili causarum earum quae in forum deferantur, dicatis quammaxime ad ueritatem accommodatè: sed pleriq; in hoc

nocem modo, neq; tam scienter, & uires exercent suas, & lingua celeritatem incitant, uerborumq; frequentia delectantur, in quo fallit eos quod audierunt. Dicendo, homines ut dicant, efficere solere. Vere enim etiam illud dicitur, Peruerse dicere, homines peruerse dicendo facillime consequi. Quamobrem in istis ipsis exercitationibus, etsi utile est etiam subito saepe dicere, tamen illud utilius sumptio spatio ad cogitandum paratius atq; accuratius dicere. Caput autem est, quod (ut uere dicam) minime facimus (est enim magni laboris, quem pleriq; fugimus) quamplurimum scribere. Stylus optimus, & praestantissimus dicendi effector ac magister: neque iniuria. Nam si subitam & fortuitam orationem commentatio & cogitatio facile uincit, hanc ipsam profecto assidua, ac diligens scriptura superabit. omnes enim siue artis sunt loci, siue ingenij cuiusdam atq; prudentiae, qui modo insunt in ea re de qua scribimus, anquirentibus nobis: omniq; acie ingenij contemplantibus, ostendunt se & occurrunt: omnesq; sententiae uerbaque omnia, quae sunt cuiusque generis maxime illustria, sub acumen styli subeant & succedant necesse est: tum ipsa collocatio, conformatioq; uerborum perficitur in scribendo, non poetico, sed quodam oratorio numero, & modo. Hae sunt quae clamores & admi-

rationes in bonis oratoribus efficiunt, neq; ea quisquam, nisi diu multumq; scriptitarit, etiam si uehementissime se in his subitis dictionibus exercuerit, consequetur: & qui à scribendi consuetudine ad dicendum uenit, hanc affert facultatem, ut etiam subito si dicat, tamen illa quæ dicuntur, similia scriptorum esse uideantur: atque etiam si quando in dicendo scriptum attulerit aliquid, cum ab eo discesserit, reliqua similis oratio consequetur. Ut concitato nauigio cum remiges inhibuerunt, retinet tamen ipsa nauis motum & cursum suum intermisso impetu pulsusq; remorum: sic in oratione perpetua, cum scripta deficiunt, parem tamen obtinet oratio reliqua cursum, scriptorum similitudine & ui concitata. In quotidianis autem cogitationibus equidem mihi adolescentulus proponere solebam illam exercitationem maxime, qua C. Carbonem nostrum illum inimicum solitum esse uti sciebam, ut aut uersibus propositis quàm maxime grauib; aut oratione aliqua lecta ad eum finem quem memoria possem comprehendere, eam rem ipsam, quam legissem, uerbis alijs quàm maxime possem lectis pronuntiarem. Sed post animaduerti hoc esse in hoc uitij, quòd ea uerba quæ maxime cuiusq; rei propria, quæq; essent ornatissima atq; optima, occupasset aut Ennius, si ad eius uersus me exercerem: aut Gracchus, si eius orationem mihi

mihi forte proposuissem: ita si iisdem uerbis uterem, nihil prodesse: si alijs, etiam obesse, cum minus idoneis uti consuecerem. Postea mihi placuit, eoq; sum usus adolescens, ut summorum Graecarum orationes explicarem: quibus lectis hoc assequebar, ut cum ea quae legerem Graece, Latine redderem, non solum optimis uerbis uterem, & tamē usitatis, sed etiam exprimerem quadam uerba imitando, quae noua nostris essent, dummodo essent idonea. Iam uocis, & spiritus, & totius corporis, & ipsius linguae motus, & exercitationes, non tam artis indigent, quam laboris: quibus in rebus habenda est ratio diligenter, quos imitemur, quorum similes uelimus esse. Intuendi nobis sunt non solum oratores, sed etiam actores, ne mala consuetudine ad aliquam deformitatem prauitatemq; ueniamus. Exercenda est etiam memoria ediscendis ad uerbum quamplurimis & nostris scriptis, & alienis. Atq; in ea exercitatione non sanē mihi displicet adhibere, si cōsueris etiam istam locorum simulacrorumq; rationem, quae in arte traditur. Educenda deinde dictio est ex hac domestica exercitatione & umbratili medium in agmen, in puluerem, in clamorem, in castra, atq; aciem forensē: subeundus usus omnium, & periclitandae uires ingenij, & illa commentatio inclusa in ueritatis lucem proferenda est. Legendi etiam poëtae, cognoscenda historia,

omnium bonarum artium scriptores ac dictatores & legendi, & peruolutadi, & exercitationis causa laudandi, interpretandi, corrigendi, uituperandi, resiliendi: disputandumq; de omni re in contrarias partes: & quicquid erit in quaq; re quod probabile uideri possit, eliciendū atq; dicendum. Perdiscendum ius ciuile, cognoscenda leges, percipienda omnis antiquitas, senatoria consuetudo, disciplina Reipub. iura sociorum, foedera, pactiones, causa imperij cognoscenda est: libandus est etiam ex omni genere urbanitatis facietiarum quidam lepos, quo tanquam sile perspergatur omnis oratio. Effundi uobis omnia quae sentiebam, quae fortasse si quaecunq; patremfamilias arripuissetis ex aliquo circulo, eadem uobis percontantibus respondisset. Haec cum Crassus dixisset, silentium est consecutum. Sed quanquam satis ijs qui aderant, ad id quod erat propositum dictum uidebatur, tamen sentiebant celerius esse multo quam ipsi uellent, ab eo peroratum. Tum Scauola, Quid est Cotta, inquit, quid tacetis? nihilne uobis in mentē uenit quid praeterea à Crasso requiratis? Immo id mehercule, inquit, ipsum attendo: tantus enim cursus uerborum fuit, & sic euolauit oratio, ut eius uim atq; incitationem aspexerim, uestigia, ingressumq; non uiderim. et tanquam in aliquā locupletem ac refertam domum uenerim non explicata ueste, neq; proposito argēto, neq; tabulis

& sig

Et signis propalam collocatis, sed his omnibus
multis magnificisq; rebus constructis ac recon-
ditis: sic modo in oratione Crassi diuitias, ac or-
namenta eius ingenij per quadā inuolucra atq;
integumenta perspexi: sed ea cum contemplari
cuperem, uix aspiciendi potestas fuit: ita neq;
hoc possum dicere, me omnino ignorare quid
possideat, neq; planè nosse ac uidisse. Quin tu
igitur facis idem, inquit Scauola, quod faceres
si in aliquā domum plenam ornamentorū illam
uenisses? si ea seposita, ut dicis, essent, tuq; ualde
spectandi cupidus esses, nō dubitares rogare do-
minum ut proferri iuberet, praesertim si esset fa-
miliaris: similiter nunc petes à Crasso, ut eam
copiam ornamentorū suorum, quam cōstructam
uno in loco quasi per transfennam praetereuntes
strictim aspeximus in lucem proferat, Et suo
quidq; loco collocet. Ego uerò, inquit Cotta, à te
peto Scauola (me enim Et hunc Sulpitium im-
pedit pudor) ab homine omnium grauissimo, qui
genus huiusmodi disputationis semper contem-
pserit, hac qua isti forsitan puerorum clementia
uideantur, exquirere. Sed tu hoc nobis da Sca-
uola Et profice, ut Crassus hac qua coarctauit,
Et per angustie reseruit in oratione sua, dilatet
nobis atq; explicet. Ego mehercule, inquit Mu-
rius, antea uestra magis hoc causa uolebam,
quam mea. Neq; enim tantopere hanc à Crasso
disputationem desiderabam, quantopere eius
ad 4 causis

causis oratione delector: nunc uerò Crasse mea quoq; etiam causa rogo, ut quoniam tantum habemus otij, quantum iandiu nobis non cōtigit, ne grauiere exedificare id opus, quod instituisti. Formam enim totius negotij opinione maiorem melioremq; uideo, quam uehementer probo. Enimvero, inquit Crassus, mirari satis non queo etiam te hac Scæuola desiderare, quæ neq; ego teneo uti ij qui docent: neq; sunt eius generis, ut si optimè tenerem, digna essent ista sapientia, ac tuis auribus. An tu, inquit ille, si de istis communibus & peruagatis uix huic atati audiendum putas, etiãme illa negligere possumus, quæ tu oratori cognoscenda esse dixisti? de naturis hominum, de moribus, de rationibus ijs, quibus hominū mentes & incitarentur & reprimerentur, de historia, de antiquitate, de administratione Reip. deniq; de nostro ipso iure ciuili: hanc enim ego omnem scientiam, & copiam rerum in tua prudentia sciebam inesse, in oratoris uerò instrumēto tam lautam supellectilem nunquam uideram. Potes igitur, inquit Crassus (ut alia omittam, quæ sunt immensa, & ut ad ipsum tuum ius ciuile ueniam) oratores putare eos quos multas horas expectauit, cum in campum properaret, & ridens & stomachans Scæuola, cum Hypsæus maxima uoce plurimis uerbis à M. Crasso Pretore contenderet, ut ei quæ defendebat, causa cadere liceret: Cn. autem Octauius homo

homo consularis non minus longa oratione recusaret, ne aduersarius causa caderet, ac ne is pro quo ipse diceret, turpi tutela iudicio atque omni molestia, stultitia aduersarij liberaretur.

Ego uerò istos, inquit (memini enim mihi narrare Mutium) non modo oratoris nomine, sed ne foro quidem dignos putarem. Atqui non defuit illis patronis, inquit Crassus, eloquentia, neque dicendi ratio aut copia, sed iuris civilis prudentia, quòd alter plus lege agendo petebat, quàm quantum lex in XII. tabulis permiserat: quòd cum impetrasset, causa caderet: alter iniquum putabat, plus secum agi, quàm quòd esset in actione, neque intelligebat, si ita esset actum, litem aduersarium perditurum. Quid his paucis diebus, nòne nobis in tribunali Q. Pompeij Pratoris urbani familiaris nostri sedentibus, homo ex numero disertorum postulabat, ut illi, unde peteretur, uetus atq; usitata exceptio daretur, cuius pecuniæ dies fuisset? quòd petitoris causa comparatum esse non intelligebat: ut si ille inficiator probasset iudici antè petitam esse pecuniam, quàm esset cœpta deberi, petitor rursus cum peteret, ne exceptione excluderetur, quòd ea res in iudicium antea nò uenisset. Quid ergo hoc fieri turpius, aut dici potest, quàm eum qui hanc personam suscepit, ut amicorum controuersias, causasq; tueatur, laborantibus succurrat, agris medeat, afflicto excitet, hunc

in minimis tenuissimisq; rebus ita labi, ut alijs miserādus, alijs irridendus esse uideatur? Equidem propinquum nostrum P. Crassum illum diuitem, & multis alijs in rebus elegantem hominem & ornatum, præcipuè in hoc ferendum & laudandum puto, quòd cum P. Scauola frater esset, solitus est ei persæpe dicere, neq; illum in iure ciuili satis illi arti facere posse, nisi dicendi copiam assumpsisset, (quod quidem hic, qui mecum consul fuit, filius eius est consecutus) neq; se ante causas amicorum tractare, atq; agere cœpisse, quàm ius ciuile didicisset. Quid uerò ille M. Cato? nōne & eloquētia tanta fuit, quantam illa tempora, atq; illa ætas in hac ciuitate ferre maximam potuit, & iuris ciuilis omnium peritissimus? Verecundius hac de re iandudum loquor, quòd adest uir in dicendo summus, quem ego unum oratorē maximè admiror: sed tamen idem hoc semper ius ciuile contempsit. Verum, quoniam sententiæ atq; opinionis meæ uoluistis esse participes, nihil occultabo, & quoad potero, uobis exponam quid de quaq; re sentiam. Antonij incredibilis quadam, & propè singularis, & diuina uis ingenij uidetur, etiam si hac scientia iuris nudata sit, posse facillè cæteris armis prudentiæ causas tueri atque defendere. quamobrem hic nobis sit exceptus, cæteros uerò non dubitabo primum inertie condemnare sententiā meā, post etiam impudentiæ. Nam uoli-

rare

rare in foro, herere in iure, ac Pratorum in tri-
 bunalibus iudicia privata magnarum rerum
 obire, in quibus saepe non de facto, sed de equi-
 tate ac iure certetur: iactare se in causis cētum-
 nialibus, in quibus usucapionum, tutelarum,
 gentilitatum, agnationum, alluvionum, circum-
 lusionum, nexorum, mancipiorū, parietum, lu-
 minum, stillicidiorum, testamentorum ruptorum
 aut ratorū, ceterarumq; rerum innumerabilium
 iura versentur, cum omnino quid suū, quid alic-
 num, quare deniq; civis an peregrinus, servus
 an liber quispiam sit, ignoret, insignis est impu-
 dentia. Illa vero deridenda arrogantia est, in
 minoribus navigijs rudem esse se confiteri, quin-
 quemes autem, aut etiam maiores gubernare
 didicisse. Tu mihi cum in circulo decipiare ad-
 versarij stipulatiuncula, & cum obsignes tabel-
 las clien-^{ti} tui, quibus in tabellis id sit scriptum,
 quo ille capiatur: ego tibi ullam causam maio-
 rem committendam putem? Citius hercule is qui
 duorum scalmorum naviculam in portu euer-
 rit, in Euxino ponto Argonautarum navem
 gubernavit. Quid si ne parva quidem causa
 sunt, sed saepe maxime, in quibus certatur de
 iure civili? quod tandem os est illius patroni, qui
 ad eas causas sine ulla scientia iuris audeat acce-
 dere? Quae potuit igitur esse causa maior, quam
 illius militis, de cuius morte cum domum falsus
 ab exercitu nuntius venisset: & pater eius re-
 cred

credita testamentum mutasset, & quem ei visum esset, fecisset heredem: essetq; ipse mortuus res delata est ad centumuiros: cum miles domum reueneret, egissetq; lege in hereditate paternam, testamento exhaeres filius? Nempe in ea causa quaesitum est de iure civili, possetne paternorum bonorum exhaeres esse filius, quem pater testamento neq; heredem, neq; exheredem scripsisset nominatim. Quid, qua de re inter Marcellos, & Claudios patricios centumuiros iudicarunt, cum Marcelli ab liberti filio stirpe Claudij patricij eiusdem hominis hereditatem, gente ad se redisse dicerent? nonne in ea causa fuit oratoribus de toto stirpis, ac gentilitatis iure dicendum? Quid, quod item in centumuirali iudicio certatum esse accepimus? qui Romam in exilium uenisset, cui Roma exulare ius esset, si se ad aliquem quasi patronum applicuisset, intestatoq; esset mortuus, nonne in ea causa ius applicationis obscurum sane, & ignotum patefactum in iudicio, atq; illustratum est a patrono? Quid, nuper cum ego C. Sergij Aurata contra hunc nostrum Antonium iudicio privato causam defenderem? nonne omnis nostra in iure uersata defensio est? Cum enim Marius Cratidianus ades Aurata uendidisset, neque seruire quandam earum adium partem in mancipij lege dixisset, defendebamus quicquid fuisset incommodi in mancipio, id si uenditor scisset, neque
declar

declarasset, præstare debere. Quo quidem in genere familiaris noster *M. Bucculeius* homo neq; meo iudicio stultus, & suo ualde sapiens, & à iuris studio non abhorrens, simili in re quodam modo nuper errauit. nam cum ades *L. Fusio* uenderet, in mancipio lumina uti tum essent, ita recepit. *Fusius* autem simul atq; edificari cœptum est, in quadam parte urbis, quæ modo ex illis ædibus conspici posset, egit statim cum *Bucculeio*, quòd cuiusq; particula cæli officretur, quamuis esset procul, mutari lumina putabat. Quid uerò clarissima *M. Curij* causa, & *M. Coponij* nuper apud centumuiros, quo concursu hominum, quæ expectatione defensa est? cum *Q. Scauola* aqualis, & collega meus homo omnium & disciplina iuris ciuilis eruditissimus, & ingenio, prudentiaq; acutissimus, & oratione maxime limatus atq; subtilis, atq; ut ego solco dicere, iuris peritorum eloquentissimus, eloquentium iuris peritissimus, ex scripto testamentorum iura defenderet: negaretq; nisi posthumus, & natus, & antequam in suam tutelam ueniret, mortuus esset, heredem eum esse posse, qui esset secundum posthumum, & natum, & mortuum heres institutus: ego autem defenderem hac eum mente fuisse, qui testamentum fecisset, ut si filius non esset qui in tutelam ueniret, *M. Curius* esset heres. Num destitit uterq; nostrum in ea causa, in autori-

tatis

ratibus, in exemplis, in testamentorum formalis, hoc est in medio iure civili uersari? Omittam iam plura exempla causarum amplissimarum, quæ sunt innumerabilia: capitis nostri sæpe potest accidere ut causæ uersentur in iure. Etenim sic C. Mancinum nobilissimum atq; optimum uirum ac consularem, cum propter inuidiam Numantini fœderis pater patratus ex senatusconsulto Numantini dedidisset, eumq; illi non recepissent, posteaq; Mancinus domum reuenisset, neque in senatum introire dubitasset. P. Rutilius M. filius Tribunus pleb. de Senatu iussit educi, quod eum ciuem negaret esse: quia memoria sic esset proditum, quem pater suus, aut populus uendidisset, aut pater patratus dedidisset, ei nullum esse postliminium. Quam possumus reperire ex omnibus rebus civilibus causam contentioremq; maiorem, quam de ordine, de ciuitate, de libertate, de capite hominis consularis, præsertim cum hac non in crimine aliquo quod ille possit inficiari, sed in civili iure consisteret? Similiq; in genere inferiore ordine, si quis apud nos seruisset ex populo fœderato, seseq; liberasset, ac postea domum reuenisset: quæsitum est apud maiores nostros, num is ad suos postliminio redisset, & amisisset hanc ciuitatem. Quid de libertate, quo iudicium grauius esse nullum potest: nonne ex iure civili potest esse contentio? cum quaeritur, is qui
domi

domini uoluntate census sit, si non sit conditum
 lustrum, sit'ne liber. Quid, quod usu memoria
 patrum uenit, ut paterfamiliās, qui ex Hispania
 Romam uenisset, cum uxorem pregnantem
 in prouincia reliquisset, Romaq; alteram
 duxisset, neq; nuntium priori remisisset, mor-
 tuusq; esset intestato, & ex utraque filius na-
 tus esset: mediocri'ne res in controuersiam
 adducta est, cum quareretur de duobus ci-
 uium capitibus, & de puero qui ex posteriore
 natus erat, & de eius matre? qua si iudica-
 retur, certis quibusdam uerbis non nouis nu-
 ptijs fieri cum superiore diuortium, in concu-
 bina locum duceretur. Hac igitur & horum fa-
 milia iura suae ciuitatis ignorantem, erectum
 & celsum alacri & prompto ore ac uultu
 huc atque illuc insipientem, uagari magna cum
 cetera toto foro, praesidium clientibus atque
 opem amicis, & propè cunctis ciuibus lucens
 ingenij & consilij sui porrigentem atque ten-
 dentem, nōne in primis flagitiosum putan-
 dum est? Et quoniam de impudentia dixi, ca-
 stigemus etiam signitiem hominum atque in-
 ertiam. Nam si esset ista cognitio iuris magna
 ac difficilis, tamen utilitatis magnitudo debe-
 ret homines ad suscipiendum discendi laborem
 impellere. Sed o Diij immortales non dicerem
 hac audiente Staeuola, nisi ipse dicere soleret,
 nullius sibi artis faciliorem cognitionem uideri.

Quod

Quod quidem certis de causis à plerisq; aliter existimatur: primum quia ueteres illi, qui huic scientiæ præfuerunt, obtinende atq; augendæ potentie suæ causa peruulgari artem suam noluerunt. deinde posteaquam est editum, expositis à Cn. Flauio primum actionibus, nulli fuerunt qui illa artificiosè digesta generatim componerent. nihil est enim quod ad artem redigi possit, nisi ille prius qui illa tenet, quorum artem instituerè uult, habet illam scientiam: ut ex ijs rebus, quarum ars nondum sit, artem efficere possit. Hoc uideo, dum breuiter uoluerim dicere, dictum à me esse paulo obscurius: sed experiar, & dicam si potero, plinius. Omnia ferè, quæ sunt conclusa nunc artibus, dispersa & dissipata quondam fuerunt, ut in musicis numeri & uoces & modi: In Geometria lineamenta, forma, interualla, magnitudines: In Astrologia; cæli conuersio, ortus, obitus, motusq; siderum: In grammaticis poëtarum pertractatio, historiarum cognitio, uerborum interpretatio, pronuntiandi quidam sonus. In hac deniq; ipsa ratione dicendi, excogitare, ornare, disponere, meminisse, agere, ignota quondam omnibus & diffusa latè uidebantur. Adhibita est igitur ars quedam extrinsecus ex alio genere quodam, quod sibi totum philosophi assumunt, quæ rem dissolutam diuulsamq; cōglutinet, & ratione quadam constringeret. Sit ergo in iure civili finis hic, legitima atq;

atq; usitata in rebus, causisq; ciuium aequalita-
tis conseruatio. Tum sunt notāda genera, & ad
certum numerum paucitatemq; reuocanda.
Genus autem id est quod sui similes, cōmunio-
ne quadam, specie autem differentes, duas aut
plures complectitur partes. Partes autem sunt
quae generibus ijs, ex quibus emanāt subijciun-
tur. Omniaq; quae sunt uel generū, uel partium
nomina, definitionibus, quam uim habeant, est
exprimendum. Est enim definitio earū rerum
quae sunt eius rei propria, quam definire uolu-
mus, breuis & circūscripta quadam explicatio.
Hisce ego rebus exempla adiungerem, nisi apud
quos haec haberetur oratio cernerem: nunc com-
plectar quod proposui breui. Si enim aut mihi
facere licuerit, quod iandiu cogito, aut alius
quispiam, aut me impedito occuparit, aut mor-
tuo. effecerit, ut primum omne ius ciuile in gene-
ra digerat, quae perpauca sunt: deinde eorum
generum quasi quadam mēbra disperiat: tum
propriam cuiusq; uim definitione declaret: per-
fectam artem iuris ciuilis habebitis, magis ma-
gnam atq; uberem, quam difficilem & obscu-
ram. Atq; interea tamen dum haec quae disper-
sa sint, coguntur, uel passim licet carpentem, &
colligentem undiq; repleti ista iuris ciuilis sci-
entia. Nōne uidetis equitem Rom. hominē acu-
tissimo omniū ingenio, sed minime ceteris arti-
bus eruditum C. Aculeonem, qui mecum uiuit,
c c semp.

semperq; uixit: ita tenere ius civile, uti cum ab hoc discefferis, nemo de ijs qui peritissimi sunt, anteponatur? Omnia enim sunt posita ante oculos, collocata in usu quotidiano, in congressione hominum atq; in foro: neq; ita multis literis, aut uoluminibus magnis continentur: eadem enim sunt claua primum à pluribus: deinde paucis commutatis uerbis etiam ab iisdem scriptoribus scripta sunt sæpius. Accedit uerò quo facilius percipi, cognosciq; ius civile possit (quod minime pleriq; arbitrantur) mira quedam in cognoscendo suauitas & delectatio. Nam si quem aliena studia delectant, plurima est & in omni iure civili, & in pontificum libris, & in duodecim tabulis antiquitatis effigies, quod & uerborum prisca uetustas cognoscitur, & actionum genera quedam maiorum consuetudinem uitamq; declarant. Sine quis civilem scientiam contempletur, quam Scauola non putat oratoris esse propriam sed cuiusdam ex alio genere prudentie, totam hanc bene descriptis omnibus ciuitatis utilitatibus ac partibus. X I I. tabulis contineri uidebitis. Sine quem ista præpotens & gloriosa philosophia delectat, dicam audacius hosce habet fontes omnium disputationum suarum, qui iure civili & legibus continentur. ex his enim & dignitatem maxime expetendam uidemus, cum uerus, iustus, atq; honestus labor honoribus, premijs atq; splendore decora-

tur : uitia autem hominū atq; fraudes, damnis, ignominijs, uinculis, uerberibus, exilijs, morte muliantur: & docemur non infinitis, concertationumq; plenis disputationibus, sed autoritate nūq; legum domitas habere libidines, coercere omnes cupiditates, nostra tueri, ab alienis mentes, oculos, manus abstinere. Fremāt omnes licet, dicam quod sentio, bibliothecas mehercule omnium philosophorum unus mihi uidetur XII. tabularum libellus, siquis legum fontes & capita uiderit, & autoritatis pondere, & utilitatis ubertate superare. Ac si nos, id quod maximè debet, nostra patria delectat, cuius rei tanta est uis, ac tanta natura, ut Ithacam illam in asperrimis saxulis tāquam nidulum affixam, sapientissimus uir immortalitati anteponeret: quo amore tandem inflammati esse debemus in eiusmodi patriam, quæ una in omnibus terris domus est uirtutis, imperij, dignitatis? cuius primum nobis mens, mos, disciplina nota esse debet: uel quia est patria parens omnium nostrū, uel quia tanta sapientia fuisse in iure constituendo putanda est, quanta fuit in his tantis opibus imperij comparandis. Percipietis etiam illam ex cognitione iuris lætitiā & uoluptatem, quod quantum præstiterint nostri maiores prudentia cæteris gentibus, tum facillime intellegetis, si cum illorum Lycurgo, & Dracone, & Solone nostras leges cōferre uolueritis. Incre-

dibile est enim quàm sit omne ius civile prater hoc nostrum incòditum ac penè ridiculum: de quo multa soleo in sermonibus quotidianis dicere, cum hominum nostrorum prudentiam ceteris hominibus, & maximè Græcis antepono. His ego de causis dixeram Scævola, is qui perfecti oratores esse uellent, iuris civilis cognitionem esse necessariam. Jam uerò ipsa per sese quantum afferat is qui ei præsunt, honoris, gratia, dignitatis, quis ignorat? Itaq; ut apud Græcos infimi homines mercedula adducti ministros se præbent in iudicijs oratoribus, ù qui apud illos πρᾶγματῆρες uocantur: sic in nostra ciuitate contr. amplissimus quisq; & clarissimus uir, ut ille qui propter hanc iuris civilis scientiam sic appellatus à summo poeta est.

Egregie cordatus homo Catus Aelius Sextus: multiq; praterea, qui cum ingenio sibi autore dignitatem reperissent, perfecerunt ut in respondendo iure, autoritate plus etiam quàm ipso ingenio ualere. Senectutis uerò celebranda & ornanda, quod honestius potest esse perfugium, quàm iuris interpretatio? Equidem mihi hoc subsidium iam inde ab adolescētia comparavi, non solum ad causarum usum forensem, sed etiam ad decus atq; ornamentum senectutis: ut cum me uires (quod ferè iam tempus adueniat) deficere cœpissent, ista ab solitudine domum meam uindicarem. Quid est enim præclarius quàm

quàm honoribus & Reipu. muneribus perfun-
ctum senem posse suo iure dicere idem quod
apud Ennium dicat ille Pythius Apollo, se
esse eum, unde sibi, si non populi & reges, at
omnes sui cives consilium expetant?

Suarum rerum incerti, quos ego mea ope ex
Incertis certos, compotesq; consiliij

Dimitto, ut ne res temere tractent turbidas.
Est enim sine dubio domus iurisconsulti totius
oraculum ciuitatis. Testis est huiusce Q. Mu-
rij ianua & uestibulum, quod in eius infirmis-
sima ualetudine, affectaq; iam etate, maxima
quotidie frequentia ciuium ac summorum ho-
minum splendore celebratur. Iam uerò illa non
longam orationem desiderant, quamobrem exi-
stimem publicæ quoq; iura, quæ sunt propria ci-
uitatis atq; imperij, tum monimenta rerum ge-
starum & uetustatis exempla oratori nota esse
debere. Nam ut in rerum priuatarum causis
atq; iudicijs depromenda sæpe oratio est ex iure
ciuili, & idcirco, ut antè diximus, oratori iuris
ciuilis scientia necessaria est: sic in causis publi-
cis iudiciorum, concionum, senatus, omnis hæc
& antiquitatis memoria & publici iuris auto-
ritas, & regenda Reipub. ratio ac scientia tan-
quam aliqua materies ijs oratoribus, qui uersan-
tur in Repu. subiecta esse debent. Non enim
causidicum nescio quem, neq; proclamatorem,
aut rabulam hoc sermone nostro conquirimus,

sed eum uirum, qui primum sit eius artis anti-
stes, cuius eam ipsa natura magnam homini fa-
cultatem daret, tamen esse deus putatur, ut &
ipsum quod erat hominis proprium, non par-
tum per nos, sed diuinitus ad nos delatum uide-
retur: deinde qui possit non tam caduceo quam
nomine oratoris ornatus incolumis uel inter bo-
stium tela uersari: tum qui scelus fraudemq; no-
centis possit dicendo subicere odio ciuium, sup-
plicioq; constringere: idemq; ingenij presidio
innocentiam iudiciorum pœna liberare: idemq;
languentem labentemq; populum aut ad decus
excitare, aut ab errore deducere, aut inflamma-
re in improbos, aut incitatum in bonos mitiga-
re: qui deniq; quemcumq; in animis hominum
motum res & causa postulet, cum dicendo uel
excitare possit, uel sedare. Hanc uim signis exi-
stimat aut ab ijs qui de dicendi ratione scripse-
runt, expositam esse, aut à me posse exponi tam
breui, uehementer errat: neq; solum inscitiam
meam, sed ne rerum quidem magnitudinē per-
spicit. Equidem nobis, quoniā ita uoluistis, fon-
tes unde hauriretis, atq; itinera ipsa ita putari
esse demonstranda, non ut ipse dux essem, quod
& infinitum est, & non necessariū: sed ut com-
monstrarem tantum uiam, & ut fieri solet, di-
gitum ad fontes intenderem. Mihi uerò, inquit
Mutius, satis superq; abs te uidetur istorum
studijs, si modo sunt studiosi, esse factum, nam ut

Socrat

Socratem illum solitum aiunt dicere, perfectum sibi opus esse, si quis satis esset concitatus cohortatione sua ad studium cognoscendæ percipiendæq; uirtutis (quibus enim id persuasum esset, ut nihil mallerent se esse quam bonos uiros, ijs reliquam facilem esse doctrinam) sic ego intelligo, sin hæc que patefecit oratione sua Crassus, intrare uolueritis, facillime uos ad ea que cupitis, peruenturos ab hoc aditu ianuæq; patefacta. Nobis uero inquit Sulpitius, ista sunt pergrata, perq; incunda: sed pauca etiam requirimus, in primisq; ea que ualde breuiter à te Crasse de ipsa arte percursa sunt, cum illa te & non contemnere, & didicisse constiterere: ea si paulò latius dixeris, expleris omnem expectationem diurni desiderij nostri. nam nunc quibus studendum rebus esset, accepimus, quod ipsum est tamen magnum, sed uias earum rerum, rationemq; cupimus cognoscere. Quid si, inquit Crassus, quoniã ego, quo facilius uos apud me tenerem, uestræ potius obsecutus sum uoluntati, quam aut consuetudini aut naturæ meæ, petimus ab Antonio, ut ea que continet, neq; adhuc protulit, ex quibus unum libellum sibi excidisse iandudum questus est, explicet nobis, & illa dicendi mysteria enūtiat? Ut uidetur, inquit Sulpitius: nã Antonio dicite, etiã quid tu intelligas, sentiemus. Peto igitur, inquit Crassus, à te quoniã id nobis Antoni hominibus id atatis oneris ab

horum adolescentiū studiis imponitur, ut exponat quid ijs de rebus, quas à te quari uides, sentias. Deprehensum equidem me, inquit Antonius, planè uideo atq; sentio, non solum quod ea requiruntur à me quorum sum ignarus atq; insolens: sed quia quod in causis ualde fugere soleo, ne tibi Crasse succedam, id me nunc isti uitare non sinunt. uerum hoc ingrediar ad ea quae uultis audacius, quòd idem mihi spero usu esse uenturum in hac disputatione, quod in dicendo solet, ut nulla expectetur ornata oratio: neque enim sum de arte dicturus, quam nunquam didici, sed de mea consuetudine, ipsaq; illa quae in commentarium meum retuli, sunt eiusmodi, nò aliqua mihi doctrina tradita, sed in rerum usu, causisq; tractata: quae, si uobis hominibus eruditissimis non probabuntur, uestram iniquitatem accusatore, qui ex me ea quasieritis, quae ego ne scirem: meam facilitatem laudatote, cum uobis non meo iudicio, sed uestro studio inductus non grauante respondero. Tum Crassus, Perge modo, inquit, Antoni: nullum est enim periculum ne quid tu eloquere, nisi ita prudenter, ut neminè nostrum poeniteat ad hunc te sermonem impulsisse. Ego uero, inquit, pergā & id faciam, quod in principio fieri in omnibus disputationibus oportere censeo, ut quid illud sit de quo disputetur explanetur, ne uagari et errare cogatur oratio, si ū qui inter se dissenserint, non idem esse, illud

illud de quo agitur, intelligent. Nam si forte
 quæreretur, quæ esset ars Imperatoris, constituen-
 dum putarem principio, quis esset Imperator:
 qui cum esset constitutus administrator quidē
 belli gerendi, tum adiungeremus de exercitu, de
 castris, de agminibus, de signorū collationibus,
 de oppidorum oppugnationibus, de comœatu,
 de insidijs faciendis atq; vitandis, de reliquis
 rebus quæ essent propria belli administrandi:
 quarum qui essent animo & scientia compotes,
 eos esse Imperatores dicerem, uterēq; exemplis
 Africanorum, & Maximorum, Epaminon-
 dam atq; Annibalem, atq; eius generis homi-
 nes nominarem. Sin autem quæreremus quis es-
 set is qui ad Remp. moderandam usum & sci-
 entiam & studium suum contulisset, definirem
 hoc modo: Qui quibus rebus utilitas Reip. para-
 retur augereturq; , teneret, ijsq; uteretur, hunc
 Reip. rectorem, & concilij publici autorem esse
 habendum: predicaremq; P. Lentulum prin-
 cipem illum, & Tib. Gracchum patrem, &
 Q. Metellum, & P. Africanum, & C. La-
 lium, & innumerabiles alios cum ex nostra
 ciuitate, tum ex cæteris. Sin autem quæreretur
 quisnam iuris consultus uere nominaretur, eum
 dicerem, qui legum & consuetudinis eius qua
 priuati in ciuitate uterentur, & ad responden-
 dum, & ad agendum, & ad cauendum peritus
 esset, & ex eo genere Sextum Aelium, M.

*Manilium, P. Mutium nominarem. Atq; ut iam ad leuiora artium studia ueniam, si musicus, si grammaticus, si poëta queratur, possum similiter explicare quid eorū quisq; profiteatur, & quo nō amplius ab quoq; sit postulandum. Philosophi deniq; ipsius, qui de sua ui ac sapientia unus omnia penē proficetur, est iamē quēdā descriptio, ut is qui studeat omniū rerū diuinarū atq; humanarum uim, naturam, causasq; nosse, & omnem bene uiuendi rationē tenere cepersequi, nomine hoc appelletur. Oratorē autē, quoniā de eo querimus, equidem non facio eundem quē Crassus, qui mihi uisus est omnē omniū rerum atq; artium sciētiā cōprehendere uno oratoris officio, ac nomine: atq; cum puto esse, qui & uerbis ad audiendū incundis, & sententijs ad probandū accommodatis uti possit in causis forensibus atq; cōmunibus: hunc ego appello oratorem, cumq; esse præterea instructū uoce & actione, & lepore quodā nolo. Crassus uero mihi noster uisus est oratoris facultatem non illius artis terminis, sed ingenij sui finibus immensis penē describere. nam & ciuitatū regendarum oratori gubernacula sententia sua tradidit, in quo per mihi mirum uisum est Scauola te hoc illi concedere, cum sapissime tibi senatus breuiter impoliteq; dicenti, maximis sit de rebus assensus. M. uero Scaurus, quem non longe ruri apud se esse audio, uir regendæ Reip. scientissi-
mus,*

mus, si audierit hanc auctoritatem gravitatis, & consilij sui vindicari à te Crasse, quòd eam oratoris propriam esse dicas, iam credo huc ueniat, & hanc loquacitatem nostram uulcu ipso, aspetuq; conterreat : qui quanquam est in dicendo minime contemnendus, prudentia tamen rerum magnarum magis, quam dicendi arte nititur. Neq; uero si quis utrunq; potest, aut ille consilij publici autor, ac senator bonus, ob eam ipsam causam orator est : aut hic disertus, aut eloquens, si est idem in procuratione ciuitatis egregius, aliam quam scientiam dicendi copia est consecutus. Multum inter se distant istae facultates, longeque sunt diuersae atq; seiunctae : neq; eadem ratione ac uia M. Cato, P. Africanus, Q. Metellus, C. Laelius, qui omnes eloquentes fuerunt, orationem suam, & Reipub. dignitatem exornabant, neq; enim est interdictum aut à rerum natura, aut à lege aliqua atq; more, ut singulis hominibus ne amplius quam singulas artes nosse liceat. Quare non etsi eloquentissimus Athenis Pericles, idemq; in ea ciuitate plurimos annos princeps consilij publici fuit, ideo eiusdem hominis atq; artis utraq; facultas existimanda est : nec si P. Crassus idem fuit eloquens & iuris peritus, ob eam causam inest in facultate dicendi iuris ciuili scientia. Nam si quisque ut in aliqua arte & facultate excellens, aliam quoque artem sibi assumpserit, is perficiet ut quod

praeterea

præterea sciet, id eius in quo excelleret, pars quædam esse uideatur, licet ista ratione dicamus, pila bene & duodecim scrupis ludere propriū esse iuris ciuilib, quoniā utrunq; eorum P. Manlius optime fecerit: eadēq; ratione dicantur & quos quædam Græci nominant, ydem poëta, quoniam Empedocles physicus egregiū poëma fecerit. At hoc ne philosophi quidem ipsi, qui omnia sicut propria sua esse atq; à se possideri uolunt, dicere audent, geometriam aut musicam philosophi esse, quia Platonē omnes in illis artibus præstantissimum fuisse fateantur. Ac si iam placet omnes artes oratori subiungere, tolerabilius est sic potius dicere, ut quoniā dicendi facultas non debeat esse ieiuna atq; nuda, sed aspersa atq; distincta multarū rerum iucunda quadam uarietate: sit boni oratoris multa auribus accepisse, multa uidisse, multa animo & cogitatione, multa etiā legendo percurrisse, neq; ea ut sua possedisse, sed ut aliena libasse. fateor enim callidum quendam hunc, & nulla in re tironem ac rudem, nec peregrinum atq; hospitem in agendo esse debere. Neq; uerò istis tragædijs tuis, quibus uti philosophi maximè solent, Crasse perturbor, quod ita dixisti, neminem posse eorum mentes, qui audirent, aut inflammare dicendo, aut inflamatas reslinguere, cum eo maximè uis oratoris, magnitudoq; cernatur, nisi qui rerum omnium naturam, mores hominum

num ac rationes penitus perspexerit, in quo philosophia sit oratori necessario percipienda: quo in studio hominū quoq; ingeniosissimorū otiosissimorumq; totas aetates uidemus esse contritas: quorum ego copiam magnitudinemq; cognitionis atq; artis nō modo non contemno, sed etiam uehementer admiror: nobis tamen qui in hoc populo foroq; uersamur, satis est ea de moribus hominum & scire & dicere, quae nō abhorrent ab hominum moribus. Quis enim unquam orator magnus & gravis, cum iratum aduersario iudicem facere uellet, haesitauit ob eam causam quod nesciret quid esset iracūdia, seruōrne mentis an cupiditas puniendi doloris? Quis cum ceteros animorum motus aut iudiciis aut populo dicendo miscere atq; agitare uellet, ea dixit quae a philosophis dici solent? qui partim omnino motus negant in animis ullos esse debere, quiq; eos in iudicium mentibus concitant, scelus eos nefariū facere: partim qui tolerabiliores uolunt esse, & ad ueritatē uitae propius accedere, permediocres, ac potius leues motus debere esse dicunt. Orator autem omnia haec quae putantur in communi uita consuetudine mala ac molestā & fugienda, multa maiora & acerbiora uerbis facit: itemq; ea, quae uulgo expectanda atq; optabilia uidentur, dicendo amplificat atq; ornat: neq; uult ita sapiens interstultos uideri, uti qui audiant, aut illū ineptum.

aut Græculum putent : aut etiam si ualde probent ingenium , oratoris sapientiam admirentur , se esse stultos moleste ferāt : sed ita peragrat per animos hominum , ita sensus mentesq; pertractat , ut non desideret philosophorum descriptiones , neq; exquirat oratione , summum illud bonum in animōne sit , an in corpore : uirtute , an uoluptate definiatur : an hæc inter se iungi copulariq; possint , an uerò , ut quibusdam uisum , nihil certum sciri , nihil planè cognosci & percipi possit , quarum rerum fateor magnam , multiplicemq; esse disciplinā , & multas , copiosas , uariasq; rationes . Sed aliud quiddam longè aliud Crasse querimus , acuto homine nobis opus est , & natura , usuq; callido . qui sagaciter peruestiget quid sui cines , yq; homines quibus aliquid dicendo persuadere uelit , cogitent , sentiant , opinentur , expectent . Teneat oportet uenas cuiusq; generis , ætatis , ordinis , & eorum apud quos aliquid aget , aut erit acturus , mentes sensusq; degustet Philosophorum autem libros reseruet sibi ad huiusmodi Tusculani requiem , atq; otium , ne si quando ei dicendum erit de iustitia & fide mutuetur à Platone , qui cum hæc exprimenda uerbis arbitraretur , nouam quandam fixit in libris ciuitatem , usq; eo illa quæ dicenda de iustitia parabat , à uite consuetudine & à ciuitatum moribus abhorrebant . Quòd si ea probarentur in
pop

populis atq; in ciuitatibus, quis tibi Crasse concessisset clarissimo uiro, & amplissimo principi ciuitatis, ut illa diceret in maxima concione tuorum ciuiū que dixistis, Eripite nos ex miseris, eripite nos ex faucibus eorum, quorum crudelitas nostro sanguine non potest expleri: nolite sinere nos cuiquam seruire nisi uobis uniuersis, quibus & possumus & debemus? Omitto miseras, in quibus, ut illi aiunt, uir fortis esse non potest: omitto fauces, ex quibus te eripi uis, ne iudicio iniquo exorbeatursanguis tuus, quod sapienti negant accidere posse: seruire uerò non modo te, sed uniuersum senatum, cuius tuum causam agebas, ausus es dicere? Potest'ne uirtus Crasse seruire istis autoribus quorum tu praecepta oratoris facilitate complecteris, que & semper, & sola libera est, quaeq; etiam si corpora capta sint armis, aut constricta uinculis, tamen suum ius, atque omnium rerum impunitam libertatem tenere debeat? Que uerò addidisti non modo senatum seruire posse populo, sed etiam debere: quis hoc philosophus tam mollis, tam languidus, tam enervatus, tam omnia ad uoluptatem corporis doloremq; referens probare posset, senatum seruire populo, cui populus ipse moderandi & regendi sui potestatem quasi quasdam habenas tradidisset? Itaq; haec cum à te diuinitus ego dicta arbitrarer, P. Rutilius Rufus homo doctus

doctus & philosophiæ deditus nō parum com-
 mode, sed etiam turpiter & flagitiose dicta esse
 dicebat. Idem Q. Sergium Galbam, quem ho-
 minem probe commeminisse se aiebat, pergra-
 uiter reprehēdere solebat, quod is L. Scribonio
 quæstionem in eum ferente, populi misericor-
 diam concitasset, cum M. Cato Galbæ grauis
 atq; acer inimicus asperere apud pop. Rom. &
 uehementer esset locutus, quam orationem in
 Originibus suis exposuit ipse. Reprehendebat
 igitur Galbā Rutilius, quod is C. Sulpitij Galli
 propinqui sui Q. *Pupillum* filium ipse penē in
 humeros suos extulisset, qui patris clarissimi
 recordatione & memoria fletum populo mo-
 ueret, & duos filios suos paruos tutelæ populi
 commendasset, ac se, tanquam in procinctu te-
stamentum *procinctu* stamentum faceret sine libra atq; tabulis popu-
e quo iustit *o. Instit.* lum Romanum tutorem institueret dixisset illo-
 rum orbitati. Itaq; cum & inuidia & odio
 populi tum Galba premeretur, his quoq; cum
 tragœdijs liberatum ferebat: quod item apud
 Catonem scriptum esse uideo, nisi pueris & la-
 crymis usus esset, pœnas cum daturum fuisse.
 Hac Rutilius ualde uituperabat, & huic hu-
 militati dicebat uel exilium fuisse, uel mortem
 anteponendam. Neq; uerò hoc solum dixit, sed
 ipse & sensit & fecit. Nam cum esset ille uir
 exemplum, ut scitis, innocentie: cumq; illo ne-
 mo neq; integrior esset in ciuitate, neq; san-
 ctior

Etior, nō modo supplex iudicibus esse noluit, sed
 ne ornatiùs quidem aut liberius causam dici
 suam, quàm simplex ratio ueritatis ferebat. *In Brut*
p. 356
 Paulum huic Cotta tribuit partiū disertissimo
 adolescenti sororis suæ filio. dixit item causam
 illam quadam ex parte Q. Mutius more suo,
 nullo apparatu, pure & dilucide. Quòd si tu
 tunc Crasse dixisses, qui subsidiū oratori ex illis
 disputationibus quibus philosophi utuntur, ad
 dicendi copiam petendum esse paulò antè dice-
 bas: & si tibi pro P. Rutilio nō philosophorum
 more, sed tuo licuisset dicere, quamuis scelerati
 illi fuissent, sicuti fuerunt pestiferi ciues suppli-
 cioq; digni, tamen omnem eorum importunita-
 tem ex intimis mentibus euellisset uis orationis
 tuæ: nūc talis uir amissus est, dum causa ita di-
 citur, ut si in illa commentitia Platonis ciuitate
 res ageretur: nemo ingemuit, nemo inclamauit
 patronorum, nihil cuiquam doluit, nemo est
 questus, nemo Remp. implorauit, nemo supplica-
 uit. Quid multa? pedē nemo in illo iudicio sup-
 plosit, credo, ne Stoicis renuntiaretur. Imitatus
 est homo Romanus & consularis ueterem illum
 Socratem, qui cum omniū sapientissimus esset,
 sanctissimeq; uixisset, ita in iudicio capitis pro
 se ipse dixit, ut nō supplex aut reus, sed ut ma-
 gister aut dominus uideretur esse iudiciū. quin-
 etiam cum ei scriptam orationem disertissimus
 orator Zysias attulisset, quàm, si ei uideretur,

edisceret, ut ea pro se in iudicio uteretur: non inuitus legit, & commodè scriptam esse dixit: sed, inquit, ut si mihi calceos Sicyonios attulisses, non uterer, quamuis essent habiles & apti ad pedes, quia non essent uiriles: sic illam orationem disertam sibi, & oratoriam uideri, fortem & uirilem non uideri. Ergo ille quoque damnatus est, neque solum primis sententijs, quibus tantum statuebant iudices, damnarent an absoluerent: sed etiam illis, quas iterum legibus ferre debebant. Erat enim Athenis reo damnato, si fraus capitalis non esset, quasi poena aestimatio: ex sententia, cum iudicibus daretur, interrogabatur reus, quam quasi aestimationem commerruisse se maxime confiteretur: quod cum interrogatus Socrates esset, respondit sese meruisse ut amplissimis honoribus & premijs decoraretur, et ut ei victus quotidianus in Prytaneo publice praberetur, qui honos apud Græcos maximus haberetur. Cuius responso sic iudices exarserunt, ut capitis hominem innocentissimum condemnarent, qui quidem si absolutus esset (quod mehercule, etià si nihil ad nos pertinet, tamen propter eius ingenij magnitudinē uellem) quonam modo istos philosophos ferre possimus, qui nunc, cum ille damnatus est, nullam aliā ob culpam: nisi propter dicēdi inscitiam, tamen à se oportere dicunt peti praecepta dicendi? Quibus cum ego non pugna utrum sit melius aut uerius, tam

tum dico & aliud illud esse atq; hoc & hoc, sine illo summi esse posse. Nam quod ius civile Crasse tam uehementer amplexus es, uideo quid egeris: tum cum dicebas, nō uidebam. Primum Scauola te dedidisti, quem omnes amare meritiſſimo pro eius eximia ſuauiſſime debemus: cuius artem cum indotatā eſſe, atq; incomitātā & incomptā uideres, uerborum eam dote locupletasti et ornasti. Deinde quod in ea tu plus opera laborisq; conſumpſeris, cum eius ſtudy tibi & hortator & magiſter eſſet domi, ueritus es, niſi iſtā artem oratione exaggeraſſes, ne operam perdididiſſes. Sed ego ne cum iſta quidem arte pugno, ſit ſanē tanta quanta tu illam eſſe uis: etenim ſine controuerſia & magna eſt & late patet, & ad multos pertinet, & ſummo in honore ſemper fuit, & clariſſimi ciues ei ſtudio etiam hodie præſunt: ſed uide Crasse ne dum nouo & alieno ornatu uelis ornare iuris ciuiliſ ſcientiam, ſuo quoque eam conſeſſo & tradito ſpolies atq; denudes. Nam ſi ita diceres, qui iuris conſultus eſſet, eſſe cum oratorem: itemq; qui eſſet orator, iuris ciuiliſ eundem eſſe conſultum: præclaris duæ artes conſtitueres, atq; inter ſe pares, & eiſdem ſocias dignitatis. nunc uero iuris conſultum ſine hac eloquentia de qua querimus: fateris eſſe poſſe, fuiſſeq; plurimos: oratorem negas, niſi illam ſcientiam aſſumpſerit, eſſe poſſe: ita & tibi

iuris consultus ipse per se nihil, nisi leguleius quidam cantus & acutus, præco actionu, cantor formularum, auceps syllabarum. Sed quia sæpe utitur orator subsidio iuris in causis, iccirco istam iuris scientiam eloquentiæ tanquam ancillulam, pedissequamq; adiunxisti. Quod uerò impudentiam admiratus es eorum patronorum, qui aut cum parua nescirent, magna profiterentur, aut ea quæ maxima essent in iure civili, tractare auderent in causis, cum ea nescirent, nunquamq; didicissent: utriusque rei facilis est & prompta defensio. Nam neque illud est mirandum, qui quibus uerbis coemptio fiat, nesciat, eundem eius mulieris quæ coemptionem fecerit, causam posse defendere. Nec si parui nauigij & magni eadē est in gubernando scientia, iccirco qui quibus uerbis hercisceri oporteat, nesciat, idem herciscunda familie causam agere non possit. Nam quod maximas centumuirales causas in iure positas protulisti, quæ tandem earum causa fuit, quæ ab homine eloquenti iuris imperito non ornatissime potuerit dici? quibus quidem in causis omnibus sicut in ipsa *M. Curij* quæ abs te nuper est dicta, & in *C. Hostilij Mancini* controuersia, atque in eo puero qui ex altera natus erat uxore, non remisso nuntio superiori, fuit inter peritissimos homines summa de iure dissensio. Quæro igitur quid adiuerit oratorem in his causis

iuris

iuris scientia, cum hic iuris consultus superior fuerit discessurus, qui esset non suo artificio, sed alieno, hoc est non iuris scientia, sed eloquentia sustentatus? Equidem hoc saepe audiui, cum adilitatem P. Crassus peteret, cumq; maior natus, etiam consularis Sergius Galba affectaretur, quod Crassi filiam C. filio suo despondisset: accessisse ad Crassum consulendi causa quendam rusticum: qui cum Crassum seduxisset, atq; ad eum retulisset, responsumq; ab eo uerum magis quam ad suam rem accommodatum abstulisset, ut eum tristem Galba uidit, nomine appellauit, quasiuiq; qua de re ad Crassum retulisset: ex quo ut audiuit, comotumq; ut uidit hominem, Suspenso, inquit, animo & occupato Crassum tibi respondisse uideo: deinde ipsum Crassum manu prehendit, & Heus tu, inquit, quid tibi in mentem uenit ita respondere? Tum ille fidenter homo peritissimus confirmare, ita se rem habere, ut respondisset, nec dubium esse posse. Galba autem alludens uariè & copiose multas similitudines afferre, multaq; pro aequitate contra ius dicere: atq; illi, cum differendo par esse non posset (quanquam fuerit Crassus in numero disertorum, sed par Galba nullo modo) ad auctores confugisse, & id quod ipse diceret, & in P. Mutij fratris sui libris, & in Sex. Aelii commentarijs scriptum protulisse, ac tamen concessisse Galba disputationem sibi probabilem

& propè ueram uideri. Atamen quæ causæ
 sunt eiusmodi, ut de earum iure dubium esse non
 possit, omnino in iudicium uocari non solent.
 Num quis eo testamento, quod paterfamilias
 antè fecit quàm ei filius natus est, hereditatem
 petit? Nemo: quia constat agnascendo rumpi
 testamentum: ergo in hoc genere iuris iudicia
 nulla sunt. Licet igitur impune oratori omnem
 hanc partem iuris in cōtrouersis ignorare: quæ
 pars sine dubio multo maxima est. In eo autem
 iure quod ambigitur inter peritissimos, non esse
 difficile oratori eius partis, quacūq; defendet,
 autorem aliquem inuenire: à quo cum amen-
 tatas hasas acceperit, ipse eas oratoris lacertis
 uiribusq; torquebit. Nisi uero (bona uenia hu-
 ius optimi uiri dixerim Scauole) tu libellis aut
 præceptis soceri tui causam M. Curij defendi-
 sti, nonne arripuisti patrocinium æquitatis &
 defensionem testamentorum ac uoluntatis mor-
 tuorum? Ac mea quidem sententia (frequens
 enim te audiui atq; affui) multo maiorem par-
 tem sententiarum sale tuo & lepore & poli-
 tissimis facetijs pellexisti, cum et illud nimium
 acumen illuderet & admirarere ingenium
 Scauola, qui excogitasset nasci prius oportere,
 quàm emori: cumq; multa colligeret & ex le-
 gibus, & ex senatus consultis, & ex uita ac
 sermone communi non modo acute, sed etiam
 ridicule ac facete: ubi, si uerba non rem seque-
 remur,

remur, confici nihil posset. Itaq; hilaritatis plen-
 num iudicium ac letitia fuit : in quo quid tibi
 iuris civilis exercitatio profuerit, non intelligo:
 dicendi uis egregia summa festiuitate & ue-
 nustate coniuncta profuit. Ipse ille Mutius pa-
 terni iuris defensor, & quasi patrimonij propu-
 gator sui, quid in illa causa, cum contra te di-
 ceret, attulit, quod de iure civili depromptum
 uideretur? quam legem recitauit? quid patefecis
 dicendo, quod fuisset imperitis occultius? nempe
 eius omnis oratio uersata est in eo, ut scriptum
 plurimum ualere oportere defenderet. At in
 hoc genere pueri apud magistros exercentur
 omnes, cum in eiusmodi causis alias scriptum,
 alias aequitatem defendere docentur. Et credo
 in illa militis causa si tu aut heredem, aut mi-
 litem defendisses, ad Hostilianas te actiones,
 non ad tuam uim & oratoriam facultatem con-
 tulisset. Tu uero uel si testamentum defenderes,
 sic ageres, ut omne omnium testamentorum ius
 in eo iudicio positum uideretur: uel si causam
 ageres militis, patrem eius, ut soles, dicendo à
 mortuis excitasses, statuisses ante oculos, com-
 plexus esset filium, flensq; eum ceterum uiris com-
 mendasset, lapides mehercule omnes flere ac la-
 mentari coëgisset, ut totum illud, uti lingua nun-
 eupasset, non in XII. tabulis quas tu omnibus
 bibliothecis anteponis, sed in magistri carmine
 scriptum uideretur. Nam quod inertiā accusas

adulescentium, qui istam artem primum facil-
limam non ediscant, quæ quàm sit facilis, illi
uiderint qui eius artis arrogantia, quasi diffi-
cillima sit, ita subnixa ambulant: deinde etiam
tu ipse uideris, qui eam artem facilem esse dicis,
quam concedis adhuc artem omnino non esse,
sed aliquando, si quis aliam artem didicerit, ut
hanc artem efficere posset, tum esse illam artem
futuram. deinde quod sit plena delectationis, in
qua tibi remittunt omnes istam uoluptatem, &
ea se carere patiuntur. nec quisquam est eorum,
qui, si iam sit ediscendum sibi aliquid, non Teu-
crum, Pacuuij malit, quàm Manlianas uena-
lium uendendorum leges ediscere. Tu autem,
quod amore patriæ censes nos nostrorum maio-
rum inuenta nosse debere, non uides ueteres le-
ges, aut ipsas sua uetustate consensuisse, aut no-
uis legibus esse sublatas? Quod uerò uiros bonos
iure civili fieri putas, quia legibus & premia
proposita sint uirtutibus, & supplicia uitjs:
equidem putabam uirtutem hominibus (si mo-
do tradi ratione possit) instituendo & persua-
dendo, nō minis & ui, ac metu tradi. Nā ipsum
quidem illud etiam sine cognitione iuris, quàm
sit bellum cauere malum, scire possumus. De me
autem ipso, cui uni tu concedis ut sine ulla iuris
scientia tamen causis satisfacere possim, tibi hoc
Crasse respondeo, neque me unquam ius civile
didicisse, neque tamen in ijs causis, quas in iure
possem

possem defendere, unquam istam scientiam desiderasse. Aliud est enim esse artificem cuiusdam generis atque artis: aliud in communi uita et uulgari hominum consuetudine nec hebetere, nec rudem. Cui nostrum non licet fundos nostros obire, aut res rusticas uel fructus causa uel delectationis inuisere? tamen nemo tam sine oculis, tam sine mente uiuit, ut quid sit sementis, ac messis, quid arborum putatio ac uitium, quo tempore anni, aut quo modo ea fiant, omnino nesciat. Num igitur sicui fundus inspiciendus, aut si mandandum aliquid procuratori de agricultura, aut imperandum uillico sit, Magonis Carthaginienſis sunt libri perdiscendi? an hac communi intelligentia contenti esse possumus? Cur ergo non iidem in iure ciuili, praesertim cum in causis, et in negotijs, et in foro conteramur, satis instructi esse possimus ad hoc duntaxat, ne in nostra patria peregrini, atque aduene esse uideamur? Ac si iam sit causa aliqua ad nos delata obscurior, difficile credo sit cum hoc Scauola communicare: quanquam ipsi omnia, quorum negotium est, consilia ad nos et exquisita deferunt. An uero si de re ipsa, si de finibus, cum in rem presentem non uenimus, si de tabulis, et praescriptionibus controuersia est: contortas res, et saepe difficiles necessario perdiscimus? si leges nobis, aut si hominum peritorum responsa cognoscenda sunt, ueremur ne ea, si ab

adolescentia iuri civili minus studuerimus, non
 queamus cognoscere? Nihilne igitur prodest
 oratori iuris civilis scientia? Non possum nega-
 re, prodesse ullam scientiam, ei praesertim, cuius
 eloquentia copia rerum debeat esse ornata: sed
 multa, & magna, & difficilia sunt ea, quae sunt
 oratori necessaria, ut eius industriam in plura
 studia distrahere nolim. Quis neget opus esse
 oratori in hoc oratorio motu statuque Roscij ge-
 stum & uenustatem? tamen nemo suaserit stu-
 diosis dicendi adolescentibus in gestu dicendo
 histrionum more elaborare. Quid est oratori
 tam necessarium, quam uox? tamen me autorem
 nemo dicendi studiosus, Graecorum more, & ira
 gædorum uoci seruiet, qui & annos complures
 sedentes declamant, & quotidie antequam pro-
 nuntient, uocem cubantes, sensim excitant, ean-
 demque, cum egerunt, sedentes ab acutissimo sono
 usque ad grauiissimum sonum recipiunt, & qua-
 si quodammodo colligunt. Hoc nos si facere ueli-
 mus, antequam condemnentur, quorum causas rece-
 perimus, quam toties, quoties perscribitur, Pae-
 nem, aut Munionem citarimus. Quod si in ge-
 stu, qui multum oratorem adiunat: & in uoce,
 quae una maximè eloquentiam uel commendat,
 uel sustinet, elaborare nobis non licet: ac tantum
 in utroque assequi possumus, quantum in hac acie
 quotidiani muneris spatij nobis datur: quanto
 minus est ad iuris civilis perdiscendi occupatio-
 nem

nem descendendum? quod et summam percipi sine doctrina potest, & hanc habet ab illis rebus dissimilitudinem: quod uox & gestus subito sumi, & alicunde arripi non potest: iuris utilitas ad quamque causam, quamuis repente uel à peritis, uel de libris depromi potest. Itaque illi discretissimi homines ministros habent in causis iurisperitos, cum ipsi sint peritissimi: et qui, ut abs se, paulo ante dictum est, pragmatici uocantur. In quo nostri omnino melius multo, quod clarissimorum hominum autoritate leges & iura recta esse uoluerunt. Sed tamen non fugisset hoc Græcos homines, si ita necesse esse arbitrati essent, oratorem ipsum crudire in iure civili, non ei pragmaticum adiutorem dare. Nam quod dicis senectutem à solitudine uindictari iuris civilis scientia, fortasse etiam pecunia magnitudine: sed nos non quid nobis utile, uerum quid oratori necessarium sit querimus: quanquam quoniam multa ad oratoris similitudinem ab uno artifice sumimus, solet idem Roscius dicere, se quo plus sibi ætatis accederet, eo tardioris sibi cinis modos & cæus remissiores esse facturum. Quod si ille astrictus certa quadam numerorum moderatione & pedum, tamen aliquid ad requiem senectutis excogitat: quanto facilius nos non laxare modos, sed totos mutare possumus? Neque enim hoc te Crasse fallit, quam multa sint, & quam uaria genera dicendi, & quod
haud

haud sciam an tu primus ostenderis, qui iamdudum multo dicis remissius & lenius quam solebas, neq; minus hac tamen tua grauiissimi sermonis lenitas, quam illa summa uis & contentio probatur: multiq; oratores fuerunt, ut illum Scipionem audiuius & Lelium, qui omnia sermone conficerent paulo intentiore: nunquam ut Sergius Galba lateribus, aut clamore contenderent. Quòd si iam hoc facere non poteris, aut noles, uereri ne tua domus talis & uiri & ciuis, si à litigiosis hominibus non colatur, à ceteris deferatur? Equidem tantum absum ab ista sententia, ut non modo non arbitrer subsidium senectutis in eorum qui consultum ueniāt, multitudine esse ponendum, sed tanquam portum aliquem expectem istam, quam tu times, solitudinem. Subsidium enim bellissimum existimo esse senectui otium. Reliqua uerò etiam si adiuuant, historiam dico, & prudentiam iuris publici, & antiquitatis iter, & exemplorum copiam, si quando opus erit, à uiro optimo, & istis rebus instructissimo familiari meo Longo mutabor. Neque repugnabo quo minus (id quod modo hortatus es) omnia legant, omnia audiant, in omni recto studio atq; humanitate uersentur. sed mehercule non ita multum spatiij mihi uidetur, si modo ea facere & persequi uolent, qua à te Crasse precepta sunt: qui mihi propè etiam nimis duras leges imponere uisus es huic aetati, sed

sed tamen ad id quod cupiunt adipiscendū propè necessarias. Nam & subita ad propositas causas exercitationes, & accurata & meditata commentationes, ac stylus ille tuus, quem tu uerè dixisti perfectorem dicendi esse ac magistrum, multi sudoris est: & illa orationis suae cum scriptis alienis comparatio, & de alieno scripta subita uel laudandi, uel uituperandi, uel comprobandi, uel refellendi causa disputatio, non mediocris cōtentionis est uel ad memoriam, uel ad imitādum. Illud uero fuit horribile, quod me hercule uereor ne maiorem uim ad deterrendum habuerit, quàm ad cohortandum. Voluisti enim in suo genere unumquemq; nostram quasi quendam esse Roscium: dixistiq; non tam ea quae recta essent probari, quàm quae praua sunt fastidijs adhærescere: quod ego non tam fastidiosè in nobis, quàm in histrionibus spectari puto. Itaque nos raucos saepe attentissimè audiri uideo: tenet enim res ipsa, atque causa: at Aesopum, si paulum irraucuerit, explodi. A quibus enim nihil præter uoluptatem aurium queritur, in ijs offenditur, simulatq; imminuitur aliquid de uoluptate. In eloquentia autem multa sunt, quae teneant: quae si omnia summa non sunt, & pleraque tamen magna sunt, necesse est ea ipsa, quae sunt, mirabilia uideri. Ergo ut ad primum illud reuertar, sit orator nobis is, qui ut Crassus descripsit, accommodae

datè ad persuadendum possit dicere : is autem
 concludatur in ea quæ sunt in usu ciuitatum
 vulgari , ac forensi , remotisq; cæteris studijs ,
 quamuis ea sunt ampla , atque præclara , in hoc
 uno opere , ut ita dicam , noctes & dies urgea-
 tur , imiteturq; illum , cui sine dubio summa vis
 dicendi conceditur , Atheniensem Demosthe-
 nem , in quo tantum studium fuisse , tantusq; la-
 bor dicitur , ut primum impedimenta nature di-
 ligentia , industriaq; superaret : cumq; ita bal-
 bus esset , ut eius ipsius artis , cui studeret , pri-
 mam litteram non posset dicere , perfecit medi-
 tando , ut nemo plinius eo locutus putaretur .
 Deinde cum spiritus eius esset angustior , tantum
 continenda anima in dicendo est affectus , ut
 una continuatione uerborum (id quod eius scri-
 pta declarant) binæ ei contentiones uocis , & re-
 missiones continerentur . Qui etiam (ut memo-
 ria proditum est) coniectis in os calculis summa
 uoce uersus multos uno spiritu pronuntiare con-
 suebat : neq; is consistens loco , sed inambu-
 lans atq; ascensu ingrediens arduo . Hiscæ ego
 cohortationibus Crasse , ad studium , & ad labo-
 rem incitandos iuuenes uehementer assentior :
 cætera quæ collegisti ex uarijs & diuersis stu-
 dijs , & artibus , tametsi ipse es omnia consecu-
 tus , tamen ab oratoris proprio officio atq; mu-
 nere seiuncta esse arbitror . Hæc cum Antonius
 dixisset , sanè dubitare uisus est Sulpitius &

Cotta, utrius oratio propius ad ueritatem uideretur accedere. Tum Crassus, Operarium nobis quēdam Antoni oratorem facis, atq; haud scio an aliter sentias, & utare tua illa mirifica ad refellendū consuetudine, qua tibi nemo unquam prestitit: cuius quidem ipsius facultatis exercitatio, oratorum propria est, sed iam in philosophorum consuetudine uersatur, maximeq; eorum, qui de omni re proposita, in utranq; partem solent copiosissimē dicere. Verū ego non solum arbitrabar, his praesertim audientibus, à me informari oportere, qualis esse posset is qui habitaret in subsellijs, neque quicquam amplius afferret, quā quod causarum necessitas postularet: sed maius quiddam uidebam, eū censebam oratorem, praesertim in nostra Republica nullius ornamenti expertum esse oportere. Tu autem quoniam exiguis quibusdam finibus totum oratoris munus circundediisti, hoc facilius nobis expones ea quae abs te de officijs, praeceptisq; oratoris quaesita sunt: sed opinor secundum hunc diem, satis enim multa à nobis hodie dicta sunt. Nunc & Scauola, quoniam in Tusculanum ire constituit, paulum requiescet, dum se calor frangat: & nos ipsi, quoniam id temporis est, ualeitudini demus operam, Placuit sic omnibus. Tum Scauola, Sanè, inquit, uellem non constituisse in Tusculanum me hodie uenturum esse Lelio, libenter audirem Antonium.

Et cum exurgeret, sunul arridens, Neq; enim inquit, tam mihi molestus fuit, quod ius nostrum ciuile peruellit: quam incundus, quod se id nescire confessus est.

M. T. C I C E R O N I S
D E O R A T O R E
L I B E R I I.



MAGNA nobis pueris *Quinte* frater, si memoria tenes, opinio fuit *L. Crassum* non plus attigisse doctrinae, quam quantum prima illa puerili institutione potuisset: *M. autem Antonium* omnino omnis eruditionis expertem atq; ignarum fuisse: erantq; multi, qui quanquam ita se rem habere arbitrantur, tamen quò facilius nos incensos studio discendi à doctrina deterrent, libenter id quod dixi de illis oratoribus predicarent: ut si homines non eruditi summam essent prudentiam atq; incredibilem eloquentiam consecuti, inanis omnis noster esse labor, & stultum in nobis erudiendis patris nostri optimi ac prudentissimi uiri studium uideretur. Quos tuum ut pueri refutare domesticis testibus, patre, & *C. Aculeone* propinquo nostro: & *L. Cicerone* patruo solebamus, quòd de *Crasso* pater & *Aculeo*, quocum erat nostra matertera, quem *Crassus* dilexit ex omnibus plur

plurimum. & patruus qui cū Antonio in Ciliciam profectus unā decesserat, multa nobis de eius studio doctrinaq; saepe narrauit: cumq; nos cum consobrinis nostris Acutconis filijs & ea disceremus qua Crasso placerent, & ab ijs doctoribus, quibus ille uiceretur, erudiremur, etiam illud saepe intelleximus (cum essemus eiusmodi quod uel pueri sentire poteramus) illum & Gracē sic loqui, nullam ut nosse aliam linguam uideretur, & doctoribus nostris ea ponere in percontando, eaq; ipsum omni in sermone tractare, ut nihil esse ei nouum, nihil inauditum uideretur. De Antonio uerò, quanquam saepe ex humanissimo homine patruo nostro acceperamus, quemadmodum ille uel Athenis, uel Rhodi se doctissimorum hominum sermonibus dedidisset: tamen ipse adolescentulus quantū illius ineuntis ætatis mea patiebatur pudor, multa ex eo saepe quasui. Non erit profectò tibi quod scribo, hoc nouū (nam iam tum ex me audiebas) mihi illi ex multis uarijsq; sermonibus nullius rei, quæ quidem esset in his artibus, de quibus aliquid existimare possem, rudem aut ignarum esse uisum. Sed fuit hoc in utroq; eorum: ut Crassus non tam existimari uellet non didicisse, quàm illa despicere, & nostrorum hominū in omni genere prudentiam Gracis anteferre. Antonius autem probabiliorē hoc populo orationem fore censebat suam, si omni-

no didicisse nunquā putaretur: atq; ita se uterq;
 grauiorem fere, si alter contemnere, alter ne
 nosse quidem Græcos uideretur. Quorum consi-
 lium quale fuerit, nihil sanè ad hoc tempus: il-
 lud autē est huius institutæ scriptionis ac tem-
 poris, neminem eloquentia non modo sine di-
 cendi doctrina, sed ne sine omni quidem sapien-
 tia florere anquam & præstare potuisse. Et-
 enim ceteræ ferè artes seipsæ per se tuentur sin-
 gulæ: bene dicere autem, quod est scienter, &
 peritè, & ornate dicere, non habet definitam
 aliquam regionem, cuius terminis septa teneat-
 ur. Omnia quæcunq; in hominum disceptatio-
 nem cadere possunt, bene sunt ei dicenda, qui hoc
 se posse profitetur: aut eloquentiæ nomen relin-
 quendum est. Quare equidem & in nostra ci-
 uitate, & in ipsa Græcia, quæ semper hæc sum-
 ma duxit, multos & ingenijs, & magna laude
 dicendi sine summa rerum omnium sciētia fuisse
 fateor: talim uerò existere eloquentiam, qualis
 fuerit in Crasso & Antonio, non cognitis re-
 bus omnibus, quæ in tantam prudentiam per-
 tinerent, tantamq; dicendi copiam, quanta in
 illis fuit, non potuisse confirmo. Quod etiam feci
 libentius ut cum sermonem, quem illi quondam
 inter se de his rebus habuissent, mandarem li-
 teris: uel ut illi opinio quæ semper fuisset, tolle-
 retur, alterum non doctissimum, alterum planè
 indoctum fuisse: uel ut ea quæ existimarem à
 summis

summis oratoribus de eloquentia diuinitus esse dicta, custodirē licetis si ullo modo assequi completeq; potuissē: uel michercule, etiam ut laudem eorum iam propē senescentem, quantū ego possem, ab obliuione hominum atq; à silentio uindicarē. Nam si ex scriptis cognoscei ipsi suis potuissent, minus hoc fortasse mihi esse putassim laborandum: sed cum aliter non multū, quod quidem extaret, & id ipsum adolescens: aliter nihil admodum scripti reliquisset: deberi hoc à me tantis hominum ingenijs putavi, ut cum etiam nunc uiuam illorum memoriam teneremus, hāc immortālē redderemus, si possem. Quod hoc etiam spe aggredior maiore ad probandū, quia non de Sergij Galbe, aut C. Carbonis eloquentia scribo aliquid, in quo liceat mihi fingere, siquid uelim, nullius memoria iam refellente: sed edo hęc ijs cognoscenda, qui eos ipsos, de quibus loquor, saepe audierunt: ut duos summos uiros, ijs qui neutrum illorum uiderint, eorum, quibus ambo illi oratores cogniti sunt, uiuorum & praesentium memoria teste commendemus. Nec uerò te charissime frater atque optime, rhetoricis nunc quibusdam libris, quos tu agrestes putas, insequor ut crudiam: (quid enim tua potest oratione aut subtilius, aut ornatiùs esse?) sed quoniam siue iudicio, ut soles dicere: siue ut ille pater eloquentie de se Isocrate: scripsit ipse, pudore à dicendo,

*timiditate ingenua quadā refugisti: siue ut
p se iocari soles, unū putasti satis esse, non modo
in una familia rhetorē, sed penē in tota ciuita-
te: nō tamē arbitror tibi hos libros in eo fore ge-
nere, quod meritō propter eorū qui de dicendi ra-
tione disputarunt, ieiunitatem bonarū artium,
possit illi di. Nihil enim mihi quidem uidetur
in Crassi & Antonij sermone esse prateritum,
quod quisquam summis ingenijs, acerrimis stu-
dijs, optima doctrina, maximo usu cognosci ac
percipi potuisse arbitraretur: quod tu facillime
poteris iudicare, qui prudentiam, rationemq;
dicendi per te ipsum, usum autem per nos per-
cipere uoluisti. Sed quo cinius hoc quod susce-
pimus, non mediocre munus conficere possimus:
omissa nostra adhortatione, ad eorū quos pro-
posuimus, sermonē disputationemq; ueniamus.
Postero igitur die, quā illa erant acta, hora
ferē secunda, cum etiam tum in lecto Crassus
esset, & apud eum Sulpitius sederet, Anto-
nius autem inambularet cum Cotta in porticu,
repente eō Q. Catulus senex cum C. Iulio fratre
uenit: quod ubi audiuit, commotus Crassus sur-
rexit, omnesq; admirati maiorem aliquam es-
se causam eorum aduentus suspicati sunt. Qui
cum inter se, ut ipsorum usus ferebat, amicissi-
me consalutassent, Quid uos tandem, Crassus,
nunquidnam inquit noui? Nihil sanē, inquit
Catulus: etenim uides esse ludos: sed uel tu nos
in ep.*

ineptos licet, inquit, uel molestos putes: cum ad me in Tusculanum, inquit, heri uespere uenisset Caesar de Tusculano suo, dixit mihi à se Scauola hinc euntem esse conuenitum, ex quo mira quadam se audisse dicebat: te, quem ego toties omni ratione tentans ad disputandum elicere non potuissim, permulta de eloquentia cum Antonio disseruisse, & tanquam in schola propè ad Græcorum consuetudinem disputasse. Itaq; frater exorauit, me ipsum non quidem à studio audiendi nimis abhorrentem, sed mehercule uerentem tamen ne molesti uobis interueniremus, ut huc secum uenirem. Scauolam enim ita dicere aiebat, bonam partem sermonis in hunc diem esse dilatam. Hoc si tu cupidius factum existimas, Casari attribues: si familiaris, utriq; nostrum: nos quidem nisi fortè molesti interuenimus, uenisse delectat. Tum Crassus, Equidem quæcunq; causa uos huc attulisset, lætarer, cum apud me uiderem homines mihi charissimos & amicissimos: sed tamen uere dicā, quæuis malletm fuisset, quàm ista quam dicis. Ego enim (ut quemadmodū sentio loquar) nunquam mihi minus quàm hesterno die placui: magis adeo id facilitate, quàm alia ulla culpa mea contigit: qui dum obsequor adolescentibus, me senem esse sum oblitus: feciq; id quod ne adolescens quidem feceram, ut ijs de rebus quæ doctрина aliqua continerentur, disputarē. Sed hoc

tamē cecidit mihi peropportune, quòd irāfactis
iam meis partibus ad Antoniū audiendū ue-
nistis. Tū Caesar, Equidē, inquit, Crasse, ita sum
eupidus te in illa longiore ac perpetua disputa-
tione audiēdi, ut si id mihi minus contingat, uel
hoc sim quotidiano tuo sermone contētus. Itaq;
experiar equidē illud, ut ne Sulpitius familia-
ris meus, aut Cotta plus quā ego apud te ua-
lere uideantur, & te exorabo profectò, ut mihi
quoq; & Catulo tua suauitatis aliquid imper-
tias. Sin tibi id minus libebit, non te urgebo,
neq; cōmittam ut dum uereare ne tu sis ineptus,
me esse indices. Tū ille, Ego mehercule, inquit,
Caesar, ex omnibus Latinis uerbis huius uerbi
nim uel maximā semper putauī. Quē enim nos
ineptum uocamus, is mihi uidetur ab hoc nomē
habere ductū, quòd non sit aptus, idq; in sermo-
nis nostri consuetudine perlatē patet. Nam qui
aut tempus quid postulet nō uidet, aut plura lo-
quitur, aut se ostētat, aut eorū quibuscū est, uel
dignitatis uel cōmodi rationē nō habet, aut de-
niq; in aliquo genere aut inconcinuus aut mul-
tus est, is ineptus esse dicitur. Hoc uitio cumu-
lata est eruditissima illa Gracorū natio: itaq;
quòd uim huius mali Graci non uidēt, ne nomē
quidem ei uitio imposuerunt. Ut enim quæras
omnia, quomodo Graci ineptū appellēt non re-
peries. Omnium autē ineptiarum quæ sunt innu-
merabiles, haud scio an ulla sit maior, quā
illorum

illorum qui solent quocunq; in loco, quoscunq;
 inter homines uisum est, de rebus aut difficilli-
 mus, aut non necessarijs argutissime disputare.
 Hoc nos ab istis adolescentibus facere inuiti
 & recusantes heri coacti sumus. Tam Catu-
 lus, Ne Greci quidem, inquit, Crasse, qui in ci-
 uitatibus suis clari & magni fuerunt, sicut tu
 es, nosq; omnes in nostra Repub. uolumus es-
 se: horum Gracorum, qui se inculcant auribus
 nostris, similes fuerunt, nec tamen in otio ser-
 mones huiusmodi disputationesq; fugiebant.
 Ac si tibi uideretur qui tēporis, qui loci, qui ho-
 minum rationem non habent, inepti, sicut de-
 bent uideri: num tandem aut locus hic non ido-
 neus uidetur, in quo porticus hæc ipsa, ubi in-
 ambulamus, & palastra, & tot locis sessiones,
 gymnasiorum & Grecarū disputationum me-
 moriā quodammodo cōmouent? aut importunū
 tempus in tanto otio, quod & raro datur, &
 nunc peroptato nobis datum est? aut homines
 ab hoc genere disputationis alieni, qui omnes
 hi sumus, ut sine his studijs nullam uitam esse
 ducamus? Omnia ista, inquit Crassus, ego
 alio modo interpretor, qui primum palestram
 & sedes, & porticus, etiam ipsos Catule
 Gracos exercitationis & dilectationis cau-
 sa, non disputationis inuenisse arbitror. Nam
 & seculis multis antè gymnasia inuenta sunt,
 quam in his philosophi garrere cœperunt: &

hoc ipso tempore cum omnia gymnasia philosophi teneant, tamē eorum auditores discū audire quā philosophum malunt, qui simul ut increpuit, in media oratione de maximis rebus & grauissimis disputantem philosophū omnes unctiois causa relinquunt: ita leuissimā delectationem grauissima, ut ipsi ferunt, utilitati anteponūt. Otium autem quod dicis esse, asperior: uerum oīū fructus est, non contentio animi, sed relaxatio. Sepe ex socero meo audiui, cum is diceret socerum suum Lelium semper ferē cum Scipione solitum rusticari, eosq; incredibiliter repuerascere esse solitos, cum rus ex urbe tanquam ē uinculis euolauissent. Non audeo dicere de talibus uiris, sed tamen ita solet narrare Scæuola, conchas eos & umbilicos ad Caietā, & ad Laurentum legere consuesse, & ad omnē animi remissionem ludumq; descendere. Sic enim se res habet, ut quemadmodū uolucres uidemus procreationis, atq; utilitatis suæ causa fingere & construere nidos, easdē autē, cū aliquid effecerint, lenādi laboris sui causa passim ac libere solutas opere uolitare: sic nostri animi forensibus negotiis, atque urbano opere defessi, gestiunt, ac uolitare cupiunt uacui cura atq; labore. Itaq; illud quod ego in causa Curiā Scæuolæ dixi, non dixi secus ac sentiebā. Nam si inquā, Scæuola nullum erit testamentum recte factum, nisi quod tu scripseris, omnes
ad te

ad te ciues cum tabulis ueniemus, omnium testamenta tu scribes unus. Quid igitur, inquam, quando ages negotium publicū? quādo amicorum? quādo tuū? quādo deniq; nihil ages? Tum illud addidi, Mihi enim liber esse non uidetur, qui non aliquando nihil agit: in qua permaneo Catule sententia, meq; cum huc ueni, hoc ipsum nihil agere, & planè cessare delectat. Nā quod addidisti tertium, uos eos esse qui uitā insuauē sine his studijs putaretis: id me non modo non hortatur ad disputandum, sed etiam deterret, Nam ut C. Lucilius homo doctus & perurbanus dicere solebat: ea quæ scriberet, neq; ab indoctissimis, neq; ab doctissimis legi uelle, quòd alteri nihil intelligerent, alteri plus fortasse, quàm ipse de se: (quo etiā scripsit, Persium non curo legere:) hic enim fuit, ut noramus, omnium ferè nostrorum hominum doctissimus: (Laelium Decimum uolo, quem cognouimus uirū bonum & non illiteratum, sed nihil ad Persium:) sic ego, si iam disputandū sit de his nostris studijs, nolim equidem apud rusticos, sed multo minus apud uos: malo enim non intelligi orationē meā, quàm reprehendi. Tum Caesar, Equidem, inquit, Catule iam mihi uideor nauasse operam, quòd huc uenerim: nam hæc ipsa recusatio disputationis, disputatio quædam fuit mihi quidem periucunda. Sed cur impedimus Antoniū, cuius audio esse partes ut de tota eloquen-

ria differat, quæq; iandudū Cotta & Salpitiū expectant? Ego uero, inquit Crassus, neq; Antonii uerbū facere patiar, & ipse obmutescam, nisi prius à uobis impetraro. Quidnam? inquit Catulus. *Per* hic sitis hodie. Tum cum ille dubitaret, quòd ad fratrem promiserat, Ego, inquit Iulius, pro utroq; respondeo, sic faciemus: atq; ista quidem conditione, uel ut uerbum nullum faceres, me teneres. Hic Catulus arrisit, & simul Præfisa, inquit, mihi quidem dubitatio est, quoniam neq; domi imperarem, & hic apud quem eram futurus, sine mea sententia, tam facile promisit. Tum omnes oculos in Antonium coniecerunt: & ille, Audite uero, audite, inquit: hominem enim audietis de schola, atq; à magistro & Græcis literis eruditū. & eò quidem loquor confidentius, quòd Catulus auditor accessit, cui non solum nos Latini sermonis, sed etiam Græci ipsi solent suæ linguae subtilitatem elegantiamq; concedere. Sed tamen quoniam hoc totum, quicquid est, siue artificium, siue studium dicendi, nisi accessit os, nullum potest esse: docebo uos discipuli id quod ipse non didici, quid de omni genere dicendi sentiam. Hic posteaquam arriserunt, Res mihi uidetur esse, inquit, facultate præclara, arte mediocris. Ars enim earum rerū est, quæ sciuntur: Oratoris autem omnis actio opinionibus, non scientia continetur. Nam & apud eos dicimus qui nesciūt,

Et ea dicimus quæ nescimus ipsi : itaq; Et illi aliàs aliud iisdem de rebus Et sentiunt Et iudicant : Et nos contrarias sepe causas dicimus, non modo ut Crassus contra me dicat aliquando, aut ego contra Crassum, cum alterutri necesse sit falsum dicere : sed etiam ut uterq; nostrum eadem de re aliàs aliud defendat, cum plus uno uerum esse non possit. Ut igitur in eiusmodi re quæ mendacio nixa sit, quæ ad scientiam non sepe perueniat, quæ opiniones hominum, Et sepe errores aucupetur, ita dicam, si causam putatis esse, cur audiat. Nos uerò Et ualde quidem, Catulus inquit, putamus, atq; eo magis, quòd nulla mihi ostentatione uideris esse uisurus. exorsus es enim non gloriose magis, ut tu putas, à ueritate, quàm à nescio qua dignitate. Ut igitur de ipso genere sum confessus, inquit Antonius, artem esse non maximā: sic illud affirmo, præcepta posse quædam dari peracuta ad pertractandos animos hominum, Et ad excipiendos eorum uoluntates. Huius rei scientiam si quis uolet magnam quandam artē esse dicere, non repugnabo. Etenim cum pleriq; temere ac nulla ratione causas in foro dicant, nonnulli autē propter exercitationem, aut propter consuetudinem aliquam callidius id faciant, non est dubium quin si quis animaduertit quid sit quare alij melius quàm alij dicant, id possit notare. Ergo id qui toto in genere fecerit,
. u si

is si non planè artem, at quasi artem quandam inuenerit. Atq; utinam ut mihi illa uidere uideor in foro atq; in causis, ita nunc quemadmodum ea reperirentur, possim uobis exponere. Sed de me uidero: nunc hoc propono, quod mihi persuasi, quamuis ars non sit, tamen nihil esse perfectio oratore præclarius. Nam ut usum dicendi omittam, qui in omni pacata & libera ciuitate dominatur: tanta oblectatio est in ipsa facultate dicendi, ut nihil hominum aut uiribus aut mentibus iucundius percipi possit. Qui enim cæntus moderata orationis pronuntiatione dulcior inueniri potest? Quod cæntum artificiosa uerborum ecclufione aptius? Quis actor in imitanda, quàm orator in suscipienda ueritate iucundior? Quid autem subtilius, quàm acuta crebraq; sententie? Quid admirabilius, quàm res splendore illustrata uerborum? Quid plenius quàm omni rerũ genere cumulata oratio? Neq; enim ulla non propria oratoris est res, quæ quidem ornate dici grauitèq; debeat. Huius est in dando consilio de maximis rebus cum dignitate explicata sententia eiusdem & languentis populi incitatio, & effrenati moderatio. Eadem facultate fraus hominum ad perniciem, & integritas ad salutem uocatur. Quis cohortari ad uirtutem ardentius, quis à uitijs acrius renocare, quis uituperare improbos asperius, quis laudare bonos ornatius, quis cupiditatē uehemen-

rius frangere accusando potest? quis mœrorem
leuare mœtius consolando? Historia uerò testis
temporū, lux ueritatis, uita memorie, magistra
uida, nuntia uetustatis, quæ uoce alia, nisi ora-
toris, immortalitati commendatur? Nam si qua
est ars alia, quæ uerborum aut faciendorum, aut
diligendorum scientiam profiteatur: aut si quis-
quā dicitur, nisi orator, formare orationē, eamq;
uariare & distinguere quasi quibusdam uer-
borum sententiarumq; insignibus: aut si uia ul-
la nisi ab hac una arte traditur, aut argumen-
torum, aut sententiarum, aut deniq; descriptio-
nis atq; ordinis: fateamur aut hoc quod hæc ars
profiteatur, alienum esse, aut cū aliqua alia ar-
te esse cōmune: sed si in hac una est ea ratio atq;
doctrina, non si qui aliarum artium bene locuti
sunt, eo minus id est huius unius proprium: sed ut
orator de ijs rebus quæ cæterarum artium sunt,
si modo eas cognorit (ut heri Crassus dicebat)
optime potest dicere: sic cæterarum artium homi-
nes ornatiùs illa sua dicunt, si quid ab hac arte
didicerunt. Neq; enim si de rebus rusticis agri-
cola quispiam, aut etiam, id quod multi, medicus
de morbis, aut de pingendo pictor aliquis disertè
dixerit aut scripserit, idcirco, illius artis putan-
da sit eloquentia: in qua quia uis magna est in
hominum ingenijs, eo multi etiam sine doctrina
aliquid omnium generū atq; artium consequun-
tur: sed quod cuiusq; sit proprium, et si ex eo in-
dicari.

dicari potest, cū uideris quid quæq; doceant, tamen hoc certius nihil esse potest, quàm quòd omnes artes aliæ sine eloquentia suū munus præstare possunt, orator sine ea nomen suum obtinere non potest: ut ceteri, si disertī sunt, aliquid ab hoc habeant: hic nisi domesticis se instruxerit copijs, aliunde dicendi copiam petere non possit. Tum Catulus, Et si, inquit, Antoni, minime impediedus est interpellatione iste cursus orationis tuæ, patiēre tamen, mihiq; ignoscēs. Non enim possum quin exclamem, ut ait ille in Trinumo, ita mihi uim oratoris cum exprimere subtiliter uisus es, tum laudare copiosissimè, quod quidem eloquentem uel optime facere oportet, ut eloquentiam laudet. debet enim, ad eam laudandam, ipsam illam adhibere, quam laudat. Sed perge porrò: tibi enim assentior uestrum esse hoc totum diserte dicere: idq; si quis in alia arte faciat, eū assumpto aliunde uti bono, non proprio, nec suo. At Crassus, Nox te, inquit, nobis Antoni expoliuit, hominemq; reddidit. nā hesternō sermone unius cuiusdam operis, ut ait Cæcilius, remigem aliquem, aut baiulum nobis oratorem descripseras inopem quendam humanitatis atq; inurbanum. Tū Antonius. Hæri enim, inquit, hoc mihi proposueram, ut si te refellissim, hos à te discipulos abducerem nunc Catulo audiēte & Cæsare, uideor debere non tam pugnare tecū, quàm quid ipse sentiam, dicere. Sequitur igitur, quoniam nobis

nobis est hic, de quo loquimur, in foro atq; in oculis civium constituendus, ut videamus quid ei negotij demus, cuiq; eū muneri uelimus esse præpositum. Nam Crassus heri, cum uos Catule & Caesar non adessetis, posuit breuiter in artis distributione idem quod Græci pleriq; posuerunt: neq; sanè quid ipse sentiret, sed quid ab illis diceretur ostendit: duo prima genera questionum esse, in quibus eloquentia uersaretur: unum infinitum, alterum certū. Infinitum mihi uidetur id dicere, in quo aliquid generatim quæreretur, hoc modo: Expetendane esset eloquentia, expetēdine honores. Certum autem, in quo quid in personis, & in constituta re, & definita quæreretur: cuiusmodi sunt quæ in foro atq; in civium causis disceptationibusq; uersantur. Ea mihi uidentur aut in lue ordinanda, aut in consilio dando esse posita. nam illud tertium quod & à Crasso tractum est, & ut audio, ille ipse Aristoteles qui hæc maximè illustrauit, adiunxit, etiam si opus est, tamen minus est necessarium. Quid nam? inquit Catulus, an laudationes? id enim uideo poni genus tertium. Ita, inquit Antonius, & in eo quidem genere scio & me & omnes qui affuerunt, delectatos esse uehementer, cum abs te est Popilia mater uestra laudata, cui primum mulieri hunc honorem in nostra ciuitate tributum puto. sed non omnia quæcūq; loquimur, mihi uidentur ad artem & ad præcepta esse reuocāda.

Ex

Ex his enim fontibus unde omnia ornate dicendi præcepta sumuntur, licebit etiam laudatione ornare, neq; illa clementia desiderare, quæ ut nemo tradat, quis est qui nesciat quæ sint in homine laudanda? Positis enim ijs rebus quas Crassus in illius orationis suæ, quam contra collegam Censor habuit, principio, dixit, quæ natura aut fortuna darentur hominibus, in ijs rebus se uinci posse animo, æquo patitur quæ ipsi sibi homines parare possent, in ijs rebus se pati uinci non posse. Qui, laudabit quempiam, intelliget exponenda sibi esse fortuna bona, ea sunt generis, pecunie, propinquorum, amicorum, opum, ualitudinis, formæ, uirium, ingenij, cæterarumq; rerum quæ sunt aut corporis, aut extraneæ. Si habuerit, bene his usum: si non habuerit, sapienter caruisse: si amisit, moderate tulisse. Deinde quid sapienter is quæ laudet, quid liberaliter, quid fortiter, quid iuste, quid magnifice, quid pie, quid grate, quid humaniter, quid deniq; cum aliqua uirtute aut fecerit, aut tulerit. Hæc & quæ sint eius generis facile uidebit, qui uolet laudare quempiam: & qui uituperare, contraria. Cur igitur dubitas, inquit Catulus, facere hoc tertium genus, quoniam inest in ratione rerum? non enim si est facilius, eo de numero quoq; est excerpendum, Quia nolo, inquit, omnia quæ cadunt aliquando in oratorem, quauis exigua sint, ea sic tractare quasi nihil possit dici sine præceptis suis. Nam
& 1057

Et testimonium saepe dicendum est, ac nonnun-
 quam etiam accuratius: ut mihi necesse fuit in
 Sex. Titium seditiosum ciuem & turbulentum:
 explicavi in eo testimonio dicendo, omnia consi-
 lia consulatus mei, quibus illi Tribuno pl. pro
 Rep. restitisssem, quæq; ab eo contra Remp. facta
 arbitrarer, exposui: diu retentus sum, multa au-
 diui, multa respondi. Num igitur placet, cum de
 eloquentia præcipias, aliquid etiam de testimo-
 nijs dicendis quasi in arte tradere? Nihil sanè,
 inquit Catulus, necesse est. Quid si (quod saepe
 summis viris accidit) mandata sint exponenda
 aut in senatu ab imperatore, aut ad imperato-
 rem; aut ad regem, aut ad populum aliquem à
 senatu? Num, quia genere orationis in huius-
 modi causis accuratiores est utendum, idcirco
 etiam pars hæc causarum numeranda videtur,
 aut proprijs præceptis instruenda? Minimè ve-
 rò, inquit Catulus: non enim deerit homini di-
 ferto in eiusmodi rebus facultas ex cæteris re-
 bus & causis comparata. Ergo item, inquit, illa
 quæ saepe diferte agenda sunt, & quæ ego pau-
 lo antè (cum eloquentiam laudarem) dixi ora-
 toris esse, neq; habent suum locum ullum in diui-
 sione partium, neq; certum præceptorum genus,
 & agenda sunt non minus diferte, quàm quæ
 in lite dicuntur, obiurgatio, cohortatio, consola-
 tio: quorum nihil est, quod non summa dicendi
 ornamenta desyderet, sed ex artificio res ista

h h

præ

præcepta non querunt. Planè, inquit Catulus,
assentior. Age uero, inquit Antonius, qualis
oratoris, & quanti hominis in dicendo putas
esse historiam scribere? Si, ut Græci scripserunt,
summi, inquit Catulus: si ut nostri, nihil opus
est oratore, satis est non esse mendacem. Atqui
ne nostros contemnas, inquit Antonius: Græci
ipsi sic initio scriptitarunt, ut noster Cato, ut
Pictor, ut Piso. Erat enim historia nihil aliud,
nisi annalium confectio, cuius rei, memoriaq;
publicæ retinenda causa ab initio rerû Romanarum usq; ad P. Murium Pontificem Max.
res omnes singulorum annorum mandabat litteris Pontifex Maximus, efferebatq; in album.
& proponebat tabulam domi, potestas ut esset
populo cognoscendi: ij qui etiam nunc annales
maximi nominantur. Hanc similitudinem scribendi
multi secuti sunt, qui sine ullis ornamentis
monimenta solum temporum, hominum, locorum,
gestarumq; rerum reliquerunt. Itaq; qualis apud Græcos Pherecides, Hellanicus,
Æcysilaus fuit, aliq; permulti: talis noster
Cato, & Pictor, & Piso, qui neq; tenent quibus
rebus ornatur oratio (modo enim huc ista sunt
importata) & dum intelligatur quid dicant,
nam dicendi laudem putant esse breuitatem.
Paululum se crexit, & addidit historia maiore
sonu uocis uir optimus Crassi familiaris An-
tipater: ceteri non exornatores rerum, sed can-

tammodo narratores fuerunt. Est, inquit Catu-
lus, ut dicis : sed iste ipse Calius neq; distinxit
historiam uarietate locorum, neq; uerborum col-
locatione, & tractu orationis leni & equabili
perpoliuit illud opus : sed ut homo neq; doctus,
neq; maxime aptus ad dicendum, sicut potuit,
dolauit: uicit tamē, ut dicis, superiores. Minime
mirum, inquit Antonius, si ista res adhuc no-
stra lingua illustrata non est. Nemo enim stu-
det eloquentie nostrorum hominum, nisi ut in
causis atq; in foro eluceat. Apud Græcos au-
tem eloquentissimi homines remoti à causis fo-
rensibus, cū ad ceteras res illustres, tum ad scri-
bendam historiam maxime se applicauerunt.
Nanq; & Herodotum illam, qui princeps genus
hoc ornanit, in causis nihil omnino uersatū esse
accepimus. Atqui tanta est eloquentia, ut me
quidem (quantum ego Græce scripta intellige-
re possum) magnopere delectet. & post illam
Thucydides omnes dicendi artificio mea sen-
tentia facile uicit: qui ita creber est rerum fre-
quentia, ut uerborum propè numerum senten-
tiarum numero consequatur. Ita porro uerbis
aptus, & pressus, ut nescias uerum res oratione,
an uerba sententijs illustrentur. Atqui ne hunc
quidem quanquam est in Rep. uersatus, ex nu-
mero accepimus eorum qui causas dictitarunt:
& hos libros tum scripsisse dicitur, tum à Rep.
remotus, atq; id quod optimo cuiq; Athenis

accidere solitum est, in exiliū pulsus esset. Hunc confectus est Syracusius Phyllistus, qui cum Dionysij tyranni familiarissimus esset, otium suū consumpsit in historia scribēda, maximeq; Thucydidem est, sicut mihi uidetur, imitatus. Postea uerò quasi ex clarissima rhetoris officina duo præstantes ingenio Theopompus, & Ephorus ab Isocrate magistro impulsī se ad historiam contulerunt, causus omnino nunquam attigerunt. Deniq; etiam à philosophia profectus princeps Xenophon Socraticus ille, post ab Aristotele Callisthenes comes Alexandri, scripsit historiam: & hic quidē rhetorico penē more, ille autem superior leuiore quodam sono est usus, & qui illum impetum oratoris nō habeat, uehemens fortasse minus, sed aliquanto tamen est, ut mihi quidem uidetur, dulcior. Minimus natu horum omnium Timæus: quantū autē iudicare possum, longe eruditissimus, & rerum copia, & sententiarum uarietate abundantissimus, & ipsa compositione uerborū non impolitus, magnam eloquentiam ad scribendum attulit, sed nullum usum forensem. Hac cum ille dixisset, quid est, inquit Catule, Caesar, ubi sunt qui Antonium Græcæ negant scire? quot historicos nominauit? quā sciēter? quā propriē de unoquoq; dixit? Id mehercule, inquit Catulus admirās, illud tam mirari desino quod multe magis antè mirabar, hunc, cum hac nesciret,
in di

in dicendo posse tantum. Atqui Catule, inquit
Antonius, non ego utilitatem aliquam ad di-
cendum aucupans, horum libros, & nonnullos
alios, sed delectationis causa, cum est otium, le-
gere soleo. Quid ergo? est, fatebor, aliquid ta-
men, ut cum in sole ambulem, etiam si aliam ob
causam ambulem, fieri natura tamē ut colorer:
sic cum istos libros ad Misenum (nam Romae
uix licet) studiosius legerim, sentio orationem
meam illorum cantu quasi colorari. Sed ne la-
tius hoc uobis patere uideatur, haec duntaxat in
Graecis intelligo, quae ipsi qui scripserunt uolue-
runt à uulgo intelligi. In Philosophos uestros si
quando incidi, deceptus indicibus librorū, quod
sunt ferē inscripti de rebus notis & illis tribus,
de uirtute, de iustitia, de honestate, de uolupta-
te, uerbum prorsus nullum intelligo, ita sunt
angustis & concisis disputationibus illigati:
Poetas omnino quasi aliena quadam lingua lo-
cutos non conor attingere. Cum his me (ut dixi)
oblecto, qui res gestas, aut qui orationes scripse-
runt suas: aut qui ita loquuntur, ut uideantur uo-
luisse esse nobis, qui non sumus eruditissimi, fa-
miliares. Sed illuc redeo. Viderisne quantum mu-
nus sit oratoris historia? Haud scio an flumine
orationis & uarietate maximum: neq; tamen
eam reperio usquam separatim instructam rhe-
torū praeceptis. Ita sunt enim ante oculos. Nam
quis nescit primam esse historiae legem, nequid

falsi dicere audeat, deinde nequid ueri non audeat, nequa suspicio gratiae sit in scribendo, nequa simulatio: Hæc scilicet fundamenta nota sunt omnibus. Ipsa autem exadificatio posita est in rebus, & uerbis. Rerum ratio ordinem temporum desiderat, regionum descriptionem: uult etiam, quoniã in rebus magnis memoriaq; dignis consilia primum, deinde acta, postea euentus expectantur, & de consilijs significari quid scriptor probeat, & in rebus gestis declarari, non solum quid actum aut dictum sit, sed etiam quomodo: & cum de euentu dicatur, ut cause explicentur omnes, uel casus, uel sapientie, uel icemeritatis, hominumq; ipsorum non solum res gestæ, sed etiam qui fama ac nomine excellent, de cuiusq; uita atq; natura. Verborum autem ratio, & genus orationis fustum atq; tractum, & cum lenitate quadam aquali profluens, sine hac iudiciali asperitate, & sine sententiarum forensium aculeis prosequendum est. Harum tot, tantarumq; rerum, uidetis ne nulla esse præcepta, quæ in artibus rhetorum reperiantur? In eodem silentio multa alia oratorum officia iacuerunt, cohortationes, consolationes, præcepta, admonita, quæ tractanda sunt omnia disertissime: sed locum suum in illis artibus quæ tradita sunt, habent nullum. Atq; in hoc genere illi quoq; est infinita sylua, quod oratori pleriq; (ut etiam Crassus ostendit) duo genera

genera ad dicendum dederunt. Vnum de certa definitaq; causa, quales sunt quæ in libris, quæ in deliberationibus versantur: addat si quis uolet etiam laudationis. Alicrū, quod appellant omnes fere scriptores, explicat nemo, infinitam generis sine tempore & sine persona questionem. hoc quid, & quantum sit cum dicunt, intelligere mihi non uidentur. Si enim est oratoris quæcunq; res infinite posita sit, de ea posse dicere, dicendum erit ei quanta sit solis magnitudo, quæ forma terræ: de Mathematicis, de Musicis rebus non poterit quin dicat, hoc onere suscepto recusare. Deniq; ei, qui profitetur esse suum non solum de ijs controuersijs quæ temporibus & personis notæ sunt, hoc est de omnibus forensibus, sed etiam de generum infinitis questionibus dicere, nullum potest esse genus orationis quod sit exceptum. Sed si illam quoque partem questionum oratori uolumus adiungere uagam, & liberam, & latè patentem, ut de rebus bonis aut malis, expetendis aut fugiendis, honestis aut turpibus, utilibus aut inutilibus, de uirtute, de iustitia, de continentia, de prudentia, de magnitudine animi, de liberalitate, de amicitia, de fide, de officio, de cæteris uirtutibus, contrarijsq; utijs dicendum oratori putemus: itemq; de Republica de imperio, de re militari, de disciplina ciuitatis, de hominum moribus: assumamus eam quoq; partem, sed ita ut

h h 4 sit

sit circumscripta modicis regionibus. Equidem omnia, quæ pertinent ad usum ciuium, morem hominum, quæ uersantur in consuetudine uitæ, in ratione Reip. in hac societate ciuili, in sensu hominum communi, in natura, in moribus, comprehendenda esse oratori puto: si minus, ut separatim de his rebus philosophorum more respondere, ac certè, ut in causa prudenter possit intexere. Hisce autem ipsis de rebus ut ita loquatur, ut ij qui iura, qui leges, qui ciuitates constituerunt, locuti sunt, simpliciter & splendide, sine ulla serie disputationum, & sine ieiuna concertatione uerborum. Hoc loco nequa sit admiratio, si tot, tantarumq; rerum nulla à me præcepta ponentur, sic statuo, ut in cæteris artibus cum tradita sunt cuiusq; artis difficillima, reliqua, quia aut faciliora, aut similia sunt, tradi non necesse esse: ut in pictura, qui hominis speciem pingere perdidicerit, posse cum cuiusuis uel formæ uel ætatis, etiam si non didicerit, pingere: neque esse periculum, qui leonem aut taurum pingat egregie, ne idem in multis alijs quadrupedibus facere non possit. Neque est omnino ars ulla, in qua omnia quæ illa arte effici possunt, à doctore tradantur: sed qui primarum & certarum rerum genera ipsa didicerunt, reliqua persequuntur. Similiter arbitror in hac siue ratione, siue exercitatione dicendi, quin illam uim adeptus sit, ut eorum
mentes.

mentes, qui aut de Republica, aut de ipsius rebus, aut de ijs contra quos, aut pro quibus dicat, cum aliqua statuendi potestate audiant, ad suum arbitrium mouere possit, hunc de toto illo genere reliquarum orationum non plus quaesiturum esse quid dicat, quam Polycletum illum, cum Herculem fingeat, quemadmodum pellem aut hydram fingeret, etiam si haec nunquam separatim facere didicisset. Tum Catulus, Praclare mihi uideris Antoni posuisse ante oculos quid discere oporteret eum, qui orator esset futurus, quid etiam si non didicisset, ex eo quod didicisset, assumeret. deduxisti enim totum hominem in duo solum genera causarum, cetera innumerabilia exercitationi & similitudini reliquisti. Sed uideto, ne in istis duobus generibus hydra tibi sit & pellis, Hercules autem & alia opera maiora ne in illis rebus quae praetermittis, relinquantur. Non enim mihi minus operis uidetur de uniuersis generibus rerum, quam de singulorum causis, ac multo etiam maius de natura Deorum, quam de hominum litibus dicere. Non est ita, inquit Antonius: dicam enim tibi Catule non tam doctus, quam (id quod est maius) expertus. Omnium ceterarum rerum oratio, mihi crede, ludus est homini non hebeti, neq; inexercitato, neq; communium literarum & politioris humanitatis experti: in causarum contentionibus magnum

h h s est

est quoddam opus, atq; haud sciam an de humanis operibus longè maximum: in quibus vis oratoris plerunq; ab imperitis exitu & uictoria indicatur: ubi adest armatus aduersarius qui sit & ferendus & repellendus: ubi saepe is qui rei dominus futurus est, alienus atq; iratus, aut etiam amicus aduersario, & inimicus tibi est: cum aut docendus is est, aut dedocendus, aut reprimendus, aut incitandus: aut omni ratione ad tempus ad causam oratione moderandus: in quo saepe beneuolentia ad odium, odium autem ad beneuolentiam deducendum est: qui tanquam machinatione aliqua, tum ad seueritatem, tum ad remissionem animi, tum ad tristitiam, tum ad letitiã est contorquendus. Omnium sententiarum grauitate, omnium uerborum ponderibus est utendum: accedat oportet actio uaria, uehemens, plena animi, plena spiritus, plena doloris, plena ueritatis. In his operibus si quis illam artem comprehenderit, ut tanquam Phidias Minerva signum efficere possit, non sanè quemadmodum in clypeo idem ille artifex minora illa opera facere discat, laborabit. Tum Catulus, Quò ista maiora ac mirabiliora fecisti, eò me maior expectatio teneat, quibusnam rationibus, quibusue praeceptis ea tanta uis comparetur: non quo mea quidem iam intersit (neq; enim etas id mea desiderat, & aliud quoddam genus dicendi nos secuti sumus, qui nunquam senten

sententias de manibus iudicum ut quadam orationis extersimus, ac potius placatis eorum animis, tantum, quantum ipsi patiebantur, accepimus) sed tamen ista tua, nullum ad usum meum, tantum cognoscendi studio adductus requiro. Nec mihi opus est Græco aliquo doctore qui mihi peruulgata praecepta decantet, cum ipse nunquam forū, nunquam ullum iudicium aspexerit: ut peripateticus ille dicitur Phormio, cum Annibal Carthagine expulsus Ephesum ad Antiochum uenisset exul, proq; eo, quod eius nomen erat magna apud omnes gloria, inuitatus esset ab hospitibus suis, ut eum, quem dixi, si uellet, audiret: cumq; is se non nolle dixisset, locutus esse dicitur homo copiosus aliquot horas de imperatoris officio, & de omni re militari. Tum cum ceteri, qui illum audierant, uehementer essent delectati, querebant ab Annibale quidnam ille ipse de illo philosopho iudicaret. hic Pœnus non optimè Græce, sed tamen liberè respondisse fertur, Multos se deliros senes sæpe uidisse, sed qui magis quàm Phormio deliraret, uidisse neminem. Neq; meherculè iniuria. quid enim aut arrogātius aut loquacius fieri potuit, quàm Annibali, qui tot annos de imperio cum pop. Romæ. omnium gentium uictore certasset, Græcum hominem, qui nunquam hostem, nunquam castra uidisset, nūquam deniq; minimam partem ullius publici muneris attigisset, prae-

pta

pta de re militari dare? Hoc mihi facere omnes isti, qui de arte dicendi præcipiunt, uidentur: quod enim ipsi experti non sunt, id docent ceteros: sed hoc minus fortasse errant, quod non te, ut Annibalem, sed pueros aut adolescentulos docere conantur. Erras Catule, inquit Antonius: nā egomet in multos iam Phormiones incidi. Quis enim est istorum Grecorum, qui quinquam nostrum quicquam intelligere arbitretur? Ac mihi quidem non ita molesti sunt, facile omnes perpetior & perfero (nam aut aliquid afferunt quod mihi non displiceat, aut efficiunt, ut me non didicisse minus poenineat) dimitto autem eos non tam contumeliosè, quam philosophum illum Annibal, & eò fortasse plus habeo etiam negotij: sed tamen est eorum doctrina, quantum ego iudicare possam, perridicula. Diuidunt enim totam rem in duas partes, in causâ controuersiam, & in quæstionis. Causam appellant rem positam in disceptatione rerum, & controuersia. Quæstionem autem rem positam in infinita dubitatione. de causâ præcepta dant: de altera parte dicendi mirum silentium est. Deniq; quinq; faciunt quasi membra eloquentia, inuenire quid dicas, inuenta disponere, deinde ornare uerbis, post memorie mandare, tum ad extremum agere ac pronuntiare, rem sanè non reconditam. Quis enim hoc non sua sponte uiderit, neminem posse aptè dicere, nisi & quid diceret

diceret, & quibus uerbis, & quo ordine diceret, haberet, & ea meminisset? Atq; hæc ego non reprehendo, sed ante oculos posita esse dico, ut eas item quatuor, quinq; , sex'ue partes, uel etiam septem (quoniam aliter ab alijs digeruntur) in quas est ab his omnis oratio distributa.

Iubent enim exordiri ita, ut eum qui audiat, beneuolum nobis faciamus, & docilem & attentum. Deinde rem narrare ita, ut uerisimilis narratio sit, ut aperta, ut breuis. Post autem diuidere causam, aut proponere: nostra confirmare argumentis ac rationibus, deinde contraria refutare. Tum autem alij conclusionem orationis, & quasi perorationem collocant: alij iubent ante quam peroretur, ornandi aut augendi causa digredi, deinde concludere ac perorare. Ne hæc quidem reprehendo: sunt enim concinne distributa: sed tamen (id quod necesse fuit hominibus expertibus ueritatis) non peritè. Quæ enim præcepta principiorum & narrationum esse uoluerunt, ea in totis orationibus sunt conseruanda. Nam ego mihi beneuolum iudicem facilius facere possum in cursu orationis, quam cum omnia sunt inaudita: docilem autem, non cum polliceor me demonstraturum, sed tum cum doceo & explano: attentum uero, crebrò tota actione excitandis mentibus iudicum, non prima denuntiatione efficere possumus. Iam uero narrationem quod iubent uerisimil

similem esse & apertam & breuem, recte nos admonent: quod hac narrationis magis putant esse propria, quam totius orationis, ualde mihi uidentur errare: omninoq; in hoc omnis est error, quod existimant artificium esse hoc quoddam non dissimile ceterorum, cuiusmodi de ipso iure civili hesterno die Crassus componi posse dicebat, ut genera rerum primum exponerentur, in quo uitium est, si genus ullum praetermittatur: deinde singulorum generum partes, in quo & deesse aliquam partem, & superare mendosum est, tum uerborum omnium definitiones, in quibus neq; abesse quicquam decet, neq; redundare. Sed hoc si in iure civili, si etiam in paruis aut mediocribus rebus doctiores assequi possunt, non idem sentio tanta hac in re, tamq; immensa, posse fieri. Sin autem qui arbitrantur, deducendi sunt ad eos qui hac docent, omnia iam explicata & perpolita assequuntur. Sunt enim innumerabiles de his rebus libri, neq; abditi, neq; obscuri. Sed uideant quid uelint, ad ludendumne, an ad pugnandum arma sint sumpturi. Aliud enim pugna & acies, aliud ludus, campusq; noster desiderat. At tamen ars ipsa ludicra armorum & gladiatorii, & militi prodest aliquid: sed animus acer & praesens, & acutus idem atq; uersutus inuictos uiros efficit non difficilius arte coniuncta. Quare ego tibi oratorem sic iam instituiam, si potuero, ut quid efficere possit,

possit, antè perspiciam. Sit enim mihi tinctus
lucris, audierit aliquid, legerit, ista ipsa præce-
pta acceperit: tentabo quid deceat, quid uoce,
quid uiribus, quid spiritu, quid lingua efficere
possit. Si intelligam posse ad summos peruenire,
non solum hortabor ut elaborer, sed etiam si uir
quoq; mihi bonus uidebitur, obsecrabo. Tantum
ego in eccellente oratore & eodẽ uiro bono pono
esse ornamenti uniuersæ ciuitati. Sin uidebitur,
cum omnia summa fecerit, tamen ad mediocres
oratores esse uenturus, permittā ipsi quid uelit,
molestus magnopere non ero. Sin planè abhørre-
bit, & erit absurdus: ut se cõtineat, aut ad aliud
studium transferat, admonebo. Nam neq; is qui
optimè potest, deserendus ullo modo est à cohorta-
tione nostra: neq; is qui aliquid potest, deterren-
dus: quòd alterum diuinitatis mihi cuiusdam ui-
detur: alterum, uel non facere, quod non optimè
possis, uel facere quod non pessimè facias, huma-
nitatis: tertium uerò illud, clamare cõtā quàm
deceat, & quàm possit, hominis est (ut in Catule
de quodam declamatore dixisti) stultitia sua
quamplurimos rētes domestico præconio colli-
gentis. De hoc igitur qui erit talis, ut cohortan-
dus, adiuuandusq; sit, ita loquamur, ut ei tra-
damus ea duntaxat quæ nos usus docuit, ut no-
bis ducibus ueniat eò quòd sine duce ipsi perueni-
mus, quoniam meliora docere non possumus:
& ut à familiari nostro exordiar, hunc ego
Catule

Catule Sulpitium primū in causa parvula adolescentulum audiui, uoce & forma, & motu corporis, & reliquis rebus aptis ad hoc munus de quo quærimus, oratione autem celeri & concitata, quod erat ingenij: & uerbis effruescentibus, & paulo nimium redundantibus, quod erat ætatis non sum aspernatus. Volo enim sefferat in adolescente fecunditas. Nam facilius sicut in uiribus reuocantur ea quæ sese nimium profuderunt, quàm si nihil ualet materies, noua sarmenta cultura excitantur: ita uolo esse in adolescente, unde aliquid amputem. Non enim potest in eo esse succus diuturnus, quod nimis celeriter est maturitatem affecutum. Vidi statim indolem, neq; dimisi tempus, & eum sum cohortatus ut forum sibi ludum putaret esse ad discendum: magistrum autem, quem uellet, eligeret, me quidem si audiret. L. Crassum: quod iste arripuit, & ita sese facturum confirmauit, atq; etiam addidit, gratiæ scilicet causa me quoq; sibi magistrum futurum. Vix annus intercesserat ab hoc sermone cohortationis meæ, cum iste accusauit C. Norbanum defendente me. Non est credibile quid interesse mihi sit uisum inter eam, qui tumerat, & qui animo antè fuerat. Omnino in illud genus eum Crassi magnificum atque præclarum natura ipsa ducebat: sed ea non satis proficere potuisset: nisi eodem studio, atq; imitatione incidisset, atq; ita dicere consueffet

fuisset, ut tota mente Crassum atq; omni animo
 intueretur. Ergo hoc sit primum in preceptis
 meis, ut demonstremus quem imitetur: atq; ita
 ut, quæ maximè excellent in eo quem imitabi-
 tur, ea diligentissime persequatur: tum accedat
 exercitatio qua illum quem antè delegerit, imi-
 tando effingat, atq; ita exprimat, non ut multos
 imitatores sepe cognoui: qui aut ea quæ facilia
 sunt, aut etiam illa, quæ insignia ac penè uitio-
 sa confectentur imitando. Nihil est facilius,
 quam amictum imitari alicuius, aut statum,
 aut motum. Si uerò etiam uitiosi aliquid est, id
 sumere, & in eo uitiosum esse, non magnum
 est: ut ille qui nunc etiam amissa uoce fuerit in
 Rep. Fusus, neruos in dicendo C. Fimbriae, quos
 tamen habuit ille, non assequitur, oris prauita-
 tem, & uerborum latitudinem imitatur: sed ta-
 mē ille nec deligere sciuit cuius potissimū simi-
 lis esset, & in eo ipso quē delegerat, imitari etiā
 uitia uoluit. Qui ita faciet ut oportet, primum
 uigilet necesse est in deligēdo: deinde quem pro-
 bavit, in eo quæ maximè excellent, ea diligen-
 tissime persequatur. Quid enim causa censetis
 esse, cur atates extulerint singula singula propè
 genera dicendi? quod non tam facile in nostris
 oratoribus possumus iudicare (quia scripta,
 ex quibus iudicium fieri posset, non multa sa-
 nè reliquerant) quam in Græcis, ex quorum
 scriptis, cuiusq; atatis, quæ dicendi ratio, uolun-
 i i tasq;

tasq; fuerit intelligi potest. Antiquissimi ferè sunt, quorum quidem scripta constant, Pericles, atq; Alcibiades, & eadem etate Thucydides, subtilis, acuti, breues, sententijs magis, quam uerbis abundantes. Non potuisset accidere ut unum esset omnium genus, nisi aliquem sibi proponerent ad imitandum. Consecuti sunt hos Critias, Theramenes, Lysias: multa Lysia scripta sunt, nonnulla Critiae. De Theramene audiuius: omnes etiam tuum retinebant illum Periclis succum, sed erat paulo uberiore filo. Ecce tibi exortus est Isocrates, magister istorum omnium, cuius è ludo tanquam ex equo Troiano, innumeri principes exierunt, sed eorum partim in pompa, partim in acie illustres esse uoluerunt. Itaq; & illi Theopompus, Ephorus, Philistus, Naucrates, multiq; alij naturis differunt, uoluntate autem similes sunt inter sese, & magistri, & ij qui se ad causas contulerunt, ut Demosthenes, Hyperides, Lycurgus, Aeschines, Dinarchus, alijq; complures, etsi inter se pares non fuerunt, tamen sunt omnes in eodem ueritatis imitanda genere uersati: quorum quandiu mansit imitatio, tandiu genus illud dicendi, studiumq; uixit. Posteaquam extinctis his, omnis eorum memoria sensim obscurata est & euannit, alia quaedam dicendi molliora ac remissiora genera uiguerunt. Inde Demochares, quem aiunt sororis filium fuisse Demosthenis: tum Phalereus
ille

ille Demetrius omnium istorum mea sententia
 politissimus, alijq; eorum similes extiterunt.
 Qua si uolumus usq; ad hoc tempus persequi,
 intelligemus, ut hodie Alabandensem illum
 Meneclum & eius fratrem Hieroclem, quos ego
 audiui, tota imitetur Asia: sic semper fuisse ali-
 quem, cuius se similes pleriq; esse uellent. Hanc
 igitur similitudinem qui imitatione assequi uo-
 let, tum exercitationibus crebris atq; magnis,
 tum scribendo maximè persequatur. Quod si
 hic noster Sulpitius faceret, multo eius oratio
 esset pressior: in qua nunc interdum, ut in herbis
 rustici solent dicere, in summa ubertate inest lu-
 xuries quedam, quæ stylo depascenda est. Hic
 Sulpitius, Me quidem, inquit, rectè mones, idq;
 mihi gratum est, sed ne te quidè Antoni mul-
 tum scriptitasse arbitror. Tum ille, Quasi uerò,
 inquit, non ea precipiam alijs, quæ mihi ipsi de-
 sunt: sed tamen ne tabulas quidem conficere exi-
 stimor: uerum & in hoc ex re familiari mea.
 & in illo ex eo quod dico, quantum idcunq;
 est, quid faciam indicari potest. Atq; esse ta-
 men multos uidemus, qui neminem imitantur,
 & suapte natura quod uelint sine cuiusquam
 similitudine consequantur, quod & in uobis
 animaduerti rectè potest Casar & Cotta: quo-
 rum aliter inusitatum quidem nostris oratori-
 bus lepore quendam & salem, aliter acutissimū
 & subtilissimum dicendi genus est consecutus.

Neq; uerò uester aequalis Curio paire meo sententia uel eloquentissimo temporibus illis, quam mihi magnopere uidetur imitari, qui tamen uerborum granitate & elegantia & copia suam quandam expresseit quasi formam, figuramq; dicēdi: quod ego maximè potui indicare in ea causa quam ille contra me apud centum uiros pro fratribus Cossis dixit. In qua nihil illi defuit quod non modo copiosus, sed etiam sapiēs orator habere deberet. Verum ut aliquando ad causas deducamus illum quem constituimus, & eas quidem in quibus plusculum negotij est, indiciorum atq; litium (riferit aliquis fortasse hoc præceptum. est enim nō. tam acutum quam necessarium, magisq; monitoris non satui, quam cruditi magistri) hoc ei primum præcipimus, quascunq; causas erit acturus, ut eas diligenter penitusq; cognoscat. Hoc in ludo non præcipitur. faciles enim causa ad pueros deferuntur. Ex peregrinum ueniat in murum ascendere. ascendit, hostes repulit, accusatur. Nihil est negotij huiusmodi causam cognoscere. Rectè igitur nihil de causa discenda præcipiunt. Hac est enim in ludo causarum fere formula. At uerò in foro, tabule, testimonia, pacta, conuenta, stipulationes, cognationes, affinitates, decreta, responsa, uita deniq; eorum, qui in causa uersantur, tota cognoscenda est: quarum rerum negligentia plerasq; causas & maximè priuatas (sunt enim multo

multo sepe obscuriores) uidemus amitti. Ita non nulli dum operam suam multis existimari uolūt, ut toto foro uolitare, & à causa ad causam ire uideantur, causas dicunt incognitas: in quo est illa quidem magna offensus, uel negligentia susceptis rebus, uel perfidia receptis: sed etiam illa maior opinione mea, quod nemo potest de ea re quam non nouit, non turpissime dicere: ita dum inertia uituperationem, quæ maior est, contemnunt, assequuntur etiam illā, quā magis ipsi fugiunt, tarditatis. Equidem solco dare operā, ut de sua quisq; re me ipse doceat, & ut nequis alius adsit, quo liberius loquatur, & agere aduersarij causam, ut ille agat suam, & quicquid de sua re cogitarit in mediū proferat. Itaq; cum ille discessit, tres personas unus sustineo summa animi æquitate, meam, aduersarij, iudicis: qui locus est talis, ut plus habeat adiumentū, quā incommodi, hūc iudico esse dicendū: ubi plus mali, quā boni reperio. id totū abiudico atq; reijcio. Ita assequor ut alio tempore cogitem quid dicam, & alio dicam: quæ duo pleriq; ingenio freti simul faciunt: sed certè ydē illi melius aliquanto dicerent, si aliud sumendum sibi tempus ad cogitandum, aliud ad dicendum putarēt. Cum rem penitus, causamq; cognoui, statim occurrit animo quæ sit causa ambigui. Nihil est enim quod inter homines ambigatur, siue ex crimine causa constet, ut facinoris: siue ex controuer-

fia, ut hereditatis: siue ex deliberatione, ut bellis
 siue ex persona, ut laudis: siue ex disputatione,
 ut de ratione uiuendi, in quo non aut quid fa-
 ctum sit, aut fiat futurumne sit queratur, aut
 quale sit, aut quid uocetur. Ac nostra ferè cau-
 se que quidem sunt criminum, plerūq; inficia-
 tione defenduntur. Nam & de pecunijs repe-
 tundis, que maxime sunt, neganda ferè sunt
 omnia: & de ambitu raro illud datur, ut possis
 liberalitatem ac benignitatem ab ambitu atq;
 largitione seiuungere. de sicarijs, de ueneficijs, de
 peculatu inficiari necesse est. Id est igitur genus
 primum causarum in iudicijs, ex controuersia
 facti: in deliberationibus plerunq; ex futuri, ra-
 ro etiam ex instantis, aut facti. Sepe autem res
 non sit, necne, sed qualis sit, queritur: ut cum
 L. Opimij causam defendebat apud populum
 audiente me C. Carbo consul, nihil de C. Grac-
 chi nece negabat, sed id iure pro salute patria
 factum esse dicebat, ut eidem Carboni Tribuno
 Pl. alia cum mente Remp. capeffenti P. Afri-
 canus de Tiberio Graccho interroganti respon-
 derat, iure casum uideri. Iure autem omnia de-
 fenduntur, quæ sunt eius generis, ut aut opor-
 tuerit, aut licuerit, aut necesse fuerit, aut impru-
 dentia, aut casu facta esse uideantur. Iam quid
 uocetur queritur, cum quo uerbo quid appellan-
 dum sit, contenditur: ut mihi ipsi cum hoc Sul-
 pitio fuit in Norbani causa summa contentio,

pleraq;

pleraq; enim de ijs qua ab isto obijciebantur, cum confuere, tamen ab illo maiestatem immutatam negabam: ex quo uerbo lege Apuleia tota illa causa pendebat. Atq; in hoc genere causarum nonnulli precipiunt, ut uerbum illud quod causam facit, lucide, breuiter uterque definiat. Quod mihi quidē perquam puerile uideri solet: alia est enim cum inter doctos homines de ijs ipsis rebus, qua uersantur in artibus, disputatur, uerborum definitio: ut cum queritur quid sit ars, quid sit lex, quid sit ciuitas. In quibus hoc precipit ratio, atq; doctrina, ut uis eius rei, quā definitas, sic exprimatur, ut neq; absit quicquam, neq; supersit. Quod quidem in illa causa neq; Sulpitius fecit, neque ego facere conatus sum. Nam quantum uterq; nostrum potuit, omni copia dicendi dilatauit quid esset maiestatem minuere. Etenim definitio primum reprehenso uerbo uno, aut adlito, aut dempto saepe extorquetur ē manibus: deinde genere ipso doctrinam redolet, exercitationemq; penē puerile: tum & in sensum & in mentem iudicis intrare non potest: antē enim præterlabitur, quā percipia est. Sed in eo genere, in quo quale sit quid ambigitur, existit etiam ex scripti interpretatione saepe contentio, in quo nulla potest esse nisi ex ambiguo controuersia. Nam illud ipsum, cum scriptum à sententia discrepat genus quoddam habet ambigui: quod tum expli-

fia, ut hereditatis: siue ex deliberatione, ut bellis
siue ex persona, ut laudis: siue ex disputatione,
ut de ratione uiuendi, in quo non aut quid fa-
ctum sit, aut fiat futurumne sit queratur, aut
quale sit, aut quid uocetur. Ac nostra ferè cau-
sa que quidem sunt criminum, plerumq; inficia-
tione defenduntur. Nam & de pecunijs repe-
tundis, que maxime sunt, neganda ferè sunt
omnia: & de ambitu raro illud datur, ut possis
liberalitatem ac benignitatem ab ambitu atq;
largitione seiungere. de sicarijs, de ueneficijs, de
peculatu inficiari necesse est. Id est igitur genus
primum causarum in iudicijs, ex controuersia
facti: in deliberationibus plerumq; ex futuri, ra-
ro etiam ex instantis, aut facti. Sepe autem res
non sit, necne, sed qualis sit, queritur: ut cum
L. Opimij causam defendebat apud populum
audiente me C. Carbo consul, nihil de C. Grac-
chi necē negabat, sed id iure pro salute patria
factum esse dicebat, ut eidem Carboni Tribuno
Pl. alia cum mente Kemp. capeffenti P. Afri-
canus de Tiberio Graccho interroganti respon-
derat, iure casum uideri. Iure autem omnia de-
fenduntur, que sunt eius generis, ut aut oport-
uerit, aut licuerit, aut necesse fuerit, aut impru-
dentia, aut casu facta esse uideantur. Iam quid
uocetur queritur, cum quo uerbo quid appellan-
dum sit, contenditur: ut mihi ipsi cum hoc Sul-
pitio fuit in Norbani causa summa contentio,
plerumq;

pleraq; enim de ijs qua ab isto obijciebantur, cum confuierer, tamen ab illo maiestatem immi-
nutam negabam: ex quo uerbo lege Apuleia
tota illa causa pendeat. Atq; in hoc genere
causarum nonnulli precipiunt, ut uerbum illud
quod causam facit, lucide, breuiter uterque defi-
niant. Quod mihi quidē perquam puerile uideri
solet: alia est enim cum inter doctos homines de
ijs ipsis rebus, quæ uersantur in artibus, disputa-
tur, uerborum definitio: ut cum queritur quid
sit ars, quid sit lex, quid sit ciuitas. In quibus
hoc præcipit ratio, atq; doctrina, ut uis eius rei,
quæ definitas, sic exprimatur, ut neq; absit quic-
quam, neq; supersit. Quod quidem in illa causa
neq; Sulpitius fecit, neque ego facere conatus
sum. Nam quantum uterq; nostrum potuit,
omni copia dicendi dilatauit quid esset maiesta-
tem minuere. Etenim definitio primum repre-
hensio uerbo uno, aut adlito, aut dempto saepe
extorquetur è manibus: deinde genere ipso do-
ctrinam redolet, exercitationemq; penè puerile:
tum & in sensum & in mentem iudicis intra-
re non potest: antè enim præterlabitur, quàm
percepta est. Sed in eo genere, in quo quale sit
quid ambigitur, existit etiam ex scripti inter-
pretatione saepe contentio, in quo nulla potest
esse nisi ex ambiguo controuersia. Nam illud
ipsum, cum scriptum à sententia discrepat ge-
nus quoddam habet ambigui: quod tum expli-

catur, cum ea uerba quæ desunt, suggesta sunt: quibus additis defenditur sententia scripti perspicuam fuisse: & ex contrarijs scriptis siquid ambigitur, non nouum genus nascitur, sed superioris generis causa duplicatur: idq; aut nunquam dijudicari poterit, aut ita dijudicabitur, ut referendis præteritis uerbis id scriptum, quodcunq; defendimus, suppleatur: ita sit ut unum genus in ijs causis, quæ propter scriptum ambiguntur, relinquatur, si est scriptum aliquid ambiguae. Ambiguorum autem cõplura genera sunt, quæ mihi uidentur ij melius nosse qui dialectici appellantur, ij autem nostri ignorare, qui non minus nosse debeant: tum illud est frequentissimum in omni cõsuetudine uel sermonis uel scripti, cū idcirco aliquid ambigitur, quod aut uerbum, aut uerba sint prætermissa. Iterum autem peccat, cum genus hoc causarum, quod in scripti interpretatione uersatur, ab illis causis, in quibus qualis quæq; res sit disceptatur, sciungunt: nusquam enim tam queritur quale sit genus ipsum rei, quàm in scripto: quod totum à facti controuersia separatum est. Ita tria sunt omnino genera quæ in disceptatione & controuersiam cadere possunt, quid ita fiat, factum, futurumue sit, aut quale sit, aut quomodo nominetur. Na & illud quidem quod quidam Græci adiungunt, rectene factum sit, totum in eo est quod quale sit querimus. Sed iam ad institu-

tum

rem reuertar meum. Cum igitur accepto causa genere et cognito, rem tractare coepi, nihil prius constituo, quam quid sit illud quo mihi referenda sit omnis illa oratio, quae sit propria questionis & iudicii: deinde illa duo diligentissime considero, quorum alterum commendationem habet nostram, aut eorum quos defendimus: alterum est accommodatum ad eorum animos, apud quos dicimus, ad id quod uolumus commouendos. Ita ratio omnis dicendi tribus ad persuadendum rebus est nixa, ut probemus uera esse ea quae defendimus, ut conciliemus nobis eos qui audiunt, ut animos eorum ad quencunque causa postulabit motum uocemus. Ad probandum autem duplex est oratori subiecta materies: una rerum earum, quae non excogitantur ab oratore, sed in re proposita ratione tractantur, ut tabulae, testimonia, pacta, conuenta, quaestiones, leges, senatusconsulta, res iudicatae, decreta, responsa, & reliqua siquae sunt quae non ab oratore pariuntur, sed ad oratorem à causa atque à reis deferuntur. Altera est quae tota in disputatione & argumentatione oratoris collocata est. Ita in superiore genere de tractandis argumentis, in hoc autem etiam de inueniendis cogitandum est. At isti quidem qui docent, cum causas in plura genera secuerunt, singulis generibus argumentorum copiam suggerunt, quod etiam si ad instituendos adolescentulos magis aptum est, ut

simulae posita sit causa, habeant quò se referat, unde statim expedita possint argumenta depromere: tamen & tardi ingenij est riuulos consectari, fontes rerum non uidere: & iam etatis est ususq; nostri, à capite quod uelimus arcescere, & unde omnia manant uidere. Et primum genus illud earum rerum quae ad oratorem deferuntur, meditatum nobis in perpetuum ad omnem usum similium verū esse debebit. Nam & pro tabulis, & contra tabulas: & pro testibus, & contra testes: pro questionibus, & contra questionēs, & item de ceteris rebus eiusdem generis, uel separatim dicere solemus de genere uniuerso, uel definitè de singulis temporibus, hominibus, causis: quos quidem locos (uobis hoc Cotta & Sulpiti dico) multa commentatione atq; meditatione paratos atq; expeditos habere debetis. Longum est enim nunc me explicare quae ratione aut confirmare aut infirmare testes, tabulas, questionēs oportet. Haec sunt omnia ingenij uel mediocris, exercitationis autem uel maxime: artem quidem & praecepta duntaxat haec tenus requirunt, ut certis dicendi luminibus ornentur. Itemq; illa quae sunt alterius generis, quae tota ab oratore pariuntur, excogitationem non habent difficilem, explicationem magis illustrem perpolitamq; desiderant. Itaque cum haec duo nobis querenda sint in causis: primum quid, deinde quomodo dicamus: al-

rerum, quod totum arte tinctū uidetur, tamen si
 artem requirit, tamē prudentia est penē medio-
 cris, quid dicendum sit uidere. Alterum est, in
 quo oratoris uis illa diuina uirtusq; cernitur,
 ea quae dicenda sunt, ornate, copiose, uarieq;
 dicere. Quare illam partē superiorem, quoniam
 semel ita uobis placuit, nō recusabo quo minus
 perpoliam atq; conficiam: quantum consequar,
 uos indicabitis, quibus ex locis ad eas tres res
 quae ad fidem faciendam sola ualent, ducatur
 oratio, ut & concilientur animi, & doceantur,
 & moueantur. Haec sunt enim tria numero: ea
 uerō quemadmodum illustrentur, praesto est qui
 omnes docere possit, qui hoc primus in nostros
 mores induxit, qui maxime auxit, qui solus effi-
 cit. Nanq; ego Caecule, (dicam enim non reue-
 rens abscondendi suspicionem) neminē esse ora-
 torem paulo illustriorem arbitror, neq; Gra-
 cum, neq; Latinum, quem etis nostra tulerit,
 quem non & saepe & diligēter audierim. Itaq;
 si quid est in me, quod iam sperare uideor, quo-
 niam quidem uos his ingenijs homines tantum
 opere mihi ad audiendum datus, ex eo est, quod
 nihil quisquam unquam me audiente egit ora-
 tor, quod non in memoria mea penitus insede-
 rit. Atq; ego is qui sum, quantuscunq; sum,
 adiudicandus omnibus auditis oratoribus, sine
 ulla dubitatione sic stituro & iudico, neminem
 omnium tot & tanta quāta sint in Crasso, ha-
 buisse

buisse ornamenta dicendi. Quamobrem si uos quoque hoc idem existimatis, non erit, ut opinor, iniqua partitio, si cum ego hunc oratorem, quem nunc fingo, ut institui, crearo, alucro, confirmaro, tradam cum Crasso & uestiendum & ornandum. Tum Crassus: Tu uero, inquit Antoni perge ut instituisti. Neque enim boni est neque liberalis parentis, quem procreauit & educauit, eum non & uestire & ornare: praesertim cum te locupletem esse negare non possis. Quod enim ornamentum, quae uis, qui animus, quae dignitas illi oratori defuit, qui in causa peroranda non dubitauit excitare reum consularem, & eius diloricare tunicam, & iudicibus cicatrices aduersas senis imperatoris ostendere? Qui idem hoc accusante Sulpitio, cum hominem seditiosum furiosumque defenderet, non dubitauit seditiones ipsas ornare, ac demonstrare grauissimis uerbis multos saepe impetus populi non iniustos esse, quos prestare nemo possit: multas etiam e Republica seditiones saepe esse factas, ut cum reges essent exacti, ut cum tribunitia potestas esset constituta. Illam Norbani seditionem ex luctu ciuium, & ex Caeponis odio, qui exercitum amiserat, neque reprimi potuisse, & iure esse conflata. Potuit hic locus tam anceps, tam inauditus, tam lubricus, tam nouus, sine quadam incredibili uia ac facultate dicendi tractari? Quid ego de Cn. Manlii, quid de Q. Regis commiseratione dicam?

eam? Quid de alijs innumerabilibus? in quibus hoc non maximè enituit, quod tibi omnes dant, acumen quoddam singulare: sed hac ipsa quæ nunc ad me delegare uis, ea semper in te eximia & præstantia fuerunt. Tum Catulus, Ego uerò, inquit, in uobis hoc maximè admirari soleo, quod cum inter uos in dicēdo dissimillimi sitis, ita tamen uterq; uestrum dicat, ut ei nihil neq; à natura denegatum, neq; à doctrina non delatū esse uideatur. Quare Crassè neq; tu tua suauitate nos priuabis, ut si quid ab Antonio aut prætermissum aut relictū sit, non explices: neq; te Antoni, si quid non dixeris, existimabimus nō potuisse potius, quam à Crasso dici maluisse. Hic Crassus, Quin tu, inquit, Antoni omittis ista quæ proposuisti, quæ nemo horū desiderat, quibus ex locis ea quæ dicēda sunt in causis reperiuntur? Quæ quanquā abs te nouo quodam modo præclareq; dicuntur: sunt tamen & re faciliora, & præceptis peruagata: illa deprome nobis, unde afferas quæ sepiissime tractas, semperq; diuinitus. Depromam equidem, inquit Antonius: & quò facilius id a te exigā quod peto, nihil tibi à me postulanti recusabo. Mea totius orationis, & istius ipsius in dicendo facultatis, quam modò Crassus in cōtium uerbis extulit, tres sunt rationes, ut antè dixi: una conciliandorum hominum, altera docēdorum, tertia concitandorum. Harum trium partium pri-

ma lenitatem orationis, secunda acumen, tertia uim desiderat, nam hoc necesse est, ut is qui nobis causam adindicaturus sit, aut inclinatione uoluntatis propēdeat in nos, aut defensionis argumentis adducatur, aut animi permotione cogatur. Sed quoniam illa pars, in qua rerum ipsarum explicatio ac defensio posita est, uidetur omnem huius generis quasi doctrinam continere: de ea primum loquemur, & pauca dicemus. Pauca enim sunt, quæ usu iam tractata, & animo quasi habere notata uideamur. Ac tibi sapienter monenti L. Crasse libenter assentimur, ut singularum causarum defensiones, quas solent magistri pueris tradere, relinquamus: aperiamus autem ea capita, unde omnis ad omnem & causam & orationem disputatio ducitur. Neq; enim quoties uerbum aliquod est scribendum nobis, toties eius uerbi literæ sunt cogitatione conquirēda: nec quoties causa dicenda est, toties ad eius causæ seposita argumenta reuolui nos oportet: sed habere certos locos, qui ut literæ ad uerbum scribendum, sic illi ad causam explicandam statim occurrant. Sed hi loci ei demū oratori prodesse possunt, qui est uersatus in rebus, uel usu, quem ætas deniq; affert: uel auditione & cogitatione, quæ studio et diligencia præcurrit ætatem. Nam si tu mihi quamuis eruditum hominem adduxeris, quamuis acrem et acutum in cogitando, quamuis ad
pronunt

pronuntiandum expeditum, si erit idem in consuetudine ciuitatis, in exemplis, in institutis, in moribus ac uoluntatibus ciuium suorum hospes, non multum ei loci proderunt illi ex quibus argumenta promuntur. Subactio mihi ingenio opus est, ut agro non semel arato, sed nouato & iterato, quò meliores fortius possit & grandiores edere. Subactio autem est usus, auditio, lectio, litera. Ac primum naturam cause uideat, que nunquam lateat, factum'ne sit queratur, an quale sit, an quod nomen habeat: quo perspecto, statim occurrit naturali quadam prudentia, non his subductionibus, quas isti docent, quid faciat causam, id est quo sublato controuersa stare non possit: deinde quid ueniat in iudicium, quod isti sic iubent querere: Interfecit Opimius Gracchum, quid facit causam? quòd Reipub. causa, eum ex senatusconsulto ad arma nocasset. Hoc tolle, causa non erit. At idipsum negat contra leges licuisse Decius. Veniet igitur in iudicium, licueritne ex s. c. seruanda Reip. causa. Perspicua sunt hæc quidem, & in uulgari prudentia sita, sed illa querenda, que ab accusatore et defensore argumenta ad id quod in iudicium uenit, spectantia debeant afferri. Atque hic illud uidendum est, in quo summus est error istorum magistrorum, ad quod liberos nostros mittimus, non quò hoc quidem ad dicendum magnopere pertineat, sed tamen ut uideamus

tis, quàm sit genus hoc eorum qui sibi eruditi
 uidentur, hebes atq; impolitū. Constituunt enim
 in partiendis orationum modis duo genera cau-
 sarum: unum appellant, in quo sine personis
 atq; temporibus de uniuerso genere queratur:
 alicrum quod personis certis & temporibus
 definiatur: ignari omnes controuersias ad uni-
 uersi generis uim & naturam referri. Nam in
 ea ipsa causa de qua antè dixi, nihil pertinet
 ad oratoris locos Opimij persona, nihil Decij.
 De ipso enim uniuerso genere infinita quæstio
 est: num pœna uideatur esse afficiendus, qui ci-
 uem ex senatusconsulto patrie conseruanda
 causa interfecerit, cum id per leges non liceret.
 Nulla deniq; est causa in qua id quod in iudi-
 cium uenit, ex reorū personis, ac non generum
 ipsorum uniuersa disputatione queratur. Quin
 etiā in ijs ipsis ubi de facto ambigitur, cepe-
 ritne contra leges pecunias P. Decius, argu-
 menta & criminum & defensionis reuocentur
 oportet ad genus & ad naturam uniuersam:
 quod sumptuosus, de luxuria: quod alieni appe-
 tens, de auaritia: quod seditiosus, de turbulentis
 & malis ciuibus, quod à multis arguitur, de
 genere testium: contraq; quæ pro reo dicentur,
 omnia necessario à tēpore atq; homine ad com-
 munes rerum & generum summas reuoluen-
 tur. Atq; hac forsitan homini non omnia quæ
 sunt in natura rerum celeriter animo compre-
 hen-

hendenti, permulta uideantur, quæ ueniant in iudicium tum cum de facto queratur, sed tamen criminum est multitudo, non defensionum aut locorum infinita. Quæ uerò cum de facto non ambigitur, quaruntur qualia sint: ea si ex reis numeres, & innumerabilia sunt, & obscura: si ex rebus, ualde & modica, & illustria. Nam si Mancini causam in uno Mancino ponimus, quotiescunq; is quem Paterpatratus dediderit, receptus non erit, toties causa noua nascetur. Sin illa controuersia causam facit, uideaturne ei quem Paterpatratus dediderit, si is non sit receptus, postlininium esse: nihil ad artem dicendi, nec ad argumenta defensionis, Mancini nomen pertinet. Ac si quid afferi præterea hominis aut dignitas, aut indignitas, extra questionem est, & ea tamen ipsa oratio ad uniuersi generis disputationem referatur necesse est. Hæc ego non eo consilio disputo, ut homines eruditos redarguam, quamquam reprehendendi sunt, qui in genere definiendo istas causas describunt in personis & in temporibus positas esse. Nam etsi incurrunt tempora & personæ, tamen intelligendum est, non ex ijs, sed ex genere questionis pendere causas. Sed hoc nihil ad me: nullum enim nobis certamen cum istis esse debet, tantum satis est intelligi, ne hoc quidem eos consecutos, quod in tanto otio etiam sine hac forensi exercitatione

efficere potuerunt, ut genera rerū discernerent, eaq; paulò subtilius explicarent. Verū hoc (ut dixi) nihil ad me. Illud ad me, ac multo etiam magis ad uos, Cotta noster, & Sulpiti, quo modo nunc se istorum artes habent, peritimescenda est multitudo causarum. est enim infinita. Si in personis ponitur, quot homines, tot causa: sin ad generum uniuersas quæstiones referuntur, ita modica & pauca sunt, ut omnes diligentes & memores & sobrii oratores. percurſas animo & propè decantatas habere debeant: nisi fortè existimatis à Manio Curio causam didicisse L. Crassum, & ea re multum attulisse quamobrem posthumo non nato Curium tamen heredem Coponij esse oporteret. Nihil ad copiam argumentorum, neq; ad cause uim ac naturam nomen Coponij ac Eurij pertinet: in genere erat uniuerso rei negotijq; , non in tempore ac nominibus omnis quæstio, cum scriptum ita sit: Si mihi filius gignitur, isq; prius moritur, & cætera: tum ut mihi ille sit heres. Si natus filius non sit, uideaturne is qui filio mortuo institutus heres sit, heres esse. Perpetui iuris, & uniuersi generis quæstio non hominum nomina, sed rationem dicendi, & argumentorum fontes desiderat. In quo etiam isti nos iurisconsulti impediunt, à discendoq; deterrent. Video enim in Catonis & Bruti libris nominatim serè referri, quid alicui de iure uira-

ant

aut mulieri responderint: credo ut putavemus in hominibus, non in re, consultatione, que dubitationis causam atque fuisse: ut quod homines essent innumerabiles debilitari à iure cognoscendo, voluntatem discendi simul cum spe perdiscendi abiceremus. Sed hæc Crassus aliquando nobis expediet, et exponet descripta generatim. Est enim ne forte nescias, heri nobis ille hoc Catule pollicitus, se ius civile, quod nunc diffusum & dissipatum est, in certa genera coacturum, & ad artem facile redacturum. Et quidem, inquit Catulus, haudquaquam id est difficile Crasso, qui et quod disci potuit de iure, didicit: et quod is qui cum docuerunt, defuit, ipse afferet: ut que sunt in iure, vel acutè describere, vel ornate illas trare possit. Ergo ista, inquit Antonius, tū à Crasso discemus, cum se de turba & à subsellis in ortum (ut cogitat) solitudinemque contulerit. Iam id quidem sepe, inquit Catulus, ex eo audiui, cum diceret sibi certum esse à iudicijs causisque discedere, sed, ut ipsi solco dicere, non licebit. Neque enim ipse auxiliū suum sepe à viris bonis frustra implorari patietur, neque id a quo animo feret ciuitas: que si uoce L. Crassi carebit, ornamento quodam sese spoliata putabit. Nam hercle, inquit Antonius, si hæc uerè à Catulo dicta sunt, tibi mecum in eodem est pistrino Crasse uiuendum, & istam oscitantem & dormitantem sapientiam, Sc. uolarum &

cæterorum beatorum otio cōcedamus. Arris-
 hic *Quæstus* lauitur. & Pertexæ modò, inquit,
 Antoni, quod exorsus es: me tamen ista osci-
 rans sapientia, simul atque ad eam confugero,
 in libertatem vindicabit. Huius quidem loci,
 quem modo sum exorsus, hic est finis, inquit
 Antonius, quoniam intelligitur non in homi-
 num innumerabilibus personis, neq; in infinita
 temporum uarietate, sed in generum cãusis atq;
 naturis omnia sita esse, quæ in dubium uocaren-
 tur: genera autem esse definita non solû nume-
 ro, sed etiam paucitate: ut eam materiem ora-
 tionis, quæ cuiusq; esset generis, studiosi qui
 essent dicendi, omnibus locis descriptã, instru-
 ctam, ornatamq; comprehenderent, rebus dico
 et sententijs. Et ui sua uerba parient, quæ sem-
 per satis ornata mihi quidem uideri solent, si
 eiusmodi sunt, ut ea res ipsa peperisse uideatur.
 Ac si uerum queritis, quod mihi quidem ui-
 deatur (nihil enim aliud affirmare possum nisi
 sententiam & opinionem meam) hoc instru-
 mentum causarum, & generum uniuersorum
 in forum deferre debemus, neq; ut quæq; res
 delata ad nos erit, tum deniq; scrutari locos ex
 quibus argumenta eruamus: quæ quidem omni-
 bus qui ea mediocriter modò considerarint,
 studio adhibito, & usu pertractata esse possunt,
 sed tamen animus referendus est ad ea capita,
 & ad illos quos sæpe iam appellauimus locos, ex
 quibus

quibus omnia ad omnem orationem inuenta ducuntur. Atque hoc totum est sine artis, sine animadversionis, sine consuetudinis, vossse regiones intra quas uenire debeas, ut peruestiges quod quaras. Vbi cum locum omnem cogitatione sepsieris, si modò usum rerum percallueris, nihil te effugiet: atq; omne quod crit in re, occurret atq; incidet. Et sic cum ad inueniendum in dicendo hæc tria sint, acumen, deinde ratio, quam licet (si uolumus) appellemus artem, tertium diligentia, non possum equidem non ingenio primas concedere, sed tamen ipsum ingenium diligentia etiam ex tarditate incitat. Diligentia, inquam, cum omnibus in rebus, tum in causis defendendis plurimum ualet. Hæc præcipuè colenda est nobis, hæc semper adhibenda, hæc nihil est quod non assequatur. Causa ut penitus, quo initio dixi, nota sit diligentia est: ut aduersarium attente audiamus, atq; ut eius nō solum sententias, sed etiam uerba omnia excipiamus: nullus deniq; perspiciamus omnes, qui sensum animi plerunq; indicant, diligentia est. Id tamen dissimulanter facere, ne sibi ille aliquid proficere uideatur, prudentia est. Deinde ut in ijs locis quos proponam paulopost, peruoluatur animus, ut se penitus insinuet in causam, ut sit cura & cogitatione intentus, diligentia est: ut his rebus adhibeat tanquam lumen aliquod, memoriam, ut uocem, ut uires, hæc magna

sunt. Inter ingenium quidem & diligentiam
per paululum loci reliquum est arti. Ars demon-
strat tantum ubi queras, atq; ubi sit illud quod
studeas inuenire, reliqua sunt in cura, attenti-
one animi, cogitatione, uigilantia, assiduitate,
labore, complectar uno uerbo, quo saepe iam usi
sumus, diligentia: qua una uirtute omnes uiren-
tes reliqua continentur. Nam orationis quidem
copia uidemus ut abundant philosophi, qui (ut
opinor, sed tu hęc. Catule melius) nulla dant
praecepta dicendi, nec idcirco minus quaecunq;
res proposita est, suscipiunt, de qua copiose &
abundanter loquantur. Tum Catulus, Est in-
quit, ut dicis, Antoni, ut pleriq; philosophi
nulla tradant praecepta dicendi, ei habeant pa-
ratum tamen quid de quaq; re dicant. Sed Ari-
stoteles, is quē maxime ego admiror, proposuit
quosdam locos ex quibus omnis argumentatio
non modo ad philosophorum disputationem,
sed etiam ad hanc qua in causis utimur, inue-
niretur: à quo quidem homine iamdudum,
Antoni, nō aberrat oratio tua siue tu similitu-
dine illius diuini ingenij in eadem incurris ue-
stigia, siue etiam illa ipsa legisti atq; didicisti:
quod quidem mihi magis uerisimile uidetur.
Plus enim te opera Gracis dedisse rebus uideo,
quā putaram. Tum ille, Verum, inquit, ex me
audies Catule. Semper ego existimaui incun-
diorem & probabiliore huic populo oratorem
fore

fore, qui primum quam minimam artificij alius, deinde nullam Græcorum rerum significationem daret. Atq; ego idem existimaui pectus esse, non hominis, cum tantas res Græci susceperent, profiterentur, agerent, seseq; & videndi res obscurissimas, & bene viuendi, & copiose dicendi rationem hominibus daturos pollicerentur, non ad mouere aurem: & si palam audire eos non auderes, ne minueres apud tuos ciues autoritatem tuam, subausculando tamen excipere uoces eorum, & procul, quid narraret, attendere. Itaq; feci Catule, & istorum omnium summam causas & genera ipsa gustauit. Valde hercule, inquit Catulus, timide, tanquam nauem ad aliquem libidinis scopulum, sic tuam mentem ad philosophiam appulisti, quam hac ciuitas aspernata nunquam est. Nam & referta quondam Italia Pythagoreorum fuit, tum cum erat in hac gente magna illa Græcia: ex quo etiam quidam Numam Pompiliū illum regem nostrum fuisse Pythagoreum ferunt, qui annis permultis antè fuit quam ipse Pythagoras: quo etiam maior uir habendus est, cum illam sapientiam constituenda ciuitatis duobus, propè seculis antè cognouit, quam eam Græci natam esse senserunt. Et certè non tulit ullos hac ciuitas aut gloria clariores, aut autoritate grauiores, aut humanitate politiores, P. Africano, C. Lelio, L. Furio, qui secum eruditissimos

homines ex Græcia palàm semper habuerunt. Atq; ego ex istis sæpe audiui, cum diceret pergratum Athenienses & sibi fecisse, & multis principibus ciuitatis, quòd cum ad senatum legatos de suis maximis rebus mitterent, tres illius ætatis nobilissimos philosophos misissent, Carneadem, & Critolaum, & Diogenem: itaq; eos, dum Romæ essent, & à se & ab alijs frequenter auditos: quos tu cum haberes auctores Antoni, miror cur philosophia, sicut Zethus ille Pacuianus, propè bellum indixeris. Minimè, inquit Antonius: ac sic decreui, philosophari potius, ut Neoptolemus apud Ennium, paucis: nam omnino haud placet. Sed tamen hæc est mea sententia, quam uidebar exposuisse: Ego ista studia non improbo, moderata modò sint. Opinionem istorum studiorum, & suspicionem artificij apud eos qui res indicent, oratori aduersariam esse arbitror. Imminuit enim & oratoris auctoritatem, & orationis fidem. Sed ut eò reuocetur unde huc declinauit oratio, ex tribus istis clarissimis philosophis, quos Romam uenisse dixisti, uides ne Diogenem fuisse, qui diceret artem se tradere bene differendi, & uera ac falsa dijudicandi, quam uerbo Græco *διωκέντιον* appellaret? In hac arte, si modò est hæc ars, nullum est præceptum quomodo uerum inueniatur, sed tantum est quomodo indicetur. Nā & omne quod eloquimur, sic

sic ut id aut esse dicamus, aut non esse: & si simpliciter dictum sit, suscipiunt dialectici, ut iudicent uerum ne sit an falsum: & si coniunctè sit elatum, & adiuncta sint alia, iudicent rectene adiuncta sint, & uera ne summa sit uniuscuiusq; rationis: & ad extremum ipsi se compungunt suis acuminibus, & multa quarendo reperiunt non modò ea quæ iam non possint ipsi dissoluere, sed etiam quibus antè exorsa, & potius detexta, propè retexantur. Hic nos igitur Stoicus iste nihil adiunxit, quoniam quemadmodum inueniam quid dicam, non docet: atque idem etiam impedit, quòd & multa reperit: quæ neget ullo modo posse dissolui: & genus sermonis affert non liquidum, nò fusum ac profluens, sed exile, aridum, concisum, ac minutum: quòd siquid probabit, ita probabit, ut oratori tamen aptum non esse fateatur. Hæc enim nostra oratio multitudinis est auribus accommodanda, ad oblectandos animos, ad impellendos, ad ea probanda quæ non aurificis statera, sed quadam populari trutina examinantur. Quare istam artem totam dimittamus, quæ in excogiandis argumentis muta nimium est, in iudicandis nimium loquax. Critolaum istum, quæ simul cum Diogene uenisse commemoras, puto plus huic studio nostro prodesse potuisse, erat enim ab isto Aristotele, a cuius inuentis tibi ego uideor non longe aberrare. Atq; inter hunc Aristotelem,

kk s cuius

cuius & illum legi librum in quo exposuit dicendi artes omnium superiorum, & illos in quibus ipse sua quadam de eadem arte dixit, et hos germanos huius artis magistros, hoc mihi uisum est interesse, quod ille eadem acie mentis, qua rerum omnium uim naturamque uiderat, hæc quoque aspexit quæ ad dicendi artem, quam ille despiciebat, pertinebant: illi autem qui hoc solum colendum ducebant, laborarunt in hac uariatione tractanda, non eadem prudentia qua ille, sed usu in hoc genere studioque maiore. Carneadis uero uis incredibilis illa dicendi & uarietatis perquam esset optanda nobis, qui nullam unquam in illis suis disputationibus rem defendit, quam non probaret: nullam oppugnauit, quam non euerterit. Sed hoc maius est quiddam, quam ab ijs qui hæc tradunt & docent, postulandum sit. Ego autem si quem nunc plane rudem institui ad dicendum uelim, his potius tradam assiduus uno opere eandem incadem diem noctemque tendentibus, qui omnes tenuissimas particulas, atque omnia minima mansa (ut aiunt) nutrices infantibus pueris in os inferant. Sin sit is qui & doctrina mihi liberaliter institutus, & aliquo iam imbutus usus, & satis acri ingenio esse uideatur, illuc cum rapiam, ubi non seclusa aliqua aquula teneatur, sed unde uniuersum flumen erumpat, qui illi sedes & tanquam domicilia omnium argumentorum commonstret, & ea
breni

breuiter illustret, uerbisq; definiat. Quid enim est in quo hareat qui uiderit omne quod sumatur in oratione aut ad probandum, aut ad refellendum, aut ex sua sumi ui atq; natura, aut assumi foris? Ex sua ui, cum aut res quæ sit tota queratur, aut pars eius, aut uocabulum quod habeat, aut quippiam rem illam quod attingat. Extrinsecus autem, cum ea quæ sunt foris, neq; inherent in rei natura, colliguntur. Si res tota queritur, definitione uniuersa uis explicanda est, sic: Si maiestas est amplitudo ac dignitas ciuitatis, is eam minuit, qui exercitum hostibus pop. Rom. tradidit, non qui eum qui id fecisset, pop. Rom. potestati tradidit. Sin pars, partitione, hoc modo: Aut senatui parendum de salute Reipub. fuit, aut aliud consilium instituendum, aut sua sponte faciendum. Aliud consilium, superbum: suum, arrogans: utendum igitur fuit consilio senatus. Sin ex uocabulo, ut Carbo: Si consul est qui consulit patriæ, quid aliud fecit Optimus? Sin ab eo quod rem attingat, plures sunt argumentorum sedes ac loci. nam & coniuncta querimus, & genera, & partes generibus subiectas, & similitudines, & dissimilitudines, & contraria, & consequentia, & consentanea, & quasi præcurrentia, & repugnantia: & causas rerum uestigabimus, & ea quæ ex causis orta sunt: et maiora, paria, minora quæremus. Ex cōiunctis sic argumēta ducūtur: Si
piet

pictati summa tribuenda laus est, debetis moueri, cum Quintum Metellum iam pie lugere uideatis. Ex genere autem: Si magistratus in populi Romani potestate esse debent, quid Norbanum accusas, cuius tribunatus uoluntati paruul ciuiatis? Ex parte autem ea qua est subiecta generi: Si omnes qui Reip. consulunt, chari nobis esse debent: certe in primis imperatores, quorum consilijs, uirtute, periculis, retinemus & nostram salutem, & imperij dignitatem. Ex similitudine autem. Si fere partus suos diligunt, qua nos in liberos nostros indulgentia esse debemus? At ex dissimilitudine: Si barbarorum est in diem uiuere, nostra consilia sempiternum tempus spectare debent. Atq; utroq; in genere & similitudinis & dissimilitudinis, exempla sunt ex aliorum factis, aut dictis, aut euentis, & fide narrationes sepe ponenda. Iam ex contrario: Si Gracchus nefarius, praclarè Opimius. Ex consequentibus: Si & ferro interfectus ille, & tu inimicus eius cum gladio crucio comprehensus es in illo ipso loco, & nemo praeter te tibi uisus est, & causa nemini, & tu semper audax: quid est quod de facinore dubitare possimus? Ex consentaneis, & praecurrentibus, & repugnantibus, ut olim Crassus adolescens: Non si Opimum defendisti Carbo, idcirco te isti bonum ciuem putabunt: sinulasse te, et aliud quid quiesse perspicuum est, quod T. Gracchi mor-

rem saepe in concionibus deplorasti. quòd P.
Africani necis socius fuisti. quòd eam legem in
 iriòu.....ulisti, quòd semper à bonis dissensisti.
 Ex causis autem rerum sic: Auaritiam si tolle-
 re uultis, mater eius est tollenda luxuries. Ex ijs
 autem quae sunt orta de causis: Si ararij copijs
 & ad belli adiumenta, & ad ornamenta pacis
 utimur: negligalibus seruiamus. Maiora autem
 & minora, & paria comparabimus sic. Ex ma-
 iore: Si bona existimatio diuitijs praestat, &
 pecunia tantopere expetitur, quanto gloria ma-
 gis est expetenda? Ex minore sic:

-hic paruae consuetudinis

Causa, huius mortem fert tam familiariter:

Quid si ipse amasset? qd mihi hic faciet pri?

Ex pari sic: Est eiusdem & eripere contra
 Rempub. & largiri pecunias. Foris autem assu-
 muntur ea quae non sua ui, sed extranea suble-
 uantur, ut haec: Hoc uerũ est: dixit enim Q. Lu-
 Elatius. hoc falsum est: habita enim quaestio est.
 hoc sequi necesse est: recito enim tabulas. de quo
 genere toto paulò antè dixi. Haec ut breuissimè
 dici potuerunt, ita à me dicta sunt. Ut enim si
 aurum cui, quod esset multifariam defossum,
 commonstrare uellem, satis esse deberet, si signa
 & notas ostenderem locorum, quibus cognitis
 ille sibi ipse foderet, & id quod uellet, paruo
 labore, nullo errore inueniret: sic has ego argu-
 mentorum noui notas, quae illa mihi querenti
 demonst

Terent.
 in Andria

demonstrant ubi sint : reliqua cura & cogitatione eruntur. Quod autem argumentorum genus cuiq; causarum generi maxime conveniens non est artis exquisitè præscribere, sed est mediocris ingenij iudicare. Neque enim nunc id agimus ut artem aliquam dicendi explicemus, sed ut doctissimis hominibus usus nostri quasi quedam monita tradamus. His igitur locis in mente, & cogitatione defixis, & in omni re ad dicendum posita excitatis, nihil erit quod oratorem effugere possit, non modo in forensibus disceptationibus, sed omnino in ullo genere dicendi. Si vero assequetur ut talis videatur, qualem se videri velit: & animos eorum ita afficiat, apud quos ager, ut eos quocunq; velit vel trahere, vel rapere possit: nihil profecto præterea ad dicendum requirerit. Im illud videmus nequaquam satis esse reperire quid dicas, nisi id inuentum tractare possis. Tractatio autem varia esse debet, ne aut cognoscat artem qui audiat, aut defatigetur similitudinis satietate. Proponi oportet quid afferas, & id quare ita sit ostendere: & ex iisdem illis locis interdum concludere, relinquere alias alioq; transire: sepe non proponere, ac ratione ipsa afferenda, quid proponendum fuerit, declarare: sicuti quid simile dicas, prius ut simile cōfirmes, deinde quod agitur adiungas. puncta argumentorū plerūq; ut ocellas, nequis ea numerare possit, ut re distinguantur.

verba

uerbis confusa esse uideantur. Hæc ut & propo-
rans, & apud doctos, & semidoctos ipse per-
curro, ut aliquando ad illa maiora ueniamus.
Nihil est enim in dicendo Catule maius quàm
ut scaneat oratori is qui audiet, utq; ipse sic mo-
ueatur, ut impetu quodam animi & perturba-
tione magis quàm iudicio aut consilio regatur.
Plura enim multo homines iudicant odio, aut
amore, aut cupiditate, aut iracundia, aut do-
lore, aut lætitia, aut spe, aut timore, aut errore,
aut aliqua permotione mētis, quàm ueritate, aut
prescripto, aut iuris norma aliqua, aut iudicij
formula, aut legibus. Quare nisi quid nobis
aliud placet, ad illa pergamus. Paulum, in-
quit Catulus, etiam nunc desse uidetur ijs rebus
Antoni, quas exposuisti, quod sit tibi antè ex-
plicandum, quàm illuc proficiscare, quò te dicis
intendere. Quidnam, inquit? Qui ordo tibi pla-
cet, inquit Catulus, & qua dispositio argumen-
torum, in qua tu mihi semper Deus uideri so-
les. Vide quàm sim in isto genere, inquit, Catu-
le, Deus, non me hercule mihi nisi admonito ue-
nisset in mentem: ut possis existimare me in ea,
in quibus nōnunquā aliquid efficere uideor, usu
solere in dicendo, uel casu potius incurrere. Ac
res quidem ista, quam ego quia non noram, sic
tanquam ignotum hominem præteribam, tantū
potest in dicendo, ut ad uincendum nulla plus
possit. Sed tamen mihi uideris ante tempus à

me rationem ordinis, & disponendarum rerum
 requisisse. Nam si ego omnem uim oratoris in
 argumentis, & in re ipsa per se comprobanda
 posuisssem, tempus esset iam de ordine argumen-
 torum & de collocaione aliquid dicere: sed cū
 tria sint à me proposita, de uno dictum, cum de
 duobus reliquis dixero, tum erit deniq; de dis-
 ponenda tota oratione querendum. Valet igitur
 multum ad uincendum probari mores, instituta
 & facta, & uitam, & eorum qui agent causas,
 & eorum pro quibus: & item improbari ad-
 uersariorum: animosq; eorum apud quos agi-
 tur, cōciliari quam maximè ad beneuolentiam,
 cum erga oratorem, tum erga illum, pro quo di-
 cet orator. Conciliantur autem animi dignitate
 hominis, rebus gestis, existimatione uitæ: quæ
 facilius ornari possunt, si modo sunt, quàm fin-
 gi, si nulla sunt. Sed hæc adiuuant in oratore, le-
 nitas uocis, uultus pudoris significatio, uerbo-
 rum comitas: siquid persequare acrius ut inui-
 tus & coactus facere uideare. facilitatis, libe-
 ralitatis, mansuetudinis, pietatis, grati animi,
 non appetentis, non auidi, signa proferri perutile
 est: eaq; omnia, quæ proborum, demissorum,
 non acrium, non pertinacium, nō litigiosorum,
 non acerborum sunt, ualde beneuolentiam con-
 ciliant, ab alienantq; ab ijs in quibus hæc non
 sunt. Itaq; eadem sunt in aduersarios ex con-
 trario conferenda. Sed genus hoc totum ora-
 tionis

tionis in ijs causis excellat, in quibus minus potest inflammari animus iudicis acris & uehementi quadam incitatione. Non enim semper foris oratio queritur, sed saepe placida, summissa, lenis, quae maximè commendat reos. Reos autem appello, non eos modò qui arguuntur, sed omnes quorum de re disceptatur: sic enim olim loquebantur. Horum igitur exprimere mores oratione, iustos, integros, religiosos, timidos, perferentes iniuriarum, mirum quiddam ualeat: & hoc uel in principijs, uel in re narranda, uel in perorando tantam habet uim, si est suauiter & cum sensu tractatum, ut saepe plus quàm causa ualeat. Tantum autem efficitur sensu quodam ac ratione dicendi, ut quasi mores oratoris effingat oratio. Genere enim quodam sententiarum, & genere uerborum, adhibita etiam actione leni, facilitateq; significandi, efficitur ut probi, ut bene morati, ut boni uiri esse uideantur. Huic autem est illa dispar adiuncta ratio orationis, quae alio quodam genere mentes iudicum permouet, impellitq; ut aut oderint, aut diligant, aut inuideant, aut saluum uelint, aut metuant, aut spernant, aut cupiant, aut abhorreant, aut letentur, aut mœreant, aut misercantur, aut punire uelint, aut ad eos morus adducantur siqui finitimi sunt & propinqui his ac talibus animi perturbationibus. Atq; illud optandum est oratori, ut aliquam

permotionem animorum sua sponte ipsi afferant ad causam indices, ad id, quod utilitas oratoris feret accommodatam. facilius est enim currentem (ut aiunt) incitare, quam commovere languentem. Sin id aut non erit, aut erit obscurius, sicut medico diligenti prius quam conetur agro adhibere medicinam, non solum morbus eius cui mederi uolet, sed etiam consuetudo ualentis, & natura corporis cognoscenda est: sic equidem cum aggredior ancipitem causam, & grauem ad animos iudicum pertrahendos, omni mente in ea cogitatione curaque uersor, ut odoror quam sagacissime possim, quid sentiant, quid existiment, quid expectent, quid uelint, quod deduci oratione facillime posse uideantur. Si se dant, et, ut antè dixi, sua sponte quò impellimus inclinant atque propendent, accipio quod datur, & ad id unde aliquis flatus ostenditur, uela do. Sin est integer quietusque iudex, plus est operis: sunt enim omnia dicendo excitanda, nihil adiuvante natura. Sed tantam uim habet illa, quae rectè à bono poeta dicta est *Flex anima*, atque omnium regina rerum, oratio, ut non modo inclinantem erigere, aut flantem inclinare, sed etiam aduersantem & repugnantem, ut imperator bonus ac fortis, capere possit. Haec sunt illa quae meludens Crassus modò flagitabat, quae à me diuinitus tractari solere diceret, & in causa M. Aquilij, Caijque Norbani, nonnullisque alijs quasi praec

præclare acta laudaret : quæ mehercule ego Crasse, cum à te tractantur in causis, horrere soleo. tanta vis animi, tantus impetus, tantus dolor oculis, uultu, gestu, digito deniq; isto tuo significari solet : tantum est flumen grauissimorum optimorumq; uerborum : tam integra sententiæ, tam ueræ, tam nouæ, tam sine pigmentis fucoq; puerili, ut mihi non solum tu incendere iudicem, sed ipse ardere uidearis. Neq; fieri potest ut doleat is qui audit, ut oderit, ut inuideat, ut pertimescat aliquid, ut ad fletum misericordiamq; deducatur, nisi omnes ij motus, quos orator adhibere uolet iudici, in ipso oratore impressi esse, atq; inuisti uidebuntur. Quòd fictus aliquis dolor suscipiendus esset, etsi in eiusmodi genere orationis nihil esset nisi falsum, atq; imitatione simulatum, maior ars aliqua forsitan esset requirenda: nunc ego quid tibi Crasse, quid cæteris accidat, nescio: de me autem causa nulla est cur apud homines prudentissimos, atque amicissimos mentiar. Non mehercule unquam apud iudices, aut dolorem, aut misericordiam, aut inuidiam, aut odium excitare dicendo uolui, quin ipse in commouendis iudicibus ijs ipsis sensibus, ad quos illos adducere uellem permouerem. Neque enim facile est perficere ut irascatur cui tu uelis iudex, si tu ipse id lente ferre uideare: neque ut oderit eum quem tu uelis, nisi te ipsum flagrantem odio

ante uiderit. Neq; ad misericordiã adducetur, nisi ei tu signa doloris tui uerbis, sententijs, uoce uultu, collaerymatione deniq; ostenderis. Ut enim nulla materies tam facilis ad exardescendum est, quæ nisi admoto igni, ignem concipere possit: sic nulla mens est tam ad cõprehendedam uim oratoris parata, quæ possit incendi, nisi inflammatus ipse ad eam, & ardens accesseris. Ac ne fortè hoc magnum ac mirabile esse uideatur hominem toties irasci, toties dolere, toties omni animi motu concitari, præsertim in rebus alienis: magna uis est earum sententiarũ, atq; eorum locorũ quos agas, tractesq; dicendo, ut nihil opus sit simulatione & fallacijs. Ipsa enim natura orationis eius quæ suscipitur ad aliorum animos perueniendos, oratorem ipsum magis etiam quàm quenquam eorum qui audiunt, permouet. Et ne hoc in causis, in iudicijs, in amicorum periculis, in concursu hominum, in ciuitate, in foro accidere miremur, cum agitur non solum ingenij nostri existimatio (nam id esset leuius, quanquam cum professus sis te id posse facere, quod pauci, ne id quidem negligendum est) sed alia sunt maiora multo, fides, officium, diligentia, quibus rebus adducti, etiam cum alienissimos defendimus, tamen eos alienos, si ipsi uiri boni uolumus haberi, existimare non possumus. Sed, ut dixi, ne hoc in nobis mirum esse uideatur, quid potest esse

esse tam fictum; quàm uersus, quàm scena, quàm fabula? tamen in hoc genere saepe ipse uidi, cum ex persona mihi ardere oculi hominis histriouis uiderentur spondalia illa dicentis,

Segregare abs te ausus, aut sine illo Salamina ingredi?

Neq; paternum aspectum es ueritus?

Nunquam illum aspectum dicebat, quin mihi Telamon iratus furere luctu filij uideretur. Ut idem inflexa ad miserabilem sonum uoce,

-quem etate exacta indigem

Ziberum lacerasti, orbasti, extincti, neque fratris necis,

Neq; gnati eius parui, qui tibi in tuleram est traditus?

flens ac lugens dicere uidebatur. Quae si ille histrio quotidie cum ageret, tamen recte agere sine dolore non poterat, quid Pacuuium putatis in scribendo leni animo ac remisso fuisse? Fieri nullo modo potuit. Saepe enim audiui poetam bonum neminē (id quod à Democrito & Platone in scriptis relictum esse dicunt) sine inflammatione animorum existere posse, & sine quadam afflatu quasi furoris. Quare nolite existimare me ipsum, qui non Heroum ueteres casus fictosq; luctus uellem imitari atq; adumbrare dicēdo, neq; actor essem aliena personae, sed auctor meae, cum mihi M. Aquilius in ciuitate retinendus esset, quae in illa causa peroranda

fecerim, sine magno dolore fecisse. Quem enim ego consulem fuisse imperatorem ornatū à senatu, ouantem in capitolium ascendisse meminissem, hunc cum afflictum, debilitatum, mœrentem, in summum discrimen adductum uiderem, non prius sum conatus misericordiam alijs commouere, quam misericordia sum ipse captus. Senti equidem tum magnopere moueri indices, eum excitavi mœstum ac sordidatum senem, & cum ista feci quæ tu Crasse laudas, non arte de qua quid loquar nescio, sed motu magno animi ac dolore, ut discinderem tunicam, ut cicatrice ostenderem, cum C. Marius mœrorē orationis meæ præfens ac sedens multum lacrymis uis adiuuaret: cumq; ego illum crebro appellans, collegam ei suum commendare, atq; ipsum aduocatum ad communē imperatorū fortunam defendendam inuocarem, non fuit hæc sine meis lacrymis, non sine dolore magno miseratio, omniumq; decorum & hominum & ciuium & sociorum imploratio. Quibus omnibus uerbis, quæ à me tum sunt habita, si dolor abfuisset meus, non modo non miserabilis, sed etiā irridenda fuisset oratio mea. Quamobrem hoc uos doceo Sulpiti, bonus ego uidelicet atq; eruditus magister, ut in dicendo irasci, ut dolere, ut flere possitis: quanquam te quidem quid hoc doceam, qui in accusando sodali & Quæstore meo tantum incendium non oratione solum, sed multo

multo magis ui, & dolore, & ardore animi
concitatus, ut ego ad id reslinguendum uix co-
narer accedere? Habueras enim tum omnia in
causa superiora: uim, fugam, lapidationē, cru-
delitatem tribunitiā in Cæpionis graui mise-
rabiliq; casu, in iudiciū uocabas: deinde princi-
pem & senatus, & ciuitatis M. Aemiliū
lapide percussū esse constabat, ui pulsum ex
templo L. Cottam, & T. Didium, cum inter-
cedere uellent rogationi, nemo poterat negare.
Accedebat, ut hæc tu adolescens pro Republ.
queri summa cum dignitate existimare: ego
homo censorius uix satis honeste uiderer sedi-
tiosum ciuem & in hominis consularis cala-
mitate crudelum, posse defendere. Erant opti-
mi ciues iudices, bonorum uirorum plenum fo-
rum, uix ut mihi tenuis quadam uenia da-
retur excusationis, quod tum eum defenderem
qui mihi Quæstor fuisset. Hic quid ego dicam
me artem aliquam adhibuisse? quid fecerim
narrabo, si placuerit, uos meam defensionem in
aliquo artis loco reponetis. Omnium seditionum
genera, uitia, pericula collegi: tamq; orationem
ex omni Reip. nostræ temporum uarietate re-
petui: conclusiq; ita, ut dicerem, etsi omnes mo-
lestæ semper seditiones fuissent, iustas tamen
fuisse nonnullas, & propè necessarias. Tum
illa quæ modo Crassus commemorabat, egi:
neq; reges ex hac ciuitate exigī, neque tribu-

nos ple. creari, neq; plebiscitis toties consularem potestatem miui, neq; prouocationē patronam illam ciuitatis, ac iudicē libertatis populi Rom. dari sine nobilium diffensione potuisse: ac si illa seditiones salui huic ciuitati fuissent, non continuo si quis motus populi factus esset, id C. Norbano in nefario crimine, atq; in fraude capitali esse ponendum. Quod si unquam populi Rom. concessum esset, ut iure concitatus uideretur, id quod docebam saepe esse concessum: nullam illa causam iustiore fuisse. Tum omnem orationem traduxi, & conuerſi in increpandam Cæpionis fugam, in deplorandum interitum exercitus. Sic & eorum dolorem, qui lugebant suos, oratione reficabam: & animos equitum Romanorum, apud quos tum iudices causa agebatur, ad Q. Cæpionis odium, à quo erant ipsi propter iudicia abalienati, renouabā atq; reuocabam. Quod ubi sensi me in possessione iudicij ac defensionis meæ constitisse, quod & populi beneuolentiam mihi conciliaram, cuius iusticiam cum seditionis coniunctione defenderam, & iudicum animos totos uel calamitate ciuitatis, uel luctu ac desiderio propinquorum, uel odio proprio in Cæpionem, ad causam nostram conuerterā: tunc admiscere huic generi orationis uehementi atq; atroci genus illud alterum, de quo antè disputavi, lenitatis & mansuetudinis, cœpi, me pro meo sodali, qui mihi in liberum

berum loco more maiorum esse deberet, & pro mea omni fama propè fortunisq; decernere: nihil mihi ad existimationē turpius, nihil ad dolorem acerbius accidere posse, quàm si is qui saepe alienissimis à me, sed meis tamen ciuibus saluti existimarer fuisse, sodali meo auxilium ferre non possem. Petebam à iudicibus, ut illud atati mea, ut honoribus, ut rebus gestis, si iusto, si pio dolore me esse effectum uiderent, concederent, praesertim, si in alijs causis intellexissent, omnia me semper pro amicorum periculis, nihil unquam pro me ipso deprecatum. Sic in illa omni defensione, atque causa, quod esse in arte positū uidebatur, ut de lege Apuleia dicerem, ut quid esset minuere maiestatem explicare: per quā breuiter perstrinxi, atq; attigi. His duabus partibus orationis, quarū altera concitationem habet, altera cōmendationē, quae minime praecipis artium sunt perpolita, omnis est à me illa causa tractata, ut & acerrimus in Capionis inuidia renouanda, & in meis moribus erga meos necessarios declarandis māsuetissimus uiderer. ita magis affectis animis iudicum quàm doctis, tua Sulpiti est à nobis tum accusatio uicta. Hic Sulpitius, Vere hercule, inquit, Ansoni, ista cōmemoras. nā ego nihil unquam uidi, quod tam è manibus elaberetur, quàm mihi tū est elapsa illa causa. Cum enim, quemadmodum dixisti, tibi ego non iudiciū, sed incendiū tradi-

ll s diffem:

dissem : quod tuum principium dij immortales,
fuit? qui timor? quæ dubitatio? quanta hæsitatio,
tractusq; verborum? ut tu illud initio quod
tibi unum ad ignoscendum homines dabant,
tenuisti, te pro homine pernecessario Quaestore
tuo dicere? quam tibi primum munisti ad te audiendum viam? Ecce autem cum te nihil aliud
profecisse arbitrarer, nisi ut homines tibi cinem
improbum defendenti ignoscendum propter necessitudinem arbitrarentur, serpere occulte cœpisti nihil dum alijs suspicantibus, me vero
iam pertimescente : ut illam non Norbani seditionem, sed illam pop. Roma. iracundiam, neq;
eam iniustam, sed meritam ac debitam fuisse defenderes. Deinde qui locus abs te præternissus in Capionem? ut tu illa omnia odio, invidia,
misericordia miscuisti? Neq; hæc solû in defensione, sed etiam in Scæuro, cæterisq; meis testibus,
quorû tu testimonia non refellendo, sed ad eundem impetum populi confugiendo, refutasti.
Quæ cum abs te modò cõmemorarentur, equidẽ nulla præcepta desiderabã. Istam enim ipsam demonstrationem defensionem tuarum abs te ipso commemoratam doctrinam esse non mediocre puto. Atqui si ita placet, inquit Antonius, trademus etiam, quæ nos sequi in dicendo, quæq; maxime spectare solemus : docuit enim iam nos lingua uita, ususq; rerum maximarû, ut quibus rebus animi hominum mouerentur.

tar, teneremus. Equidem primum considerare soleo, postulétne causa: nam neq; parvis in rebus adhibenda sunt hæ dicendi faces, neque ita animatis hominibus, ut nihil ad eorum mentes oratione flectendas proficere possimus: ne aut irrisione, aut odio digni putemur, si aut tragedias agamus in nugis, aut cōuellerè adoriamur ea quæ non possint commoueri. Nam quoniam hæc ferè maxime sunt in iudicium animis, aut quicumq; illi erunt apud quos agemus, oratione molienda, amor, odium, iracundia, inuidia, misericordia, spes, lætitia, timor, molestia sentimus amorem conciliari, si id uelle uideare quod sit utile ipsis, apud quos agas, defendere: si aut pro bonis uiris, aut certe pro ijs qui illis boni atque utiles sint laborare: namq; hæc res amorē magis conciliat, illa uirtutis defensio charitatē: plusq; proficit, si proponitur spes utilitatis futura, quā præteriti beneficii commemoratio. Enitendum est ut ostendas in ea re quam defendas, aut dignitatem inesse, aut utilitatem: eumq; cui concilies hunc amorem, significes nihil ad utilitatē suam retulisse, ac nihil omnino fecisse causa sua. Inuidetur enim commodis hominum ipsorum: studijs autem eorum cæteris commodandi fauetur. Videndumq; hoc loco est, ne, quos ob benefacta diligere uolumus, eorum laudem atque gloriam, cui maxime inuideri solet, nimis efferre uideamur. Atq; iisdē his ex locis & odium in
alios

alios struere discemus, & à nobis ac nostris dimovere: eademq; hæc genera tractanda sunt in iracundia uel excitanda uel sedanda. Nam si, quod ipsis qui audiunt, perniciosum aut inutile sit, id factū augeas, odiū creatur: sin quod aut in bonos uiros, aut in eos quos quisq; minime debuerit, aut in Remp. tum excitatur, si non tā acerbum odium, tamen aut inuidie aut odij non dissimilis offensio. Item timor incutitur aut ex ipsorum periculis, aut ex communibus: interior est ille proprius, sed hic quoq; cōmunis ad eandem similitudinem est perducendus. Par atq; una ratio est spei, latitiæ, molestiæ. Sed haud sciam an acerrimus longè sit omnium motus inuidie: nec minus uirium opus sit in ea cōprimenda quàm in excitanda. Inuidet autem homines maxime paribus, aut inferioribus, cum se relictos sentiunt, illos autem dolent euolasse: sed etiam superioribus inuidetur saepe uehementer, & eo magis si intolerantius se iactant, & æquabilitatem communis iuris, præstantia dignitatis, aut fortune suæ transeunt. Quæ si inflammāda sunt, maxime dicendum est, non esse uirtute parta, deinde etiam uitij atq; peccatis. Tum si erūt honestiora atq; grauiora, tamen non esse tanti ulla merita, quanta insolentia hominis, quantumq; fastidium. Ad sedandum autem magno illa labore, magnis periculis esse parta, nec ad suum commodum, sed ad aliorum esse collata

collata, si scq; si quam gloriam peperisse uideatur, tamen si ea non sit iniqua merces periculi, tamen ea non delectari, totamq; abijcere, atq; deponere: omninoq; perficiendum est (quoniam pleriq; sunt inuidi, maximeq; est hoc commune uitium, & peruagatum: inuidetur autem praestanti florentiq; fortuna) ut hac opinio minuatur, & illa excellens opinione fortuna, cum laboribus & miseris permista esse uideatur. Iam misericordia mouetur, si is qui addit, adduci potest ut illa qua de altero deplorentur, ad suas res reuocet, quas aut tulerit acerbis, aut timeat, aut intuens alium, crebro ad seipsum reuertatur. ita cum singuli casus humanarum miserationum grauitur accipiuntur, si dicuntur dolenter, tum afflicta & prostrata uirtus maximè luctuosa est: & ut illa altera pars orationis, qua probitatis commendatione boni uiri debet speciem tueri, lenis (ut saepe iam dixi) atq; summissa: sic hac qua suscipitur ab oratore ad commutandos animos, atq; omni ratione flectendos, intenta, ac uehemens esse debet. Sed est quadam in his duobus generibus, quorum alterum lene, alterum uehemens esse uolumus, difficilis ad distinguendum similitudo. Nam ex illa lenitate, qua conciliamur ijs qui audiunt, ad hanc uim acerrimam, qua eosdē excitamus, influat oportet aliquid & ex hac ui nonnunquam animi aliquid influendum est illi

est illi lenitati : neq; est ulla temperatior oratio, quam illa, in qua asperitas contentionis oratoris ipsius humanitate conditur : remissio autē lenitatis quadam gravitate, & contentione firmatur. In utroq; autem genere dicendi, & illo in quo vis, atq; contentio queritur, & hoc quod ad uitam, & morem accommodatur : & principia tarda sunt, & exitus tamen spissi, & producti esse debent. Nam neq; assilendum statim est ad illud genus orationis (abest enim totum à causa, & homines prius ipsum illud quod proprium sui iudicij est, audire desiderant) nec etiam in eam rationem ingressus sis, celeriter descendendum est. Non enim sicut argumentum simul atq; positum est, arripitur, alterumq; : & tertium poscitur : ita misericordiā, aut invidiam, aut iracundiam, simul atq; intuleris, possis commovere. Argumentum enim ratio ipsa confirmat : quæ simul atq; emissæ est, adhærescit. Illud autem genus orationis non cognitionem iudicis, sed magis perturbationem requirit : quam consequi nisi multa & uaria, & copiosa oratione, & simili contentione actionis nemo potest. Quare qui aut breuiter, aut summissè dicunt, docere iudicem possunt, commovere non possunt : in quo sunt omnia. Iam illud perspicuum est, omnium rerum in contrarias partes facultatem ex iisdem suppeditari locis. Sed argumento resistendum est, aut ijs quæ comproban

bandi eius causa sumuntur reprehendendis: aut demonstrando id quod concludere illi uelint, non effici ex propositis, nec esse consequens, aut si ita non refellus, afferendum est in contrariam partem quod sit aut grauius, aut aequae graue. Illa autem quae aut conciliationis causa linitur, aut permotionis uehementer aguntur; contrarijs commotionibus inferenda sunt, ut odio beneuolentia, ut misericordia inuidia tollatur. Suauis autem est, & uehementer saepe utilis iocus, & facetiae: quae etiam si alia omnia tradi arte possunt, natura sunt propria certè, neq; ullam artem desiderant: in quibus tu longe alijs mea sententia Caesar excellis: quo magis mihi etiam testis esse potes, aut nullam esse artem salis: aut si qua est, eam nos tu potissimum docebis. Ego uerò, inquit Caesar, omni de re facetius puto posse ab homine non inurbano, quàm de ipsis facetijs disputari. Itaq; cum quosdam Gracos inscriptos libros esse uidissem de ridiculis, nonnullum in spem ueneram posse me aliquid ex istis discere: inueni autem ridicula, & salsa multa Gracorum. nam & Siculi in eo genere, & Rhodij & Byzantij, & prater ceteros Attici excellunt: sed qui eius rei rationem quandam conati sunt, artemq; tradere, sic insulsi exiterunt, ut nihl aliud eorū nisi ipsa insulsitas videatur. Quare mihi quidem uidetur nullo modo doctrina ista res posse tradi. Etenim cum duo ge-
nera

nera sint facietiarum, alterum æquabiliter in
 omni sermone fusum, alterum peracutum &
 breue: illa à ueteribus superior, cauillatio: hæc
 altera dicacitas nominata est. Leue nomen ha-
 bet utraq; res quippe: leue enim est totum hoc,
 risum mouere. Veruntamen, ut dicis Antoni,
 multum in causis persæpe lepore & facetijs
 profici uidi. Sed cum in illo genere perpetua se-
 stiuitatis ars non desideretur (natura enim fin-
 git homines & creat imitatores & narrato-
 res facetos, & uultu adiuvante, & uoce, &
 ipso genere sermonis) tum uerò in hoc altera di-
 cacitatis quid habet ars loci, cum antè illud fa-
 cete dictum emissum herere debeat, quàm co-
 gitari potuisse uideatur? Quid enim hic meus
 frater ab arte adiuari potuit, cum à Philippo
 interrogatus quid latraret, furem se uidere re-
 spondit? Quid in omni oratione Crassus uel
 apud centumuiros contra Scauolam, uel con-
 tra accusatorem Brutum, cum pro Cn. Plancio
 diceret? Nam id quod tu mihi tribuis Antoni,
 Crasso est omnium sententia concedendum. Non
 enim ferè quisquam reperietur, præter hunc, in
 utroq; genere lepôris excellens, & illo quod in
 perpetuitate sermonis, & hoc quod in celerita-
 te atq; dicto est. Nam hæc perpetua contra Sca-
 uolam Curiana defensio tota redundauit hila-
 ritate quadam, & ioco, dicta illa breuia non
 habuit. Parcebat enim aduersarij dignitati, in
 quo

quo ipso seruabat suam (quod est hominibus fac-
etis & dicacibus difficillimum) habere homi-
num rationem, & temporum, & ea quæ occur-
rant, cū falsissime dici possint, tenere. Itaq; non-
nulli ridiculi homines hoc ipsum non insulse in-
terpretantur. Dicere enim aiunt Ennium flam-
mam à sapiente facilius ore in ardente opprimi,
quàm bonà dicta teneat. Hac scilicet bonà di-
cta quæ falsa sint. Nam ea dicta appellantur
proprio iam nomine. Sed ut in Scauolam con-
tinuit ea Crassus, atq; illo altero genere, in quo
nulli aculei contumeliarū inerant, causam illam
disputationemq; lusit: sic in Bruto quæ oderat,
& quem dignum contumelia iudicabat, utroq;
genere pugnavit. Quam multa de balneis, quas
nuper ille uendiderat, quàm multa de amisso
patrimonio dixit? atq; illa breuia, cum ille di-
ceret si sine causa sudare, Minime mirum, in-
quit: modo enim existi de balneis. Innumerabi-
lia huiusmodi fuerunt, sed non minus iucun-
da illa perpetua. Cū enim Brutus duos lecto-
res excitasset, & alteri de colonia Narbonensi
Crassi orationē legendam dedisset, alteri de lege
Seruilia, & cum contraria inter sese de Rep.
capita contulisset, noster hic facetissimè tres
patris Bruti de iure ciuili libellos tribus legen-
dos dedit. Ex libro primo, Fortè euēnit, ut in
Priuernati essemus. Brute, testificatur pater se
tibi Priuernatem fundum reliquisse. Deinde ex

libro secundo, In albano eramus ego & Marcus filius. Sapiens uidelicet homo cum primis nostræ ciuitatis, norat hūc gurgitem, metuebat, ne cum is nihil haberet, nihil esse ei relictum putaretur. Tum ex libro tertio, in quo finem scribendi fecit (tot enim, ut audiui Scæuolam dicere, sunt ueri Bruti libri.) In Tiburti fortè assedimus ego & M. filius. Vbi sunt ij fundi Brute, quos tibi pater publicis commentarijs consignatos reliquit? Quòd nisi puberem te, inquit, iam haberet, quartum librū composuisset, & se etiā in balneis lotum cum filio, scriptum reliquisset. Quis est igitur, qui non fateatur hoc lepore atque ijs facetijs, non minus refutatum esse Brutū, quàm illis tragœdijs, quas egit idem cum casu in eadem causa cum funere efferretur anus Iunia? Proh dū immortales, quæ fuit illa, quanta uis, quàm inexpectata, quàm repentina? cum coniectis oculis, gestu omni imminenti, summa grauitate & celeritate uerborum, Brute quid sedes? quid illam anum patri nuntiare uis tuo? quid illis omnibus, quorū imagines duci uides? quid maioribus tuis? quid Lucio Bruto, qui hūc populum dominatu regio liberauit? quid te facere? cui rei, cui gloriæ, cui uirtuti studere? parimonione augendo? At id non est nobilitatis: sed fac esse, nihil superest: libidines totum dissipauerunt. An iuri ciuili? est paternum, sed dicet te, cum ades uenderes, ne in ruitis quidem, & cæsis

& casis solium tibi paternum recepisse. An
 rei militari, qui nunquam castra uideris? an
 eloquentia, quae nulla est in te, & quicquid est
 uocis ac lingua, omne in istum turpissimum ca-
 lumniae quaestum contulisti? Tu lucem aspicere
 audes? tu hos intueri? tu in foro, tu in urbe, tu in
 ciuium esse conspectu? Tu illam mortuam, tu
 imagines ipsas non perhorrescis, quibus non
 modo imitandis, sed ne collocandis quidem tibi
 ullum locum reliquisti? Sed haec tragica atq;
 diuina: faceta autem & urbana innumerabi-
 lia ex una concione meministis. Nec enim con-
 cio maior unquam fuit, nec apud populum gra-
 uior oratio, quam huius contra collegam in-
 censura nuper, neq; lepore & festiuitate con-
 ditior. Quare tibi Antoni utrumq; assentior,
 & multum facietias in dicendo prodesse saepe,
 & eas arte nullo modo posse tradi. Et illud
 quidem admiror, te nobis in eo genere tribuisse
 tantum, & non huius rei quoq; palmam, ut
 ceterarum Crasso detulisse. Tum Antonius,
 Ego uero ita fecissem, inquit, nisi interdum in
 hoc Crasso paululum inuiderem. Nam esse
 quamuis facetum atq; salsum, non nimis est per
 se ipsum inuidendum: sed cum omnium sis ue-
 nustissimus & urbanissimus, omnium gra-
 uissimum & seuerissimum & esse & uideri,
 quod isti contigit uni, id mihi uix ferendum ui-
 debatur. Hic cum arrisisset ipse Crassus,

men, inquit *Antonius*, cum artem esse facietiarum *Iuli* negares, aperuisti quiddam quod precipiendum uideretur. Haberi enim dixisti rationem oportere hominum, rei, temporis, nequid iocus de gravitate decerperet. quod quidem in primis à *Crasso* observari solet. Sed hoc preceptum prætermittendum est facietiarum, cum his nihil opus sit: nos autem quomodo utamur cum opus sit, querimus: ut in aduersarium, & maxime si eius stultitia poterit agitari: in testem stultum, cupidum, leuem, si facile homines audituri uidebuntur. Omnino probabiliora sunt, quæ laceßiti dicimus, quàm quæ priores. Nam & ingenij celeritas maior est, quæ apparet in respondendo, & humanitatis est responsio. Videmur enim quieturi fuisse, nisi essemus laceßiti: ut in ista ipsa concione nihil ferè dictum est ab hoc, quod quidem facietius dictum uideretur, quod non prouocatus responderit. Erat autem tanta gravitas in *Domitio*, tanta auctoritas, ut quod esset ab eo obiectum, leuè magis eleuandum, quàm contentione frangendum uideretur. Tum *Sulpitius*, Quid igitur, inquit, patiemur *Cæsarem*, qui quanquam *Crasso* facietias concedit, tamen multo in eo studio magis ipse elaborat, non explicare totum nobis genus hoc iocandi quale sit, & unde deducatur, præferim cum tantam uim & utilitatem salis & urbanitatis esse fateamur? Quid si, in-

quit

quit Iulius, assentior Antonio dicenti nullam esse artem salis? Hic cum Sulpitius reticisset, Quasi uerò, inquit Crassus, horum ipsorum de quibus Antonius tandem loquitur, ars ulla sit, observatio quadam est, ut ipse dixit, earum rerum quæ in dicendo ualent, quæ si eloquentes facere posset, quis esset non eloquens? Quis enim hæc uel non facile, uel certè aliquo modo posset ediscere? Sed ego in his præceptis hanc uim, & hanc utilitatem esse arbitror, non ut ad reperendum quid dicamus, arte ducamur: sed ut ea quæ natura, quæ studio, quæ exercitatione consequimur, aut recta esse confidamus, aut praua intelligamus, cum quò referenda sint, didicerimus. Quare Caesar, ego quoque à te hoc peto, ut si tibi uideatur disputes, de hoc toto iocandi genere, quid sentias: nequa sortè dicendi pars, quoniam ita uoluisti, in hoc tali cœtu, atque in tam accurato sermone præterita esse uideatur. Ego uero, inquit ille, quoniam collecta à conuiua Crasse exigis, non committam, ut si defugerim, tibi causam aliquam dem recusandi: quanquam soleo sæpe mirari eorum impudentiam, qui agunt in scena gestum spectante Roscio. Quis enim sese commouere potest, cuius ille uitia non uideat? sic ego nunc Crasso audiente primum loquar de facetiis, & docebo sus (ut aiunt) oratorem cum, quem cum Catulus nuper audisset, scenum alios aiebat esse oportere. Tum ille, iocabatur,

inquit Catulus : praesertim cum ita dicat ipse, ut ambrosia alendus esse uideatur, uerum te Caesar audiamus, ut ad Antonij reliqua redeamus.

Et Antonius. Per pauca quidem mihi restant, inquit: sed tamē defessus iam labore atq; itinere disputationis meae, requiescam in Caesaris sermone, quasi in aliquo peropportuno diuersorio.

Atqui, inquit Iulius, non nimium liberale hospitium meum dices: nam te in uiam simulac per paululum gustaris, extrudam & eijciam.

Ac ne diutius uos demorer de omni isto genere quid sentiam, per breuiter exponam. De risu quinque sunt quae quarantur: unum quid sit: alterum, unde sit: tertium, sit ne oratoris uelle risum mouere: quartum, quatenus: quintum, quae sint genera ridiculi. Atq; illud primum, quid sit ipse risus, quo pacto concitetur, ubi sit, quomodo existat, atq; ita repente erumpat, ut eum cupientes tenere nequeamus, & quomodo simul latera, os, uenas, uultum, oculos occupet, uiderit Democritus. Neq; enim ad hunc sermonē hoc pertinet: & si pertineret, nescire me tamen id non puderet, quod ne ipsi quidem illi scirent qui pollicerentur. Locus autem & regio quasi ridiculi (nam id proxime quaritur) turpitudine & deformitate quadam continetur. Haec enim videntur uel sola, uel maxime quae notant, & designant turpitudinem aliquam non turpiter. Est autē, ut ad illud tertium ueniam, est planē

orato

oratoris mouere risum, uel quòd ipsa hilaritas
beniuolentiam conciliat ei per quem excitata
est: uel quòd admirantur omnes, acumen uno
sepe in uerbo positum, maximè respondentis,
nonnunquam etiam laccessentis: uel quòd frangit
aduersarium, quòd impedit, quòd eleuat, quòd
deterret, quòd refutat: uel quòd ipsum oratorem
politum esse hominem significat, quòd eruditum,
quòd urbanum, maximèq; quòd tristitiam ac
seueritatem mitigat & relaxat, odiosaq; res
sepe, quas argumentis dilui non facile est, ioco
risuq; dissoluit. Quatenus autem sint ridicula
tractanda oratori, perquam diligenter uiden-
dum est: id quod in quarto loco querendi posue-
ramus. Nam nec insignis improbitas, & sce-
lere iuncta, nec rursus miseria insignis agitata
ridetur. Facinorosos enim maiore quadam ui,
quàm ridiculi, uulnerari uolunt: miseros illudi
nolunt, nisi si se forte iactant. Parcendum est
autem maximè charitati hominum, ne temerè
in eos dicas qui diliguntur. Hæc igitur adhiben-
da est primum in iocando moderatio. Itaq; ea
facillimè luduntur, quæ neq; odio magno, nec
misericordia maxima digna sunt. Quamobrem
materies omnis ridiculorum est in istis uitis,
quæ sunt in uita hominum neq; charorum, neq;
calamitosorum, neq; eorum qui ob facinus ad
supplicium rapiendi uidentur: eaq; bellè agita-
ta ridentur. Est etiam deformitatis & corporis

inquit Catulus : præsertim cum ita dicat ipse, ut ambrosia alendus esse uideatur, uerum te Cæsar audiamus, ut ad Antonij reliqua redeamus. Et Antonius. Per pauca quidem mihi restant, inquit: sed tamē defessus iam labore atq; itinere disputationis meæ, requiescam in Cæsaris sermone, quasi in aliquo peropportuno diuersorio. Atquis inquit Iulius, non nimium liberale hospitium meum dices: nam te in uiam simulac per paululum gustaris, extrudam & eijciam. Ac ne diutius uos demorer de omni isto genere quid sentiam, per breuiter exponam. De risu quinque sunt quæ quarantur: unum quid sit: alterum, unde sit: tertium, sit ne oratoris uelle risum mouere: quartum, quatenus: quintum, quæ sint genera ridiculi. Atq; illud primum, quid sit ipse risus, quo pacto concitetur, ubi sit, quomodo existat, atq; ita repente erumpat, ut eum cupientes tenere nequeamus, & quomodo simul latera, os, uenas, uultum, oculos occupet, uiderit Democritus. Neq; enim ad hunc sermonē hoc pertinet: & si pertineret, nescire me tamen id non puderet, quod ne ipsi quidem illi scirent qui pollicerentur. Locus autem & regio quasi ridiculi (nam id proxime quaritur) turpitudine & deformitate quadam continetur. Hæc enim videntur uel sola, uel maxime quæ notant, & designant turpitudinem aliquam non turpiter. Est autē, ut ad illud tertium ueniam, est planē

oratoris mouere risum, uel quòd ipsa hilaritas
beneuolentiam conciliat ei per quem excitata
est: uel quòd admirantur omnes, acumen uno
sepe in uerbo positum, maxime respondentis,
nonnunquam etiam lacescentis: uel quòd frangit
aduersarium, quòd impedit, quòd eleuat, quòd
deterret, quòd refutat: uel quòd ipsum oratorem
politum esse hominem significat, quòd eruditum,
quòd urbanum, maximeq; quòd tristitiam ac
seueritatem mitigat & relaxat, odiosasq; res
sepe, quas argumentis dilui non facile est, ioco
risuq; dissoluit. Quatenus autem sint ridicula
tractanda oratori, perquam diligenter uiden-
dum est: id quod in quarto loco querendi posue-
ramus. Nam nec insignis improbitas, & sec-
lere iuncta, nec rursus miseria insignis agitata
ridetur. Facinorosos enim maiore quadam ui-
quàm ridiculi, uulnerari uolunt: miseros illudi
nolunt, nisi si se forte iactant. Parcendum est
autem maxime charitati hominum, ne temere
in eos dicas qui diliguntur. Hac igitur adhiben-
da est primum in iocando moderatio. Itaq; ea
facillime luduntur, quæ neq; odio magno, nec
misericordia maxima digna sunt. Quamobrem
materies omnis ridiculorum est in istis uitis,
quæ sunt in uita hominum neq; charorum, neq;
calamitosorum, neq; eorum qui ob facinus ad
supplicium rapiendi uidentur: caq; belle agita-
ta uidentur. Est etiam deformitatis & corporis

uitiorum satis bella materies ad iocandum. Sed
querimus idem quod in ceteris rebus maximè
querendum est, quatenus. In quo non modo illud
precipitur, nequid insulse: sed etiam siquid
perridiculè possis, uitandum est oratori utrunq;
ne aut scurrilis iocus sit, aut mimicus. Quæ cu-
iusmodi sint, facilius iam intelligemus, cum
ad ipsa ridiculorum genera deuenerimus. Duo
enim sunt genera facetiarum, quorum alterum
re tractatur, alterum dicto. Re, si quando quid
tanquam aliqua fabella narratur, ut olim tu
Crasse in Memmium, comedisse cum lacertum
Largij, cum esset cum eo Tarracina de amicu-
la rixatus. Salsa, at tamen à te ipso ficta tota
narratio. Addidisti clausulam, tota Tarraci-
na, tum omnibus in parietibus inscriptas fuisse
litteras tria L L L. duo M M. Cum quæreres id
quid esset, senem tibi quendam oppidanum di-
xisse, Lacerat lacertum Largij mordax Mem-
mius. Perspicitis hoc genus quàm sit facetum,
quàm elegans, quàm oratorium, siue habeas
uerè quod narrare possis, quod tamen est men-
daciunculis aspergendum: siue fingas. Est au-
tem hæc huius generis uirtus, ut ita facta de-
monstres, ut mores eius de quo narres, ut ser-
mo, ut uultus omnes exprimantur: ut ijs, qui
audiunt, tum geri illa fieriq; uideantur. In re
est item ridiculum, quod ex quadam depraua-
ta imitatione sumi solet, ut idem Crassus, Per-
nam

etiam nobilitatem, per uestram familiam. Quid aliud fuit in quo concio rideret, nisi illa uultus, & uocis imitatio? Per tuas statuas uerò ciam dixit, & extento brachio paululum etiam degeſtu addidit, uehementius riſimus. Ex hoc genere eſt illa Roſciana imitatio ſenis:

Tibi ego Antipho aſſero, inquit ſenium eſt ciam audio.

Atq; ita eſt totum hoc ipſo genere ridiculum, ut cauſiſſime tractandum ſit. Mimorum eſt enim ethologorum, ſi nimia eſt imitatio, ſicut obſcœnitas. Orator ſurripiat oportet imitationem: ut is qui audiat, cogitet plura quàm uideat. Præſtet idem ingenuitatem, & ruborem ſuum, uerborum turpitudine & rerum obſcœnitate uitanda. Hæc ergo duo genera ſunt eius ridiculi, quod in re poſitum eſt: quæ ſunt propria perpetuarum ſacetiæ, in quibus deſcribuntur hominum mores, & ita eſſinguntur, ut aut re narrata aliqua, quales ſunt intelligantur: aut imitatione breuiter iniecta in aliquo inſigni ad irridendū uitio reperiantur. In dicto autem ridiculū eſt id quod uerbi, aut ſententiæ quodam acumine mouetur: ſed ut in illo ſuperiore genere uel narrationis uel imitationis uitanda eſt mimorum ethologorum ſimilitudo, ſic in hoc ſcœrilis oratori dicacitas magnopere fugienda eſt. Quī igitur diſtinguemus à Crasso, à Catulo, à cæteris familiarem ueſtrum Granium, aut

Vargulam amicum meum? Non mehercule in mentem mihi quidem uenit: sunt enim dicaces, Granio quidem nemo dicacior. Hoc opinor, primum, ne quotiescunq; potuerit dictum dici, necesse habeamus dicere. Pusillus testis processit. Licet, inquit, rogare Philippus? Tum quesitor properans, Modo breuiter. Hic ille, Non accusabis, perpusillum rogabo. Ridiculè: sed sedebat index L. Iurifex, breuior etiam quam ipse testis. omnis est risus in iudicem conuersus. uisum est totū scurrile iudicium. Ergo hæc qua cadere possunt in quos nolis, quāuis sint bella, sunt tamen ipso genere scurrilia: ut iste qui se uult dicacem, & mehercule est, Appius, sed nonnunquam in hoc uitium scurrile delabatur: Carnabo, inquit, apud te, huic lusco familiari meo C. Sextio: uni enim locum esse uideo. Est hoc & scurrile, & quod sine causa laceßiuit, & tamen id dixit quod in omnes luscos conueniret. Ea quia meditata putantur esse, minus ridentur. Illud egregium Sextij, & ex tempore, Manus laua, inquit, & cæna. Temporis igitur ratio, & ipsius dicacitatis moderatio, & temperantia, & raritas dictorum distinguet oratorem à scurra: & quod nos cum causa dicimus, non ut ridiculi uideamur, sed ut proficiamus aliquid, illi totum dicim, & sine causa. Quid enim est Vargula affecutus, cū eum candidatus A. Sempromius cum Marco suo fratre complexus esset.

Puer

Puer abige muscas? Risum quæsiuit, qui est mea
sententia uel tenuissimus ingenij fructus. Tem-
pus igitur dicendi prudentia & gravitate mo-
derabimur: quarum uiam artem aliquam habe-
remus: sed domina natura est. Nunc exponamus
genera ipsa summam quæ risum maxime mo-
ueant. Hac igitur sit prima partitio, Quod fa-
cete dicatur, id alias in re habere, alias in uerbo
facetias: maximè autem homines delectari si-
quando risus cõiunctè re uerboq; moveatur. Sed
hoc mementote, quoscunq; locos attingam, unde
ridicula ducantur, ex iisdem locis ferè etiam gra-
ues sententias posse duci. tantum interest, quòd
grauitas honestis in rebus senerè iocus in turpi-
culis, & quasi deformibus ponitur: uelut in iis-
dem uerbis & laudare frugi seruū possumus, &
si est nequam, iocari. Ridiculum est illud Nero-
nianum uetus in furace seruo. Solum esse, cui do-
mi nihil sit nec obsignatum, nec oclusum. Quod
idem in bono seruo dici solet, & hoc iisdem etiam
uerbis. Ex iisdem autem locis omnia nascuntur.
Nam quod Sp. Caruilio grauiter claudicanti ex
uulnere ob Remp. accepto, & ob eā causam ue-
recūdanti in publicū prodire, mater dixit, Quin
prodis mi Spuri, ut quotiescunq; gradū facias,
toties tibi tuarum uirtutum ueniat in mentem?
præclarum & graue est. quod Caluino Glancia
claudicanti, Voi est uetus illud, Num claudicat?
at hic claudicat. Hoc ridiculum est: & utrumq;

ex eo quod in claudicatione animaduerti potuit, est ductum. Quid hoc *Nauio ignauius*? *Seuerè Scipio*. At in malè olentem, *Vide* me à te non conueniri, sed circumueneri. Subridiculè *Philippus*. At utrunq; genus continet uerbi ad litteram immutati similitudo. Ex ambiguo dicta, uel argutissima putatur: sed non semper in ioco, sæpe etiam in gravitate uersantur: *Africano* illi maiori coronam sibi in conuiuio ad caput accommodanti, cum ea sapius rumperetur, *P. Licinius Varus*, Noli mirari, inquit, si non conuenit: caput enim magnum est, laudabile & honestum. At ex eodem genere est,

Caluus Satis est quod dicit. Parùmne multa? Nullum genus est ioci, quo non ex eodem seuerè & graua sumantur. Atque hoc etiam animaduertendum, non esse omnia ridicula faceta. Quid enim potest esse tam ridiculum quam *Sannio* est? sed ore, uultu, imitandis moribus, uoce, deniq; corpore ipso ridetur. Salsum hunc possum dicere, atq; ita, non ut eiusmodi oratorem esse uelim, sed ut minimum. Quare primum genus hoc quod risum uel maxime mouet, non est nostrum, morosum, superstitiosum, suspiciosum, gloriosum, stultum. *Natura* ridetur ipsa, quas personas agitare solemus, non sustinere. Alterum genus est imitatione admodum ridiculum, sed nobis tantum licet furtim, siquando & cursim. Alterum minimè est liberale. Tertium, oris deprauat

prauatio, non digna nobis. Quareum, absce-
ntas, non solum non foro digna, sed uix conuiui-
liberorum. Detraētis igitur tot rebus ex hoc ora-
torio loco, facetiæ reliquæ sunt, quæ aut in re,
ut antè diuisi, posita uidentur esse: aut in uerbo.
Nam quod quibuscunq; uerbis dixeris, facetum
tamen est, re continetur: quod mutatis uerbis sa-
lem amittit, in uerbis habet leporem omnem.

Ambigua sunt in primis acuta, atq; in uer-
bo posita, non in re: sed non sape magnum risum
mouent, magis ut bellè & literatè dicta lau-
dantur: ut in illum Titium, qui cū studiosè
pila luderet, & idem signa sacra noctu fran-
gere putaretur, gregalesq; eum in campum non
uenisse requirerent, excusauit Vespæ Terentius,
quod eum brachium fregisse diceret. Vt illud
Africani, quod est apud Lucilium,

Quid Decius Nuculam? an confixum uis fa-
cere? inquit, Vt tuus amicus, Crasse, Granius,
Non esse sextantis. Et si queritis, is qui appel-
latur dicax, hoc genere maximè excellit, sed
risus mouent alia maiores. Ambiguum per se
ipsum probatur id quidem, ut antè dixi, uel ma-
ximè: ingeniosi enim uidetur, uim uerbi in aliud
atq; cæteri accipiant, posse ducere: sed admira-
tionem magis quàm risum mouet, nisi si quando
incidit in aliud genus ridiculi. Quæ genera per-
curram equidem, sed scitis esse notissimum ridi-
culi genus, cū aliud expectamus, aliud dici-

tur. hic nobismet ipsis noster error risum mouet.
 Quod si admissum est etiam ambiguum, sit falsissimum: ut apud Nenum uidetur esse misericors ille, qui indicatum duci uidens, percontatur ita.

Quanti addictus? nulle numum.

Si addidisset tantummodo, ducas licet: esset illud genus ridiculi præter expectationem: sed quia addidit,

- Nihil addo, ducas licet:

addito ambiguo altero genere ridiculi, fuit, ut mihi quidem uidetur, falsissimus. Hoc tum est uenustissimum, cum in altercatione arripitur ab aduersario uerbum, & ex eo, ut à Catulo in Philippum, in eum ipsum aliquid qui laceßiuit, infligitur. Sed cum plura sint ambigui genera, de quibus est doctrina quedam subtilior, attendere & aucupari uerba oportebit, in quo ut ea quæ sint frigidiora uitemus (cicnim cauendum est ne arcessitum dictum putetur) permulta tamen acutè dicemus. Alterum genus est, quod habet paruam uerbi immutationem, quod in littera positum Græci uocant *ωρονομασία*, ut Nobiliorem mobiliorem Cato: aut ut idem cum cuidam dixisset, Eamus deambulatum: & ille, Quid opus fuit de? Immo uerò, inquit, quid opus fuit te? Aut eiusdem responsio illa, si tu, & aduersus, & auersus impudicus es, Etiam interpretatio nominis habet acumen, cum ad ridiculum conuertas, quamobrem ita

quis

quis uocetur, ut ego nuper Nummium diuisorem, ut Neoptolemum ad Troiam, sic illum in campo Martio nomen inuenisse. Atque hac omnia uerbo continentur. Sape etiam uersus facete interponitur, uel ut est, uel paululum immutatus: aut aliqua pars uersus: ut Statius Scauro stomachanti, ex quo sunt nonnulli, qui tuam legem de ciuitate natam Crasse dicant,

* Si, tacete, quid hoc clamoris est? quibus nec pater, nec mater sit,

Tanta confidentia estis? auferte istam nunc superbiam.

Nam in Celio sanè etiam ad causam utile fuit tuum illud Antoni, cum ille à se pecuniam profectam diceret uestis, & haberet filium delicatiorem, abeunte iam illo,

Senti'n' senem esse tactum triginta minis? In hoc genus cōiunguntur prouerbia: ut illud Scipionis, cum Asellus omneis provincias stipendia merentem se peragrasse gloriaretur, Agas asellum, & cætera. Qua re ea quoq; quoniam mutatis uerbis non possunt retinere eandem uenustatē, non in re, sed in uerbis posita ducantur.

Est etiam in uerbo posuum non insulsum genus ex eo, cum ad uerbum, non ad sententiam rem accipere uideare: ex quo uno genere totus est Tutor minus uetus oppidò ridiculus. Sed ab eo à mimis, tantum genus huius ridiculi insigni aliqua & nota re notari uolo. Est autem
ex hoc

ex hoc genere illud quod tu Crasse nuper ei qui te rogasset, num tibi molestus esset futurus, si ad te bene anic' lucem uenisset: tu uerò, inquit, molestus non eris. Iubebis igitur te, inquit, suscipiari? & tu certè negaras te molestum futurum. Ex eodem hoc uetus illud est, quod aiunt Maluginensem illum M. Scipionem cum ex cēturia sua renuntiaret Accidinum consulem, praeoq; dixisset, Dic de I. Manlio: Vrum bonum, inquit, egregiumq; ciuem esse arbitror. Ridiculè etiam illud L. Porcius Nasicus Censori Catoni, cum ille Ex tui animi sententia tu uxorem habes? Non herculè, inquit, ex animi tui sententia. Haec aut frigida sunt, aut tum salsa; cum aliud est expectatum. Natura enim nos (ut antè dixi) noster delectat error, ex quo cum quasi decepti sumus expectatione, ridemus. In uerbis etiam illa sunt, quae aut ex immutata oratione ducuntur, aut ex unius uerbi translatione, aut ex inuersione uerborum. Ex immutatione, ut olim Rufus cum legem ferret annalem, dissuasor M. Seruilius, Dic mihi, inquit, M. Pinnavi, num, si contra te dixero, mihi malè dicturus es, ut ceteris fecisti? Ut sementem feceris, ita metes, inquit. Ex translatione autem, ut cum Scipio ille maior Corinthijs statuam pollicentibus eo loco, ubi aliorum essent imperatorum, turmales dixit displicere. Inuertuntur autem uerba, ut Crassus apud M. Perpennam iudicem

iudicem pro Aculeone cum diceret, aderat contra Aculeonem. Gratidiano L. Heluius Lamia deformis, ut nostis: qui cum interpellaret odiose, Audiamus, inquit, pulchellū puerum, Crassus. Cum esset arrisum, Nō potui mihi, inquit Lamia, formam ipse fingere, ingenium potuitum hīc, Audiamus, inquit, disertum, multo etiam arrisum est uehementius. Sunt etiam illa uenusta, ut in grauib. sententijs, sic in facetijs. Dixi enim dudū materiam aliam esse ioci, aliam seueritatis: grauium autem & iocorum unam esse rationem. Orōi igitur in primis orationem uerba relata contrariē, quod idem genus est, saepe etiam factum, ut Sergius ille Galba cum indices L. Scribonio Tribuno pl. ferret familiares suos, & dixisset Libo, Quando tādē Galba de triclinio tuo exhibis? Cum tu, inquit, de cubiculo alieno. A quo genere ne illud quidem plurimum distat, quod Glaucia Metello, Villā in Tyburte habes, cortem in palatio. Ac uerborum quidem genera quae essent faceta, dixisse me puto, Rerum plura sunt, eaq; magis (ut dixi antē) ridentur, in quibus est narratio, res sanē difficilis. Exprimenda enim sunt, & ponenda ante oculos ea quae uideantur & uerisimilia, quod est proprium narrationis: & quae sint, quod ridiculi proprium est, subturpia: cuius exemplum, ut breuissimum, sit sanē illud quod antē posui, Crassi de Memmio: & ad hoc

n n genus

genus ascribamus etiam narrationes apologo-
rum. Trahitur etiam aliquid ex historia: ut cū
Sex. Titius se Cassandram esse diceret. Multos,
inquit Antonius, possum tuos Aiaces Oileos
nominare. Est etiā ex similitudine, quæ aut col-
lutionem habet, aut tanquam imaginem. Colla-
tionem, ut ille Gallus olim testis in Pisonem,
cū innumerabile Magio profecto pecuniam di-
xisset duā, idq; Scaurus tenuitate Magij redar-
gueret, Erras, inquit, Scaure. ego enim Magiū
non cōseruasse dico, sed tanquam nuces legeret,
in ventrem abstulisse. Vt illud M. Cicero senex
huius uiri optimi nostri familiaris pater nostros
homines similes esse Syrorū uenaliū: ut quisq;
optimè Gracè sciret, ita esse nequissimū. Valde
autem videntur etiam imagines, quæ ferè in de-
formitatem, aut in aliquod uitium corporis du-
cuntur cum similitudine turpioris: ut meū illud
in Helmiū Manciam, iam ostendam cuiusmo-
di sis: cum ille, Ostende queso. demonstrauit di-
gito pictum gallum in Mariano scuto Cimbri-
co sub nodis distortū, eiecta lingua, buccis flu-
entibus. Risus est cōmotus. nihil tam Mancie si-
mule uisum est. Vt cum Testio Penario mentū
in dicendo intorquenti tū ut diceret, siquid uel-
let, si nucem fregisset. Etiam illa quæ minuendi
aut augendi causa ad incredibilem admiratio-
nem efferruntur: uelut tu Crasse in concione, ita
sibi ipsum magnum uideri Aemiliū, ut in
forum

forum descendens, caput ad fornicem Fabij demitteret. Ex quo genere etiam illud est, quod Scipio apud Numantiam cum stomacharetur cum C. Metello, dixisse dicitur, Si quincum pareret mater eius, asinum fuisse parituram. Arguta etiam significatio est, cum parvare, & saepe uerbo res obscura & latens illustratur: ut cum C. Fabritio P. Cornelius, homo, ut existimabatur, auarus, & furax, sed egregie fortis & bonus Imperator, gratias ageret quod se homo inimicus consulem fecisset, bello praesertim magno & graui: Nihil est quod mihi gratias agas, inquit, si malui copilari, quam uanire. Vt Asello Africanus obijcienti lustrum illud infelix, Noli, inquit, mirari: is enim qui te ex ararijs exemit, lustrum condidit, & taurum immolauit. Tanta suspicio est, ut religione ciuitate obstrinxisse uideatur Mummius, quod Asellum ignominia leuarit. Urbana etiam dissimulatio est, cum alia dicuntur, ac sentias: non illo genere, de quo ante dixi, cum contraria dicas, ut Lamia Crassus, sed cum toto genere orationis seuerè ludas, cum aliter sentias ac loquere: ut noscer Scæuola Scipemuleio illi Anagnino, cui pro C. Gracchi capite erat aurum repensum, roganti ut se in Asiam praefectum duceret: Quid tibi uis, inquit, insane? tanta malorum est multitudo ciuium, ut tibi ego hoc confirmem, si Roma manseris, te paucis annis ad maximas pecunias esse uenturum.

In hoc genere Fannius in annalibus suis Africanum hūc Aemylianum dicit fuisse. & cum Graco uerbo appellat ἑρπὼς. Sed uti ferunt, qui melius hac norunt, Socratem opinor in hac ironia, dissimulatiāq; longe lepōre & humanitate omnibus praestitisse. Genus est perelegans, & cum gravitate falsum, cumq; oratoris dictionibus, tum urbanis sermonibus accommodatum. Et hercule omnia hac quae à me facilijs disputantur, non maiora forensium actionum, quam omnium sermonum condimenta sunt. Nam quod apud Catonē est, qui multa retulit, ex quibus à me exempli causa multa ponuntur, per mihi scitum uidetur, C. Publicium solitum dicere, P. Mummiūm cuius temporis hominem esse, sic profectō res se habet, nullum ut sit uite tempus, in quo non deceat lepōre humanitatēq; uersari. Sed redeo ad cetera. Est huic finitimum dissimulationi, cū honesto uerbo uitiosa res appellatur: ut cum Africanus Censor tribu monebat eum centurionem, qui in Pauli pugna non affuerat, cum ille se custodia causa diceret in castris remansisse, quæreretiq; cur ab eo notaretur, Non amo, inquit, ninium diligentes. Acutum etiam illud est, cum ex alterius oratione aliud excipias, atq; ille uult: ut Salinatori Maximus, cum Tarento amisso arcem tamē Linius retinisset, multiq; ex ea praelia praclara fecisset, cum aliquot post annos Maximus id oppidum recepisset

ic. de
necbut

recepisset, rogariq; cum Salinator, ut meminisset opera sua se Tarentū recepisse. Quidni, inquit, memincrim? nunquam ego recepissem, nisi tu perdidisses. Sūt etiam illa subabsurda, sed eo ipso nomine saepe ridicula, nō solum minus per apposita, sed etiam quodammodo nobis:

Homo fatuus postquam rem habere coepit, est mortuus.

Quid est tibi ista mulier? Vxor, Similis medius fidius.

Quandiu ad aquas fuit, nunquā est mortuus. Genus hoc leuius, & ut dixi, mimicum, sed habet nonnunquam aliquid etiam apud nos loci, ut uel non stultus, quasi stulte cum sale dicat aliquid: ut tibi Antoni Mantia, cum audisset te Censorem à M. Duronio de ambitu. postulatu. Aliquando, inquit, tibi tuum negotium agere licebit. Valde hac ridentur, & hercule omnia quae à prudentibus quasi per dissimulationem non intelligendi subabsurde falseq; dicuntur. Ex quo genere est etiam, nō uideri intelligere quod intelligas, ut Pontidius, Quale existimas, qui in adulterio deprehenditur? Tardū. Vt ego, qui in delectu Metello, cum excusationem oculorum à me non acciperet, & dixisset, Tu igitur nihil uides? Ego uerò, inquam, à porta Exquilina uideo uillam tuam. Vt illud Nasica, qui cum ad poëtam Ennium uenisset, eiq; ab ostio querenti Ennium, ancilla dixisset domi non esse, Nasica

n n 3 sensu

sensit illam domini iussu dixisse, & illum intus esse: paucis post diebus cum ad Nasica uenisset Ennius, & cum à ianua quæreretur, exclamat Nasica se domi non esse: tum Ennius, Quid? ego non cognosco uocem, inquit, tuam? Hic Nasica, Homo es impudens: ego cum te quærerem, ancille tua credidi te domi non esse, tu mihi non credis ipsi? Est bellū illud quoq;, ex quo is qui dixit, irridetur in eo ipso genere quod dixit: ut cum Q. Opimius consularis, qui adolescentulus male audisset, festiui homini Egilio, qui uideretur mollior, nec esset, dixisset,

- Quid tu Egilia mea?

Quando ad me uenis cum tua colu, & lana?

- Non pol (inquit) audeo.

Nam me ad famosas uenit mater accedere. Salsa sunt etiam, quæ habent suspicionem ridiculi absconditam: quo in genere est illud Siculi, cui cum familiaris quidam quereretur, quod diceret uxorem suam suspendisse se de ficu: Ama bo te, inquit, da mihi ex ista arbore quos seram surculos. In eodem genere est quod Catulus dixit cuidam oratori malo: qui cum in epilogo misericordiam se mouisse putaret, postquam assedit, rogauit hunc, uidereturne misericordiam mouisse. Ac magnam quidem, inquit: neminem enim puto esse tam durū, cui non oratio tua miseranda uisa sit. Ne quidem hercule ualde ille mouet stomachosa, et quasi submorosa ridicula:

non

non cum à moroso dicuntur: tum enim non falsum sed natura ridetur. In quo, ut mihi uidetur, persalsum illud est apud Nævium,

Quid ploras pater? Mirum ni cantem, condemnatus sum.

Huic generi quasi contrarium est ridiculi genus patientis, ac lentis: ut cum Cato percussus esset ab eo qui arcam ferebat, cum ille diceret, Canez rogavit nūquid aliud ferret præter arcā. Etiam stultitiæ falsa reprehensio: ut ille Siculus, cui prætor Scipio patronum causæ dabat hospitem suū hominem nobilem, sed admodum stultū: Quæso, inquit, prætor aduersario meo da istum patronum, deinde mihi meminem dederis. Mouet illa etiam, quæ coniectura explanantur longe aliter atq; sunt, sed acute atq; cōcinne: ut cū Scæurus accusaret Rutiliū ambitus, cum ipse consul esset factus, ille repulsam tulisset, & in eius tabulis ostenderet literas. A. F. P. R. idq; diceret esse. Actū fide P. Rutilij: *Rutilius* autem, Antæ factum, post relatum: C. Cannius eques Romanum Raso adesset, exclamat neutrum illis licetis declarari. Quid ergo? inquit Scæurus. *Æmilius* fecit, plectitur Rutilius. Ridetur etiā discrepantia, Quid huic abest, nisi res & uireus? Belli etiam est familiaris reprehensio quasi errantis: ut cū obiurgauit *Albius Granius*, quòd cū eius tabulis quiddā *Albutio* probatū uideretur, & ualde absoluto Scæuola gauderet, neq;

356

Rutilius

intelligeret contra suas tabulas esse iudicatum. Huic similis est etiam admonitio in consilio dando familiaris: ut cum patrono malo, cum uocem in dicendo obtulisset, suadebat Granius, ut nihil sum frigidum biberet, simulac domum redisset: Perdam inquit, uocem, si id fecero: Melius est, inquit, quam reum. Bellum etiam est cum quod cuiq; sit consentaneum dicitur: ut cum Scaurus nonnullam haberet inuidiam ex eo, quod Phrygionis Pompeij locupletis hominis bona sine testamento possederat, sedereq; aduocatus reo Bestie, cum finus quoddam duceretur, accusator C. Memmius, Vide, inquit Scaure, mortuus rapitur, si potes esse possessor. Sed ex his omnibus nihil magis ridetur, quam quod est præter expectationem, cuius innumcrabilia sunt exempla: uel Appij maioris illius, qui in senatu cum ageretur de agris publicis, & de lege Thoria, & premeretur Lucilius ab ijs, qui à pecore eius depasci agros publicos dicerent: Non est, inquit, Lucilij pecus illud, erratis: (defendere Lucilium uidebatur) ego liberum puto esse: quia lubet pascitur. Placet etiam mihi illud Scipionis illius, qui T. Gracchum perculit, cum ei M. Flaccus multis probris obiectus P. Mutium iudicem tulisset, Eicero, inquit, iniquus est. cum esset admurmuratum: Ah, inquit, Patres conscripti: non ego mihi illum iniquum eicero, uerum omnibus. Ab hoc uero Crasso nihil facietius, cum laxisset testis

Silus

*Silus Pisonem, quòd se in eum audisse dixisset, Potest fieri, inquit, Silè, ut is unde te audisse dicis, iratus dixerit. Annuie Silus. Potest etiam ut tu non recte intellexeris. Id quoq; toto capite annuit, ut se Crasso daret. Potest etiam fieri, inquit, ut omnino quod te audisse dicis, nunquam audieris. Hoc ita præter expectationem accidit, ut testem omnium risus obrueret. Huius generis est plenus *Neuius*, & iocus est familiaris,*

Sapiens si alyebis tremes.

& alia permulta. Sæpe etiam facere concedas aduersario id ipsum quòd tibi ille detrahit: ac *C. Lælius*, cum ei quidam malo genere natus dicebat indignum esse suis maioribus. At *hercule*, inquit, tu tuus dignus. Sæpe etiam sententiose ridicula dicuntur, ut *M. Cincius* quo die legem de donis & muneribus tulit, cum *C. Cento* prodixisset, & satis cõtumeliose. Quid fers *Cinciole*? quæsisset: *Vi emus*, inquit, *Cai*, si uti uelis. Sæpe etiam falsæ quæ fieri non possunt, optantur: ut *M. Lepidus*, cum cæteris in campo exercitibus in herba ipse recubisset, *Vellem hoc esset*, inquit, *laborare*. Salsum est etiam querentibus, & quasi percontantibus lente respondere quod nolent: ut *Censor Lepidus*, cum *M. Antistio Pirgensi* equum ademisset, amiciq; cū uociferarentur & quererent, quid ille patri suo responderet, cur ademptum sibi equū diceret, cū optimus colonus, parcissimus, modestissimus, frugalissi-

mus esset: *Me istorum, inquit, nihil credere. Col-
liguntur à Græcis alia nonnulla, execrationes,
admirationes, minationes. Sed hæc ipsa nimis
mihi uideor multa in genera descripsisse. Nā il-
la quæ uerbi ratione, & uī cōtinētur, certa ferē,
ac definita sunt: quæ plerunq; ut antè dixi, lau-
dari magis quàm uideri solent. Hæc autem quæ
sunt in re, & in ipsa sententia, partibus sunt in-
numerabilia, generibus pauca. Expectationi-
bus enim decipiendis, & naturis aliorum irri-
dendis, ipsorum ridicule indicandis, & simili-
tudine turpioris, & dissimulatione, & subab-
surdum dicendo, & stulta reprehendendo, risus
mouentur. Itaq; imbuendus est is qui iocose uult
dicere, quasi natura quadā apta ad hæc genera,
& moribus, ut ad cuiusq; modi genus ridiculi,
uultus etiam accommodetur: qui quidem quo
seuerior est, & tristior, ut in te Crasse, hoc illa
quoq; quæ dicuntur, falsiora uideri solent. Sed
iā tu Antoni, qui hoc diuersorio sermonis tui
libenter acquieturum te esse dixisti, tanquam in
Pontinum diuerteris, neq; amœnum, neq; salu-
brem locum: censeo ut satis diu te putes requie-
uisse, & iter reliquum conficere pergas. Ego ue-
ro atq; hilarè quidem à te acceptus, inquit, &
cū doctior per te, tum etiā audacior factus sum
ad iocandū. Non enim uereor, ne quis me in isto
genere leniorē iam putet: quoniam quidem tu
Fabricios mihi auctores, & Africanos, Ma-
ximos,*

ximos, Catones, Lepidos, protulisti. Sed habetis ea quæ uoluistis ex me audire: de quibus quidē accuratius dicendum & cogitandū fuit. Nam cætera faciliora sunt, atq; ex ijs quæ iam dicta sunt, reliqua nascantur omnia. Ego enim, cum causam suam aggressus, atq; omnia cogitando, quoad facere potui, persecutus, cū & argumēta causa, & eos locos, quibus animi iudiciū conciliantur, & illos quibus permouentur, uidi atq; cognoui: tū cōsilituo quid habeat quaq; causa boni, quid mali. nulla enim ferē res potest in dicendi disceptationem aut controuersia uocari, quæ non habeat utrunq;: sed quantum habeat, id refert. Mea autem ratio in dicendo hæc esse solet, ut boni quod habeat, id amplectar, exornem, exaggerem: ibi commorer, ibi habitem, ibi hæream. a malo autē, uitioq; causa ita recedam, non ut id me desugere appareat, sed ut totum bono illo ornando, & augendo dissimulatum obruatur. et si causa est in argumentis, firmissima quaq; maximè tueor, siue plura sunt, siue aliquod unum: sin autem in cōciliatione, aut in permotione causa est: ad eam me potissimum partem, quæ maximè cōmouere animos hominū potest, conféro. Summa deniq; huius generis hæc est, ut si in refellēdo aduersario firmior esse oratio, quàm in confirmandis nostris rebus potest, omnia in illum conscrām tela: sin nostra facilius probari, quàm illa redargui possunt.

abduc

abducere animos à contraria defensione, & ad nostram conor traducere. Duo deniq; illa quæ facillima videntur, quoniam quæ difficiliora sunt, non possum, mihi pro meo iure sumo, unum ut molesto aut difficili argumento, aut loco nonnunquam omnino nihil respondeam, quod forsitan aliquis iure irriserit: quis enim est qui id facere non possit? sed tamen ego de mea nunc, non de aliorum facultate disputo: cōfiteorq; me, si quæ premat res uehementius, ita concedere solere, ut non modo non abiecto, sed ne reiecto quidem scuto fugere uidear: sed adhibere quandam in dicendo speciem atq; pompam, & pugna similem fugam consistere uero in meo presidio, sic ut non fugiendi hostis, sed capiendi loci causa cessasse uidear. Alium est illud, quod ego oratori maxime cauendum & providendum puto, quodq; me sollicitare summe solet: nō tam ut prosim causis elaborare solco, quam ut nequid ob sim: non quin enitendum sit in utroq; sed tamen multo est turpius oratori, nocuisse uideri cause, quam non profuisse. Sed quid hoc loco nos inter nos Catule? an hæc, ut sunt contēnenda, contemnitis? Minime, inquit ille, sed Cæsar de isto ipso quiddam uelle dicere uidebatur. Me uero lubente inquit Antonius, dixerit, siue refellendi causa, siue querendi. Tum Iulius, Ego mehercule, inquit, Antoni, semper is fui, qui de te oratore sic predicarem, unum te

(in dic

in dicēdo mihi uideri rectissimum, propriumq;
hoc esse laudis tuæ, nihil a te unquā esse dictum.
quod obesset ei, pro quo diceres, idq; memoria
teneo, cum mihi sermo cū hoc ipso Crasso mul-
tis audientibus esset de te institutus, Crassusq;
plurimis uerbis eloquentiam laudaret tuam,
dixisse me, cum cæteris tuis laudibus hanc esse
uel maximam, quod non solum quod opus esset,
diceres, sed etiam quod non opus esset, non dice-
res: tum illum mihi respondere memini, cætera
in te summe esse laudanda, illud uerò improbi
esse hominis & perfidiosi, dicere quod alienum
esset, & noceret ei pro quo quisq; diceret, quare
non sibi eum discretum, qui id nō faceret, uide-
ri, sed improbum qui faceret. Nunc, si tibi uide-
tur Antoni, demōstres uelim, quare tu hoc ita
magnum putes nihil in causa mali facere, ut
nihil tibi in oratore maius esse uideatur. Dicam
equidem Cæsar, inquit, quid intelligam, sed &
tu & uos omnes, hoc inquit mementote, non me
de perfecti oratoris diuinitate quadam loqui,
sed de exercitationis et consuetudinis meæ me-
dioeritate. Crassi quidem responsum excellentis
cuiusdam est ingenij ac singularis: cui quiddam
portenti simile esse uisum est, posse aliquē inue-
niri oratorem, qui aliquid mali faceret dicēdo,
obessetq; ei quem defenderet. Facit enim de se
coniecturā, cuius tanta uis ingenij est, ut nemi-
nem nisi consultò putet quod cōtra seipsum sit.
dicere.

dicere. sed ego non de præstanti quadam & eximia, sed propè de uulgari & cōmuni prudentia disputo. *¶* Et apud Græcos fertur incredibili quadam magnitudine cōsiliij atq; ingenij Atheniensis ille fuisse Themistocles, ad quē quidā doctus homo atq; in primis eruditus accessisse dicitur, eiq; artē memoria quæ tum primum proferebatur, pollicitū esse se traditurum, cū ille quaesisset, quidnam illa ars efficere posset, dixisse illū doctorem, ut omnia meminisset. & ei Themistoclem respondisse, gratius sibi illū esse facturum, si se obliuisci, quæ uellet, quā si meminisse docuisset. *¶* Videsne quæ uis in homine acerrimi ingenij, quā potens, & quanta mens fuerit: qui ita responderit, ut intelligere possemus nihil ex illius animo, quod semel esset infusum, unquam effluere potuisse: cum quidem ei fuerit optabilius obliuisci posse potius, quod meminisse nollet, quā quod semel audisset uidiscēne, meminisse? Sed neq; propter hoc Themistocles responsum memorie nobis opera danda non est, neq; illa mea cautio & timiditas in causis propter præstantem prudentiam Crassi negligenda est. *¶* Vterq; enim istorū non mihi attulit aliquam, sed suam significauit facultatē. Etenim permulta sunt in causis in omni parte orationis circūspicienda, nequid offendas, nequē irruas. Sape aliquis testis, aut non ledit, aut minus ledit, nisi lacessatur: orat reus, urgent aduocati ut inueham

nehamur, ut maledicamus, deniq; ut interro-
gemus. Non moucor, non obtempero, non satisf-
facio, neq; tamen ullam assequor laudem. Ho-
mines enim imperiti facilius quod stultè dixe-
ris reprehendere, quam quod sapienter tacue-
ris, laudare possunt. Hic quantum fit mali, si
iratum, si non stultum, si non leuem testem la-
seris? Habet enim & uoluntatem nocendi in
iracundia, & uim in ingenio, & pondus in
uita. Nec si hoc Crassus non committit, ideo non
multi & saepe committunt. Quo quidem mihi
uideri turpius nihil solet, quam cum ex orato-
ris dicto aliquo aut responso, aut rogato sermo
ille sequitur, Occidit ille? Aduersariumne?
Imo uerò, aiunt, se, & cum quem defendit. Hoc
Crassus non putat nisi perfidia accidere posse,
ego autē sapissime uideo in causis aliquid mali
facere homines minime malos. quid illud quod
suprà dixi, solere me cedere, & ut planius di-
cam, fugere ea quæ etiam ualde causam meam
premerent? cum id non faciunt alii, uersanturq;
in hostiū castris, ac sua presidia dimittunt, me-
diocriterne causis nocent, cum aut aduersario-
rum adiumenta confirmant, aut ea quæ sanare
nequeunt, exulcerant? Quid, cum personarum
quas defendant, rationem non habent? Si quæ
sunt in his inuidiosa, non mitigant extenuan-
do, sed laudando & efferendo inuidiosiora fa-
ciunt, quantum est in eo tandem mali? Quid
si in

dicere. sed ego non de præstanti quadam & exi-
mia, sed propè de uulgari & cōmuni prudentia
disputo. Ut apud Græcos fertur incredibili qua-
dam magnitudine cōsiliū atq; ingenij Athenien-
sis ille fuisse Themistocles, ad quē quidā doctus
homo atq; in primis eruditus accessisse dicitur,
eiq; artē memoria quæ tum primum profereba-
tur, pollicitū esse se traditurum, cū ille quasisset,
quidnam illa ars efficere posset, dixisse illū do-
ctorem, ut omnia meminisset. & ei Themisto-
clem respondisse, gratus sibi illū esse facturum,
si se obliuisci, quæ uellet, quā si meminisse do-
cuisset. Videsne quæ uis in homine acerrimo in-
genij, quā potens, & quanta mens fuerit: qui
ita responderit, ut intelligere possemus nihil ex
illius animo, quod semel esset infusum, unquam
effluere potuisse: cum quidem ei fuerit optabi-
lius obliuisci posse potius, quod meminisse nol-
let, quā quod semel audisset uidissecine, memi-
nisse? Sed neq; propter hoc Themistocles respon-
sum memoria nobis opera danda non est, neq;
illa mea cautio & timiditas in causis propter
præstantem prudentiam Crassi negligenda est.
Vterq; enim istorū non mihi attulit aliquam,
sed suam significauit facultatē. Etenim permal-
ta sunt in causis in omni parte orationis circun-
spicienda, nequid offendas, nequē irruas. Sape
aliquis testis, aut non ledit, aut minus ledit,
nisi laceffatur: orat reus, urgent aduocati ut in-
ueham

uehamur, ut maledicamus, deniq; ut interro-
gemus. Non moueor, non obtempero, non satisf-
facio, neq; tamen ullam assequor laudem. Ho-
mines enim imperiti facilius quod stulcè dixe-
ris reprehendere, quam quod sapienter tacue-
ris, laudare possunt. Hic quantum sit mali, si
iratum, si non stultum, si non leuem testem la-
seris? Habet enim & uoluntatem nocendi in
iracundia, & uim in ingenio, & pondus in
uita. Nec si hoc Crassus non committit, ideo non
multi & sæpe committunt. Quo quidem mihi
uideri turpius nihil solet, quam cum ex orato-
ris dicto aliquo aut responso, aut rogato sermo
ille sequitur, Occidit ille? Aduersariūmne?
Imo uerò, aiunt, se, & cum quem defendit. Hoc
Crassus non putat nisi perfidia accidere posse,
ego autē sepissime uideo in causis aliquid mali
faccere homines minime malos. quid illud quod
suprà dixi, solere me cedere, & ut planius di-
cam, fugere ea quæ etiam ualde causam meam
premerent? cum id non faciunt alii, uersanturq;
in hostiū castris, ac sua presidia dimittunt, me-
diocritérne causis nocent, cum aut aduersario-
rum adiumenta confirmant, aut ea quæ sanare
nequeunt, exulcerant? Quid, cum personarum
quas defendunt, rationem non habent? Si quæ
sunt in his inuidiosa, non mitigant extenuan-
do, sed laudando & efferendo inuidiosiora fa-
ciunt, quantum est in eo tandem mali? Quid
si in

si in homines charos, iudicibusq; iucundos, sine
 ulla premunitioe orationis acerbius & cōtu-
 meliosius inuehare, nōne ab te iudices abalie-
 nes? Quid, si quæ uitia, aut incommoda sunt in
 aliquo iudice uno, aut pluribus, ea tu in aduer-
 sarijs exprobrando, non intelligas te in iudices
 inuehi, mediocre peccatū est? Quid si cum pro
 altero dicas, litem tuam facias, aut lasus effe-
 rare iracundia, causam relinquo, nihilne no-
 ceas? In quo ego, nō quò libenter male audiam,
 sed quia ego causam non libenter relinquo, ni-
 miū patiens & lentus existimor: ut cū te ipsum,
 Sulpiti obiurgabā quòd ministratorem peteres,
 non aduersariū. Ex quo etiam illud assequor, ut
 si quis mihi maledicat, petulans, aut planè insa-
 nus esse uideatur. In ipsis autem argumentis si
 quid posueris aut aperte falsum, aut ei quod di-
 xeris, dicturusue sis, contrarium, aut genere ipso
 remotum ab usu iudiciorum, ac foro, nihilne no-
 ceas? Quid multa? Omnis cura mea solet in hoc
 uersari semper (dicā enim sepius) si possim, ut
 boni, aliquid afficiam dicendo: sin id minus, ut
 ceriè ne quid mali. Itaq; nūc illuc redeo Catule,
 in quo tu me paulò antè laudabas, ad ordinem
 collocationemq; rerum ac locorum: cuius ratio
 est duplex: altera quā affert natura causarum:
 altera, quæ oratorū iudicio & prudentia com-
 paratur. Nā ut aliquid ante rē dicamus, deinde
 ut rem exponamus, post ut eam probemus no-
 stris

stris praesidijs confirmandis, contrarijs refutan-
dis, deinde ut concludamus, atq; ita peroremus:
hoc dicendi genus natura ipsa praescribit. Ver-
nerò statuamus ea quae probandi, docendi, per-
suadendi causa dicenda sunt, quemadmodum
componamus, id est uel maxime proprium ora-
toris prudentiae. Multa enim occurrunt argu-
menta, multa quae in dicēdo profutura uidean-
tur: sed eorū partim ita leuia sunt, ut contēnen-
da sint: partim etiā si quid habent adiuuenti,
sunt nonnunquam eiusmodi, ut insit in ijs ali-
quid uitij, neq; tanti sit illud quod prodesse ui-
deatur, ut cum aliquo malo coniungatur. Quae
autem sunt utilia atq; firma, si ea tamē (ut sepe
fit) ualde multa sunt: ea quae ex ijs aut leuissima
sunt, aut ex alijs grauioribus consimilia, secerni
arbitror oportere, atq; ex oratione remoueri.
Equidem cum colligo argumenta causarum,
non tam ea numerare soleo, quam expendere.
Et quoniam, quod sepe iam dixi, tribus rebus
omnes ad nostram sententiam perducimus, aut
docendo, aut conciliando, aut permonendo: una
ex tribus his rebus res praee nobis est ferenda, ut
nihil aliud nisi docere uelle uideamur: reliquae
duae, sicut sanguis in corporibus, sic ille in per-
petuis orationibus fusae esse debebunt. Nam &
principia, & caeterae partes orationis, de quibus
paulo post pauca dicemus, habere hanc uim ma-
gnopere debent, ut ad eorum mentes apud quos

o o agitur.

agitur. mouendas, permanare possint. Sed huius partibus orationis, quae etsi nihil docent argumentando, persuadendo tamen & commouendo proficiunt plurimum, quanquam maxime proprius est locus & in exordiendo, & in perorando: digredi tamen ab eo quod proposueris, atque agas, permouendorum animorum causa saepe utile est. Itaque uel narratione exposita saepe datur ad commouendos animos digrediendi locus, uel argumentis nostris confirmatis, uel contrariis refutatis, uel utroque loco, uel omnibus, si habet eam causa dignitatem atque copiam, recte id fieri potest: haecque causa sunt ad augendum & ad ornandum grauissima atque plenissima, quae plurimos exitus dant ad eiusmodi digressionem, ut ijs locis uti liceat, quibus animorum impetus eorum qui audiunt, aut impellantur, aut reflectantur. Atque etiam in illo reprehendo eos qui quae minime firma sunt, ea prima collocant. In quo illos quoque errare arbitror, qui si quando (id quod mihi nunquam placuit) plureis adhibent patronos, uti quonque eorum minimum putant esse, ita eum primum uolunt dicere. Res enim hoc postulat ut eorum expectationi qui audiunt, quam celerrime succurratur: cui si initio satis factum non sit, multo plus sit in reliqua causa laborandum. Male enim se res habet, quae non statim ut dici coepta est, melior fieri uidetur. Ergo ut in oratore optimus quisque
 sic &

sic & in oratione firmissimū quodq; sit primū:
 dum illud tamen in utroq; teneatur, ut ea quæ
 aequè excellent, seruentur etiā ad perorandum:
 si quæ erunt mediocria (nam uitiōsis nusquam
 esse oportet locum) in medianr turbam atq; in
 gregem conijciantur. Hisce omnibus rebus con-
 sideratis, tum deniq; id quod primū est dicen-
 dum, postremò soleo cogitare, quo utar exordio.
 Nam si quando id primum inuenire uolui, nul-
 lum mihi occurrit, nisi aut exile, aut nugato-
 rium, aut uulgare, atq; cōmune. Principia au-
 tem dicendi semper cum accurata & acuta,
 & instructa sententijs, apta uerbis, tum uerò
 causarum propria esse debent. Prima est enim
 quasi cognitio & commendatio orationis in
 principio: quæ cōtinuo eum qui audit permul-
 cere atque allicere debet. In quo mirari soleo.
 non equidem istos quī nullum huic rei operam
 dederunt, sed hominem in primis disertum
 atq; eruditum Philippum, qui ita solet ad di-
 cendum surgere, ut quod primum uerbum ha-
 biturus sit, nesciat: & ait idem, cum brachium
 concalescerit, tum se solere pugnare. neque
 attendit eos ipsos, unde hoc simile ducat, illas
 primas hastas ita iactare leniter, ut & uenu-
 stati uel maxime seruiant, & reliquis uiribus
 suis consulant. Neq; est dubiū quin exordium
 dicendi uehemens & pugna non sape esse
 debeat: sed si in ipso illo gladiatorio uita cir-

tamine, quo ferro decernitur, tamen ante congressum multa sunt quæ non ad uulnus, sed ad speciem valere uideantur: quanto hoc magis in oratione expectandū est, in qua non uis potius, sed delectatio postulatur? Nihil est denique in natura rerū omnium quod se uniuersum profundat, et quod totum repente euolet: sic omnia quæ fiunt, quæque aguntur acerrimè, lenioribus principijs natura ipsa prætexuit. Hac autem in dicendo nō extrinsecus alicunde querenda, sed ut ipsis uisceribus causæ sumenda sunt. idcirco tota causa pertractata atque perspecta, locis omnibus inuentis atque instructis, considerandum est quo principio sit utendum. Sic & facile reperietur. sumentur enim ex ijs rebus quæ erunt, uberrimæ uel in argumentis, uel in ijs partibus ad quas causæ dixi digredi sæpe oportere. Ita & momenti aliquid afferent, cum erunt penè ex intima defensione depromptæ, & apparebit eas non modo non esse communis: nec in alias causas posse transferri, sed penitus ex ea causa quæ tum agatur, effloruisse. Omne autem principium, aut rei totius quæ agitur, significationem habere debet, aut aditum ad causam & munitionem, aut quoddam ornamentum, & dignitatem. Sed oportet ut adibus ac repleti uestibula & aditus, sic causis principia pro portione rerum præponere. Itaque in paruis atque in frequentibus causis ab ipsa re est exordiri sæpe.

comm

commodius. Sed cū erit utendū principio (quod plerunq; erit) aut ex reo, aut ex aduersario, aut ex re, aut ex eis apud quos agitur, sententiæ duci decebit. Ex reo (reos appello quorum res est) quæ significent rerū bonum, quæ liberalem, quæ calamitosum, quæ misericordia dignū, quæ ualeant contra falsam criminationem. Ex aduersario, iisdem ex locis ferè cōtraria. Ex re, si crudelis, si infanda, si præter opinionem, si immerito, si misera, si ingrata, si indigna, si noua, si quæ restitui sanariq; nō possit. Ex ijs autē, apud quos agitur, ut beneuolos, beneq; existimantes efficiamus: quod agendo efficitur melius quam rogando. Est id quidē in totam orationem confundendum, nec minimē in extremā: sed tamen multa principia ex eo genere gignūtur. Nā & attentum, commonēt Græci, ut principio faciamus iudicem, & docilem: quæ sunt utilia, sed non principij magis propria, quam reliquarum partium: faciliora etiam in principijs, quod & attentum maximē sunt, cū omnia expectant: & dociles magis initijs esse possunt, illustriora enim sunt, quæ in principijs, quam quæ in medijs causis dicuntur, aut arguendo, aut refellendo. Maxima quidē copia principiorū ad iudicem aut alliciendum, aut incitandū ex ijs locis trahitur, qui ad motus animorum conficiendos inerunt in causa: quos tamen totos in principio explicari nō oportebit, sed tantū impelli primò

iudicem leniter, ut iam inclinato reliqua incumbat oratio. Connexum ita sit principium consequenti orationi, ut non tanquā citharædi proœmium affectum aliquod, sed coherēs cum omni corpore membrum esse uideatur. Nam nonnulli, cum illud meditati ediderunt, sic ad reliqua transeunt, ut audientiam sibi fieri uelle uideantur. Atq; eiusmodi illa prolusio debet esse non ut Samnitum, qui uibrant hastas ante pugnam, quibus in pugnando nihil utuntur: sed ut ipsis sententijs, quibus proluserunt, uel pugnare possint. Narrare uerò rem quòd breuiter iubent, si breuitas appellanda est, cum uerbum nullum redundet: breuis est L. Crassi oratio, si tum est breuitas, cum tantum uerborum est, quantum necesse est: aliquando id opus est, sed sepe obest uel maxime in narrando, non solum quod obscuritatem affert, sed etiam quod eam uirtutem, quæ narrationis est maxima, ut incunda, & ad persuadendum accommodata sit, tollit, uidelicet illa.

Nam is postquam excessit ex ephebis.

Quàm longa est narratio? mores adolescentis ipsius, & seruilis percontatio, mors Chrysidis, uultus & sermo & lamentatio sororis, reliqua peruarie, iucundeq; narrantur. Quòd si hanc breuitatem quesisset,

Effertur, imus, ad sepulcrum uenimus.

In ignem posita est:-

In his ferè decem uersiculis totum conficere potuisset:

fuisset: quanquam hoc ipsum Effertur, imus,
 concisum est ita, ut non breuitati seruitum sit,
 sed magis uenustati. Quod si nihil fuisset, nisi
 in ignem posita est: tamen res tota cognosci fa-
 cile potuisset: sed & festiuitatem habet narra-
 tio distincta personis, & interpuncta sermoni-
 bus: & est probabilius, quod gestum esse dicas,
 cum quæadmodum actum sit exponas: & mul-
 to apertius ad intelligendum est, si sic constitui-
 tur aliquando, ac non ista breuitate percurri-
 tur. Apertius enim narrationem tam esse oportet,
 quam ceteras: & hoc magis in hac elabo-
 randum est, quod & difficilius est, non esse ob-
 scurum in re narranda, quam aut in principio,
 aut in argumento, aut in purgando, aut pero-
 rando: & maiore etiam periculo hæc pars ora-
 tionis obscura est, quam cetera, uel quia si quis
 alio in loco est dictum quid obscurius, tantum
 id perit quod ita dictum est: narratio obscura
 totam obcecat orationem; uel quod alia possis,
 semel si obscurius dixeris, dicere alio loco pla-
 nius: narrationi unus est in causa locus. Erit
 autem perspicua narratio, si uerbis usitatis, si or-
 dine temporum conseruato, si non interrupte
 narrabitur. Sed quando utendum sit, aut non sit
 narratione, id est consilij. Neq; enim si nota res
 est, nec dubium sit quid gestum sit, narrari oportet:
 nec si aduersarius narrauit, nisi si reselle-
 mus: ac si quando erit narrandum, ne illa quæ

suspicionem & crimen efficiunt, contraq; nos erunt, acriter persequamur, & quicquid poterit detrahamus: ne illud quod Crassus, siquando fiat, perfidia, non stultitia fieri putat, ut causæ noceamus, accidat. Nam ad summam totius causæ pertinet, cautè, an contra demonstrata res sit: quod omnis orationis reliquæ fons est narratio. Sequitur ut causa ponatur: in quo uidendum est quid in controuersiam ueniat. Tum suggerenda sunt firmamenta causæ coniuncta, & infirmandis contrarijs, & tuis confirmandis. Nanq; una in causis ratio quadam est eius orationis, quæ ad probandam argumentationem ualet. Ea autem & confirmationem & reprehensionem querit: sed quia neq; reprehendi quæ contra dicuntur, possunt, nisi tua confirmes: neq; hæc confirmari, nisi illa reprehendas: idcirco hæc & natura & utilitate & tractatione coniuncta sunt. Omnia autem concludenda plerunq; rebus augendis, uel inflammando iudice, uel mitigando, omniaq; cum superioribus orationis locis, tum maxime extremo, ad mentes iudicum quàm maxime permouendas, & ad utilitatem nostram uocandas, conferenda sunt. Neq; sanè iam causa uidetur esse cur secernamus ea præcepta quæ de suasionibus tradenda sunt, aut laudationibus. Sunt enim pleraq; communia: sed tamen suadere aliquid aut dissuadere, grauissimæ mihi uidetur esse persona. Nam & sapiens est,
confi

consilium explicare suum de maximis rebus: & honesti et disertis, ut mente providere, autoritate probare, oratione persuadere possit. Atque hæc in senatu minore apparatu agenda sunt. Sapiens enim est consilium, multisque alijs dicendi relinquendus locus: vitanda etiam ingenij ostentationisque suspicio. Concio capit omnem vim orationis, & gravitatem varietatemque desiderat. Ergo in suadendo nihil est optabilius, quam dignitas. Nam qui utilitatem putat, non quid maxime velit suasor, sed quid interdum magis sequatur, videt. Nemo est enim, præsertim in tam clara civitate, quin putet expetendam maxime dignitatem: sed vincit utilitas plerumque, cum subest ille timor, ea neglecta ne dignitatem quidem posse retineri. Controversia autem inter hominum sententias, aut in illo est, utrum sit utilius, aut etiam cum id convenit, certatur utrum honestati potius: an utilitati consulendum sit. Quæ quia pugnare sæpe inter se videntur: qui utilitatem defendit, enumerabit commoda pacis, opum, potentia, pecunia, vectigalium, præsidij, nuntium, utilitatem cæterarum rerum quarum fructum utilitate metimur: itemque incommoda contrariorum. Qui ad dignitatem impellet, maiorum exempla, quæ erunt vel cum periculo gloriosa, colliget: posteritatis immortalæ memoriam augebit: utilitatem ex laude nasci defendet, semperque eam cum dignitate esse

coniunctam. Sed quid fieri possit, aut non possit, quidq; etiam sit necesse, aut non sit, in utraq; re maxime est querendum. Inciditur enim omnis iam deliberatio, si intelligitur non posse fieri, aut si necessitas affertur: & qui id docuit non uidentibus alijs, is plurimum uidit. Ad consilium autem de Repub. dandum caput est, nosse Remp. ad dicendum uero probabiliter, nosse mores ciuitatis: qui quia crebro mutantur, genus quoq; orationis est sepe mutandum: & quanquam una ferè uis est sepe eloquentia, tamen quia summa dignitas est populi grauissima causa Reip. maximi motus multitudinis, genus quoq; dicendi grandius quoddam & illustrius esse adhibendū uidetur: maximaq; pars orationis ad mouenda est ad animorum motus nonnunquam aut cohortatione, aut commemoratione aliqua aut in spem, aut in metum, aut ad cupiditatem, aut ad gloriam concitandos: sepe etiam à temeritate, iracundia, spe, iniuria, inuidia, crudelitate reuocandos. Fit autem, ut quia maxima quasi oratori scena uideatur concio, natura ipsa ad ornatus dicendi genus excitetur. Habet enim multitudo uim quandam talem, ut quemadmodum tibicen sine tibijs canere, sic orator nisi multitudine audiente eloquens esse non possit. Et cum sint populares multi uarij q; lapsus, uitanda est acclamatio aduersa populi, quæ aut orationis peccato aliquo excitatur, si asperè, si arroganter, si turp

*surpiter, si sordide, si quoquo animi vitio dictū
 esse aliquid uideatur: aut hominum offensione,
 uel inuidia, que aut iusta est, aut ex crimina-
 tione, atq; fama: aut res si displicet: aut si est in
 aliquo motu sue cupiditatis aut metus multitu-
 do: hisq; quatuor causis totidem medicine oppo-
 nuntur: tum obiurgatio, si est auaritia: tum ad-
 monitio: quasi lenior obiurgatio: tum promissio,
 si audierint, probaturos: tum deprecatio, quod
 est infimum, sed nonnunquam utile. Nullo au-
 tem loco plus facietie profunt, & celeritas, &
 breue aliquod dictum, nec sine dignitate, &
 cum lepore. Nihil enim tam facile quàm multi-
 tudo à tristitia, & saepe acerbitate commodè ac
 breuiter & acutè & hilare dicto deducitur.
 Exposui serè, ut potui, uobis in utroq; genere
 causarum que sequi solem, que fugere, que spe-
 ctare, quaq; omnino in causis ratione uersari.
 Nec illud tertium laudationum genus est diffi-
 cile, quod ego initio quasi à praeceptis nostris se-
 creueram: sed quia & multa sunt orationū ge-
 nera & grauiora, & maioris copiae, de quibus
 nemo serè precipere: & quòd nos laudationi-
 bus non ita multum uti solemus, totum hunc
 segregabam locum. Ipsi enim Graeci magis legen-
 di, qui delectationis, aut hominis alicuius or-
 nandi, quàm utilitatis huius forensis causa, lau-
 dationes scriptitauerunt: quorum sunt libri qui-
 bus Themistocles, Aristides, Agesilaus,
 Epami*

Epaminondas, Philippus, Alexander, alijq; laudantur. *Nostra* laudationes, quibus in foro utimur, aut testimonij breuitatem habent nudam atq; inornatam, aut scribuntur ad funebrem concionem, quæ ad orationis laudem minimè accommodata est. Sed tamen quoniam est utendum aliquando, nonnunquam etiam scribendū, uelut *P. Tiberoni Africanum* auunculum laudanti scripsit *C. Lælius*, uel ut nosmetipsi ornandi causa, Græcorum more, si quos uelimus, laudare possimus, sit à nobis quoq; tractatus etiam is locus. Perspicuum est igitur alia esse in homine optanda, alia laudanda. Genus, forma, uires, opes, diuitiæ, ceteraq; quæ fortuna det aut extrinsecus, aut corpori, non habent in se ueram laudem, quæ deberi uirtuti una putatur. Sed tamē quod ipsa uirtus in earum rerum usu ac moderatione maximè cernitur, tractanda etiam in laudationibus hæc sunt natura, & fortune bona: in quibus est summa laus, non extulisse se in potestate, non fuisse insolentem in pecunia, non se prætulisse alijs propter abundantiam fortune: ut opes & copię non superbiæ uideantur ac libidini, sed bonitati ac moderationi facultatem & materiam dedisse. Virtus autem, quæ est per se ipsa laudabilis, & sine qua nihil laudari potest, tamen habet plures partes: quarum alia est ad laudationem aptior. Sunt enim alia uirtutes quæ uidentur in moribus hominū.

Et quadam comitate ac beneficentia posita, alia, quæ in ingenij aliqua facultate aut animi magnitudine ac robore. Nam clementia, iustitia, benignitas, fides, fortitudo in periculis communibus, iucunda est auditu in laudationibus. Omnes enim hæc uirtutes non tam ipsis qui eas in se habent, quam generi hominum fructuosa putantur: sapientia et magnitudo animi, quæ omnes res humane geruntur, tenues, et pro nihilo putantur: et in excogitando uis quadam ingenij, et ipsa eloquentia, admirationis habet non minus, iucunditatis minus. Ipsos enim magis uidemur quos laudamus, quam illos apud quos laudamus, ornare ac tueri: sed tamen in laudando iungenda sunt etiam hæc genera uirtutum. Feriunt enim aures hominum cum illa quæ iucunda et grata, tum etiam illa quæ mirabilia sunt in uirtute laudari. Et quoniam singularum uirtutum sunt certæ quædam officia ac munera, et sua cuique uirtuti laus propria debetur: erit explicandum in laude iustitiæ quid cum fide, quid cum æquabilitate, quid cum eiusmodi aliquo officio is qui laudabitur, fecerit. Itemque in cæteris res gestæ ad cuiusque uirtutis genus et uim et nomen accommodabuntur. Gratiissima autem laus eorum factorum habetur, quæ suscepta uidentur à uiris fortibus sine emolumento ac premio: quæ uerò etiam cum labore et periculo ipsorum, hæc habent uberrimam

copiam

copiam ad laudandum, quòd & dici ornatissi-
 me possant, & audiri facillimè. Ea enim deniq;
 uirtus esse uidetur præstantis uiri, quæ est fru-
 ctuosa alijs, ipsi autem laboriosa, aut periculo-
 sa, aut ceriè gratuita. Magna etiam illa laus
 & admirabilis uideri solet, tulisse casus sapien-
 ter aduersos, non fractum esse fortunam, retinuisse
 in rebus asperis dignitatem. Neque tamen illi
 non ornant, habiti honores, decreta uirtutis præ-
 mia, res geste iudicijs hominum comprobata:
 in quibus etiam felicitatem ipsam Deorum im-
 mortalium iudicio tribui, laudationis est. Sa-
 mende autem res erunt aut magnitudine præ-
 stabilis, aut nouitate primæ, aut genere ipso sin-
 gulares. Neque enim parua, neq; usitate, neq;
 uulgares, admiratione aut omnino laude dignæ
 uideri solent. Est etiam cum cæteris præstanti-
 bus uiris comparatio in laudatione præclara.
 De quo genere libitum est mihi paulo plura
 quam ostenderam, dicere: non tam propter usum
 forenssem, qui est à me in omni hoc sermone tra-
 ctatus, quam ut hoc uideretis, si laudationes
 essent in oratoris officio, quod nemo negat ora-
 tori uirtutum omnium cognitionem, sine qua lau-
 datio effici non possit, esse necessariam. Jam ui-
 UPERANDI præcepta contrarijs ex uitjs sumenda
 esse perspicuum est. Simul est illud ante oculos,
 nec bonum uirum propriè & copiosè laudari,
 sine uirtutum: nec improbū notari ac uiuperari
 sine

fine uitiorum cognitione satis insigniter atque
asperè posse. Atque his locis & laudandi &
uituperandi sepe nobis est utendum in omni ge-
nere causarum. Habetis de inueniendis rebus
disponendisq; quid sentiam. Adiungam etiam
de memoria, ut labore Crassum leuem, neque ei
quicquam aliud de quo differat, relinquam, nisi
ea quibus rebus hac exornentur. Perge uerò, in-
quit Crassus: libenter enim te cognitum iam ar-
tificem, aliquandoq; euolutum illis integumen-
tis dissimulationis tua, nudatumq; perspicio:
& quòd mihi nihil, aut quòd non multum re-
linquis, percommode facis, estq; mihi gratum.
Iam istuc quantum tibi ego reliquerim, inquit
Antonius, erit in tua potestate. si enim uerè
agere uolueris, omnia tibi relinquo: sin dissi-
mulare, tu quemadmodum his satisfacias, ui-
deris. Sed ut ad rem redeam, non sum tanto ego,
inquit, ingenio quanto Themistocles fuit, ut
obliuionis arcem quàm memorie malim: gra-
tiamq; habeo Simonidi illi Ceo, quem primum
ferunt artem memoria protulisse. Dicunt enim,
cùm cœnaret Cranone in Thessalia Simonides
apud Scopam fortunatum hominem, & nobi-
lem, cecinissetq; id carmen quod in eū scripsisset,
in quo multa ornandi causa poetarum more in
Castorem scripta & Pollucem fuissent, nimis
illum sordide Simonidi dixisse, se dimidiū eius
ei quòd pactus esset, pro illo carmine daturum.
reliq

reliquum à suis Tyndaridis, quos æquè laudasset, peteret, si ei uideretur. Paulo post esse ferunt nuntiatum Simonidi ut prodiret, iuvenes stare ad ianuam duos quosdam, qui eum magnopere euocarent. surrexisse illum ipsum, prodisse, uidisse neminem. hoc interim spatio conclaue illud ubi epularetur Scopas, cœcidisse: ea ruina ipsum oppressum cum suis interisse: quos cum humare uellet sui, neq; possent obtritatos internoscerere ullo modo, Simonides dicitur ex eo quòd meminisset quo eorū loco quisq; cubuisset, demonstrator uniuscuiusq; sepeliendi fuisse. Hac tum re admonitus inuenisse fertur, ordinem esse maximè qui memoria lumen asserret. Itaq; is qui hanc partem ingenij excrcerent, locos esse capiendos, & ea quæ memori a tenere uellent, effingenda animo, atq; in his locis collocanda: sic fore, ut ordinem rerum, locorum ordo cōseruaret, res autem ipsas rerum effigies notaret: atq; ut locis pro cœra, simulacris pro literis uteremur. Qui sit autem oratori memoriæ fructus, quanta utilitas, quanta uis quid me attinet dicere? tenere quæ didiceris in accipienda causa, quæ ipse cogitaris? omnes fixas esse in animo sententias, omnem descriptum uerborum apparatus? ita audire uel eum unde dicas, uel eum cui respondendum sit, ut illi non infundere in aures tuas orationem, sed in animo uideantur inscribere? Itaq; soli qui memoria uigent, sciunt quid & quæ

quatenus & quomodo dicturi sunt, cui respon-
derint, quid supersit: ydemq; multa ex alijs cau-
sis aliquando à se acta, multa ab alijs audita
meminerunt. Quare confiteor equidem huius bo-
ni naturam esse principē: sicut earum rerum de
quibus antè locutus sum, omnium. Sed hæc ars
tota dicendi, siue artis imago quædam est & si-
militudo, habet hanc uim, nō ut totum aliquid,
cuius in ingenijs nostris pars nulla sit, pariat et
procreet, uerum ut ea quæ sunt orta iam in no-
bis & procreata, educet atq; confirmet. Verun-
tamen neque tam acri memoria ferè quisquam
est, ut nō dispositis notatisq; rebus ordinem uer-
borum aut sententiarū complectatur: neq; uerò
tam hebeti, ut nihil hac consuetudine & exer-
citatione adiuuetur. Vidit enim hoc pruden-
ter, siue Simonides, siue alius quis inuenit, ea
maximè animis affigi nostris, quæ essent à sen-
su tradita atq; impressa: acerrimum autem ex
omnibus nostris sensibus esse sensum uidendi:
quare facillimè animo teneri posse ea quæ per-
ciperentur auribus, aut cogitatione, si etiā ocu-
lorum commendatione animis traderentur: ut
res cæcas, & ab aspectus iudicio remotas, con-
formatio quædam & imago & figura ita no-
taret, ut ea quæ cogitando complecti uix posse-
mus, intuendo quasi teneremus. His autem
formis atque corporibus, sicut omnibus rebus
quæ sub aspectum ueniunt, sede opus est. Et-

enim corpus intelligi sine loco non potest. Quare ne in re nota & peruulgata melius & insolens sim, locis est utendum multis, illustribus, explicatis modicis intervallis: imaginibus autē agentibus, acribus, insignitis, quæ occurrere celeriterq; percutere animū possint. Quam facultatem & exercitatio dabit, ex qua consuetudo gignitur, & similium uerborum cōseruata, & immutata casibus, aut traducta ex parte ad genus notatio, & unius uerbi imagine, totius sententiæ informatio, pictoris cuiusdam summi ratione & modo formarum uarietate locos distinguentis. Sed uerborum memoria, quæ minus est nobis necessaria, maiore imaginum uarietate distinguitur. Multa enim sunt uerba quæ quasi articuli connectunt mēbra orationis, quæ formari similitudine nulla possunt. Eorum fingendæ nobis sunt imagines, quibus semper utamur. Rerum memoria propria est oratoris. Eam singulis personis bene positis notare possumus: ut sententiās imaginibus, ordinē locis cōprehendamus. Neq; uerum est quod ab inertibus dicitur, opprimū memoriā imaginum pondere, & obscurari etiam id quod per se natura tenere potuisset. Vidi enim ego summos homines, & diuina propē memoria, Athenis Carneadem, in Asia, quem uiuere hodie aiunt, Scēpsi in Metrodorum: quorū uterq; tanquam literis in cera, sic se agebat imaginibus in ijs locis quos

quos haberet, quæ meminisse uellet, perscribere. Quare hac exercitatione non eruenta memoria est, si est nulli naturalis: sed certè, si latet, euocanda est. HABETIS sermonem bene longum hominis utinā non impudentis: illud quidē certè, non nimis uerecundi: qui quidem cum te Catule, tum etiam L. Crasso audiente, de dicēdi ratione tam multa dixerim. Nam istorū atas minus me fortasse mouere debuit, sed mihi ignoscetis profectō, si modō quæ causa me ad hanc insolitam mihi loquacitatē impulerit, acceperitis. Nos uerò, inquit Catulus, (etenim pro me hoc, & pro meo fratre respondeo) nō modō tibi ignoscimus, sed te diligimus, magnamq; tibi habemus gratiā: & cum humanitatem & facilitatē agnoscimus tuā, tum admiramur istā scientiam & copiam. Equidē hoc me affecutū puto, quòd magno sum leuatus errore: & illa admiratione liberatus, quòd multis cum alijs semper admirari solibam, unde esset illa tanta tua in causis diuinitas: nec enim te ista attingisse arbitrabar, quæ diligētissime cognosse, & undiq; collegisse, usq; doctum partim correxisse uideo, partim comprobasse. Neq; eo minus eloquentiā tuam, & multo magis uirtutem & diligentiam admiror, & simul gaudeo iudicium animi mei comprobari, quòd semper statui neminem sapientiæ laudē & eloquentiæ sine summo studio & labore & doctrina consequi posse. Sed ta-

men quidnā est id quod dixisti, fore ut tibi ignoscere-
 mus, si cognossemus quæ te causa in ser-
 monem impulisset? Quæ est enim alia causa, nisi
 quod nobis, & horū adolescentiū studio, qui te
 attentissime audierunt, morem gerere uoluisti?
 Tum ille, Adimere, inquit, omnē recusationem
 Crasso uolui, quem ego paulo sciebā uel puden-
 tius uel inuitius (nolo enim dicere de tam suauī
 homine fastidiosius) ad hoc genus sermonis ac-
 cedere. Quid enim poterit dicere? Consularem se
 esse hominem & Censoriū? Eadē nostra causa
 est. An etatem afferet? Quadriennio minor est.
 An se nescire? Quæ ego sero, quæ cursim arri-
 pui, quæ succisiuā operis, ut aiunt, iste à puero,
 summo studio, summis doctoribus. Nihil dicam
 de ingenio, cui par nemo fuit: etenim me dicen-
 tem qui audierit, nemo unquam tam sui despi-
 ciens fuit, quin speraret aut melius, aut eodem
 modo se posse dicere: Crasso dicente, nemo tam
 arrogans, qui similiter se unquam dicturum
 esse confideret. Quamobrem ne frustra hi tales
 uiri uenerint, te aliquando Crasse audiamus.
 Tum ille, Ut ita ista esse concedam, inquit.
 Antoni, quæ sunt longè secus, quid mihi tu
 tandem hodie, aut cuiquam homini, quod dici
 possit, reliquisti? Dicam enim uere amicissimū
 homines, quod sentio: sepe ego doctos homines,
 quid dico sepe? immo nonnunquam: sepe enim
 qui potui, qui puer in forum uenerim, neq; inde
 unq

unquam diutius quam *Quaestor* abfuerim? sed
tamen audiui, ut heri dicebam, & *Athenis*
cum essem, doctissimos viros, & in *Asia* istum
ipsum *Scepsium Metrodorum*, cum de his ipsis
rebus disputaret, neq; uerò mihi quisquam co-
piosius unquam uisus est, neq; subtilius in hoc
genere dicendi, quam iste hodie, esse uersatus:
quod si esset aliter, & aliquid intelligerem ab
Antonio prætermisum, non essem tam inuer-
banus, ac penè inhumanus, uti eo grauarer
quod uos cupere sentirem. Tum *Sulpitius*, An-
ergo, inquit, oblitus es *Crasse*, *Antonium* ita
partitum esse tecum, ut ipse instrumentum ora-
toris exponeret. tibi eius distinctionem atq; or-
natū relinqueret? Hic ille, *Primum*, quis *An-*
tonio permisit, inquit, ut, & partes faceret, &
utram uellet, prior ipse sumeret? deinde, si ego
rectè intellexi cum ualde libenter audirem,
mihi coniunctè est uisus de utraque re dicere.
Ille uerò, inquit *Cotta*, ornamenta orationis non
attigit, neque eam laudem ex qua eloquentia
nomē ipsum inuenit. Verba igitur, inquit *Cras-*
sus, mihi reliquit *Antonius*, rem ipse sum-
psit. Tum *Cæsar*, Si, quod difficilius est, id tibi
reliquit, est nobis, inquit, causa cur te audire cu-
piamus: sin quod facilius, tibi causa non est cur
recuses. Et *Catulus*, Quid? quod dixisti, in-
quit, *Crasse*, si hic hodie apud te maneremus, te
morem nobis esse gesturum, nihilne ad fidem

tuam putas pertinere? Tum Cotta ridens, Possem tibi, inquit, Crasse concedere, sed uide nequid Catulus attulerit religionis, opus hoc censorium est: id autem committere, uide quàm sit homini turpe censorio. Agite uerò, ille inquit, ut uulis: sed nunc quidem, quoniam id temporis est, surgendum censeo & requiescendum: post meridiem, si ita uobis est commodum, loquemur aliquid, nisi fortè in crastinum differre mauultis. Omnes se uel statim, uel si ipse post meridiem mallet, quàm priuam tamen audire uelle dixerunt.

M. T. CICERONIS

DE ORATORE

LIB. III.

INSTITVENTI mihi, Quinte frater, cum sermonem referre, & mādare huic tertio libro, quem post Antonij disputationem Crassus habuisset, acerba sanè recordatio ueterem animi curam molestiamq; renouauit. Nam illud immortalitate dignum ingenium, illa humanitas, illa uirtus L. Crassi morte extincta subita est, uix diebus decem post eum diem qui hoc & superiore libro continetur. Ut enim Romam redijt extremo Scenicorum ludorum die,

die , uehementer commotus ea oratione quæ
ferbatur habita esse in concione à Philip-
po , quem dixisse constabat , uidendum sibi
aliud esse consilium , illo Senatu se Rempub.
gerere non posse : mane idibus Septembris,
& ille , & Senatus frequens uocatu Drusi in
curiam uenit. ibi cum Drusus multa de Phi-
lippo questus esset , retulit ad Senatum de illo
ipso , quòd consul in eum ordinem tam gra-
uiter in concione esset inuectus. Hic , ut saepe
inter homines sapientissimos constare uidi,
quanquam hoc Crasso cum aliquòd accura-
tius dixisset , semper ferè contigisset , ut nun-
quam dixisse melius putaretur : tamen omnium
consensu sic esse tum iudicatum , ceteros à
Crasso semper omnis , illo autem die etiam
ipsum à se superatum. Deplorauit enim ca-
sum atque orbitatem Senatus , cuius ordinis
à consule , qui quasi parens bonus , aut tutor
fidelis esse deberet , tanquam ab aliquo nefario
prædone diriperetur patrimonium dignitatis.
neque uerò esse mirandum , si cum suis con-
silijs Rempubl. profligasset , consilium sena-
tus à Republ. repudiaret. Hic cum homini
& uehementi & disertò , & in primis for-
ti ad resistendum Philippo quasi quasdam
uerborum faces admouisset , non tulit ille , &
grauiter exarsit , pignoribusq; ablatis Cras-
sum instituit coercere. Quo quidem ipso in

loco multa à Crasso diuinitus dicta efferebantur, cum sibi illum consulē esse negaret, cui senator ipse non esset. An tu cum omnem auctoritatem uniuersi ordinis pro pignore putares, eamq; in conspectu populi Romani concideres, me his pignoribus existimas posse terreri? Nō tibi illa sunt cedenda, si Crassum uis coërcere: hæc tibi est excidenda lingua: qua uel euulsa, spiritu ipso libidinem tuam libertas mea refutauit. Per multa tum uehementissima contentione animi, ingenij, uirium, & ab eo dicta esse constabat: sententiamq; eam, quam senatus frequens secutus est, ornatissimis & grauißimis uerbis, ut pop. Roma. satisfaceret, nunquam senatus neq; consilium Reip. nec fidem defuisse, ab eo dictam: & eundem, id quod in auctoritatibus perscriptis extat, scribendo affuisse. Illa tanquam cyanea fuit diuini hominis uox & oratio, quam quasi expectantes post eius interitum ueniebamus in curiam, ut uestigium illud ipsum in quo ille postremum institisset, contueremur. Namq; tum latus ei dicenti condoluisse, sudoremq; multum consecutum esse audiebamus: ex quo cum cohorruißet, cum febris domum redijt: dieq; sepius est lateris dolore consumptus. O fallacem hominum spem, fragilemq; fortunam, & inanes nostras contentiones, quæ in medio spatio sæpe franguntur & corruunt, & antè in ipso cursu obruuntur, quam portum conspiciere poter

ruerunt. Nam quandiu Crassi fuit ambitionis
 labore uita districta, tandiu priuatis magis
 officijs & ingenij laude floruit, quàm fructu
 amplitudinis, aut Reip. dignitate. Qui autem
 ei annus primus ab honorum perfunctione adi-
 tum omnium concessu ad summam autorita-
 tem dabat, is eius omnem spem, atq; omnia ui-
 ta consilia morte prauertit. Fuit hoc luctuosum
 suis, acerbum patrie, graue bonis omnibus: sed
 ij tamen Rempub. casus secuti sunt, ut mihi non
 erepta L. Crasso à Dijs immortalibus uita, sed
 donata mors esse uideatur. Non uidit flagran-
 tem bello Italiam, non ardentem inuidia sena-
 tum, non sceleris nefarij principes ciuitatis
 reos, non luctum filia, non exilium generi,
 non acerbissimam C. Marij fugam, non illam
 post reditum eius cadem omnium crudelissi-
 mam, non denique in omni genere deforma-
 tam eam ciuitatem, in qua ipse florentissima
 multum omnibus gloria praestitisset. Sed quo-
 niam attingi cogitatione uim uarietatemq; for-
 tunc, non uagabitur oratio mea longius: atque
 ijs serè ipsis desinetur uiris, qui hoc sermone
 quem referre coepimus, continentur. Quis
 enim non iure beatam L. Crassi mortem illam,
 qua est à multis saepe defleta, dixerit, cum ho-
 rum ipsorum sit, qui tum cum illo postremum
 serè colloqui sunt, euentum recordatus? Tene-
 mus enim memoria, Q. Catulum uirum omni

2^o De Nat
2005

laude præstantem, cum sibi non incolumem fortunam, sed exilium & fugam deprecaretur, esse coactum ut uita se ipse priuaret. Iam M. Antonij in his ipsis Rostris, in quibus ille Remp. constantissime consul defenderat, quæq; Censor imperatorij manubijs ornat, posuim caput illud fuit, a quo erant multorum ciuium capita seruata. Neq; uerò longè ab eo C. Iulij caput, hospitij Etrusci scelere proditum, cum L. Iulij fratris capite iacuit: ut ille qui hæc non uidit, & uixisse cum Repub. pariter, & cum illa simul extinctus esse uideatur. Neq; enim propinquum suum maximi animi uirum P. Crassum suapte interfectum manu, neq; collegæ sui Pontificis Maximi sanguine simulacrum Veneris respersum esse uidit: cui mœrori (qua mente ille in patriam fuit) etiam C. Carbonis inimicissimi hominis eodem illo die mors nefaria fuisset. Non uidit eorum ipsorum qui tum adulescentes Crasso se dicarant, horribiles miserosq; casus: ex quibus C. Cotta, quem ille florentem reliquerat, paucis diebus post mortem Crassi depulsus per inuidiam tribunatu, non multis ab eo tempore mensibus eiectus est è ciuitate. Sulpitius autem, qui in eadem inuidia flamma fuisset, quibuscum priuatus coniunctissime uixerat, hos in tribunatu spoliare instituit omni dignitate: cui quidem ad summam gloriam eloquentiæ florenti, ferro crepta uita

Scenolat
e quo 3^o
e Nat. De

uita est, & poena temeritatis non sine magno
Reip. malo constituta. Ego uero te Crasse, cum
uita flore, tum mortis oportunitate, diuino
consilio & ortum & extinctum esse arbitror.
Nam tibi aut pro uirtute animi, constantiaq;
tua, ciuilis ferri subeunda fuit crudelitas: aut si
qua te fortuna ab atrocitate mortis uendicaf-
set, eadem esse te funerum patria spectatorem
coëgisset. Neque solum tibi improborum domi-
natus, sed etiam propter admissam ciuium ce-
dem, bonorum uictoria mœrori fuisset. Mihi
quidem, Quinte frater, & eorum casus de qui-
bus antè dixi, & ea que nosmetipsi ob amorem
in Rempubl. incredibilem & singularem per-
tulimus ac sensimus, cogitanti, sententia sepe
tua uera ac sapiens uideri solet, qui propter tot,
tantos, tamque præcipites casus clarissimo-
rum hominum, atque optimorum uirorum, me
semper ab omni contentione ac dimicatione
renocasti. Sed quoniam hæc iam neque in in-
tegro nobis esse possunt, & summi labores no-
stri magna compensati gloria mitigantur:
pergamus ad ea solatia que non modò sida-
tis molestiis iucunda, sed etiam hærentibus sa-
lutaria nobis esse possunt: sermonemq; L. Crassi
reliquum, ac penè postremum memoria pro-
damus, atque ei, etsi nequaquam parem il-
lius ingenio, at pro nostro tamen studio me-
ritam gratiam debitamque referamus. Neque
enim

enim quisquam nostrū cum libros Platonis mirabiliter scriptos legit, in quibus omnibus ferè Socrates exprimitur, non, quanquam illa scripta sunt diuinitus, tamen maius quiddam de illo de quo scripta sunt, suspicatur. Quod item nos postulamus, non à te quidē, qui nobis summa omnia tribuis, sed à ceteris qui hac in manus sument, ut maius quiddam de L. Crasso, quàm quantum à nobis exprimeretur, suspicentur. Nos enim qui ipsi sermoni non interfuissemus, & quibus C. Cotta tantummodo locos ac sententias huius disputationis tradidisset, quo in genere orationis utrunq; oratorem cognoueramus, id ipsum sumus in eorum sermone adumbrare conati. Quòd si quis erit qui ductus opinione uulgi, aut Antonium ieiunio rem, aut Crassum fuisse pleniorē putet, quàm quomodo à nobis uterq; inductus esset: is erit ex ijs qui aut illos non audierit, aut indicare non possit. Nam fuit uterq; (ut exposui antea) cum studio atq; ingenio & doctrina præstans omnibus, tum in suo genere perfectus: ut neq; in Antonio deesset hic ornatus orationis, neq; in Crasso redundaret. Ut igitur ante meridiem discesserunt, paululumq; requierunt, in primis hoc à se Cotta animaduersum esse dicebat, omne illud tempus meridianum Crassum in acerrima atq; attentissima cogitatione posuisse, seseq; , qui uultum eius, cum ei dicendum esset

esset, obtutumq; oculorum in cogitando probe
nossset, atq; in maximis causis sepe uidisset,
cum dedita opera quiescentibus alijs in eam
exedram uenisset in qua Crassus lectulo posito
recubnuisset, cumq; cum in cogitatione defixum
esse sensisset, statim recessisse, atq; in eo silentio
duas horas ferè esse consumptas: deinde cum
omnes inclinato iam in promeridianum tempus
die, uenissent ad Crassum, Quid est Crasse? in-
quit Iulius Imasne sessum? etsi admonitum
uenimus te, non flagitatum. Tum Crassus,
An me tam impudentem esse existimatis, ut
uobis hoc praesertim munus putem diutius pos-
se debere? Quinam igitur, inquit ille, locus, an
in media sylua placet? est enim is maximè
opacus, & frigidus. Sanè, inquit Crassus: et-
enim est in eo loco sedes huic nostro non inop-
portuna sermoni. Cum placuisset idem cate-
ris, in syluam uenitur: & ibi magna cum au-
diendi expectatione confiditur. Tum Crassus,
Cum autoritas atq; amicitia uestra, tum An-
tonij facilitas eripuit, inquit, mihi in optima
mea causa libertatem recusandi: quanquam
in partienda disputatione nostra, cum sibi de
ijs quae dici ab oratore oporteret, sumeret, mihi
autem relinqueret ut explicarem quemadmodum
illa ornari oporteret: ea diuinit quae seiuncta
esse non possunt. Nam cum omnis ex re atq;
uerbis constet oratio, neq; uerba sedem habere
possunt,

possunt, si rem subtraxeris: neq; res lumen, si
uerba scilicet. Ac mihi quidem ueteres illi
maius quiddam animo complexi, plus multo
etiam uidisse uidentur, quam quantum nostro-
rum ingeniorum acies intueri potest, qui omnia
hæc quæ supra & subter unum esse, & una ui
atq; una consensione naturæ constricta esse di-
xerunt. Nullum est enim genus rerum, quod aut
auulsum à cæteris per se ipsum constare, aut
quo cætera si careant, uim suam atq; æternita-
tem conseruare possint. Sed si hæc maior esse ra-
tio uidetur, quam ut hominum possit sensu aut
cogitatione comprehendere, est etiam illa Platonis
uera, & tibi Catule certè non inaudita uox,
omnem doctrinam harum ingenuarum & huma-
narum artium uno quodam societatis uinculo con-
tineri. Vbi enim perspecta uis est rationis eius
qua causæ rerum atq; exitus cognoscuntur, mi-
rus quidam omnium quasi consensus doctrina-
rum concentusq; reperitur. Sed si hoc quoq; ui-
detur esse aliud, quam ut id nos humi strati
suspiciere possimus: illud certè tamen quod am-
plexi sumus, quod profitemur, quod suscepimus
nosse & tenere debemus. Vna est enim, quod
& ego hæsterna die dixi, & aliquot locis an-
termeridiano sermone significauit Antonius,
eloquentia, quasunque in oras disputationis re-
gionésue delata est. Nam siue de cæli natura
loquitur, siue de terra, siue de diuina ui, siue de
huma

humana, siue ex inferiore loco, siue ex aquo, siue ex superiore, siue ut impellat homines, siue ut doceat, siue ut deterreat, siue ut concitet, siue ut reflectat, siue ut incendat, siue ut leniat, siue ad paucos, siue ad multos, siue inter alienos, siue cum suis, siue secum, riuus est diducta oratio, non fontibus: & quocūq; ingreditur, eodē est instructu ornatuq; comitata. Sed quoniā oppressi iam sumus opinionibus, non modò uulgi, uerū etiam hominū leuiter eruditorū, qui quæ cōplecti tota nequeunt, hac facilius diuulsa, & quasi discerpta contrectant, & qui tanquam ab animo corpus, sic à sententijs uerba sciungunt, quorum sine interitu fieri neutrum potest, non suscipiam oratione mea plus quàm mihi imponitur: tantum significabo breui, neq; uerborum ornatum inueniri posse non partitis expressisq; sententijs, neq; esse ullam sententiam illustrem sine luce uerborū. Sed prius quàm illa conor attingere, quibus orationem ornari atq; illuminari putem, proponam breuiter quid sentiam de uniuerso genere dicendi. Natura nulla est (ut mihi uidetur) quæ non habeat in suo genere res cōplures dissimiles inter se, quæ tamen cōsimili laude dignentur. Nam & auribus multa percipimus, quæ cisi nos uocibus delectant, tamen ita sunt uaria sæpe, ut id quod proximum audias, iucundissimū esse uideatur: & oculis colliguntur penè innumerabiles uoluptates, quæ nos ita capiunt,

piunt, ut unū sensum dissimili genere delectentur: & reliquos, sensus uoluptates oblectant disparēs, ut sit difficile iudicium excellentis maxime suauitatis. At hoc idem quod est in naturis rerum transferri potest etiam ad artes. Vna fingendi est ars, in qua præstantes fuerunt Myro, Polyctetus, Zysippus: qui omnes inter se dissimiles fuerunt, sed ita tamen, ut neminem sui uelis esse dissimilem. Vna est ars ratioq; pictura, dissimiliq; tamen inter se Zeuxis, Agliophon, Apelles: neq; eorum quisquam est cui quicquā in arte sua deesse uideatur. Et si hoc in his quasi multis artibus est mirandū, & tamen uerum: quāto admirabilius in oratione, atq; in lingua? qua cū in iisdē sententijs uerbisq; uersetur, summās habet dissimilitudines, non sic ut alij uicuperandi sint, sed ut ij quos constet esse laudandos in dispari tamen genere laudentur. Atq; id primum in poëtis ceteri licet, quibus est proxima cognatio cum oratoribus, quā sint inter sese Ennius, Pacuuius, Acciusq; dissimiles: quā apud Græcos Aeschylus, Sophocles, Euripides: quanquam omnibus par penē laus in dissimili scribendi genere tribuatur. Aspicite nunc eos homines, atq; intuemini, quorū de facultate querimus, quid intersit inter oratorum studia atq; naturas: suauitatem Isocrates, subtilitatem Lysias, acumen Hyperides, sonitum Aeschines, uim Demosthenes habuit. Quis eorū non egregius?

gius? tamen quis cuiusquā nisi sui similis? Gra-
uitatem *Aphricanus*, lenitatem *Zalius*, asperi-
tatem *Galba*, profluens quiddā habuit *Carbo* et
canorū. quis horū non princeps temporibus illis
fuit, & suo tamen quisq; in genere princeps?
Sed quid ego uetera cōquiram, cum mihi liceat
uii præsentibus exemplis atq; uiuis? Quid incun-
dius auribus nostris unquam accidit huius ora-
tione *Catuli*? quæ est pura sic, ut Latine loqui
penè solus uideatur: sic autem gravis, ut in sin-
gulari dignitate omnis tamen adsit humanitas
ac lepos. Quid multa? Istum audiens, equidem
sic iudicare solco, quicquid aut addideris, aut
mutaueris, aut detraxeris, uitiosius & dete-
rius futurum. Quid noster hic *Cæsar*? nōne no-
uam quandā rationem attulit orationis, & di-
cendi genus induxit propè singulari? Quis un-
quam res præter hunc tragicas penè comicè, tri-
stes remissè, seueras hilare, forenses scenica pro-
pè uenustate tractauit, atq; ita, ut neq; iocus
magnitudine rerum excluderetur, nec grauitas
facetijs minueretur? Ecce præsentes duo propè
æquales, *Sulpitius* & *Cotta*: quid tam inter se
dissimile? quid tam in suo genere præstans? Li-
matius alter & subtilis, rem explicans proprijs
aptisq; uerbis, hæret in causâ semper, & quid
iudici probandum sit cum acutissime uidit, omis-
sis cæteris argumentis, in eo mentem orationemq;
defigit. *Sulpitius* autem fortissimo quodam ani-

mi impetu, plenissima & maxima uoce, summa contentione corporis, & dignitate motus, uerborum quoq; ea grauitate & copia est, ut unus ad dicendum instructissimus à natura esse uideatur. Ad nosmetipsos iam reuertor, quoniam sic fuimus semper comparati, ut hominum sermonibus quasi in aliquod contentionis iudicium uocaremur. Quid tam dissimile, quam ego in dicendo, & Antonius? cum ille is sit orator, ut nihil eo possit esse praestantius: ego autem, quam memet mei paenitet, cum hoc maxime tamen in comparatione coniungar. Videtisne genus hoc quod sit Antonij? forte, uehemens, commotum in agendo, praemunitum, & ex omni parte cause septum, acre, acutum, enucleatum, in unaquaq; re commorans, honeste cedens, acriter insequens, terrens, supplicans, summa orationis uarietate, nulla nostrarum aurium satietate. Nos autem, quicumq; in dicendo sumus (quoniam esse aliquo in numero uobis uidemur) certe tamen ab huius multum genere distamus: quod quale sit, non est meum dicere, propterea quod minimè sibi quisq; notus est, & difficillimè de se quisq; sentit. Sed tamen dissimilitudo intelligi potest & ex motus mei mediocritate, & ex eo quod quibus uestigijs primum institi, in ijs ferè soleo perorare: & quod aliquanto me maior in uerbis, quam in sententijs ellegendis labor & exa torquet, uerentem ne si paulò obsole-

tior fuerit oratio non digna expectatione & silentio fuisse uideatur. Quòd si in nobis qui adsumus, tanta dissimilitudines, tam certa res cuiusq; propria, & in ea uarietate ferè melius à deteriore facultate magis quàm genere distinguitur, atq; omne laudatur quod in suo genere perfectum est: quid censeatis, si omnes qui ubiq; sunt aut fuerunt oratores amplecti uoluerimus? nūmne fore ut quot oratores, totidem penè repariantur genera dicēdi? Ex qua mea disputatione forsitan occurrat illud, si penè innumerabiles sint quasi formæ figuræq; dicēdi, specie dispares, genere laudabiles, non posse ea quæ inter se discrepant, iisdem præceptis atq; una institutione formari. Quod non est ita: diligentissimèq; hoc est eis qui instituunt aliquos atq; erudiunt, uindendum, quòd sua quæq; natura maxime ferre uideatur. Etenim uidemus ex eodem quasi ludo summorum in suo cuiusq; genere artificum & magistrorum exisse discipulos dissimiles inter se, attamen laudandos, cum ad cuiusq; naturā institutio doctoris accommodaretur: cuius est uel maxime insigne illud exemplum (ut cæteras artes omittamus) quod dicebat Isocrates doctor singularis, se calcaribus in Ephoro, contra autē in Theopompo franis uiri solere. alterū enim exultantem uerborum audacia, reprimebat: alterum cunctantem, & quasi uerecūdantem incitabat. Neq; eos similes effecit inter se, sed tantū alteri

affinxit, de altero limauit, ut id confirmaret in utroq; quod utriusq; natura pateretur. Hæc eò mihi prædicenda fuerunt, ut si non omnia quæ proponerentur à me, ad omnium uestrum studiũ, & ad genus id quod quisq; uestrum in dicendo probaret, adherescerent: id à me genus exprimi sentiretis, quod maxime mihi ipsi probaretur. Ergo hæc & agenda sunt ab oratore quæ explicauit Antonius, & dicenda quodammodo. Quinã igitur dicendi est modus melior (nam de actione post uidero) quàm ut Latine, ut plane, ut ornatè, ut ad id quodcunq; agatur, aptè congruenterq; dicamus? Atq; eorum quidem quæ duo prima dixi, rationem non arbitror expectari à me, puri dilucidiq; sermonis. Neq; enim conamur docere eum dicere, qui loqui nesciat: nec sperare qui Latine non possit, hunc ornatè esse dicturum: neq; uerò, qui non dicat quod intelligamus, hunc posse quod admiremur, dicere. Linquamus igitur hæc, quæ cognitionem habent facilem, usum necessarium: nam alterum traditur literis, doctrinaq; puerili: alterum adhibetur ob eam causam, ut intelligatur quid quisq; dicat: quod uidemus ita esse necessarium, ut tamen eo minus nihil esse possit. Sed omnis loquendi elegantia, quanquam expolitur scientia literarum, tamen augetur legendis oratoribus & poetis. Sunt enim illi ueteres, qui ornare nondum poterant ea quæ dicebant,

bant, omnes propè præclarè locuti: quorum sermone assuefacti qui erunt, ne cupientes quidem poterunt loqui nisi Latine. Neque tamen erit utendum uerbis ijs, quibus iam consuetudo nostra non utitur, nisi quando ornandi causa parccè, quod ostendam: sed usitatis ita poterit uti, lectissimis ut utatur ijs, qui in ueteribus erit scriptis studiose & multum uolutatus. Atque ut Latine loquamur, non solum uidendum est ut & uerba efferamus ea quæ nemo iure reprehendat, & ea sic & casibus & temporibus & genere & numero conseruemus, ut ne quid perturbatum ac discrepans aut præposterum sit, sed etiam lingua, & spiritus, & uocis sonus est ipse moderandus. Nolo exprimi literas putidius, nolo obscurari negligentius: nolo uerba exiliter exanimata exire, nolo inflata & quasi anhelata grauius: nam de uoce nondum ea dico quæ sunt actionis, sed hoc, quod mihi cum sermone quasi coniunctum uidetur. Sunt enim certa uitia, quæ nemo est quin effugere cupiat, mollis uox, ut muliebris, aut quasi extra modum absona atque absurda. Est autem uitium, quod nonnulli de industria consueuant. Rustica uox & agrestis quosdam delectat, quò magis antiquitatem, si ita sonet, eorū sermo retinere uideatur: ut tuus Caiule sodalis, L. Cotta gaudere mihi uidetur grauitate lingue, sanòq; uocis agresti: & illud quod loquitur, pri-

scum uisum iri puta, si planè fuerit rusticanum. *A*nc autem tuis sonus, & suauitas ista deletat: omitto uerborum, quanquam est caput: (uerum id affert ratio, docent litera, cōfirmat consuetudo & legendi & loquendi) sed hanc dico suauitatem, quæ exit ex ore: quæ quidē, ut apud Græcos *Atticorum*, sic in *Latino* sermone huius est urbis maximè propria, *Athenis* iandiu doctrina ipsorum *Atheniensium* interijt, domicilium tantum in illa urbe remanet studiorum, quibus uacant ciues, peregrini fruuntur, capti quodammodo nomine urbis & autoritate: tamen eruditissimos homines *Asiaticos* quibus *Atheniensis* indoctus, non uerbis, sed sono uocis, nec tam bene quàm suauiter loquendo facile superabit. *Nostri* minus student literis, quàm *Latini*: tamen ex istis quos nostis, urbanis, in quibus minimum est literarū, nemo est quin literatissimum togatorum omnium *Q. Valerium Soranum* lenitate uocis, atq; ipso oris pressu & sono facile uincat. Quare cum sit quadam certa uox *Romani* generis, urbisq; propria, in qua nihil offendi, nihil displicere, nihil animaduerti possit, nihil sonare aut olere peregrinum, hanc sequamur: neq; solum rusticam asperitatem, sed etiam peregrinam insolentiam fugere discamus. Equidem cum audio socrū meā *Laliā* (facilius enim mulieres incorruptam antiquitatē conseruant, quòd multorū sermonis expertes, ea tenent

semper

semper quæ prima d. dicerunt) sed eam sic audio, ut Plautū mihi, aut Nautū uidear audire, Sono ipso uocis ita recto & simplici est, ut nihil ostentationis aut imitationis asferre uideatur: ex quo sic locutum esse eius patrem iudico, sic maiores: non asperè, ut ille quem d. xi, non uastè, non rusticè, non hiulcè, sed pressè, & aquabiliter, & leniter. Quare Cotta noster, cuius tu illa lata Salpiti nonnunquam imitaris, ut iota lucram tollas, & e plenissimum dicas, non mihi oratores antiquos, sed messorum uideris imitari.

Hic cum arrisisset ipse Salpitius, Sic agam nobiscum, inquit Crassus, ut quoniam me loqui uoluitis, aliquid de uestris uitijs audiatis. Primum quidem, inquit ille: id enim ipsum uolumus: idq; si ficeris, nuda (ut arbitror) hic hodie uitia ponemus. At enim non sine meo periculo, Crassus inquit, possum Salpiti te reprehendere: quoniam Antonius mihi te simul meum dixit sibi uideri. Tum ille, Tum quod monuit idem, ut ea quæ in quoque maxima essent, imitaremur? ex quo ueretur ne nihil sim tui nisi suppletionem pedis imitatus, & pauca quedam uerba, & aliquem si fortè motum. Ergo ista, inquit Crassus, quæ habes à me, non reprehendo, ne me ipsum irridcam. Sunt autem mea multo & plura, & maiora, quàm dicis. quæ autē sunt aut tua planè, aut imitatione ex aliquo expressa: de ijs te, si quis me fortè locus admonuerit, commonebo.

Prætereamus igitur præcepta Latine loquendi, quæ puerilis doctrina tradit, & subtilior cognitio ac ratio literarum alit, aut consuetudo sermonis quotidiani: ac domestici libri confirmant, & lectio ueterum oratorum & poetarum. Neque uerò in illo altero diutius comoremur, ut disputemus quibus rebus assequi possimus, ut ea quæ dicamus intelligantur, Latine scilicet dicendo, uerbis usitatis, ac propriè demonstrantibus ea quæ significari ac declarari uolumus, sine ambiguo uerbo aut sermone, non nimis longa continuatione uerborum, non ualde productis ijs quæ similitudinis causa ex alijs rebus transferuntur, non discriptis sententijs, non præposteris temporibus, non confusis personis, non perturbato ordine. Quid multa? Tam facilis est tota res, ut mihi permirum saepe uideatur, cùm difficilius intelligatur quid patronus uelit dicere, quàm si ipse ille qui patronum adhibet, de re sua diceret. Isti enim qui ad nos causas deferunt, ita nos plerumque ipsi docent, ut non desideres planius dici. Easdem res autem simul ac Fusiuss aut uester equalis Pomponius agere cœpit, non æquè quid dicant, nisi admodum attenti, intelligo: ita confusa est oratio, ita perturbata, nihil ut sit primum, nihil ut secundum, tantaque insolentia ac turba uerborum, ut oratio quæ lumen adhibere rebus debet, ea obscuritatem & tenebras afferat, atque ut quodammodo ipsi sibi in
dicend

dicendo obstrepere uideantur. Verum, si placet, quoniam hæc satis spero uobis quidem, certè maioribus molestæ & putida uideri, ad reliqua aliquanto odiosiora pergamus. Atqui uides, inquit Antonius, cum alias res agamus, quam te inuiti audiamus: qui adduci possumus (de me enim conijcio) relictis ut rebus omnibus te sectemur, te audiamus: ita de horridis rebus nitida, de ieiunis plena, de peruulgatis noua quædam est oratio tua. Faciles enim, inquit, Antoni, partes eæ fuerunt duæ, quas modò percurri, uel potius penè præterij, Latine loquendi, planèq; dicendi: reliquæ sunt magnæ, implicatæ, uariæ, graues, quibus omnis admiratio ingenij, omnis laus eloquentiæ continetur. Nemo enim unquam est oratorem, quòd Latine loqueretur, admiratus: si est aliter, irrident: neq; eum oratorem tantummodo, sed hominem non putant. Nemo extulit eum uerbis, qui ita dixisset, ut qui adessent, intelligerent quid diceret: sed contempsit eum qui minus id facere potuisset. In quo igitur homines exhorrescunt? quem stupefacti dicentem intuentur? in quo exclamant? quem Deum, ut ita dicam, inter homines putant? Qui distinctè, qui explicatè, qui abundanter, qui illuminatè & rebus & uerbis dicunt, & ipsa oratione quasi quendam numerum uersumq; conficiunt, id est quod dico ornatè. Qui idem ita moderantur, ut rerum, ut

personarum dignitates ferunt, ij sunt in cog-
nere laudandi laudis, quod ego aptum & con-
gruens nomen. Qui ita dicerent, eos negavit
adhuc se uidisse Antonius, & ijs hoc nomen
dixit eloquentia solis esse tribuendum. Quare
omnes istos me autore deridete atq; contemnite,
qui se horum, qui nunc ita appellantur, Rhe-
torum praeceptis omnem oratorum uim com-
plexos esse arbitrantur, neq; adhuc quam per-
sonam teneant, aut quid proficiantur intelli-
gere potuerunt. Verum enim oratori quae sunt
in hominum uita, quandoquidem in ea uersa-
tur orator, atque ea est ei subiecta materies,
omnia quae sita, audita, lecta, disputata, tra-
ctata, agitata esse debent. Est enim eloquentia
una quaedam de summis uirtutibus: quanquam
sunt omnes uirtutes aequales & pares: sed ta-
men est species alia magis alia formosa & il-
lustris: sicut haec uis quae scientiam complexa
rerum sensa mentis & consilia sic uerbis expli-
cat, ut eos qui audiant, quocunq; incubuerit,
possit impellere: quae quo maior est uis, hoc est
magis cum probitate iungenda, summaq; pru-
dentia: quarum uirtutum expertibus si dicendi
copiam tradiderimus, non eos quidem orato-
res effecerimus, sed furentibus quaedam arma
dederimus. Hanc, inquam, cogitandi pronun-
tandiq; rationem, uimq; dicendi, ueteres Gra-
eci sapientiam nominabant. hinc illi Zycurgi,
hinc

hinc Pittaci, hinc Solones: atque ab hac similitudine Coruncani nostri, Fabricij, Cato-
nes, Scipiones fuerunt, non tam fortasse docti,
sed imperii mentis simili, & uoluntate. Ea-
dem autem alij prudentia, sed consilio ad uita
studia dispari, quietem atque otium secuti, ut
Pythagoras, Democritus, Anaxagoras, à
regendis ciuitatibus totos se ad cognitionem re-
rum transtulerunt: quæ uita propter tranquil-
litatem, & propter ipsius scientiæ suauitatem,
quæ nihil est hominibus iucundius, plures quàm
utile fuit rebus publicis, delectauit. Itaq; ut ei
studiosè excellentissimis ingenijs homines dedi-
derunt, ex ea summa facultate uacui ac liberi
temporis, multo plura quàm erat necesse, do-
ctissimi homines otio nimio & ingenijs uber-
rimis affluentes, curanda sibi esse ac querenda
& inuestiganda duxerunt. Nam uetus qui-
dem illa doctrina eadem uidetur & rectè fa-
ciendi, & bene dicendi magistra. neq; disun-
cti doctores, sed ijdem erant uiuendi præcepto-
res atque dicendi: ut ille apud Homerum Phœ-
nix, qui se à Peleo patre Achilli inueni com-
mitem esse datum dicit ad bellam, ut illum ef-
ficiret oratorem uerborum, actoremq; rerum.
Sed ut homines labore assiduo & quotidiano,
affecti, cum tempestatis causa opere prohiben-
tur, ad pilam se, aut ad talos, aut ad iesseras
conferunt, aut etiam nouum sibi ipsi aliquem
excog

excogitant in otio ludum : sic illi à negotijs publicis tanquam ab opere , aut temporibus exclusi , aut uoluntate sua feriatì , totos se alij ad Poëtas , alij ad Geometras , alij ad Musicos contulerunt : alij etiam , ut dialectici , nouum sibi studium ludumq; pepererunt : atq; in ijs artibus quæ repertæ sunt , ut puerorum mentes ad humanitatem fingerentur , atq; uirtutem , omne tempus atque ætates suas consumpserunt. Sed quòd erant quidam , ijq; multi , qui aut in Republica propter ancipitem , quæ non potest esse seiuncta , faciendi dicendiq; sapientiam florent , ut Themistocles , ut Pericles , ut Thermenès : aut qui minus ipsi in Republica uersarentur , sed huius , tamen eiusdem sapientiæ doctores essent , ut Gorgias , Thrasymachus , Isocrates : inuenti sunt qui cum ipsi doctrina & ingenijs abundarent , à re autem ciuili , & à negotijs animi quodam iudicio abhorrerent. hanc dicendi exercitationem exagitarent atq; contemnerent : quorum princeps Socrates fuit , is qui omnium cruditorum testimonio , totiusq; iudicio Græciæ , cum prudentia , & acumine , & uenustate , & subtilitate , tum uerò eloquentia , uarietate , copia , quam se cunque in partem dedisset , omnium fuit facile princeps. Is , qui hæc , quæ nos nunc quarimus , tractarent , agerent , docerent , cum uomine appellarentur uno , quòd omnis rerum optimarum cognitio atque in ijs exerc

exercitatio, philosophia nominaretur, hoc commune nomen eripuit, sapienterq; sentiendi, & ornatè dicendi scientiam, re coherentes, disputationibus suis separauit: cuius ingenium, uariosq; sermones immortalitati scriptis suis Plato tradidit, cum ipse literam Socrates nullam reliquisset. Hinc dissidium illud exitit, quasi linguae atq; cordis, absurdum sanè, & inutile, & reprehendendum, ut alij nos sapere, alij dicere docerent. Nam cum essent plures orti ferè à Socrate. quòd ex illius uarijs & diuersis, & in omnem partem diffusis disputationibus alius aliud apprehenderat, profeminatae sunt quasi familiae dissentientes inter se, & multum disiunctae, & dispares: cum tamen omnes se philosophi Socraticos & dici uellent, & esse arbitrantur. Ac primò ab ipso Platone Aristoteles, & Xenocrates: quorum alter Peripateticorum, alter Academia nomen obtinuit: deinde ab Antisthene, qui patientiam & duritiam in Socratico sermone maximè adamarat, Cynici primùm deinde Stoici, tum ab Aristippo, quem ille magis uoluptariae disputationes delectarent, Cyrenaica philosophia manauit: quam ille & eius posteri simpliciter defendebant: ij qui nunc uoluptate omnia metiuntur, dum uerecundius id agunt, nec dignitati satisfaciunt, quam non aspernantur: nec uoluptatem inuentur, quam amplexari uolunt. Fuerunt etiam
alia

alia genera philosophorum, qui se omnes fere Socraticos esse dicebant, Eretricorum, Eri-
 liorum, Megaricorum, Pyrrhoneorum: sive
 horum uel & disputationibus sunt tandem fra-
 cta & extincta. Ex illis autem quae reman-
 ent, ea philosophia quae suscepit patrocinium
 uoluptatis, etsi cui uera uideatur, procul abest
 tamen ab eo uiro quem quaerimus, & quem
 autorem publici consilij, & regende ciuitatis
 ducem, & sententiae atque eloquentiae princi-
 pem in senatu, in populo, in causis publicis esse
 uolumus. nec ulli tamen ei philosophiae fiet in-
 iuria à nobis. Non enim repellitur inde quò ag-
 gredi cupiet, sed in hortulis quiescet suis, ubi
 uult, ubi etiam recubans molliter & delicatè,
 nos auocat à Rostris, à iudicijs, à curia for-
 tasse sapienter, ac praesertim à Republica. Ve-
 ram ego non quaero nunc quae sit philosophia
 uerissima, sed quae oratori coniuncta maximè.
 Quare istos sine ulla contumelia dimittamus.
 Sunt enim & boni uiri: & quoniam sibi ita
 uidentur, beati: tantumq; eos admoneamus, ut
 illud, etiam si est uerissimum, tacitum tamen
 tanquam mysterium teneant, quòd negant uer-
 fari in Republica, esse sapientis. Nam si hoc no-
 bis atq; optimo cuique persuasierint, non pote-
 runt ipsi esse id quod maximè cupiunt, otiosi.
 Stoicos autem, quos minimè improbo, dimitto
 tamen: nec eos iratos uereor, quoniam omnino
 irasci

irasci nesciunt: atq; hanc ab ijs habeo gratiam, quòd soli ex omnibus eloquentiam uirtutem ac sapientiam esse dixerunt. sed utrumq; est in his quod ab hoc quem instruimus oratore ualde abhorreat, uel quòd omnes qui sapientes non sint, seruos, latrones, hostes, insanos esse dicunt, neque tamen quenquam esse sapientem. Valde autem est absurdum ei concionem, aut senatum, aut ullum cœtum hominum committere, cui nemo illorum qui adsint, sanus, nemo ciuis, nemo liber esse uideatur. Accidit, quòd orationis etiam genus habent fortasse subtile, & certè acutum, sed ut in oratore, exile, inusitatum, abhorrens ab auribus uulgi, obscurum, inane, ieiunum, aut tamen eiusmodi, quo uiri, ad uulgus nullo modo possit. Alia enim & bona & mala uidentur Stoicis & cæteris ciuibus, uel potius gentibus: alia uis honoris, ignominie, præmij, supplicij, uerè an secus, nihil ad hoc tempus: sed ea si sequamur, nullam unquam rem dicendo expedire possimus. Reliqui sunt Peripatetici & Academicici: quanquam Academicorū nomen est unum, sententia due, nam Speusippus Platonis sororis filius, & Xénocrates, qui Platonem audierat, & qui Xénocratem Polemo, & Crantor, nihil ab Aristoteli, qui unā audierat Platonē, magnopere dissensit: copia fortasse & uarietate dicendi pares non fuerunt. Arcefilus primū, qui Polemonem audierat, ex uarijs
Plato

Platonis libris, sermonibusq; Socraticis hoc maximè arripuit, nihil esse certi, quod aut sensibus aut animo percipi possit: quem ferunt eximio quodam usum lepore dicendi, aspernatum esse omne animi sensusq; iudicium, primumq; instituisse (quanquam id fuit Socraticum maximè) non quid ipse sentiret ostendere, sed contra id quod quisq; se sentire dixisset, disputare. Hinc hæc recentior Academia emanauit, in qua exiit diuina quadam celeritate ingenij, dicendiq; copia Carneades: cuius ego etsi multos auditores cognoui Athenis, tamen autores certissimos laudare possum, & socerum meum Scæuolam, qui cum Romæ audiuit adolescens, & Q. Metellum L. F. familiarem meum clarissimum uirum, qui illum à se adolescente Athenis iam affectum senectute multos dies auditum esse dicebat. Hæc autem ut ex Apennino fluminum, sic ex communi sapientium iugo sunt doctrinarum facta diuortia, ut philosophi tanquam in superum mare Ionium defluerent, Græcum quiddam & portuosum: oratores autem in inferum hoc Tuscum & barbarum, scopulosum, atque infestum laberentur, in quo etiam ipse Ulysses errasset. Quare si hæc eloquentia, atque hoc oratore contenti sumus, qui sciat aut negare oportere quod arguare, aut, si id non possis, tum ostendere quod is fecerit qui insimuletur, aut recte factum, aut

aliterius

alterius culpa, aut iniuria, aut ex lege, aut non
 contra legem, aut imprudentia, aut necessario,
 aut non eo nomine usurpandum quo arguatur,
 aut non ita agi ut debuerit ac licuerit: & si sa-
 tis esse putatis ea quæ isti scriptores artis docet,
 discere, quæ multo tamen ornatius quàm ab il-
 lis dicuntur, & uberius explicauit Antonius:
 sed si his contenti estis, atq; ijs etiam quæ dici
 uoluistis à me, ex ingenti quodam oratorem, im-
 mensoq; campo in exiguum sanè gyrum com-
 pellitis. Sin ueterem illum Periclem, aut hunc
 etiam qui familiarior nobis propter scriptorum
 multitudinem est, Demosthenē sequi uultis, &
 si illam præclaram & eximiam speciem orato-
 ris perfecti & pulchritudinem adamaſtis: aut
 nobis hæc Carneadia, aut illa Aristotelia uis
 comprehendenda est. Namq; (ut antè dixi) ue-
 teres illi usq; ad Socratem, omnem omnium re-
 rum quæ ad mores hominum, quæ ad uitam,
 quæ ad uirtutem, quæ ad Remp. pertinebant co-
 gnitionē & scientiam cum dicendi ratione iun-
 gebant: postea dissociati (ut exposui) à Socrate
 diserti à doctis, & deinceps à Socraticis item
 omnibus philosophi, eloquentiam despexerunt,
 oratores sapientiam, neq; quicquam ex alterius
 parte tetigerunt, nisi quod illi ab his, aut ab illis
 hi mutuarentur, ex quo promiscuè haurirent, si
 manere in pristina communione uoluissent. Sed
 ut pontifices ueteres propter sacrificiorū multi-

*iudinem tres viros Epulones esse voluerūt, cum
 essent ipsi à Numa, ut etiam illud ludorū Epu-
 lare sacrificium facerent, instituti: sic Socratici
 à se causarum actores, à communi philosophiæ
 nomine separauerunt, cum ueteres dicendi &
 intelligēdi mirificam societatem esse uoluissent.
 Quæ cum ita sint, paululum equidem de me
 deprecabor, & petam à uobis: ut ea quæ dicam,
 non de memetipso, sed de oratore dicere putetis.
 ego enim sum is qui quū summo studio patris
 in pueritia doctus essem, & in forum ingenij
 tantum quantum ipse sentio, non tantum quan-
 tum ipse forsitan uobis uidear, detulissem, non
 possim dicere me hæc, quæ nunc cōplector, perin-
 de ut dicam dicenda esse, didicisse: quippe qui
 omnium maturrimè ad publicas causas accesser-
 rim, annosq; natus unum & uiginti, nobilissi-
 mum hominem & eloquentissimum in iudi-
 cium uocarim: cui disciplina fuerit forum, magi-
 ster usus, & leges, & instituta populi Roma-
 nosq; maiorum. Paulum, sitiens istarum ar-
 tiū de quibus loquor, gustavi, Quæstor in Asia
 cum essem, equalem ferè meum ex Academia
 rhetorem nactus Metrodorum illum, de cuius
 memoria commemorauit Antonius: & inde
 decedens, Athenis: ubi ego diutius essem mora-
 tus nisi Atheniensibus, quòd mysteria non re-
 ferrent, ad quæ biduo serius ueneram, succen-
 suissem. Quare hoc quod complector, tantam
 scient*

scientiâ, uimq; doctrina, non modo non pro me, sed cōtra me est potius. Non enim quid ego, sed quid orator possit, disputo: atq; hos omnes quæ artes rhetoricas exponunt, perridiculos. Scribit enim de litium genere, & de principijs, & de narrationibus. Illa uis autem eloquentia tanta est, ut omnium rerum, uirtutum, officiorum, omnisq; natura, quæ mores hominum, quæ animos, quæ uitam continet, originem, uim, mutationesq; teneat, eadem mores, leges, iura describat, Remp. regat, omnia quæ ad quâcunq; rem pertineant, ornatè copioseq; dicat. In quo genere nos quidem uersamur tantum quātum possumus, quantum ingenio, quantum mediocri doctrina, quantum usu ualemus: neq; tamen istis qui in una philosophia quasi tabernaculum uitæ suæ collocarunt, multum sanè in disputatione concedimus. Quid enim meus familiaris C. Velleius afferre potest, quamobrem uoluptas sit summum bonum, quod ego non copiosius possim uel tutari, si uelim, uel refellere ex illis locis quos exposuit Antonius, hac dicendi exercitatione, in qua Velleius est rudis, unusquisq; nostrum uersatus? Quid est quod aut Sext. Pompeius, aut duo Balbi, aut meus amicus, qui cum Panætio uixit, M. Vigellius, de uirtute hominum Stoici possint dicere, quæ in disputatione ego his debeam, aut uestrum quisquam concedere? Non est enim philosophia

*similis artium reliquarum. nam quid faciet in
 geometria qui non didicerit? quid in musicis?
 Aut taceat oportebit, aut ne sanus quidem iu-
 dicetur. Hæc uerò quæ sunt in philosophia, inge-
 nijs eruntur ad id quod in quoq; uerisimile est
 eliciendum acutis atq; acribus: eaq; exercitata
 oratione poliunt. Hic hic noster uulgaris ora-
 tor si minus erit doctus, attamē in dicendo exer-
 citatus, hac ipsa exercitatione communi istos
 quidem nostros uerberabit, neq; se ab ijs conte-
 mni ac despici sinet. Sin aliquis existerit ali-
 quando qui Aristotelio more de omnibus re-
 bus in utranq; sententiam possit dicere, & in
 omni causa duas contrarias orationes præceptis
 illius cognitis explicare, aut hoc Arcesila mo-
 do & Carneadis contra omne quod propositum
 sit, differat, quiq; ad eam rationem adiungat
 hūc rhetoricū usum, moremq; exercitationemq;
 dicendi: is sit uerus, is perfectus, is solus orator.
 Nam neq; sine forensibus nervis satis uehemens
 & grauis, nec sine uarietate doctrinae satis po-
 litus & sapiens esse orator potest. Quare Cora-
 cem istum uestrum patiamur nos quidem pul-
 los suos excludere in nido, qui euolent clamato-
 res odiosi ac molesti. Pāphilumq; nescio quem
 sinamus in insulis tantam rem tanquam pueri-
 les delicias aliquas depingere: nosq; ipsi hac
 tam exigua disputatione hesterni & hodierni
 dici totum oratoris munus explicemus, dum-
 modo*

modo illa res tanta sit, ut omnibus philosopho-
rum libris, quos nemo oratorum istorum un-
quam attigit, comprehensa esse uideatur. Tum
Catulus, Haudquaquã hercle, inquit, Crasse mi-
randum est esse in te tantam dicendi uel uim,
uel suauitatem, uel copiam: quem quidem antea
natura rebar ita dicere, ut mihi non solum ora-
tor summus, sed etiam sapientissimus homo ui-
derere. Nunc intelligo illa te semper etiam po-
riora duxisse, quæ ad sapientiam spectarent, atq;
ex his hanc dicendi copiam fluxisse: sed tamen
cum omneis gradus ætatis recordor tuæ, cumq;
uitam tuam ac studia considero: neq; quo tem-
pore ista didiceris, uideo: nec magnopere te istis
studijs, hominibus, libris intelligo deditum: neq;
tamen possum statuere utrum magis mirer, te
illa quæ mihi persuades maxima esse adiuuen-
ta, potuisse in tuis tantis occupationibus perdi-
scere: an, si non potueris, posse isto modo dicere,
Hic Crassus, Hoc tibi, inquit, Catule, primum
persuadeas uelim, me non multo secus facere
cum de oratore disputem, ac facerem si esset mi-
hi de histrione dicendum. Negarem enim posse
eum satisfacere in gestu, nisi palestram, nisi sal-
tare didicisset: neq; ea cum dicerem, me esse hi-
strionem necesse esset, sed fortasse non stultum
alieni artificij existimatorem. Similiter nunc de
oratore, uestro impulsu loquor, summo scilicet,
Semper enim quacunq; de arte aut facultate

queritur, de absoluta & perfecta quari solet.
 Quare si iam me uultis esse oratorem, si etiam
 sat bonum, si bonum denique, non repugnabo
 (quid enim nunc sim ineptus? ita me existimari
 scio) quod si ita est, summus tamen ceriè non
 sum: neq; enim apud homines res est ulla diffi-
 ciliior, neq; maior, neq; quæ plura adiumenta do-
 ctrina desideret. Attamen quoniam de oratore
 nobis disputandum est, de summo oratore di-
 cam necesse est: uis enim & natura rei nisi per-
 fecta ante oculos ponitur, qualis & quanta sit,
 intelligi non potest. Me autem Catule fateor
 neq; hodie in istis libris, & cum istis homini-
 bus uiuere: nec uerò, id quod tu rectè commemi-
 nisti, ullum unquam habuisse sepositum tempus
 ad discendum: ac tantum tribuisse doctrina
 temporis, quantum mihi puerilis ætas, forenses
 seræ concesserint. At si queris Catule de do-
 ctrina ista quid ego sentiam, non tantum inge-
 nioso homini, & ei qui forum, qui curiam, qui
 causas, qui Rempubli. spectet, opus esse arbitror
 temporis, quantum sibi ijs sumpserunt quos di-
 scentes uita defecit. Omnes enim artes aliter ab
 ijs tractantur, qui eas ad usum transferunt, ali-
 ter ab ijs qui ipsarum artium tractatu delecta-
 ti, nihil in uita sunt aliud acturi. Magister hic
 Samnitium summa iam senectute est, & quo-
 tidie commentatur: nihil enim curat aliud, atq;
 uelocius puer addidicerat: sed quòd erat apius
 ad

ad illud, totumq; cognorat, fuit, ut est apud Lucilium.

- Quamvis bonus ipse

Samnis in ludo, ac rudibus causis satis asper. sed plus opera foro tribuebat, amicis, rei familiari. Valerius quotidie cantabat. erat enim scenicus. quid faceret aliud? at Numerius Furius noster familiaris, cum est commodum, cantat. est enim paterfamilias, est eques Rom. Puer didicit quod discendum fuit. Eadem ratio est harum artium maximarum. Dies & noctes uirum summa uirtute & prudentia uidebamus philosopho quam operam daret, Q. Tuberone: at eius auunculum uix intelligeres id agere, cum ageret tamen, Africanum. Ista discuntur facile, si & tantum sumus quantum opus sit, & habeas qui docere fideliter possit, & scias etiam ipse discere. Sed si tota uita nihil uelis aliud agere, ipsa tractatio & questio quotidie ex se gignit aliquid quod cum desidiosa delectatione negliges. Ita fit, ut agitatione rerum sit infinita cognitio, facilis usus doctrinam confirmet, mediocri opera tribuatur, memoria studiumq; permaneat. Libet autem semper discere: ut si uelim ego talis optimè ludere, aut pile studio tener, etiam fortasse si assequi non possim: at alij, quia praeclare faciunt, uehementius quam causa postulat, delectantur, ut Tityus pile, Brulla talis. Quare nihil est quod quisquam

magnitudinem artium ex eo quòd senes discunt, peritimescat. Namq; aut senes ad eas accesserunt aut usq; ad senectutem in studijs detinentur, aut sunt tardissimi. Res quidem se mea sententia sic habet, ut nisi quod quisq; citò potuerit, nunquam omnino possit perdiscere. Iam, iam, inquit Catulus, intelligo Crasse quid dicas: & hercule assentior, satis uideo tibi homini ad perdiscendū acerrimo, ad ea cognoscenda quæ dicis, fuisse temporis. Pergisne, inquit Crassus, me, quæ dicam, de me, non de re putare dicere? Sed iam, si placet, ad instituta redeamus. Mihi uero, Catulus inquit, placet. Tum Crassus, Quorsum igitur hæc spectat, inquit, tam longa & tam alie repetita oratio? Hæ duæ partes, quæ mihi supersunt, illustrande orationis, ac totius eloquentiæ cumulanda, quarum altera dici postulat ornatè, altera aptè: hanc habent uim, ut sit quàm maxime iucunda, quàm maxime in sensus eorum qui audiunt, influat, & quàm plurimis sit rebus instructa. Instrumentum autem hoc forense, litigiosum, acre, tractatum ex uulgi, opinionibus, exiguum sanè atq; mendicium est. Illud rursus ipsum, quod tradunt isti qui profitentur se dicendi magistros, non multum est maius quàm illud uulgare ac forense. Apparatus nobis opus est, & rebus exquisitis undique, & collectis, arcebitis, comportatis, ut tibi Caesar faciendum est ad annum: ut ego in adilitate laborani

boravi, quòd quotidianis & uernaculis rebus
satisfacere me posse huic populo non putabam.
Verborum eligendorum & collocandorum et
concludendorum facilis est uel ratio, uel sine ra-
tione ipsa exercitatio. Rerum est sylua magna:
quam cum Græci iam non tenerent, ob eamq;
causam iuuentus nostra dedisceret penè discen-
do, etiam Latini, si dijs placet, hoc biennio magi-
stri dicendi extiterunt: quos ego Censor edicto
meo sustuleram, non quòd (ut nescio quos dicere
aiebant) acui ingenia adolescentiū nollem, sed
contrà ingenia obtundi nolui, corroborari impu-
dentiam. Nam apud Græcos, qui cuiusmodi es-
sent uidebam, tamen esse præter hanc exercita-
tionem linguae, doctrinam aliquam, & humani-
tatem dignā scientia: hos uerò novos magistros
nihil intelligebam posse docere, nisi ut auderēt:
quod etiam cum bonis rebus coniunctum, per
se ipsum est magnopere fugiendum. Hoc cum
unum traderetur, & cum impudentia ludus
esset, putavi esse Censoris, ne longius id serperet,
prouidere: quanquam non hac ita statuo ac de-
cerno, ut desperem Latine ea de quibus dispu-
tauimus, tradi ac perpoliri: patitur enim & lin-
gua nostra, & natura rerum, ueterem illam ex-
cellentemq; prudentiam Græcorum ad nostrum
usum moremq; transferri: sed hominibus opus
est eruditis, qui adhuc in hoc quidem genere
nostri nulli fuerunt: sin quando extiterint, etiam

Gracis erunt anteponendi. Ornatur igitur oratio genere primum, & quasi colore quodam & succo suo. Nam ut gravis, ut suavis, ut erudita sit, ut liberalis, ut admirabilis, ut polita, ut sensus, ut dolores habeat, quantum opus sit, non est singulorum articulorum: in toto spectantur hac corpore. Ut porro conspersa sit quasi uerborum sententiarumq; floribus, id non debet esse fusam & quabiliter per omnem orationem, sed ita distinctam, ut sint quasi in ornatu disposita quedam insignia & lumina. Genus igitur dicendi est eligendum, quod maximè teneat eos qui audiant: & quod non solum delectet, sed etiam sine satietate delectet. Non enim à me iam expectari puto ut moneam ut caueatis ne exilis, ne inculta sit uestra oratio, ne uulgaris, ne obsoleta: aliud quiddam maius & ingenia me horrantur uestra, & aetates. Difficile enim dictum est, quenam causa sit cur ea quae maximè sensus nostros impellunt uoluptate, & specie prima acerrimè commouent, ab ijs celerrimè fastidio quodam & satietate abalienemur. Quanto colorum pulchritudine & uarietate floridiora sunt in picturis nouis pleraq;: quam in ueteribus, quae tamen etiam si primo aspectu nos ceperunt, diutius non delectant: cum iudem nos in antiquis tabulis illo ipso horrido obsoletoq; teneamur? Quanto molliores sunt & delicatesiores in cantu flexiones, & falsa uocula, quam certa
& se

Et seueræ, quibus tamen non modò austeri, sed,
 si sapius fiunt, multitudo ipsa reclamationat? Licet
 hoc uidere in reliquis sensibus, unguentis minus
 diu nos delectari summa Et acerrima suauitate
 conditis, quàm his moderatis: Et magis laudari
 quæ terram, quàm quæ crocum oleu uideantur.
 In ipso tactu esse modum Et mollitudinis, Et
 lenitatis. Quinetiam gustatus, qui est sensus ex
 omnibus maximè uoluptarius, quiq; dulcedine
 præter ceteros sensus commouetur, quàm citò id
 quod ualde dulce est, aspernatur ac respuit. Quis
 portione uti aut cibo dulci diutius potest? quum
 utroq; in genere ea quæ leniter sensum uoluptate
 moueant, facillimè fugiant satietatem: sic
 omnibus in rebus, uoluptatibus maximus fasti-
 dium finitimum est. Quò hoc minus in ora-
 tione miremur: in qua uel ex poetis, uel ex
 oratoribus possumus iudicare concinnam, di-
 stinctam, ornatam, festiuam, sine intermissio-
 ne, sine reprehensione, sine uarietate, quam-
 uis claris sit coloribus picta uel poësis, uel ora-
 tio, nò posse in delectatione esse diuturna. Atq;
 eo citius in oratoris aut in poëte cincinnis ac
 fuce offenditur, quòd sensus in nimia uoluptate
 natura non mente satiantur: in scriptis Et in
 dictis non aurium solum, sed animi iudicio
 etiam magis infucata uitia noscuntur. Quare
 bene Et præclarè quamuis nobis sæpe dicatur,
 bellè Et festinè, nimium sæpe nolo; quanquam
 illa

illa ipsa exclamatio, *Nō potest melius, si uelim crebra, sed habeat tamen illa in dicendo admiratio ac summa laus umbram aliquam & recessum, quò magis id quod erit illuminatum, extare atq; eminere uideatur. Nunquam agit hunc uersum Roscius eo gestu quo potest,*

Nam sapiens uirtuti honorem premium, haud prædam petit:

sed abijcit prorsus, ut in proximos,

Ecquid uideo? ferro septus possidet sedes sacras: incidat, aspiciat, admiretur, stupefeat.

Quid ille alter?

Quid petam praesidiij?

quàm leniter, quàm remissè, quàm non actuosè? Instat enim,

O pater, ô patria, ô Priami domus.

in quo tanta commoueri actio nō posset, si esset consumpta superiore motu & exhausta. Neq; id actores prius uiderūt, quàm ipsi poëta, quàm deniq; illi etiam qui fecerunt modos: à quibus uirisq; summittitur aliquid, deinde augetur, extenuatur, inflatur, uariatur, distinguitur. Ita sit uobis igitur ornatus & suavis orator, nec tamen potest aliter esse, ut suauitatem habeat austeram & solidam, non dulcem atq; decoctam. Nam ipsa ad ornandum præcepta quæ dantur, eiusmodi sunt, ut ea quamuis uiosissimus orator explicare possit. Quare, ut antè dixi, primum sylua rerum ac sententia-

rum

rum comparanda est: qua de parte dixit Antonius. hac formanda filo ipso et genere orationis, illuminanda uerbis, uarianda sententijs. Summa autem laus eloquentia est amplificare rem ornando: quod ualet non solum ad augendum aliquid, & tollendum alius dicendo, sed etiam ad extenuandum atque abijciendum. Id desideratur omnibus ijs in locis quos ad fidem orationis faciendam adhiberi dixit Antonius, uel cum explanamus aliquid, uel cum conciliamus animos, uel cum concitamus. Sed in hoc quod postremum dixi, amplificatio potest plurimum: eaq; una laus oratoris est, & propria maximè. Etiam maior est illa exercitatio, quam extremo sermone instruxit Antonius (primò reijciebat) landandi & uituperandi. Nihil est enim ad exaggerandam & amplificandam orationē accommodatius, quam utrunq; horum cumulatissime facere posse. Consequenter etiā illi loci, qui quāquā proprij causarum, & inhaerentes in earum nervis esse debent, tamen quia de uniuerſa re tractari solet, communes à ueteribus nominati sunt: quorum partim habent uitiorum & peccatorum acrem quandam cum amplificatione incusationē aut querelam, contra quam dici nihil solet, nec potest, ut in depeculatorem, in proditorem, in parricidam: quibus uti confirmatis criminibus oportet: aliter enim iciuni sunt atq; inanes. Alij autem

autem habent deprecationē aut miserationem: alij uerò ancipites disputationes, in quibus de uniuerso genere in utranque partem differi copiosè licet. Quæ exercitatio nunc propria duarum philosophiarum, de quibus antiè dixi, putatur: apud antiquos erat eorū à quibus omnis de rebus forensibus dicendi ratio & copia petebatur. de uirtute enim, de officio, de æquo & bono de dignitate, honore, ignominia, premio, pœna, similibusq; de rebus in utranq; partem dicendi animos & uim & artem habere debemus. Sed quoniam de nostra possessione depulsi, in paruo, & eo litigioso prædiolo relictī sumus, & aliorum patroni, nostra tenere tueriq; non potuimus: ab ijs (quod indignissimum est) qui in nostrum patrimonium irruerūt, quod opus est nobis, mutemur. Dicunt igitur nunc quidem illi qui ex particula parua urbis ac loci nomen habent, & Peripatetici philosophi aut Academici nominantur, olim autem propter eximiam rerum maximarum scientiā à Grecis politici philosophi appellati, uniuersarum rerum publicarum nomine uocabantur, omnem civilem orationem in horum alterutro genere uersari, aut definita controuersia certis temporibus, ac reis, hoc modo, Placeātne à Carthaginensibus captiuos nostros redditus suis recuperari? aut infinite de uniuerso genere, querentis, quid omnino de captiuo statuendum ac sentendum

tiendum sit. Atq; horū superius illud genus,
 causam aut controuersiam appellant: eamq; tri-
 bus, lite, aut deliberatione, aut laudatione defi-
 niunt. Hac autem altera quæstio infinita, &
 quasi proposita, consultatio nominatur, atq; ha-
 ctenus loquuntur. Etiam hac instituendo di-
 uisione uiuntur, sed ita ut non iure, aut iudicio,
 ut deniq; recuperare amissam possessionem, sed
 ut ex iure civili surculo defringendo usurpare
 uideantur. Nam illud alterum genus, quod est
 temporibus, locis, re, definitum, obtinent, atq;
 id ipsum lacinia. Nunc enim apud Philonem,
 quem in Academia maximè uigere audio,
 etiam harum iam causarum cognitio exercita-
 tioq; celebratur. Alium uero tantummodo in
 prima arte tradendi nominant, & oratoris esse
 dicunt: sed neq; uim, neq; naturā eius, nec par-
 tes, nec genera proponunt, ut præscribi omnino
 fuerit satius, quā attentatum deferri. Nunc
 enim inopia reticere intelliguntur, tum iudicio
 uiderentur. Omnis igitur res eandem habet na-
 turam ambigendi, de qua queri & disceptari
 potest, siue in infinitis cōsultationibus discepta-
 tur, siue in ijs causis quæ in ciuitate & in so-
 rensi disceptatione uersantur: neq; est ulla quæ
 non aut ad cognoscendi, aut ad agendi uim ra-
 tionemq; referantur. nam aut ipsa cognitio rei
 scientiaq; perquiriuitur: ut, Virtus suāne pro-
 pter dignitatem, an propter fructus aliquos ex-
 petatur.

Usurpare
 e in iudicio
 per usuram
 oner. l. 2
 de Usura
 Usurarius
 fundi inte
 mperat
 uel de fin
 gendo iura
 hoc n. in
 dmi esse

petatur. aut agendi consiliū exquiritur: ut, *Sicne* sapienti capeffenda Respub. *Cognitionis* autem tres modi, coniectura, definitio, & ut ita dicā, consecutio. Nam quid in re sit, cōiectura quæritur: ut illud, *Sicne* in humano genere sapientia. Quam autem vim quæq; res habeat, definitio explicat: ut si queratur quid sit sapientia. Consecutio autem tractatur, cum quid quanq; rem sequatur, inquiritur, ut illud. *Sicne* aliquando mentiri boni uiri. Redeunt rursus ad coniecturam, eamq; in quatuor genera disperitiunt. Nam aut quid sit, queritur, hoc modo: *Naturāne* sit ius inter homines, an opinionibus. Aut quæ sit origo cuiusq; rei: ut quod sit initium legum, aut *Rerumpub.* Aut causa, & ratio: ut si queratur, cur doctissimi homines de maximis rebus dissentiant. Aut de immutatione: ut si disputetur num interire uirtus in homine, aut num in uitium possit conuerii. Definitionis autē sunt disceptationes, ut cum queritur quid in communi mente quasi impressum sit: ut si differatur, *Inde* sit ius, quod maxime parti sit utile. Aut cū quid cuiusq; sit propriū exquiritur: ut, *Ornate* dicere, propriūne sit oratoris, an id etiā aliquis præterea possit. Aut cum res distribuitur in partes, ut si queratur quot sint genera rerū expetendarum: ut, *Sintne* tria, corporis, animi externarūq; rerum. Aut cum quæ forma, et quasi naturalis nota cuiusq; sit,

sit, describitur: ut si queratur avari species, se-
 ditiosi, gloriosi. Consecutionis autem duo prima
 questionum genera ponuntur, nam aut simplex
 est disceptatio, ut si differatur, expetendane sit
 gloria? aut ex comparatione, laus an diuitie
 magis expetenda sint? Simplicium autem sunt
 tres modi. De expetendis fugiendisue rebus:
 ut expetendane honores sint? num fugienda pau-
 pertas? De aquo, aut iniquo: aquumne sit ulci-
 sci iniurias etiam propinquorum? De honesto
 ac turpi: ut hoc: Sitne honestum gloria causa
 mortem obire? Comparationis autem duo sunt
 modi. unus, cum idemne sit, an aliquid intersit.
 queritur: ut metuere & uereri, ut rex et tyrannus,
 ut assentator & amicus. Alio, cum quid
 praestet aliud alij, queritur: ut illud, optimine
 cuiusq; sapientes, an populari laude ducantur?
 Atq; ea quidem disceptationes quae ad cogni-
 tionem referuntur, sic ferè à doctissimis homini-
 bus describuntur. Quae uerò referuntur ad agen-
 dum, aut in officij disceptatione uersantur, quo
 in genere quid rectum, faciendumq; sit, quari-
 tur, cui loco omnis uirtutum & uitiorum est syl-
 ua subiecta: aut in animorum aliqua permotione
 aut gignenda, aut sedanda tollendaue tractan-
 tur. Huic generi subiecta sunt cohortationes,
 obiurgationes, consolationes, miserationes, o-
 mnisq; ad omnem animi motum impulsio, & si ita
 res feret, mitigatio. Explicatis igitur his generi

bus ac modis disceptationum omnium, nihil sane
 ad rem pertinet si qua in re discrepauit ab An-
 tonij diuisione nostra partitio. Eadem enim sunt
 membra in utriusq; disputationibus, sed paulo
 secus à me atq; ab illo partita ac distributa.
 Nunc ad reliqua progrediar, meq; ad meum
 munus pensumq; reuocabo. Nam ex illis locis
 quos exposuit Antonius, omnia sunt ad quaq;
 genera quaestionum argumenta sumenda: sed
 alijs generibus alijs loci magis erunt apti. de quo
 non tam quia longum est, quam quia perspicuum,
 dici nihil est necesse. Ornatisime sunt igitur
 orationes ex qua lenissimè uagantur, et à priuata
 ac singulari controuersia se ad uniuersi generis
 uim explicandam conserunt & conuertunt, ut
 ij qui audiant, uatura & genere, & uniuersa re
 cognita, de singulis rebus & criminibus & liti-
 bus statuere possint. Hanc ad consuetudinem
 exercitationis nos adolescentes est cohortatus
 Antonius, atq; à minutis angustisq; concerta-
 tionibus ad omnem uim uarietatemq; uos disse-
 rendi iraducendos putauit. Quare non est pau-
 eorum libellorum hoc munus, ut ij qui scripse-
 runt de dicendi ratione, arbitrati sunt, neque
 Tusculani, atq; huius ambulationis antemeridi-
 ana, aut nostra promeridiana sessionis. Non
 enim solum acuenda nobis, neq; procudenda
 lingua est, sed ornandum complendumq; pe-
 ctus maximarum rerum & plurimarum suauitate,

tate, copia, uarietate. Nostra est enim (si modo nos oratores sumus, si in ciuium disceptationibus, si in periculis, si in deliberationibus publicis adhibendi auctores & principes sumus) nostra est inquam omnis ista prudentie doctrinaq; possessio, in quam homines quasi caducam atq; uacuum, abundantes otio, nobis occupatis inuolauerunt: atq; etiam aut irrident oratorem, ut ille in Gorgia Socrates cauillatur: aut aliquid de oratoris arte paucis precipiunt libellis, eosq; rhetoricos inscribunt: quasi non illa sint propria rhetorum, quae ab iisdem de iustitia, de officio, de ciuitatibus instituendis & regendis, de omni uiuendi, deniq; etiam de natura ratione dicuntur. Quae quoniam iam aliunde non possumus, sumenda sunt nobis ab ijs ipsis, à quibus expilati sumus: dummodo illa ad hanc ciuilem scientiam, quod pertinent, & quam intuentur, transferamus: neq; (ut antè dixi) omnem terramus in his discendis rebus atatem: sed cum fontes uiderimus (quos nisi qui celeriter cognouerit, nunquam cognosceret omnino) tum quotiescunq; opus erit, ex ijs tantum quantum res petet, hauriemus. Nam neq; tam est acris doctus in naturis hominum & ingenijs, ut res tantas quisquam, nisi monstratus, possit uidere: neq; tanta tamè in rebus obscuritas, ut eas non penitus acri uir ingenio cernat, si modo aspexerit. In hoc agitur tanto tamq; immenso campo cum liceat

oratori uagari liberè, atq; ubicunq; constiterit, consistere in suo: facile suppeditat omnis apparatus ornatusq; dicendi. Rerū enim copia, uerborum copiā gignit: & si est honestas in rebus ipsis de quibus dicitur, existit ex rei natura quidam splendor in uerbis. Sit modo is qui dicet aut scribet, institutus liberaliter educatione doctrinaq; puerili, & flagret studio, & à natura adiunctur, & in uniuersorū generū infinitis disputationibus exercitatus, ornatissimos scriptores oratoresq; ad cognoscendū, imitandūq; cognorit: ne ille haud sanè quēadmodū uerba struat & illuminet, à magistris istis requireret. Ita facile in rerum abundantia ad orationis ornamenta sine duce, natura ipsa, si modò est exercitata, labetur. Hic Catulus, *Dij immortales*, inquit, quantam rerū uarietatem, quantam uim quantam copiā Crasse complexus es, quātisq; ex angustijs oratorē educere ausus es, & in maiorum suorū regno collocare. Nanq; illos ueteres doctores autoresq; dicendi, nullum genus disputationis à se alienum putasse accepimus, semperq; esse in omni orationis ratione uersatos: ex quibus Eleus Hippias cū Olympiam uenisset maxima illa quinquennali celebritate ludorū, gloriatus est cuncta penè audiente Græcia, nihil esse ulla in arte rerū omnium, quod ipse nesciret, nec solū has artes, quibus liberales doctrina atq; ingenue continerentur, geometriam, musicam,

cam, literarum cognitionem, & poetarum, atq;
 illa quæ de naturis rerum, quæ de hominū mo-
 ribus, quæ de Rebus pub. diccrētur: sed annulum
 quem haberet, pallium quo amictus, soccos qui-
 bus indutus esset, se sua manu confecisse, Scili-
 cet nimis hic quidem est progressus, sed ex eo
 ipso est coniectura facilis, quantum sibi illi ipsi
 oratores de præclarissimis artibus appetierint,
 qui ne sordidiores quidē repudiarint. Quid de
 Prodicō Ceo, quid de Thrasymacho Chalcedo-
 nio, de Protagora Abderita loquar, quorum
 unusquisq; plurimū tēporibus illis etiam de na-
 tura rerū et disseruit, & scripsit? Ipse ille Leon-
 tinus Gorgias, quo patrono (ut Plato uoluit)
 philosopho succubuit orator, qui aut non est ui-
 ctus unquā à Socrate, neq; sermo ille Platonis
 uerus est: aut si est uictus, eloquentior uidelicet
 fuit & disertior Socrates, & ut tu appellas, co-
 piosior & melior orator, sed hic in illo ipso Pla-
 tonis libro, de omni re, quæcunq; in disceptatio-
 nem quæstionemq; uocaretur, se copiosissimē
 dicturum esse profitetur: isq; princeps ex omni-
 bus ausus est in conuentu poscere quæ de re
 quisq; uellet audire: cui tātus honos habitus est
 à Græcia; soli ut ex omnibus, Delphis non in-
 aurata statua, sed aurea statueretur. Atq; ij
 quos nominari, multiq; præterea summi dicen-
 di doctores, uno tempore fuerunt. Ex quibus
 intelligi potest ita se rem habere, ut in Crasse

dicis, oratorisq; nomen apud antiquos in Graecia maiore quadam uel copia uel gloria floruisse. Quo quidem magis dubito tibi ne plus laudis, an Graecis uituperationis esse tribuendum statuam: cum tu in alia lingua ac moribus natus occupatissima in ciuitate, uel priuatorum negotijs penè omnibus, uel orbis terra procuracione, ac summi imperij gubernatione districtus, tantam uim rerum cognitionemq; comprehenderis, eamq; omnem cum eius qui consilio et oratione in ciuitate ualcat, scientia atq; exercitatione sociaris: illi nati in literis, ardentescq; his studijs, otio uerò disfluente, non modò nihil acquisierint, sed ne relictum quidem et traditum et suum conseruari. Tum Crassus, Non in hac, inquit, una Catule re, sed in alijs etiam compluribus, distributione partium ac separatione magnitudines sunt artium diminuta. An tu existimas, cum esset Hippocrates ille Couis, fuisse etiam alios medicos qui morbis, alios qui uulneribus, alios qui oculis mederentur? Num geometriam Euclide aut Archimede, num musicam Damone aut Aristoxeno, num ipsas literas Aristophane aut Callimacho tractante, tam discerptas fuisse, ut nemo genus uniuersum complecteretur, atq; ut alius aliam sibi partem, in qua elaboraret, seponeret? Equidem saepe hoc audiui de patre et de socero meo, nostros quoq; homines qui excellere sapientia gloria

gloria uellent, omnia quæ quidem tum hæc ciui-
tas nosset, solitos esse complecti. Meminerant illi
Sex. Atilium. M. uero Manilium nos etiam
uidimus transuerso ambulante foro: quod erat
insigne, eum qui id faceret, facere ciuibus omni-
bus consilij sui copiam, ad quos olim & ita am-
bulantes, & in solio sedentes domi, sic adibat
non solum ut de iure ciuili ad eos, uerum etiam
de filia collocanda, de fundo emendo, de agro co-
lendo, de omni deniq; aut officio aut negotio re-
ferretur. Hæc fuit P. Crassi illius ueteris, hæc T.
Coruncani, hæc proau generi mei Scipionis
prudētissimi hominis sapientia, qui omnes pon-
tifices maximi fuerunt, ut ad eos de omnibus di-
xinis atq; humanis rebus referretur: ydemq; &
in senatu, & apud populum, & in causis ami-
corum, & domi & militia consilium suum fi-
demq; præstabant. Quid enim M. Catoni præ-
ter hanc politicissimam doctrinam transmarinam
atque aduentitiam defuit? num quia ius ciuile
didicerat, causas non dicebat? aut quia poterat
dicere, iuris scientiam negligebat? at ueroq; in
genere & laborauit, & prestitit. Num propter
hanc ex priuatorum negotijs collectam gratiam
rardior in Repub. capeffenda fuit? Nemo apud
populum fortior, nemo melior senator, idem fa-
cile optimus imperator: deniq; nihil in hac ci-
uitate temporibus illis sciri discine potuit, quod
ille non cum inuestigauit & scierit, tum etiam

conscripterit. Nunc contra plerique ad honores adipiscendos & ad Kemp. gerendam nudi veniunt atq; inermes, nulla cognitione rerum, nulla scientia ornati. Sin aliquis excellit unus è multis, effert se si unum aliquid affert, ut bellicam virtutem, aut usum aliquem militare (que sane nunc quidem obsoleverunt) aut iuris scientiam (ne eius quidem uniuersi: nam pontificium quod est coniunctum, nemo discit) aut eloquentiam quam in clamore, & in uerborum cursu positam putant: omnium uero bonarum artium, denique uirtutum ipsarum societatem cognitionemq; non norunt. Sed ut ad Gracos referam orationem, quibus carere in hoc quidem sermonis genere non possumus (nam ut uirtutis à nostris, sic doctrinae sunt ab illis exempla repetenda) septem fuisse dicuntur uno tempore, qui sapientes & haberentur, & uocarentur. hi omnes praeter Milesium Thalem ciuitatibus suis praefuerunt. Quis doctior iisdem illis temporibus, aut cuius eloquentia literis instructior fuisse traditur, quam Pisistrati, qui primus Homeris libros confusos antea, sic disposuisse dicitur ut nunc habemus? Non fuit ille equidem ciuibus suis utilis, sed ita eloquentia floruit, ut literis doctrinaq; praestaret. Quid Pericles? de cuius dicendi copia sic accepimus, ut cum contra uoluntatem Atheniensium loqueretur pro salute patriae, seuerius tamen id ipsum, quod ille contra

tra

tra populares homines diceret, populare omnibus & iucundum uideretur: cuius in labris ueteres comici etiā cum illi maledicerent (quod sum Athenis fieri liceret) lepōrem habuisse dixerunt: tantamq; in eo uim fuisse, ut in eorum mentibus qui audissent, quasi aculeos quosdam relinqueret. At hunc nō declamator aliquis ad clepsydram lairare docuerat, sed ut accepimus, Clazomenius ille Anaxagoras, uir summus in maximarum rerum scientia. Itaq; hic doctrina, consilio, eloquentia excellens, quadraginta annos præsuit Athenis, & urbanis eodem tempore, & bellicis rebus. Quid Critias? quid Alcibiades? ciuitatibus suis quidem non boni, sed certē docti atque eloquentes, non ne Socraticis erāt disputationibus eruditi? Quis Dionem Syracusium doctrinis omnibus expoliuit? non Plato? Atque eum idem ille non linguae solū, uerū etiam animi ac uirtutis magister ad liberandam patriam impulit, instruxit, armauit. Alijs ne igitur artibus hunc Dionem instituit Plato, alijs Isocrates clarissimum uirum Timotheum Cononis praestantissimi imperatoris filiū, summum ipsum imperatorem, hominemq; doctissimū? aut alijs Pythagoreus ille Zysias Thebanum Epaminondam, haud scio an summum uirum unum omnis Graeciae? aut Xenophon Agesilaum, aut Philolaum Architas Tarentinus? aut ipse Pythagoras totam illam ueterem

Italiæ Græciam; quæ quondam magna uocitata est? Equidem nō arbitror. Sic enim uideo, unam quandam omnium rerum quæ essent homine erudito dignæ, atq; eo qui in Repub. uellet excellere, fuisse doctrinam: quam qui accepissent, si iſdem ingenio ad pronuntiandum ualuiſſent, & ſe ad dicendum quoq; non repugnante natura dediſſent; eloquentia præſtitiſſe. Itaq; ipſe Ariſtoteles cū florere Iſocratem nobilitate diſcipulorum uideret, quōd ipſe ſuas diſputationes à cauſis forenſibus & ciuilibus ad inanem ſermonis elegantiam tranſtulſſet: mutauit repente totam formā propè diſciplinæ ſuæ, uerſumq; quendam de Philocleta paulo ſecus dixit. Ille enim turpe ſibi ait eſſe tacere cum barbaris: hic autem, cum Iſocratem pateretur dicere. Itaq; ornauit & illuſtrauit doctrinam illam omnem, rerumq; cognitionem cum orationis exercitatione coniunxit. Neque uerò hoc fugit ſapientiſſimum regem Philippum, qui hunc Alexandro filio doctorem accierit, à quo eodem ille & agendi acciperet præcepta, & eloquendi. Nunc ſiue qui uolet, cum philoſophum qui copiam nobis rerum orationisq; tradat, per me appellet oratorem licet: ſiue hunc oratorem, quem ego dico ſapientiam iunctam habere eloquentiæ, philoſophum appellare malit, non impediam: dummodo hoc conſlet, neq; infantiā eius qui rem norit, ſed eam explicare dicendo non queat: neque

iſcit

in scitiam illius cui res non suppetat, uerba non
desint, esse laudandam: quorum si alterum sit
optandum, malim equidem indiscretam pruden-
tiam, quam stultitiam loquacem. Sin querimus
quid unum excellat ex omnibus, docto oratori
palma danda est: quem si patiuntur eundem esse
philosophum, sublata controuersia est. sin eos
disiungent, hoc erunt inferiores, quod in oratore
perfecto inest omnis illorum scientia, in philoso-
phorum autem cognitione non continuo inest
eloquentia: quae quamuis contemnatur ab eis,
necesse est tamen aliquem cumulum illorum ar-
tibus asserre uideatur. Hoc cum Crassus dixisset,
parumper & ipse conticuit, & ceteris silentium
fuit. Tum Cotta, Equidem, inquit, Crasse, non
possum queri quod mihi uideare aliud quiddam,
& non id quod suscepis, disputasse: plus enim
aliquanto attulisti, quam tibi esset tributum à
nobis, ac denuntiatum. Sed certe haec partes fue-
runt tuae, de illustranda oratione ut diceres: &
eras ipse iam ingressus, atque in quatuor partes
omnem orationis laudem descripseras: cumq; de
duabus primis nobis quidem satis, sed, ut ipse
dicebas, celeriter exigueq; dixisses, duas tibi re-
liquas feceras, quemadmodum primi in ornatè,
deinde etiam aptè dicrenus: quò cum ingressus
esses, repente te quasi quidam æstus ingenij sui
procul à terra abripuit, atq; in altum à cōspectu
penè omnium abstraxit: omnemq; rerum scien-
tiam

riam complexus, non tu quidem eam nobis tradidisti (neq; enim fuit tam exigui temporis) sed apud hos quid profeceris nescio, me quidem in *Academiā* totum compulisti: in qua uelim sit illud quod sepe posuisti, ut non necesse sit cōsumere atatem, atq; ut possit is illa omnia cerne re, qui tantummodo aspexerit: sed etiam si est aliquanto spissius, aut si ego sum tardior, profecto nunquam conquiescam neq; defatigabor antē quā illorum ancipites uias rationesq; & pro omnibus & contra omnia disputandi, per cepero. Tum *Cesar*, *Vnum*, inquit, me ex tuo ser mone maximē *Crasse* commouit, quod eū nega sti qui non citō quid didicisset, unquam omnino posse perdiscere: ut mihi non sit difficile pericli sari, & aut statim percipere ista quae tu uerbis ad cælum extulisti: aut si non potuerim, tempus non perdere, eū tamen his nostris possim esse contentus. Hic *Sulpitius*, *Ego* uerō, inquit, *Cras se*, neq; *Aristotelem* istum, neq; *Carneadem*, nec philosophorum quenquam desidero: uel me licet existimes desperare posse ista perdiscere, uel id quod facio, contemnere: mihi rerum foren sium & communium uulgaris haec cognitio sa tis magna est ad eam quam specto eloquentiā, ex qua ipsa tamen permulta nescio: quae tum deni que, cū causa aliqua quae a me dicenda est, de siderat, quero. Quamobrem nisi fortē es iam de fessus, & si tibi non graues sumus, refer ad illa

te, quæ ad ipsius orationis laudem splendoremq;
pertinent: quæ ego ex te audire uolui, non ut de-
sperarem me eloquentiam consequi posse, sed ut
aliquid addiscerem. Tum Crassus, Peruulgatas
res requiris, inquit, & tibi non incognitas Sul-
piti. Quis enim de isto genere non docuit? non
instituit? non etiam scriptum reliquit? Sed ge-
ram morem, & ea duntaxat quæ mihi nota
sunt, breuiter exponam tibi: censebo tamen ad
eos qui autores & inuentores sunt harum sanè
minutarum rerum, reuertendum. Omnis igitur
oratio conficitur ex uerbis: quorum primum no-
bis ratio simpliciter uidenda est, deinde coniun-
ctè. Nam est quidam ornatus orationis qui ex
singulis uerbis est: alius, qui ex continuatis con-
iunctisq; cõstat. Ergo utemur uerbis aut ijs quæ
propria sunt, & certa quasi uocabula rerum, penè
una nata cum rebus ipsis: aut ijs quæ transfe-
runtur, & quasi alieno in loco collocantur: aut
ijs quæ nouamus & facimus ipsi. In proprijs est
igitur uerbis illa laus oratoris, ut abiecta atque
obsoleta fugiat, lectis atque illustribus utatur,
in quibus plenum quiddam & sonans inesse ui-
deatur. Sed in hoc uerborum genere priorum
delectus est quidam habendus, atque is aurium
quodam iudicio ponderandus: in quo consuetu-
do etiam bene loquendi ualet plurimum. Etiam
hoc, quod uulgò de oratoribus ab imperitis dici
solet, Bonis is uerbis, aut aliquis non bonis
ntie

utitur : non arte aliqua perpenditur , sed quodam quasi naturali sensu dicitur. in quo non magna laus est vitare vitium , quanquam id est magnum : verum hoc quasi solum quoddam atque fundamentum est, verborum usus & copia bonorum. sed quid ipse edificet orator. & in quo adiungat artem, id esse à nobis querendum atque explicandum videtur. Tria sunt igitur in verbo simplici quæ orator asserat ad illustrandam atque exornandam orationem : aut inusitatum verbum, aut novum, aut translatum. Inusitata sunt prisca ferè ac vetusta, & ab usu quotidiani sermonis iamdudum intermissa : quæ sunt poetarum licentie liberiora , quàm nostræ : sed tamen rarò habet etiam in oratione poeticum aliquod verbum dignitatem. Neque enim illud fugerim dicere ut Cælius , *Qua tempestate Pœnus in Italiam venit : nec prolem , aut sobolem, aut effari, aut nuncupari : aut, ut tu soles Catule, Non rebar, aut opinabar,* & alia multa, quibus loco positus grandior atque antiquior oratio sæpe uideri solet. Novantur autem verba, quæ ab eo, qui dicit, ipso gignantur ac sunt, vel coniungendis verbis, ut hæc :

Tum pauor sapientiam mihi omnem ex animo expectorat.

An num non vis huius me versutiloquas malitias?

Videris enim & versutiloquas, & expectorat.

ex coniunctione facta esse uerba, non nata. Vel
sæpe sine coniunctione uerba nouantur, ut,

Ille sensus disertus, indigenitalis : ut, *Baccarum*
ubertate incurrescere.

Tertius ille modus transferendi uerbi latè patet
quem necessitas genuit inopia coacta & angu-
stis, post autem delectatio incunditasq; celebra-
uit. nam ut uestis frigoris depellendi causa re-
perta primò post adhiberi coepta est ad ornatum
etiam corporis, & dignitatem: sic uerbi transla-
tio instituta est inopie causa, frequentata dele-
ctationis. nam gemmare uites, luxuriam esse in
herbis, laetis segetes, etiam rustici dicunt. Quod
enim declarari nix uerbo proprio potest, id trans-
lato cum est dictum, illustrat id quod intelli-
gimus, eius rei quam alieno uerbo posuimus,
similitudo. Ergo hæ translationes quasi mu-
tuationes sunt, cum quod non habeas, aliunde
sumas. Illæ paulò audaciores, quæ non inopiam
inducant, sed orationi splendoris aliquid accer-
sunt : quorum ego quid uobis aut inueniendi
rationem, aut genera ponam? Similitudinis est
ad uerbum unum contracta breuitas: quod uer-
bum in alieno loco tanquam in suo positum si
agnoscitur, delectat : si simile nihil habet, repu-
diatur. Sed ea transferri oportet quæ aut clarior-
rem faciunt rem, ut illa omnia,

-Inhormescit mare,

Tenebræ conduplicantur, noctisq; & nim-
būm

bûm occecat nigror,
 Flamma inter nubes enruscat, cœlum tonitru
 contremat,
 Grando mista imbri largifluo subita præcipi-
 tans cadit,
 Undiq; omnes uenti erumpunt, seui existunt
 turbines.

Fernet æstu pelagus-
 omnia ferè, quò essent clariora, translatis per si-
 militudinem uerbis dicta sunt. At quò signifi-
 cetur magis res tota siue facti alicuius, siue con-
 sili; ut ille qui occultantem consultò, ne id quod
 ageretur, intelligi posset, duobus translatis uer-
 bis similitudine ipsa indicat,

Quandoquidem isle circumuestit dictis, sepiè
 sedulo.

Nonnunquam etiam breuitas translatione con-
 ficitur, ut illud,

Si telum manu fugit.

Imprudentia teli emissi breuius proprijs uerbis
 exponi nò potuit, quàm est uno significata trans-
 lato. Atque hoc in genere per sepe mihi admi-
 randum uidetur quid sit quò omnes translatis
 & alienis magis delectantur uerbis, quàm pro-
 prijs & suis. nam si res suum nomen, & pro-
 prium uocabulum non habet, ut pes, in naui, ut
 nexum quod per libram agitur, ut in uxore di-
 uortium: necessitas cogit, quod nò habeas, aliun-
 de sumere: sed in suorum uerborum maxima
 copia

copia tamen homines aliena multo magis, si sunt ratione translata, delectant. Id accidere credo uel quòd ingenij specimen est quoddam transilire: ante pedes posita, & alia longè reperta sumere: uel quòd is qui audit, aliò ducitur cogitatione, neq; tamen aberrat, quæ maxima est delectatio: uel quòd singulis uerbis res, ac totum simile conficitur: uel quòd omnis translatio, quæ quidem sumpta ratione est, ad sensus ipsos admouetur, maxime oculorum, qui est sensus acerrimus. Nam & odor urbanitatis, & mollitudo humanitatis, & murmur maris, & dulcedo orationis, sunt ducta à cæteris sensibus: illa uerò oculorum multo acriora, quæ ponunt penè in conspectu animi quæ cernere & uidere non possumus. Nihil est enim in rerum natura cuius non in alijs rebus possimus uti uocabulo & nomine. Unde enim simile duci potest (potest autem ex omnibus) indidem uerbum unum, quod similitudinem continet, translatum lumen affert orationi. quo in genere primum fugienda est dissimilitudo.

-Celi ingentes fornices.

Quamuis spheram in scenam (ut dicitur) attulerit Ennius, tamen in sphaera forniciis similitudo non potest inesse.

-Vive Ulysses dum licet.

Oculis postremum lumen radiatum rape.

Non dixit cape, non pete, haberet enim moram.

sperantis diutius esse sese uicturum: sed rāpe. hoc uerbū est ad id aptatū quod antē dixerat, Dum licet. Deinde uidendū est ne longē simile sit dictum, Syrim patrimonij, scopulū libetius dixerim. Carybdim bonorū, uoraginem potius. facilius enim ad ea quæ uisa, quā ad illa quæ audita sunt, mentis oculi feruntur. Et quoniā hæc uel summa laus est uerbi transferēdi, ut sensum feriat id quod translātū sit, fugienda est omnis turpitudine earum rerum ad quas eorum animos qui audiunt, trahet similitudo. Nolo morte dici Africani castratā esse Kemp. nolo stercus currie dici Glauciā. quāuis sit simile, tamen est in utroq; deformis cogitatio similitudinis. Nolo esse aut maius quā res postulet, Tempestas comesationis, aut minus, Comesatio tempestatis. Nolo esse uerbum angustius id quod translātum sit, quā fuisset illud proprium, ac suum.

Quidnam est obsecro? quid te adiri abnutas? Melius esset, uetas, prohibes, absterres: quoniā ille dixerat, - Illico istic

Ne contagio mea bonis, umbrāue obsit.

Atq; etiam si uerere ne paulo durior translatio esse uideatur, mollienda est preposito sepe uerbo: ut si olim M. Catone mortuo pupillum senatum quis relictum diceret, paulo durius sin, ut ita dicam, pupillum, aliquantō mitius est. Etenim uerecunda debet esse translatio, ut deducta esse in alienum locum, non irruisse: atq;
ut prece

ut precario, non ui uenisse uideatur. Modus
autem nullus est florantior, & uis in singulis
uerbis, nec qui plus luminis afferat orationi.
Nam illud quod ex hoc genere profluit, non est
in uno uerbo translato, sed ex pluribus conti-
nuatis conuoluitur, ut aliud dicatur, aliud in-
telligendum sit:

- Neq; me patior

Iterum ad unum scopulum & telum classem
Achiuū offendere.

Atque illud,

Erras, erras: nam exultantem te, & presi-
dentem tibi,

Reprimens ualida legum habena, atq; impe-
rii insistent iugo.

Sumptum re simili, uerba eius rei propria dein-
ceps in rem aliam (ut dixi) transferuntur. Est
hoc magnum ornamentum orationis, in quo ob-
scuritas fugienda est. Etenim ex hoc genere
fiunt ea quae dicuntur anigmata. Non est autē
in uerbo modus hic, sed in oratione, id est in con-
tinatione uerborum. Ne illa quidem tradu-
ctio atq; immutatio, in uerbo quandam fabri-
cationem habet, sed in oratione:

Africa terribili tremuit horrida terra tumultu.
Pro Afris est sumpta Africa: neq; factum
uerbum est, ut - Mare saxifragis undis, neq;
translatum, ut Mollitur mare, sed ornandi cau-
sa proprium proprio commutatum,

Desine Roma tuos hosteis-

- Testes sunt campi magni.

Gravis est modus in ornatu orationis, & saepe sumendus: ex quo genere hæc sunt, Martē belli esse communē, Cererē pro frugibus, Liberum appellare pro uino, Neptunum pro mari, Curiam pro senatu, Campū pro comitijs, Togā pro pace, Arma ac tela pro bello. Quo item in genere & uirtutes et uitia pro ipsis in quibus illa sunt, appellantur: Luxuries quam in domum irrūpit, & Quō auaritia penetravit, aut, Fides ualuit, Iustitia confecit. Videtis profecto genus hoc totum, cum inflexo commutatoq; uerbo res eadem enuntiatur ornatius, cui sunt finitima illa minus ornata, sed tamen non ignorāda, cum intelligi uolumus aliquid aut ex parte totum, ut pro aedificijs cum parietes aut tecta dicimus: aut ex toto partem, ut cum unam turmam equitatum populi Romani dicimus: aut ex uno plures,

At Romanus homo tamen etsi res bene gesta est, Corde suo trepidat.

Aut cum ex pluribus intelligitur unus:

Nos sumus Romani, qui fuimus Rutuli.

aut quocunq; modo non ut dictum est, in eo genere intelligitur, sed ut sensum est. Abutimur saepe etiam uerbo, non tam eleganter, quā in transferendo, sed etiam si licentius, tamen interdum non impudenter, ut cum grandem orationem pro magna, minutum animum pro paruo dicimus.

dicimus, Verum illa uidetisne esse non uerbi, sed orationis, quæ ex pluribus, ut exposui, translationibus connexa sunt? Hæc autem quæ aut immutata esse dixi, aut aliter intelligenda ac dicerentur, sunt translata quodammodo. Ita fit, ut omnis singulorū uerborum uirtus atq; laus tribus existat ex rebus: si aut uetustū uerbum sit, quod tamen consuetudo ferre possit: aut factum uel coniunctione, uel nouitate: in quo itē est auribus consuetudiniq; parcendū: aut translatum, quod maximè tanquam stellis quibusdam notat & illuminat orationē. Sequitur continuatio uerborū, quæ duas res maximè, collocationē primum, deinde modū quendam formamq; desiderat. Collocationis est cōponere & struere uerba, sic ut nēue asper earū concursus, nēue huius sit, sed quodammodo coagmentatus & leuis: in quo lepide soceri mei persona lusit, is qui elegantissimè id facere potuit, Lucilius:

Quam lepide lexcis composta, ut resserule omnes,

Arte pauimento atque emblemate uermiculaio.

quæ cum dixisset in Albutium illudens, ne à me quidem abstinuit.

Crassū habeo generū, ne rhetoricotero' tu sis. Quid ergo iste Crassus, quoniā eius abuteris nomine, quid efficit? Idem illud scilicet, ut ille uoluit, & ego uellē, melius aliquanto, quam Al-

butius. uerū in me quidem lufit ille, ut folet. Sed
 eſt tamē collocatio cōſeruanda uerborū, de qua
 loquor, quæ iunctā orationem efficit, quæ coha-
 rentem, quæ lenem, quæ aquabiliter fluentem. Id
 aſſequemini, ſi uerba extrema cum conſequen-
 tibus primis ita iungetis, ut nēue aſperē cōcur-
 rant, nēue naſtius diducantur. Hanc diligentia
 ſubſequitur modus etiam & forma uerborum:
 quod iam uereor ne huic Catulo uideatur eſſe
 puerile. Verſus enim ueteres illi in hac ſoluta
 oratione propemodum, hoc eſt numeros quosdā
 nobis eſſe adhibendos putauerunt. Interſpira-
 tionis enim, nō deſatigationis noſtra, neq; libra-
 riorū notis, ſed uerborū & ſentētiarū modo in-
 terpunctus clauſulus in orationibus eſſe uolue-
 runt. idq; princeps Iſocrates inſtituiſſe fertur, ut
 incondita antiquorū dicendi conſuetudinē, dele-
 ctationis atq; aurii cauſa (quæadmodū ſcribit
 diſcipulus eius Naucrates) numeris adſtringe-
 ret. Nāq; hæc duo muſici, qui erant quondā ydē
 poëta, machinati ad uoluptatem ſunt, uerſum,
 atq; cantū: ut & uerborū numero, & uocū mo-
 do, delectatione uincerent aurii ſatiētiā. Hæc
 igitur duo, uocis dico moderatiōē, & uerborū
 concluſiōē, quoad orationis ſeueritas pati poſ-
 ſit, à poëtica ad eloquentiā traducēdi duxerūt.
 in quo illud eſt uel maximum, quod uerſus in
 oratione ſi efficitur coniunctiōe uerborū, uitiū
 eſt: & tamen eam coniunctiōem ſicuti uerſum

nume

numerosè cadere, & quadrare, & perfici volumus: neque est ex multis res una quæ magis oratorem ab imperito dicendi, ab ignaroq; distinguat, quam quòd ille rudis inconditè fundit quantum potest, & id quod dicit spiritu non arte determinat: orator autem sic illigat sententiam verbis, ut eam numero quodam complectatur et adstricto, & soluto. Nam cū iunxit modis, forma & re laxat, & liberat immutatione ordinis: ut verba neq; alligata sint quasi certa, aliqua lege uersus, neq; ita soluta ut uagetur. Quo nam igitur modo tantum minus insistimus, ut arbitremur nos hanc uim numerosè dicèdi consequi posse? Non est res tam difficilis, quam necessaria. Nihil est enim ita tenerū, neq; ita flexibile, neq; quod ita facile sequatur quocunq; duceas, quam oratio, ex hac uersus, ex eadē disparer numeri cōficiuntur. ex hac hac etiā soluta uarijs modis, nulliorūq; generū oratio. Non enim sunt alia sermonis, alia contentionis uerba: neq; ex alio genere ad usum quotidianum, alio ad scenā pōpamq; sumuntur: sed ea nos cum iacenzia sustulimus è medio, sicut mollissimam ceram ad nostrum arbitrium formamus & fingimus. Itaque tum graues sumus, tum subiles, tum medium quiddam tenemus sic institutam nostram sententiam sequitur orationis genus: idq; ad omnem rationem, & aurium uoluptatem, & animorū motum mutatur & ueritur.

Sed ut plerisq; rebus incredibiliter hoc natura est ipsa fabricata, sic in oratione, ut ea quæ maximam utilitatem in se continerent, eadē haberent plurimum uel dignitatis, uel sepe etiam uenustatis. Incolumitatis ac salutis omnium causa uidemus hunc statum esse huius totius mundi atq; naturæ, rotundū ut cælum, terraq; ut media sit, eaq; sua uē nutuq; teneatur: sol ut circumferatur, ut accedat ad brumale signum, & inde sensim ascendat in diuersam partē, ut luna accessu & recessu suo solis lumen accipiat: ut eadem spatia quinq; stelle dispares motu cursuq; conficiant. hæc tantam habent uim, ut paulum immutata, coherere non possint: tantam pulchritudinem, ut nullæ species ne excogitari quidem possit ornatio. Referte nunc animum ad hominum uel etiam ceterarum animantium formam & figuram: nullam partē corporis sine aliqua necessitate affictam, totamq; formam quasi perfectam reperiētis arte, non casu. Quid in arboribus? in quibus non truncus, non rami, non folia sunt deniq;, nisi ad suam retinendam conseruandamq; naturam: nusquam tamen est ulla pars, nisi uenusta. Zinquamus naturam. artesq; uideamus. Quid tam in nauigio necessarium, quàm latera, quàm carina, quàm prora, quàm puppis, quàm antēna, quàm uela, quàm mali, quàm reliqua? quæ tamen hanc habent in specie uenustatem, ut nō solum salutis, sed etiam

uolupte

voluptatis causa inuenta esse uideantur. Colum-
 mnæ & tēpla & porticus sustinent: tamen ha-
 bent non plus utilitatis, quam dignitatis. Capi-
 toliū fastigium illud, & ceterarum adium, non
 uenustas, sed necessitas ipsa fabricata est. Nam
 cum esset habita ratio quomodo ex utraq;
 parte cēli aqua delaberetur, utilitatem templi
 fastigij dignitas consecuta est: ut etiā si in calo
 Capitolium statueretur, ubi imber esse non pos-
 set, nullam sine fastigio dignitatem habiturum
 fuisse uideatur. Hoc in omnibus item partibus
 orationis euenit, ut utilitatem ac prope necessi-
 tatem suauitas quedam ac lepos consequatur.
 Clausulas enim atq; interpuncta uerborum, ani-
 me interclusio, atque angustia spiritus attule-
 runt. Id inuentum est ita suauē, ut sicuti sit infi-
 nitus spiritus datus, tamen cum perpetuare uer-
 ba nolimus. Id enim auribus nostris gratum est
 inuentum, quod hominum lateribus non tole-
 rabile solum, sed etiam facile esse possit. Lon-
 gissima est igitur complexio uerborum, qua
 uolui uno spiritu potest. sed hic natura modus
 est, artis alius. Nam cum sint numeri plures,
 Iambum & Trocheum frequentem segregat
 ab oratore. Aristoteles, Catule, uester: qui na-
 tura tamen incurrunt ipsi in orationem ser-
 monemq; nostrum: sed sunt insignes percussio-
 nes eorum numerorum, & minuti pedes. Quare
 primum ad heroum nos dactyli & anapæsti

Et spondei pedem inuitat, in quo impune progredi licet duos duntaxat pedes, aut paulo plus, ne plane in uersum, aut similitudinem uersuum incidamus. Alia sunt geminae, quibus hi tres heroi pedes in principia continuandorum uerborum satis de corè cadunt. Probatum autem ab eodè illo maxime pæon, qui est duplex, nam aut à longa oritur, quam tres breues consequuntur, ut hæc uerba, desinite, incipite, comprimite: aut à breuibz deinceps tribus extrema producta, atque longa, sicut illa sunt, domuerant, sonipedes, atque illi philosopho ordiri placet à superiore pæone, posteriore finire. Est autem pæon hic posterior non syllabarum numero, sed aurium mensura, quod est acrius iudicium & ceterius, par serè cretico, qui est ex longa, & breui, & longa ut,

Quid petā præsidiū, aut exequar? quòue nunc.
A quo numero exorsus est Fannius,

Si Quirites minas illius.

Hunc ille clausulis aptiorē putat, quas uult longa plerumq; syllaba terminari. Neque uerò hæc tam acrim curam diligentiamq; desiderant, quàm est illi poëtarum, quos necessitas cogit & ipsi numeri ac modi sic uerba uersu includere, ut nihil sit ne spiritu quidem minimo breuius aut longius quàm necesse est. Liberior est oratio, & planè, ut dicitur, sic & est uerè soluta, nō ut fugiat tamē, aut erret, sed ut sine nunculis

culis sibi ipsa moderetur. Namq; ego illud assen-
sior Theophrasto, qui putat orationē, quæ qui-
dem sit polita atq; facta quodammodo, non ad-
strictē, sed remissius numerosam esse oportere.
Et enim sicut ille suspicatur, ex illis modis qui-
bus hic usitatus uersus efficitur, post anapaestus
procerior quidam numerus effloruit, inde ille
licentior & diuitior fluxit dithyrambus, cuius
membra & pedes, ut ait idem, sunt in omni lo-
cupletis oratione diffusa, & si numerosum est
id in omnibus sonis atq; uocibus, quod habet
quasdam impressiones, & quod metiri possu-
mus interuallis equalibus, rectē genus hoc nu-
merorum, dummodo ne continuum sit, in oratio-
nis laude ponetur. Nam si rudis & indocta pu-
tanda est illa sine interuallis loquacitas. peren-
nis & profluens, quid est aliud cause cur repu-
dictur, nisi quod hominum aures uocem natura
modulantur ipsa? quod fieri, nisi inest numerus
in uoce, non potest. numerus autem in conti-
nuatione nullus est. distinctio, & equalium
& saepe uariorum interuallonum percussio, nu-
merum conficit: quem in cadentibus guttis,
quod interuallis distinguuntur, notare possu-
mus: in amni precipitante non possumus. Quod
si continuatio uerborum hæc soluta multo est
aptior atq; inuendior, si est articulus membrisque
distincta, quam si continuata ac producta, uer-
ba illa modificata esse debent: quæ si in extre-
mo bre

mo breuiora sunt, infringitur ille quasi uerborum ambitus. Sc enim has orationis conuersiones Græci nominant. Quare aut paria esse debent posteriora superioribus, extrema primis: aut, quod etiam est melius & iucundius, longiora. Atq; hæc quidem ab ijs philosophis quos tu maxime diligis Catule, dicta sunt, quod eò sepius testificor, ut autoribus laudandis inceptiarum crimen effugiam. Quarum tandem, inquit Catulus? aut quid disputatione ista afferri potest elegantius? aut omnino dici subtilius? At enim uereor, inquit Crassus, ne hæc aut difficiliora istis ad prosequendum esse uideantur, aut quia non traduntur in uulgari ista disciplina, nos ea maiora ac difficiliora uideri uelle uideamur. Tum Catulus: Erras, inquit, Crasse, si aut me, aut horum quenquā putas à te hæc opera quotidiana et peruagata expectare. ista quæ dicis, dici uolumus, neq; tam dici, quàm isto dici modo: neq; tibi hoc pro me solum sed pro his omnibus sine ulla dubitatione respondeo. Ego uerò, inquit Antonius, inueni tadem quem negaram in eo quem scripsi libello, me inuenisse, eloquentem: sed eò te ne laudandi quidem causa interpellauim, nequid de hoc tam exiguo sermonis tui tempore, uerbo uno meo diminueretur. Hanc igitur, Crassus inquit, ad legem cum exercitatione, tum stylo, qui & alia, & hoc maxime ornat ac limat, formanda uobis oratio est. neq;

tamen

tamen hoc tanti laboris est, quanti uidetur: nec sunt hac rhythmicorum ac musicorū acerrima norma dirigenda: & efficiendum est illud modo uobis, ne effluat oratio, ne uagetur, ne insistas interius, ne excurrat longius, ut membris distinguatur, ut conuersiones habeat absolutas. Neq; semper utendū est perpetuitate, & quasi conuersione uerborum, sed sepe carpenda membris minutioribus. oratio est, quæ tamen ipsa membra sunt numeris uincienda. Neq; uos pæan, aut herous ille conturbet: ipsi occurrent orationi, ipsi inquam se offerent, & respondebunt non uocari: consuetudo modo illa sit scribendi atq; dicendi, ut sententiæ uerbis finiantur, eorumq; uerborum iunctio nascatur à proceris numeris ac liberis, maximè heroo, & pæane priore, aut cretico, sed uariè distincteq; considat. Notatur enim maximè similitudo in conquiescendo: & si primi & postremi illi pedes sunt hac ratione seruati, medij possunt latere: modò ne circuitus ipse uerborum sit, aut breuior quàm aures expectent, aut longior quàm uires atq; anima patiatur. Clausulas autem diligentius etiam seruandas esse arbitror, quàm superiora, quòd in his maximè perfectio atq; absolutio indicatur. Nam uersus a quæ prima & media & extrema pars attenditur: qui debilitatur in quacunq; sit parte titubatum. In oratione autem prima pauci cernunt, postrema pleriq;

qua

quæ quoniam apparent & intelliguntur, uarianda sunt, ne aut animorum iudicijs repudientur, aut aurium satietate. Duo enim aut tres sunt serè extremi seruandi & notandi pedes, si modo non breuiora & præcisa erunt superiora: quos aut chorios, aut heroos, aut alternos esse oportebit, aut in pæone illo posteriore, quem Aristoteles probat, aut ei pari cretico. Horum uicissitudines efficiunt ut neq; uisatiæ qui audient, fastidio similitudinis: nec nos id quod faciemus, opera dedita facere uideamur. Quòd si Antipater ille Sidonius, ille quem tu probè Catule meministi, solitus est uersus hexametros aliosq; uarijs modis atq; numeris fundere ex tempore, tantumq; hominis ingeniosi ac memoris ualuit exercitatio, ut cum se mente ac uoluntate coniecisset in uersum, uerba sequerentur: quanto id facilius in oratione, exercitatione & consuetudine adhibita consequemur? Illud autem nequis admiretur, quoniam modo hac uulgus imperitorum in audiendo notet, cum in omni genere, tum in hoc ipso magna quedam est uis incredibilisq; nature. Omnes enim tacito quodam sensu sine ulla arte aut ratione, quæ sint in artibus ac rationibus recta ac praua diiudicant: idq; cum faciunt in picturis, & in signis, & in alijs operibus, ad quorum intelligentiam à natura minus habent instrumenti, tum multo ostendunt magis in uerborum, numerorum,

hocum

nocumq; iudicio, quòd ea sunt in communibus
infixa sensibus, neq; earum rerum quengquam
funditus natura uoluit esse expertem. Itaq;
non solum uerbis arte positis mouentur omnes,
uerum etiam numeris ac uocibus. Quotus enim
quisque est qui teneat artem numerorum, ac
modorum? At in his si paulum modò offen-
sum est, ut aut contractione breuius fieret, aut
productione longius, theatra tota reclamant.
Quid? hoc non idem fit in uocibus? ut à multi-
tudine & populo non modò caterua atq; con-
uentus, sed etiam ipsi sibi singuli discrepantes
eijciantur? Mirabile est, cum plurimum in fa-
ciendo intersit inter doctum & rudem, quàm
non multum differat in iudicando. Ars enim,
cum à natura profecta sit, nisi naturam moueat
ac deleat, nihil sanè egisse uideatur. Nihil est
autem tam cognatum mentibus nostris, quàm
numeri atq; uoces: quibus & excitamur, &
incendimur, & lenimur, & languescimus, &
ad hilaritatem & ad tristitiam saepe deduci-
mur: quorum illa summa uis carminibus est
aptior & cantibus, non neglecta, ut mihi ui-
detur, à Numa rege doctissimo, maioribusq;
nostris, ut epularum solenniū fides ac tibie, Sa-
liorumq; uersus indicant: maximè autē à Grae-
cia uetere celebrata: quibus utinā, similibusq; de
rebus disputari, quā de puerilibus his uerborum
translationibus maluissetis. Verum ut in uersu
uulgus

vulgus, si est peccatum, uidet: sic si quid in nostra oratione claudicat, sentit: sed poeta non ignoscit, nobis concedit, tacite tamen omnes non esse illud quod diximus, aptum perfectumq; cernunt. Itaq; illi ueteres, sicut hodie etiam nonnullos uidemus, cum circuitū & quasi orbem uerborum conficere non possent (nam id quidem nuper uel posse uel audire cœpimus) ierna, aut bina, aut nonnulli singula etiam uerba dicebant: qui in illa infantia naturali illud quod aures hominum flagitabant, tenebant tamen: ut & illa essent paria qua dicerent, & aequalibus interpirationibus uerentur. Exposui ferè, ut potui, qua maximè ad ornatum orationis pertinere arbitrabar. dixi enim de singulorū laude uerborum, dixi de coniunctione eorum, dixi de numero, atq; forma. Sed si habitum etiam orationis, & quasi colorem aliquem requiritis, est plena quedam, & tamen teres, & tenuis, & non sine nervis ac uiribus, & ea qua particeps utriusq; generis quadā mediocritate laudatur. His tribus figuris insidere quidam uenustatis non fisco illitus, sed sanguine diffusus debet color. Tum deniq; nobis hic orator ita conformandus est & uerbis & sententijs, ut quemadmodum qui utuntur armis aut palestra, non solum sibi uitandi aut ferendi rationem esse habendā putant, sed etiam ut cum uenustate moueantur: sic uerbis quidem ad aptam compositionem.

& con.

Et condecentiam: sententijs uerò ad grauitatem orationis utatur, ut ij qui in armorum tractatione uersantur. Formantur autem Et uerba et sententia penè innumerabiles: quod satis scio notum esse uobis: sed inter conformationem uerborum Et sententiarum hoc interest, quòd uerborum tollitur, si uerba mutaris: sententiarum permanet, quibuscunq; uerbis uti uelis. Quod quidem uos etsi facitis, tamen admonendos puto, nequid esse aliud oratoris putetis, quod quidem sit egregium atq; mirabile: nisi in singulis uerbis illa tria tenere, ut translatis utamur frequèter, interdumq; factis, rarò autem etiam peruectis: in perpetua autem oratione, cum Et coniunctionis lenitatem, Et numerorum, quam dixi, rationem tenuerimus, tum est quasi luminibus distinguenda Et frequentanda omnis oratio sententiarum atq; uerborum. Nam Et commoratio una in re permultum mouet, Et illustris explanatio, rerumq; quasi gerantur, sub aspectum penè subiectio, qua Et in exponenda re plurimum ualet, Et ad illustrandum id quod exponitur, Et ad amplificandum: ut ijs qui audient, illud quod augebimus, quàtum efficere oratio poterit, tantum esse uideatur: Et huic contraria saepe praecisio est, Et plus ad intelligendum quàm dixerit, significatio Et distinctè cōcisa breuitas, Et extenuatio, Et huic adiuncta illusio, à praeceptis Caesaris non abhorrens: Et ab re non longa digressio in

qua cum fuerit delectatio, tum reditus ad rem aptius & concinnus esse debet: propositioq; quid sis dicturus, & ab eo quod est dictum, seiunctio: & reditus ad propositum: & iteratio, et rationis apta conclusio, tum augendi minucendae causa, ueritatis superlatio atq; traiectio, et rogatio atq; huic finitima quasi percontatio: expositioq; sententia sua: tum illa, qua maxime quasi irrepit in hominum mentes, alia dicentis ac significantis dissimulatio: qua est perincunda, cum in oratione, non contentione, sed sermone tractatur. deinde dubitatio, tum distributio, tum correctio uel ante uel post quam dixeris, uel cum aliquid a te ipso reijcias. Praemunitio est etiam ad id quod aggrediare, & reiectio in alium: communicatio, qua est quasi cum ijs ipsis apud quos dicis, deliberatio: morum ac uita imitatio uel in personis, uel sine illis, magnam quoddam ornamentum orationis, & aptum ad animos conciliandos uel maxime sepe autem etiam ad commouendos. Personarum ficta inductio, uel grauissimum lumen augendi: descriptio, erroris inductio, & in hilaritatem impulsio, ante occupatio: tum duo illa qua maxime mouent, similitudo, & exemplum, digestio, interpellatio, contentio, reticentia, commendatio, uox quaedam libera, atq; etiam effractor augendae causa: iracundia, obiurgatio, promissio, deprecatio, obsecratio, declinatio breuis a proposito.

non ut superior illa digressio, purgatio, conciliatio, lesio, optatio, atq; execratio his serè luminibus illustrent orationem sententia. Orationis autem ipsius tanquam armorum est uel ad usum comminatio, & quasi petitio, uel ad uenustatem ipsa tractatio. Nam & geminatio uerborum habet interdum uim, leporem aliàs: et paulum immutatum uerbum atq; deflexum, & eiusdem uerbi crebra tum à primo repetitio, tum in extremum conuersio: & in eadem uerba impetus, & concursio, & adiunctio, & progressio, & eiusdem uerbi crebrius positi quadam distinctio, & renocatio uerbi, & illa quæ similiter desinunt, aut quæ cadunt similiter, aut quæ paribus paria referuntur, aut quæ sunt inter se similia. Est etiam gradatio quadam, & conuersio, & uerborum concinna transgressio, & contrarium, & dissolutum, & declinatio, & reprehensio, & exclamatio, & imminutio, & quod in multis casibus ponitur, & quod de singulis rebus propositis ductum refertur ad singula, & ad propositum subiecta ratio, & item in distributis supposita ratio, & permissio. & rursum alia dubitatio, & impronsum quiddam, et dinumeratio, & alia correctio, & disputatio, et quod continuatum, & interruptum, & imago, & sibi ipsi responsio, & immutatio, & disiunctio, & ordo, & relatio, & digressio, & circumscriptio. Hæc enim sunt serè, atq; horum similia

uel plura etiam esse possunt, quæ sententijs orationem, uerborumq; conformationibus illuminet. Quæ quidem te Crasse uideo, inquit Cotta, quod nota esse nobis putes, sine definitionibus & sine exemplis effudisse. Ego uero, inquit Crassus, ne illa quidem quæ supra dixi, noua uobis esse arbitrabar, sed uoluntati uestrum omnium parui. His autem de rebus sol me ille admonuit ut breuior essem, qui ipse iam precipitans, me quoq; hac precipitem penè euoluere coëgit. Sed tamen huius generis demonstratio est & doctrina ipsa uulgaris, usus autem grauissimus. & in hoc toto dicendi studio difficillimus. Quamobrem, quoniam de ornatu omni orationis, si non sunt omnes patefacti, at certè commonstrati loci: nunc quid aptum sit, hoc est, quid maxime deceat in oratione, uideamus, quāquam id quidem perspicuum est, non omni causæ, nec auditori, neq; personæ, neq; temporì congruere orationis unum genus. Nam et causæ capitulis alium quendam uerborum sonum requirunt, alium rerum priuatarum atq; paruuarum: & aliud dicendi genus deliberationes, alud laudationes, aliud iudicia, aliud sermones, aliud consolutio, aliud obiurgatio, aliud disputatio. aliud historia desiderat. Referi etiā qui audiāt senatus, an populus, an iudices: frequētes, an pauci, an singuli: et quales ipsi quoq; oratores, quæ sint ciuitas, honore, auctoritate, debet uideri: rēpus, pacis an belli, festinationis an otij.

an otij. Itaq; hoc loco nihil sanè est quod prae-
 pi posse uideatur, nisi ut figuram orationis ple-
 nioris & tenuioris, & item illius mediocris, ad
 id quod agimus, accommodatam deligamus: or-
 namentis iisdem uti ferè licebit, aliàs contentius,
 aliàs summissius: omniq; in re posse quod de-
 ceat facere, artis & natura est: scire quid, quā-
 doq; deceat, prudentia. Sed hac ipsa omnia per-
 inde sunt ut aguntur. Actio, inquam, in dicen-
 do una dominatur: sine hac summus orator esse
 in numero nullo potest, mediocris hac instru-
 ctus summos saepe superare. Huic primas dedis-
 se Demosthenes dicitur, cū rogaretur quid in
 dicendo esset primum: huic secundas, huic ter-
 tias. Quo mihi melius etiam illud ab Aeschine
 dictum uideri solet, qui cū propter ignomi-
 niam iudicij cessisset Athenis, & se Rhodum
 contulisset rogatus à Rhodijs, legisse fertur ora-
 tionem illam egregiam quam in Ctesiphontem
 contra Demosthenem dixerat: qua perlecta pe-
 titum est ab eo postridie ut legeret illam etiam
 qua erat contra a Demosthene pro Ctesiphonte
 edita: quam cum suauissima & maxima uoce
 legisset, admirantibus omnibus, Quanto, inquit,
 magis admiraremini si audissetis ipsum? Ex
 quo satis significauit quantum esset in actione,
 qui orationem eandem, aliam esse putaret auto-
 re mutato. Quid fuit in Graccho, quē tu Catule
 melius meministi, quod me pucro tantopere fer-

uel plura etiam esse possunt, quæ sententijs orationem, uerborumq; conformationibus illuminet. Quæ quidem te Crasse uideo, inquit Cotta, quod nota esse nobis putes, sine definitionibus & sine exemplis effudisse. Ego uero, inquit Crassus, ne illa quidem quæ supra dixi, noua uobis esse arbitrabar, sed uoluntati uestrum omnium parui. His autem de rebus Sol me ille admonuit ut breuior essem, qui ipse iam præcipitans, me quoq; hæc præcipientem penè euoluere coëgit. Sed tamen huius generis demonstratio est & doctrina ipsa uulgaris, usus autem grauissimus. & in hoc toto dicendi studio difficillimus. Quamobrem, quoniam de ornatu omni orationis, si non sunt omnes patefacti, at certè commonstrati loci: nunc quid aptum sit, hoc est, quid maxime deceat in oratione, uideamus, quāquam id quidem perspicuum est, non omni causæ, nec auditori, neq; personæ, neq; temporis congruere orationis unum genus. Nam et causæ capitibus alium quendam uerborum sonum requirunt, alium rerum priuatarum atq; paruularum: & aliud dicendi genus deliberationes, alud laudationes, aliud iudicia, aliud sermones, aliud consolutio, aliud obiurgatorio, aliud disputatio, aliud historia desiderat. Referi etiā qui audiāt senatus, an populus, an iudices: frequētes, an pauci, an singuli: et quales ipsi quoq; oratores, quæ sint ætate, honore, autoritate, debet uideri: tēpus, pacis an belli, festinationis
an otij.

an otij. Itaq; hoc loco nihil sanè est quod præcipi posse videatur, nisi ut figuram orationis plenioris & tenuioris, & item illius mediocris, ad id quod agimus, accommodatam deligamus: ornamentis iisdem uti ferè licebit, alias contentius, alias summissius: omniq; in re posse quod deceat facere, artis & natura est: scire quid, quādoq; deceat, prudentia. Sed hac ipsa omnia perinde sunt ut aguntur. Actio, inquam, in dicendo una dominatur: sine hac summus orator esse in numero nullo potest, mediocris hac instruitur summus saepe superare. Huic primas dedisse Demosthenes dicitur, cum rogaretur quid in dicendo esset primum: huic secundas, huic tertias. Quo mihi melius etiam illud ab Aeschine dictum uideri solet, qui cum propter ignominiam iudicij cessisset Athenis, & se Rhodum contulisset rogatus à Rhodijs, legisse fertur orationem illam egregiam quam in Ctesiphontem contra Demosthenem dixerat: qua perlecta petitum est ab eo postridie ut legeret illam etiam qua erat contra à Demosthene pro Ctesiphonte edita: quam cum suauissima & maxima uoce legisset, admirantibus omnibus, Quanto, inquit, magis admiraremini si audissetis ipsum? Ex quo satis significauit quantum esset in actione, qui orationem eandem, aliam esse putaret autore mutato. Quid fuit in Graccho, quē tu Catule melius meministi, quod me puero tantopere fer-

retur? Quò me miser conferam? quò uerìam? In capitoliumne? at fratris sanguine redundat. An domum? matrèmine uè miseram lamentantemq; uideã & abiectam? Quæ sic ab illo acta esse constabat, oculis, uoce, gestu, inimici ut lacrymas tenere non possent. Hæc cò dico pluribus, quòd genus hoc totù oratores, qui sunt ueritatis ipsius actores, reliquerūt, imitatores autem ueritatis histriones occupauerunt. Ac sine dubio in omni re uincit imitationem ueritas: sed ea si satis in actione efficeret ipsa per sese, arte profectò non egremus. uerùm quia animi per-motio, quæ maxime aut declaranda aut imitanda est actione, perturbata sepe ita est, ut obscureretur atq; penè obruatur: discutieda sunt ea quæ obscurant: & ea quæ sunt eminentia & prompta sumenda. Omnis enim motus animi suum quendam à natura habet uultum, & sonum, & gestum: totumq; corpus hominis, & eius omnis uultus, omnesq; uoces, ut nerui in fidibus, ita sonant, ut à motu animi quoq; sunt pulse. Nam uoces, ut chorde sunt intentæ, quæ ad quenque tactum respondeant, acuta, gravis, cita, tarda, magna, parua: quas tamen inter omnes est suo quoq; in genere mediocris. Atq; etiam illa sunt ab his delapsa plura genera, lene, asperum, contractum, diffusum, continenti spiritu, intermisso, fractū, scissum, flexo sono, attenuatū, inflatum. Nullam est enim horū similitum generum, quod

non arte ac moderatione tractetur hi sunt aëto-
ri, ut pictori, expositi ad uariandum colores.
Aliud enim uocis genus iracundia sibi sumat,
acutum, incitatum, crebro incidens,

Impi⁹ hortatur me frater, ut meos malis miser
Anderem natos:-

Et ea quæ tu dudum Antoni protulisti,

Segregare abs te ausus- Et,

Ecquis hoc animaduertit? uincite.- Et

Arcus ferè totus, Aliud misratio ac mœ-
ror, flexibile, plenum, interruptum, flebili uoce:

Quò nunc me uertā? quod iter incipiā ingredi?

Domum paternāne? ane ad Pelia filias?

Et illa,

O pater, ô patria, ô Priami domus:

Et quæ sequuntur:

Hæc omnia uidi inflammari,

Priamo ui uitam euitari.

Aliud metus, demissum et hæsitās, Et abiectio:

Multimodis sum circumuentus, morbo, exi-
lio, atq; inopia.

Tum pavor, sapientiam mihi omnem ex ani-
mo expulcorat,

Alie terribilem minitatur uite cruciatum
Et necem:

Quæ nemo est iam firmo ingenio, Et tanta
confidentia,

Quin refugiat timido, sanguen, atq; exal-
bescat metu.

*Aliud uis, contentum, uehemens, imminens,
quadam incitatione grauitatis:*

*Iterum Thyestes Atreum attractū aduenit,
Iterū iam aggreditur me, et quietū exuscitat,
Maior mihi moles, maius miscēdū est malū,
Qui illius acerbū cor cōtunda & cōprimam.
Aliud uoluptas, effusum, lene, tenerum, hila-
ratum ac remissum:*

*Sed mihi cūm retulit coronam ob collocandas
nuptias,*

*Tibi ferebat: cūm simulabat sēse alteri dare,
Tum ad te ludibūda doctē, et delicatē deculit.
Aliud molestia, sine commiseratione graue
quiddam, & uno pressu ac sono obductum:*

*Qua tempestate Paris Helenam innuptis iun-
xit nuptiis,*

*Ego tum grauida expletis iam ferē ad pa-
riendum mensibus,*

*Per idem tempus Polydorum Hecuba partu
postremo parit.*


*Omnes autem hos motus subsequi debent gestus,
non hic uerba exprimens scenicus, sed uniuersam rem & sententiam non demonstratione, sed significatione declarans, laterum inflexione, hac foris ac uirili, non ab scena & histrionibus, sed ab armis, aut etiam à palestra. Manus autem minus arguta, digitis subsequens, uerba non exprimens, brachium procerius proicctum quasi quoddam telum orationis: suppositio pedis in-*
conten

contentionibus aut incipiendis, aut finiendis. Sed in ore sunt omnia. In eo autem ipso dominatus est omnis oculorum, quo melius nostri illi senes, qui personatum ne Roscium quidem magnopere laudabant. Animi est enim omnis actio, & imago animi vultus est, indices oculi. Nam hæc est una pars corporis, quæ quos animi motus sunt, tot significationes & commutationes possit efficere: neque uerò est quisquam qui eadem contuens efficiat, Theophrastus quidem Tauriscum quendam dixit actorem auersum solitum esse dicere, qui in agenda contuens aliquid pronuntiaret. Quare oculorum est magna moderatio: nam oris non est nimium mutanda species, ne aut ad ineptias, aut ad prauiatatem aliquam deferamur. Oculi sunt quorum tum intentione, tum remissione, tum coniectu, tum hilaritate, motus animorum significemus aptè cum genere ipso orationis. Est enim actio quasi sermo corporis: quo magis menti congruens esse debet. Oculos autem natura nobis, ut equo & leoni setas, caudam, aures, ad motus animorum declarandos dedit. Quare in hac nostra actione secundum uocem vultus ualeat: is autem oculis gubernatur. Atque in his omnibus quæ sunt actionis, inest quædam uis à natura data, quare etiam hæc imperiti, hæc uulgus, hæc denique barbari maxime commouentur. Verba enim neminem mouent, nisi cum qui

eiusdem linguae societate coniunctus est: sententiaq; saepe acuta, non acutorum hominum sensus praeteruolant: actio, quae pra se motum animi fert, omnes mouet: iisdem enim omnium animi motibus concitantur, & eos iisdem notis & in alijs agnoscunt, & in se ipsi indicant. Ad actionis autem usum atq; laudem, maximam sine dubio uox obtinet: quae primum est optanda nobis, deinde quaecunq; erit, ea tuenda: de quo illud iam nihil ad hoc praecipienda genus, quemadmodum uoci seruiatur, equidem magnopere censeo seruicndum. Sed illud uidetur ab huius nostri sermonis officio non abhorrere, quod, ut dixi paulò antè: plurimis in rebus, quod maxime est uile, id nescio quo pacto etiam decet maxime. Nam ad uocem in dicendo obtinendam, nihil est uilius quàm crebra mutatio, nihil perniciosius quàm effusa sine intermissione contentio. Quid? ad aures nostras, & actionis suauitatem, quid est uicissitudine & uarietate & commutatione aptius? Itaque idem Gracchus, quod potes audire Catule ex Licinio cliente tuo literato homine, quem seruum sibi ille habuit ad manum, cum iburneola solitus est habere fistula, qui staret occultè post ipsum cum concionaretur, peristum hominem, qui inflaret celeriter eum sonum, quo illum aut remissum excitaret, aut à contentione reuocaret. Audiui me hercule, inquit Catulus, &

sape

sæpe sum admiratus hominis cum diligentiam,
 tum etiam doctrinam & scientiam. Ego uero,
 inquit Crassus, ac doleo quidem illos uiros in
 eam fraudem in Republica esse delapsos, quan-
 quam ea tela texitur, & ea incitatur in ciui-
 tate ratio uiuendi, ac posteritati ostenditur, ut
 eorum ciuium quos nostri patres non tulerunt,
 iam similes habere cupiamus. Mitte obsecro,
 inquit, Crasse, Iulius, sermonem istum, & te
 ad Gracchi fistulam refer, cuius ego nondum
 planè rationem intelligo. In omni uoce, inquit
 Crassus, est quiddam medium, sed summi cuique
 uoci: hinc gradatim ascendere uocem, utile &
 suaue est. Nam à principio clamare, agreste
 quiddam est: & illud idem ad firmandum est
 uocem salutare. deinde est quiddam contentio-
 nis extremum, quod tamen inferius est quàm
 acutissimus clamor: quò te fistula progredi
 non sinet, & tamen ab ipsa contentione reuo-
 cabit. Est item contra quiddam in remissione
 grauissimum, quoq; tanquam sonorum gra-
 dibus descenditur. Hæc uarietas, & hic per
 omnes sonos uocis cursus, & se tuebitur, &
 actioni afferet suauitatem: sed fistulatorem
 domi relinquetis, sensum huius consuetudinis
 uobiscum ad forum deferetis. Edidi quæ potui,
 non ut uolui, sed ut me temporis angustia coë-
 gerunt. scitum est enim, causam conferre in
 tempus, cum afferre plura si cupias, non queas.



Tu uerò, inquit Catulus, collegisti omnia, quantum ego possum iudicare, ita diuinitus, ut non à Grecis didicisse, sed eos ipsos hæc docere posse uideare. Me quidem istius sermonis participem factum esse gaudeo, ac uellem ut meus gener sodalis tuus Hortensius affuisset: quem quidem ego confido omnibus istis laudibus quas in oratione complexus es, excellentem fore. Et Crassus, Fore dicis? inquit: ego uerò esse iam iudico. Et tum iudicavi, cum me consule in senatu causam defendit Africa, nuperq; etiam magis cum pro Bithyniæ rege dixit. Quamobrem rectè uides Catule: nihil enim isti adolescenti neq; à natura, neq; à doctrina deesse sentio, quo magis est tibi Cotta Et tibi Sulpiti uigilandum ac laborandum: non enim ille mediocri orator uestra quasi succrescit ætati, sed Et ingenio peracri, Et studio flagranti, et doctrina eximia Et memoria singulari, cui quanquam saueo, tamen illum ætati suæ præstare cupio: nobis uerò illum tanto minorem præcurrere uix honestum est. Sed iam surgamus, inquit, nosq; curemus, Et aliquando ab hac contentione disputationis animos nostros curamq; laxemus.

M. T. CICERO
 NIS DE CLARIS
 ORATORIBVS LI-
 BER, QVI DI-
 CITVR
 B R V T V S.



VM è Cilicia decedens Rho-
 dum uenisssem, & eò mihi de
 Q. Hortensij morte esset al-
 latũ, opinione omnium ma-
 iorem animo cepi dolorem.
 Nam & amico amisso, cum
 consuetudine iucunda, tum multorum officio-
 rum coniunctione me priuatum uidebam, & in-
 teritu talis auguris dignitatem nostri colligi
 diminutam dolibam: qua in cogitatione & co-
 optatum me ab eo in collegium recordabar, in
 quo iuratus iudicium dignitatis meae fecerat,
 & inauguratum ab eodem: ex quo augurum
 institutis in parentis eum loco colere debebam.
 Augēbat etiam molestiam, quòd magna sa-
 pientium ciuium bonorumq; penuria, uir egre-
 gius, coniunctissimũsque mecum consiliorum
 omnium societate, alienissimo Reipub. tempore
 extinctus, & autoritatis & prudentiae suae
 triste nobis desiderium reliquerat: dolibamq;
 quòd non, ut pleriq; putabant, aduersarium aut
 obiect

obtreſtatoreſ laudum mearū, ſed ſocium potius
 & cōſortem glorioſi laboris antiſeram. Etenim
 ſi in leuiorum artium ſtudio memoria proditum
 eſt poetas nobiliſ poetarū aequalium morte do-
 luiſſe: quo tandem animo eiꝯ interitū ferre de-
 bui, cū quo certare erat glorioſius, quam omni-
 no aduerſarium non habere? cū praſertim non
 modò nunquam ſit aut illius à me curſus impe-
 dius, aut ab illo meus, ſed contrā ſemper alten
 ab alio adiuſ & communicando, & mō-
 nendo, & ſauendo. Sed quoniam perpetua qua-
 dam felicitate uſus ille ceſſit è uita, ſuo magis
 quàm ſuorum ciuium tempore, & tam occidit,
 cū legere facilius Rempubl. poſſet, ſi uiueret,
 quàm iuuare: uixitq; tam diu, quàm licuit in
 ciuitate bene beateq; uiuere: nōſtro incommodo
 detrimentoq; ſi eſt ita neceſſe, doleamus: illius
 uerò mortis opportunitatem beneuolentia po-
 tius, quàm miſericordia proſequamur, ut quo-
 rieſcunq; de clariffimo & beatiſſimo uiro cogi-
 temus, illum potius quàm noſmetipſos diligere
 uideamur. Nam ſi id dolemus, quòd eo iam
 frui nobis non licet, nōſtrum eſt id malum, quod
 modicè ſeramus, ne id non ad amicitiam, ſed ad
 domeſticam utilitatem reſerre uideamur: ſin,
 tanquam illi ipſi acerbitatſ aliquid acciderit,
 angimur, ſummam eiꝯ felicitatem non ſatis
 grato animo interpretamur. Etenim ſi uiueret
 Q. Hortenſius, cetera fortaiſſe deſideraret unā

cum reliquis bonis & fortibus civibus, hunc autem & præter ceteros, aut cum paucis sustinere dolorem, cum forum populus Rom. quod fuisset quasi thesaurum illius ingenij, voce eruditæ, & Romanis Græcisq; auribus digna, spoliatum atq; orbatum videret. Equidem angor animo, non consilijs, non ingenij, non auctoritatis armis egere Rempub. quæ didiccram tractare, quibusq; me assuefeceram, quæq; erant propria cum præstantis in Repub. viri, tum bene morata & bene constituta civitatis. Quod si fuit in Repub. tempus ullum, cum extorquere arma posset è manibus iratorum civium boni civis auctoritas & oratio, tum profectò fuit, cum patrociniū pacis exclusum est aut terrore hominum, aut timore. Ita nobismetipsis accidit, ut quanquam essent multo magis alia lugenda, tamen hoc doleremus, quòd quo tempora etas nostra persuncta rebus amplissimis tanquam in portum confugere deberet, non inertia, neque desidia, sed otij moderati atque honesti cumq; ipsa oratio iam nostra canesceret, habereiq; suam quandam maturitatem, & quasi senectutem: tum arma sunt ea sumpta, quibus illi ipsi qui didicerant eis uti gloriose, quemadmodum salutariter uterentur, non reperiebant. Itaq; ij mihi videntur fortunatè beateq; vixisse, cum in cæteris civitatibus, tum maxime in nostra, quibus cum auctoritate, rerumq;

gestor

gestarū gloria, tum etiam sapientia laude perfrui licuit. Quorum m. mōria & recordatio in maximis nostris grauiss. misq; curis iucunda sanè fuit, cū in eam nuper ex sermone quodam incidissemus. Nam cū inambularem in Xysto, & essem otiosus domi, M. ad me Brutus, ut consueuerat, cum Tito Pomponio uenerat, homines cum inter se coniuncti, tum mihi ita chari, itaq; iucundi, ut eorum aspectu omnis quæ me angebat de Republ. cura confederit. Quos postquam saluauī, Qui uos, inquam, Brute & Attice, nunc? quid tandem noui? Nihil sanè, inquit Brutus, quod quidem aut tu audire uelis, aut ego pro certo dicere audeam. Tum Atticus. Eo inquit, ad te animo uenimus, ut de Repub. esset silentium, & aliquid audiremus potius ex te, quàm te afficeremus ulla molestia. Vos uerò, inquam, Attice, & presentē me cura leuatis, & absenti magna solatia dedistis: nam uestris primum literis recreatus, me ad pristina studia reuocaui. Tum ille, Legi, inquit, perlubenter epistolam quam ad te Brutus misit ex Asia, quæ mihi uisus est & monere te prudenter, & consolari amicissimè. Rectè, inquam, est uisus: nam me istis scito literis ex diuturna perturbatione totius ualitudinis tāquam ad aspiciendā lucem esse reuocatum. Atq; ut post Cannensem illam calamitatē primum Marcelli ad Nolam prælio populus se Romanus erexit, posteaq; prospera

res deinceps multæ cōsecuta sunt: sic post rerum
 nostrarum & communium grauiſſimos casus
 nihil ante epiſtolam Bruti mihi accidit quod
 uellem, aut quod aliqua ex parte ſolicitudines
 allenaret meas. Tum Brutus, Volui id quidem
 efficere ceriè, & capio magnum fructū, ſi qui-
 dem quod uolui tanta in re cōſecutus ſum: ſed
 ſcire cupio quæ te Attici literæ delectauerint.
 Iſta uerò, inquam, Brute non modò delectatio-
 nem mihi, ſed etiam, ut ſpero, ſalutem attulerūt.
 Salutem? inquit ille, quodnam tandem genus
 iſtuc tam præclarum literarum fuit? An mihi
 potuit, inquam, eſſe aut gravior ulla ſalutatio,
 aut ad hoc tempus aptior, quàm illius libri quo
 me hic affatus quaſi iacentem excitauit? Tum
 ille, Nempe eum dicis, inquit, quo iſte omnem
 rerum memoriam breuiter, & ut mihi quidem
 uiſum eſt, per diligenter complexus eſt? Iſtum
 ipſum, inquam, Brute dico librum mihi ſaluti
 fuiſſe. Tum Atticus, Optatiſſimum mihi qui-
 dem eſt quod dicis: ſed quid tandem habuit li-
 ber iſte, quod tibi aut nouum, aut tanto uſui
 poſſet eſſe? Ille uerò & noua, inquam, mihi qui-
 dem multa, & eam utilitatem quam require-
 bam, ut explicatis ordinibus temporum, uno in
 conſpectu omnia uiderem: quæ cum ſtudioſè
 tractare cœpiſſem, ipſa mihi tractatio litera-
 rum ſalutaris fuit, admonuitq; Pomponi, ut à
 te ipſo ſumerem aliquid ad me reficiendum, teq;

remunerandum, si non pari, at grato tamen munere: quāquam illud Hesiodium laudatur à doctis, quod eadem mensura reddere iubet, quae acceperis, aut etiam cumulatiore, si possis. Ego autem uolūtatem tibi profectò emetiar, sed rem ipsam nondum posse uideor. idq; ut ignoscas, à te peto. Nec enim ex nouis (ut agricola solent) fructibus est unde tibi reddam quod accepi: sic omnis fectus repressus, exustusq; flos siti ueteris ubertatis exaruit: nec ex conditis, qui iacent in tenebris, & ad quos omnis nobis aditus, qui penè solis patuit, obstructus est. Seremus igitur aliquid tanquam in inculto & derelicto solo, quod ita diligenter colemus, ut impendys etiam augere possimus largitatem tui muneris, modò idem noster animus efficere possit quod ager, qui cum multis annos quieuit, uberiores asferre fruges solet. Tum ille, Ego uerò & expectabo ea quae polliceris, nec exigam nisi tuo commodo, & crui mihi pergrata si solueris. Mihi quoq; inquit Brutus, & expectanda sunt ea quae Atico polliceris, etsi fortasse ego à te huius uoluntarius procurator petam, quod ipse cui debes, incommodo exactarum negat. At uerò, inquam, tibi ego Brute non soluam, nisi prius à te cauero, amplius eo nomine neminem, cuius petitio sit, petiturum. Non mehercule, inquit, tibi repromittere istuc quidem ausus sum: nam hunc qui negat, uideo flagitatorem non illum

illum quidem tibi molestum, sed assiduum ta-
men & acrem fore. Tum Pomponius, Ego ue-
rò, inquit, Brutum nihil mentiri puto. Videor
enim iam te ausurus esse appellare, quoniam lon-
go intervallo modò primum animaduerti paulo
te hilariorcm. Itaq; quoniam id quod mihi de-
beretur, se exacturum professus est: quod huic
debet, ego à te peto. Quidnam id? inquam Ve-
ferbas, inquit, aliquid. iampridem enim conti-
cuerunt tue litteræ. Nam ut illos de Repu. libros
edidisti, nihil à te sanè postea accepimus, eisq;
nosmetipsi ad rerum naturalium memoriã com-
prehendendam impulsī atq; incensi sumus. Sed
illa cum poteris, atq; ut possis, rogo. Nunc uere,
inquit, si es animo uacuo, expone nobis quod
querimus. Quidnam est id? inquam. Quod mi-
hi nuper in Tusculano inchoasti de oratoribus,
quando esse cœpissent, qui etiam, & quales fuif-
sent. Quem ego sermonem cum ad Brutū tuum
uel nostrum potius detulissem, magnopere hic
audire se uelle dixit, Itaq; hunc elegimus diem,
cum te sciremus esse uacuum. Quare si tibi est
commodum, ede illa que cœperas, & Bruto, &
mihi. Ego uerò, inquam, si potuero faciam uobis
satis. Poteris, inquit: relaxa modò paulum
animum, aut sanè (si potes) libera. Nempe
igitur hinc tum Pomponi ductus est sermo,
quòd erat à me mentio facta, causam Deiotari
fidelissimi atq; optimi regis ornatissime &

remunerandum, si non pari, at grato tamen manere: quāquam illud Hesiodium laudatur à doctis, quod eadem mensura reddere iubet, quā acceperis, aut etiam cumulatiorē si possis. Ego autem uolūtatem tibi profectò emetiar, sed rem ipsam nondum posse uideor. idq; ut ignoscas, à te pto. Nec enim ex nouis (ut agricola solent) fructibus est unde tibi reddam quod accepi: sic omnis factus repressus, exustusq; flos siti ueteris libertatis exaruit: nec ex conditiis, qui iacent in tenebris, & ad quos omnis nobis aditus, qui penè solis patuit, obstructus est. Seremus igitur aliquid tanquam in inculto & derelicto solo, quod ita diligenter colemus, ut impendijs etiam augere possimus largitatem tui muneris, modò idem noster animus efficere possit quod ager, qui cum multis annos quieuit, uberiores afferre fruges solet. Tum ille, Ego uerò & expectabo ea quæ polliceris, nec exigam nisi tuo commodo, & erit mihi pergrata si solueris. Mihi quoq; inquit Brutus, & expectanda sunt ea quæ Atico polliceris, etsi fortasse ego à te huius uoluntarius procurator petam, quod ipse cui debes, incommodo exacturum negat. At uerò, inquam, tibi ego Brute non soluam, nisi prius à te caueo, amplius eo nomine neminem, cuius petitio sit, petiturum. Non mehercule, inquit, tibi repromittere istuc quidem ausus sum: nam hunc qui negat, uideo flagitatorem non illum

illum quidem tibi molestum, sed assiduum ta-
men & acrem fore. Tum Pomponius, Ego uerò, inquit, Brutum nihil mentiri puto. Videor enim iam te ausurus esse appellare, quoniam longo intervallo modò primum animaduerti paulo te hilariorem. Itaq; quoniam id quod mihi deberetur, se exacturum professus est: quod huic debes, ego à te peto. Quidnam id? inquam. Ut scribas, inquit, aliquid. iam pridem enim conticuerunt tunc litere. Nam ut illos de Re publicis edidisti, nihil à te sanè postea accepimus, eisq; nosmetipsi ad rerum naturalium memoriã comprehendendam impulsī atq; incensi sumus. Sed illa cum poteris, atq; ut possis, rogo. Nunc uerò, inquit, si es animo uacuo, expone nobis quod querimus. Quidnam est id? inquam. Quod mihi nuper in Tusculano inchoasti de oratoribus, quando esse cœpissent, qui etiam, & quales fuissent. Quem ego sermonem cum ad Brutū tuum uel nostrum potius detulissem, magnopere hic audire se uelle dixit. Itaq; hunc elegimus diem, cum te sciremus esse uacuum. Quare si tibi est commodum, ede illa que cœperis, & Bruto, & mihi. Ego uerò, inquam, si potuero faciam uobis satis. Poteris, inquit: relaxa modò paulum animum, aut sanè (si potes) libera. Nempe igitur hinc tuum Pomponi ductus est sermo, quòd erat à me mentio facta, causam Deiotari fidelissimi atq; optimi regis ornatissimè &

copiosissime à Bruto me audisse defensam. Scio, inquit, ab isto initio tractū esse sermonem, teq; Bruti dolentem uicem, quasi deflexisse iudiciorum uasilitatem, & fori. Feci, inquit, istuc quidem, & saepe facio. Nam mihi Brute in te intuenti, crebrò in mentem uenit uereri, ecquodnam curriculum aliquando sit habitura tua et natura admirabilis, & exquisita doctrina, & singularis industria. Cum enim in maximis causis uersatus esses, & cum tibi aetas nostra iam cederet, fascesq; summitteret, subito in ciuitate eum alia ceciderunt, tum etiam ea ipsa, de qua disputare ordimur, eloquentia obmutuit. Tum ille, Ceterarum rerum causa, inquit, istuc & dolco, & dolendum puto: dicēdi autem me non tam fructus & gloria, quàm studiū ipsum exercitatioq; delectat: quod mihi nulla res eripiet, se praesertim tam studioso. Etenim dicere bene nemo potest, nisi qui prudenter intelligit. Quare qui eloquentiae uera dat operam, dat prudentia, qua ne maximis quidem in bellis equo animo carere quisquam potest. Praeclarè, inquam, Brute dicis: coq; magis ista dicendi laude delector, quòd cetera quae sunt quondam habita in ciuitate pulcherrima, nemo est tam humilis qui se non aut posse adipisci, aut adeptum putet, eloquentem neminem uideo factum esse uictoria. Sed quò facilius sermo explicetur, sedentes, si nīdetur, agamus. Cum idem placuisset illis, tum in
pratulo

pratulo propter Platonis statuam confedimus.
 Hic ego, Laudare igitur eloquentiam, & quan-
 ta uis sit eius, expromere: quantamq; ijs qui sine
 eam cōsecuti, dignitatem lafferat, neq; proposu-
 nobis est hoc loco, neq; necessarium. Hoc uerò
 sine ulla dubitatione confirmauerim, siue illa ar-
 te pariatur aliqua siue exercitatione quadam,
 siue natura, rem unā esse omnium difficilissimam,
 Quibus enim ex quinque rebus constare dicitur,
 earum unaquaeq; est ars ipsa magna per sese.
 Quare quinque artium concursus maximarum,
 quantam uim quantamq; difficultatem habeāt,
 existimari potest. Testis est Gracia, quae cum elo-
 quentiae studio sit incensa, tandiuq; excellat in
 ea, praestetq; ceteris, tamē omnes artes uetustio-
 res habet, & multo antè non inuentas solum,
 sed etiam perfectas, quā hae est à Gracis elab-
 orata dicendi uis, atq; copia in quam cum in-
 tueor, maximè mihi occurrūt, Attice, & quasi
 lucent, Athenae tuae, quae in urbe primū se ora-
 tor extulit, primumq; etiam monumentis & li-
 teris oratio est cœpta mandari: tamen ante Pe-
 riclem, cuius scripta quaedam feruntur, & Thu-
 cydidem, qui non nascētibus Athenis, sed iam
 adultis fuerunt, litera nulla est, quae quidem or-
 natum aliquem habeat, & oratoris esse uidea-
 tur. Quanquam opinio est, & cum qui multis
 annis ante hos fuerit, Pisistratum, & paulo se-
 niozem etiam Solonem, posteaq; Clisthenem,

multum, ut temporibus illis, ualuisse dicendo. Post hanc aetatem aliquot annis, ut ex Atticis monumentis potest perspicui, Themistocles fuit, quem constat cum prudentia, tum etiam eloquentia praestitisse. Post Pericles, qui cum floretet omni genere uirtutis, hac tamen fuit laude clarissimus: Cleonem etiam temporibus illis turbulentum illum quidem ciuem, sed tamen eloquentem constat fuisse. Finis aetati suppare Alcibiades, Critias, Theramenes: quibus temporibus quod dicendi genus uiguerit, ex Thucydidis scriptis, qui ipse tum fuit, intelligi maxime potest: grandes erant uerbis, crebri sententijs, compressione rerum breues, & ob eam ipsam causam interdum subobscuri. Sed ut intellectum est, quantum uim haberet accurata & facta quodammodo oratio, tum etiam magistri dicendi multi subito extiterunt: tum Leontinus Gorgias, Thrasymachus Chalcedonius, Protagoras Abderites, Prodicus Chius, Hippias Eleus, in honore magno fuit, alijq; multi temporibus eisdem docere se profitebantur, arrogantibus sane uerbis, quemadmodum causa inferior (ita enim loquebantur) dicendo fieri superior posset. Is opposuit sese Socrates, qui subtilitate quadam disputandi refellere eorum insituta solebat uerbis. Huius ex uberrimis sermonibus extiterunt doctissimi uiri: primumq; in philosophia, non illa de natura, quae fuerat antiquior, sed haec in
qua

qua de bonis rebus & malis, deq; hominū uita
 & moribus disputant, inuenta dicitur, quod
 quoniā genus ab hoc quod proposuimus, abhor-
 ret, philosophos aliud in tempus reijciamus: ad
 oratores, a quibus digressi sumus, reuertamur.
 Exiit igitur iam senibus illis quos paulō ante
 diximus, Isocrates (cuius domus cuncta Græcia
 quasi ludus quidam patuit, atq; officina dicēdi),
 magnus orator, & perfectus magister, quanquā
 forensi luce caruit, intraq; parietes aluit eam
 gloriam, quā nemo quidē meo iudicio est postea
 consecutus. is & ipse scripsit multa praeclarē, et
 docuit alios: & cum cetera melius quā supe-
 riores, tum primus intellexit etiam in soluta
 oratione, dum uersum effugeret, modum tamen
 & numerum quēdam oportere seruari. Ante
 hunc enim uerborum quasi structura, & que-
 dam ad numerum conclusio nulla erat: aut si-
 quando erat, non apparebat eam debita opera
 esse quæsitam, quæ forsitan laus sit: ueruntamen
 natura magis, tum casu nonnunquam, quā
 aut ratione aliqua, aut observatione fiebat. Ipsa
 enim natura circumscriptione quadam uerborū
 comprehendit concluditq; sententiam: quæ cum
 aptis constricta uerbis est, cadit etiam plerunq;
 numerose. Nam & aures ipse quid plenum,
 quid inane sit, indicant, & spiritu quasi neces-
 sitate aliqua uerborum comprehensio termina-
 tur: in quo non modò defici, sed etiam laborare

turpe est. Tum fuit *Lysias*, ipse quidem in causis forensibus non uersatus, sed egregiè subtilis scriptor atq; elegans, quem iam, propè audeas oratorem perfectum dicere: nam planè quidem perfectum, & cui nihil admodum desit, *Demosthenem* facile dixeris. Nihil acutè inueniri potuit in eis causis quas scripsit, nihil (ut ita dicam) subdole, nihil uersute, quod ille non uiderit: nihil subtiliter dici, nihil pressè, nihil enucleatè quo fieri possit aliquid limatius. nihil contra grande, nihil incitatu: nihil ornatu uel uerborum grauitate, uel sententiarum, quo quicquam esset elatius. Huic *Hyperides* proximus & *Aeschines* fuit, & *Lycurgus*, & *Dinarchus*, & is, cuius nulla extant scripta, *Demades*, aliq; plures. Hæc enim ætas effudit hanc copiam, & ut opinio mea fert, succus ille & sanguis incorruptus usq; ad hanc ætatē oratorum fuit, in qua naturalis inesset, non fucatus nitor. *Phalereus* enim successit eis senibus adolescēs, eruditissimus ille quidem horum omnium: sed non tam armis institutus, quàm palaestra: itaq; delectabat magis *Athenienses*, quàm inflāmbat: processerat enim in solem & puluerem, non ut è militari tabernaculo, sed ut è *Theophrasti* doctissimi hominis umbraculis. Hic primus inflexit orationem, & eam mollem tencramq; reddidit: & suavis, sicut fuit, uideri maluit, quàm grauis: sed suauitate ea qua perfunderet ani-

mos, non qua perfringeret: & tantum ut memoriam cōcinnitatis suae, non (quēadmodum de Pericle scripsit Eupolis) cum delectatione aculeos etiam relinqueret in animis eorum à quibus esset auditus. Vidēsne igitur ut in ea ipsa urbe in qua & nata & alta sit eloquētia, quā ea serō prodierit in lucem? Siquidem ante Solouis atate et Pisistrati, de nullo ut disertio memoria proditum est. At hi quidē, ut pop. Ro. atas est, senes: ut Atheniensium secula numerātur, adolescentes debēt uideri. Nam etsi Seruio Tullo regnante uiguerūt, tamen multo diutius. Athena iam erant, quā est Roma ad hodiernum diem: nec tamē dubito quin habuerit uim magnā semper oratio. Neq; enim iam Troicis temporibus tantum laudis in dicendo Ulyssi tribuisset Homerus, & Nestori, quorum alterum uim habere uoluit, alterum suauitatem, nisi iam tum esset honos eloquentiae: neq; ipse poēta hic tam idem ornatus in dicendo, ac planē orator fuisset: cuius etsi incerta sunt tempora, tamen annis multis fuit ante Romulum: siquidem non infra superiorem Lycurgum fuit, a quo est disciplina Lacedemoniorum astricta legibus. Sed studium eius generis, maiorq; uis agnoscitur in Pisistrato. Deniq; hunc proximo seculo Theuistocles infecutus est, ut apud nos, per antiquas: ut apud Athenienses, non ita sanē uetus. Fuit enim regnante iam Gracia, nostra autem ciuitate non

Coriolanus
et Themistocles
velut unguis
natis.

ita pridē dominatu regio liberata. nam bellum
Volscorum illud grauiſſimum, cui Coriolanus
exul interſuit, eodem ſerē tempore quo Perſarū
bellum fuit, ſimiliſq; fortuna clariſſimorum ui-
torum. Siquidē uterq; cum ciuis egregius fuiſ-
ſet, populi ingrati pulſus iniuria, ſe ad hoſtes
conſulit, conatumq; iracundia ſua morte ſeda-
uit. nam eſi aliter eſt apud te Attice de Corio-
lano, concede tamē ut huic generi mortis potius
aſſentiar. At ille ridens, Tuo uerò, inquit, arbi-
tratu, quoniam quidem cōceſſum eſt rhetoribus
ementiri in hiſtorijs, ut aliquid dicere poſſint ar-
guius. Vi enim tu nunc de Coriolano, ſic Clitar-
chus, ſic Stratoeles de Themistocle finxit. Nam
quem Thucydides, qui & Athenienſis erat, et
ſummo loco natus, ſummusq; uir, & paulo ſta-
te poſterior, tantum mortuū ſcripſit, & in Ai-
tica clam humatum, addidit fuiſſe ſuſpicionem
ueneno ſibi conſciuiſſe mortem: hunc iſti aiunt,
cum taurum immolauiffet, exceſſiſſe ſanguinem
patera, & eo potō mortuū cōcidiffet. Hanc enim
mortem rhetoricē & tragicē ornare potuerunt:
illa mors uulgaris nullam praebebat materiem
ad ornatum. Quare quoniam tibi quadrat,
omnia fuiſſe in Themistocle paria et Coriolano,
patera quoq; à me ſum. ſ. licet, praebebo etiā ho-
ſtiā, ut Coriolanus ſit planē aliter Themistocles.
Sit ſanē, inquā, ut lubet de iſto. & ego canius
poſthac hiſtoriā attingā te audiente, quē rerum

Roman

Romanarum auctorē laudare possum religiosissimam. Sed tū ferē Pericles Xantiippi filius, de quo antē dixi, primus adhibuit doctrinam: quæ quanquā tū nulla erat dicendi, tamē ab Anaxagora Physico eruditus, exercitationē mentis à recōditis abstrusisq; rebus ad causas forenses popularesq; facile traduxerat. Huius suauitate maximē hilarata sunt Athenæ, huius ubertatem & copiam admirata, eiusdem vim dicendi terroremq; timuerunt. Hæc igitur ætas prima Athenis oratorem propè perfectum tulit. Nec enim in cōstituentibus Kemp. nec in bella gerentibus, nec in impeditis, ac regum dominatione deuinctis, nasci cupiditas dicēdi solet. Pacis est comes, otijq; socia, & iam bene cōstitutæ ciuitatis quasi alumna quedā eloquentia. Itaq; ait Aristoteles, cum sublatis in Sicilia tyrānis res priuata longo intervallo indicijs repeterentur, tum primū (quòd esset acuta illa gēs, & controuersa natura) artem et præcepta Siculos Coracem & Tisiam conscripsisse. nam antea neminem solitū uia, nec arte, sed accuratē tamen, & de scripto plerosq; dicere: scriptasq; fuisse & paratas à Protagora rerū illustriū disputationes, quæ nunc communes appellantur loci. Quod idem fecisse Gorgiā, cum singularum rerum laudes uituperationesq; cōscripsisset quod iudicaret hoc oratoris maximē proprium, rem augere posse laudando, uituperandoq; rursus afflig

affligere. Huic *Antiphonem Rhamnusium* similia quaedam habuisse conscripta, quo neminem unquam melius ullam orauisse capitis causam, cum se ipse defenderet, se audiente locuples autor scripsit *Thucydides*. Nam *Zysiam* primò profiteri solitum artem esse dicēdi: deinde quòd *Theodorus* esset in arte subtilior, in orationibus autem ieiunior, orationes eum scribere alijs cœpisse, artem remouisse. Similiter *Isocratem* primò artem dicendi esse negauisse, scribere autem alijs solitum orationes, quibus in iudijs uterentur: sed cum ex eo (quia quasi cōmitteret contra legem, quo quis in iudicio circumueniretur) sepe ipse in iudicium nocaretur, orationes alijs destituisse scribere, totumq; se ad artes componendas transulisse. Et *Gracie* quidem oratorum partus atq; fonteis uides ad nostrorum annalium rationem ueteres, ad ipsorum sanè recentes. Nam antequam deletata est *Atheniensium* ciuitas hac laude dicendi, multa iam memorabilia & in domesticis et bellicis rebus effecerat. Hoc autem studium non erat commune *Gracie*, sed proprium *Athenarum*. Quis enim aut *Argium* oratorē, aut *Corinthium*, aut *Thebanum* scit fuisse temporibus illis? nisi quid de *Epaminonda* docto homine suspicari libet. *Lacedemonium* uerò usq; ad hoc tempus audiui fuisse neminem. *Menelaum* ipsum, dulcem illum quidem tradit *Homerus*, sed pauca dicen

dicentem. Breuitas autem, laus est interdum in aliqua parte dicendi, in uniuersa eloquētia laudem non habet. At uerò extra Graciam magna dicendi studia fuerūt, maximiq; huic laudi habiti honores illustre oratorū nomen reddiderunt. Nam ut semel è Peireao eloquētia euecta est, omnes peragrauit insulas, atq; ita peregrinata tota Asia est, ut se externis oblineret moribus omnemq; illam salubritatem Attica dilectionis quasi sanitatem perderet, ac loqui penè dedisceret. Hinc Asiatici oratores, non contemnendi quidē nec celeritate nec copia, sed parum pressi, et nimis redundantes, Rhodij saniores, & Atticorū similiore. Sed de Gracis haetenus. etenim haec ipsa forsitan fuerint non necessaria. Tum Brutus. Ista uerò, inquit, quàm necessaria fuerint, non facile dixerim: iucunda certè mihi fuerunt, neq; soli non longa, sed etiā breuiora quàm uellem. Optimè inquam: sed ueniamus ad nostros, de quibus difficile est plus intelligere, quàm quantum ex monumentis suspicari licet. Quis enim putet aut celeritatem ingenij Lucio Bruto illi nobilitatis uestra principi defuisse? qui de matre suauanda ex oraculo Apollinis tam acutè arguteq; coniecerit, qui summam prudentiam simulatione stultitiae texerit, qui potentissimū regē, clarissimū regis filium expulerit, ciuitatemq; perpetuo dominatū liberatam magistratibus annuis, legibus, iudicijsq;

cūsq; deuinxerit : qui collegæ suo imperium ab-
rogauerit, ut ē ciuitate regalis nominis memo-
riam tolleret : quod certē effici nō potuisset, nisi
esset oratione persuasum. Videmas item paucis
annis post reges exactos, cū plebes propē ripam
Anienis ad terciū miliariū consedisset, cumq;
montem qui Sacer appellatus est, occupauisset,
M. Valerium Dictatorē dicendo sedauisse dis-
cordias, eiq; ob eā rem honores amplissimos ha-
bitos, & eū primū ob eam causam *Maximum*
esse appellatum. Ne *L. Valerium* quidem Po-
situm arbitror nō aliquid potuisse dicendo, qui,
post decemuiralem inuidiam plebem in patres
incitatam, legibus & concionibus suis mitiga-
uerit. Possumus *Appium Claudium* suspicari
disertum : quia senatum iam iam inclinatum
à *Pyrrhi* pace reuocauerit. Possumus *C. Fabri-*
cium, quia sit ad *Pyrrhum* de captiuis recupe-
randis missus orator : *T. Coruncanum*, quod ex
pontificum commentarijs longē plurimum inge-
nio ualuisse uideatur : *M. Curium*, quod is Trib.
pleb. interrege *Appio Caco* deserto homine co-
munia contra leges habente, cum de plebe Con-
sulem non accipiebat, patres antē autores fieri
coëgerit : quod fuerit permagnum, nondum lege
Athenia lata. Licet aliquid etiam de *M. Popilij*
ingenio suspicari, qui cum *C. O. S.* esset, eodemq;
tempore sacrificium publicum cum lana face-
ret, quod erat flamen Carmentalis, plebis contra
patres

patres concitatione & seditione nuntiata, ut
 erat lena amictus, ita venit in concionem, sedi-
 tionemq; cum autoritate tum oratione sedauit.
 Sed eos oratores habitos esse, aut omnino tum
 ullum eloquentie premium fuisse, nihil sanè
 mihi legisse uideor, tantummodo coniectura
 ducor ad suspicandum. Dicitur etiam C. Fle-
 minius, is qui Trib. pleb. legem de agro Gallico
 & Piceno uiritim diuidendo tulit, qui C. O. S.
 apud Thapsimenum sit interfectus, ad popu-
 lum ualuisse dicendo. Quintus etiam Maxi-
 mus Verrucosus orator habitus est temporibus
 illis: & Q. Metellus, is qui bello Punico se-
 cundo cum L. Veturio Philone Consul fuit.
 Quem uerò extet, & de quo sit memorie pro-
 dium eloquentem fuisse, & ita esse habitum,
 primus est M. Cornelius Cethegus, cuius elo-
 quentia est autor, & idoneus quidem mea sen-
 tentia, Q. Ennius, praesertim cum & ipse eum
 audiuerit, & scribat de mortuo: ex quo nulla
 suspicio est, amicitiae causa esse mentitū. Est igitur
 sic apud illum in nono (ut opinor) annali.

Additur orator Cornelius suauiloquenti

Ore Cethegus Veturio collega Philoni

Filius, - & oratorem appellat, & suauiloquentiam tribuit: quae nunc quidem non tam
 est in plerisq; laurant enim iam quidam orato-
 res, non loquuntur, sed est ea laus eloquentiae
 cerie maxima.

Is dicit

*Is dictus ollis popularibus olim,
Qui tum uinebant homines atq; auum agi-
rabant.*

Flos delibatus populi.

*Probè uerò. Vt enim hominis decus ingenium,
sic ingenij ipsius lumen est eloquentia : qua ui-
rum excellentem præclare tum illi hominis flo-
rem populi esse dixerunt.*

*Suadsq; medulla. weidw., quam uocant Gra-
ci, cuius effector est orator, hanc suadam ap-
pellauit Ennius : eius autem Cethegum me-
dullam fuisse uult, ut quam deam in Periclis
labris scripsit Eupolis seditauisse, huius hic
medullam nostrum oratorem fuisse dixerit.*

*At hic Cethegus C. O. S. cum P. Tuditano fuit bello
Punico secundo, Quæstorq; his consulibus M.
Cato, modò planè annis C. X. L. ante me cōsulem.*

*Et id ipsum nisi unius esset Ennij testimonio
cognitū, hunc uetustas, ut alios fortasse multos,
obliuione obruisset. Illius autem ætatis qui ser-
mo fuerit, ex Nauianis scriptis intelligi potest.*

*His enim consulibus, ut in ueteribus commen-
tarijs scriptum est, Nauius est mortuus : quan-
quam Varro noster diligentissimus inuestiga-
tor antiquitatis putat in hoc erratum, uitamq;*

*Nauij producit longius. Nam Plautus P. Clau-
dio, L. Porcio, uiginti annis post illos quos antiè
dixi C. O. S. S. mortuus est, Catone Censore. Hunc
igitur Cethegum consecutus est ætate Cato, qui*

annis

annis I X. post eum fuit C O S. cum nos, ut per-
 ueterem habemus, qui L. Martio, M. Manilio
 C O S S. mortuus est annis LXXXIII. ipsis ante
 me consulem. Nec uerò habeo quenquam anti-
 quiozem, cuius quidem scripta proferenda pu-
 tem, nisi quem Appij Cæci oratio hac ipsa de
 Pyrrho, & nonnullæ mortuorum laudationes
 forte delectant: & hercules hæc quidem extant.
 Ipse enim familiæ suæ quasi ornamenta ac mo-
 numēta seruabant, & ad usum, si quis eiusdem
 generis occidisset, & ad memoriā laudum do-
 mesticarum, & ad illustrandam nobilitatem
 suam: quanquam his laudationibus historia re-
 rum nostrarū est facta mendosior. Multa enim
 scripta sunt in eis, quæ facta nō sunt: falsi triū-
 phi, plures consulatus, genera etiam falsa, et ad
 plebem transitiones, cum homines humiliores
 in alienum eiusdem nominis insunderentur ge-
 nus: ut si ego me à M. Tullio esse diccrem, qui
 Patricius cum Ser. Sulpitio C O S. anno decimo
 post exactos reges fuit. Catonis autem orationes
 nō minus multæ ferè sunt, quàm Attici Lysia,
 cuius arbitror plurimus esse. Est enim Atti-
 cus, quoniam certè Athenis est & natus &
 mortuus, & sanctus omni ciuiū munere: quan-
 quam Timæus eum, quasi Licinia & Mutia
 lege repetit Syracusas: & quodāmodo est non-
 nulla in his etiam inter ipsos similitudo: acuti
 sunt, elegātes, faceti, breues. Sed ille Græcus ab

omni laude felicior. Habet enim certos sui studiosos, qui tam habitus corporis opimos, quam gracilitates consequentur, quos ualētudo (modo bona sit) tenuitas ipsa delectat. quanquam in Lysia sunt sepe etiā licet, sic ut & fieri nihil possit ualētius: uerum est cerē genere toto strigiosior, sed habet tamen suos laudatores, qui hac ipsa eius subtilitate admodum gaudeant. Catonem uerō quis nostrorum oratorū, qui quidem nunc sunt, legit? aut quis nouit omnino? At quem uirum, dī boni! mitto ciuem, aut senatorem, aut imperatorem: oratorem enim hoc loco querimus. Quis illo grauior in laudando? acerbior in uituperando? in sententijs argutior? in docendo edifferendoq; subtilior? Refert sunt orationes amplius centum quinquaginta; (quas quidē adhuc inuenerim, & legerim) & uerbis & rebus illustribus: licet ex his eligant ea quae notatione & laude digna sint, omnes oratoriae uirtutes in eis reperientur. Iam uerō Origines eius quem florem, aut quod lumen eloquentiae non habent? Amatores huic desunt, sicuti multis iam antē seculis & Philislo Syracusio, & ipsi Thucydidi. Nam ut horum concisis sententijs, interdum etiā non satis apertis eum breuitate, tum niniuo acumine, officit Theopompus elatione atque altitudine orationis suae, quod idem Lysia Demosthenes: sic Catonis luminibus obscuravit haec posteriorum quasi exaggerata

rata altius oratio. Sed & in nostris infcitia est,
 quod si ipsi qui in Græcis antiquitate delectan-
 tur, eaq; subtilitate quam Atticam appellant;
 hanc in Catone non nouerunt quidem: Hyperide
 uolunt esse, & Lysia: laudo. sed cur nolunt
 Catonis? Attico genere dicendi se gaudere di-
 cunt, sapienter id quidem, atq; utinā imitaren-
 tar, nec ossa solum, sed etiam sanguinē: gratum
 est tamen quod uolunt. Cur igitur Lysias &
 Hyperides amatur, cū penitus ignoretur Cato?
 Antiquior est huius sermo, & quedam horri-
 diora uerba. ita enim tum loquebatur. Id muta
 quod tum ille non potuit, & adde numeros, &
 aprior sit oratio: ipsa uerba compone, & quasi
 coagmenta, quod ne Græci quidem ueteres fa-
 ctitauerunt: iam neminem antepones Catoni.
 Ornari orationem Græci putant, si uerborum
 immutationibus utatur, quos appellant τροπῆς:
 & sententiarum orationisq; formis, quæ uo-
 cant οὐκ ἁπλῆς: non uerisimile est quā sit in
 utroq; genere & creber & distinctus Cato.
 Nec uerò ignoro nondum esse satis politū hunc
 oratorem, & querendum esse aliquid perfe-
 ctius: quippe cum ita sit ad nostrorum tempo-
 rum rationem uetus, ut nullius scriptum extet
 dignum quidem lectione, quod sit antiquius,
 sed maiore honore in omnibus artibus, quā in
 hac una dicendi, uersatur antiquitas. Quis
 enim eorū qui hac minora animaduertunt, non

intelligit Canachi signa rigidiora esse, quàm ut imitentur ueritatem? Calamidis dura illa quidem, sed tamen molliora quàm Canachi. Nondum Myronis satis ad ueritatem adducta, iam tamen quæ non dubites pulchra dicere. Pulchriora etiam Polycleti, & iam planè perfectæ, ut mihi quidem uideri solent. Similis in pictura ratio est, in qua Zeuxim, & Polygnorū & Timantem, & eorum qui non sunt usi plus quàm quatuor coloribus, formas & lineamenta laudamus. At in Actione, Nicomacho, Protogene, Apelle, iam perfectæ sunt omnia, & nescio an reliquis in rebus omnibus idem eueniat. Nihil est enim simul & inuentum & perfectū. Nec dubitari debet quin fuerint ante Homerum poëta: quod ex eis carminibus intelligi potest, quæ apud illum & in Phæacum & in procorum epulis canuntur. Quid, nostri ueteres uersus ubi sunt,

Quos olim Fauni, uatesq; canebant?
Cum neq; Musarum scopulos quisquam superaret,

Nec dicti studiosus erat Ante hunc, ait ipse de se, nec mētitur in gloriando. sic enim sese res habet: nam & Odyssea Latina est sic tanquā opus aliquod Dedali, & Liuiana fabule non satis dignæ quæ iterū legantur. Atq; hic Liuius, qui primus fabulam, C. Claudio Cæci filio, & M. Tuditano c. o. s. s. docuit, anno ipso

*unde
lat in
hippian
de. uir
hic con
venirent
deridui futus.*

antè quàm natus est Ennius, post Romam conditam autem C C C . X . ut hic ait, quem nos sequimur: est enim inter scriptores de numero annorum controuersia. Accius autem à Q. Maximo quintum consule captum Tarento scripsit Linius annis X X X , postquam eum fabulam docuisse & Atticus scribit, & nos in antiquis comitarijs inuenimus. Docuisse autem fabulâ annis post X I . C. Cornelio, Q. Minutio C O S S . ludis Luclatij, quos Salinator Senensi pralio uouerat. In quo tantus error Accij fuit, ut his C O S S . X I . annos natus Ennius fuerit: cui cū aequalis fuerit Linius, minor fuit aliquanto is qui primus fabulam dedit, quàm ij qui multas docuerant ante hos C O S S . & Plautus, & Nauius. Hæc si minus apta uidentur hæc sermoni Brute, Attico assigna, qui me inflammanti studio illustrium hominum ætates & tempora persequendi. Ego uerò, inquit Brutus, & delector ista quasi notatione temporum, & ad id quod instituisti, oratorum genere distinguere ætatibus, istam diligentiam esse accommodatam puto. Rectè, inquã, Brute intelligis, atq; utinam extarent illa carmina, quæ multis seclis ante suam ætatem in epulis esse canitata à singulis conuiuijs de clarorum uirorum laudibus in Originibus scriptum reliquit Cato: tamen illius quem in uatibus & Faunis enumerat Ennius, & bellum Punicum quasi Myronis opus dele-

Etat. Sit Ennius sanè, ut est ceriè, perfectior: qui si illum, ut simulat, contēneret, non omnia bella persequens, primum illud Punicum acerrimum bellum reliquisset. Sed ipse dicitur cur id faciat:

- Scripsere (inquit) alij rem Versibus: & Luculentè quidē scripserunt, etiam si minus quam tu, politè. Nec uerò tibi aliter uideri debet qui à Nevio uel sumpsisti multa, si fateris: uel si negas, surripuisti. Cum hoc Catone grandiores natu fuerunt C. Flaminius, C. Varro, Q. Maximus, Q. Metellus, P. Lentulus, P. Crassus, qui cum superiore Africano consul fuit. Ipsum Scipionem accepimus non infantem fuisse. filius quidem eius, is qui hunc minorem Scipionem à Paulo adoptauit, si corpore ualuisse, in primis habitus esset disertus: indicant eum orationuncule, tum historia quadam Græca scripta dulcissimè. Numeroq; eodem fuit Sex. Aelius, iuris quidem ciuilem omnium peritissimus, sed etiam ad dicendum paratus. De minoribus autem C. Sulpitius Gallus, qui maxime omnium nobilitatem Græcis literis studuit: isq; & oratorum in numero est habitus, et fuit reliquis rebus ornatus, atq; elegans. Iam enim erat unctior quadam splendidiorq; consuetudo loquendi. Nam hoc Prætor ludos Apollini faciēte, cū Thyestem fabulam docuisset, Q. Martio, Cn. Seruilio C O S S. mortem obiit Ennius. Erat iisdem temporibus T. Gracchus P. F. qui bis C O S. & Censor

Censor fuit, cuius est oratio Græca apud Rhodios, quem ciuem cum grauem, tum etiam eloquentem constat fuisse. P. etiam Scipionem Nasicam, qui est Corculum appellatus, qui item bis C O S. & Censor fuit, habitum eloquentem. M. alium illius qui sacra acceperit, filium. dicunt etiam L. Lentulum, qui cum C. Figulo C O S. fuit, Q. Nobiliorem M. filium iam patrio instituto deditum studio literarum, qui etiam Q. Ennium, qui cum patre eius in Actolia militauerat, ciuitate donauit, cum Triumuir coloniã deduxisset: & T. Annium Luscum huius Q. filij collegam, non indiseritum dicunt fuisse. Atq; etiam L. Paulus Aphricani pater personam principis ciuis facile dicendo ruebatur. At uero etiam tum Catone uiuo, qui annos quinque & L X X X. natus excessit e uita, cum quidem eo ipso anno contra Seruium Galbam ad populum summa contentione dixisset, quam etiam orationem scriptam reliquit. Sed uiuo Catone minores nati multi uno tempore oratores floruerunt. Nam & A. Albinus, is qui Græcè scripsit historiã, qui consul cum L. Lucullo fuit, & literatus & discretus fuit: & tenuit cum hoc locum quendam etiam Ser. Fuluius, & una Ser. Fabius Pictor, et iuris & literarum & antiquitatis bene peritus. Quinqueq; Fabius Labeo fuit ornatus iisdem ferè laudibus. Nam Q. Metellus, is cuius quatuor filij consules fuerunt, in primis est habitus eloquens, qui

pro L. Cotta dixit accusante *Aphricano*, cuius
 & alia sunt orationes, & contra *T. Gracchum*
 exposita est in *C. Fannij* annalibus. Tum ipse
L. Cotta ueterator habitus, sed *C. Lelius* & *P.*
Aphricanus in primis eloquentes, quorum, ex-
 tant orationes, ex quibus existimari de ingenijs
 oratorum potest. Sed inter hos atate paulum his
 antecedens sine cōtrouersia *Ser. Galba* eloquen-
 tia praeiit: & nimirum is princeps ex *Lati-*
nis illa oratorum propria & quasi legitima
 opera tractauit, ut egrederetur à proposito or-
 uandi causa, ut delectaret animos, aut permo-
 ueret, ut augeter rem, ut miserationibus, ut com-
 munibus locis uteretur: sed nescio quomodo hu-
 ius, quem constat eloquentia praeiuisse, exilio-
 res orationes sunt, & redolentes magis antiqui-
 tatem, quàm aut *Lelij*, aut *Scipionis*, aut etiam
 ipsius *Catonis*. Itaque exarserunt, uix iam ut
 appareant. De ipsius *Lelij* & *Scipionis* inge-
 nio, quanquam ea est iam opinio, ut plurimum
 tribuatur ambobus, dicendi tamen laus est in
Lelio illustrior. At oratio *Lelij* de collegis,
 non melior quàm de multis quam uoles, *Scipio-*
nis: non quò illi *Lelij* quicquam sit dulcius, aut
 quò de religione dici possit angustius, sed mul-
 to tamen uetustior & horridior ille quàm *Sci-*
pio: & cùm sint in dicendo uariae uoluntates,
 delectari mihi magis antiquitate uidetur, &
 libenter uerbis etiam uti paulo magis priscis
Lelius

Lalium. Sed est mos hominum, ut nolint eundem pluribus rebus excellere. Nam ut ex bellica laude aspirare ad *Aphricanū* nemo potest, in qua ipsa egregium *Viriati* bello reperimus fuisse *Lalium*: sic ingenij, literarum, eloquentia, sapientia deniq; etsi utriq; primas, priores, tamen libenter deferunt *Lalio*. Nec mihi ceterorum iudicio solum uidetur, sed etiam ipsorum inter ipsos concessu ita tributum fuisse. Erat omnino tum mos, ut in reliquis rebus melior, sic in hoc ipso humanior: ut faciles essent in suum cuiq;tribuendo. Memoria teneo *Smyrnae* ex *P. Rutilio Rufo* audivisse cum diceret adolescentulo se accidisse ut ex *S. C. P. Scipio* & *D. Brutus* (ut opinor) *COS S.* de re atroci magnaq; quærent. Nam cum in sylva sua ita facta cades esset, notiq; homines interfecti, insimulareturq; familia, partim etiam liberi societatis eius quæ pecuaria de *P. Cornelio, L. Mummi*o censoribus redemisset, decrevisse senatum ut de ea re cognoscerent & statuerent Consules. causam pro publicanis accuratè, ut semper solitus esset, eleganterq; dixisse *Lalium*. Cum consules re audita amplius de consilij sententia pronuntiavissent, paucis interpositis diebus, iterum *Lalium* multo diligentius meliusq; dixisse: iterumq; eodem modo à consulibus rem esse prolatam: tū *Lalium*, cum eum socij domū reduxissent, egissentq; gratiasq; & ne defatigaretur oravissent.

locutum esse ita, se, quae fecisset, honoris eorum
 causa studiosè accurateq; fecisse, sed se arbitra-
 ri causam illam à Ser. Galba, quòd is in dicendo
 ornator acriorq; esset, grauius & uehementius
 posse defendi. Itaq; autoritate C. Laeli publicat-
 nos causam detulisse ad Galbam: illum autem,
 quòd ei uiro succedendum esset, uerecundè &
 dubitanter recepisse: num quasi comperendina-
 tus medium diem fuisse, quem totum Galbam
 in consideranda causa componendaq; posuisse:
 & cum cognitionis dies esset: & ipse Rutilius
 rogatu sociorum domum ad Galbam mane ue-
 nisset ut eum admoneret, & ad dicendi tempus
 adduceret, usq; illum quoad ei nuntiatum esset
 consules descendisse, omnibus exclusis, commen-
 ratum in quadam testudine cum seruis literatis
 fuisse, quibus aliud dictare eodem tempore so-
 litus esset. interim cum esset ei nuntiatio tem-
 pus esse, exisse in ades eo colore, & ijs oculis, ut
 egisse causam, non commentatum putares. Ad-
 debat etiam, id quod ad rem pertinere putabat,
 scriptores illos malè multatos exisse cum Gal-
 ba. Ex quo significabat illum non in agendo
 solum, sed etiam in meditando uehementem
 atque incensum fuisse. Quid multa? magna ex-
 pectationis, plurimis auditibus coram ipso La-
 lio sic illam causam tanta ui tantaq; grauitate
 dixisse Galbā, ut nulla ferè pars orationis silen-
 tio praeiretur. Itaq; multis querelis, multaqs
 miser

miseratione adhibita, socios omnibus appro-
bantibus illa die quaestione liberatos esse. Ex
hac Rutiliana narratione suspicari licet; cum
duæ summæ sint in oratore laudes, una subtili-
ter disputandi ad docendum, altera grauior
agendi ad animos audientium permouendos:
multoq; plus proficiat is qui inflammet iudi-
cem, quam ille qui doceat: elegantiam in Lælio,
vim in Galba fuisse. Quæ quidem vis tum ma-
xime cognita est, cum Lusitanis à Seruio Galba
Prætoris contra interpositam (ut existimaba-
tur) fidem interfectis: T. Libone Tribuno pleb.
populum incitante, & rogationem in Galbam
priuilegiū simulcū ferente, suumma senectute (ut
antiè dixi) M. Cato legem suadens in Galbam
multa dixit: quam orationem in Origines suas
retulit, paucis antiè quàm mortuus est an die-
bus, an mensibus? Tum igitur recusans Galba
pro sese, & populi Romani fidem implorans,
cum suos pueros, tum C. Galli etiam filium flēs
commendabat, cuius orbitas & fectus mirè mi-
serabilis fuit, propter recentem memoriam cla-
rissimi patris: usq; se tum eripuit flamma, pro-
pter pueros misericordia populi commota, sicut
idem scriptum reliquit Cato. Atq; etiā ipsum
Libonem non infantem uideo fuisse, ut ex ora-
tionibus eius intelligi potest. Cum hæc dixissem,
& paulum interquieuissem, Quid igitur, in-
quit, est causæ, Brutus, si tanta uirtus in oratore

Galba

Galba fuit, cur ea nulla in orationibus eius apparet? quod mirari non possum in eis qui nihil omnino scripti reliquerunt. Nec enim est eadem, inquam Brute, causa non scribendi, & non tam bene scribendi, quam dixerint. Nam videmus alios oratores inertia nihil scripsisse, ne domesticus etiam labor accederet ad forensem: plerumque enim scribimur orationes habite iam, non ut habeantur. Alios non laborare ut meliores fiant: nulla enim res tantum ad dicendum proficit, quantum scriptio: memoriam autem in posterum ingenij sui non desiderant, cum se putant satis magnam adeptos esse dicendi gloriam, eamque etiam maiorem usum iri, si in existimantium arbitrium sua scripta non uenerint. Alios, quod melius putent dicere se posse quam scribere, quod per ingeniosis hominibus neque satis doctis plerumque contingit, ut ipsi Galba: quem fortasse uis non ingenij solum, sed etiam animi, & naturalis quidam dolor dicentem incendebat: efficiebaturque ut & incitata & gravis & uehemens esset oratio: dein cum otiosus stylum prehenderat, motusque omnis animi tanquam uentus hominem defecerat, flaccebat oratio: quod is, qui limatius dicendi consecretantur genus, accidere non solet: propterea quod prudentia nunquam deficit oratorem, qua ille utens eodem modo possit & dicere, & scribere: ardor animi non semper adest, isque cum confedit, omnis illa

ut magis
iri nihil
scripsisse

illa vis & quasi flamma oratoris extinguatur. Hanc igitur ob causam uidetur Lalius mens spirare etiam in scriptis, Galba autem vis occidisse. Fuerunt etiam in oratorum numero mediocrium L. & Sp. Mummius fratres, quorum extant amborum orationes: simplex quidem Lucius fuit, & antiquus: Spurius autem nihilo ille quidem ornatus, sed tamen adstrictior: fuit enim doctus ex disciplina Stoicorum. Multa sunt Sp. Albini orationes. Sunt etiam L. & C. Aurdiorum Orestarum, quos aliquo uideo in numero oratorum fuisse. P. etiam Popilius cum cuius egregius, tum non indifertus fuit. C. uero filius eius disertus. Caiusque Tuditanus cum omni uita atque uictu exultus atque expolitus, tum eius elegans est habitum etiam orationis genus. Eodemque in genere est habitus is qui iniuria accepta fregit T. Gracchum patientia, cuius in rebus optimis constantissimus, M. Octavius. At uero M. Aemilius Lepidus, qui est Porcina dictus, uisdem temporibus serè quibus Galba, sed paulo minor natus, & summus orator est habitus: & fuit, ut apparet ex orationibus, scriptor sanè bonus. Hoc in oratore Latino primum mihi uidetur & lenitas apparuisse illa Græcorum, & uerborum comprehensio, etiam artifex (ut ita dicam) stylus. Hunc studiosè duo adolescentes ingeniosissimi & propè æquales C. Carbo & T. Gracchus audire soliti sunt: de quibus iam dicendi

dicendi locus erit, cum de senioribus pauca dixero. Q. enim Pompeius non contemptus orator temporibus illis fuit, qui summos honores, homines per se cognitus, sine ulla commendatione maiorum est adeptus. Tum E. Cassius multum potuit, non eloquentia, sed dicendo tamen, homo non liberalitate, ut alij, sed ipsa iustitia & seueritate popularis: cuius quidem legi tabellaria M. Antius Briso Trib. pl. diu restitit, M. Lepido consule adiuvante. Ea q; res Publio Africano in iurationi fuit, quod eius autoritate de sententia deductus Briso putabatur. Tum duo Cypionnes multum clientes consilio & lingua, plus autoritate tamen & gratia subleuabant. Sed Pompeij sunt scripta nec nimis extenuata (quam ueterum est similis) & plena prudentia. P. Crassum ualde probatum oratorem hysdem ferè temporibus accepimus, qui & ingenio ualuit & studio, & habuit quasdam etiam domesticas disciplinas. Nam & cū summo illo oratore Sergio Galba, cuius C. filio filiam suam collocauerat, affinitate sese deuinxerat: & cum esset P. Mutij filius, fratremq; haberet P. Scaevolam, domi ius ciuile cognouerat. In eo industriam constat summam fuisse, maximamq; gratiam, cum & consulere plurimum, & diceret. Horum aetatibus adiuncti duo C. Fannij, Caij, Marci filij fuerunt: quorum C. filius, qui consul cum Domitio fuit, unam orationem de socijs & no-

mine

mine Latino contra Gracchum reliquit, sanè
 & bonam, & nobilem. Tum Atticus, Quid
 ergo? est'ne ista Fannij? nam uaria opinio pue-
 ris nobis erat: alij à C. Persio licentato homine
 scriptam esse aiebant, illo quem significat ualde
 doctum esse Lucilius: alij multos nobiles, quod
 quisq; potuisset, in illam orationem contulisse.
 Tum ego, Audiui equidem ista inquam, de ma-
 ioribus natu, sed nūquam sum adductus ut cre-
 derem, eamq; suspicionem propter hanc causam
 credo fuisse, quòd Fannius in medicis oratio-
 ribus habitus esset, oratio autem uel optima esset
 illo quidem tempore orationum omnium, sed
 nec eiusmodi est, ut à pluribus confusa uideatur.
 unus enim sonus est totius orationis, & idem
 stylus: nec de Persio reticuisse Gracchus, cum
 & Fannius de Menelao Maraetheno & de ca-
 teris obiecisset, presertim cū Fannius nunquam
 sit habitus elinguis, nam & causas defensionis,
 & tribunatus eius arbitrio & autoritate P.
 Africani gestus, non obscurus fuit. Alter au-
 tem C. Fannius M. F. C. Lali gener, & moribus,
 & ipso genere dicendi durior. Is soceri instituto
 (quem, quia coopatus in augurum collegiū nō
 erat, nō admodum diligebat, presertim cum ille
 Q. Scaeuolam sibi minorem natu generum praeu-
 lisset: cui tamen Lalius se excusans, non genero
 minori dixit se illud, sed maiori filia detulisse.)
 Is tamen instituto Lali Panatium audiuerat.

Eius

Antipater
ma:
her.

Eius omnis in dicēdo facultas, ex historia ipsius non ineleganter scripta perspicui potest: quæ neq; nimis est infans, neq; perfecte diserta. Mutius autem augur, quod pro se opus erat, ipse dicebat, ut de pecunijs repetundis contra T. Albiū: is oratorum in numero non fuit: iuris ciuilis intelligentia, atq; omni prudentia genere præstitit. L. Cælius Antipater scriptor (quem admodum uideris) fuit, ut temporibus illis luculentus, iuris ualde peritus, multorum etiam, ut L. Crassi, magister. Vtinam in Tiberio Graccho. Catoq; Carbone talis mens ad Rempub. bene gerendam fuisset, quale ingenium ad bene dicendum fuit: profectò nemo his uiris gloria præstississet. Sed eorum alter propter turbulentissimum tribunatum (ad quem ex inuidia foderis Numantini bonis iratus accesserat) ab ipsa Rep. est interfectus. Alter propter perpetuam in populari ratione leuitatem morte uoluntaria se à seueritate iudicū uindicauit. Sed fuit uterq; summus orator, atq; hoc memoria patrum teste dicimus. Nam & Carbonis & Gracchi habemus orationes, nondum satis splendor uerbis, sed acutas, prudentiaq; plenissimas. Fuit Gracchus diligentia Cornelia matris à puero doctus, & Gracis literis eruditus. Nam semper habuit exquisitos è Gracia magistros: in eis iam adolescētes Diophanem Azitylensium Gracia temporibus illis disertissimum: sed & breue tempus ingenij

aug

augendi & declarandi fuit. Carbo quoad uita
 suppeditaui, est in multis iudicijs causisq; co-
 gnitus. Hunc qui audierant prudentes homines,
 in quibus familiaris noster L. Gellius, qui se illi
 contubernale in cōsulatu fuisse narrabat, cano-
 rū oratorē, & uolubilē, & satis acrē, atq; eun-
 dem & uehementē, & ualde dulcē & persace-
 tum fuisse dicebat: addebat industriū etiam &
 diligentē, & in exercitationibus commentatio-
 nibusq; multum opera solitum esse ponere. Hic
 optimus illis temporibus est patronus habitus,
 eoq; forum tenēte plura fieri iudicia cœperunt:
 nam & quæstiones perpetue hoc adolescente
 constitutæ sunt, quæ antea nullæ fuerūt. L. enim
 Piso Tribunus pl. legē primus de pecunijs repe-
 tundis, Cēsorino & Manilio C O S s. tulit. Ipse
 etiam Piso & causas egit, & multarum le-
 gum aut autor, aut dissuasor fuit: isq; & ora-
 tiones reliquit, quæ iam euenerūt, & annales
 sanè exiliter scriptos: & iudicia populi quibus
 aderat Carbo, iam magis patronū desiderabāt,
 tabella data, quam legē L. Cassius, Lepido &
 Mancino C O S s. tulit. Vester etiam D. Brutus
 M. filius, ut ex familiari eius L. Accio poëta
 sum audire solitus, & dicere non inculcē sole-
 bat, & erat cū literis Latinis, tum etiam
 Grecis, ut temporibus illis, satis eruditus. quæ
 tribuerat idem Accius etiam Q. Maximo L.
 Pauli nepoti. Et uerò ante maximum illum

Scipionem, quo duce privato T. Gracchus occisus esset cum omnibus in rebus uehementē, tum acrē aiebat in dicendo fuisse. Tum etiā P. Lentulus ille princeps, ac Remp. dūtaxat quod opus esset, satis habuisse eloquentiæ dicitur. Isdemq; temporibus L. Furius Pilus perbene Latine loqui putabatur, literatiusq; quā ceteri. P. Scauola ualde prudenter, & acutē: paulo etiā copiosius. Nec multo minus prudenter M. Manilius. Appij Claudij uolubilis, sed paulo feruidior erat oratio. In aliquo numero etiā M. Fuluius Flaccus, & C. Cato Aphricani sororis filius, mediocres oratores: etsi Flacci scripta sunt, sed ut studiosi literarū. Flacci autē amulus P. Decius fuit, non infans ille quidē: sed ut uita, sic oratione etiam turbulentus M. Drusus C. F. qui in tribunatu C. Gracchū collegam iterum Tribunum fecit, uir & oratione grauis, & auctoritate: eiq; proximē adiunctus C. Drusus frater fuit. Tuus etiam gentilis Brute M. Pennus facile agitauit in tribunatu C. Gracchū paulūm ætate antecedens. Fuit enim M. Lepidus & L. Orestes Cōsulibus, Quæstor Gracchus, Tribunus Pennus, illius M. F. qui cum Q. Aelio C O S. fuit: sed omnia is summa sperans, ædilitiis est mortuus. Nam de T. Flaminio quem ipse uidi, nihil accepi, nisi Latine diligenter locutum. Is adiuncti sunt C. Curio, M. Scaurus, P. Rutilius, C. Gracchus. De Scauro & Rutilio breuiter

niter licet dicere, quorum neuter summi ora-
 toris habuit laudem, & uterq; in multis causis
 uersatus erat. In quibusdam laudandis uiris
 etiam si maximi ingenij non essent, probabilis
 tamen industria: quanquam is quidem non o-
 mnino ingenius, sed oratorium ingenium defuit.
 Neq; enim refert uidere quid dicendum sit, nisi
 id queas solutè & suauiter dicere: ne id quidem
 satis est, nisi id quod dicitur, sit uoce, uultu, mo-
 tuq; conditius. Quid dicam opus esse doctrinam?
 sine qua etiam siquid bene dicitur adiuuante na-
 tura, tamen id quia fortuitò sit, semper paratù
 esse non potest. In Scauri oratione sapientis ho-
 minis & recti grauitas summa, & naturalis
 quedam inerat autoritas, non ut causam, sed ut
 testimonium dicere putares, cum pro reo diceret.
 Hoc dicendi genus ad patrocinia mediocriter
 aptum uidebatur, ad senatoriam uerò sententiã
 cuius erat ille princeps, uel maximè: significa-
 bat enim non prudentiam solum, sed quod ma-
 ximè rem continebat, fidem. Habebat hoc à na-
 tura ipsa, quod à doctrina non facile posset:
 quanquam huius quoque ipsius rei, quemad-
 modum scis, præcepta sunt. Huius & orationes
 sunt, & tres ad L. Fusidium libri scripti de ui-
 ta ipsius acta, sanè utiles, quos nemo legit, at
 Cyri uitam & disciplinam legunt, præclaram
 illam quidem, sed neq; tam rebus nostris aptam,
 nec tamen Scauri laudibus anteponendam.

Ipse etiam Fulvius in aliquo patronorum nu-
 mero fuit. Rutilius autem in quodam tristi &
 severo genere dicendi versatus est; & uterq; na-
 tura vehemens & acer. Itaq; cum unà consula-
 rum petivissent, non ille solum qui repulsam tu-
 lerat, accusavit ambitus designatum competi-
 torem, sed Scavrus etiam absolutus Rutilium in
 iudicium vocavit, multa q; opera, multi q; indu-
 stria Rutilius fuit, quæ erat propterea gravior,
 quod idem magnum munus de iure respondendi
 sustinebat. Sunt eius orationes ieiuna, multa
 placida de iure, doctus vir, & Græcis literis
 eruditus, Panætij auditor, prope perfectus in
 Stoicis, quorum per acutum, & artis plenum
 orationis genus, sed tamen exile, nec satis popu-
 lari assensionem accommodatum. Itaq; illa quæ
 propria est huius disciplina, philosophorum de
 se ipsorum opinio, firma in hoc uno, & stabilis
 inuenta est: qui quanquā innocentissimus in iu-
 diciū vocatus esset (quo iudicio cōvulsam peni-
 tus scimus esse rempublicam) cū essent eo tempo-
 re eloquentissimi viri L. Crassus, & M. An-
 tonius consules, eorum adhibere neutrum vo-
 luit: dixit ipse pro sese, & pauca C. Cotta, quod
 sororis erat filius, & is quidem tamen ne ora-
 tor, quanquam erat admodum adolescens. Sed
 Q. Mutius enucleatè ille quidem, & politè,
 ut solebat, nequaquam autem ea vi atq; copia,
 quam genus illud iudicij & magnitudo cause
 postulat

postulabat. Habemus igitur in Stoicis oratoribus Rutilium, Scaurium in antiquis: utrunque tamen laudamus, quoniam per illos ne hac quidem in ciuitate genera hac oratoria laude caruerunt. Volo enim ut in scena, sic etiam in foro, non eos modo laudari, qui celerimotu & difficili utantur, sed eos etiam quos statarios appellant, quorum sit illi simplex in agendo ueritas, non molestia. Et quoniam Stoicorum est facta mentio, Q. Aelius Tubero fuit illo tempore, L. Pauli nepos, nullo in oratorum numero, sed uita, seuerus, & congruens cum ea disciplina quam colebat, paulo etiam durior, qui quidem in triuuiratu iudicauerit contra P. Africani auunculi sui testimonium, uacationem augures, quo minus iudicij opera darent, non habere: sed ut uita, sic oratione durus, incultus, horridus. itaque honoribus maiorum respondere non potuit. Fuit autem constans ciuis, & fortis, & in primis Graccho molestus, quod indicat Gracchi in eum oratio. Sunt etiam in Gracchum Tiberonis. Is fuit mediocris in dicendo, doctissimus in disputando. Tum Brutus, Quam hoc idem in nostris contingere intelligo, quod in Gracis, ut omnes fere Stoici prudentissimi in differendo sint, & id arte faciant, sintque architecti penè uerborum: ijdem traducti à disputando, ad dicendum inopes reperiuntur. Vnum excipio Catonem, in quo perfectissimo Stoico summam eloquentiam non deside-

rem: quàm exiguā in Fannio, ne in Rutilio quidem magnam, in Tuberone nullam uideo fuisse. Et ego, Non, inquam, Brute, sine causa, propterea quòd istorum in dialecticis omnis cura consumitur: uagum illud orationis & fusum & multiplex non adhibetur genus. Tuus autem auunculus, quēadmodū scis, habet à Stoicis id quod ab illis petendum fuit, sed dicere didicit à dicendi magistris, eorumq; more se exercuit. Quòd si omnia à philosophis essent petenda, Peripateticorum institutis commodius fingeretur oratio. Quo magis tuum Brute iudiciū probo, qui eorum, id est ex uetere Academia philosophorū sectā secutus es, quorū in doctrina atq; præceptis differendi ratio coniungitur cum suauitate dicendi, & copia: quanquam ea ipsa Peripateticorum Academicorumq; consuetudo in ratione dicendi talis est, ut nec perficere oratorem possit ipsa per sese, nec sine ea orator esse perfectus. Nam ut Stoicorum astrictior est oratio, aliquantōq; contractior quàm aures populi requirant: sic illorum liberior & latior, quàm patitur consuetudo iudiciorum & fori. Quis enim uberior in dicendo Platone? Iouem siquidem aiunt philosophi, si Græcè loquatur, sic loqui. Quis Aristotele nervosior? Theophrasto dulcior? Lectuauisse Platonem studiosè, audiuisse etiā Demosthenes dicitur: idq; apparet ex genere & granditate uerborum. dicis etiam

in quadam epistola hoc ipse de sese. sed & hu-
 ius oratio in philosophiam translata, pugna-
 cior (ut ita dicam) uidetur, & illarū in iudi-
 cia pacatior. Nunc reliquorū oratorū aetates, si
 placet, & gradus persequamur. Nobis uero,
 inquit Atticus, & uehementer quidem, ut pro
 Bruto etiam respondeam. Curio fuit igitur eius-
 dem aetatis fere sanè illustris orator, cuius de
 ingenio ex orationibus eius aestimari potest.
 Sunt enim & alia, & pro Servio Fulvio de
 incestu nobilis oratio. Nobis quidem pueris hac
 omniū optima putabatur, quæ uix iam compa-
 ret in hac turba nonorum uoluminū. Præclare,
 inquit Brutus, teneo qui istā turbam uoluminū
 effecerit. Et ego, inquā, intelligo Brute quæ di-
 cas. Certè enim & boni aliquid attulimus in-
 uentui, magnificentius quàm fuerat illud ge-
 nus dicendi, & ornatiū: & nocuimus fortasse,
 quòd ueteres orationes post nostras, non à me
 quidem (meis enim illis antepono) sed à ple-
 risq; legi sunt desitæ. Enumera, inquit, me in
 plerisq; quāquā uideo mihi multa legenda iam
 te auctore, quæ antea contemnebā. Aliqui hæc,
 inquā, de incestu laudata oratio, puerilis est
 locis multis: de amore, de tormentis, de rumore,
 loci sane inanes, ueruntamen nondum tritis no-
 strorum hominum auribus, nec crudita ciuitate,
 tolerabiles. Scripsit etiā alia nonnulla, & multa
 dixit & illustria, & in numero patronorum

fuit: ut eum mirer, cum & uita suppeditauisset,
 & splendor ei non defuisset, consulem eum non
 fuisse. Sed ecce in manibus uir & praestantissimo
 ingenio, & flagranti studio, & doctus à puero,
 C. Gracchus: noli enim putare quenquam Bru-
 te pleniorē & uberiorē ad dicendum fuisse. Et
 ille, Sic prorsus, inquit, sic existimo, atq; istum
 de superioribus penè solam lego. Imò planè in-
 quam, Brute legas censeo: damnum enim illius
 immaturo interitu res Romana Latinaq; lite-
 ra fecerunt. Vinam non tam fratri pietatem,
 quam patria praeſtare uoluisset: quàm ille fa-
 cile tali ingenio, diutius si uixisset, uel paternam
 eſſet uel auita gloriā consecutus! Eloquentia
 quidē nescio an habuisset parē neminē: grandis
 est uerbis, sapiens sententijs, genere toto grauis:
 manus extrema non acceſſit operibus eius: pra-
 clare inchoata multa, perfecta non planè. Le-
 gendus, inquam, est hic orator Brute, si quisquā
 alius, iuuentuti: non enim solum acuerē, sed etiā
 alere ingenium potest. Huic succēſſit aetati P.
 Galba Seruij illius eloquentiſſimi uiri filius,
 P. Craſſi eloquentis & iuriſperiti gener. Lau-
 dabant hunc patres noſtri, fauebāt etiā pro-
 pter patris memoriā, ſed cecidit in curſu. Nam
 rogatione Manilia, Iugurthina coniurationis
 inuidia cum pro ſeſe ipſe dixiſſet, oppreſſus eſt.
 Extat eius peroratio, qui epilogus dicitur, qui
 tanto in honore pueris nobis erat, ut eum etiā
 ediscer

edisceremus, hic qui in collegio sacerdotū esset, primus post Romam condita iudicio publico est condēnatus. P. Scipio qui est in consulatu mortuus, non multū ille quidē, nec saepe dicebat, sed & Latine loquendo cuius erat par, & omnes sale facetijsq; superabat. Eius collega L. Bestia bonis initijs orsus tribunatus (nam P. Popiliū ui C. Gracchi expulsū sua rogatione restituit, uir & acer, & nō indifertus) tristes exitus habuit consulatus. Nā inuidiosa lege Manilia C. Galbā sacerdotē, & quatuor consulares, L. Bestiam, C. Catonē, Sp. Albinū, ciuemq; praestantissimū L. Opimium Gracchi interfectorem à populo absolutum, cum is contra populi studiū steterisset, Gracchani indices sustulerunt. Huius dissimilis in tribunatu, reliquaq; omni uita, cuius improbus C. Licinius Nerva non indifertus fuit. C. Fimbria temporibus iisdē ferē, sed longius aetate prouectus, habitus est sane (ut ita dicā) luculentus patronus, asper, maledicus, genere toto paulo feruidior atq; commotior, diligentia tamen & uirtute animi atq; uita bonus autor in senatu. Idem tolerabilis patronus, nec rudis in iure ciuili, & cum uirtute, tum etiā ipso orationis genere liber: cuius orationes pueri legebamur, quas iam reperire uix possumus. Atq; etiam ingenio & sermone elegantiori, ualetudine incommoda C. Sextius Calvinus fuit: qui etsi eum remiserant dolores pedum, non

dicerat in causis, tamē id nō saepe faciebat. Itaq;
 consilio eius cum uolebant homines utebantur:
 patrocinio, cum licebat. Iisdem temporibus M.
 Brutus, in quo magnum fuit Brute dedecus ge-
 neri uestro, qui cum tanto nomine esset, patrēq;
 optimum uirū habuisset, & iuris peritissimum,
 accusationem factitauerit, ut Athenis Lycur-
 gus. Is magistratus non petiuit, sed fuit accusa-
 tor uehemens; & molestus, ut facile cernerēs
 naturale quoddam stirpis bonum degenerauisse
 uicio deprauata uoluntatis. Atq; eodem tem-
 pore accusator de plebe L. C. sidentius fuit, quem
 ego audiui iam senem, cum ab L. Sabelio mul-
 tam lege Aquilia de iustitia petiuisse. Non
 fecissem hominis pene infamē mentionē, nisi iu-
 dicarem, qui suspiciosus aut criminofus dice-
 ret, audiuisse me neminem. Doctus etiā Gracius
 T. Alburius, uel potius penē Gracius: loquor ut
 opinor, sed licet ex orationibus iudicare. Fuit
 autem Athenis adolescens, perfectus Epicu-
 reus euaserat, minime apium ad dicendū genus.
 Iamq; Q. Catulus, non antiquo illō more, sed
 hoc nostro (nisi quid fieri potest perfectius) cru-
 ditus, multa littera, summa non nita solum atq;
 natura, sed orationis etiam comitas, incorru-
 pta quaedam Latini sermonis integritas: quae
 perspicui cum ex orationibus eius potest, tum
 facillimē ex eo libro quem de consulatu &
 rebus gestis suis conscriptum molli & Xeno-
 phont

phonteio genere sermonis misit ad *A. Furium* poetam, familiarē suum: qui liber nihilo notior est, quam illi tres, de quibus antè dixi, *Scauri* libri. Tum *Brutus*, *Mihi* quidē nec iste notus est, nec illi: sed hęc mea culpa est. nunquā enim in manus inciderunt. Nunc autem & à te sumam, & conquiram ista posthac curiosus. Fuit igitur in *Catulo* sermo *Latinus*, quæ laus dicēdi nō mediocri ab oratoribus plerisque neglecta est. nam de sono uocis, & suauitate appellandarum literarum, quoniam filium cognouisti, noli expectare quid dicā: quanquam filius quidem non fuit in oratorū numero: sed non deerat ei tamen in sententia dicenda cū prudentia, tum elegans quoddam & eruditum orationis genus. Nec habitus est tamen pater ipse. *Catulus* princeps in numero patronorum, sed erat talis, ut cum quosdam audires qui tum erat præstantes, uideretur esse inferior: cum autem ipsum audires sine comparatione, non modò contentus esses, sed melius non quæreres: *Q. Metellus Numidicus*, & eius collega *M. Syllanus*, dicebant de *Re. P.* quod esset illis uiris & consulari dignitati satis. *M. Aurelius Scaurus* nō sepe dicebat, sed politè: *Latinè* uerò in primis est eleganter locutus: quæ laus eadem in *Aulo Albino* bene loquendi fuit. Nam flamen *Albinus* etiā in numero est habitus disertorū. *Q. etiā Cæpio* uir acer & fortis, cui fortuna belli, crimini:

inuidia populi, calamitati fuit. Tum etiam C. L. Memmij fuerunt oratores mediocres, accusatores acres, atq; acerbi. Itaq; in iudicium capitis multos uocauerunt, pro rebus nō saepe dixerūt. Sp. Torius satis ualuit in populari genere dicendi, is qui agrum publicum uitiosa & inutili lege uectigali lenauit. M. Marcellus Esernini pater, non ille quidē in patronis, sed & in propriis tamen, & non inexercitatis ad dicendum fuit, ut filius eius P. Lentulus. L. etiam Cotta praetorius in mediocrium oratorū numero, dicendi non ita multum laude processerat, sed de industria, cum uerbis, tum etiam ipso sono quasi subrustico prosequabatur atq; imitabatur antiquitatem. Atq; ego & in hoc ipso Cotta, & in alijs pluribus intelligo me non ita disertos homines & retulisse in oratorum numerum, & relaturum. Est enim propositum colligere eos qui hoc munere in ciuitate functi sint, ut tenerent oratorum locum, quorum quidem quae fuerit assensio, & quam in omnibus rebus difficilis optimi perfectio atq; absolutio, ex eo quod dicam, existimari potest. Quam multi enim iam oratores commemorati sunt, & quandiu in eorum enumeratione uersamur, cum tamē spissē atq; uix, ut dudum ad Demosthenem & Hyperidem, sic nunc ad Antonium Crassumq; peruenimus. Nam ego sic existimo, hos oratores fuisse maximos, & in his primū

miam cum Græcorum gloria Latinè dicendi co-
 piam æquatam. Omnia ueniebant Antonio in *Antony la*
 mentem: eaq; suo quæq; loco, ubi plurimum pro-
 ficere & ualere possent, ut ab imperatore equi-
 tes, pedites, leuis armatura, sic ab illo in maxi-
 mè opportunis orationis partibus collocaban-
 tur. Erat memoria summa, nulla meditationis
 suspicio. Imperatus semper aggredi ad dicen-
 dum uidebatur, sed ita erat paratus, ut iudices
 illo dicente nonnunquam uiderentur non satis
 parati ad cauendum fuisse. uerba ipsa, non illa
 quidem elegantissimo sermone. itaq; diligenter
 loquendi laude caruit, neq; tamen est admodum
 inquinatè locutus, sed illa quæ propriè laus
 oratoris est in uerbis. nam ipsum Latinè loqui
 est illud quidem (ut paulo antè dixi) in magna
 laude ponendum: sed non tam sua sponte, quàm
 quòd est à plerisq; neglectum. Non enim tam
 præclarum est scire Latinè, quàm turpe nescire:
 neq; tam id mihi oratoris boni, quàm diuini Ro-
 mani proprium uidetur. sed tamen Antonius
 in uerbis & eligendis (neq; id ipsum tam lepô-
 ris causa, quàm ponderis) & collocandis, &
 comprehensione deuinciendis, nihil non adra-
 tionem & tanquam ad artem dirigebat: uerùm
 multo magis hoc idem in sententiarum orna-
 mentis, & conformationibus. quo genere quia
 præstat omnibus Demosthenes, idcirco à doctis
 oratorum est princeps iudicatus. *σχῆμα* enim
 quæ

quæ uocât Graci, ea maxime ornant oratorem:
 eaq; non tam in uerbis pingendis habent pon-
 dus, quàm in illuminandis sententijs. Sed cū hæc
 magna in Antonio, tum actio singularis: qua
 si parienda est in gestum, atq; uocem, gestus erat
 non uerba exprimens, sed cum sententijs con-
 gruens: manus, humeri, latera, supplotio pedis,
 status, incessus, omnisq; motus cum uerbis sen-
 tentijsq; consentiens: uox permanens, uerū sub-
 rauca natura: sed hoc uitiū huic uni in bonū
 conuertebat. habebat enim flebile quiddam in
 quaestionibus, aptumq; cum ad fidem faciendam,
 tum ad misericordiam commouendam: ut uerum
 uideretur in hoc illud, quod Demosthenem se-
 runt ei qui quæsiuisset quid primum esset in di-
 cendo, actionem: quid secundum, idem: & idem
 tertium respondisse. Nulla res magis penetrat
 in animos, eosq; fingit; format, flectit: talesq;
 oratores uideri facit, quales ipsi se uideri uolūt.
 Huic alij parem esse dicebant, alij antepone-
 bant L. Crassum, illud quidem certè omnes ita
 iudicabant, neminem esse qui horum alterutro
 patrono, cuiusquam ingenium requireret. Equi-
 dem quanquam Antonio tantum tribuo, quan-
 tum supra dixi, tamen Crasso nihil statuo fieri
 potuisse perfectius: erat summa grauitas, erat
 cum grauitate iunctus facietiarum & urbani-
 tatis oratorius non scurrilis lepos: Latine lo-
 quendi accurata & sine molestia diligens ele-
 gantia

gantia: in differendo mira explicatio: cum de iure civili, cum de aquo & bono disputaretur, argumentorum & similitudinum copia. Nam ut Antonius in coniectura mouenda, aut sedanda suspicione, aut excitanda, incredibilem uim habebat: sic in interpretando, in definiendo, in explicanda equitate nihil erat Crasso copiosius, idq; cum saepe, aliàs, tum apud centumuiros in *M. Curi* causa cognitum est. Ita enim multa tum contra scriptum pro aquo & bono dixit, ut hominē acutissimum *Q. Scauolam*, & in iure, in quo illa causa uertebatur, peritissimum, obrueret argumentorum exemplorumq; copia: atq; ita tum ab his patronis equalibus, etiam consulatibus, causa illa dicta est, cum uterq; ex contraria parte ius civile defenderet, ut eloquentium iurisperitissimus *Crassus*, iurisperitorum eloquentissimus *Scauola* putaretur: qui quidem cū peracutus esset ad excogitandum quid in iure, aut in aquo uerum aut esset, aut non esset, tum uerbis erat ad rem cum summa breuitate mirabiliter aptus. Quare sit nobis orator in hoc interpretandi explanandiq; & differendi genere mirabilis, sic ut simile nihil uiderim: in augendo, in ornando, in refellendo magis existimator metuentus, quam admirandus orator. Verum ad *Crassum* reuertamur. Tum *Brutus*, Etsi satis, inquit, mihi uidebar habere cognitū *Scauolam* ex ijs rebus quas audieba saepe ex *C. Rutilio*, quo utebatur

batur propter familiaritatem Scauola nostri, tamen ista mihi eius dicendi tanta laus nota non erat. Itaq; cepi uoluptatem, tam ornatum uirum, tamq; excellens ingenium fuisse in nostra Rep. Hic ego, Noli, inquam, Brute existimare his duobus quicquam fuisse in nostra ciuitate praestantius. Nam (ut paulò antè dixi) consulum alterum disertissimum, disertorum alterum consultiissimum fuisse: sic in reliquis rebus ita dissimiles erant inter sese, statuere ut tamen non posses utrius te malle similiorem. Crassus erat elegantium parcissimus, Scauola parcorum elegantissimus. Crassus in summa comitate habebat etiam seueritatis satis, Scauolae multa in seueritate non deerat tamen comitas. Licet omnia hoc modo: sed uereor ne fingi uideantur haec, ut dicantur à me quodammodo: res se tamen sic habet, cum omnis uirtus sit, ut uestra Brute uetus Academia dixit, mediocritas, uterq; horum medium quiddam uolebat sequi: sed ita ca-debat, ut alter ex alterius laude partem, uterq; autem suam totam haberet. Tum Brutus, Cum ex tua oratione mihi uideor, inquit, bene Cras-sum & Scauolam cognouisse, tum de te & de Seruio Sulpitio cogitans, esse quandam uobis cum illis similitudinem iudico. Quonam inquam, istuc modo? Quia mihi & tu uideris, inquit, tantum iuris ciuilis scire uoluisse, quantum satis esset oratori: & Seruius eloquentia tan-

tum assumpsisse, ut ius civile facile possit tueri: atatesq; uestra, ut illorum, nihil, aut non ferè multum differunt. Et ego, De me, inquam, dicere nihil est necesse: de Seruio autem & in probè dicis, & ego dicā quod sentio. Non enim facile quem dixerim plus studiū, quàm illum, & ad dicendum, & ad omnes bonarum rerum disciplinas adhibuisse: nam & in iisdem exercitationibus ineunte atate fuimus, & postea unà Rhodum ille etiam profectus est, quò melior esset, & doctior: & inde ut rediit, uidetur mihi in secunda arte primus esse maluisse, quàm in prima secundus. Atq; haud scio an par principibus esse potuisset, sed fortasse maluit, id quod est adeptus, longe omnium, non eiusdem modò atatis, sed eorum etiam qui fuissent, in iure civili esse princeps. Hic Brutus, Ain' tu? inquit, etiāne Q. Scauole Seruium nostrum anteponis? Sic enim, inquam, Brute existimo iuris ciuilis magnum usum & apud Scauolam & apud multos fuisse, artem in hoc uno: quod nunquam effecisset ipsius iuris scientia, nisi eam præterea didicisset artem quæ doceret rem universam tribuere in partes, latentem explicare definiendo, obscuram explanare interpretando, ambiguam primum uidere, deinde distinguere, postremò habere regulam qua uera & falsa indicarentur, & quæ quibus propositis essent quæq; non essent consequentia. Hic

Dialectica

lit hanc artem omnium artium maximā qua-
 si lucem ad ea quæ confuse ab alijs aut respon-
 debantur, aut agebantur. Dialecticam mihi
 uideris dicere, inquit. Recte, inquam, intelligis,
 sed adiunxit etiam & literarum scientiam, &
 loquendi elegantiam, quæ ex scriptis eius, quo-
 rum similia nulla sunt, facillimè perspicere po-
 rest. Cumq; dicendi causa duobus peritissimis
 operam dedisset, L. Lucilio Balbo, C. Aquilio
 Gallo, Galli hominis acuti et exercitati prom-
 ptam & paratam in agendo & in responden-
 do celeritatem subtilitatem diligentiaq; supera-
 uit: Balbi docti & eruditi hominis in utraque
 re consideratam tarditatem uicit, expediendis
 conficiendisq; rebus: sic & habet quod uterq;
 eorum habuit, & expleuit quod utrique de-
 fuit. Itaq; ut Crassus mihi uidetur sapientius
 fecisse quàm Scæuola (hic enim causas studiose
 recipiebat, in quibus à Crasso superabatur: ille
 se cōsuli solebat, ne qua in re inferior esset quàm
 Scæuola) sic Seruius sapientissimè. cum enim
 duæ ciuiles artes ac forenses plurimum & lau-
 dis haberent & gratiæ, perfecit ut altera præ-
 staret omnibus: ex altera tantum assumeret,
 quantum esset & ad iuendum ius ciuile, &
 ad obtinendam consularem dignitatem satis.
 Tum Brutus, Ita prorsus, inquit, & antea pu-
 tabam. Audiui enim nuper cum studiose &
 frequenter Sami, cum ex eo ius nostrum ponti-
 ficiū,

ficiū, quā ex parte cum iure ciuili coniunctum
 esset, uellem cognoscere, & nunc meum iudiciū
 multo magis confirmo testimonio & iudicio
 tuo: simul illud gaudeo, quod & equalitas ue-
 stra. & pares honorum gradus, & artium stu-
 diorumq; quasi finitima uicinitas, tantum abest
 ab obtruncatione inuidia, quā solet lacerare ple-
 rosq; uti ea non modò non exulcerare nostram
 gratiam, sed etiam conciliare uideatur. quali
 enim te erga illum perspicio, tali illum in te uo-
 luntate iudicioq; cognoui. Itaq; dolco & illius
 consilio, & tua uoce pop. Rom. carere tandiu:
 quod cum per se dolendum est, tum multo ma-
 gis consideranti ad quos ista non translata sint,
 sed nescio quo pacto deuenerint. Hic Atticus,
 Dixeram, inquit, à principio de Rep. ut silcre-
 mus, itaq; faciamus: nam si isto modo uolu-
 mus singulas res desiderare, non modò que-
 rendi, sed ne lugendi quidem finem reperiemus.
 Pergamus ergo, inquam, ad rel. quā, & insti-
 tutum ordinem persequamur. Paratus igitur
 ueniebat Crassus, expectabatur, audiebatur, à
 principio statim (quod erat apud eum semper
 accuratum) expectatione dignus uidebatur,
 non multa iactatio corporis, non inclinatio uo-
 cis, nulla inambulatio, non crebra suppositio pe-
 dis, uehemens, & interdum irata, & plena iusti
 doloris oratio, multae & cum grauitate faceria,
 quodq; difficile est, idē & perornatus, & per-

breuis. Iam in alitercando inuenit parcm neminem. Versatus est in omni ferè genere causarum, maturè in locum principum oratorum uenit. Accusauit C. Carbonem eloquentissimum hominem admodum adolefcens, summam ingenij non laudem modò, sed etiam admirationem est consecutus. Descendit postea Liciniam uirginem, cum annos x x v i i. natus esset: in ea ipsa causa fuit eloquentissimus, orationisq; eius scriptas quasdam partes reliquit. Voluit adolefcens in colonia Narbonensi causæ popularis aliquid attingere, eamq; coloniam, ut fecit, ipse deducere. Extat in eam legem senior (ut ita dicam) quàm illa ætas ferebat; oratio. Multa deinde causæ, sed ita tacitus tribunatus, ut nisi in eo magistratu cœnauisset apud præconem Gracium, idq; nobis bis narrauisset Lucilius, Tribunal pl. nesciremus fuisse. Ita prorsus, inquit Brutus: sed ne de Scauola quidem Tribunatu quicquam audiuisse uideor, & eum collegam Crassum credo fuisse. Omnibus quidem alijs, inquam, in magistratibus, sed Tribunus anno post fuit: eoq; in Rostris sedente suasisse Seruiliam legem Crassus. Nam censuram sine Scauola gessit: eum enim magistratum nemo unquam Scauolarum petiuit. Sed hæc Crassi cum edita oratio est, quæ sepe legisse certò scio, quatuor & triginta eum habebat annos, totidem annis mihi ætate præstabat. His enim consulibus eam legem
sua

suasit, quibus nati sumus, cum ipse esset Q. Capione C. O. S. natus, & C. Lelio, triennio ipso minor quam Antonius. Quod idcirco posui, ut dicendi Latine prima maturitas in qua etate exiitisset, posset notari: & intelligeretur iam ad summum penè esse perductam, ut eò nihil ferme quisquam addere posset, nisi qui à philosophia, à iure civili, ab historia fuisset instructior. Erit, inquit M. Brutus, aut iam est iste, quem expectas? Nescio, inquam. Sed est etiam L. Crassus in consulatu pro Q. Scipione, defensione iuncta non brevis ut laudatio, ut oratio autem, brevis, postrema Censoris oratio, qua anno duodecimumquagesimo usus est. In his omnibus inest quidam sine ullo fuce veritatis color, quinetiam comprehensio & ambitus ille uerborum (si sic periodum appellari placet) erat apud illum contractus et brevis, & in membra quadam, quæ κῶλα Græci uocant, dispartiebatur orationem lubentius. Hoc loco Brutus, Quandoquidem tu istos oratores, inquit, tantopere laudas, uellem aliquid Antonio præter illam de ratione dicendi sanè exilem libellum, plura Crasso libuisset scribere: cum enim omnibus memoriam sui, tum etiam disciplinam dicendi nobis reliquissent. Nam Scæuola dicendi elegantiam satis ex ijs orationibus quas reliquit, habemus cognitam. Et ego, mihi quidem à pueritia quasi magistra fuit, inquam, illa in legem Capionis oratio, in qua &

auctoritas ornatur senatus, quo pro ordine illa
 dicuntur: & invidia concitatur in iudicium &
 in accusatorum factionem, contra quorum po-
 tentiam populariter tum dicendum fuit. Multa
 in illa oratione grauitur, multa leniter, multa
 asperè, multa faccè dicta sunt: plura etiā dicta
 quàm scripta: quod ex quibusdā capitibus ex-
 positis nec explicatis intelligi potest. Ipsa illa
 censoria contra Cn. Domitium collegam non est
 oratio, sed quasi capita rerum, & orationis cō-
 mentarium paulo plenius. Nulla est enim alier-
 catio cl. moribus unquam habita maioribus. Et
 uerò fuit in hoc & popularis dictio excellens.
 Antonij genus dicendi multo aptius iudicijs,
 quàm concionibus. Hoc loco ipsum Domitium
 non relinquo. Nam etsi non fuit in oratorum nu-
 mero tamen pono satis in eo fuisse orationis, atq;
 ingenij, quo & magistratus personam, & con-
 sularē dignitatē iuretur, quod idem de C. Cae-
 lio dixerim, industriam in eo summam fuisse,
 summasq; uirtutes, eloquentia tantum, quod es-
 set in rebus priuatis amicis eius, in Rep. ipsius di-
 gnitati satis. Eodem tempore M. Herennius in
 mediocribus oratoribus Latine & diligenter lo-
 quentibus numeratus est, qui tamen summa no-
 bilitate hominē, cognatione, sodalitate, collegio,
 summa etiam eloquentia L. Philippum in consu-
 latus petitione superauit. Eodem tempore C. Clo-
 dius etsi propter summā nobilitatē & singula-
 rem

rem potentiam magnus erat, tamen etiam eloquentie quādam mediocritatē afferebat. Eiusdem serē temporis fuit eques Romanus C. Tullius, qui meo iudicio eō peruenisse uidetur, quō potuit serē Latinus orator sine Græcis literis & sine multo usu peruenire. Huius orationes tantum argutiarū, tantum exemplorum, tantum urbanitatis habent, ut penē Attico stylo scriptæ esse uideantur. Easdem argutias in tragœdias satis quidem ille acutè, sed parum tragicè transtulit. Quem studebat imitari L. Afranius poëta, homo perargutus, in fabulis quidē etiam, ut scitis, disertus. Fuit etiam Q. Rubrius Varro, qui à senatu hostis, cum C. Mario indicatus est, acer & uehemens accusator. In eo genere sanē probabilis, doctus autē Græcis literis propinquus noster factus ad dicendum M. Gracilius, M. Antonij per familiaris, cuius præfectus cum esset in Cilicia, est interfectus, qui accusauit C. Fimbriam, M. Martij Gracidiani patrē. Aliq; etiā apud socios, & Latinos oratores habiti sunt Q. Vettius Vettianus è Marsis, quem ipse cognoui, prudens uir, & in dicendo breuis. Q. D. Valerij Sorani uicini & familiares mei, non tam in dicendo admirabiles quā docti & Græcis literis, & Latinis. C. Rusticellus Bononiensis, is quidem & exercitatus, & natura uolubilis. Omnium autem eloquentissimus extra hanc urbem T. Betutius Barrus Asculanus, cuius sunt

aliquot orationes *Asculi* habita. Illa *Romæ* contra *Capionē*, nobilis sanè, cui orationi *Capionis* ore respōdit *Ælius*, qui scriptitavit orationes multas, orator ipse nunquam fuit. Apud maiores autē nostros uideo discretissimū habitum ex *Latii L. Papyrii Fregellanū*, *T. Gracchi P. F.* ferè etate: eius autē oratio est pro *Fregellanis* coloniisq; *Latiniis* habita in senatu. Tum *Brutus*, Quid tu igitur, inquit, tribuis istis externis quasi oratoribus? Quid censes, inquam, nisi id quod urbanis, præter unum, quod non est eorū urbanitate quadam quasi colorata oratio?

Et *Brutus*, Qui est, inquit, iste tandem urbanitatis color? Nescio, inquam: tantum esse quendam scio. Id tu *Brute* iam intelliges, cum in *Galliam* ueneris: audies tu quidem etiam uerba quadam non trita *Romæ*, sed hæc mutari, dedisciq; possunt. Illud est maius, quod in uocibus nostrorum oratorum recinit quiddam et resonat urbanus. Nec hoc in oratoribus modò apparet, sed etiam in cæteris: Ego memini *T. Tincam Placentinum* hominem facetissimum cum familiari nostro *Q. Gratio* præcone dicacitate certare. Eón', inquit *Brutus*, de quo multa *Lucilius*? Isto ipso: sed *Tincam* non minus multa ridiculè dicentem *Gratius* obruebat nescio quo sapore uernaculo, ut ego iam non mirer illud *Theophrasto* accidisse quod dicitur, cum percontaretur ex anicula quadam quanti aliquid uende

uenderet, & respondisset illa, atque addidisset. Hospes non pote minoris: tulisse cum molestè, se non effugere hospitis speciem, cum etatem ageret Athenis, optimeq; loqueretur. Omnium (sicut opinor) in nostris est quidam urbanorum, sicut ille Atticorum sonus. Sed domum redeamus, id est, ad nostros reuertamur. Duobus igitur summis Crasso & Antonio, L. Philippus proximus accedebat, sed longo intervallo tamen proximus. Itaq; cum, etsi nemo intercedebat, qui se illi anteferreret, neq; secundum tamen, neque tertium dixerim. Nec enim in quadrigis eum secundum numerauerim, aut tertium, qui uix è carceribus exierit, cum palmam iam primus acceperit: nec in oratoribus, qui tantum absit, à primo, uix ut in eodem curriculo esse uideatur: sed tamen erant ea in Philippo, qua qui sine comparatione illorū spectaret, satis magna diceret, summa libertas in oratione, multa facietie, satis creber in reperiendis, solutus in explicandis sententijs: erat etiam in primis, ut temporibus illis, Græcis doctrinis institutus, in altercando cum aliquo aculeo & maledicto factus. Horum etati propè coniunctus L. Gellius non tam uendibilis orator, quàm ut nescires quid ei deesset. nec enim erat indoctus, nec tardus ad excogitandum: nec Romanarum rerum immemor, & uerbis solutus satis, sed in magnos oratores inciderat eius etas: multam ta-

men operam amicis, & utilem præbuit, atq; ita
 diu uixit, ut muliarum ætatum oratoribus im-
 plicaretur, multum etiam in causis uersaretur.
 Idem serè temporibus D. Brutus, is qui consul
 cum Mamerco fuit, homo & Græcis doctus
 literis, & Latinis. Dicebat etiam L. Scipio non
 imperitè: Cneusq; Pompeius Sexti F. aliquem
 numerum obtinebat. nam Sext. frater eius præ-
 stantissimum ingenium contulerat ad summam
 iuris ciuilis, & ad perfectam geometriæ & re-
 rum Stoicarum scientiam. Item in iure & ante
 hos M. Brutus, & paulò post eum C. Ciliennus
 homo per se magnus, propè simili ratione sum-
 mus euasit, qui cōsul factus esset, nisi in Ma-
 rianos consulatus & in eas petitionis angustias
 incidisset. Cn. autem Octauij eloquentia quæ
 fuerat ante consulatum ignorata, in consulatu
 multis concionibus est uehementer probata. Sed
 ab eis qui tantum in dicentium numero, non in
 oratorum fuerunt, iam ad oratores reuertamur.
 Censeo, inquit Atticus. Eloquentes enim ui-
 debare, non fidulos uelle conquirere. Festini-
 tate igitur & facetijs, inquam, C. Julius L. F.
 & superioribus & equalibus suis omnibus præ-
 stitit, oratorq; fuit minimè ille quidem uhe-
 mens, sed nemo unquam urbanitate, nemo le-
 pōre, nemo suauitate conditior. Sant eius ali-
 quot orationes, ex quibus sicut ex eiusdem tra-
 gœdijs, lenitas eius sine neruis perspicui potest.

Eius

Eius aequalis P. Cethegus, cui de Republica satis suppeditebat oratio: totam enim tenebat eam, penitusq; cognorat. Itaq; in senatu consularium auctoritatem assequabatur: sed in causis publicis nihil, privatis satis ueterator uidebatur, Erant in privatis causis, Q. Lucretius Vispillo & acutus, & iurisperitus, nam Aphilia concionibus aptior, quam iudicijs: prudens etiam T. Annius V. lina, & in eius generis causis orator sanè tolerabilis. In eodem genere causarum multum erat T. Iuuentius, nimis ille quidem lentus in dicendo, & penè frigidus, sed & callidus & in capiendo aduersario uersutus, & præterea nec indoctus, & magna cum iuris civilis intelligentia. Cuius auditor P. Orbilius meus ferè aequalis, in dicendo non nimis exercitatus, in iure autem civili non inferior quàm magister fuit. Nam T. Aufidius, qui uixit ad summam senectutem, uolebat esse similis horum, eratq; & bonus uir, & innocens, sed dicebat parum. Nec sanè plus frater eius M. Virgilius, qui Tribunus plebis L. Sylla imperatori diem dixit. Eius collega P. Magius, in dicendo paulo tamen copiosior. Sed omnium oratorum siue rabularum, qui & planè indocti, aut inurbani, aut rustici etiam fuerunt, quos quidem ego cognouerim solutissimum in dicendo, & acutissimum iudico nostri ordinis Quintum Sertorium, equestris Caium Gongonium

gonium. Fuit etiam facilis & expeditus ad descendendum, & uita splendore multo, & ingenio sanè probabili, T. Iunius L. F. tribunitius, quo accusante P. Sextius Pr. designatus, damnatus est ambitus: is processisset honoribus longius, nisi semper infirma atq; etiā agra ualetudine fuisset. Atq; ego praclarè intelligo, me in eorum commemoratione uersari, qui nec habui sint oratores, neq; fuerint, prateririq; à me aliquot ex ueteribus commemoratione aut laude dignos: sed hoc quidem ignoratione. Quid enim est superioris ætatis quod scribi possit de ijs de quibus nulla monumenta loquuntur, nec aliorum, nec ipsorum? De ijs autem quos ipsi uidimus, neminem ferè prætermittimus eorum quos aliquando dicentes uidimus. Volo enim sciri, in tanta & tam uetere Republ. maximis præmijs eloquentiæ propositis, omneis cupisse dicere, non plurimos ausos esse, potuisse paucos. Ego tamen ita de unoquoq; dicam, ut intelligi possit quem existimem clamatorem, quem oratorem fuisse.

Isdem ferè temporibus, ætate inferiores paulo quàm Iulius, sed aequales propemodum fuerunt, C. Cotta, P. Sulpitius, Q. Varius, Cn. Pomponius, C. Curio, L. Fusius, M. Drusus Patistius, nec ulla ætate uberior oratorum sætus fuit. Ex his Cotta & Sulpitius cum meo iudicio, tum omnium, facile primas tulerunt. Hic Atticus, Quomodo istuc dici, inquit, cum tuo iudicio,

rum omnium? semperne in oratore probando aut improbando, vulgi iudicium cum intelligentium iudicio congruit? An alij probantur à multitudine, alij autem ab ijs qui intelligunt? Rectè requiris, inquam, Attice, sed audies ex me fortasse, quod non omnes probent. An tu, inquit, ad laborasse huic modo Bruto probaturus es? Planè, inquam, Attice disputationem hanc de oratore probando aut improbando, multo malim tibi & Bruto placere, eloquentiam autem meam populo probari uelim. Etenim necesse est, qui ita dicat, ut à multitudine probeatur, eundem doctis probari. nam quid in dicendo rectum sit aut prauum, ego iudicabo, si modò is sum qui id possim aut sciam iudicare: qualis uerò sit orator, ex eo quod is dicendo efficiet, poterit intelligi. Tria sunt enim, ut quidem ego sentio, quæ sint efficienda dicendo: ut doceatur is apud quem dicetur, ut delectetur, ut moueatur uehementius. Quibus uirtutibus oratoris horum quidq; efficiatur, aut quibus uitijs orator aut non assequatur hæc, aut etiam in his labatur & cadat, artifex aliquis iudicabit. Efficiatur autem ab oratore, necne, ut ij qui audiunt, ita officiantur ut orator uelit, vulgi assensu, & populari approbatione iudicari solet. Itaq; nunquam de bono oratore, aut non bono doctis hominibus cum populo dissensio fuit. Antenses, dum illi uiguerunt quos antè dixi, non eosdem

eosdem gradus oratorum vulgi iudicio & do-
 ctorum fuisse. De populo si quem ita rogauisses.
 Quis est in hac ciuitate eloquentissimus? in An-
 tonio & Crasso aut dubitaret, aut hunc alius,
 illum alius diceret: nemóne Philippum tam sua-
 uem oratorē, tam grauem, tam facctum his an-
 teferret? quem nosmetipsi, qui hac arte at qua
 uolumus expendere, proximum illis fuisse dici-
 mus? Nemo profectò: id enim ipsum est summū
 oratoris, summum oratorē populo uideri. Quare
 tibicen Antigenidas dixerit discipulo suae fri-
 genti ad populum, Mihi cane & Musis, ego
 huic Bruto dicenti, ut solet, apud multitudinem,
 Mihi cane, & populo, mi Brute dixerim: ut
 qui audient, quid efficiatur, ego etiam cur ita
 efficiatur, intelligam. Credit ijs quae dicuntur,
 qui audit oratorē, uera putat, assensitur, probat,
 fidem facit oratio. Tu artifex, quid queris am-
 plius? Delectatur audiens multitudo, & duci-
 tur oratione, & quasi uoluptate quadā persun-
 ditur. Quid habes quod disputes? Gaudet, dolet,
 ridet, plorat, fauet, odit, contemnit, inuidet, ad
 misericordiam inducitur, ad pudendum, ad pi-
 gendum, irascitur, miratur, sperat, timet: hac
 perinde accidunt, ut eorū qui adsunt, mētes uer-
 bis & sentētijs, & actione tractantur. Quid est
 quod expectetur docti alicuius sententia? Quod
 enim probat multitudo, hoc idem doctis proban-
 dum est. Deniq; hoc specimen est popularis iudi-
 cij.

cij, in quo nunquam fuit populo cum doctis intelligentibusq; dissensio. Cum multi essent oratores in vario genere dicendi, quis unquam ex his excellere iudicatus est vulgi iudicio, qui nō idem à doctis probaretur? Quando autē dubium fuisset apud patres nostros eligendi cui patroni daretur optio, quin aut Antonium optaret, aut Crassum? Adcrant multi alij: tamen utrum de his potius dubitasset aliquis: quin alterū, nemo. Quid, adolescentibus nobis, cum esset Cotta & Hortensius, num quis, cui quidē eligendi potestas esset, quenquam his anteponeret? Tum Brutus, Quid tu, inquit, queris alios? de te ipso nōne quid optarent rei quid ipse Hortēsius iudicaret, uidebamus? qui cum partiretur tecum causas (sepe enim interfui) perorandi locum, ubi plurimum pollet oratio, semper tibi relinquebat. Faciebat ille quidem, inquam, & mihi beneuolentia credo ductus tribuebat omnia: sed ego quæ de me populi sit opinio, nescio: de reliquis hoc affirmo, qui vulgi opinione disertissimi habiti sint, eosdem intelligentium quoq; iudicio fuisse probatissimos. Nec enim posset idem Demosthenes dicere, quod dixisse Antimachum clarum poetam ferunt, qui cum conuocatis auditoribus legeret eis magnū illud quod nouistis, uolumentum suum, & cum legentem omnes præter Platonem reliquissent, Legam inquit, nih: lominus: Plato enim mihi unus instar est omnium, me illum.

Et recte

& recte. Poëma enim reconditum, & paucorum approbatione, oratio popularis ad sensum vulgi debet moueri. At si eundem hunc Platonem unum auditorem haberet Demosthenes, cum esset relictus à ceteris, uerbum facere non posset. Quid tu Brute posses, si te, ut Curionem quondam, concio reliquisset? Ego uero, inquit ille, ut me tibi indicem, in eis etiam causis in quibus omnis res nobis cum iudicibus est, non cum populo, tamen si à corona relictus sim, non queam dicere. Ita se, inquam, res habet: ut si tibi inflata non referant sonum, abiiciendas eas sibi tibicen putet: sic oratori populi aures tanquam tibiae sunt: eas si inflatum non recipiunt, aut si auditor omnino tanquam equus non facit, agitando finis faciendus est. Hoc tamen interest, quòd uulgus interdum non probandum oratorem probat, sed probat sine comparatione, cum à mediocri, aut etiam à malo delectatur: eo est contentus, esse melius non sentit: illud quod est, qualecunque est, probat. Tenet enim aures uel mediocri orator, sit modo aliquid in eo: nec res ulla plus apud animos hominum, quam ordo & ornatus orationis ualet. Quare quis ex populo cum Q. Scauolam pro M. Coponio dicentem audiret in ea causa, de qua antè dixi, quicquam politius aut elegantiùs, aut omnino melius aut expectaret, aut posse fieri putaret? Cum is hoc probare uellet, M. Curium cum ita haeres insit

institutus esset, si pupillus antè mortuus esset. *Haec dero-*
 quam in suam tutelam uenisset, pupillo non na- *qui uero*
 to heredem esse non posse: quid ille non dixit de *ita fuit, ut*
 testamētorum iure, de antiquis formulis, quem- *seu uoluit*
 admodum scribi oportuisset, si etiam filio non *aut heredi*
 nato heres institueretur? Quam captiosum esse *esse non potest*
 populo, quod scriptum esset, negligi, & opinio- *sed uero*
 ne quari uoluntates, & interpretatione diser- *iudicis recipi*
 torum, scripta simplicitum hominū peruertere? *est.*
 Quam ille multa de auctoritate patris sui, qui *Q. Sciuola*
 semper ius illud esse defenderat? quam omnino *scripturae*
 multa de conseruando iure ciuili? Quae quidem *speculanda*
 omnia cum peritè & scienter, tum ita breuiter *dicebat, Cras-*
 & pressè, & satis ornatè & pereleganter dice- *sus uerbatur*
 ret, quis esset in populo, qui aut expectaret, aut *in iustitia*
 fieri posse quicquam melius putaret? At uerò
 ut contra Crassus ab adolescente delicato, qui in
 littore ambulans scalmum reperisset, ob eamq;
 rem adificare nauem concupiuisset, exorsus est,
 similiter Sciuolam rex uno scalmo captionis cen-
 tumuirale iudicium hereditatis effecisse: hoc in
 illo initio consecutus, multis eiusdem generis
 sententijs delectauit, animosq; omnium qui
 aderant, in hilaritatem à seueritate traduxit:
 quod est unum ex tribus quae dixi ab oratore
 effici debere. Deinde hoc uoluisse eum qui te-
 stamentum fecisset, hoc sensisse, quoquo modo
 filius non esset, qui in suam tutelam ueniret, siue
 non natus, siue antè mortuus, Curius heres ut
 effect:

esset: ita scribere plerosq; , & id ualere, & ualuisse semper. Hac & multa eiusmodi dicens, fidem faciebat: quod est ex tribus oratoris officijs alterum. Deinde aquum bonum, testamentorum sententias, uoluntatesq; tutatus est, quanta esset in uerbis captio, cum in ceteris rebus, tum in testamentis si negligenter uoluntates: quantam sibi potentiam Scauola assumeret, si nemo auderet testamentum facere postea, nisi de illius sententia. Hac cum graniter, tum ab exemplis copiose, tum uarie, tum etiam ridicule & facete explicans, tam admirationem, affectionemq; commouit, dixisse ut contra nemo uideretur. Hoc erat oratoris officij partitione tertium, genere maximum. Hic ille de populo iudex, qui separatim alterum admiratus esset, idē audito altero iudicium suum contemneret: at uerò intelligens & doctus audiens. Scauolam, sentiret esse quoddam uberius dicendi genus & ornatius. ab utroq; autē causa perorata, si quæreretur uter præstaret orator, nūquam profectō sapientis iudicium à iudicio uulgi discreparet. Qui præstat igitur intelligens imperito? Magna res, & difficili: siquidem magnum est scire quibus rebus efficiatur omittaturue dicendo illud quicquid est, quod aut effici dicendo oportet, aut amitti non oportet. Præstat etiam illo doctus auditor indocto, quòd sepe cum oratores duo aut plures populi iudicio probantur, quod

quod dicendi genus optimum sit, intelligit: nam illud quod populo non probatur, ne intelligenti quidem auditori probari potest. Ut enim ex nervorū sono in fidibus, quam scienter ij pulsī sint, intelligi solet: sic ex animorum motu cernitur quid tractandis his perficiat orator. Itaq; intelligens dicendi existimator, non assidens, & attentē audiens, sed uno aspectu & prateriens de oratore saepe indicat. Videt oscitantem iudicem loquentem cum altero, nonnunquam etiam circulantem, mittentem ad horas quasitorem, ut dimittat rogantem: intelligit oratorem in ea causa non adesse, qui possit animis iudicum admo-vere orationem, tanquam fidibus manuum. Idem si prateriens aspexerit erectos intuentes iudices, ut aut doceri de re, idq; etiam vultu probare videantur, aut ut auctu cantu aliquo, sic illos uiderit oratione quasi suspensos teneri, aut (id quod maximē opus est) misericordia, odio, motu animi aliquo perturbatos esse vehementius: ea si prateriens (ut dixi) aspexerit, si nihil audierit, tamen oratorem uersari in illo iudicio, & opus oratorium fieri, aut perfectū iam esse profectō intelliget. Cum hac differuissem, uterq; assensus est, & ego tanquam de integro ordiens, Quando igitur, inquam, à Cotta & Sulpitio hac omnis fluxit oratio, cum maximē iudicio illorum hominū & illius ætatis dixissem probatos, reuertar ad eos ipsos: et reliquos, ut institui, deinceps

persequar. Quoniam ergo oratorum bonorum
(hos enim querimus) duo genera sunt, unū at-
tenuatè presseq; alterum sublatè ampleq; dicen-
tium: etsi id melius est, quòd splendidius & ma-
gnificentius, tamen in bonis omnia quæ summa
sunt, iure laudantur, sed cauenda est presso illi
oratori inopia & ieiunitas: amplo autem, infla-
tum & corruptum orationis genus. Inuenie-
bat igitur acutè Cotta, dicebat purè ac solutè,
& ut ad infirmitatem laterum perscipienter con-
tentionem omnem remiserat, sic ad uirium im-
becillitatem dicendi accommodabat genus. Ni-
hil erat in eius oratione nisi sincerum, nihil
visi siccum atq; sanum, illudq; maximū, quod
cum contentione orationis flectere animos iudi-
cum uix posset, nec omnino eo genere diceret,
tractando tamen impellebat, ut idem facerent à
se commoti, quod à Sulpitio concitati. Fuit enim
Sulpitius uel maximè omnium quos quidè ego
audiuerim, grandis, & ut ita dicam, tragicus
orator: uox cum magna, tum suavis & splendi-
da: gestus & motus corporis ita uenustus, ut ta-
men ad forum non ad scenam institutus uide-
retur. Incitata, & uolubilis, nec ea redundans
tamen, nec circumfluens oratio. Crassum hic uole-
bat imitari, Cotta malebat Antonium: sed ab
hoc uis aberat Antonij, Crassi ab illo lepos. O
magnam, inquit, artem Brutus: siquidem istis
cum summi essent oratores, duæ res maxima
aliæ

altera alicui defuit. Atq; in his oratoribus illud animaduertendum est, posse summos, qui inter se sunt dissimiles: nihil enim tam dissimile, quam Cotta Sulpitio: & uterq; equalibus suis plurimum præstitit. Quare hoc doctoris intelligentis est, uidere quò ferat natura sua quæq; & ea duce utentem sic instituere, ut Isocratem in acerrimo ingenio Theopompi, & lenissimo Ephori dixisse traditum est, alteri se calcaria adhibere, alteri frenos. Sulpitij orationes quæ feruntur, eas post mortem eius scripsisse P. Caninius putatur, equalis meus, homo extra nostrum ordinem meo iudicio disertissimus. Ipsius Sulpitij nulla oratio est, sæpeq; ex eo audiui cum se scribere neq; consueuisse, neq; posse diceret, Cotta pro lege Varia quæ inscribitur, eam L. Aelius scripsit Cotta rogatu. Fuit is omnino uir egregius, & eques Rom. cum primis honestus, idemq; eruditissimus & Græcis literis & Latinis, antiquitatisq; nostræ & in inuentis rebus, & in actis, scriptorumq; ueterum literatè peritus, quam scientiam Varro noster acceptam ab illis, auctamq; per sese, uir ingenio præstans, omniq; doctrina, pluribus & illustrioribus literis explicauit, sed idem Aelius Stoicus esse noluit, orator autem nec studuit unquam, nec fuit: scribebat tamen orationes quas alij dicerent, ut Q. Metello F. ut Q. Cæpioni, ut Q. Pompeio Rufo: quanquam is etiam ipse scripsit eas

quibus pro se est usus, sed non sine Aelio. His enim scriptis etiam ipse interfui, cū essem apud Aelium adolescens, cumq; audire perstudiosè solcrem. Cottam autem miror summum ipsum oratorem, minimeq; ineptum Aelianas leucis oratiunculas uoluisse existimari suas. His duobus eiusdē aetatis annumerabatur nemo tertius, sed mihi placebat Pomponius maximè, uel dicam, minimè displicebat. Locus erat omnino in maximis causis prater eos de quibus suprà dixi, nemini, propterea quòd Antonius, qui maximè exspectabatur, facilis in causis recipiendis erat, fastidiosior Crassus, si d tamen recipiebat. horum qui neutrum habebat, confugiebat ad Philippum serè, aut ad Casarem: Cotta & Sulpitius exspectabantur ita ab ijs sex patronis causa illustres agebantur: neq; tam multa, quàm nostra aetate, iudicia fiebant: neq; hoc quod nunc fit, ut causa singule defenderentur à pluribus, quo nihil est uitiosius. Respondemus ijs, quos non audiimus, in quo primum sepe aliter est dictum, aliter ad nos relatum: deinde magni interest coram uidere me quemadmodum aduersarius de quaque re assencret, maximè autem quemadmodum quaq; res audiat. Sed nihil uitiosius, quàm cum unum corpus debeat esse defensionis, nasci de integro causam, cum sit ab altero perorata. Omnium enim causarum unum est naturale principium, una peroratio: relique partes quasi

quasi membra suo quæq; loco locata, suam vim
 & dignitatem tenent. Cum autem difficile sit
 in longa oratione non aliquando aliquid ita di-
 cere, ut sibi ipse non conueniat: quanto diffici-
 lius caute nequid dicas quod non conueniat eius
 orationi qui ante te dixerit? Sed quia & labor
 multo maior est tantam causam quam partem di-
 cere, & quia plures inueniunt gratia si uno tem-
 pore dicas pro pluribus: idcirco hanc consuetu-
 dinem lubenter asciuiimus. Erant tamen quibus
 uideretur illius atatis tertius Curio, quia splen-
 didioribus fortasse uerbis utebatur, & quia La-
 tinè non pessimè loquebatur, usu credo aliquo
 domestico: nam literarum admodum nihil scie-
 bat. Sed magni interest quos quisq; audiat quo-
 tidie domi, quibuscum loquatur a puero, quem
 admodum patres, pedagogi, matres etiam lo-
 quantur. Legimus epistolas Cornelia matris
 Gracchorum: apparet filios non tam in gremio
 educatos, quàm in sermone matris. Auditus est
 nobis Lælia Cuij filia sæpe sermo: ergo illam pa-
 tris elegantia tinctà uidimus, & filias eius Mu-
 rias ambas, quarum sermo mihi fuit notus: &
 neptes Licinias, quas nos quidem ambas, hanc
 uerò Scipionis etià tu Brute credo aliquando au-
 disti loquentem. Ego uerò ac lubenter quidē, inquit
 Brutus, & eo lubentius, quòd L. Crassi erat fi-
 lia. Quid Crassum, inquā, illū censes istius Lici-
 nia filium, Crassi testamēto qui fuit adoptatus?

Summo iste quidē dicitur ingenio fuisse, inquit. Et uerò hic Scipio collega meus, mihi sanè bene & loqui uidetur, & dicere. Recte, inquam, iudicas Brute. etenim istius genus est ex ipsius sapientiæ stirpe generatum. Nam & de duobus auis iam diximus, Scipione & Crasso, & de tribus proauis, Q. Metello, cuius quatuor filij: P. Scipione, qui ex dominatu T. Gracchi priuatus in libertatem Remp. uindicauit: Q. Scauola augur, qui peritissimus iuris, idemq; percomis est habitus. Iam duorum abauorum quam est illustre nomen, P. Scipionis, qui bis consul fuit, qui est Corculū dictus: alterius omnium sapientissimi C. Lelij. O generosam, inquit, stirpem, & tanquam in unam arborem plura genera, sic in istam domum multorum insitam atq; illuminatam sapientiam. Similiter igitur suspicor (ut conscramus parua magnis) Curionis, cisi pupillus relictus est, patrio fuisse instituto puro sermone assuefactam domum: & eo magis hoc iudico, quòd neminem ex ijs quidem qui aliquo in numero fuerunt, cognoui in omni genere honestarum artium tam indoctum, tam rudem. Nul lum ille poetam nouerat, nullum legerat oratorem, nullam memoriam antiquitatis collegerat, non publicum ius, non priuatum & ciuile cognouerat: quanquam id quidem fuit etiam in alijs & magnis quidem oratoribus, quos parum his instructos artibus uidimus, ut Sulpitium,

ut Antonium. Sed ij tamen unum illud habebant dicendi opus claboratum: idq; cum constaret ex quinque notissimis partibus, nemo in aliqua parte earum omnino nihil poterat. in quacumq; enim una planè claudicaret, orator esse non posset. Sed tamen alius in alia excellebat: magis reperiebat quid dici opus esset, & quomodo preparari, & quo loco locari: memoriaq; ea comprehendebat. Antonius: excellebat autem actione, erantq; ei quedam ex his paria cū Crasso, quedam etiam superiora. At Crassi magis enitebatur oratio. Nec uerò Sulpitio, neq; Cotta dicere possumus, neq; cuiquam bono oratori rem ullam ex illis quinque partibus planè atq; omnino defuisse. Itaq; in Curione hoc uerissime iudicari potest, nulla re una magis oratorem commendari, quam uerborum splendore & copia. Nam cum tardus in cogitando, tum in instruendo dissipatus fuit. Reliqua duo sunt, agere, & meminisse: in utroq; cachinnos irridentium commouebat. Motus erat is, quem & C. Julius in perpetuum notauit, cum ex eo in utranq; partem toto corpore uacillante quesivit, quis loqueretur à lintre. Et Cn. Sicinius homo impurus, sed admodum ridiculus, neq; aliud in eo oratoris simile quicquam: is cum Trib. pleb. Curionem & Octanium c o s s. produxisset, Curioq; multa dixisset sedente Cn. Octanio collega, qui denictus erat fascijs, & multis medi-

camentis propter dolorem arcuum delibutus.
 Nunquam, inquit, Octavi, collega tuo gratiam
 referes, qui nisi se suo more iactavisset, hodie te
 istic musca comedissent. Memoria autē ita fuit
 nulla, ut aliquoties tria cum proposuisset, aut
 quartum adderet, aut tertium quæreres qui in
 iudicio privato uel maximo, cum ego pro Ti-
 nia Cotta peroravissem, ille contra me pro Ser-
 nio Navio diceret, subito totam causam oblitus
 est, idq; beneficijs & cautionibus Titinie factū
 esse dicebat. Magna hac immemoris ingenij si-
 gna, sed nihil turpius, quā quod etiam in scri-
 ptis obliuisceretur quid paulo ante posuisset, ut
 in eo libro ubi se ex eunice ē senatu, & cum Pan-
 sa nostro, & cum Curione filio colloquentem fa-
 cit, cum senatū Caesar C O S. habuisset, omnisq;
 ille sermo ductus ē percōtatione filij, quid in se-
 natu esset actum. In quo multis verbis cum in-
 ucheretur in Cesare Curio, disputatioq; esset in-
 ter eos, ut est consuetudo dialogorum, cum ser-
 mo esset institutus senatu misso, quem senatum
 Caesar C O S. habuisset, reprehendit eas res, quas
 idem Caesar anno post, & deinceps reliquis an-
 nis administravisset in Gallia. Tum Brutus ad-
 mirās, Tantāme fuisse obliuionē, inquit, in scri-
 pto praesertim, ut ne legens quidē unquā sense-
 rit quantum flagitij commisisset? Quid autem,
 inquā, Brute stultine, quā si ea vituperare uo-
 lebas qua vituperavit, nō eo tempore institueret
 sermon

sermonem, cum illarū rerum iam tempora praeteriissent? Sed ita totus errat, ut in eodē sermone dicat in senatu se Casare consule non accedere, sed id dicat ipso C. O. S. exiens ē senatu. Iam qui hac parte animi, qua cūctos est ceterarum ingenij partium, tam debilis esset, ut ne in scripto quidem meminisset quid paulō antē posuisset, huic minimē mirum est ex tempore dicenti soli tam effluere mentem. Itaq; cum ei nec officium deesset, & flagraret studio dicēdi, per pauca ad eum causa deferrebantur. Orator antē uir eius aequalibus proximis optimis numerabatur, propter uerborum bonitatem, ut antē dixi, & expeditam ac profluentem quodammodo celeritatem. Itaq; eius orationes aspiciēdas tamen censeo: sunt ille quidem languidiores, uerū tamen possunt augere & quasi alere id bonū, quod in illo mediocriter fuisse concedimus: quod habet tantam uim, ut solū sine alijs in Curione speciem oratoris alicuius effeceris. Sed ad instituta redeamus. In eodem igitur numero eiusdem aetatis C. Carbo fuit, illius eloquentissimi uiri filius non satis acutus orator, sed tamē orator numeratus est. Erat in uerbis grauitas, et faciliē dicebat, & autoritatē naturalem quandā habebat oratio. Acutior Q. Varius rebus inueniendis, nec minus uerbis expeditus: fortis uerō actor et uehemens, & uerbis nec inops, nec abiectus. & quem planē oratorem dicere auderes. Cn. Pomponius

ponius lateribus pugnās, incitans animos, acer,
 acerbus, criminofus. Multum ab ijs aberat L.
 Fufius, tamen ex accusatione M. Aquilij dili-
 gentia fructum ceperat. Nam M. Drufum
 tuum magnum auunculum, grauem oratorem,
 ita duntaxat cum de Rep. diceret: L. autem Lu-
 cullum etiam acutum, patremq; tuum Brute,
 iuris quoq; & publici & privati sanè peritum,
 M. Lucullum: M. Octauium Cn. filium (qui
 tantum autoritate dicendoq; ualuit, ut legem
 Semproniam frumentariam populi frequentis
 fuffragijs abrogauerit) Cn. Octauium, M. filiū,
 M. Catonem patrem, Q. etiam Catulum filium
 abducamus ex acie, id est à iudicijs, & in prae-
 dijs Reipu. cui facile fatisfacere poffint, colloce-
 mus. Eodem Q. Capiōnem referrem, nifi nimis
 equeſtri ordini deditus, à ſenatu diffediſſet. Cn.
 Carbonem, M. Marium, & ex eodem genere
 complureis minimè dignos elegantis conuenus
 auribus, aptiſſimo cognoui turbulentis concio-
 nibus quo in genere (ut in ijs. perturbem atatum
 ordinem) nuper L. Quintus fuit, aptior autem
 etiam Palicanus auribus imperitorū. Et quo-
 niam huius generis facta mentio eſt, ſeditioſo-
 rum omnium poſt Gracchos, L. Apuleius Sa-
 turninus eloquentiſſimus uifus eſt: magis ſpecie
 tamen & motu atq; ipſo amictu capiebat he-
 mines, quàm aut dicendi copia, aut mediocrita-
 tem prudētia. Longè autem poſt natos homines
 improb

improbissimus C. Servilius Glaucia, sed per-
acutus & callidus, cū primisq; ridiculus. Is ex
summis & fortune & uita sordibus in prae-
ra, COS. factus esset, si rationē eius haberi licere
indicatum esset. Nam & plebem tenebat, &
equestrem ordinem beneficio legis deuinxerat.
Is praetor eodem die quo Saturninus tribunus
plebis, Mario & Flacco C. O. S. S. publicē est in-
terfectus, homo simillimus Atheniensis Hy-
perboli, cuius improbitatē ueteres Atticorum
eomordia notauerunt. Quos Sex. Titius cōsecu-
tus, homo loquax sanē, & satis acutus, sed tam
solutus & mollis in gestu, ut saltatio quadam
nasceretur, cui saltationi Titius nomē esset. Ita
cauendū est nequid in agēdo dicendōne facias,
cuius imitatio rideatur. Sed ad paulo superiore
atatem reuecti sumus, nunc ad eam de qua ali-
quantum locuti sumus, reuertamur. Coniunctus
igitur Sulpitij aetati P. Aristius fuit, rabula
sanē probabilis, qui multos cū tacuisset annos,
neq; contemni solum, sed irrideri etiam solitus
esset, in tribunatu primum contra C. Iulij illam
consulatus petitionem extraordinariam, ueram
causam agens est probatus: & eo magis, quod
eandem causam cū ageret eius collega ille ipse
Sulpitius, hic plura & acutiora dicebat. Itaq;
post tribunatū primò multae ad eum causae, de-
inde omnes maxime quaecunque erant desere-
bantur. Rem uidebat acutē, componebat dili-
genter.

genter, memoria ualebat, uerbis nō ille quidem
 ornatus utebatur, sed tamen nō abiectis. Expe-
 dita autem erat & persacile currens oratio. Et
 erat eius quidem tanquam habitus nō inurba-
 nus: actio paulum cum uitio uocis, tum etiam
 ineptijs claudicabat. Hic temporibus floruit ijs,
 quibus inter profectiōem reditumq; L. Sylla
 sine iure fuit & sine ulla dignitate Resp. Hoc
 etiam autem magis probabatur, quod erat ab
 oratoribus quedam in foro solitudo: Sulpitius
 occiderat, Cotta aberat, & Curio, uinebat ē re-
 liquis patronis eius atatis nemo prater Carbo-
 nem & Pomponium, quorū utrunq; facile su-
 perabat. Inferioris autē atatis erat proximus L.
 Sisenna doctus uir, & studijs optimis deditus,
 benē Latine loquens, gnarus Reip. nō sine face-
 tijs, sed neq; laboris multi, nec satis uersatus in
 causis: interiectusq; inter duas atates Hortensij,
 & Sulpitij, nec maiorē consequi poterat, et mi-
 nori necesse erat cedere. Huius omnis facultas
 ex historia ipsius perspicui potest, qua cum facile
 omnes uincat superiores, tū indicat tamē quan-
 tām absit à summo, quamq; genus hoc scriptio-
 nis nōdum sit satis Latinis literis illustratum.
 Nam Q. Hortensij admodū adolescentis inge-
 nium, ut Phidias signum, simul aspectū & pro-
 batum est. Is L. Crasso, Q. Scanola C O S S. pri-
 mum in foro dixit, & apud hos ipsos quidem
 consules: & cum corū qui assuerunt, tum ipso-

rum consulu, qui omnes intelligētia anteibant.
iudicio discessit probatus. Vnde uiginti annos
natus erat eo tempore. Est autem L. Paulo, C.
Marcello COSS. mortuus: ex quo uidemus eum
in patronorum numero annos quatuor & XL.
fuisse. Hoc de oratore paulo post plura dicemus:
hoc autē loco uolumus atate eius in disparem
oratorum atate includere: quanquā id quidem
omnibus usu uenire necesse fuit, quibus paulo
longior uita cōtingit, ut & cū multo maioribus
nati quam essent ipsi, & cum aliquāto mino-
ribus compararentur: ut Accius iisdē adilibus
ait se & Pacunium docuisse fabulam, cum ille
octoginta, ipse triginta annos natus esset. Sic
Hortensius non cum suis aqualibus solum, sed
& mea cum atate, & cum tua Brute, & cuon
aliquanto superiore coniungitur. Siquidem &
Crasso uiuo dicere solebat, & magis iam etiam
nigebat cum Antonio, & cum Philippo iam
sene pro Cn. Pompeij bonis dicēte: in illa causa
adolescens cū esset, princeps fuit: et in eorū quos
in Sulpitij atate posui, numerum facile perue-
nerat, & suos inter aequales. M. Pisonem, M.
Crassum, Cn. Lentulū, P. Lentulū Surram, lon-
ge praestitit, & me adolescentem natu octo an-
nis minorem quam erat ipse, multos annos in
studio eiusdem laudis exereuit, et tecum simul,
sicut ego pro multis, sic ille pro Appio Claudio
dixit, paulo antē mortem. Vides igitur ut ad te

oratorem Brute peruenimus, tam multis inter
 nostrum tuumq; initium dicendi interpositis
 oratoribus? ex quibus, quoniam in hoc sermone
 nostro statui neminem eorum qui uiuerent, no-
 minare, ne uos curiosius eliceretis ex me quid
 de quoq; iudicaret, eos qui iam sunt mortui,
 nominabo. Tum Brutus, Non est, inquit, ista
 causa quam dicis, quamobrem de ijs qui uiuunt,
 nihil uelis dicere. Quenam igitur, inquam, est?
 Vereri te, inquit, arbitror, ne per nos hic sermo
 tuus emanet, & ij tibi successeant, quos prater-
 ieris. Quid uos inquam, tacere non poteritis?
 Nos quidem, inquit, facillime: sed tamen te ar-
 bitror malle id ipsum tacere, quam taciturni-
 tatem nostram experiri. Tum ego, Vere, tibi, in-
 quam, Brute dicam: non me existimauimus in hoc
 sermone usq; ad hanc aetate esse uenturum, sed
 ita traxit ordo aetatum orationem, ut iam ad
 minores etiam peruenerim. Interpone igitur,
 inquit, si quos uidetur, deinde redeamus ad te.
 & ad Hortensium: Immo uero, inquam, ad Hor-
 tensium: de me alij dicet, si qui uolent. Minime
 uero, inquit: nam etsi me facile omni tuo ser-
 mone tenuisti, tamen is mihi longior uidetur,
 quod propero audire de te: nec uero tam de uir-
 tutibus dicendi tuis quae cum omnibus, tum certe
 mihi notissime sunt, quam quod gradus tuos
 & quasi processus dicendi studeo cognoscere.
 Geretur, inquam, tibi mos, quoniam me non
 ingenij

ingenij prædicatorem esse vis, sed laboris mei.
 Verum interponam, ut placet, alios, & à M.
 Crasso, qui fuit æqualis Hortensij, exordiar. Is
 igitur mediocriter à doctrina instructus, angu-
 stius etiam à natura, labore & industria, &
 quod adhibebat ad obtinendas causas curam
 etiam & gratiam, in principibus patronis ali-
 quot annos fuit. In huius oratione sermo Lati-
 nus erat, uerba non abiecta, res composita dili-
 genter, nullus flos tamen, neq; lumē ullum: ani-
 mi magna, uocis parua contentio, omnia ferè ut
 similiter atq; uno modo dicerentur. Nam huius
 æqualis & inimicus C. Fimbria nō ita diu ia-
 ctare se potuit, qui omnia magna uoce dicens,
 uerborum sanè bonorum cursu quodā incitato
 ita furebat tamen, ut mirarere tam alias res
 agere populum, ut esset insano inter disertos lo-
 cus. Cn. autem Lentulus multo maiorem opinio-
 nem dicendi actione faciebat, quàm quanta in
 eo facultas erat: qui cum esset nec peracutus,
 (quanquam et ex facie & ex uultu uidebatur)
 nec abundans uerbis, etsi fallebat in eo ipso: sic
 interuallis, exclamationibus, uoce suauis & ca-
 nora, admirando irridebat, calebat in agēdo, ut
 ea quæ deerant, nō desiderarentur. Ita tanquam
 Curio copia nōnulla uerborum, nullo alio bono
 tenuit oratorum locū, sic Lentulus ceterarum
 uirtutum dicēdi mediocritatem actione occul-
 tauit, in qua excellens fuit. Neq; multo secus

*P. Lentulus, cuius & excogitandi & loquendi
 tarditatem tegebat formæ dignitas, corporis
 motus plenus & artis & uenustatis, uocis &
 suauitas & magnitudo: sic in hoc nihil præter
 actionem fuit, cetera etiam minora quam in
 superiore. M. Piso quicquid habuit, habuit ex
 disciplina, maximeq; ex omnibus qui antè fue-
 runt, Græcis doctrinis eruditus fuit. Habuit à
 natura genus quoddam acuminis, quod etiā arte
 limauerat, quod erat in reprehendendis uerbis
 nersatum et solers, sed sæpe stomachosum, non-
 nunquam frigidum, interdum etiā sacetum. Is
 laborem quasi cursum forensem diutius non tu-
 lit, quod & corpore erat infirmo, & hominum
 ineptias ac stultitias, quæ deuoranda nobis sunt,
 non ferebat, irascundiasq; respuebat, siue mo-
 rose, ut putabatur, siue ingenuo liberoq; fasti-
 dio. Is cum satis floruisse adolescens, minor ha-
 beri est ceptus postea, deinde ex uirginum in-
 dicio magnam laudem est adeptus, & ex eo
 tempore quasi reuocatus in cursum: tenuit lo-
 cum tam diu, quam ferre potuit laborem postea
 quantum detraxit ex studio, tantum amisit
 ex gloria. P. Muræna mediocri ingenio, sed ma-
 gno studio rerum ueterum, literarum et studio-
 sus, & non imperitus: multa industria, & ma-
 gni laboris fuit. C. Censorinus Græcis literis
 satis doctus, quod proposuerat explicans expe-
 ditè, non inuenustus actor, sed iners, & inimi-*

eius fori. Lucius Turius paruo ingenio, sed mul-
 to labore, quoquo modo poterat, sepe dicebat.
 itaque ei pauca centuria ad consultum desue-
 runt. C. Macer auctoritate semper eguit, sed suis
 patronus propemodum diligentissimus: huius
 si uita, si mores, si uultus denique non omnem
 commendationem ingenij euerteret, maius no-
 men in patronis fuisset: non erat abundans, non
 inops tamen, non ualde nitens, non planè hor-
 rida oratio: uox, gestus, & omnis actio, sine
 lepore: at in inueniendis componendisque rebus
 uera accuratio, ut non facile in ullo diligentio-
 rem, maioremque cognouerim, sed eam ut citius
 ueteratoriam quam oratoriam diceret. hic etsi
 etiam in publicis causis probabatur, tamen in
 priuatis illustriorē obtinebat locum. C. deinde
 Piso statarius, & sermonis plenus orator, mi-
 nimè ille quidem tardus in excogitando, uerum
 tamen uultu & simulatione multo etiam ac-
 tior quàm erat, uidebatur. Nam eius aequalem
 M. Glabriorem bene institutum ani Scenoke
 diligentia, socors ipsius natura negligensque tar-
 dauerat. Etia L. Torquatus elegans in dicendo,
 in existimando admodum prudens, toto genere
 perurbanus. Ateus autem aqualis Cn. Pom-
 peius uir ad omnia summa natus, maiorem di-
 cendi gloria habuisset, nisi cum maioris gloriae
 cupidus ad bellicas laudes abstraxisset. erat
 oratione satis amplius, rem prudenter uidebat.

actio uerò eius habebat & in uoce magnum splendorem, & in motu summam dignitatem. Nosler item equalis D. Syllanius uirrius tuus, studiū ille quidem habuit non multum, sed acuminis & orationis satis. Q. Pōpeius A. F. qui Bithynicus dictus est, biēnio quam nos fortasse maior, summo studio dicendi, multaq; doctrina, incredibili labore atq; industria, quod scire possum: fuit enim mecum, & cum M. Pisone, cum amicitia, tū studijs exercitationibusq; coniunctus, huius actio non satis cōmendabat orationem: in hac enim satis erat copie, in illa autem lepōris parum. Erat eius equalis P. Antronius uoce peracuta atq; magna, nec alia re ulla probabilis. Et L. Octanius Reatinus, qui cū multas iam causas diceret, adolescens est mortuus: is tamē ad dicendum ueniebat magis audacter, quā paratē. Et C. Staienus, qui se ipse adoptauerat, & de Staieno Aelium fecerat, feruido quodam & petulanti & furioso genere dicendi: quod quia multis gratū erat & probabatur, ascēdisset ad honores, nisi in facinore manifestō deprehensus, pœnas legibus & iudicio dedisset. Eodem tēpore C. & L. Caspij fratres fuerunt, qui multa opera ignoti homines & repemini, quæstores celcritè facti sunt oppidano quodā & incōdito genere dicendi. Addamus huc etiā, ne quem uocalē prateriisse uideamur, C. Cosconiū Calidianū, qui nullo acumine, eam

tamen

tamen uerborū copiam, siquā habebat, praebebat populo cum multa concursatione, magnoq; clamore. Quod idem faciebat Q. Arrius, qui fuit M. Crassi quasi secundarius. Is omnibus exēplo debet esse; quantū in hac urbe polleat multorum obedire tēpori, multorumq; uel honori uel periculo seruire. His enim rebus infimo loco natus, & honores, & pecuniā, & gratiam consecutus, etiam in patronorum, sine doctrina, sine ingenio, aliquē numerū peruenerat: sed ut pugiles in exercitatu etiam si pugnos & plagas Olympiorum cupidi ferre possunt, solem tamen saepe ferre non possunt: sic ille cum omni iam fortuna prosperē functus, labores etiam magnos excepisset, illius iudicialis anni seueritatē quasi solem non tulit. Tum Atticus, Tu quidem de face, inquit, hauris, idq; iandudū, sed tacebam, hoc uerō non putabam, te usq; ad Staienos & Antronios esse uenturum. Non puto, inquam, existimare te ambitione me labi, quippe de mortuis: sed ordinem sequens, in memoriam notam & aequalem necessariō incurro. Volo autem hoc perspicere, omnibus conquisitis qui in multitudine dicere ausi sint, memoria quidem dignos per paucos: uerū qui omnino nomen habuerint, non ita multos fuisse: sed ad sermonem institutum reuertamur. T. Torquatus T. filius, & doctus uir ex Rhodia disciplina Molonis, & à natura ad dicendum satis solutus atq; expedi-

ius, cui si uita suppeditaſſet, ſublato ambitu conſul factus eſſet: plus facultatis habuit ad dicendum, quàm uoluntatis. Itaq; ſtudio huic non ſatisfecit, officio uerò nec in ſuorum neceſſariorum cauſis, nec in ſententia ſenatoria deſuit. Etiam *M. Pontidius* municeps noſter multas priuatas cauſas actitauit, celeriter ſanè uerba noluens, nec hebes in cauſis, uel dicā plus etiam quàm non hebes, ſed efferueſcens in dicendo, ſtomacho ſape, iracundiaq; uehementius, ut non cum aduerſario ſolum, ſed etiā (quod mirabile eſſet) cum iudice ipſo, cuius delinitor eſſe debet orator, iurgio ſape contenderet. *M. Mæſſala* minor natu quàm nos, nullo modo inops, ſed non nimis ornatus genere uerborum, prudens, acutus, munimè incauius patronus in cauſis cognoſcendis, componendisq; diligens, magni laboris, multe opera, multarumq; cauſarū. Duo etiam *Metelli*, *Celer*, & *Nepos*, nihil in cauſis uerſati, nec ſine ingenio nec indocti, hoc erant popolare dicendi genus aſſecuti. *C.* autem *Lentulus Marcellinus*, nec unquam indiſcrtus, & in conſulatu pereloquens uſus eſt, non tardus ſententijs, non inops uerbis, uoce canora, ſacetus ſatis. *C. Memmius L. filius* perfectus literis, ſed *Græcis*, ſaſtidioſus ſanè *Latinarum*, argutus orator uerbisq; dulcis, ſed fugiens non modò dicēdi, uerum etiam cogitandi laborem, tantum ſibi de facultate detraxit, quācum imminuit induſtria.

Hoc

Hoc loco Brutus, Quàm uellem, inquit, de his etiam oratoribus qui hodie sunt, tibi dicere luberet: etsi de alijs minus, de duobus tamen, quos à te scio laudari solere, Casare, & Marcello, audirem non minus lubenter, quàm audiui de ijs qui fuerunt. Cur tandem? inquam: an expectas quid ego iudicem de istis qui tibi sunt & què noti ac mihi? At tibi mehercule, inquit, Marcellus satis est notus, Caesar autem parum: illum enim sæpe audiui, hic, cum ego iudicare iam aliquid possem, abfuit. Quid igitur de illo iudicas quem sæpe audisti? Quid censes, inquit, nisi id, quòd habiturus es similem tui? Ne ego, inquam, si ita est, uelim tibi cum placere quàm maximè. At qui & ita est, inquit, & uehemèter placet, nec uerò sine causa: nam & didicit, & omiſſis cæteris studijs unum id egit, seseq; quotidianis commentationibus acerrimè exercuit. Itaq; & lectis uirum uerbis, & frequentibus, & splendore uocis, dignitate motus fit speciosum & illustre quod dicitur: omniaq; sic suppetunt, ut eì nullam deesse uirtutem oratoris putem: maximeq; laudandus est, qui hoc tempore ipso cùm liceat, in hoc communi nostro & quasi fatali malo consoletur se, cum consciètia optima mentis, tum etiam usurpatione, & renouatione doctrina. Vidi enim Mitylenis nuper uirum, atq; (ut dixi) uidi planè uirū. Itaq; cùm eum antea tui similem in dicendo uiderim, tum uerò nūc à

doctissimo uiro, tibiq; , ut intellexi , amicissimo
Cratippo instructum omni copia , multo uide-
bam simliorem. Hic ego, *Et si*, inquam, de opti-
mi uiri nobisq; amicissimi laudibus lubèter au-
dio , tamen incurro in memoriam communium
miseriorum, quarum obliuionem querens hunc
ipsum sermonem produxi longius. Sed de Casare
cupio audire quid tandem Atticus iudicet. *Et*
ille, *Præclare*, inquit, tibi constat , ut de ijs qui
vni sunt, nihil uelis ipse dicere : *Et* hercle si sic
ageres ut de ijs egisti qui iam mortui sunt , ne-
minem ut prætermitteres, ne tu in multos An-
tronios *Et* Staienos incurreres. Quare siue hæc
urbem effugere noluiſti, siue ueritus nequis se
aut præteritum, aut non satis laudatum quari
possit, de Casare tamen potuiſti dicere, præser-
tim cum *Et* tuum de illius ingenio notissimum
iudicium esset, nec illius de tuo obscurum. Sed
tamen Brute, inquit Atticus, de Casare et ipse
ita iudico, *Et* de hoc huius generis acerrimo
æstimatore sepiſſime audio, illum omnium ferè
oratorum Latine loqui elegantissime, nec id so-
lum domestica consuetudine, ut dudum de Le-
liorum *Et* Mutiorum familijs audiebamus: sed
quanquam id quoq; credo fuisse, tamen ut esset
perfecta illa bene loquendi laus, multis literis,
et ijs quidem reconditis *Et* exquisitis, summoq;
studio *Et* diligentia est consecutus. Quinetiam
in maximis occupationibus, cum ad te ipsum
(inquit

(inquit in me intuens) de ratione Latine loquendi accuratissime scripserit, primoq; in libro dixeris uerborum delectum originem esse eloquentiae, tribueritq; mi Brute huic nostro, qui me de illo maluit quam se dicere, laudem singularem (nam scripsit his uerbis, cum hunc nomine esse affatus, Ac si cogitata praeclare eloqui possent, nonnulli studio & usu elaborauerunt: cuius ro penè principem copia atq; inuentorem bene de nomine ac dignitate populi Romani meritum esse existimare debemus) hunc facilem & quotidianum nouisse sermonem, nunc pro relicto est habendum. Tum Brutus, Amice hercule, inquit, & magnifice te laudatum puto, quem non solum principem atq; inuentorem copia dixerit, quae erat magna laus, sed etiam benemeritum de populi Romani nomine & dignitate. quo enim uno uincebamur à uicta Graecia, id aut ereptum illis est, aut certe nobis cum illis communicatum. Hanc, autem, inquit, gloriam, testimoniumq; Caesaris, tuae quidem supplicationi non solum, sed triumphis multorum antepono. Et recte quidem, inquam, Brute modò sit hoc Caesaris iudicij, non beneuolentiae testimonium, plus enim certè attulit huic populo dignitatis quisquis est ille, si modò est aliquis, qui nō illustrauit modò, sed etiam genuit in hac urbe dicendi copiam, quam illi qui Ligurum castella expugnauerunt, ex quibus multi sunt, ut scitis, triumphi. Verū quidem

scire audire uolumus, omīssis illis diuinis consilijs,
quibus sepe constituta est imperatorū sapientia
salus ciuitatis, aut belli, aut domi: multo ma-
gis orator praestat minutis imperatoribus. At
prodest plus imperator. Quis negat? sed tamen
non metuo ne mihi aeclametis, est autem, quod
sentias dicēdi liber locus. Malim mihi L. Crassi
unam pro M. Curio dictionem, quam castella-
nos triumphos duos. At plus interfuit Reipub.
castellū capi Ligurum, quam bene defendi cau-
sam M. Curij. Credo sed Atheniensium quoq;
plus interfuit firma tecta in domicilijs habere,
quam Mimerus signum ex ebore pulcherrimū:
tamen ego me Phidiam esse mallet, quam uel
optimum fabrum tignarium. Quare non quan-
tum quisque profit, sed quanti quisq; sit, ponde-
randum est, praesertim cum pauci pingere egre-
giē possint, aut fingere: operarij autem aut baiuli
deesse non possint. Sed perge Pomponi de Ca-
sare, & redde quae restant. Solam quidem, in-
quit ille, & quasi fundamentum oratoris uides,
locutionem emendatam, & Latinam: cuius pe-
nes quos laus adhuc fuit, non fuit rationis aut
scientia, sed quasi bonae consuetudinis. Mitto C.
Laelium, P. Scipionem: aetatis illius ista fuit
laus, tanquam innocentia, sic Latine loquendi,
non omnium tamen. nam illorum aequales Ca-
cilius & Pacuuius male locutos uidemus: sed
omnes tum fere, qui nec extra urbem hanc ui-
uerant

merant, nec eos aliqua barbaries domestica in-
fufcauerat, rectè loquebantur. Sed hanc ceriè
rem deterioremem uetustas fecit, & Roma, & in
Græcia. Confluxerunt enim & Athenas & in
hanc urbem multi inquinatè loquentes ex dicer
fis locis, quo magis expurgandus est sermo, &
adhibenda quam obtrusa ratio, quæ mutari non
potest, nec utendum prauissima consuetudinis
regula. T. Flaminium, qui cum Q. Metello con-
sul fuit, pueri uidimus: existimabatur bene La-
tine, sed literas nesciebat. Catulus erat ille qui-
dem minimè indoctus, ut à te paulò est antè di-
ctum, sed tamen suauitas uocis, & lenis appel-
latio literarum, bene loquendi famam confice-
rat. Cotta, quia se ualde dilatarandis literis à simi-
litudine Græcæ locutionis abstraxerat, sonabatq;
contrarium Catulo, subagreste quiddam planeq;
subrusticum, alia quidem quasi inculta & syl-
uestri uia ad eandem laudem peruenerat. Sisen-
na autem quasi emendator sermonis usitati cum
esse uellet, ne à C. Ruscio quidem accusatore de-
terreri potuit quo minus inusitatis uerbis utere-
tur. Quidnam istuc est? inquit Brutus: aut quis
est iste C. Ruscus? Et ille fuit accusator, inquit,
uicius, quo acausante Chritilium, Sisen-
na defendens dixit quedam eius sputatilia esse crimina.
Tum C. Ruscus, Circumuenior, inquit, iudices,
nisi subuenitis, Sisen-
na, quid dicas nescio, metuo
insidias: sputatilia, quid est hoc? sputa quid sie
scio.

scio, tilica nescio. *Maximi* risus, sed ille tamen familiaris meus rectè loqui putabat esse inusitatè loqui. *Cesar* autem rationem adhibens, consuetudinem uitiosam & corruptam pura & incorrupta consuetudine emendat. Itaq; cum ad hanc elegantiam uerborum *Latinorum* (quæ etiamsi orator non sis, & sis ingenuus ciuis *Romanus*, tamen necessaria est) adiungit illa oratoria ornamenta dicendi, tum uidetur tanquam tabulas bene pictas, collocare in bono lumine. hanc cum habeat præcipuam laudem in communibus, non uideo cui debeat cedere. splendidam quandam minimeq; ueteratoriam rationem dicendi tenet, uoce, motu, forma etiam magnifica, & generosa quodammodo. Tum *Brutus*, *Orationes* quidem eius mihi uehementer probantur, complureis autem legi. Atq; etiam commentarios quosdam scripsit rerum suarum, ualde quidem, inquam, probandos; nudi enim sunt, recti & uenusti, omni ornatu orationis tanquam ueste detracta, sed dum uoluit alios habere parata unde sumerent qui uellent scribere historiam, ineptis gratum fortasse fecit, qui uolunt illa calami stris inurere: sanos quidem homines à scribendo deterruit. Nihil enim est in historia pura & illustri breuitate dulcius. Sed ad eos, si placeat, qui uita excesserunt, reuertamur. *Caius Sici-nius* igitur *Quinti Pompeij*, illius qui cēsor fuit, ex filia nepos, quæstorius mortuus est, probabilis

orator, iam uerò etiam probatus ex hac inopi ad ornandum, sed ad inueniendum expedita Hermagora disciplina. ea dat rationes certas, & praecepta dicendi, quae si minorem habent apparatus (sunt enim exilia) tamen habent ordinem, & quasdam errare in dicendo non patientes uias. has ille tenens, & paratus ad causas ueniens, uerborum non egēs, ipsa illa comparatione disciplinaq; dicendi iam in patronorum numerum peruenerat. Erat etiam uir doctus in primis C. Visellius Varro consobrinus meus, qui fuit cum Sicinio aetate coniunctus. is cum post curulem adilitatem index quaestionis esset, est mortuus: in quo fateor uulgi iudicium à iudicio meo dissensisse. nam populo non erat satis uendibilis, praeceptis quadam, & cum idcirco obscura quia peracuta, tum rapida, & celeritate ceca oratio: sed neq; uerbis aptiorem citò alium dixerim, neque sententijs crebriorem. Praeterea perfectus in literis, iurisq; civilis iam à patre Aculeone traditam tenuit disciplinam. Reliqui sunt qui mortui sint, L. Torquatus, quem tu non tam citò rhetorem dixisses, etsi nō deorat oratio, quā, ut Graeci dicunt, πολιτικός. Erant in eo plurimae literae, uetere ea uulgares, sed interiores quadam & recondita, diuina memoria, summa uerborum & grauitas, & elegantia: atq; haec omnia nite decorabat grauitas, & integritas. Atque quidem admodum delectabat etiam

Triarij in illa etate plena literarie senectutis
 oratio. quanta seueritas in uultu! quantum pon-
 dus in uerbis! quàm nihil non consideratum exi-
 bat ex ore! Tum Brutus Torquati & Triarij
 mentione commotus (utrunq; enim eorum ad-
 modum dilexerat). Na ego, inquit, ut omittam
 cetera, quæ sunt innumerabilia, de istis duobus
 cum cogito, dolco nihil tuam perpetuam autori-
 tatem de pace ualuisse. nam nec istos excellentes
 uiros, nec multos alios præstantes ciues Respub.
 perdidisset. Sileamus, inquam, Brute de istis, ne
 augeamus dolorem, nam & præteritorum recor-
 datio est acerba, & acerbior expectatio relinqui-
 rum. Itaq; omittamus lugere, & tantum quid
 quisq; dicendo potuerit, quoniam id querimus,
 predicemus. Sunt etiam ex ijs qui eodem bello
 occiderunt, M. Bibulus, qui & scriptitauit æ-
 suratè, cum præsertim non esset orator, & egit
 multa constanter. Appius Claudius socer tuus,
 collega & familiaris meus: hic iam & satis stu-
 diosus, & ualde cum doctus, tum etiam exerci-
 tatus orator, & cū auguralis, tum omnis publi-
 ci iuris antiquitatisq; nostræ bene peritus fuit.
 L. Domitius nulla ille quidem arte, sed Latine
 tamen, & multa cum libertate dicebat. Duo
 præterea Lentuli consulares, quorū Publius ille
 nostrarum iniuriarum ultor, autor salutis, quic-
 quid habuit, quantumcunq; fuit, illud totum ha-
 buit è disciplina; instrumenta natura decram,
 sed

sed tantus animi splendor, & tanta magnitudo,
 ut sibi omnia quæ clarorum uirorum essent, non
 dubitaret adsciscere, eaq; omni dignitate obti-
 neret. *L.* autē *Lentulus* satis erat fortis orator, si
 modo orator, sed cogitandi nō ferebat laborem:
 uox canora, uerba non horrida sanē, ut plena
 esset animi & terroris oratio. Quereres in iu-
 dicijs fortasse melius: in *Rep.* quod erat, esse iu-
 dicares satis. Ne *Titus* quidem *Posthumius* cō-
 temnendus in dicendo, de *Rep.* uerō non minus
 uehemens orator, quā bellator fuit: effrenatus
 & acer nimis, sed bene iuris publici leges atq;
 instituta cognouerat. Hoc loco, *Atticus*, Putarē
 te, inquit, ambitiosum esse, si (ut dixisti) ijs quos
 iamdū colligo, uincerent. Omnes enim commemo-
 ras qui ausi aliquādo sunt stantes loqui, ut mihi
 imprudens *M. Scruilius* praterisse uideare.
 Non, inquam, ego istuc ignoro *Pomponi*, multos
 fuisse qui uerbum nunquam in publico fecissent
 cū melius aliquanto possent, quā isti orato-
 res quos colligo, dicere: sed his commemorandis
 etiam illud assequor, ut intelligatis primum ex
 omni numero quā non multi ausi sint dicere:
 deinde ex ijs ipsis quā pauci fuerint laude di-
 gni. Itaq; ne hos quidem equites Romanos ama-
 tos nostros, qui nuper mortui sunt, *P. Cominium*
Spoletinum, quo accusante defendi *C. Corneliū*,
 in quo & compositum dicendi genus, & acre
 & expeditū fuit: *T. Acciū* *Pisautensem*, cuius

accusationi respondi pro *A. Cluentio*, qui & accuratè dicebat, & satis copiosè, eratq; præterea doctus *Hermagora* præceptis, quibus eisi ornamenta non satis opima dicendi, tamen ut hæstæ uelitibus amentata, sic apta quedam & parata singulis causarum generibus argumenta traduntur. Studio autem neminem nec industria maiore cognoui: quāquam ne ingenio quidem qui præstitit, faciliè dixerim. *C. Pisoni* genero meo: nullum tempus illi unquam uacabat aut à forensi dictione, aut à commentatione domestica, aut à scribendo, aut à cogitando. itaq; tantos processus efficiebat, ut euolare, non excurrere uideretur: eratq; uerborum & delectus elegans, & apta & quasi rotunda constructio: cumq; argumenta excogitabantur ab eo multa & firma ad probandum, tum concinne acutaq; sententiæ, gestusq; natura ita uenustus, ut ars etiam qua non erat, & è disciplina motus quidam uideretur accedere. Vereor ne amore uidear plura quàm fuerint in illo, dicere: quod non ita est: (alia enim de illo maiora dici possunt) nam nec continentia, nec pietate, nec ullo genere uirtutis quenquam eiusdem ætatis eum illo conferendum puto. Nec uerò *M. Calpurnius* prætereundum arbitror quacumq; eius in exitu uel fortuna uel mens fuit: qui quandiu auctoritati meæ paruit, talis tribunus plebis fuit, ut nemo contra ciuiam perditorum popularem

turbulentamq; dementiam à senatu & à bonorum causa steterit constārius: quam eius actionem, multum tamen & splendida, & grandis, & eadem in primis faceta & perurbana commendabat oratio. Graues eius cōciones aliquot fuerunt, acres accusationes tres, eaq; omnes ex Reip. contentione susceptæ: defensiones, cisi illa erant in eo meliora quæ dixi, non contemnenda tamen, saneq; tolerabiles. Hic cum summa uoluntate bonorum adilis curulis factus esset, nescio quomodo discessu meo discessit à sese, ceciditq; postea, cum eos imitari cœpit, quos ipse peruererat. Sed de M. Callidio dicamus aliquid, qui non fuit orator unus è multis, potius inter multos propè singularis fuit: ita reconditas exquisitasq; sententias mollis & perlucens uestiebat oratio: nihil tam tenerū, quàm illius cōprehensio uerborum, nihil tam flexibile, nihil quod magis ipsius arbitrio fingeretur, ut nullius oratoris æquè ī potestate fuerit: quæ primū ita pura erat, ut nihil liquidius: ita Liberè fluebat, ut nusquā adheresceret: nullum nisi loco positum, & tanquam in uermiculato emblemate, ut ait Lucilius, structum uerbū uideres: nec uerò ullum aut durum, aut insolens, aut humile, aut in longius ductum: ac non propria uerba rerum, sed pleraq; translata, sic tamen, ut ea non irruisse in alienum locum, sed immigrasse in suum diceret, nec uerò hac soluta, nec deffluentia, sed adstri-

Et a numeris, non aperte, nec eodē modo semper,
 sed uarie dissimulanterq; cōclusis. Erant autem
 & uerborū & sentētiarū illa lumina, qua uo-
 cant Graeci *σηματα* quibus tamen insignibus
 in ornatu distinguebatur omnis oratio. qua de
 re agitur autē, illud quod multis in locis iuris-
 consultorum inc'uditur formulis, & ubi esset,
 uidebat. Accedebat ordo rerum plenus artis,
 actio liberalis, totumq; dicendi placidum &
 sanum genus. Quod si est optimum suauiter di-
 cere, nihil est quod melius hoc querendum pu-
 tes. Sed cum à nobis paulò antè dictum sit, etia
 uideri esse quae orator efficere deberet, ut doce-
 ret, ut delectaret, ut moueret: duo summe te-
 nuit, ut & rem illustraret differendo, & ani-
 mos eorum qui audirent, deuinciret uoluptate,
 Aberat tertia illa laus, qua permoueret atq;
 incitaret animos: quam plurimum pollere dixi-
 mus: nec erat ulli uis atq; contentio, sine consi-
 lio, quod eos quorum alior oratio, actioq; esset
 ardentior, furere & bacchari arbitraretur: siue
 quod natura non esset ita factus, siue quod non
 consueffet, siue quod non posset. hoc unum illi, si
 nihil utilitatis habebat, absuit. si opus erat, de-
 fuit. Quinetiā memini. cum in accusatione sua
 Quinto Gallio crimini dedisset, sibi cum uene-
 num parauisse, idq; à se esse deprehensum, se-
 seq; chirographa, testificationes, indicia, qua-
 stiones, manifestam rem deferre diceret, deq; eo
crim

crimine accurate & exquisitè disputauisset, me in respondendo cum essem argumentatus quantum res ferebat, hoc ipsum etiā posuisse pro argumento, quod ille cum pestem capitis sui, cum indicia mortis se comperisse manifestò, & manū tenere diceret, tam solutè egisset, tam leniter, tā oscitanter. Tu istuc *M. Callidi*, nisi fingeres, sic ageres? præsertim cum ista eloquentia, alienorū hominum pericula defendere acerrime soleas, tuum negligeres? ubi dolor, ubi ardor animi qui etiam ex infantiū ingenijs elicere uoces & querelas solet? nulla perturbatio animi, nulla corporis, frons non percussa, non semur, pedis (quod minimum est) nulla suppositio. Itaq; tantum abfuit ut inflammares nostros animos, somnum isto loco uix tenebamus. Sic nos summi oratoris uel sanitate uel uitio pro argumento ad diluendū crimen usi sumus. Tum *Brutus*, Atqui dubitamus, inquit, utrum ista sanitas fuerit, an uitium? Quis enim non fateatur, cum ex omnibus oratoris laudibus longè ista sit maxima, inflammare animos audientiū, & quocūq; res postulet modo flectere, qui hac uirtute caruerit, id ei quod maximum fuerit, defuisse? Sit sanè ita, inquam: sed redcamus ad eum qui iam unus restat, *Hortensium*: tum de nobismetipsis quoniā id etiam *Brute* postulas, pauca dicemus: quanquam facienda mētio est, ut quidem mihi uidetur, duorum adolescentium, qui si diu-

sius uixissent, magnam essent eloquentie laudem
consecuti. C. Curionem te, inquit Brutus, & C.
Licinium Catuū arbitror dicere. Rectè, inquam,
arbitraris: quorū quidem alter, quod uerisimile
dixisset, ita facile soluteq; uerbis uoluebat, sa-
tis interdū acutas, crebras quidem certè senten-
tias, ut nihil posset ornatius esse, nihil expedi-
tius. Atq; hic a magistris parum institutus,
naturā habuit admirabilem ad dicendū: indu-
striam non sum expertus, studium certè fuit: qui
si me audire uoluisset, ut cœperat, honores, quā-
m opes consequi maluisset. Quidnam est, inquit,
isthuc? & quemadmodū distinguis? Hoc modo,
inquam: Cum honos sit premium uirtutis iu-
dicio studioq; ciuium delatum ad aliquem, qui
eum sententijs, qui suffragijs adeptus est, is mi-
hi & honestus & honoratus uidetur. Qui au-
tem occasione aliqua etiam inuitis suis ciuibus
nactus est imperium, ut ille cupiebat, hunc no-
men honoris adeptum, non honorem puto. Qua
si ille audire uoluisset, maxima cum gratia &
gloria ad summam amplitudinem peruenisset,
ascendens gradibus magistratuum, ut pater
eius fecerat, ut reliqui clariores uiri. Quæ qui-
dem etiam cum P. Crasso M. F. cum initio
ætatis ad amicitiam se meam contulisset, sepe
egisse me arbitror, cum eum uehementer hor-
tarer, ut eam laudis uiam rectissimam esse du-
ceret, quam maiores eius ei tritam reliquissent.

Erat

*Erāt enim cum institutus optimè, tum etiam
 perfectè planeq; eruditus: ineratq; & ingeniū
 satis acre, & orationis non inelegans copia:
 prætereaq; sine arrogantia grauis esse uideba-
 tur, & sine segnitia ueracūdus. Sed hunc quoq;
 absorbuit astus quidam non insolite adolescen-
 tibus gloriæ, qui quia nauarat miles operam
 imperatori, imperatorem se statim esse cupie-
 bat: cui muncri mos maiorum ætatem certam,
 sortem incertam reliquit. Ita grauissimo, suo
 casu, dum Cyri & Alexandri similis esse uo-
 luit, qui suum cursum transcurrerant, & L.
 Crassi, & multorum Crassorum inuentus est
 dissimillimus. Sed ad Caluū (is enim nobis
 erat propositus) reuertamur, qui orator fuisse
 cum literis eruditior quàm Curio, tum etiam ac-
 curatius quoddam dicendi & exquisitius af-
 ferebat genus: quod quanquā scienter elegan-
 terq; tractabat, nimium tamen inquirens in se,
 atq; ipse sese obseruans, metuensq; ne uitiosum
 colligeret, etiam uerum sanguinem deperdebat.
 Itaq; eius oratio nimia religione attenuata,
 doctis & attentè audientibus erat illustris: à
 multitudine autem, & à foro, cui nata eloquen-
 tia est, deuorabatur. Tum Brutus, Atticum
 se, inquit, Caluus noster dici oratorem uolebat:
 inde erat ista exilitas, quam ille de industria
 cōsequabatur. Dicebat, inquam, ita: sed & ipse
 errabat, & alios etiam errare cogebat. Nam*

si quis eos qui nec ineptè dicunt, nec odiosè, nec
 putidè, Atticè putat dicere, is rectè, nisi At-
 ticum, probat neminem. Insulsitatem enim &
 insolentiam tanquam insaniam quandam ora-
 tionis odit, sanitatem autem & integritatem
 quasi religionem & uerecundiam oratoris pro-
 bat: hac omnium debet oratorum eadem esse senten-
 tia. Sin autè ieiunitatem, & siccitatè, et inopiã,
 dummodo sit polita, dum urbana, dum elegans, in
 Attico genere ponit. hoc rectè duntaxat: sed
 quia sunt in Atticis alia meliora, uideat ne
 ignoret & gradus, et dissimilitudines, & uim,
 & uarietatem Atticorum. Atticos, inquit, uo-
 lo imitari. Quos? nec enim est unum genus. nam
 quid est tam dissimile quàm Demosthenes &
 Lysias? quàm idem & Hyperides? quàm omnia
 horum Aeschines? quem igitur imitaris? Si ali-
 què, ceteri ergo Atticè non dicebant: si omnes,
 qui potes, cum sint ipsi dissimillimi inter se?
 In quo illud etiam quero, Phalcreus ille De-
 metrius Atticène dixerit. mihi quidem ex il-
 lius orationibus redolere ipse Athenæ uiden-
 tur. Et est floridior, ut ita dicam, quàm Hyper-
 rides, quàm Lysias. natura quadã aut uoluntas
 ita dicendi fuit. Et quidem duo fuerunt per idem
 tempus dissimiles inter se, sed Attici tamen,
 quorum Charisius multarum orationum, quas
 scribebat alijs, cum cupere uideretur imitari
 Lysiam; Demochares autè, qui fuit Demosthe-

nis sororis filius, & orationes scripsit aliquot:
 & earum rerum historiam qua erant Athenis
 ipsius aetate gesta, non tam historico quam ora-
 torio genere perscripsit. At Charisij uult Ee-
 gegas esse similis, isq; se ita putat Atticum,
 ut uero illos pra se penè agrestes putet. At
 quid est tam fractū, tam minutum, tam in ipsa,
 quam tamen consequitur, concinnitate puerile?
 Atticorū similes esse uolumus. Optime. Suntne
 igitur ij Attici oratores? Quis negare potest?
 Hos imitamur. Quomodo, qui sunt & inter se
 dissimiles, & aliorū? Thucydidem, inquit, imi-
 tamur. Optime, si historiam scribere, non si cau-
 sas dicere cogitatis. Thucydides enim rerum ge-
 starum pronuntiator sincerus & grādis etiam
 fuit, hoc forense concertatoriū iudiciale nō tra-
 ctauit genus. Orationes autem quas interposuit
 (multae enim sunt) eas ego laudare soleo, imi-
 tari neq; possim, si uelim: nec uelim fortasse, si
 possim: ut si quis Phalerno uino delectetur, sed
 eo nec ita nouo, ut proximis consulibus natum
 uelit: nec rursus ita uetere, ut Opimium aut
 Anitium consulem quarat. Atqui ea nota
 sunt optime: credo: sed nimia uetustas nec ha-
 bet eam quam querimus suauitatem, nec est
 iam sanè tolerabilis. Nō igitur qui hoc sentiat,
 si is potare uelit, de dolio sibi hauriendum pu-
 ret? Minime: sed quādam sequatur aetatem. Sic
 ego istis censuerim & nonam istam quasi de

multo ac lacu seruidam orationem fugiendam:
nec illam praeclaram Thucydidis nimis ueterem
tanquam Anitianā notam persequendā. Ipse
enim Thucydides si posterius fuisset, multo ma-
turius fuisset, et mitior. Demosthenē igitur imi-
temur. O dij boni! quid ergo nos aliud agimus,
aut quid aliud optamus? at non assequimur. Isti
enim uidelicet Attici nostri quod uolunt asse-
quuntur: ne illud quidem intelligunt, non modo
ita memoriae proditū esse, sed ita necesse fuisse, cū
Demosthenes dicturus esset, ut concursus au-
diendi causa ex tota Græcia fierent. An cum
isti Attici dicunt, non modò à corona (quod
est ipsum miserabile) sed etiā ab aduocatis re-
linquuntur. Quare si angustè & exiliter dicere
est Atticorum, sint sanè Attici: sed in comi-
tium ueniant, ad stantem iudicem dicant. sub-
sellia grandiore & pleniorē uocem desiderāt.
Volo hoc oratori contingat, ut cum auditum sit
eum esse dicturum, locus in subsellijs occupetur,
cōpleatur tribunal, gratiosi scribe sint in dādo
& cedendo loco, corona multiplex, iudex ere-
ctus, cum surgit is qui dicturus sit, significetur
à corona silentium: deinde crebra assensiones,
multæ admirationes, risus cum uelit, cum uelie
fletus: ut qui hæc procul uideat, etiā si quid aga-
tur nesciat, at placere tamen, & in scena esse
Rosciū intelligat. Hæc cui contingant, eum scito
Atticè dicere, ut de Pericle audiuius, ut de
Hyper

Hyperide, ut de Aeschine, de ipso quidem Demosthene maxime. Sin autem acutū, prudēs & idem sincerum, & solidum & exsiccātū genus orationis probant, nec illo grauiore ornatu oratorio utantur, & hoc propriū esse Atticorum uolunt: rectē laudant. est enim in arte tanta, tamq; uaria, etiam huic minuta subtilitati locus. ita fiet, ut non omnes qui Atticē, ydē bene: sed ut omnes qui bene, ydem etiam Atticē dicant. Sed redeamus rursus ad Hortensium. Sane quidem, inquit Brutus: quanquam ista mihi tua fuit periucunda à proposita oratione digressio. Tum Atticus, Aliquoties sum, inquit, conatus, sed interpellare nolui. Nunc quoniā ad perorandū spectare uidetur sermo tuus, dicā, opinor, quod sentio. Tu uerò, inquam, Attice. Tum ille, Ego, inquit, ironiā illam quam in Socrate dicunt fuisse, qua ille in Platonis & Xenophontis & Aeschinis libris utitur, faciam & elegantem puto. Est enim & minime inepti hominis, & eiusdē etiam faceti, cū de sapientia disceptatur, hanc sibi ipsum detrachere, eis tribuere illudentem, qui eam sibi arroganti, ut apud Platonem Socrates in calum effert laudibus Protagoram, Hippiam, Prodicum, Gorgiam, ceteros: se autem omnium rerum inscium fingit, & rudem: decet hoc nescio quomodo illum: nec Epicuro qui id reprehendit, assentior. Sed in historia, qua tu es usus in omni sermo-

ne, cum qualis quisq; orator fuisset, exponeres? uide quaeso, inquit, ne tam reprehēdenda sit ironia quam in testimonio. Quorsus, inquam, istuc? non enim intelligo. Quia primum, inquit, ita laudasti quosdam oratores, ut imperitos posses in errorem inducere. Equidem in quibusdam risum mihi tenebam, cum Attico Lysia Catonem nostrum comparabas, magnum mehercule hominem, uel potius summum & singularem uirum, nemo dices secus, sed oratorem, sed etiam Lysia similem, quo nihil potest esse pictius. bella ironia si iocaremur: sin assueramus, uide ne religio nobis tam adhibenda sit, quam si testimonium diceremus. Ego enim Catonē tuum, ut ciuem, ut senatorem, ut imperatorem, ut uirum deniq; cum prudentia & diligentia, tum omni uirtute excellentē probo: orationes autem eius, ut illis temporibus, ualde laudo. significant enim formam quandam ingenij, sed admodum impolitam, & planē rudem. Origines uerò cum omnibus oratoris laudibus refertas dices, & Catonem cū Philisto & Thucydide cōparares, Brutōne id censebas, an mihi probaturum? quos enim ne è Græcis quidem quisquam imitari potest. ijs tu cōparas hominē Tusculanū, nondum suspicantem quale esset copiosè & ornatè dicere? Galbam laudas: si ut illius ætatis principem, assentior: (sic enim accepimus) sin ut oratorem: cedò quaeso orationes (sunt enim) & dic
hunc

hunc quem tu plus quàm te amas, Brutum, uelle
 te illo modo dicere. Probas Lepidi orationes:
 paulum hic tibi assentior, modo ita laudes, ut
 antiquas: quod item de Africano, de Lelio,
 cuius tu oratione negas fieri quicquā posse dul-
 cius. addis etiam nescio quid angustius, nomi-
 ne nos capi uolens summi uiri, uitāq; elegan-
 tissima uerissimis laudibus. Remoue hæc, ne
 ista dulcis oratio ita sit abiecta, ut eam aspice-
 re nemo uelit. Carbonem in summis oratoribus
 habitū scio, sed cum in ceteris rebus, tum in di-
 cendo semper, quo nihil est melius, id laudari
 quaecumq; est, solet. Dico idē de Gracchiis, etsi
 de eis ea sunt a te dicta, quibus ego assentior.
 Omitto ceteros: uenio ad eos in quibus iam per-
 fectā putas esse eloquentiā, quos ego audiui sine
 cōtrouersia magnos oratores, Crassum et An-
 tonium. de horū laudibus tibi prorsus assentior:
 sed tamen nō isto modo, ut Polycliti Dorypho-
 rum sibi Lysippus aiebat: sic tu suasionem legis
 Seruiliæ tibi magistrā fuisse. hæc germana iro-
 nia est. Cur ita sentiā non dicā, ne me tibi assen-
 tari putes. Omitto igitur quæ de ijs ipsis, quæ de
 Cotta, quæ de Sulpitio, quæ modo de Catio
 dixeris: ij enim fuerunt certē oratores: quanti
 autem & quales, tu uideris. Nam illud minus
 euro, quod congestisti operarios omnes, ut
 mihi uideantur mori uoluisse nonnulli, ut à
 te in oratorum numerum referrentur. Hæc
 cum

cum ille dixisset, Longi sermonis initium pepu-
listi, inquam, Attice, remq; commouisti noua
disputatione dignam, quam in aliud tempus dif-
feramus. Voluendi enim sunt libri, cum aliorum,
tum in primis Catonis. intelliges nihil illius li-
neamenti, nisi eorum pigmentorum quæ inuicta
nondum erant, florem & colorem defuisse. Nam
de Crassi oratione sic existimo, ipsam fortasse
melius potuisse scribere, alium ut arbitror, nemi-
nem. Nec in hoc ironiam duxeris esse, quod eam
orationem mihi magistrâ fuisse dixerim. Nam
etsi tu melius existimare uideris de ea, siquam
nunc habemus, facultate, tamen adolescentes
quid in Latinis potius imitaremur, non habe-
bamus. Quod autem plures à nobis nomina-
ti sunt, eò pertinuit (ut paulo antè dixi) quod
intelligi uolui, in eo, cuius omnes cupidissimi
essent, quam pauci digni nomine euaderent.
Quare uirgœ me, ne si Aphricanus quidem
fuit (ut ait in historia sua C. Fânus) existimari
nolim. Vi uoles, inquit Atticus. Ego enim non
alienum à te putabam, quod & in Aphricano
fuiſſet, & in Socrate. Tum Bruius, De isto
postea: sed tu, inquit me intuens, orationes no-
bis ueteres explicabis? Ego uerò, inquam Brute,
sed in Cumano, aut in Tusculano aliquando, si
modo licebit, quoniam utroq; in loco uicini su-
mus. Sed iam ad id unde digressi sumus, reuertamur.
Hortensius igitur cum admodum adolescens

orſus

orsus esset in foro dicere, celeriter ad maiores causas adhiberi coepit: quanquam incidit in Cotta & Sulpitij aetatem, qui annis decem maiore, eccellente tum Crasso & Antonio. deinde Philippo, post Iulio, cum ijs ipsis dicendi gloria comparabatur. Primum memoria tanta, quantum in ullo cognouisse me arbitror, ut quae secum commentatus esset, ea sine scripto. uerbis eisdem redderet, quibus excogitauisset. hoc adiumento ille tanto sic uidebatur, ut sua commentata, & scripta, & nullo referente omnia aduersariorū dicta meminisset. Ardebat autē cupiditate sic, ut in nullo unquam flagrantius studium uiderim. Nullū enim patiebatur esse diem, quin aut in foro diceret, aut medicaretur extra forū. saepissime autem eodem die utrunq; faciebat. Attuleratq; minime uulgare genus dicendi: duas quidem res quas nemo alius, partitiones quibus de rebus dicturus esset, & collectiones, memor & quae essent dicta, contra quaeq; ipse dixisset. Erat in uerborum splendore elegans, compositione aptus, facultate copiosus: eaq; erat cum summo ingenio, tum exercitationibus maximis consecutus. Rem complectebatur memoriter, diuidebat acute: nec praeomittebat ferē quicquā quod esset in causa: aut ad confirmandum, aut ad refellendum. Vox canora & suavis, motus & gestus etiam plus artis habebat, quā erat oratori satis. Hoc igitur florescente Crassus est mortuus.

Cotta.

Cotta pulsus, iudicia intermissa bello, nos in forum uenimus. Erat Hortēsius in bello primo anno miles, altero tribunus militum: Sulpitius legatus ab erat, etiam Marcus Antonius: exercebatur una lege iudicium *Varia*, ceteris propter bellum intermissis, qui frequentes aderant, quam pro se ipsi dicebant, oratores non illi quidem principes, *L. Memmius* & *Quintus Pompeius*, sed oratores tamen teste diserto uterque *Philippo*, cuius in testimonio contentio & uim accusatoris habebat & copia. Reliqui qui tum principes numerabantur, in magistratibus erant, quotidieq; serē à nobis in concionibus audiebantur. Erat enim *Tribunus pleb.* tunc *C. Curio*: quanquam is quidē silebat, ut erat semel à concione uniuersa relictus. *Q. Metellus Celer*, non ille quidem orator, sed tamen non infans: disertum autem *Q. Varius*, *C. Carbo*, *Cn. Pomponius*, & ij quidem habitabant in rostris. *C.* etiam *Julius* *edilis curulis* quotidie serē accuratus conciones habebat: sed me cupidissimum audiendi primus dolor percussit, Cotta cum est expulsus reliquos frequenter audiēs, acerrimo studio tenebar, quotidieq; & scribens, & legens, & commentans, oratorijs tantum exercitationibus contentus non eram. Jam consequente anno *Q. Varius* sua lege damnatus excesserat: Ego autem iuris civilis studio multū opere dabam *Q. Scæuole P. F.* qui quanquam nemini se ad docendum dabat, ta-

men

men consulentibus respondendo studiosos audien-
 di docebat. Atq; huic anno proximus Sulla
 consule & Pompeio fuit. tum P. Sulpitij in tri-
 bunatu quotidie concionantis totum genus di-
 cendi penitus cognouimus. eodemq; tempore cum
 princeps Academia Philo cum Atheniensium
 optimatibus Mithridatico bello domo profugis-
 set, Romamq; uenisset, totum ei me tradidi, admi-
 rabili quodam ad philosophiam studio concita-
 tus, in quo etiam commorabar attentius, etsi re-
 rum ipsarum uarietas & magnitudo summa
 me delectatione retinebat, sed tamē sublata iam
 esse in perpetuum ratio iudiciorum uidebatur.
 Occiderat Sulpitius illo anno, tresq; proximo
 trium etiarum oratores erant crudelissime inter-
 fekti, Quintus Catulus, Marcus Antonius, C.
 Julius. Eodem anno etiam Moloni Rhodio Ro-
 ma dedimus operam, & actori summo causa-
 rum & magistro. Hec etsi uidentur esse à pro-
 posita ratione diuersa: tamen idcirco à me profe-
 runtur, ut nostrum cursum perspicere, quoniam
 uoluisti, Brute possis (nam Attico hec nota
 sunt) & uidere quemadmodum simus in spatio
 Q. Hortensium in suis uestigijs persecuti. Trien-
 nium ferè fuit urbs sine armis, sed oratorum aut
 interitum, aut discessu, aut fuga (nā aberant etiā
 adolescentes M. Crassus, & Lentuli duo) pri-
 mas in causis agebat Hortensius, magis magisque
 quotidie probabatur. Amilius Piso saepe di-
 cebat.

tebat, minus sepe Pomponius, raro Carbo, semel
aut iterum Philippus. At uero ego hoc tempo-
re omni noctes & dies in omnium de Etrinarum
meditatione uersabar. Erat cum Stoico Dio-
doto: qui cum habitauisset apud me, mecumq;
uixisset: nuper est domi mea mortuus. à quo
cum in alijs rebus, tum studiosissime in dialecti-
ca exercebar, qua quasi contracta & astricta
eloquentia putanda est, sine qua etiam in Bru-
te iudicauisti te illam iustam eloquentiam,
quam dialecticam esse dilatatam putant, con-
siqui non posse. Huic ego doctori, & eius arti-
bus uarijs atq; multis ita etiam tamè deditus, ut
ab exercitationibus oratorijs nullus dies uacuus
esset. Commentabar declamitans (sic enim nunc
loquuntur) sepe cum M. Pisone, & cū Q. Pom-
peio, aut cum aliquo quotidie: idq; faciebam
multum etiam Latine, sed Gracè sæpius: uel
quòd Græca oratio plura ornamenta suppedi-
tans, consuetudinem similiter Latine dicendi af-
ferebat: uel quòd à Græcis summis doctoribus,
nisi Gracè dicerem, neq; corrigi possim neque
doceri. Tumultus interim pro recuperanda Re-
pub. & crudelis interitus oratorum trium, Sca-
nola, Carbonis, Antistij: reditus Cotta, Curio-
nis, Crassi, Lentulorum, Pompeij: leges & iudi-
cia constituta, recuperata Resp. ex numero au-
tem oratorum, Pomponius, Censorinus, Muræna
sublati. tum primum nos ad causas & priuatas
& pub.

Et publicis adire coepimus, non ut in foro disce-
 remus, quod plerique fecerunt, sed ut quantum nos
 efficere potuissemus, docti in forum ueniremus.
 Eodem tempore Moloni dedimus operam: dicta-
 tore enim Sylla legatus ad senatum de Rhodio-
 rum praemijs uenerat. Itaque prima causa publi-
 ca pro Sexto Roscio dicta, tantum commendatio-
 nis habuit, ut non ulla esset quae non nostro di-
 gna patrocinio uideretur: deinceps inde multa,
 quas non minus diligenter elaboratas etiam
 quam elucubratas afferebamus. Nunc quoniam
 totum me non nauo aliquo, aut crepundijs, sed
 corpore omni uideris uelle cognoscere, comple-
 ctar nonnulla etiam quae fortasse uideantur mi-
 nus necessaria: Erat eo tempore in nobis sum-
 ma gracilitas et infirmitas corporis, proce-
 rum et tenue collum: qui habitus, et quae fi-
 gura non procul abesse putatur à uitae periculo,
 si accedit labor, et laterum magna contentio.
 Eoque magis hoc eos quibus eram charus, com-
 mouebat, quòd omnia sine remissione, sine ua-
 rietate, ui summa uocis, et totius corporis con-
 tentione dicebam. Itaque cum me et amici et
 medici hortarentur, ut causas agere desisterem,
 quoduis potius periculum mihi adeundum,
 quam à sperata dicendi gloria discedendum pu-
 tavi. Sed cum censerem remissione et modera-
 tione uocis, et commutato genere dicendi me et
 periculū uitare posse, et temperatius dicere: ut

consuetudinem dicendi mutarem, ea causa mihi in *Asiam* proficiscendi fuit. Itaque cum essem biennium uersatus in causis, & iam in foro celebratum meum nomen esset, Roma sum profectus. Cum uenissem *Athenas*, sex menses cum *Antiocho* ueteris *Academiae* nobilissimo & prudentissimo philosopho fui, studiumq; philosophiae nunquam intermissum, à primaq; adolescentia cultum, & semper auctum, hoc rursus summo autore & doctore renouaui. Eodem tamen tempore *Athenis* apud *Deme- trium Syrum* ueterem & non ignobilem dicendi magistrum studiose exerceri solebam. Post à me *Asia* tota peragrata est, cum summis quidem oratoribus, quibuscum exercebar ipsis lubentibus, quorum erat princeps *Menippus Stratonicensis*, meo iudicio tota *Asia* illis temporibus disertissimus: & si nihil habere molestiarum, nec ineptiarum, *Atticorum* est, hic orator in illis numerari rectè potest. Assiduissimè autem mecum fuit *Dionysius Magnes*: erat etiam *Aeschylus Gnidius*, *Adranuteus Xenocles*. hi tum in *Asia* rhetorum principes numerabantur. Quibus non contentus, *Rhodium* ueni, meq; ad eundem quem Roma audiueram *Molonem* applicaui, cum actorem in ueris causis scriptoremq; praestantem, tum in notandis animaduertendisq; uitijs, & instituendo docendoq; prudentissimum. Is de-

dis

dit operam, si modo id consequi potuit, ut nimis redundantes nos, & superfluentes iuuenili quadam dicendi impunitate & licentia, reprimeret, & quasi extra ripas diffluentes coërceret. Ita recepi me biennio post non modo excitatior, sed propè mutatus: nam & contentio nimia uocis reciderat, & quasi reseruata oratio, lateribusq; uires, & corporis mediocris habitus accesserat. Duo tum excellbant oratores, qui me imitandi cupiditate incitarent, Cotta & Hortensius: quorum alter renissus & lenis, & proprijs uerbis comprehendens solutè & facile sententiam: alter ornatus, acer, & non talis, qualem tu eum Brute iam deflorescentem cognouisti, sed uerborum & actionis genere commotior. Itaq; cum Hortensio mihi magis arbitrabar rem esse, quòd & dicendi ardore eram propior, & atate coniunctior. Et enim uideram in iisdem causis, ut pro M. Canuleio, pro Cn. Dolabella consulari, cum Cotta princeps adhibitus esset, priores tamen agere partes Hortensium. Acrem enim oratorem, incensum, & agentem, & canorum, concursus hominum, foriq; strepitus desiderat. Unum igitur annum, cum rediissemus ex Asia, causas nobilibus egimus, cum Quæsturam nos, consulatuum Cotta, adilitatem peteret Hortensius. Interim me Quæstorem Siciliensis excepit annus. Cotta ex cōsulatu est profectus in Galliã, prin-

ceps & erat & habebatur Hortensius. Cum autem anno post è Sicilia me recepissim, iam uidebatur illud in me, quicquid esset, esse perfectum, & habere maturitatem quandam suam. Nimis multa uideor de me, ipse praesertim: sed omni huic sermoni propositum est, non ut ingenium & eloquentiam meam perspicias, unde longe absum, sed ut laborè & industriam. Cum igitur essem in plurimis causis, & in principibus patronis quinquennium ferè uersatus, tum in patrocínio Siciliensi maxime in certamen ueni designatus adilis, cum designato consule Hortensio. Sed quoniam omnis hic sermo noster non solum enumerationem oratoriã, uerum etiam praecepta quadam desiderat, quid tanquam notandum & animaduertendum sit in Hortensio, breuiter licet dicere. Nam is post consulatum (credo quòd uideret ex consularibus neminem esse secum comparandum, negligeret autem eos qui consules non fuissent) summum illud suum studium remisit, quo à puero fuerat incensus, atq; in omnium rerum abundantia uoluit beatius, ut ipse putabat, remissius certè uiuere. Primus & secundus annus & tertius tantum quasi de pictura ueteris colore detraxerat, quantum non quiuis unus ex poculo, sed existimator doctus & intelligens posset cognoscere. Longius autem procedens, & in ceteris eloquentiae partibus, tum maxime in celeritate & coniuratione uerborum

borum adhærescens, sui dissimilior uidebatur fieri quotidie. Nos autem nō desistebamus cum omni genere exercitationis, tum maximè stylo nostrum illud quod erat, augere, quantumcunq; erat. Atq; (ut multa omittam) in hoc spatio, & in ijs post adilitatem annis & Prætor primus, & incredibili populari uoluntate sum factus. Nam cum propter assiduitatem in causis & industriam, tum propter exquisitius, & minime uulgare orationis genus, animos hominum ad me dicendi nouitate conuerteram. Nihil de me dicam, dicam de cæteris, quorum nemo erat qui uideretur exquisitius quàm uulgus hominum studuisse literis quibus fons perfectæ eloquentiæ cōtinetur. nemo qui philosophiam complexus esset, matrem omnium benefactorum, beneq; dictorum: nemo qui ius ciuile didicisset, rem ad priuatas causas, & ad oratoris prudentiam maximè necessariam: nemo qui memoriam rerum Romanarum teneret, ex qua siquando opus esset, ab inferis locupletissimos testes excitaret: nemo qui breuiter arguteq; incluso aduersario laxaret iudicum animos, atq; à fœueritate paulisper ad hilaritatem risumq; traduceret: nemo qui dilatare posset, atque à propria ac definita disputatione hominis ac temporis, ad communem quæstionem uniuersi generis orationem traduceret: nemo qui delectandi gratia digredi parumper à causa, nemo qui ad iracun-

diam magnopere iudicem, nemo qui ad fletum
posset adducere: nemo qui animum eius (quod
unum est oratoris maximè proprium) quocun-
que res postularet, impelleret. Itaq; cum iam
penè euansisset Hortensius, & ego anno meo,
sexto autem post illum consulem, consul factus
essim: reuocare se ad industriam cœpit, ne cum
pares honore essemus, aliqua re superiores uide-
remur. Sic duodecim post meū consulatum annos
in maximis causis, cum ego mihi illum, sibi
me ille anteferreret, coniunctissimè uersati su-
mus: consulatusq; meus, qui illum primò leui-
ter perstrinxerat, idem nos rerum mearū gesta-
rum, quas ille admirabatur, laude conuinxerat.
Maximè uerò perspecta est utriusq; nostrum
exercitatio paulò antè, quàm perterritum armis
hoc stadium Brute nostrum conticuit subito
& obmutuit, cum lege Pompeia ternis horis
ad dicendum datis, ad causas simillimas inter
se, uel potius easdem noui uenicbamus quoti-
die. quibus quidem causis tu etiam Brute præ-
stò fuisti, complurcisq; & nobiscum & solus
egisti: ut qui non satis diu uixerit Hortensius,
tamen hunc cursum confecerit. Annis antè de-
cem causas agere cœpit, quàm tu es natus: idem
quarto et sexagesimo anno per paucis ante mor-
tem diebus una tecum socerum tuum defendit
Appium. Dicendi autem genus quod fuerit in
utroq; orationes utriusq; etiam posteris nostris
indi

indicabunt. Sed si querimus cur adolescens magis floruerit dicendo, quam senior Hortensius, causas reperiemus uerissimas duas. primum quod genus erat orationis Asiaticum, adolescentie magis cōcessum quam senectuti. Genera autem Asiatica dictionis duo sunt. Unum sententiosum, & argutum sententijs non tam grauibus & seueris, quam concinnis & uenustis: qualis in historia Timaeus, in dicendo autē pueris nobis Hierocles Alabandeus, magis etiam Menecles frater eius fuit, quorum utriusq; orationes sunt in primis, ut Asiatico in genere, laudabiles. Aliud autē genus est non tam sententijs frequentatum, quam uerbis uolucris atq; incitatum: quali est nūc Asia tota: nec flumine solum orationis, sed etiam exornato & saceto genere uerborum, in quo fuit Aeschylus Gnidius, & meus aequalis Milesius Aeschines. In ijs erat admirabilis orationis cursus, ornata sententiarum concinnitas non erat. Hac autem (ut dixi) genera dicendi aptiora sunt adolescentibus, in senibus grauitatem non habent. Itaq; Hortensius utroq; genere florens, clamores faciebat adolescens. Habebat enim & Menecleum illud studium crebrarum uenustarumq; sententiarū, in quibus ut in illo Greco, sic in hoc erant quaedam magis uenustae dulcesq; sentētie, quam aut necessaria, aut interdū utiles. Et erat oratio cum incitata & uibrans, tum etiam accu-

rata & polita. Non probantur hæc senibus
(sæpe uidebam cum iridentem, tum etiam irascentem & stomachantem Philippum) sed mirabantur adolescentes, multitudo mouebatur. Erat excellens iudicio uulgi, & faciliè primas tenebat adolescēs. Et si enim genus illud dicendi autoritatis habebat parum, tamen aptum esse ætati uidebatur, & certè quòd & ingenij quædam forma lucebat, & exercitatione perfecta erat uerborumq; astricta cōprehensio, summam hominum admirationē excitabat. Sed cum iam honores, & illa senior autoritas grauius quiddam requireret, remanebat idem, nec decebat idem: quodq; exercitationem studiumq; dimiserat, quod in eo fuerat acerrimum, concinnitas illa cribris usq; sententiarum pristina manebat, sed ea uestitu illo orationis quo consueuerat, ornata non erat. Hoc tibi ille Brute minus fortasse placuit, quàm placuisset, si illum flagrantem studio, & florentem facultate audire potuisses. Tum Brutus, Ego uerò, inquit, & ista quæ dicis, uideo qualia sint: & Hortensium magnum oratorem semper putauì: maximeq; probauì pro Messala dicentem, cum tu absuisti. Sic ferunt, inquam: idq; declarat totidem quot dixit (ut aiunt) scripta uerbis oratio. Ergo ille à Crasso consule & Scæuola usq; ad Paulum & Marcellum consules floruit: nos in eodem cursu fuimus à Sulla Dictatore ad eosdem ferè consules

sules. Sic Quinti Hortensij uox extincta fato suo est, nostra publico. Melius queso ominare, inquit Brutus. Sit sanè ut uis, inquam: & id non tam mea causa, quàm tua: sed fortunatus illius exitus, qui ea non uidit cum fierent, quæ prouidit futura. Sæpe enim inter nos impendentes casus defleuimus, cum belli civilis causas in priuatorum cupiditatibus inclusas, pacis spem à publico consilio esse exclusam uideremus. Sed illum uidetur felicitas ipsius, quæ semper est usus, ab eis miserijs quæ consecuta sunt, morte uindicasse. Nos autè Brute, quoniam post Hortensij clarissimi oratoris moricem orbæ eloquentia quasi tutores relictī sumus, domi teneamus eam septam liberali custodia, & hos ignotos, atq; impudentes procos repudiemus, tueamurq; ut adultam uirginem castè, & ab amatorum impetu quantum possumus prohibeamus. Equidem etsi doleo me in uitam paulo serius tanquam in uiam ingressum, priusquam confectum iter sit, in hanc Reip. noctem incidisse: tamen ea consolatione sustentor, quam tu mihi Brute adhibuisti tuis suauissimis literis: quibus me forti animo esse oportere censebas, quòd ea gessissem, quæ de me etiam me tacente ipsa loquerentur, mortuoq; uiuerent. Quæ si rectè essent, saluti Reip. sin secus, interitu ipso testimonium meorum de Repub. consiliorum darent. Sed in te intuens Brute doleo, cuius in adolescentiam per

medias laudes quasi quadrigis uehementem trans-
uersa incurrit misera fortuna Reip. Hic me do-
lor tangit, hæc me cura sollicitat, & hunc me-
um socium eiusdem & amoris & iudicij. Tibi
faueamus, te tua frui uirtute cupimus: tibi opta-
mus eam Remp. in qua duorū generum amplissi-
morum renouare memoriam atq; augere possis.
Tuum enim forum, tuum erat illud curriculum,
tu illac ueneras unus, qui non linguam modò
acuiisses exercitatione dicendi, sed & ipsam elo-
quentiam locupletauisses grauiorum artium in-
strumēto, & ijsdem artibus decus omne uirtutis
cum summa eloquentia laude iunxisses. Ex te
duplex nos afficit sollicitudo, quòd & ipse Rep-
careas, & illa te. Tu tamen, (cisi cursum inge-
nū tui Brute premit hæc importuna clades ci-
uitatis) contine te in tuis perennibus studijs, &
effice, id quod iam propemodum, uel planè po-
tius effecerat, ut te eripias ex ea quam ego con-
gessi in hunc sermonem, turba patronorum. Nec
enim decet te ornatum uberrimis artibus, quas
cum domo haurire non posses, accersuisti ex
urbe ea qua domus est semper habita doctrina,
numerari in uulgo patronorum. Nam quid te
exercuit Pammenes, uir longè eloquentissimus
Græcia? Quid illa uetus Academia, atq; eius
hæres Haristius hospes & familiaris meus, si
quidem similes maioris partis oratorum futuri
sumus? Nonne cernimus uix singulis statibus
binos

binos oratores laudabilis constituisse? Galba fuit inter tot aequales unus excellens, cui, quem admodum accepimus, & Cato cedebat senior, & qui temporibus illis aetate inferiores fuerunt, Lepidus postea, deinde Carbo. Nam Gracchi in concionibus multo faciliore & liberiore genere dicendi: quorum tamen ipsorum ad aetatem laus eloquentiae perfecta nondum fuit. Antonius, Crassus, post Cotta, Sulpitius, Hortensius, nihil dico amplius, tantum dico, si mihi accidisset ut numerarer in multis, sic operosa est concursatio magis opportunorum.

M. T. C I C E
 RONIS AD MAR-
 CUM BRU-
 TUM
 O R A T O R.



TRVM difficilius, aut maius esset negare tibi sapius idem roganti, an efficere id quod rogares, diu multumq; Brute dubitavi. Nam & negare ei quem unice diligere, cuiq; me charissimum esse sentirem, praesertim & iusta petenti, & praeclara cupienti, durum admodum mihi uidebatur: & suscipere
 tantam

tantam rem, quantam non modo facultate consequi difficile esset, sed etiam cogitatione complecti, uix arbitrabar esse eius, qui uereretur reprehensionem doctorum atq; prudentium. Quid enim est maius, quam cum tanta sit inter oratores bonos dissimilitudo, iudicare quæ sit optima species, & quasi figura dicendi? Quod quoniam me sæpius rogas, aggrediar, non tam perficiundi spe, quam experiundi uoluntate. Malo enim, cum studio tuo sim obsecutus, desiderari à te prudentiam meam, quam si id non fecerim, benivolentiam. **Q V A E R I S** igitur, idq; iam sæpius, quod eloquentia genus probem maxime; & quæle mihi uideatur illud cui nihil addi possit, quod ego summum & perfectissimum iudicem. In quo uereor, ne si id quod uis, effecero, eumq; oratorem quem quaris, expressero, tardem studia multorum, qui desperatione debilitati, experiri id nolent, quod se assequi posse dissidant. Sed par est omnibus omnia experiri, qui res magnas, & magnopere expetendas concupiuerunt. Quod si quem aut natura sua, aut illa præstantis ingenij uis forte deficiet, aut minus instructus erit magnarum artium disciplinis: teneat tamen eum cursum quem poterit. Prima enim sequentem, honestum est in secundis, tertijsq; consistere. Nam in poëtis non Homero soli locus est (ut de Græcis loquar) aut Archilochus, aut Sophocli, aut Pindaro: sed horum uel secundis.

cundis, uel etiam infra secundos. Nec uerò Aristotelem in philosophia deterruit à scribendo amplitudo Platonis: nec ipse Aristoteles admirabili quadam scientia, & copia ceterorum studia restinxit. Nec solum ab optimis studijs excellentes uiri deterriti non sunt: sed ne opifices quidem se artibus suis remouerunt, qui aut Ialyci (quem Rhodi uidimus) non potuerunt, aut Coe Veneris pulchritudinem imitari. Nec simulacro Iouis Olympij, aut Doryphori statua deterriti, reliqui minus experti sunt quid efficere, aut quo progredi possent: quorum tanta multitudo fuit, tanta in suo cuiusq; genere laus, ut cum summa miraremur, inferiora tamen probaremus. In oratoribus uerò, Græcis quidem admirabile est quantum inter omneis unus excellat. Attamen cum esset Demosthenes, multi oratores magni, & clari fuerunt, & antea fuerant, nec postea defecerunt. Quare non est eorum qui se studio eloquentiæ dediderunt, spes infringatur, aut languescat industria. Nam neq; illud ipsum quod est optimum, desperandum est: & in præstantibus rebus magna sunt ea quæ sunt optimis proxima. Atq; ego in summo oratore fingendo talem informabo, qualis fortasse nemo fuit. Non enim quero quis fuerit, sed quid sit illud, quo nihil possit esse præstantius, quod in perpetuitate dicendi non saepe, atq; haud scio an unquam, in aliqua autem
parte

parte luceat aliquando, idem apud alios densius, apud alios fortasse rarius. Sed ego sic statuo, nihil esse in ullo genere tam pulchrum, quo non pulchrius id sit, unde illud, ut ex ore aliquo quasi imago exprimatur, quod neq; oculis, neq; auribus, neq; ullo sensu percipi potest, cogitatione tantum, & mente complectimur. Itaq; & Phidia simulacris, quibus nihil in illo genere perfectius uidemus, & his picturis quas nominavi, cogitare tamen possumus pulchriora. Nec uerò ille artifex, cum faceret Iouis formam aut Minervae, contemplantatur aliquem è quo similitudinem duceret: sed ipsius in mente insidebat species pulchritudinis eximia quadam, quam intuens, in eaq; defixus, ad illius similitudinem artem, & manum dirigebat. Ut igitur in formis, & figuris est aliquid perfectum, & excellens, cuius ad excogitatam speciem imitando referuntur ea quae sub oculos ipsa non cadunt: sic perfecta eloquentiae speciem animo uidemus, effigiem auribus querimus. Has rerum formas appellat ideas ille non intelligendi solum, sed etiam dicendi grauissimus autor & magister Plato: easq; gigni negat, & ait semper esse, ac ratione, & intelligentia contineri: cetera nasci, occidere, fluere, labi, nec diutius esse uno & eodem statu. Quicquid est igitur de quo ratione & uia disputetur, id est ad ultimam sui generis formam speciemq; redigendum. Ac uideo hanc
primam

primam ingressionem meam non ex oratoris
disputationibus ductam, sed è media philoso-
phia repetitam, et eam quidem cum antiquam,
tum subobscuram, aut reprehensionis aliquid,
aut certè admirationis habituram. Nam aut
mirabuntur quid hæc pertineat ad ea qua qua-
erimus: quibus satisfacies res ipsa cognita, ut non
sine causa aliè repetita videatur: aut reprehen-
dent, quòd inusitatas vias indagemus, tritas re-
linquamus. Ego autem & me sepe noua uideri
dicere intelligo, cum peruetera dicam, sed inau-
dita plerisq; : & fateor me oratorem, si modo
sim, aut etiam quicumq; sim, nò ex rhetorum of-
ficinis, sed ex Academia spatij extitisse. Illa
enim sunt curricula multiplicium, uariorumq;
sermonum, in quibus Platonis primum sunt im-
pressa uestigia, sed & huius, & aliorum philoso-
phorum disputationibus & exagitatius maxime
orator est, & adiutus. Omnis enim ubertas, &
quasi sylua dicendi ducta ab illis est: nec satis
tamen instructa ad forenses causas, quas ut illi
ipsi dicere solebant, agrestioribus musis relique-
runt. sic eloquentia hæc forensis, spreta à philo-
sophis, & repudiata, multis quidem illa adiu-
mentis, magnisq; caruit, sed tamen ornata uer-
bis, atq; sententijs iactatione habuit in populo,
nec paucorum iudicium, reprehensionemq; perti-
muit. Ita & doctis eloquentia popularis, & di-
fertis elegans doctrina defuit. Positum sit igitur

in primis, quod pòst magis intelligetur, sine philosophia nō posse effici quem quærimus eloquentem. Non in ea tamen omnia sint, sed ut sic adiuvet, ut paleſtra hiſtrionem. parua enim magnis ſæpe rectiſimè conferuntur. nam nec latius nec copioſius de magnis, varijsq; rebus ſine philoſophia poteſt quiſquā dicere. Siquidem etiam in Phædro Platonis hoc Periclē præſtitiffe cæteris dicit oratoribus Socrates, quòd is Anaxagoræ Phyſici fuerit auditor, à quo cēſet eum, cum alia præclara quedam, & magnifica didiciſſet, uberem & foecundum fuiſſe, gnarumq; (quod eſt eloquentiæ maximum) quibus orationis modis quæq; animorum partes pellerentur. quod idem de Demoſthene exiſtimari poteſt, cuius ex epiſtolis intelligi licet, quā frequens fuerit Platonis auditor. Nec uerò ſine philoſophorum diſciplina genus, & ſpeciem cuiuſq; rei cernere, neq; eam deſiniendo explicare, nec tribuere in partes poſſumus, nec indicare quæ uera, quæ falſa ſint, neq; cernere conſequentia, repugnantia uidere, ambigua diſtinguere. Quid dicam de natura rerum cuius cognitio magnam orationis ſuppeditat copiam, de uita, de officijs, de uirtute, de moribus, ſine multa earum ipſarū rerum diſciplina aut dici, aut intelligi poſſe? Ad has tot, tantasq; res adhibenda ſunt ornamenta innumerabilia, quæ ſola tum quidem tradebantur ab ijs, qui dicendi
numcr

numerabantur magistri. Quo fit, ut ueram illā, & absolutam eloquentiam nemo consequatur, quod alia intelligendi, alia dicendi disciplina est. & ab alijs rerum, ab alijs uerborum doctrina queritur. Itaq; *M. Antonius*, cui uel primas eloquentiæ patrum nostrorum tribuebat ætas, uir natura peracutus, & prudens, in eo libro quem unū reliquit, desertos ait se uidisse multos, eloquentem omnino neminem. Insidebat uidelicet in eius mente species eloquentiæ, quam cernebat animo, re ipsa non uidebat. Vir autem acerrimo ingenio (sic enim fuit) multa & in se, & in alijs desiderans, neminem planè, qui rectè appellari eloquens posset, uidebat. Quod si ille nec se, nec *L. Crassum* eloquentem putauit, habuit profectò comprehensam animo quandam formam eloquentiæ: cui quoniam nihil deerat, eos quibus aliquid, aut plura deerāt, in eam formam non poterat includere. Inuestigemus hunc igitur *Brute*, si possumus, quem nunquam uidit *Antonius*, aut qui omnino nullus unquā fuit: quem si imitari, atq; exprimere non possumus, quod idem ille uix Deo concessum esse dicebat, autamen qualis esse debeat, poterimus fortasse dicere. Tria sunt omnino genera dicendi, quibus in singulis quidam floruerunt, peræque autem, id quod uolumus, perpauci in omnibus. Nam & grandiloqui, ut ita dicam, fuerunt cum ampla & sententiarum grauitate, & ma-

iestate uerborum, uehementes, uarij, copiosi, gra-
ues ad permonendos & conuertendos animos
instructi, & parati. quod ipsum alij aspera, tri-
sti, horrida oratione, neq; perfecta, neq; cōclusa:
alij leui, & instructa, et terminata. Et cōtra te-
nues, acuti, omnia docentes, & dilucidiora. non
ampliora facientes, subtili quadā & pressa ora-
tione limati. In eodemq; genere alij callidi, sed
impoliti, & cōsulto rudiū similes, & imperito-
rum: alij in eadem iciunitate concinniores, id est
faceti, florētes etiā & leuiter ornati. Est autem
quidā interiectus intermedius, & quasi tēpera-
tus, nec acumine posteriorum, nec fulmine utens
superiorum, uicinus amborū, in neutro excellēs.
utriusq; particeps: uel utriusq; (si uerum queri-
mus) potius expers. Isq; uno tenore, ut aiūt, in di-
cēdo fluit, nihil afferēs prater facultatē, et aqua-
litate: aut addit aliquos ut in corona toros,
omnemq; orationē ornāmētis modicis uerborū,
sententiarumq; distinguit. Horū singulorū gene-
rum quicumq; uim singulis cōsecuti sunt, magnū
in oratoribus nomē habuerūt. Sed quarendū est,
satisne id quod uolumus, effecerint. Videmus
enim fuisse quosdā, qui ydē ornatē, ac grauitē,
ydē uersuē, et subtiliter dicerēt. Atq; utinā in
Latinis talis oratoris simulacrū reperire posse-
mus: esset egregiū nō querere externa, domesti-
cis esse cōtētos. Sed ego idē, qui in illo sermone
nostro qui est expositus in Bruto, multū tribue-

rim Latinis, uelut hortarer alios, uel quòd ama-
rem meos, recordor lōgè omnibus unū anteferre
Demosthenē, qui uim accōmodarit ad eā quam
sentia eloquētiā nō ad eam quā in aliquo ipse
cognouerim. Hoc nec grauior extitit quisquam,
nec callidior, nec tēperatior. Itaq; nobis monēdi
sunt ij, quorū sermo imperitus increbuit, qui aut
dici se desiderāt Atticos, aut ipsi Atticē uo-
lunt dicere, ut mirentur hunc maximē, quo ne
Athēnas quidē ipsas magis credo fuisse Atti-
cas. quid enim sit Atticū, discant: eloquentiāq;
ipsius uiribus, non imbecillitate sua metiantur.
Nūc enim tantū quisq; laudat, quātū se posse spe-
rat imitari. Sed tamē eos studio optimo, iudicio
minus firmo pradtos, docere quæ sit propria
laus Atticorū, nō alienū puto. Sēper oratorum
eloquētiæ moderatrix fuit auditorum prudētia.
Omnes enim qui probari uolunt, uoluntatē corū
qui audiūt, intuentur, ad eamq; & ad eorū arbi-
triū, & nutū totos se fingūt, et accōmodāt. Itaq;
Caria, et Phrygia, & Mysia, quòd minimē poli-
tæ, minimeq; elegantes sunt, asciuerunt aptum
suis auribus opimum quoddam, & tanquam
adipale dictionis genus: quod eorū uicini (non
italato interiecto mari) Rhodj nunquā proba-
uerunt, Græci autem multo minus. Athenien-
ses uerò funditus repudiauerunt: quorū semper
fuit prudēs syncerūq; iudiciū, nihil ut possent ni-
si incorruptū audire, & elegās. Eorū religioni

cum seruiret orator, nullum uerbum insolens, nullum odiosum ponere audebat. Itaq; hic quē prastitisse diximus ceteris, in illa pro Ctesiphonte oratione longe optima summissius à primo: deinde dum de legibus disputat pressius, post sensim incedens, iudices ut uidit ardentes, in reliquis exultauit audacius. Ac tamen in hoc ipso diligenter examinante uerborum omnium pondera, reprehendit Aeschines quadam, & exagitat, illudensq; dura, odiosa, intolerabilia esse dicit. Quinetiam querit ab ipso, cum quidem cum belluam appelleret, utrum illa uerba, an portēta sint: ut Aeschini ne Demosthenes quidē uideatur Atticē dicere. Facile est enim uerbum aliquod ardens (ut ita dicam) notare, idq; restinctis iam animorū incendijs, irridere. Itaq; se purgans iocatur Demosthenes, negat in eo positas esse fortunas Græcia, in hoc in eum, huc an illuc manū porrexerit. Quonam igitur modo audiretur Mysus, aut Phryx Athenis, cum etiā Demosthenes exagitetur ut putidus? Cum uerō inclinata, ululantiq; uoce more Asiatico canere cœpisset, quis eum ferret? aut quis potius non inberet auferri? Ad Atticorum igitur aures teretes, & religiosas qui se accommodant, y sunt existimandi Atticē dicere. Quorum genera plura sunt: hi unum modo quale sit, suspicantur. Putant enim qui horride, inculte q; dicat, modo id eleganter enucleate q; faciat

eiat, cum solum Atticè dicere. Errant, quòd
 solum: quòd Atticè, non falluntur. Istorū enim
 iudicio, si solum illud est Atticum, ne Pericles
 quidem dixit Atticè, cui primæ sine controuer
 sia deserebantur. Qui si tenui genere uteretur,
 nunquam ab Aristophane poeta fulgurare, to
 nare, permiscere Græciam dictus esset. Dicat
 igitur Atticè uenustissimus ille scriptor, ac po
 litissimus Lysias. quis enim id possit negare?
 dum intelligamus, hoc esse Atticum in Lysia,
 non quòd tenuis sit atq; inornatus, sed quòd ni
 hil habeat insolens, aut ineptum. Ornate uerò,
 & grauitè, & copiose dicere, aut Atticorum
 sit, aut ne sit Aeschines, nèue Demosthenes
 Atticus. Ecce autem aliqui se Thucydideos
 esse proficiunt, nouum quoddam imperitorum,
 & inaudituū genus. Nam qui Lysiam sequun
 tur, causidicum quendam sequuntur, non illum
 quidem amplum atq; grandem, subtilem & ele
 gantem tamen, & qui in forensibus causis pos
 sit præclarè consistere. Thucydides autem res ge
 stas, & bella narrat, & prælia grauitè sapè,
 & probè, sed nihil ab eo transferri potest ad
 forensem usum, & publicum. Ipse ille con
 ciones ita multas habent obscuras abditasq;
 sententias, uix ut intelligantur: quod est in ora
 tione ciuili uitium uel maximum. Quæ est au
 tem in hominibus tanta peruersitas, ut inuen
 tis frugibus, glande uescantur? an uictus ho

minum Atheniensem beneficio excoli potuit, oratio non potuit? Quis porro unquam Gracorum Rhetorum à Thucydide quicquam duxit? At laudatus est ab omnibus. Fateor: sed ita, ut verum explicator prudens, seuerus grauis: non ut in iudicijs uersaret causas, sed ut in historijs bella narraret. Itaq; nunquam est numeratus orator. Nec uerò si historiam non scripsisset, nomen eius extaret, cum praesertim fuisset honoratus, & nobilis. Huius tamen nemo, neq; uerborum, neq; sententiarum grauitatem imitatur: sed cum mutila quædã, & hiantia locuti sunt, quæ uel sine magistro facere potuerunt, germanos se putant esse Thucydidas. Naëlus sum etiã qui Xenophontis similem esse se cuperet, cuius sermo est ille quidem melle dulcior, sed à forensi strepitu remotissimus. Reseramus nos igitur ad eum quem uolumus, inchoandum, & eandem eloquentia informandum, quam in nullo cognouit Antonius. Magnum opus omnino, & arduum Brute conamur, sed nihil difficile amanti puto. Amo autem, & semper amaui ingenium, studia, mores tuos. Incendor porro quotidie magis, non desiderio solum (quo quidem conficior) congressus nostros, consuetudinẽ uictus, doctissimos sermones requirens tuos, sed etiam admirabili fama uirtutũ incredibiliũ, quæ specie dispares, prudentia coniunguntur. Quid enim tam distans, quàm à seueritate comitas?

mitas? quis tamen unquam te aut sanctior est habitus, aut dulcior? Quid tam difficile quam in plurimorum controuersijs dyudicandis ab omnibus diligi? consequeris tamen, ut eos ipsos quos contra statuas, a quos placatosq; dimittas. Itaq; efficis, ut eam gratia causa nihil facias, omnia tamē sint grata qua facis. Ergo ex omnibus terris, una Gallia communi nō ardet incendio: in qua frueris ipse te, cum in Italia luce cognosceris, uersarisq; in optimorum ciuium uel flore, uel robore. Iam quantum illud est, quod in maximis occupationibus nunquam intermittis studia doctrinae, semper aut ipse scribis aliquid, aut me uocas ad scribendum? Itaq; hoc sum aggreffus statim Catone absoluto, quem ipsum nunquam attigissem, tempora timens inimica uirtuti, nisi tibi hortanti, & illius memoriam mihi charam excitanti, non parere nefas esse duxissem. sed testificor me à te rogatum, & recusantem hac scribere esse ausum. Volo enim mihi tecum commune esse crimen, ut si sustinere tantam questionem non potuero, iniusti oneris impositi tua culpa sit, mea recepti. In quo tamen iudicij nostri errorem, laus tibi dati muneris compensabit. Sed in omni re difficillimum est formam (quod *χαρὰντῆρ* Graece dicitur) exponere optimi: quod aliud alijs uidetur optimum. Ennio delector, ait quispiam: quod non discedit à communi more uerborum. Pacuio,

inquit alius: omnes apud hunc ornati, elaboratiq; sunt uersus, multa apud alterum negligenter. Fac alium Accio: uaria enim sunt iudicia, ut in Grecis, nec facilis explicatio quæ forma maxime excellat. In picturis alios horrida, inculta, abdita, & opaca: contra alios nitida, lata, collustrata delectat. Quid est quo præscriptum aliquod, aut formulam exprimas, cum in suo quodq; genere præstet: et genera plura sint? Hac ego religione non sum ab hoc conatu repulsus: existimantiq; in omnibus rebus esse aliquid optimum, etiam si lateret: idq; ab eo posse, qui eius rei gnarus esset, iudicari. Sed quoniam plura sunt orationum genera, eaq; diuersa, neq; in unam formam cadunt omnia: laudationum, scriptorum, & historiarum, & talium suasionum, qualem Isocrates fecit Panegyricum, multiq; alij, qui sunt nominati Sophista, reliquarumq; rerum formam quæ absunt ab forensi contentione, eiusq; totius generis, quod Græce *ἐπιδησιον*, nominatur, quod quasi ad inspiciendum, delectationis causa comparatum est: non complectar hoc tempore. non quo negligenda sit: est enim illa quasi nutrix eius oratoris, quem informare uolumus, & de quo molimur aliquid exquisitius dicere. Ab hac & uerborum copia alitur, & eorum constructio, & numerus liberiore quadam fruatur licentia. Datur etiam uenia concinnitati
senten

sententiarum, & arguti, certiꝑ; & circumscripti uerborum ambitus conceduntur: de industriaꝑ; non ex insidijs, sed aperte, ac palam elaboratur, ut uerba uerbis quasi demensa, & paria respondeant, ut crebro conferant pugnantia, comparentꝑ; contraria, & ut pariter extrema terminentur, eundemꝑ; referant in cadendo sonum: quæ in ueritate causarum, & rarius multò facimus, & certè occultius. In Panathenæico autem Isocrates ea studiosè consecratum facietur. Non enim ad iudiciorum certamen, sed ad uoluptatem aurium scripserat. Hæc tractasse Thrasymachum Chalcedonium primum & Leontinum ferunt Gorgiam. Theodorum inde Byzantium, multosꝑ; alios, quos *ῥογολαῖος* appellat in Phædro Socrates, quorum satis arguta multa: sed ut modo primumꝑ; nascentia, minuta, & uersiculorum similia quedam, nimiumꝑ; depicta, quo magis sunt Herodotus, Thucydesꝑ; mirabiles, quorum ætas cum in eorum tempora quos nominati, incidisset, longissimè tamen ipsi à talibus delicijs, uel potius incipijs abfuerunt. Alter enim sine ullis salebris, quasi sedatus amnis fluit: alter incitator fertur, & de bellicis rebus canit etiã quodammodo bellicum: primisꝑ; ab his (ut ait Theophrastus) historia commota est, ut auderes uberius quàm superiores, & ornatius dicere. Horum ætati successit Isocrates, qui præter cæ-

ceros eiusdem generis laudatur semper à nobis,
 nonnunquam Brute, leuiter, & eruditè repu-
 gnāte te. Sed credas mihi fortasse, si, quid in eo
 laudem, cognoueris. Nam cum cōcisus ei Thra-
 symachus minutis numeris uideretur, & Gor-
 gius, qui tamen primi traduntur arte quadam
 uerba iunxisse: Thucydides autem praefractior,
 nec satis (ut ita dicam) rotundus, primus insti-
 tuit dilatare uerbis. & mollioribus numeris
 explere sententias. In quo cum doceret eos, qui
 partim in dicendo, partim in scribendo princi-
 pes extiterunt: domus eius officina habita elo-
 quentia est. Itaq; ut ego, cum à nostro Catone
 laudabar, uel reprehendi me à ceteris facile pa-
 tiebar, sic Isocrates uidetur testimonio Platonis
 aliorum iudicia debere contemnere. Est enim,
 ut scis, quasi in extrema pagina Phadri his ipsis
 uerbis loquens Socrates, Adolescens etiam nūc
 ô Phadre Isocrates est. Sed quid de illo augurer,
 lubet dicere. Quid tandem? inquit ille. Maiore
 mihi ingenio uidetur esse, quam ut cum oratio-
 nibus Tysiae comparetur: praeterea ad uirtutem
 maior indoles: ut minimè mirum futurum sit, si
 cum etate procefferit, aut in hoc orationū gene-
 re, cui nunc studet, tantū quantum pueris, reli-
 quis praestet omnibus, qui unquam orationes at-
 tigerunt: aut si contentus his non fuerit, diuino
 aliquo animi motu maiora concupiscat. Inest
 enim, natura philosophia in huius uiri mente
 quedam

quedam. Hæc de adolescente Isocrate Socrates auguratur. at ea de seniore scribit Plato, et scribit æqualis, & quidē exagitator omnium rhetorū hunc miratur unū. Me autē, qui Isocratē non diligunt, unā cū Socrate, & Platone errare patiantur. Dulce igitur orationis genus, & solutum, & effluens, sententijs argutum, uerbis sonans est in illo epideictico genere, quod diximus proprium sophistarū, pōpæ quā pugnæ aptius, gymnasijs & palestra dicatū, spretū & pulsū foro. Sed quod educata huius nutrimentis eloquentia, ipsa se postea colorat & roborat: non alienū fuit de oratoris quasi incunabulis dicere. Verū hæc ludorum atq; pompa: nos autē iam in acie dimicationēq; ueniamus. Quoniā tria uidenda sunt oratori, quid dicat, & quo quidq; loco, & quomodo: dicendum omnino est quid sit optimum in singulis, sed aliquanto secus, atq; in tradēda arte dici solet, nulla præcepta ponemus (neq; enim id suscepimus) sed excellentis eloquentiæ speciem, & formā adumbrabimus: nec quibus rebus ea pareatur, exponemus, sed qualis nobis esse uideatur. Ac duo breuiter primæ sunt enim nō tam insignia ad maximā laudem, quā necessaria, & tamen cū multis penē communia. Nā & inuenire, et iudicare quid dicas, magna illa quidē sunt, et tāquā animi instar in corpore, sed propria magis prudentiæ, quā eloquentiæ, qua tamen in causa est uacua prudentiæ.

Non

Nouerit igitur hic quidem orator, quem summum esse uolumus, argumentorū, & rationum locos. Nam quoniam quicquid est, quod in controuersia, aut in contentione uersetur, in eo aut sit'ne, aut quid sit, aut quale sit queritur: sit'ne? signis: quid sit? definitionibus: quale sit? rectis, prauisq; partibus. quibus ut uiri possit orator non ille uulgaris, sed hic excellens, à proprijs personis & temporibus semper si potest, auocat controuersiam. Latius enim de genere, quam de parte disceptare licet: ut quod in uniuerso sit probatum, id in parte sit probari necesse. Hæc igitur questio à proprijs personis, & temporibus, ad uniuersi generis orationem traducta, appellatur Thesis. In hac Aristoteles adulescentes, non ad philosophorum morem tenuiter differendi, sed ad copiam Rhetorum in utranque partem, ut ornatus, & uberius dici possit, exercuit. Idemq; locos (sic enim appellat quasi argumentorum notas) tradidit, unde omnis in utranq; partem traheretur oratio. Facile igitur hic noster (non enim declamatorē aliquem de ludo, aut rabulam de foro, sed doctissimum, & perfectissimum querimus) quoniam loci certi traduntur, percurreret omnes, utetur aptis generatim, discet ex quo emanant etiam qui communes appellantur loci. Nec uerò utetur imprudenter hac copia: sed omnia expendet & seliget. Non enim semper, nec in omnibus causis, ex
 iisdem

iisdem eadem argumentorum momenta sunt.
 Iudicium ergo adhibebit : nec inueniet solum
 quid dicat, sed etiam expendet. Nihil enim fe-
 racius ingenijs, his præsertim quæ disciplinis ex-
 culta sunt. Sed ut segetes fecundæ, & uberes,
 non solum fruges uerum herbas etiâ effundunt
 inimicissimas frugibus, sic interdum ex illis lo-
 cis aut leuia quedam, aut causis aliena, aut non
 utilia gignuntur : quorum ab oratoris iudicio
 delectus magnus adhibetur. Alioqui quonam
 modo ille in bonis hærebit & habitabit suis? ut
 molliet dura? aut occulabit quæ dilui nō pote-
 rant, atq; omnino opprimeret, si licebit : aut ab-
 ducet animos : aut aliud asseret, quod oppositum
 probabilius sit, quam illud quod obstabit? Iam
 uerò ea quæ inuenerit, qua diligentiâ collocabit?
 quoniam id secundum erat de tribus. Vestibu-
 la nimirum honesta, adiutusq; ad causam faciet
 illustres : cumq; animos prima aggressione occu-
 pauerit, infirmabit, excludetq; contraria : de fir-
 missimis alia prima ponet, alia postrema, incul-
 cabitq; leuiora. Atq; in primis duabus dicēdi
 partibus qualis esset, summatim breuiterq; de-
 scripsimus. Sed ut antè dictum est, in his parti-
 bus (etsi graues, atq; magnæ sunt) minus & ar-
 tis est, & laboris. Cum autē quid, & quo loco
 dicat, inuenierit, illud est longè maximum, uide-
 re quonam modo. Scitum est enim quod Car-
 neades noster dicere solebat, Clitomachū eadem
 dicere,

dicere, Charmadam autem eodem etiam modo dicere. Quod si in philosophia tantum interest quæadmodum dicas, ubi res spectatur, non uerba penduntur: quid tandem in causis existimandum est, quibus totis moderatur oratio? Quod quidem ego Brute ex tuis literis sentiebam, non te id scitari, qualem ego in inueniendo, & in collocando summum esse oratorē uellem: sed id mihi querere uidebare, quod genus ipsius orationis optimum iudicarem. Rem difficilem, dii immortales, atq; omnium difficillimam. Nam cū est oratio mollis, & tenera, & ita flexibilis ut sequatur quocunq; torqueas: tum & nature uaria, & uoluntates, multum inter se distantia effecerunt genera dicendi. Flumen alijs uerborum, uolubilitasq; cordi est, qui ponunt in orationis celeritate eloquentiam. Distincta alios, & interpuncta, interualla, mora, respirationesq; delectat. Quid potest esse tam diuersum? tamen est in utroq; aliquid excellens. Elaborant alijs lenitate, & equabilitate, & puro quasi quodā, & candido genere dicēdi. Ecce alijs duritatem, & seueritatem quandam uerbis, & orationis quasi mœstitiā sequuntur, quodq; paulo ante diuissimus, ut alijs graues, alijs tennes, alijs temperari uellent uideri: quot orationum genera esse diximus, totidem oratorum reperiuntur. Et quoniam cœpi iam cumulatius hoc munus augere, quàm à te postulatum est (tibi enim tantum de ora

de orationis genere querenti, respondi etiam breuiter de inueniendo, & collocando) ne nunc quidem solū de orationis modo dicā, sed etiā de actionis: ita prætermissa pars nulla erit: quandoquidem de memoria nihil est hoc loco dicendum, quæ cōmunis est multarum artium. Quo modo autem dicatur, id est in duobus, in agendo, & in eloquēdo. Est enim actio quasi corporis quadam eloquentia, cum constet ē uoce, atq; motu. Vocis mutationes totidem sunt, quot animorum, qui maximè uoce commouentur. Itaq; ille perfectus, quem iandudum indicat nostra oratio, utcunq; se affectum uideri, & animum audientis moueri uolet, ita certū uocis admouebit sonū, de quo plura dicerē, si hoc præcipiendi tēpus esset, aut si tu hoc queres, dicerē etiam de gestu, cū quo iūctus est uultus: quibus omnibus dici uix potest quantum intersit quēadmodum utatur orator. Nam & infantes actionis dignitate eloquentiæ sæpe fructum tulerunt, & discreti deformitate agēdi multi infantes putati sunt, ut iā nō sine causa Demosthenes tribuerit & primas, & secundas, & tertias actioni. Si enim eloquentia nulla sine hac, hæc autem sine eloquētia tanta est: certè plurimum in dicendo potest. Volet igitur ille, qui eloquētia principatum petet, & cōtenta uoce atrociter dicere, & summissa leniter, et inclinata uideri grauis, & inflexa miserabilis. Mira est enim quadam natura

*tura uocis, cuius quidem è tribus omnino sonis, inflexo, acuto, graui, tanta sit, & tā suauis uarietas perfecta in cantibus. Est autē in dicendo etiam quidam cantus obscurior, non hic è Phrygia, & Caria rhetorū epilogus penè canticū: sed ille quē significat Demosthenes, & Aeschines, cum alter alteri obijcit uocis flexiones. Dicit plura etiā Demosthenes, illumq; sepe dicit uoce dulci, & clara fuisse. In quo illud etiā notandum mihi uidetur ad studium persequende suauitatis in uocibus. Ipsa enim natura quasi modularetur hominū orationem in omni uerbo posuit acutam uocē, nec una plus, nec à postrema syllaba citra tertiā, quo magis naturam ducem ad aurium uoluptatem sequatur industria. Ac uocis quidem bonitas optanda est (non est enim in nobis) sed tractatio atq; usus in nobis. Ergo ille princeps uariabit, & mutabit, & omneis sonorū tum intēdens, tum remittēs persequetur gradus: idq; motu sic utetur, nihil ut supersit in gestu. Status erectus & celsus, rarus incessus, nec ita longus: excursio moderata, eaq; rara, nulla mollitia ceruicū, nullæ argutie digitorum, non ad numerum articulus cadens, trunco magis toto se ipse moderans. & uirili laterum flexione, brachij projectione in contentionibus, contractione in remis. Vultus uerò qui secundū uocem plurimum potest, quantam affert tum dignitatem, tum uenustatem? in quo
cum*

eum effeceris ne quid ineptū, aut uultuosum sit, tum oculorum est quadam magna moderatio, Nā ut imago est animi uultus, sic indices oculi: quorum & hilaritatis & uicissim tristitia modum res ipsa, de quibus agetur, tēperabunt. Sed iam illius perfecti oratoris, & summa eloquentiæ species exprimenda est: quem hoc uno excellere, id est oratione, cetera in eo latēre, indicat nomē ipsum. Non enim inuentor, aut compositor, aut actor, hæc complexus est omnia, sed & Gracē ab eloquendo πᾶν τω. & Latine eloquens dictus est. Ceterarum enim rerum quæ sunt in oratore, partem aliquam sibi quisq; uendicat: dicendi autem, id est eloquendi, maxima nis soli huic conceditur. Quanquam enim & philosophi quidā ornate locuti sunt, (siquidem & Theophrastus diuinitate loquendi nomen inuenit, & Aristoteles Isocratem ipsum lacessiuit, & Xenophontis uoce Musas quasi locutas ferunt: & longe omniū quicumq; scripserunt, aut locuti sunt, extitit & grauitate princeps Plato) tamen horum oratio neq; nervos, neq; aculeos oratorios ac forenses habet. Loquuntur cum doctis, quorum sedare animos malunt, quam incitare. siquidem de rebus placatis, ac minime turbulentis docendi causa, non capiendi loquuntur: ut in eo ipso quòd delectationem aliquam dicendo aucupentur, plus nonnullis, quam necesse sit, facere uideantur. Ergo

ab hoc genere non difficile est hanc eloquentiā,
 de qua nunc agitur, discernere. *Mollis* est enim
oratio philosophorum, & umbratilis, nec sen-
tentijs, nec uerbis instructa popularibus, nec
iuncta numeris, sed soluta liberius, nihil iratum
habet, nihil inuidū, nihil atrox, nihil mirabile,
nihil astutum, casta, uerecunda, uirgo incorru-
pta quodāmodo: itaq; sermo potius quā ora-
tio dicitur. Quāquā enim omnis locutio oratio
est, tamen unius oratoris locutio hoc proprio si-
gnata nomine est, Sophistarū, de quibus supr. i
dixi, magis distinguenda similitudo uidetur,
qui omnes eosdē uolunt flores, quos adhibet
orator in causis, persequi. Sed hoc differūt, quod
eū sit his propositum non perturbare animos,
sed placare potius, nec tā persuadere, quā de-
lectare: & apertius id faciunt quā nos, &
crebrius, concinnas magis sentētijs exquirunt,
quā probabiles: à re sepe discedunt, intexunt
fabulas, uerba apertius transferunt, eaq; ita
disponunt, ut pictores uarietatem colorū: paria
paribus referunt, aduersa contrarijs, sepiissimeq;
similiter extrema definiunt. Huic generi histo-
ria finitima est, in qua & narratur ornate, &
regio sepe, aut pugna describitur: interponun-
tur etiam conciones, & hortationes: sed in his
tracta quedam, & fluens expetitur, non hæc
contorta & acris oratio. Ab his nō multo se-
cus, quā à poetis hæc eloquentia quā queri-
mus,

mus, seuocanda est. Nam etiā poëta questionem attulerunt, quidnā esset illud quo ipsi differrent ab oratoribus : numero maxime uidebantur antea, & uersu : nunc apud oratores iam ipse numerus increbuit. Quicquid est enim, quod sub aurium mensuram aliquam cadit, etiam si abest à uersu (nam id quidē orationis est uitiū) numerus uocatur, qui Grace *ῥυθμός* dicitur. Itaq; uideo uisum esse nonnullis, Platonis & Democriti locutionem, etsi absit à uersu, tamen quod incitatus feratur, & clarissimis uerborū luminibus utatur, potius poema putandum, quam comicorū poetarum, apud quos, nisi quod uersiculi sunt, nihil est aliud quotidiani dissimile sermonis, nec tamē id est poëta maximum, etsi est eo laudabilior, quod uirtutes oratoris persequitur, cū uersu sit astrictior. Ego autem etiamsi quorundam grandis & ornata uox est poetarum, tamen in ea cū licentiam statuo maiorem esse, quam in nobis, faciendorum iungendorumq; uerborum, tum etiam nonnullorū uoluptati uocibus magis, quam rebus inserviunt. Nec uerò siquid est unū inter eos simile (id autem est iudiciū, electioq; uerborum) propterea ceterarum rerū dissimilitudo intelligi non potest: sed id nec dubium est, et siquid habet questionis, hoc tamē ipsum ad id quod propositum est, non est necessarium. Seiunctus igitur orator à philosophorum eloquentia, à sophistarum, ab

historicorum, à poetarum, explicandus est nobis qualis futurus sit. Erit igitur eloquēs (hunc enim autore Antonio querimus) is qui in foro, causisq; civilibus ita dicet, ut probeat, ut delectet, ut flectat. probare necessitatis est, delectare suauitatis, flectere uictoriae. nam id unum ex omnibus ad obtinendas causas potest plurimum. Sed quot officia oratoris, tot sunt genera dicendi: subtile in probando, modicum in delectando, uehemens in flectendo, in quo uno uis omnis oratoris est. Magni igitur iudicij, summa etiam facultatis esse debet moderator ille, & quasi temperator huius tripartite uarietatis. Nam & iudicabit quid cuiq; opus sit: & poterit, quocūq; modo postulabit causa dicere. Sed est eloquētis, sicut reliquarum rerum, fundamentū sapientia. Vt enim in uita, sic in oratione nihil est difficilius, quàm quid deceat uidere. *ὡπείπῃ* appellant hoc Græci, nos dicamus sanè decorum: de quo præclarè, et multa præcipiuntur, & res est cognitione dignissima. Huius ignorance non modo in uita, sed sapissimè & in poematis, & in oratione peccatur. Est autem quid deceat oratori uidendum, nō in sententijs solum, sed etiam in uerbis. Non enim omnis fortuna, non omnis honos, non omnis autoritas, non omnis ætas, nec uerò locus, aut tempus, aut auditor omnis, eodem aut uerborū genere tractandus est, aut sententiarum: semperq; in omni parte

decorum
orationis

parte orationis, ut uita, quid deceat, est considerandum, quod & in re de qua agitur, positum est, & in personis & eorum qui dicunt, & eorum qui audiunt. Itaque hunc locum longe & late patentem philosophi solent in officijs tractare, non cum de recto ipso disputant: nam id quidem unum est: grammatici in poetis, eloquentes in omni et genere & parte causarum. Quam enim indecorum est, de stillicidijs cum apud unum iudicem dicas, amplissimis uerbis, & locis uti communibus: de maiestate uerò populi Rom. summis, & subtiliter? Hic genere toto: at persona alij peccant, aut sua, aut iudicem, aut etiam aduersariorum, nec re solum, sed sepe etiam uerbo: & si sine re nulla uis uerbi est, tamen eadem res sepe aut probatur, aut reijcitur alio, atque alio elata uerbo. In omnibusq; rebus uidendum est quatenus: etsi enim suus cuiq; modus est, tamen magis offendit nimium, quam parum. In quo Apelles pictores quoq; eos peccare dicebat, qui non sentirent quid esset satis. Magnus esset locus hic Brute, quod te non fugit, & magnum uolumen aliud desiderat: sed ad id quod agitur, illud satis: cum hoc decere, quod semper usurpamus in omnibus dictis & factis, minimis & maximis: cum hoc inquam decere dicimus, illud non decere, & id usquequaq; quantum sit, appareat, in alioq; ponatur, aliudq; totum sit, uirum decere

an oportere dicas. oportere enim perfectionem declarat officij, quo & semper utendum est, & omnibus decere, quasi aptum esse consentaneumq; tempori & personae, quod cum in factis sepiissime, tum in dictis valet, in uuln deniq; & gestu, & incessu, contraq; item dedecere. Quod si poeta fugit ut maximum uitium, qui peccat etiam cum probam orationem affingit improbo, stultione sapientis: si deniq; pictor ille uidit, et immolanda Iphigenia tristis Chalcas esset, moestior Ulysses, mereret Menelaus, obuoluendum caput Agamemnonis esse, quoniam summum illum luctum penicillo non posset imitari: si deniq; histrio quid deceat querit, quid faciendum oratori putemus? Sed cum hoc tantum sit, quid in causis, earumq; quasi membris faciat, orator uiderit. Illud quidem perspicuum est, non modo partes orationis, sed etiam causas totas, alias alia forma dicendi esse tractandas. Sequitur, ut cuiusq; generis nota quaratur & formula magni opus, & arduum, ut saepe iam diximus: sed ingredientibus considerandum fuit quid ageremus: nunc quidem iam quocunq; feremur, danda nimirum uela sunt. Ac primum informandus est ille nobis, quem solum quidam uocant Atticum. Summissus est, & humilis, consuetudinem imitans, ab indifferis re plus, quam opinione differens. Itaq; eum qui audiunt, quamuis ipsi infantes sint, tamen illo modo

modo confidunt se posse dicere. Nam orationis subtilitas inutabilis quidem illa uidetur esse existimanti, sed nihil est experiēti minus. Et si enim non plurimi sanguinis est, habeat tamen succum aliquem oportet, ut etiam si illis maximis uiribus careat, sit (ut ita dicam) integra ualitudine. Primum igitur eum tanquam ē uinculis numerorum eximamus. Sunt enim quidam ut scis) oratori numeri, de quibus mox agemus, obseruandi ratione quadam, sed alio in genere orationis, in hoc omnino relinquendi: solutum quiddam sit, nec uagum tamen, ut ingredi libere, non ut licenter uideatur errare. Verba etiam uerbis quasi coagmentare negligat. Habet enim ille tanquam hiatus concursu uocalium molle quiddam, & quod indicet non ingratam negligentiam de re hominis magis quam de uerbis laborantis. Sed erit uidendum de reliquis, cum hæc duo ei liberiora fuerint, circuitus, conglutinatiōq; uerborum. Illa enim ipsa contracta, & minutata nō negligenter tractanda sunt, sed quedam etiam negligentia est diligens. Nam ut mulieres esse dicuntur nonnullæ inornatæ, quas id ipsum deceat: sic hæc subtilis oratio etiam incompta delectat. Fit enim quiddam in utroque, quo sit uenustius, sed non ut appareat. Tum remouebitur omnis insignis ornatus, quasi margaritarum: ne calami stri quidem adhibebuntur. Fucati uerò medicamenta candoris & ruboris,

omnia repellentur : elegantiā modo, & mundi-
 tia remanebit, Sermo purus erit & Latinus: di-
 lucide planeq; dicetur: quid deceat, circumspecie-
 tur. Vnum aderit, quod quatuor numerat Theo-
 phrastus in orationis laudibus, ornatum illud
 suauē, & affluens: acutæ crebraq; sententiæ po-
 nentur, & nescio unde ex abdito eruta, atq; in
 hoc oratore dominabūtur. Verecundus erit usus
 oratorie quasi supellectilis. Supellex est enim
 quodammodo nostra, quæ est in ornamentis, alia
 rerum, alia uerborum. Ornatus autem uerborū
 duplex: unus simplicium, aliter collocatorum.
 Simplex probatur in proprijs usitatusq; uerbis.
 quod aut optime sonat, aut rem maxime expla-
 nat. In alienis, aut translaturum, aut factum
 aliunde, ut mutuo, aut factum ab ipso, aut no-
 uum, aut priscum & inusitatum. Sed etiam in-
 usitata ac prisca sunt in proprijs, nisi quod raro
 utimur. Collocata autem uerba habet ornatum
 si aliquid concinnitatis efficiunt, quod uerbis
 mutatis non maneat, manente sententiā. Nam
 sententiarum ornamenta, quæ permanent etiam
 si uerba mutaueris, sunt illa quidem permulta:
 sed quæ emineant, pauciora. Ergo ille tenuis ora-
 tor modo sit elegans, nec in faciendis uerbis erit
 audax, & in transferendis uerecundus & par-
 cus, & in priscis reliquisq; ornamentis & uer-
 borum, & sententiarum demissor, translatione
 fortasse crebrior, quæ frequētissime sermo omnis
 utitur

utitur non modo urbanorum, sed etiam rusticorum: siquidem est eorum, gemmare uites, sitire agros, latas esse segetes, luxuriosa frumenta. Nihil horum parum audacter, sed aut simile est illi, unde transferas: aut si res suum nullum habet nomen, docendi causa sumptum, non ludendi uidetur. Hoc ornamento liberius paulo, quam ceteris utetur hic summissus, nec tam licenter tamen, quam si genere dicendi uteretur amplissimo. Itaque illud indecorum, quod quale sit ex decoro debet intelligi, hic quoque apparet, cum uerbum aliquod alius transfertur, idq; in oratione humili ponitur, quod idem in alia deceret. Illam autem concinnitatem, quæ uerborum collocationem illuminat his luminibus, quæ Græci quasi aliquos gestus orationis *οξύμαξα* appellant (quod idem uerbum ab his etiam in sententiarum ornamenta transfertur) adhibet quidem hic subtilis, quem nisi quòd solum, ceteroquin rectè quidam uocant Atticum sed paulò parcius. Nam si ut in epularum apparatu à magnificentia recedens, non se parcum solum, sed etiam elegantem uideri uolet, eliget quibus utatur. Sunt enim pleraque apta huius ipsius oratoris, de quo loquor, parsimonie. Nam illa, de quibus antè dixi, huic acuto fugienda sunt, paria paribus relata, & similiter conclusa, eodemq; pacto cadentia: & immutatione litera quasi quesita uenustates, ne elaborata concin-

nitas, & quoddam aucupium delectationis manifestè deprehensum appareat. Itemq; si qua uerborum iterationes contentionem aliquam, & clamorem requirent, erunt ab hac summmissione orationis alienæ: ceteris promiscuè poterit uti: continuationem uerborum modo relaxet & diuidat, utaturq; uerbis quàm usitatissimis, translationibus quàm mollissimis: etiam illa sententiarum lumina assumat, quæ non erunt uehementer illustrata. Non faciet Remp. loquentem, nec ab inferis mortuos excitabit, nec acerrimè multa frequentans, una complexione deuinciet. Valentiorum hæc laterum sunt, nec ab hoc quem informamus, aut expectanda, aut postulanda. Erit enim ut uoce, sic etiã oratione suppressior. Sed pleraq; ex illis cõuenient etiam huic tenuitati: quanquam iisdem ornamentis utetur horridius: talem enim inducimus. Accedit actio non tragica, nec scena, sed modica iactatione corporis, uultu tamen multa conficiens, non hoc quod dicuntur os ducere, sed illo, quo significant ingenuè, quo sensu quidq; pronuntiant. Huic generi orationis aspergentur etiam sales, qui in dicendo mirum quantum ualent: quorum duo genera sunt, unum facietiarum, alterum dicacitatis. utetur utroq; sed altero in narrando aliquid uenustè, altero in iaciendo mittendoq; ridiculo: cuius genera plura sunt, sed nunc aliud agimus. Illud admonemus tamen, ridiculo sic usurum
orator

oratorem, ut nec minus frequenti, ne scurrile sit :
 nec subobscoeno, ne mimicum : nec petulanti, ne
 improbum : nec in calamitatem, ne inhumanum :
 nec in facinus, ne odij locum risus occupet : neq;
 aut sua persona, aut iudicium, aut tempore alie-
 num. Hæc enim ad illud indecorum referuntur.
 Vitabit etiam quæsitæ, nec ex tempore ficta, sed
 domo allata, quæ plerunq; sunt frigida : parceret
 & amicitijs, & dignitatibus : vitabit insana-
 biles contumelias : tantummodo aduersarios fi-
 get, nec eos tamen semper, nec omnibus, nec omni
 modo. quibus exceptis sic utetur sale & faccijs :
 ut ego ex istis novis Atticis talem cognouerim
 nenninem, cum id certe sit uel maxime Atti-
 cum. Hanc ego iudico formam summissi ora-
 toris, sed magni tamẽ & germani Attici : quo-
 niam quicquid est falsum aut salubre in ora-
 tione, id proprium Atticorum est : è quibus ta-
 men non omnes faceti : Lysias satis, & Hy-
 perides, Demades præter ceteros fertur : De-
 mosthenes minus habetur, quo quidem mihi
 nihil uidetur urbanius, sed non tam dicax fuit,
 quàm facetus : est autem illud acrioris ingenij,
 hoc maioris artis. Vberius est aliud, aliquan-
 toq; robustius, quàm hoc humile, de quo dictum
 est : summissius autem quàm illud, de quo iam
 dicetur, amplissimum. Hoc in genere neruorum
 uel minimum, suauitatis autem est uel pluri-
 mum. Est enim plenius, quàm hoc enucleatum :
 quam

quàm autem illud ornatum copiosumq; , sum-
missius. Huic omnia dicendi ornamenta con-
ueniunt : plurimumq; est in hac orationis forme
suauitatis : in qua multi floruerunt apud Græ-
cos, sed Phalereus Demetrius meo iudicio præ-
stitit cæteris : cuius oratio cum sedatè placideq;
loquitur, tum illustrant eam, quasi stelle qua-
dam, translata uerba atque immutata. Trans-
lata ea dico, ut sæpe iam, quæ per similitudinem
ab alia re aut suauitatis, aut inopie causa trans-
feruntur. Mutata, in quibus pro uerbo pro-
prio subiicitur aliud quod idem significet, sum-
ptum ex re aliqua consequenti. Quod quan-
quam transferendo fit, tamen alio modo trans-
tulit, cùm dixit Ennius, arcem & urbem or-
bas : alio modo, si pro patria arcem dixisset.
& horridam Africam terribili tremere tu-
multu cùm dicit, pro Afris immutat Afri-
cam. Hanc Hypallagen rhetores, quia quasi
summutantur uerba pro uerbis : Metonymiam
Grammatici uocant, quòd nomina transferun-
tur. Aristoteles autem translationi hæc ipsa
subiungit, & abusionem, quam Catachresin
uocant : ut cùm mutuum dicimus animum pro
paruo, & abutimur uerbis propinquis, si opus
est, uel quòd delectat, uel quòd licet. Iam cùm
fluxerunt continuæ plures translationes : , alia
planè fit oratio. Itaque genus hoc Græci ap-
pellant ἀλλὰ γορίαν, nomine recte genere me-
lius

lius ille, qui ista omnia translationes uocat. Hæc frequentat Phalereus maxime, sumq; dulcissima: & quanquam translatio est apud eum multa, tamen immutationes nusquam crebriores. In idem genus orationis (loquor enim de illa modica ac temperata) uerborum cadunt lumina omnia, multa etiam sententiarum, late, eruditaq; disputationes ab eodem explicantur, & loci communes sine contentione dicuntur. Quid multa? è philosophorum scholis tales serè euadunt, & nisi coram erit comparatus ille fortior, per se hic, quem dico, probabitur. Est enim quoddam etiam insigne, & florens orationis, pictum & expolitum genus, in quo omnes uerborum, omnes sententiarum illegantur lepores. Hoc totum è sophistarum fontibus defluxit in forum sed spretum à subtilibus, repulsum à granibus, in ea, de qua loquor, mediocritate consedit. Tertius est ille amplus, copiosus, grauis ornatus, in quo profecto, uis maxima est. Hic est enim cuius ornatum dicendi, & copiam admirata gentes, eloquentiam in ciuitatibus plurimum ualere passa sunt: sed hanc eloquentiam quæ cursu magno sonituq; ferretur, quam suspicerent omnes, quam admirarentur, quam se assequi posse diffiderent. Huius eloquentiæ est tractare animos, huius omni modo permouere. Hac modo perfringit, modo irrepit in sensus, inserit nouas opiniones,

niones, euellit infitas. Sed multum interest inter hoc dicendi genus, & superiora. Qui in illo subtili & acuto elaborauit, ut callide arguteq; diceret, nec quicquam altius cogitaret, hoc uno profecto magnus orator est, si non maximus, minimeq; in lubrico uersabitur, & si semel constiterit, nunquam cadet. Medius ille autem, quem modicum & temperatum uoco, si modo suum illud satis instruxerit, non extimescit ancepites dicendi, incertosq; casus: etiam si quando minus succedet, ut sepe fit, magnum tamen periculum non adibit: alie enim cadere non potest. At uero hic nosler, quem principem ponimus, grauis, acer, ardens, si ad hoc unum est natus, aut in hoc solo se exercuit, aut huic generi studet uni, nec suam copiam cum illis duobus generibus temperauit, maxime est contemnendus. Ille enim summissus, quod acute & ueteratorie dicit, sapiens iam, medius, suauis: hic autem copiosissimus, si nihil est aliud, uix satis sanus uideri solet. Qui enim nihil potest tranquille, nihil leniter, nihil parite, desinere, distinde, facete dicere, praesertim cum cause partim totae sint eo modo, partim aliqua ex parte tractande: si is non preparatis auribus inflammare rem coepit, furere apud sanos, & quasi inter sobrios baccari uinolentus uidetur. Tenemus igitur Bru-

te, quem quærimus, sed animo: nam manu si comprehendissem, ne ipse quidem sua tanta eloquentia mihi persuasisset ut se dimitterem. Sed inuentus profecto est ille eloquens, quem nunquam uidie Antonius. Quis est igitur is? Complectar breui, differam pluribus. Is enim est eloquens, qui & humilia subtiliter, & magna grauitè, & mediocria temperate potest dicere. Nemo is, inquires, unquam fuit. Ne fuerit: ego enim quid desiderem, non quid uiderim, disputo: redeoq; ad illam Platonis, de qua dixeram, rei formam & speciem, quam etsi non cernimus, tamen animo tenere possumus. Non enim eloquentem quero, neque quicquam mortale & caducum, sed illud ipsum, cuius qui sit compos, sit eloquens: quod nihil est aliud, nisi eloquentia ipsa, quam nullis nisi mentis oculis uidere possumus. Is erit igitur eloquens (ut illud iteremus) qui poterit parua summisse, modica temperate, magna grauitè dicere. Tota mihi causa pro Cecinna de uerbis interdicti fuit: res inuolutas definiendo explicauimus, ius ciuile laudauimus, uerba ambigua distinximus. Fuit ornandus in Manilia lege Pompeius: temperata oratione ornandi copiam persecuti sumus. Ius omne retinenda maiestatis Rabirij causa continebatur: ergo in omni genere amplificationis exarsimus. At hæc interdum tempe-
randa

randa & uarianda sunt. Quod igitur in ac-
cusationis septem libris non reperitur genus?
quod in *Habiti*? quod in *Cornelij*? quod in
plurimis nostris defensionibus? qua exempla
selegissem, nisi uel nota esse arbitrarer, uel pos-
se eligere qui quererent. Nulla est enim ullo
in genere laus oratoris, cuius in nostris oratio-
nibus non sit aliqua si non perfectio, at conatus
tamen atque adumbratio. non assequimur, at
quid deceat uidemus: nec enim nunc de nobis,
sed de re dicimus: in quo tantum abest ut no-
stra miremur, ut usque eo difficiles ac morosi si-
mus, ut nobis non satisfaciat ipse *Demoſthenes*:
qui quanquam unus eminet inter omnes in
omni genere dicendi, tamen non semper implet
aures meas: ita sunt auida & capaces, & sem-
per aliquid immensum infinitumq; desiderant.
Sed tamen, quoniam & hunc tu oratorem cum
eius studiosissimo *Pammene*, cum esses *Athe-
nis*, totum diligentissime cognouisti, neq; cum
dimittis è manibus, & tamen nostra etiam
lectitas: uides profecto illum multa perficere,
nos multa conari: illum posse, nos uelle, quo-
cunque modo causa postulet, dicere. Sed ille
magnus: nam & successit ipse magnis, & ma-
ximos oratores habuit aequales: nos magnum
fecissemus, si quidem potuissemus quo conten-
dimus peruenire, in ea urbe, in qua (ut ait
Antonius) auditus eloquens nemo erat. Atqui
si *Ane*

si Antonio Crassus eloquens uisus non est : aut sibi ipse, nunquam Cotta uisus esset, nunquam Sulpitius, nūquam Hortensius. Nihil enim ample Cotta, nihil leniter Sulpitius, non multa gra- niter Hortensius: superiores magis ad omne ge- nus apti. Crassum, dico & Antonium. Ieiunus igitur huius multiplicis, et æquabiliter in omnia genera fusa orationis aures ciuitatis accepi- mus, easq; nos primi, quicūq; eramus, & quan- tulumcumq; dicebamus, ad huius generis dicen- di audiēdi incredibilia studia cōuertimus. Quā- tis illa clamoribus adolescentuli diximus, de supplicio parricidarum? que nequaquam satis deferbuisse post aliquanto sentire coepimus. Quid enim tam commune quàm spiritus ui- uis, terra mortuis, mare fluctuantibus, litus eiectis? ita uiuunt dum possunt, ut ducere ani- mam de celo non queant: ita moriuntur, ut co- rum ossa terram non tangerent: ita iactantur fluctibus, ut nunquam alluantur: ita postremo eijciuntur, ut ne ad saxa quidem mortui con- quiescant. & qua sequuntur. Sunt enim omnia, sicut adolescentis, non tam re & maturitate, quàm spe & expectatione laudati. Ab hac indole iam illa matura, Vxor generi, nouerca filij, filia pellex. Nec uerò hic unus erat ardor nobis, ut hoc modo omnia diceremus: ipsa enim illa pro Roscio iuuenilis redundantia multa habet attenuata, quedam etiā paulo hilario-

r. a. *At pro Habito, pro Cornelio, compluresq;*
aliae: nemo enim orator tam multa, ne in Grae-
co quidē otio, scripsit, quam multa sunt nostra:
eaq; hanc ipsam habent quam probō, varietate-
tem. An ego Homero, Ennio, reliquis poëtis,
et maximè Tragicis concederē, ut ne omnibus
locis eadē contentione uterētur, crebroq; muta-
rent? nonnunquam etiā ad quotidianū genus ser-
monis accederent: ipse nanquam ab illa acerri-
ma contentione discederē? Sed quid poëtas di-
uino ingenio profero? Histriones eos uidimus,
quibus nihil posset in suo genere esse præstan-
tius, qui non solū in dissimillimis personis satis-
faciebant, cum tamen in suis uersarētur: sed et
comœdū in tragœdijs, et tragœdū in comœdijs
admodum placere uidimus: ego non elaborem?
Cum dico me, te Brute dico: nam in me quidem
iam pridem effectum est, quod futurum fuit. tu
autem eodem modo omneis causas ages? aut
aliquod causarum genus repudiabis? aut in ijs-
dem causis perpetuum, et eundem spiritum si-
ne ulla commutatione obtinebis? Demosthenes
quidem cuius nuper inter imagines tuas ac tuo-
rum, quod cum credo amares, cum ad te in Tu-
sculanum uenissem, imaginem ex are uidi: nihil
Zysie subtilitate cedit, nihil argutijs et acu-
mine Hyperidi, nihil lenitate Aeschini, et
splendore uerborū, Multae sunt eius totae oratio-
nes subriles, ut contra Lepidem: multae et totae
graves

graues, ut quadam Philippica: multa uaria, ut
 contra *Aeschinē* falsæ legationis, ut cōtra cū-
 dem pro causa *Ctesiphontis*. Iam illud medium,
 quoties uult, arripit, & à grauissimo discedens,
 eo potissimū delabitur. Clamores tamen tum mo-
 uet, & tum in dicendo plurimū efficit, cū gra-
 uitatis locis utitur. Sed ab hoc parumper abea-
 mus, quandoquidem de genere, non de homine
 querimus: rei potius, id est eloquentiæ, uim, &
 naturam explicemus. Illud tamē, quod iam antè
 diximus, meminimus, nihil nos precipiendi
 causa esse dicturos: atq; ita potius acturos, ut
 existimatores uideamur loqui, non magistri. in
 quo tamen longius progredimur, quòd uidemus
 non te hæc solum esse lecturū, qui ea multo quàm
 nos, qui quasi docere uideamur, habeas notio-
 ra, sed hunc librum etiam si minus nostra com-
 mendatione, tuo tamen nomine diuulgari ne-
 cesse est. Esse igitur perfectè eloquentis puto, non
 eam solum facultatem habere, quæ sit eius pro-
 pria, fusc, lateq; dicēdi: sed etiam uicinam eius,
 atq; finitimam dialecticorū scientiam assume-
 re: quanquā aliud uidetur oratio esse, aliud di-
 sputatio, nec idem loqui esse, quod dicere, attā-
 men utrunq; in differendo est: disputandi ratio,
 & loquendi dialecticorum sit, oratorum au-
 tem dicendi & ornandi. Zeno quidem ille, à
 quo disciplina Stoicorum est, manu demonstra-
 re solebat quid inter hæc artes interesset. Nam

cum compresserat digitos, pugnumq; fecerat, dialecticā aiebat eiusmodi esse: cum autē diduxerat, & manū dilatauerat, palma illius similem eloquentiam esse dicebat. Atq; etiam ante hunc Aristoteles principio artis Rhetoricæ dicit illam quasi ex altera parte respondere dialecticæ: ut hoc uidelicet differant inter se, quòd hæc ratio dicendi latior sit, illa loquendi cōtractior. Volo igitur huic summo, omnem, quæ ad dicendū trahi posset, loquendi rationem esse notam, quæ quidē res (quod te his artibus eruditū minime fallit) duplicem habuit docendi uiam. Nam & ipse Aristoteles tradidit præcepta plurima differendi, & postea qui dialectici dicuntur, spinosiora multa pepererunt. Ergo eum censeo, qui eloquentiæ laude ducatur, non esse earū rerū omnino rudē: sed uel illa antiqua, uel hac Chrysippi disciplina institutus nouerit primum uim, naturam, genera uerborū, & simplicium, & copulatorum. Deinde quot modis quidq; dicatur: qua ratione uerū falsūue sit, iudicetur: quid efficiatur è quoq;: quod cuiq; cōsequens sit, quodq; contrarium. cumq; ambigūe multa dicantur, quomodo quidq; eorum diuidi, explanariq; oporteat. Hæc tenēda sunt oratori: sæpe enim occurrunt: sed quia sua sponte squalidiora sunt, adhibendus erit in his explicandis quidam orationis nitor. Et quoniam in omnibus quæ ratione docentur & uia, primum consistit

stituendum est quid quidque sit (nisi enim inter eos qui disceptent, conuenit quid sit illud de quo ambigitur, nec rectè differi, nec unquam ad exitum perueniri potest) explicanda est sæpe uerbis mens nostra de quaque re, atq; inuolutæ rei notitia definiendo aperienda est. siquidem est definitio oratio, quæ quid sit id de quo agitur, ostendit quàm breuissimè. Tum, ut scis, explicato genere cuiusq; rei, uidendum est quæ sine eius generis, siue formæ, siue partès, ut in eas tribuatur omnis oratio. Erit igitur hæc facultas in eo, quem uolumus esse eloquentem, ut definire rem possit, neq; id faciat tam presse & angustè, quàm in illis eruditissimis disputationibus fieri solet: sed cum explanatius, tum etiam uberius, & ad commune iudiciũ, popularẽq; intelligentiam accommodatius. Idemq; etiam, cum res postulabit, genus uniuersum in species certas, ut nulla neq; prætermittatur, neq; redundet, partiatur ac diuidet. Quando autẽ, aut quomodo id faciat, nihil ad hoc tempus, quoniam (ut suprà dixi) iudicem esse me, non doctorem uolo. Nec uerò dialecticis modo sit instructus, sed habeat omneis philosophiæ notos & tractatos locos. Nihil enim de religione, nihil de morte, nihil de pietate, nihil de charitate patriæ, nihil de bonis rebus aut malis, nihil de uirtutibus aut uitijs, nihil de officio, nihil de dolore, nihil de uoluptate, nihil de perturba-

tionibus animi & erroribus, quæ sæpe cadunt
in causas, sed ieiunius aguntur: nihil inquam
sine ea scientia, quam dixi, grauiter, ample co-
piose dici & explicari potest. De materia lo-
quor orationis etiã nunc, non ipso de genere di-
cendi: uolo enim rem prius habeat orator, de qua
dicat, dignam auribus eruditis, quã cogitet
quibus uerbis quidq; dicat, aut quomodo. Quem
etiam, quo grãdior sit, & quodammodo excel-
sior (ut de Pericle dixi supra) ne physicorũ qui-
dem esse ignarum uolo. Omnia profectò, cum se
à celestibus rebus referet ad humanas, excel-
sius magnificentiusq; & dicet & sentiet. Cũq;
illa diuina cognouerit, nolo ignoret ne hæc qui-
dem humana. Ius ciuile teneat, quo egent cause
forenses quotidie. Quid est enim turpius, quã
legitimarum & ciuiliũ controuersiarum pa-
trocinia suscipere, cum sis legum, & ciuilis iu-
ris ignarus? Cognoscat etiam rerum gestarum,
& memoriæ ueteris ordinem, maximè scilicet
nostræ ciuitatis, sed & imperiosorum populo-
rum, & regum illustrium: quem laborem nobis
Atici nostri leuauit labor, qui conseruatis,
notatisq; temporibus, nihil cum illustre præ-
termitteret, annorum septingentorũ memoriã
uno libro colligauit. Nescire autem quid antè
quã natus sis, acciderit, id est semper esse pue-
rum. Quid enim est ætas hominis, nisi cum me-
moria rerum ueterum cum superiorum atate

contextitur? Commemoratio autem antiquitatis, exemplorumq; prolatio summa cū delectatione & auctoritatē orationi affert & fidē. Sic igitur instructus ueniet ad causas: quarum habebit genera primum ipsa cognita. Erit enim ei perspectum, nihil ambigi posse, in quo non aut res controuersiam faciat, aut uerba. Res, aut de uero, aut de recto, aut de nomine. Verba, aut de ambiguo, aut de contrario. Nam si quando aliud in sententia uidetur esse, aliud in uerbis, genus est quoddam ambigui, quod ex praterito uerbo fieri solet: in quo, quod est ambiguum proprium, res duas significari uidemus. Cum tam pauca sint genera causarum, etiam argumentorum praecepta pauca sunt. traditi sunt, è quibus ea ducantur, duplices loci: uni è rebus ipsis, alteri assumpti. Tractatio igitur rerum efficit admirabiliorem orationē: nam ipsae quidem res in perfacili cognitione uersantur: quid enim iam sequitur, quod quidē artis sit, nisi ordiri orationem, in quo aut concilietur auditor, aut erigatur, aut paret se ad discendum? rem breuiter exponere, & probabiliter, & apertè, ut quid agatur intelligi possit: sua confirmare, aduersaria euertere: eaq; efficere non perturbatè, sed singulis argumentationibus ita concludendis, ut efficiatur quod sit consequens ijs quae sumentur ad quancumque rem confirmandam: post omnia perorationem inflammantem,

reſtinguētiēmue concludere? Haſ parecis quēad-
modū tractet ſingulas, difficile dictū eſt hoc lo-
co: nec enim ſemper tractantur uno modo. Quo-
niam autem non quem doceam, quero, ſed quem
probem: probabo primum eum, qui quid deceat,
uidebit. Hæc enim ſapientia maxime adhibēda
eloquenti eſt, ut ſit temporū perſonarūq; mode-
rator: nā nec ſemper, nec apud omneis, nec con-
tra omneis, nec pro omnibus, nec omnibus eo-
dem modo dicendū arbitror. Is erit ergo eloquēs,
qui ad id quodcūq; decebit, poterit accōmoda-
re orationē. Quod cum ſtatuert, tum ut quidq;
erit dicendum, ita dicet: nec ſatura ieiune, nec
grandia minute, nec item contrā, ſed erit rebus
iſſis par & æqualis oratio. Principia uerecun-
da, non clatis intenſa uerbis, ſed acuta ſenten-
tijs, uel ad offentionē aduerſarij, uel ad cōmen-
dationem ſui. Narrationes credibiles, nec hiſto-
rico, ſed prope quotidiano ſermone explicatæ di-
lucide. Deinde ſi tenues cauſe tum etiam argu-
mentandi tenue filum & in docendo, & in re-
ſellendo: idq; ita tenebitur, ut quanta ad rem,
tanta ad orationem fiat acceſſio. Cū uerò cauſa
ca inciderit, in qua uis eloquentiæ poſſit expro-
mi, tum ſe latius fundet orator: tum reget &
ſectet animos, & ſic afficiet ut uolet, id eſt ut
cauſe natura, & ratio temporis poſtulabit,
ſed erit duplex omnis eius ornatuſ ille admi-
rabilis, propter quem aſcendit in tantum hono-
rem

rem eloquentia. Nam cum omnis pars orationis esse debet laudabilis, sic ut uerbum nullum, nisi aut graue, aut elegans excidat: tum sunt maxime luminosa et quasi actiua partes duae: quarum alteram in uniuersi generis quaestione pono, quam (ut supra dixi) Graeci appellant θέσις, alteram in augendis, amplificandisq; rebus, quae ab eisdem ἀυξήσις est nominata. quae etsi aequabiliter toto corpore orationis fusa esse debet, tamen in communibus locis maxime excelles. qui communes appellati, eo quod uidentur multarum ydem esse causarum, sed proprij singularum esse debebunt. Ac uerò illa pars orationis, quae est de genere uniuerso, totas causas saepe continet. Quicquid est enim illud, in quo quasi certamen est controuersiae, quod Graece πρὸς μὲν οὖν dicitur, id ita placet ut traducatur ad perpetuam quaestionem, atq; ut de uniuerso genere dicatur: nisi cum de uero ambigetur, quod quæri coniectura solet. Dicetur autem non Peripateticorum more (est enim illorum exercitatio elegans iam inde ab Aristotele constituta) sed aliquanto neruosius: & ita de re communia dicentur, ut & pro rebus multa leniter dicantur, & in aduersarios asperere. Augendis uerò rebus, & contrà abijciendis, nihil est quod non perficere possit oratio: quod & inter media argumenta faciendum est, quotiescumque dabitur uel amplificandi, uel minuendi locus, &

penè infinitè in perorando. Duo sunt etiam quæ bene tractata ab oratore, admirabilem eloquē-
 riam faciant: quorum alterum est, quod Græci
 ἀδινδρ̄ uocāt, ad naturam, & ad mores, & ad
 omnē uitæ consuetudinem accommodatum: alterū
 quod idem παθητικὸν nominant, quo pertur-
 bantur animi, & concitātur, in quo uno regnat
 oratio. Illud superius, come, iucundum, ad bene-
 uolentiam conciliandam paratum: hoc uehe-
 mens, incensum, incitātū, quo causæ eripiuntur:
 quod cum rapide fertur, sustineri nullo pacto po-
 test. Quo genere nos mediocres, aut multo mi-
 nus, sed magno semper usi impetu, sæpe aduersa-
 rios de statu omni deieciimus. Nobis pro fami-
 liari reo summus orator non respondit Horten-
 sius. A nobis homo audacissimus Catilina in
 senatu accusatus, obmutuit. Nobis priuata in
 causa magna graui, cum cœpisset Curio pater
 respondere, subito affedit, cum sibi uenenis ere-
 ptam memoriam diceret. Quid ego de misera-
 tionibus loquar? quibus eo sum usus pluribus,
 quod etiam si plures dicebamus, perorationem
 mihi tamen omnes relinquebant: in quo ut ui-
 deret excellere, non ingenio, sed dolore asseque-
 bar. Quæ qualiacunque in me sunt, me enim
 ipsum non pœnitet quanta sint, sed apparent
 in orationibus: etsi carent libri spiritu illo pro-
 pter quem maiora eadem illa cum aguntur,
 quàm cum leguntur, uideri solent. Nec uerò
 miser

miseratione solam mens iudicum permouenda est, qua nō ita dolenter uti solemus, ut puerum infantem in manibus perorantes tenuerimus: ut alia in causa excitato reo nobili, sublato etiam filio paruo, plangore & lamentatione cōpleremus forum: sed etiam est faciendum ut irascatur iudex, mitigetur, inuideat, faueat, contemnat, admiretur, oderit: diligat, cupiat, satietate afficiatur, speret, metuat, letetur, doleat, quae in uarietate, duriorum, accusatio suppeditebit exempla: mitiorum, defensiones meae. Nullo enim modo animus audientis, aut incitari, aut leniri potest, qui modus à me non tentatus sit. dicerem perfectum, si ita iudicarem, nec in ueritate crimen arrogantiae extimescerem. Sed (ut supra dixi) nulla me ingenij, sed magna uis animi inflammata ut me ipse non teneam: nec unquam is qui audiret, incenderetur, nisi ardens ad eum perueniret oratio. Vterer exemplis domesticis, nisi ea legisses, Vterer alienis, uel Latinis, si ulla reperirem, uel Graecis si deceret: sed Crassi per pauca sunt, nec ea iudiciorū: nihil Antonij, nihil Cotta, nihil Sulpitij: dicebat melius, quam scripsit Hortensius. Verum haec uis quam quaerimus, quanta sit suspicemur, quoniam exemplum non habemus: aut si exempla sequimur, à Demosthene sumamus: & quidem perpetuae dictionis ex eo loco, unde in Ctesiphontis iudicio de suis factis, consilijs, meritis in Rēp. aggressus est.

est dicere. Ea profecto oratio, in eam formam, qua est insita in mentibus nostris, includi sic potest, ut maior eloquentia non requiratur. Sed iam forma ipsa restat, & character ille qui dicitur: qui qualis esse debeat, ex ipsis qua supra dicta sunt, intelligi potest. Nam & singulorum uerborum, & collocatorum lumina attingimus: quibus sic abundabit, ut uerbum ex ore nullum, nisi aut elegans, aut graue exeat: ex omniq; genere frequentissima translationes erunt, quod ea propter similitudinem transferunt animos, & referunt ac mouent huc & illuc: qui motus cogitationis celeriter agitat per se ipse delectat. Et reliqua ex collocatione uerborum qua sumuntur quasi lumina, magnū afferūt ornatum orationi. sunt enim similia illis qua in amplo ornatu scena aut fori appellantur insignia, non quod sola ornent, sed quod excellent. Eadem ratio est horum, qua sunt orationis lumina, & quodammodo insignia, CUM aut duplicantur, iteranturq; uerba, aut breuiter commutata ponuntur, aut ab eodem uerbo ducitur saepius oratio, aut in idem conijcitur, aut in utroq; aut adiungitur idem iteratum, aut idem ad extremum refertur, aut continenter unum uerbum non in eadem sententia ponitur, aut cum similiter uel cadunt uerba uel desinunt, aut multis modis contrarijs relata contraria, aut cum gradatim sursum uersus reditur, aut cum demptis contun-

Etioni

Etionibus dissolutè plura dicuntur: aut cum ali-
 quid prætereuntes, cur id facimus ostendimus:
 aut cum corrigimus nosmetipsos quasi retré-
 hendentes. aut si est aliqua exclamatio uel ad-
 mirationis, uel conquestionis: aut cum eiusdem
 nominis casus sæpius commutantur. Sed senten-
 tiarum ornamenta maiora sunt: quibus quia
 frequentissime Demosthenes utitur, sunt qui pu-
 tent idcirco eius eloquentiam maximè esse lau-
 dabilem. Et uerò nullus ferè ab eo locus sine
 quadam conformatione sententiæ dicitur: nec
 aliud quicquam est dicere, nisi omnes, aut certè
 plerasque aliqua specie illuminare sententias:
 quas cum tu optime Brute teneas, quid atti-
 net nominibus uti, aut exemplis? tantummodo
 notetur locus. Sic igitur dicet ille quem expe-
 rimus, ut uerset sæpe multis modis eandem &
 unam rem, & hæreat in eadem, commore-
 turq; sententiæ. sæpe etiam ut extenuet aliquid,
 sæpe ut irrideat, ut declinet à proposito, defle-
 atq; sententiæ: ut proponat quid dicturus
 sit, ut cum transfegerit iam aliquid, definiat, ut
 se ipse reuocet, ut quod dixit iteret, ut argu-
 mentum ratione concludat, ut interrogando ur-
 geat, ut rursus quasi ad interrogata sibi ipse
 respondeat: ut contra ac dicat, accipi & sentiri
 uelit: ut addubitet quid potius aut quomodo di-
 cat: ut diuidat in partes: ut aliquid relinquat
 ac negligat, ut antè præmuniat: ut in eo ipso,

in quo

in quo reprehendatur, culpam in aduersarium
conferat: ut sepe cum ijs qui audiunt, nonnun-
quam etiam cum aduersario quasi deliberet: ut
hominum sermones moresq; describat; ut mu-
ta quaedam eloquentia inducat: ut ab eo quod
agitur, auertat animos: ut sepe in hilaritatem
risum'ue conuertat: ut ante occupet quod pu-
tat opponi, ut comparet similitudines, ut uta-
tur exemplis, ut aliud alij tribuens dissipet,
ut interpellatorem coërceat, ut aliquid retice-
re se dicat, ut denuntiet quid caueat, ut liberius
quid audeat, ut irascatur etiam, ut obiurget
aliquando, ut deprecetur, ut suppliceat, ut me-
deatur, ut à proposito declinet aliquantulum,
ut optet, ut execretur, ut fiat ijs apud quos di-
cet, familiaris. atq; alias etiam dicendi quasi
uirtutes sequatur, breuitatem, si res petet, sepe
etiam rem dicendo subiiciet oculis, sepe supra
feret quàm fieri possit, significatio sepe erit
maior quàm oratio sepe hilaritas: sepe uita na-
turarumq; imitatio. Hoc in genere (nam quasi
syluam uides) omnis eluceat oportet eloquentie
magnitudo: si d hæc nisi collocata, & quasi stru-
cta, & nexa uerbis, ad eam laudem quam uo-
lumus, aspirare non possunt. De quo cum mi-
hi deinceps uiderem esse dicendum, etsi moue-
bant etiam me illa, quæ supra dixeram, tamen
ijs quæ sequuntur, perturbabar magis. Occur-
rebat enim posse reperiri non inuidos solum, qui-
bus

bus referta sunt omnia, sed sanctores etiam lau-
 dum mearum, qui non censerent eius uiri esse, de
 cuius meritis tanta senatus iudicia fecisset com-
 probante pop. Rom. quanta de nullo, de artifi-
 cio dicendi literis tam multa mandare. Quibus
 si nihil aliud responderem, nisi me M. Bruto
 negare roganti noluisse: iusta esset excusatio,
 cum & amicissimo, & praestantissimo uiro,
 & recta & honesta petenti satisfacere uoluis-
 sem. Sed si profuear (quod utinam possem) me
 studiosis dicendi, praecepta, & quasi uias, quae
 ad eloquentiam ferrent, tradiurum: quis tandē
 id iustus rerum aestimator reprehenderet? Nam
 quis unquam dubitauit quin in Repub. nostra
 primas eloquentia tenuerit semper urbanis, pa-
 catisq; rebus, secundas iuris scientia? cum in
 altera gratiae, gloriae, praesidiū plurimum esset,
 in altera persecutionū cautionumq; praecipio:
 quae quidem ipsa auxilium ab eloquentia saepe
 peteret, ea uerò repugnante uix suas regiones
 finesq; defenderet. Cur igitur ius ciuile docere
 semper pulchrum fuit, hominumq; clarissimo-
 rum discipulis domus floruerunt? ad dicendum
 si quis acuat, aut adiunct in eo inuentutem, ui-
 tuperetur? Nam si uitiosum est dicere ornatè,
 pellatur omnino è ciuitate eloquentia. Sin ea
 non modo eos ornat penes quos est, sed etiā uni-
 uersam Rempub. cur aut discere turpe est, quod
 scire honestum est: aut quod nosse pulcherrimum
 est, id

est, id non gloriosum docere? At alterum facti-
tatum est, alterum nouum. Fateor, sed utriusq;
rei cuius est: alteros enim respondentes audire
satis erat, ut ij qui docerent, nullum sibi ad eam
rem tempus ipsi seponerent, sed eodem tempore
& dicentibus satisfacerent, & consulentibus,
Alieri, cum domesticum tempus in cognoscen-
dis componendisq; causis, forense in agendis, re-
liquum in seipsis reficiendis, omne consumerent
quem habebant instituendi, aut docendi locum?
Atq; haud scio an pleriq; nostrorum orato-
rum ingenio plus ualuerint, quam doctrina.
itaq; illi dicere melius quam praecipere, nos con-
tra fortasse possumus. At dignitatem docere
non habet. Certe, si quasi in ludo: sed si monendo,
si cohortando, si percontando, si communicando,
si interdum etiam una legendo, audiendo: nescio
cur non docendo etiam aliquid aliquando, si
possis meliores facere, cur nolis. An quibus
uerbis sacrorum alienatio fiat docere honestum
est: quibus ipsa sacra retineri, defendiq; pos-
sint, non honestum est? At ius profitentur etiam
qui nesciunt: eloquentia autem illi ipsi, qui con-
secuti sunt, tamen se ualere dissimulant, pro-
pterea quod prudentia hominibus grata est, lin-
gua suspecta. Num igitur aut latere eloquentia
potest: aut id quod dissimulat, effugit: aut est
periculum ne quis putet in magna arte, & glo-
riosa turpe esse docere alios id, quod ipsi fuerit
honestum

honestissimum discere? Ac fortasse ceteri re-
 etiores: ego semper me didicisse prae me tuli.
 quid enim possem? cum & abfuissem adolescens,
 & horum studiorum causa mare transissem, et
 doctissimis hominibus domus referta esset, &
 aliqua fortasse inessent in sermone nostro doctri-
 narum notæ, cumq; uulgo scripta nostra lege-
 rentur, dissimularem me didicisse? quid erat cur
 probarem? nisi quod parum fortasse profeceram.
 Quod cum ita sit, tamen ea quæ suprâ dicta
 sunt, plus in disputando, quàm ea de quibus di-
 cendum est, dignitatis habuerunt. De uerbis enim
 componendis, & de syllabis propemodum dinu-
 merandis, & dimetiendis loquemur: quæ etiamsi
 sunt, sicuti mihi uidentur, necessaria, tamen
 fiunt magnificentius, quàm docentur. Est id
 omnino uerum, sed proprie in hoc dicitur, nam
 omnium magnarum artium, sicut arborum, al-
 titudo nos delectat: radices, stirpesq; non item.
 sed esse illa sine his non potest. Me autem siue
 peruagatissimus ille uersus, qui uetat

Artem pudere proloqui, quam faciles,
 dissimulare non sinit quin delectet: siue tuum
 studium hoc à me uolumen expresse: tamen eis,
 quos aliquid reprehensuros suspicabar, respon-
 dendum fuit. Quod si ea quæ dixi, non ita essent:
 quis tamen se tam durum, agrestemq; praberet,
 qui hanc mihi non daret ueniam, ut cum meæ
 forenses artes, & actiones publica concidissent,

non me aut desidia, quod facere non possum: aut
 mæstitia, cui resisto, potius quàm literis dede-
 rem? que quidem me antea in iudicia, atq; in
 curiam deducebant, nunc oblectant domi. Nec
 uerò talibus modo rebus, quales hic liber con-
 tinet, sed multo etiam grauioribus & maiori-
 bus: que si erunt perfecta, profecto forensibus
 nostris rebus & domestica literæ respondebunt.
 sed ad institutam disputationem reuertamur.
 Collocabuntur igitur uerba, aut ut inter se quā
 aptissime cohæreant extrema cum primis, eaq;
 sint quam suauissimis uocibus: aut ut forma
 ipsa concinnitasq; uerborum conficiat orbem
 suum: aut ut comprehensio numerosæ, & apte
 cadat. Atq; illud primum uideamus, quale sit
 quod uel maxime desiderat diligentiam, ut fiat
 quasi structura quedam, nec tamen fiat opero-
 se, nam esset cum infinitus, tum puerilis labor,
 quod apud Lucilium scite exagitat in *Albi-
 zio Scauola*,

*Quā lepidè lexeis composita, ut tesserula omnes
 p. 3. de orat. Quid. sic in* *Aut paucimèto atq; emblemate uermiculato.*
Nolo tam minuta hæc cōstructio appareat, sed
 tamen stylus exercitatus efficiet facile hanc
 uiam componendi. Nam ut in legendo oculus,
 sic animus in dicendo prospiciet quid sequatur,
 ne extremorum uerborum cum insequentibus
 primis concursus aut hinc inde uoces efficiat; aut
 asperas. Quamuis enim suauis, granisue sen-
 tentiæ,

tentia, tamen si inconditis uerbis offeruntur, offendunt aures, quarum est iudicium superbissimum. Quod quidem Latina lingua sic obseruat, nemo us tam rusticus sit qui uocalis nolit coniungere. In quo quidam etiam Theopompum reprehendunt, quod eas literas tantopere fugerit: Et si id magister eius Isocrates, at non Thucydides: ne ille quidem haud paulo maior scriptor Plato, nec solū in his sermonibus qui dialogi dicuntur, ubi etiam de industria id faciendum fuit, sed in populari oratione, qua mos est Athenis, laudari in concione eos qui sint in praeliis interfecti: quæ sic probata est, ut eā quotānis (ut scis) illo die recitari necesse sit. in ea est crebra ista uocum concursio, quam magna ex parte, ut uitiōsam, fugit Demosthenes. Sed Graci uiderint: nobis, ne si cupiamus quidem, distrahere uoces conceditur. indicant orationes illæ ipsæ horridule Catonis, indicant omnes poëtæ, præter eos qui ut uersum facerent, sæpe hiabant, ut Næuius,

Vos qui accolitis Histrum fluiuium, atq; Algidam. Et ibidem,

Quam nunquam nobis Grai, atq; barbari.

At Ennius semel,

Scipio inuicte. Et quidem nos,

Hoc motu radiantis Etesie in uada ponti.

Hoc idem sæpius nostri non tulissent, quod Graci laudare etiam solent. Sed quid ego? uocales sine uocalibus sæpe breuitatis causa con-

trahabant, ut ita dicrent, multi modis, uas ar-
 genteis. palm' & crinibus, tecti' fractis. Quid
 uerò licentius, quàm quòd hominū etiā nomina
 contrahabant, quo essent aptiora? nam ut duel-
 lum bellum, & diuis bis, sic Duellium eum, qui
 Pœnos classe deuicit, Bellium nominauerunt,
 cum superiores appellati essent semper Duellij.
 Quinetiam uerba sepe contrahuntur, non usus
 causa, sed aurium. Quomodo enim uester Axil-
 la ala factus est, nisi sup'a litera uastioris? Quā
 literam etiā è maxillis, è taxillis, & uexillo,
 & taxillo consuetudo elegans Latini sermonis
 euellit. Libenter etiā copulando uerba iunge-
 bant, ut sodes pro si audes, sis pro si uis. Iam in
 uno capsis, tria uerba sunt. Ain' pro aisne, ne-
 quire pro non quire, malle pro magis uelle, nolle
 pro non uelle. Dein etiā sepe, & exin, pro dein-
 de, & pro exinde dicimus. Quid illud non olet
 unde sit? quòd dicitur cū illis: cū autē nobis non
 dicitur sed nobiscū, quia si ita diccretur, obscœ-
 nius concurrerent literæ, ut etiā modo, nisi A V-
 T E M interposuissim, concurrissent. Ex eo est
 micum, & tecum, non cum me, & cum te: ut
 esset simile illis uobiscum, atq; nobiscum. Atq;
 etiā à quibusdam sero iam emendatur anti-
 quitas, qui hæc reprehendunt: nam Proh deūm,
 atq; hominū fidē deorū aiunt. Ita credo, hoc illi
 nesciebant: an dabat hanc consuetudo licentiā?
 Itaq; idem pœta, qui inusitatus contraxerat,

Patris

*Patris mei meum factum pudet, pro meo-
 rum factorum. & Textitur exitium examen
 capiti, pro exitiorum. non dicit liberum, ut ple-
 riq; loquimur cum cupidos liberum, aut in libe-
 rum loco dicimus: sed, ut isti uolunt. Neq; tuum
 unquam in gremium extollas liberorum ex te ge-
 nus, & idem, Nanq; Aesculapij liberorum.
 At ille alter in Chryse non solum, Cives an-
 tiqui amici maiorum meum, quod erat usita-
 tum: sed durius etiam, Consilium socijs, augu-
 rium, atq; exitum interpretes. Idemq; pergit,
 Postquam prodigiū horriferū, portentū pa-
 uor quæ non sanè sunt in omnibus neutris usita-
 ta. Nec enim dixerim tam libenter armum iu-
 diciū, etsi est apud eundem, Nihilne ad te de
 iudicio armum accidit? quàm armorum. Iam ut
 censorie tabule loquuntur, fabrum, & procum
 audeo dicere, non fabrorum, & procorum, Pla-
 neq; Duorumuirorum iudiciū, aut Triumuiro-
 rum capitalium, aut Decemuirorum litibus iu-
 dicandis, dico nunquam. at qui dixit Accius,
 Video sepulcra dua duorum corporum. Idemq;
 Mulier una duum uirum. Quid uerum sit, inel-
 ligo: sed aliàs ita loquor ut concessum est, ut hoc
 uel proh deum dico, uel proh Deorum: aliàs ut
 necesse est. cum Triumuirum, non uirorum, cum
 sestertium numum, non numorum, quod in his
 consuetudo uaria non est. Quid quod sic loqui,
 nosse, iudicasse uetant, nouisse iubent, & iudica-
 nisse*

trahabant, ut ita dicerent, multi modis, uas' argenteis. palm' & crinibus, tecti' fractis. Quid uerò licentius, quàm quòd hominū etiā nomina contrahabant, quo essent aptiora? nam ut duellum bellum, & diuis bis, sic Duellum eum, qui Pœnos classe deuicit, Bellum nominauerunt, cum superiores appellati essent semper Duellij. Quinetiam uerba saepe contrahuntur, non usus causa, sed aurium. Quomodo enim uester Axilla ala factus est, nisi fuga litera uastioris? Quā literam etiā è maxillis, è taxillis, & uexillo, & taxillo consuetudo elegans Latini sermonis euellit. Libenter etiā copulando uerba iungebant, ut sodes pro si audes, sis pro si uis. Iam in uno capsis, tria uerba sunt. Am' pro aisne, nequire pro non quire, malle pro magis uelle, nolle pro non uelle. Dein etiā saepe, & exin, pro deinde, & pro exinde dicimus. Quid illud non olet unde sit? quòd dicitur cū illis: cū autē nobis non dicitur sed nobiscū, quia si ita diceretur, obscœn'ius concurrerent literæ, ut etiā modo, nisi A V T E M interposuissim, concurrissent. Ex eo est mecum, & tecum, non cum me, & cum te: ut esset simile illis uobiscum, atq; nobiscum. Atq; etiā à quibusdam sero iam emendatur antiquitas, qui hæc reprehendunt: nam Proh deūm, atq; hominū fidē. deorū aiunt. Ita credo, hoc illi nesciebant: an dabat hanc consuetudo licentiā? Itaq; idem poëta, qui inusitatius contraxerat,

Patris

*Patris mei meum factum pudet, pro meo-
 rum factorum. & Texitur exitium examen
 capiti, pro exitiorum. non dicit liberum, ut ple-
 riq; loquimur cum cupidos liberum, aut in libe-
 rum loco dicimus: sed, ut isti uolunt. Neq; tuum
 unquam in gremium extollis liberorum ex te ge-
 nus, & idem, Nanq; Aesculapij liberorum.
 At ille alter in Chryse non solum, Cives an-
 tiqui amici maiorum meum, quod erat usita-
 tum: sed durius etiam, Consilium socys, augu-
 rium, atq; extum interpretes. Idemq; pergit,
 Postquam prodigium horriferum, portentum pa-
 uor quæ non sane sunt in omnibus neutris usita-
 ta. Nec enim dixerim tam libenter armum iu-
 dicium, etsi est apud eundem, Nihilne ad te de
 iudicio armum accidit? quam armorum. Iam ut
 censorie tabule loquuntur, fabrum, & procum
 audeo dicere, non fabrorum, & procorum, Pla-
 neq; Duorumuirorum iudicium, aut Triumuiro-
 rum capitulum, aut Decemuirorum litibus iu-
 dicandis, dico nunquam. atqui dixit Accius,
 Video sepulcra dua duorum corporum. Idemq;
 Mulier una duum uirum. Quid uerum sit, intel-
 ligo: sed alias ita loquor ut concessum est, ut hoc
 uel proh deum dico, uel proh Deorum: alias ut
 necesse est. cum Triumuirum, non uirorum, cum
 sestertium numum, non numorum, quod in his
 consuetudo uaria non est. Quid quod sic loqui,
 nosse, iudicasse uetant, nouisse iubent, & iudica-*

uisse? quasi uero nesciamus in hoc genere, & plenum uerbum rectè dici, & imminutum usitate. Itaq; utrunq; Terentius, Eho tu cognatum tuum non noras? Post idem, Stilphonem inquam noueras? Siet, plenum est: sit, imminutum, licet utare utroq; ergo ibidem,

Quàm cara sintq; post carendo intelligunt,

Quamq; attinendi magni dominatus sient.

Nec uero reprehenderim,

Scriptere aliū rem. & scripserunt esse uerius sentio, sed consuetudini auribus indulgenti libenter obsequor.

Idem campus habet, inquit Ennius. &

In templis isdem, probauit: at eisdem erat uerius, nec tamen eisdem, optimus: male sonabat isdem. Impetratū est à consuetudine, ut peccare suauitatis causa liceret: & promeridianas quadrigas, quàm postmeridianas libentius dixerim, & mehercule, quàm mehercules. Non scire quidem barbarum iam uidetur, nescire dulcius. Ipsum meridiem, cur non medidiem? credo quòd erat insuauius. Vna prepositio est abs, eaq; nunc tātū in accepti tabulis manet, nec his quidem omnium: in reliquo sermone mutata est. Nam amouit dicimus, & abigit, & abstulit: ut iam nescias, abne uerum sit, an abs. Quid si etiam absugites, turpe uisum est? & abser noluerunt, aufer maluerūt? quæ prepositio præter hæc duo uerba, nullo alio in uerbo reperitur. Noti erant,

& na

Et navi, Et nari quibus cum IN præponi oportet, dulcius visum est ignori, ignari, ignari, dicere, quam ut veritas postulabat. Ex usu dicunt, Et è Repub. quòd in altero uocalis excipiebat, in altero esset asperitas, nisi litera sustulisses. ut exegit, edixit, refecit, retulit, reddidit, adiuncti uerbi primam literam præpositio cõmutauit, ut subegit, summutauit, sustulit. Quid in uerbis iunctis? quàm scite insipientē, non insipientem? iniquum, nō inequum? tricipitē, non tricapitem? concisum, nō concessum? Ex quo quidā peritissimè etiā uolunt, quod eadē consuetudo non probauit. Quid uero hoc elegātius quod non sit natura, sed quodam instituto? inclutius dicimus breui prima litera, insanus producta: inhumanus breui, infelix longa, Et ne multus, quibus in uerbis ea prima litera sunt, quæ in sapiente atq; felice, pro ducte dicitur: in cæteris omnibus breuiter. Itemq; composuit, cõsueuit, concrepuit, confecit: consule ueritatē, reprehendet: refer ad aures, probabunt. quære cur? ita se dicēt iuuari: uoluptati autem aurium morigerari debet oratio. Quin ego ipse, cum scirē ita maiores locutos esse, ut nusquā nisi in uocali aspiratione uterentur, loquebar sic, ut pulcros, Et Cætegos, triūpos, Cartaginē dicerem: aliquando, idq; serò, conuittio aurium, cum mihi extorta ueritas esset, usum loquēdi populo concessi, scientiā mihi reseruauit. Orcinios tamē, Et Azatones, Otiones, Capiones, sepulcra, coronas, la-

crimus dicimus, quia per auriū iudiciū semper licet. Purrum semper Ennius, nusquā Pyrrhum.

Vi patefecerunt Fruges, non Phryges, ipsius antiqui declarant libri. nec enim Græcam literam adhibebant, nunc autem etiam duas & cum Phrygum, & cum Phrygiibus dicendum esset, absurdum erat aut tantum barbaris casibus Græcam literam adhibere, aut recto casu solū Græcè loqui: tamen & Phryges, & Pyrrhum aurium, causa dicimus. Quinetiam, quod iam subrusticum uidetur, olim autem politius, eorum uerborum, quorum eadem erant postremae duæ literæ, quæ sunt in optumus, postremam literam detrahebant, nisi uocalis insequeretur. Ita non erat ea offensio in uersibus, quam nunc fugiunt poetæ noui. Ita enim loquebamur,

Qui est omnibū princeps. non omnibus princeps. &

Vita illa dignū locoq; non dignus.

Quod si indocta consuetudo tam est artifex suauitatis, quid ab ipsa tandem arte & doctrina postulari putamus? Hac dixi breuius, quàm si hac de re una disputarem: est enim hic locus latè patens, de natura usq; uerborum, longius autem, quàm instituta ratio postulabat. Sed quia rerum uerborumq; iudicium prudentiæ est, uocum autem, & numerorum aures sunt iudices, & quod illa ad intelligentiam referuntur, hæc ad uoluptatem: in illis ratio inuenit, in his sensus

sensus artem. aut enim negligenda nobis fuit uoluptas eorum, quibus probari uolebamus: aut ars eius concilianda reperienda. *Due sunt igitur res, quæ permulceant aures, sonus & numerus. De numero mox: nunc de sono querimus. Verba (ut supra diximus) legenda sunt potissimum bene sonantia, sed ea non, ut poeta, exquisita ad sonum, sed sumpta de medio, Quæ pontius Hællæ Superat modum. At, Auratus aries Colchorum, - splendidis nominibus illuminatus est uersus: sed proximus inquinatus insuauissima litera infinitus, Frugifera & ferta arua Asiæ tenet. Quare bonitate potius nostrorum uerborum utamur, quàm splendore Græcorum, nisi forte sic loqui poenitet,*

Qua tempestate Paris Helenam. & quæ sequuntur. immò uero ista sequamur, asperitatemq; fugiamus, Habeo istam ego perterritrepam. idemq; Versutiloquas malitias.

Nec solum componentur uerba ratione, sed etiam finientur: quoniam id iudicium esse aurium alterum diximus. Sed finiuntur, aut compositione ipsa, & quasi sua sponte, aut quodam genere uerborum, in quibus ipsis concinnitas inest: quæ siue casus habent in exitu similes, siue paribus paria redduntur, siue opponuntur contraria, suapte natura numerosa sunt, etiamsi nihil est factum de industria. In huius concinnitatis consecratione Gorgiam fuisse principem

accepimus, quo de genere illa nostra sunt in
Miloniana: Est enim *Iudices*, hæc non scripta,
 sed nata lex: quā non didicimus, accepimus, le-
 gimus: uerum ex natura ipsa arripuimus, hau-
 simus, expressimus: ad quam non docti, sed fa-
 cili: non instituti, sed imbuti. Hæc enim talia
 sunt, ut quia referuntur ad ea ad quæ debent re-
 ferri, intelligamus non quæsitum esse numerum,
 sed secutum. Quod fit item in contrarijs refe-
 rendis, ut illa sunt quibus non modo numerosa
 oratio, sed etiam uersus efficitur:

Eam quam mihi accusas, damnas. con-
demnas dixisset, qui uersum effugere uoluisset.

Bene quam meritam esse autumas, dicis ma-
le mereri.

Id quod scis, prodest: nihil id quod nescis, obest.
Uersum efficit ipsa relatio contrariorum: id esset
in oratione numerosum,

Quod scis nihil prodest: quod nescis, multum obest.
 Semper hæc quæ *Graci ἀντίθετα* nominat, cum
 contrarijs opponuntur contraria, numerum orato-
 rium necessitate ipsa efficiunt, & cum sine in-
 dustria. Hoc genere antiqui iam ante *Isoeratem*
 delectabantur, & maximè *Gorgias*, cuius in
 oratione plerumque efficit numerum ipsa contin-
 nitas. Nos etiam in hoc genere frequētes: ut illa
 sunt in quarto accusationis, *Conferre hæc pacem*
cū illo bello: huius prætoris aduentum, cum illius
imperatoris uictoria: huius cohortem impuram
 cum

cum illius exercitu inuictō, huius libidines, cum illius continentia : ab illo qui cepit. conditas : ab hoc qui constitutas accepit, captas dicetis Syracusas. Ergo & hi numeri sunt cogniti etiam à Latinis. Genus illud iterum explicetur quale sit numerosa, & apta orationis. quod qui nō sentiunt, quas aureis habeant, aut quid in his hominis simile sit, nescio. Mea quidē & perfectō completoq; uerborū ambitu gaudent, & curia sentiunt, nec amant redundātia. quid dico meas? conciones saepe exclamare uidi, cū aptè uerba cecidissent. id enim expectant aures, ut uerbis colligetur sententia. Non erat hoc apud antiquos, & quidem nihil aliud ferè non erat. Nam & uerba cligebant, & sententias graues, & suauis reperiēbant, sed eas haud nunciēbāt, aut explebāt parū. Hoc me ipsum delectat, inquit. Quid si antiquissima illa pictura paucorum colorum magis, quā hāc iam perfectā delectet? illa nobis sit, credo, repetenda, hāc scilicet repudianda. Nominibus ueterū gloriantur. Habet autem ut in aetatibus auctoritatē senectus, sic in exemplis antiquitas, quae quidē apud me ipsum ualet plurimum : nec ego id quod desit antiquitati, flagito potius, quā laudo quod est, praesertim cum ea maiora iudicem quae sunt, quā illa quae desunt. Plus est enim in uerbis, & in sententijs boni, quibus illi excellent, quā in conclusione sententiarum, quam non habent. Pōst
inuen

inuenta conclusio est, qua credo usuros ueteres illos fuisse, si iam nota, atq; usurpata res esset: qua inuenta omneis usos magnos oratores uidemus. Sed habet nomen inuidiam, cum in oratione iudiciali, & forensi numerus Latine, Græcè *πυδμὸς*, inesse dicitur. Nimis enim insidiarum ad capiendas aures adhiberi uidetur, si etiam in dicendo numeri ab oratore queruntur. Hoc freti isti, & ipsi infracta, & amputata loquuntur, & eos uituperant qui apta, & finita pronuntiant: si inanibus uerbis, leuibusq; sententijs, iure: sin probæ res, lecta uerba, quid est cur claudicare, aut insistere orationē malint, quàm cum sententia pariter excurrere? Hic enim inuidiosus numerus nihil affert aliud, nisi ut sit apie uerbis comprehensa sententia: quod sit etiam ab antiquis, sed plerunq; casu, sæpe natura: & quæ ualde laudantur apud illos, ea ferè quia sunt conclusi, laudantur. Et apud Græcos quidem iam anni prope quadringenti sunt, cum hoc probatur, nos nuper agnouimus. Ergo Ennio licuit uetera contemnenti, dicere,

Versibu', Quos olim Fauni, uatesq; canebant. mihi de antiquis eodem modo non licebit, præsertim cum dicturus non sim,

Ante hunc, ut ille: nec quæ sequuntur,

Nos ausi referare. Legi enim audiuq; nonnullos, quorum propemodum absolute concluderetur oratio. Quod qui non possunt, non est eis satis

satis non contemni, laudari etiam uolunt. Ego autem illos ipsos laudo, idq; merito, quorum se isti imitatores esse dicunt, etsi in eis aliquid desidero: hos uerò minimè, qui nihil illorū nisi uitium sequuntur, cum à bonis absint longissimè. Quòd si aures tam inhumanas, tamq; agrestes habent: ne doctissimorum quidem uirorum eos mouebit autoritas? Omitto Isocratem, discipulosq; eius, Ephorū, & Naucratem: quanquam orationis faciendæ, & ornandæ autores locupletissimi, summiq; ipsi oratores esse debeant. Sed quis omnium doctior? quis acutior? quis in rebus uel inueniendis, uel iudicandis acrior Aristotele fuit? quis porrò Isocrati est aduersatus infensius? Is igitur uersum in oratione uetat esse, numerum iubet. Eius auditor Theodectes in primis (ut Aristoteles saepe significat) politus scriptor atq; artifex, hoc idē & sentit, & præcipit. Theophrastus uerò, iisdem de rebus etiam accuratius. Quis ergo istos ferat, qui hos autores non probent? nisi omnino hac esse ab his præcepta nesciunt. Quod si ita est (nec uerò aliter existimo) quia ipsi suis sensibus non mouentur, nihil ne eis inane uideatur, nihil incōditum, nihil curtum, nihil claudicans, nihil redundans? In uersu quidem theatra tota exclamant si sit una syllaba aut breuior, aut longior. Nec uerò multitudo pedes nouit, nec ullos numeros tenet: nec illud quod offendit, aut cur, aut in quo offendant

intell

intelligit : & tamen omnium longitudinum & breuitatum in sonis, sicut acutarum, grauiumq; uocum, iudicium ipsa natura in auribus nostris collocauit. Vis'ne igitur Brute totū hunc locum accuratius etiam explicemus, quam illi ipsi, qui & hæc, & alia nobis tradiderunt? an his contenti esse, quæ ab illis dicta sunt possumus? Sed quid quero, uelis'ne : cum literis tuis eruditissimè scriptis, te id uel maxime uelle perspexerim? Primum ergo origo, deinde causa, post natura, tum ad extremum usus ipse explicetur orationis apta atq; numerosa. Nam qui Isocrate maxime mirantur, hoc in eius summis laudibus ferunt, quod uerbis solutis numeros primus adiunxerit. Cū enim uideret oratores cum seueritate audiri, poetæ autem cum uoluptate : tum dicitur numeros secutus, quibus etiam in oratione uteremur, cum incūditatis causa, tum ut uarietas occurreret satietati. Quod ab his uere quædam ex parte, nō totum dicitur. Nam neminem in eo genere scientius uersatum Isocrate cōfitemdum est. sed princeps inueniendi fuit Thrasimachus, cuius omnia nimis etiam extant scripta numerosa. Nam (ut paulò antè dixi) paria paribus adiuncta, & similiter definita, itemq; contrarijs relata cōtraria, quæ sua sponte etiam si id non agas, cadunt plerunq; numerosa, Gorgias primus inuenit, sed his est usus intemperantiuss : id autem est genus (ut antè dictum est) ex tribus partib

partibus collocationis aliterum. Horum uterq;
 Isocratem etate præcurrit, ut eos ille modera-
 tione, nō inuentione uicerit. Est enim ut in trans-
 ferendis, faciendisq; uerbis tranquillior, sic in
 ipsis numeris sedatior. Gorgias autem audior
 est generis eius, & his festiuitatibus (sic enim
 ipse censet) insolentius abutitur, quas Isocrates
 cum tamē audiuiſſet in Theſſalia adoleſcens ſe-
 nem iam Gorgiam, moderatius tēperauit. Quin-
 etiam ſe ipſe tantum quātum etate procedebat
 (propē enim cenſum cōfecit annos) relaxarat a
 nimia neceſſitate numerorum: quod declarat in
 eo libro, quē ad Philippum Macedonem ſcripſit
 cū iam admodum eſſet ſenex: in quo dicit ſe ſe-
 minus iam ſeruire numeris, quā ſolitus eſſet:
 ita non modo ſuperiores, ſed etiam ſe ipſe corre-
 xerat. Quoniam igitur habemus apta orationis
 eos principes, autoresq; quos diximus, & origo
 inuenta eſt, cauſa queratur: quæ ſic aperta eſt,
 ut mirer ueteres non eſſe commotos. præſertim
 cum, ut ſit, fortuito ſæpē aliquid concluſe apteq;
 dicrent: quod cū animos hominum, aureisq;
 pepuliſſet, ut intelligi poſſet, id quod caſus effu-
 diſſet, cecidiſſe incunde, notandum certe genus,
 atq; ipſi ſibi imitandi fuerunt. Aures enim, uel
 animus aurium nuntio naturalem quandam in
 ſe continet uocum omnium menſionem. Itaq; &
 longiora, & breuiora iudicat, & perfectæ ac
 moderata ſemper expectat. Mutila ſentit que-
 dam

dam, & quasi decurtata, quibus tanquam debito fraudeur, offenditur. Productiora alia, & quasi immoderatus excurrentia, quæ magis etiam aspernantur aures: quod cum in plerisque, tum in hoc genere nimium quod est, offendit vehementius, quam id quod uidetur parum. Ut igitur poetica, & uersus inuentus est terminatione aurium, observatione prudentium: sic in oratione animaduersum est, multo quidem illud ferius, sed eadem natura admonente, esse quosdam certos cursus, conclusionesque uerborum. Quoniam igitur causam quoque ostendimus, naturam nunc (id enim erat tertium) si placeo explicemus: quæ disputatio non huius instituti sermonis est, sed artis intima. Queri enim potest qui sit orationis numerus, & ubi sit positus, & natus ex quo, & is unusne sit, an duo, an plures, quaque ratione componatur, & ad quam rem, & quando, & quo loco, & quemadmodum adhibitus aliquid uoluptatis afferat. Sed ut in plerisque rebus, sic in hac duplex est considerandi uia: quarum altera est longior, breuior altera, eadem etiam planior. Est autem longioris prima illa questio siue ne omnino ulla numerosa oratio. Quibusdam enim non uidetur, quia nihil insit in ea certi, ut in uersibus: & quod illi, qui affirmant eos esse numeros, rationem cur sint, non queant reddere. Deinde si sit numerus in oratione, qualis sit, aut quales:

les: & ex poetice numeris, an ex alio genere quodam: et si è poeticis, quis eorum sit, aut qui. nanq; alijs unus modo, alijs plures, alijs omnes ijdē uidentur. Deinde quicunq; sunt, siue unus, siue plures, communēsne sint omnis generis orationi, quoniam aliud genus est narrandi, aliud persuadendi, aliud docendi: an dispares numeri cuiq; orationis generi accommodentur. Si communes, qui sint: si dispares, quid intersit. & cur non æque in oratione, atq; in uersu numerus appareat. Deinde quod dicitur in oratione numerosum, id utrum numero solum efficiatur, an etiam uel compositione quadam, uel genere uerborum: an est suum cuiusq; ut numerus interuallis, compositio uocibus, genus ipsum uerborum quasi quadam forma, & lumen orationis appareat: siq; omnium fons compositio, ex eaq; & numerus efficiatur, & ea quæ dicuntur orationis quasi formæ, & lumina, quæ (ut dixi) Greci uocant σχήματα. At non est unum, nec idem, quod uoce iucundum est, & quod moderatione absolutum, & quod illuminatum genere uerborum: quanquam id quidem finitimum est numero, quia per se plerunq; perfectum est, compositio autem ab utroq; differt, quæ tota seruit gratitati uocum, aut suauitati. Hæc igitur ferè sunt, in quibus rei natura querenda sit. Esse igitur in oratione numerum quendam non est difficile cognoscere: indicat enim sensus, in quo.

*iniquum est quod accidit non agnoscere, si cur
 accidas reperire nequeamus. Neq; enim ipse
 uersus ratione est cognitus, sed natura, atq; sen-
 su: quem diuersa ratio docuit quid acciderit. ita
 notatio natura, & animaduersio peperit artem.
 Sed in uersibus res est aperior: quanquam etiā
 à modis quibusdam cantu remoto soluta esse ui-
 deatur oratio, maximeq; id in optimo quoq; to-
 rum poetarum, qui Δορυκτοὶ à Græcis nomi-
 nantur: quos cum cantu spoliaueris, nuda pe-
 nē remanet oratio, quorum similia sunt que-
 dam etiam apud nostros: uelut in Thyeste.
 Quēnam te esse dicam? qui tarda in senectute.
 & qua sequuntur. quæ nisi cum tibicen ac-
 cessit, orationi sint soluta simillima. At comi-
 corum senarij propter similitudinem sermonis
 sic sepe sunt abiecti, ut nonnunquam uix in his
 numerus, & uersus intelligi possit: quo est ad
 inueniendum difficilior in oratione numerus,
 quā in uersibus. Omnino duo sunt, quæ con-
 dunt orationem: uerborum, numerorumq; in-
 cunditas. In uerbis inest quasi materia quedam,
 in numero autem expolitio: sed ut cæteris in re-
 bus necessitatis inuenta antiquiora sunt quā
 uoluptatis, ita & in hac re accidit, ut multis
 seculis antè oratio nuda ac rudis ad solos ani-
 morum sensus exprimendos fuerit reperta,
 quā ratio numerorum causa delectationis
 aurium extogitata. Itaque & Herodotus, &
 eadem*

eadem superiorq; ætas numero caruit, nisi quando temere ac fortuito, & scriptores perueteres de numero nihil omnino, de oratione præcepta multa nobis reliquerunt. Nam quod & facilius est, & magis necessarium, id semper ante cognoscitur. itaq; translata, aut facta, aut innecta uerba facile sunt cognita, quia sumebantur è consuetudine, quotidianoq; sermone: numerus autem non modo dispromebatur, neq; habebat aliquam necessitudinem, aut cognationem cum oratione. Itaq; serius aliquanto notatus, & cognitus, quasi quandam palestram, & extrema lineamenta orationi attulit. Quod si & angusta quædam atq; cõcisa, & alia est collutata, & diffusa oratio: necesse est id non literarum accidere natura, sed interuallorum longorum, & breuium uarietate: quibus implicata atq; permixta oratio, quoniam tum stabilis est, tum uolubilis, necesse est eiusmodi naturam numeris contineri. Nam circuitus ille, quem sæpe iam diximus, incitator numero ipso fertur, & labitur, quoad perueniat ad finem, & insistat. Perspicuum est igitur numeris astrictam orationem esse debere, carere uersibus. sed hi numeri poetice sint, an ex alio genere quodam, deinceps est uidendum. Nullus est igitur numerus extra poeticos, propterea quod definita sunt genera numerorũ. Nam omnis talis est, ut unus sit è tribus. Pes enim qui adhibetur ad nu-

K K

micros

metros partitur in tria : ut necesse sit partem pe-
 dis aut æqualem esse alteri parti, aut altero tan-
 to, aut sesqui esse maiorem. Ita fit æqualis dacty-
 lus, duplex iambus, sesquiplez pæon. qui pedes
 in orationem non cadere. qui possunt? quibus or-
 dine locatis, quod efficitur numerosum sit ne-
 cesse est. Sed queritur, quo numero, aut quibus
 potissimum sit utendum. Incidere uerò omnis
 in orationem etiam ex hoc intelligi potest, quòd
 uersus sepe in oratione per imprudentiam dici-
 mus: quod uehementer est uitiosum: sed non at-
 tendimus, neq; exaudimus nosmetipsos. Senarios
 uerò, & Hipponactos effugere uix possumus:
 magnam enim partem ex iambis nostra constat
 oratio, sed tamen eos uersus facile agnoscit au-
 ditor: sunt enim usitatissimi. Inculcamus autem
 per imprudentiam sepe etiam minus usitatos,
 sed tamen uersus, uitiosum genus, & longa ani-
 mi prouisione fugiendum. Elegit ex multis Iso-
 cratis libris triginta fortasse uersus. Hierony-
 mus, Petipateticus in primis nobilis, plerosque
 senarios, sed etiam anapaesticos, quo quid potest
 esse turpius? etsi in eligendo fecit malitiose, pri-
 ma enim syllaba dempta ex primo uerbo senten-
 tiæ, postremum ad uerbum primam rursus syl-
 labam adiunxit insequentis. ita factus est ana-
 pæsticus is qui Aristophaneus non uinatur.
 quod ne accidat, obseruari nec potest, nec neces-
 se est. Sed tamen hic corrector, in eo ipso loco
 quo

quo reprehendit, ut à me animaduersum est studiose inquirenti in eum, immittit imprudēs ipse senariū. Sit igitur hoc cognitū, in solutis etiam uerbis inesse numeros, eosdemq; esse oratorios, qui sunt poëtici. Sequitur ergo, ut qui maxime cadant, in orationem aptam numeri, uidentum sit. Et sunt enim qui iambicum putent, quòd sit orationi simillimus: qua de causa fieri, ut is potissimum propter similitudinem ueritatis adhibeatur in fabulis, quòd ille dactylicus numerus hexametrorum magniloquentia sit ac commodatior. Ephorus autem leuis ipse orator, sed profectus ex optima disciplina, pæona sequitur, aut dactylum: fugit autem spondeū & trocheum. Quòd enim pæon habeat treis breuibus, dactylus autem duas, breuitate & celeritate syllabarum labi putat uerba procliuius. contraq; accidere in spōdeo & trocheo, quòd alter ex longis constaret, alter è breuibus fieret: alteram nimis incitatam, alteram nimis tardam orationem, neutram temperatam. Sed & illi priores erant, & Ephorus in culpa est. nam & qui pæona prætereunt, non uident molliissimum à sese numerum, eundemq; amplissimum præteriri. Quod longe Aristoteli uidetur secus, qui iudicat Heroum numerum grandiozem, quam desideret soluta oratio: iambū autem nimis è uulgari esse sermone. Ita neq; humilem, nec abiectā orationem, nec nimis altam, & exaggeratam

probat: plenam tamen eam uult esse grauitatis, ut eos qui audient, ad maiorem admirationem possit traducere. Trocheum autem, qui est eodem spatio quo choreus, cordacē appellat, quia contractio, & breuitas dignitatem non habeat. Ita pæona probat, eoq; ait uti omnes, sed ipsos non sentire cum utantur: esse autem tertium, ac medium inter illos: sed ita factos eos pedes esse, ut in eis singulis modus insit aut sesquipleus, aut duplex, aut par. Itaq; illi de quibus antè dixi, tantummodo commoditatis habuerunt rationem, nullam dignitatis. Iambus enim, & dactylus in uersum cadunt maxime. itaq; ut uersum fugimus in oratione, sic hi sunt euitandi continuati pedes. Aliud enim quiddam est oratio, nec quicquam inimicius, quàm illa uersibus.

at Pæon autem minime est aptus ad uersum, quo libentius eum recepit oratio. Ephorus uerò ne spondeum quidem, quem fugit, intelligit esse æqualem dactylo, quem probat: syllabis enim metiendos pedes, non interuallis existimat: quod idem facit in trochæo, qui temporibus, & interuallis est par iambo, sed eo uitiosus in oratione, si ponatur extremus, quòd uerba melius in syllabas longiores cadunt. Atq; hæc, quæ sunt apud Aristotelem, eadem à Theophrasto, Theodeteq; de pæone dicuntur. Ego autem sentio omnes in oratione esse quasi permixtos, et cōfisos pedes. Nec enim effugere possemus animad-
uersis

uersionem, si semper iisdem uteremur: quia nec numerosa esse, ut poema: neq; extra numerum, ut sermo vulgi est, debet oratio: alicrum nimis esse uinctum, ut de industria factum appareat: alicrum nimis dissolutum, ut pernegatum, ac uulgare uideatur: ut ab altero non delectere: alterum oderis. Sit igitur (ut supra dixi) permixta & temperata numeris, nec dissoluta, nec tota numerosa, praeone maxime, quonia optimus autor ita cœset: sed reliquis etiam numeris, quos ille praeierit, temperata. Quos autem numeros cum quibus tanquam purpuram misceri oporteat, nunc dicendum est: atq; etiam quibus orationis generibus sint quiq; accommodatissimi. Iambus enim frequentissimus est in ijs, quae demisso atq; humili sermone dicuntur: praeon autē in amplioribus: in utroq; dactylus: ita in uaria & perpetua oratione hi sunt inter se miscendi & temperandi, sic minime animaduerteretur delectationis aucupium, & quadrande orationes industria, quae latebit eo magis, si & uerborum & sententiarum ponderibus utemur. Nam qui audiunt, haec duo animaduertunt, & iucunda sibi censent: uerba dico, & sententias, eaq; dum animis attentis admirantes excipiunt, sagit eos, & praeuoluit numerus, qui tamen si abesset, illa ipsa delectarent. Nec uero nimis is cursus est numerorum, orationis dico (nam est longe aliter in uersibus) nihil ut

fiat extra modum: nam id quidem esset poëma. Sed omnis nec claudicans, nec quasi fluctuans, & equaliter, constanterq; ingrediens, numerosa habetur oratio. Atq; id in dicēdo numerosum putatur, non quod totum constat è numeris, sed quod ad numeros proxime accedit. quo etiam difficilius est oratione uti, quàm uersibus: quòd in illis certa quedam, & definita lex est, quam sequi sit necesse: in dicendo autem nihil est propositum, nisi aut ne immoderata, aut angusta, aut dissoluta, aut fluēs sit oratio. Itaq; non sunt in ea tanquam tibicini percussionū modi: sed uniuerſa comprehensio, & species orationis clausa, & terminata est, quod uoluptate auris iudicatur. Solet autem quari, totòne in ambitu uerborum numeri tenēdi sint, an in primis partibus, atq; in extremis. Pleriq; enim censent cadere tantū numeroſe oportere, terminariq; sententiam. Est autem, ut id maxime deceat, non id solum: ponendus est enim ille ambitus, non abiiciendus. Quare cum aures extremum semper expectent, in eoq; acquiescant, id uacare numero non oportet: sed ad hunc exitum tamē à principio ferri debet uerborum illa comprehensio, & tota à capite ita fluere, ut ad extremum ueniens ipsa consistat. Id autem bona disciplina exercitatis, qui & multa scripserint, & quæcunq; etiam sine scripto dicerent, similia scriptorum effecerint, non erit difficillimum.

Ante

Ante enim circumscribitur mente sententia, confestimque uerba concurrunt: quæ mens eadem, qua nihil est celerius, statim dimittit, ut suo quodque loco respondeat: quorum descriptus ordo alias alia terminatione concluditur: atque omnia illa & prima, & media uerba, spectare debent ad ultimum. Interdum enim cursus est in oratione incitator, interdum moderata ingressio: ut iam a principio uidendum sit, quemadmodum uelis uenire ad extremum: nec in numeris magis, quam in reliquis ornamentis orationis, eadem cum faciamus quæ poetæ, effugimus tamen in oratione poematis similitudinem. Est enim in utroque & materia & tractatio: materia in uerbis, tractatio in collocatione uerborum. Ternæ autem sunt utriusque partes uerborum, transfatum, nouum, priscum. nam de proprijs nihil hoc loco dicimus. Collocationes autem eas, quas diximus, compositio, concinnitas, numerus: sed in utroque frequentiores sunt, & liberiores poetæ. Nam & transferunt uerba cum crebrius, tum etiam audacius, & priscis libentius utuntur, & liberioris nouis: quod idem fit in numeris, in quibus quasi necessitati parere coguntur, sed tamen hæc ne nimis esse diuersa, neque ullo modo coniuncta intelligi licet. Ita fit ut non item in oratione ut in uersu numerus extet: idque quod numerosum in oratione dicitur, non semper numero fiat, sed nonnunquam aut

concinnitate, aut constructione uerborum. Ita si
 numerus orationis queritur qui sit: omnis est,
 sed alius alio melior atq; aptior. si locus: in
 omni parte uerborum. si unde ortus sit, ex au-
 rium uoluptate. si componendorum ratio: dice-
 tur alio loco, quia pertinet ad usum, quæ pars
 quarta & extrema nobis in diuidendo fuit, si
 ad quam rem adbibetur: ad delectationem. si
 quando: semper. si quo loco: in tota continuatio-
 ne uerborum. si quæ res efficiat uoluptatem, ea-
 dem quæ in uersibus, quorum modum notat ars,
 sed aures ipsæ tacito eum sensu sine arte defi-
 niunt. Satis multa de natura: sequitur usus, de
 quo est accuratius disputandum. In quo ques-
 tum est, in totione circuitu illo orationis, quem
 Græci περιόδοι, nos tum ambitum, tum circui-
 tum, tum comprehensionem, aut continuationem,
 aut circumscriptionem dicimus: an in principijs
 solum, an in extremis, an in utraq; parte nume-
 rus tenendus sit. Deinde cum aliud uideatur
 esse numerus, aliud numerosum: quid intersit.
 Tum autem in omnibusne numeris equaliter
 particulas deceat incidere, an facere alias bre-
 uiores, alias longiores, idq; quando, aut cur, qui-
 busq; partibus, pluribusne, an singulis, impari-
 bus, an equalibus, & quando: aut istis aut illis
 sit utendum: quæq; inter se aptissime collocen-
 tur, & quomodo: an omnino nulla sit in eo gene-
 re distinctio: quodq; ad rem maxime pertinet, qua
 ratione

ratione numerosa fiat oratio. Explicandum etiam est unde orta sit forma uerborum, dicendumq; quātos circuitus facere deceat, deq; eorum particulis, & tanquam incisionibus differendū est: quarendūq; utrū una species, & longitudo sit earum, an ne plures: & si plures, quo loco, aut quando, quoq; genere uti oporteat. Postremo totius generis utilitas explicāda est, quae quidem patet latius: nō ad unam enim rem aliquam, sed ad plures accommodatur. Ac licet non ad singulas res respondentem de uniuerso genere sic dicere, ut etiam singulis satis responsum esse uideatur. Remotis igitur reliquis generibus unū selegimus, hoc quidem quod in causis, foroq; uersatur, de quo dicemus. Ergo in alijs, id est in historia, & in eo quod appellamus *ἱστορίαν*, placet omnia dici *Isocrateo*, *Theopompeoq; more*, illa circumscriptione, ambituq;, ut tanquam in orbe inclusa currat oratio, quoad insistet in singulis perfectis, absolutisq; sententijs. Itaq; posteaquam est nata haec uel circumscriptio, uel cōprehensio, uel cōtinuatio uel ambitus, si uia licet dicere: nemo, qui aliquo esset in numero, scripsit orationem generis cuius quod esset ad delectationem comparatum, remotumq; à iudicijs, forensiq; certanone, quin rediget omnes ferè in quadrum, numerumq; sententias. Nam cum is est auditor, qui non ue-
reatur ne compositae orationis insidijs sua fides
attent

attinetur : gratiam quoq; habet oratori uoluptati aurium seruienti. Genus autē hoc orationis neq; totum assumendū est ad causas forenses, neq; omnino repudiandum. Si enim semper uicere: cum satietatē affert, tum quale sit, etiam ab imperitis agnoscitur. Detrahit præterea actionis dolorem, aufert humanū sensum actoris, tollit funditus ueritatem & fidem. Sed quoniam adhibenda nonnunquam est: primum uidendum est, quo loco: deinde, quandiu retinenda sit: tum quorū modis commutanda. Adhibenda est igitur numerosa oratio, si aut laudandum est aliquid ornatius: ut nos in Accusationis secundo de Sicilia laude diximus, aut in Senatu de consulatu meo. aut exponenda narratio, quæ plus dignitatis desiderat, quàm doloris, ut in quarto Accusationis de Ennensi Cerere, de Segestana Diana, de Syracusarum situ diximus. Sepe etiam in amplificanda re concessu omniū funditur numerose et uolubiliter oratio. Id nos fortasse non perficimus, conati quidē sapissime sumus, quod plurimis locis perorationes nostræ uoluisse nos, atq; animo contendisse declarant. Id autem tum ualeat, cum is qui audit ab oratore iam obsessus est, ac tenetur. non enim id agit ut insidietur & obseruet, sed iam fauet processumq; uult: dicendiq; uim admirans, non inquit quod reprehendat. Hæc autem forma retinenda non diu est: nec dico in
peror

peroratione, quam ipse includit, sed in orationis reliquis partibus. Nam cum sis huius loci usus, quibus ostendi licere, transferenda tota dictio est ad illa, quæ nescio cur, cum Greci *ῥήματα* & *ῥήματα* nominent, nos non recte incisa & membra dicamus. Neque enim esse possunt rebus ignotis nota nomina: sed cum uerba aut suauitatis, aut inopie causa transferre solcamus, in omnibus hoc fit artibus, ut cum id appellandum sit, quod propter rerum ignoracionem ipsarum nullum habuerit antè nomen, necessitas cogat aut nouum facere acerbū, aut à simili mutuari. Quo autem pacto deceat incise, membratimue dici, iam uidebimus: nunc quot modis nutentur comprehensiones, conclusionesque dicendum est. Fluit omnino numerus à primo, tum incitatus breuitate pedum, tum proceritate tardius. cursum contentiones magis requirunt, expositiones rerum tarditatem. Insistit autem ambigus modis pluribus, è quibus unum est secuta Asia maxime, qui Dichoreus uocatur, cum duo extremi chorci sunt, id est è singulis longis & breuibus. Explanandum est enim, quòd ab alijs iidem pedes alijs nominantur uocabulis. Dichoreus non est ille quidem sua sponte uitiosus in clausulis: sed in orationis numero nihil est tam uitiosum, quàm si semper est idem. Cedit autem per se ille ipse præclare, quo etiam satietas formidanda est magis. *Me stante C.*
Carbo

Carbo C.F. Trib. pleb. in cōcione dixit his uer-
 bis, O M. Druse, patrem appello. Hac quidem
 duo binis pedibus incisim dein membratim, Tu
 dicere solebas, sacram esse Remp. hac itē mem-
 bra ternis, post ambitus, Quicunq; eam uiola-
 uissent, ab omnibus esse ei pōnas persolutas. Di-
 choreus, nihil enim ad rem extrema illa longa
 sit, an brevis. deinde, Patris dictum sapiens, te-
 meritas filij comprobauit. Hoc Dichoreo tan-
 tus clamor cōcionis excitatus est, ut admirabile
 esset. Quæro nōne id numerus effecerit? uer-
 borum ordinem immuta, fac sic, Comprobauit
 filij temeritas. id nihil erit, etsi temeritas ex tri-
 bus breuibus, & longa est, quem Aristoteles
 ut optimum probat, à quo dissentio. At eadem
 uerba, eadē sententia, animo istuc satis est, auri-
 bus non satis. Sed id crebrius fieri non oportet.
 Primum enim numerus agnoscitur, deinde sa-
 riat, postea cognita facilitate contemnitur. Sed
 sunt clausule plures, quæ numero se, & iuen-
 de cadant. Nam & Creticus, qui est è longa,
 & breui, & longa, & eius aequalis Paon, qui
 spacio par est, syllaba longior, quàm commo-
 disime putatur in solutam orationem illigari,
 cum sit duplex, nam ut è longa, & tribus bre-
 uibus, qui numerus in primo uiget, iacet in ex-
 tremo: aut totidem breuibus, & longa, in quem
 optime cadere censent ueteres, ego nō planè re-
 jicio, sed alios antepono. Ne spondens quidem
 fundi

funditus est repudiandus: et si quod est è longis
daabus, hebetior uidetur & tardior, habet ta-
men stabilem quandam & non expertem di-
gnitatis gradum. In incisionibus uero multo
magis, & in membris. paucitatē enim pedum,
grauitatis suae tarditate cōpensat. Sed hos cum
in clausulis pedes nomino, non loquor de uno
pede extremo: adiungo, quod minimum sit, pro-
ximum superiore, saepe etiam tertium. ne iam-
bus quidem, qui est è breui & longa: aut par
trocheus, qui habet treis breues, sed spatio par,
non syllabis: aut etiam dactylus, qui est è lon-
ga et duabus breuibus, si est proximus à postre-
mo, parum uolubiliter peruenit ad extremum,
si est extremus choreus, aut spondeus. nunquam
enim interest uter sit eorum in pede extremo.
Sed idem hi tres pedes, male concludunt, si-
quis eorum in extremo locatus est, nisi cum
pro cretico postremus est dactylus. nihil enim
interest dactylus sit extremus an creticus: quia
postrema syllaba breuis, an longa sit, ne in
uersu quidem refert. Quare etiam pæon qui
dixit aptiorem: in quo esset longa postrema, ui-
dit parum quoniam nihil ad rem est, postrema
quam longa sit. Iam pæon, quod plures habeat
syllabas quam treis, numerus à quibusdam, non
pes habetur. Est quidem, ut inter omneis constat
antiquos, Aristotelem, Theophrastum, Theo-
dectem, Ephorum, unus aptissimus orationi
uel

uel orienti, uel media: putant illi etiam cadenti,
 quo loco mihi uidetur aptior creticus. Dochimus
 autem è quinque syllabis, breui, duabus lon-
 gis, breui, longa ut est hoc. Amicos tenes: quo-
 uis loco aptus est, dum semel ponatur: iteratus
 aut continuatus, numerum apertum, & nimis
 insignem facit. His igitur tot cōmutationibus,
 tamq; uarijs si utemur, nec deprehendetur ma-
 nifesto quid à nobis de industria fiat, & occur-
 ritur satietati. Et quia non numero solum nu-
 merosa oratio, sed & compositione fit, et genere
 (quod antiè dictum est) concinnitatis, composi-
 tione potest intelligi, cū ita structa uerba sunt,
 ut numerus non quaesitus, sed ipse secutus esse
 uideatur: ut apud Crassum, Nam ubi libido do-
 minatur, innocentie leue presidium est. Ordo
 enim uerborum efficit numerū, sine ulla operata
 oratoris industria. Itaq; sique uetres illi (He-
 rodotū dico & Thucydidem, totamq; eam ata-
 tem) aptè numero seq; dixerunt: ea nō numero
 quaesito, sed uerborum collocatione ceciderunt.
 Formae uero quaedam sunt orationis, in quibus
 ea concinnitas inest, ut sequatur numerus ne-
 cessario. Nam cū aut par pari refertur, aut con-
 trarium contrario opponitur, aut quae similiter
 cadunt uerba uerbis comparantur, quicquid ita
 concluditur, plerūq; fit ut numero se cadat: quo
 de genere cum exemplis supra diximus, ut haec
 quoq; copia facultatem afferat, non semper eo-
 dem

dem modo definendi. nec tamen hæc ita sunt
 arcta & astricta, ut ea cum uelimus laxare,
 nequeamus. Multum interest utrum numerosa
 sit, id est similis numerorum: an planè è nume-
 ris constet oratio. alterum si sit, intolerabile di-
 tium est: alterum nisi sit, dissipata, & inculta,
 & fluens est oratio. Sed quoniam nò modo non
 frequenter, uerumetiam raro in ueris causis,
 aut forensibus circumscripse, numeroseq; dicen-
 dum est, sequi uidetur ut uideamus quæ sint illa
 quæ supra dixi incisa, quæ membra. hæc enim
 in ueris causis maximam partem orationis ob-
 tinent. Constat enim ille ambitus, & plena com-
 prehensio è quatuor ferè partibus, quæ membra
 dicimus, ut & aures impleat, & ne breuior sit
 quam satis sit, neq; longior: quanquam utrunq;
 nonnunquam uel potius sæpe accidit ut aut ci-
 tius insistendum sit, aut longius procedendum,
 ne breuitas defraudasse aureis uideatur, nèue
 longitudo obtudisse. Sed habeo mediocritatis
 rationem: nec enim loquor de uersu, & est libe-
 rior aliquanto oratio. E quatuor igitur, quasi
 hexametrorum instar uersuum quod sit, còstat
 ferè plena comprehensio. His igitur singulis
 uersibus quasi nodi apparent continuationis,
 quos in ambitu coniungimus. Sin membratim
 uolumus dicere, insistimus: idq; cum opus est,
 ab isto cursu inuidioso facile nos, & sæpe dis-
 iungimus. Sed nihil tam debet esse numerosum,

quàm hoc quod minime apparet, & ualet plurimum. Ex hoc genere illud est Crassi, Missos faciant patronos. ipsi prodeant. Nisi interuallo dixisset, ipsi prodeant, sensisset profectò effugisse senarium. omnino melius caderet, prodeant ipsi: sed de genere nunc disputo. Cur clandestinis consilijs non oppugnant? cur de perfugis nostris copias comparant contra nos? Prima sunt illa duo, quæ *λόμματα* Græci uocant, nos incisa dicimus: deinde tertium *ῥήματα* illi, nos membrum, sequitur non longa: ex duobus enim uersibus, id est membris, perfecta comprehensio est: & in spondeos cadit. & Crassus quidem sic plerunq; dicebat, idq; ipse genus dicendi maxime probo, sed quæ incisim, aut membratim efferruntur, ea uel aptissime cadere debent: ut est apud me, Domus tibi decrat? at habebas. pecunia superabat? at egebas. hæc incise dicta sunt quatuor. At membratim quæ sequuntur duo, Incurristi amens in columnas: in alienos insanus insanisti. Deinde omnia tanquam crepidine quadam comprehensione longiore sustinentur. Depressam, cecam, iacentem domum pluris, quam te, & quam fortunas tuas aestimasti. dichoreo finitur. at dispondeo proximum illud. Nam in ijs quibus ut pugiunculis uti oportet, breuitas facit ipsa liberiores pedes. Sepe enim singulis utendum est, plerunq; binis: & utrisq; addi pedis pars potest, non ferè ternis amplius.

Incipi

Incisim autem, & membratim tractata oratio in ueris causis plurimum ualet, maximeq; his locis, cum aut arguas, aut refellas: ut nostra in Corneliana secunda, O callidos homines, o rem excogitatum, o ingenia meiuenda. membratim adhuc: deinde casim diximus. Rursus membratim, Testes dare uolumus. Extrema sequitur cōprehensio, sed ex duobus membris, qua non potest esse breuior, Quem quasi nostrum sefellit, ita nos esse facturos? Nec ullum genus est dicendi aut melius, aut fortius, binis aut ternis ferire uerbis, nonnunquam singulis, paulo alias pluribus: inter quas uarijs clausulis interponit se raro numerosa comprehensio, quam peruersè fugiēs Hegesius, dum ille quoq; imitari Lysiam uult, alterum ponē Demosthenem, saltat, incidens particulas: & is quidem non minus sententijs peccat, quam uerbis: ut non querat quem appellet ineptū, qui illum cognouerit. Sed ego illa Crassi, & nostra posui, ut qui uellet, auribus ipsis, quid numerosum etiam minimis particulis orationis esset, indicaret. Et quoniam plura de numerosa oratione diximus quam quisquā ante nos, nunc de eius generis utilitate dicemus. Nihil enim est aliud Brute (quod quidē in munime omnium ignoras) pulchre, & oratorie dicere, nisi optimis sententijs, uerbisq; lectissimis dicere. Et nec sententia ulla est; quæ fructum oratori ferat, nisi

apte exposita atq; absolute: nec uerborum lumen apparet, nisi diligenter collocatorum. & horū utrunq; numerus illustrat. Numerus autem (sepe enim hoc testandum est) non modo non poetice iunctus, uerumetiam fugiens illum, etq; omnium dissimillimus: non quin idem sine numeri non modo oratorum & poetarum, uerum omnino loquentium, deniq; etiam sonantium omnium, quæ metiri auribus possumus: sed ordo pedum facit ut id quod pronuntiatur, aut orationis, aut poematis simile uideatur. Hanc igitur siue compositionem, siue perfectionem, siue numerum uocari placet: & adhibere necesse est, si ornate uelis dicere: non solū, quod ait Aristoteles & Theophrastus, ne infinite feratur ut flumē oratio, quæ nō aut spiritu pronuntiantis, aut interductu librarij, sed numero coacta debes insistere: uerumetiam quod multo maiorem habent apta uim quam soluta. Ut enim athletas, nec multo secus gladiatores uidemus nihil nec uitādo facere caute, nec petendo uehementer, in quo nō motus hic habeat palestram quandam, ut quicquid in his rebus fiat utiliter ad pugnam, idem ad aspectum etiam sit uenustum: sic oratio nec plagam grauem facit, nisi petitio fuerit apta: nec satis recte declinat impetum, nisi etiā in cedendo, quid deceat, intelligit. Itaq; qualis eorum motus, quos ἀπαιταῖς Græci uocant, talis horum mihi uidetur
oratio

oratio, qui nō claudunt numeris sententias: tantumq; abest, ne (quod ū qui hoc aut magistro-
rum inopia, aut ingenij tarditate, aut laboris
fuga non sunt affecuti, solent dicere) enervetur
oratio compositione uerborū: ut aliter in ea nec
impetus ullus, nec uis esse possit. Sed magnam
exercitationem res flagitat, nequid eorum qui
genus hoc secuti non tenuerunt, simile facia-
mus: ne aut uerba traiciamus aperte, quo me-
lius aut cadat, aut uoluatur oratio. quod se L.
Caelius Antipater in proœmio belli Punici,
nisi necessario, facturum negat. O uirum simpli-
cem, qui nos nihil calat: sapientem, qui seruien-
dum necessitati putet: sed hic omnino rudis. No-
bis autem in scribendo, atq; in dicendo necessita-
tis excusatio nō probatur: nihil est enim necesse:
Et si quid esset, id necesse tamen non erat confi-
teri. Et hic quidem, qui hanc à Lelio, ad quem
scripsit, cui se purgat, ueniam petit: Et utitur
ea traiectione uerborum, Et nihilo tamē aptius
explet, concluditq; sententias. Apud alios au-
tem, Et Asiaticos maximè numero seruientes,
inculcata reperias inania quaedam uerba quasi
complementa numerorum. Sunt etiam qui illo
uitio, quod ab Hegesia maximè fluxit, infrin-
gendis, concidendisq; numeris in quoddam ge-
nus abiectum incidant Siculorum simillimum.
Tertium est in quo fuerunt fratres illi Asiati-
corū rhetorū principes Hierocles Et Menecles

minime mea sententia contemnendi. Et si enim à forma ueritatis, & ab Atticorum regula absunt, tamen hoc uitium compensant uel facultate, uel copia. sed apud eos uarietas non erat, quòd omnia ferè cõcludebãtur uno modo. Que uitia qui sugerit, ut neq; uerbum ita traiciat ut id de industria factum intelligatur, neq; infereciens uerba quasi rimas expleat, nec minus numeros sequens, concidat delumbetq; sententias, nec sine ulla commutatione in eodem semper uersetur genere numerorũ: is omnia ferè uitia uitauerit. Nam de laudibus multa diximus, quibus sunt alia perspicua uitia contraria. Quantum autem sit apte dicere, experiri liceat, si aut cõpositi oratoris bene structam collocationem dissoluas permutatione uerborum: corrumpatur enim tota res, ut & hac nostra in Corneliana, & deinceps omnia. Neq; me diuitie mouet, quibus omneis Africanos & Lelios multi uenaliũ, mercatoresq; superarunt. Immuta paulum, ut sit, multi superarunt mercatores, uenaliũq;: perierit tota res. Et que sequuntur, Neq; in stis, aut calatum aurum & argentum, quo nostros ueteres Marcellos, Maximosq; multi Eunuchi è Syria Aegyptoq; uicerunt. Verba permuta sic, ut sit, Vicerunt Eunuchi è Syria, Aegyptoq;. Adde tertium, Neq; uerò ornamenta ista uillarum, quibus L. Paulum & L. Munium qui rebus his urbem, Italiamq; omnem reserferunt, ab aliquo

uideo perfacile *Deliaco*, aut *Syro* potuisse superari. Fac ita, potuisse superari ab aliquo *Syro*, aut *Deliaco*. Vides ne ut ordine uerborum paulum commutato, iisdem uerbis stante sententia, ad nihilum omnia recidant, cum sint ex aptis dissoluta? aut si alicuius inconditi arripas dissipatam aliquam sententiam, eamq; ordine uerborum paulum commutato in quadrum redigas, efficiatur aptum illud, quod fuerat antea diffuens ac solutum? Age sume de *Gracchi* apud *Censores* illud, Absesse non potest, quin eiusdem hominis sit probos improbare, qui improbos probet. Quanto aptius, si ita dixisset, quin eiusdem hominis sit, qui improbos probet, probos improbare? Hoc modo dicere nemo unquam uoluit, nemoq; potuit quin dixerit. Qui autem aliter dixerunt, hoc assequi non potuerunt: ita facti sunt repente *Attici*. Quasi uero *Trallianus* fuerit *Demosthene*s, cuius non tam uibrarent fulmina illa, nisi numeris contorta ferrentur. Sed si quos magis delectant soluta, sequantur ea. Sane modo si quis *Phidiae* clypeum dissoluerit, collocationis uniuersam speciem sustulerit, non singulorum operum uenustatem, ut in *Thucydide*, orbem modo orationis desidero, ornamenta comparent. Isti autem cum dissolunt orationem, in qua nec res, nec uerbum ullum est, nisi abiectum: non clypeum, sed ut in prouerbio est (etsi humiliter

dictum est, tamen consimile est) scopas (ut ita dicam) mihi uidentur dissoluere. atque ut plane genus hoc, quod ego laudo, contempsisse uideantur, aut scribant aliquid uel Isocrateo more, uel quo Aeschines, aut Demosthenes utitur: tum illos existimabo non desperatione formidauisse genus hoc, sed iudicio refugisse: aut reperiā ipsa eadem conditione qui uti uelit, ut aut dicat aut scribat, utra uoles lingua eo genere quo illi uolunt. Facilius est enim apta dissoluere, quam dissipata connectere. Res autem se sic habet (ut breuissime dicā quod sentio) compositae & apte sine sententijs dicere, insania est: sententiose autem sine uerborum et ordine & modo, infantia: sed eiusmodi tamen infantia, ut ea qui utantur, non stulti homines haberi possint, etiam plerumque prudentes: quo qui est contentus, utatur. Eloquens uero, qui non approbationes solum, sed admirationes, clamores, plausus, si liceat, mouere debet, omnibus oportet ita rebus excellat, ut ei turpe sit quicquam aut spectari, aut audiri libentius. Habes meum de oratore Brute iudiciū, quod aut sequere, si probaueris: aut tuo stabis, si aliud quoddam est tuum. in quo neque pugnabo tecum, neque hoc meum, de quo tantopere hoc libro assuecraui, unquam affirmabo esse uerius, quam tuum. Potest enim non solum aliud mihi ac tibi, sed mihi ipsi aliud alias uideri. Nec in hac modo re, quae ad uulgi assensum spectat, &

ad

ad aurium uoluptatem, quæ duo sunt ad iudicandum leuissima: sed ne in maximis quidem rebus quicquam adhuc inueni firmitus quod tenerem, aut quo iudicium meum dirigere, quam illud quodcumque mihi quàm simillimum ueri uideretur, cum ipsum illud uerum in occulto lateat. Tu autem uelim, si tibi ea quæ disputata sunt, minus probabuntur, ut aut maius opus institutum putes, quàm effici potuerit: aut dum tibi roganti uoluerim obsequi, uerecundia negandi, scribendi me impudentiam suscepisse.

M. T. CICERO-

NIS AD CAIVM

TREBATIVM IV-
RISCONSUL-
TVM

TOPICA.



MAIORES nos res scribere ingressos, C. Trebati & ipsi libris quos breui tempore satis multos edidimus, digniores, è cursu ipso renouauit uoluntas tua. Cum enim mecum in Tusculano esses, et in bibliotheca separatim uterque nostrum ad suum studium libellos quos uellet, exol-

LL 5 ueret:

ueret: incidiſti in *Aristotelis Topica* quadam,
 quæ ſunt ab illo pluribus libris explicata. Qua
 inſcriptione commotus, continuo a me eorum li-
 brorum ſententiam requiſiſti. Quam tibi cum
 expoſuiſſem, diſciplinam inueniendorum argu-
 mentorum, ut ſine ullo errore ad eam rationem
 uia perueniremus ab *Aristotele* inuenta, libris
 illis contineri: uerecundè tu quidem, ut omnia,
 ſed tamen ut facile cernerem te ardere ſtudio,
 mecum ut tibi illa traderem egiſti. Cum autem
 ego te, non tam uitandi laboris mei cauſa, quam
 quòd intereſſe tua arbitrarer, uel ut eos per te
 ipſe legeres, uel ut etiam rationem à doctiſſimo
 quodam rhetore acciperes, hortatus eſſem: utrunq;
 ut à te audiebam, es expertus: ſed à libris te ob-
 ſcuritas reiecit: rhetor autem ille, magnus ut opi-
 nor, *Aristotelica* ſe ignorare reſpondit. Quod
 quidem minimè ſum admiratus, cum philoſo-
 phum rhetori non eſſe cognitum, qui ab ipſis
 philoſophis præter admodum paucos ignoretur.
 Quibus eo minùs ignoſcendum eſt, quòd non
 modò rebus iſis quæ ab illo dictæ & inuēta ſunt,
 allici debuerunt: ſed dicendi quoq; incredibili
 quadam cum copia, tum etiam ſuauiſſitate. Non
 potui igitur tibi ſæpius hoc roganti, & tamen
 uerenti ne mihi grauis eſſes (facile enim id cer-
 nebam) debere diutius, ne ipſi inris interpreti
 fieri uideretur iniuria. Etenim cum tu mihi
 meisq; multa ſæpe cauiffes, ueritus ſum, ne ſi ego
 grauarer,

grauarer, aut ingratum id, aut superbum uideretur. Sed dum fuimus unū, tu optimus es testis quam fuerim occupatus. *Ut* autem à te discessi in Graciam proficiscens, cum opera mea nec *Æsp.* nec amici uerentur, nec honestè inter arma uersari possem, ne si tutò id quidem mihi liceret: ut ueni *Veliam*, tuaq; & tuos uidi, admonitus huius aris alieni, nolui deesse re tacite quidem flagitationi tue. Itaq; hæc, cū mecum libros non haberem, memoria repetita, in ipsa nauigatione conscripsi, tibiq; ex itinere misi, ut mea diligentia mandatorum tuorum, te quoque etsi admonitore non cges, ad memoriam nostrarum rerum excitarem. Sed iam tempus est ad id quod instituimus, accedere. CUM omnis ratio diligens differendi duas habeat partes, unam inueniendi, alteram iudicandi: uirinsq; princeps, ut mihi quidem uidetur, *Aristoteles* fuit: *Stoici* autem in altera elaborauerunt. iudicandi enim uias diligenter persecuti sunt, eam scientiam quam *Dialecticē* appellant. Inueniendi uerò artem, quæ *Topicē* dicitur, quæque ad usum potior erat, & ordine nature certe prior, totam reliquerunt. Nos autem, quoniam in uita quæ summa utilitas est, & utranque, si erit otium, persequi cogitamus: ab ea quæ prior est, ordiemur. *Ut* igitur earum rerum quæ abscondite sunt, demonstrato & notato loco facilis inuentio est, sic cum peruestigare argu-

ment

mentum aliquod uolumus, locos nosse debemus. Sic enim appellata ab Aristotele sunt hæ quasi sedes è quibus argumenta promuntur. Itaque licet definire, Locum esse argumenti sedem: argumentum autem, rationem, quæ rei dubiæ faciat fidem. Sed ex his locis in quibus argumenta inclusa sunt, alij in eo ipso de quo agitur, hærent: alij assumuntur extrinsecus. In ipso, tum ex toto, tum ex partibus eius, tum ex nota, tum ex ijs rebus quæ quodammodo affectæ sunt ad id de quo queritur. Extrinsecus autem ea ducuntur, quæ absunt, longeque disjuncta sunt. Sed ad id totum de quo differitur, tum definitio adhibetur, quæ quasi inuolutum euoluit id de quo queritur. Eius argumenti talis est formula: Ius ciuile, est æquitas constituta ijs qui eiusdem ciuitatis sunt, ad res suas obtinendas. eius autem æquitatis utilis est cognitio. utilis est ergo iuris ciuilis scientia. Tum partium enumeratio, quæ tractatur hoc modo: Si neque censu, neque uindicta, nec testamento liber factus est, non est liber: neque est ulla earum rerum: non est igitur liber.

Illæ uerba tum notatio, cum ex ui uerbi argumentum ali-
Actus Sexta quod elicitur, hoc modo, Cum lex Aelius Sentia
redundant. assiduo uindicem assiduus esse iubeat, locupletem iubet locupleti. Locuples enim assiduus, ut ait Aelius, appellatus ab ære dando. Ducuntur etiam argumenta ex ijs rebus quæ quodammodo affectæ sunt ad id de quo queritur. Sed hoc

hoc genus in plures partes distributum est. nam alia coniugata appellamus, alia ex genere, alia ex formula, alia ex similitudine, alia ex differentia, alia ex contrario, alia ex adiunctis, alia ex antecedentibus, alia ex consequentibus, alia ex repugnantibus, alia ex causis, alia ex effectis, alia ex comparatione maiorum, aut parium, aut minorum. Coniugata dicuntur quæ sunt ex uerbis generis eiusdem. Eiusdem autem generis uerba sunt, quæ orta ab uno, uariè commutantur, ut sapiens, sapienter, sapientia. hæc uerborum coniugatio, συζυγία dicitur, ex qua huiusmodi est argumentum. Si compascuus ager est, ius est compascere. A genere sic ducitur, Quoniam argentum omne mulieri legatum est, non potest ea pecunia quæ numerata domi relicta est, non esse legata. Forma enim à genere, quoad suum nomen retinet, nunquam seingitur. Numerata autem pecunia nomen argenti retinet: legata igitur uidetur. A forma generis, quam interdum partem licet nominare, hoc modo: Si ita Fabia pecunia legata à uiro; si ei uiro materfamilias esset, si ea in manum uiri non conuenerat, nihil debetur. Genus est uxor. eius due forme, una matrumfamilias, earum quæ in manum conuenerunt: altera earum quæ tantummodo uxores habentur. Qua in parte cum fuerit Fabia, legatum ei non uidetur. A similitudine, hoc modo: Si ades eæ corruerunt, uiuum

tium^{ue} fecerunt, quarum ususfructus legatus est, heres restituere non debet, nec reficere: non magis quam seruum restituere, si is cuius ususfructus legatus est, deperisset. *A differentia:* Non si uxori uir legauit omne argentum quod suum esset, idcirco quæ in nominibus fuerunt, legata sunt. Multum enim differt, in arcane positum sit argentum, an in tabulis debeat.

Ex contrario autem sic: Non debet ea mulier cui uir bonorum suorum usumfructum legauit, cellis uinarijs & olearijs plenis relictis putare id ad se pertinere. usus enim, non abusus legatus est. Ea sunt inter se contraria. *Ab adiunctis.* Si ea mulier testamentum fecit, quæ se capite nunquam diminuit, non uidetur ex edicto Pretoris secundum eas tabulas possessio dari. adiungitur enim, ut secundum seruorum, secundum exulum, secundum puerulorum tabulas possessio uideatur ex edicto dari. *Ab antecedentibus autem, & consequentibus, & repugnantibus, hoc modo:* Ab antecedentibus, Si uiri culpa factum est diuortium, etsi mulier nuntium remisit, tamen pro liberis manere nihil oportet. *A consequentibus,* Si mulier cum fuisset nupta cum eo quicum connubij ius non esset, nuntium remisit: quoniam qui nati sunt, patrem non sequuntur, pro liberis manere nihil oportet. *A repugnantibus,* Si paterfamilias uxori ancillarum usumfructum legauit à filio, neq; à secundo

cundo herede legauit: mortuo filio mulier usum-
 fructum non amittet. Quod enim semel testame-
 to alicui datum est, id ad eo inuito cui datū est,
 auferri non potest. Repugnat enim, recte accipe-
 re, & inuitum reddere. Ab efficientibus causis
 hoc modo: Omnibus est ius parietem directum,
 ad parietem communem adiungere uel solidum,
 uel fornicatum. At si quis in pariete comuni
 demoliendo damni infecti promiserit, non debe-
 bit prestare quod fornix uitij fecerit. Non enim
 eius uitio qui demolitus est, damnum factū est, sed
 eius operis uitio, quod ita adificatū est ut suspen-
 di non possit. Ab effectis rebus, hoc modo: Cum
 mulier uiro in manu conuenit, omnia que mulie-
 ris fuerūt, uiri fiunt dotis nomine. Ex cōparatio-
 ne autē omnia ualent, que sunt eiusmodi: Quod
 in re maiore ualet ualeat in minore: ut si in urbe
 fines non reguntur, neq; aqua in urbe arceatur.
 Itē contrā, Quod in minore ualet, ualeat in ma-
 iore, licet idē exemplū cōuertere. Item, Quod in
 re pari ualet, ualeat in hac que par est: ut, Quo-
 niam usus autoritas fundi biennium est, sit etiam
 adium. At in lege ades nō appellantur, & sunt
 ceterarum omnium, quarum annuus est fructus: ua-
 leat aequitas, que paribus in causis paria iura
 desiderat. Que autem extrinsecus assumun-
 tur, ea maxime ex autoritate ducuntur. Itaque
 Græci tales argumentationes ἀτ' ἐκ τῆς τέχνης uocant,
 id est artis expertes: ut si ita respondeas. Quo-
 niam

niam P. Scauola id solum esse ambitus adium
dixerit, quod parietis communis tegendi causa
tectum projiceretur, ex quo in tectum eius adis
qui protexisset, aqua deflueret, id tibi ius uide-
ri. His igitur locis qui sunt expositi, ad omne
argumentum reperiundum tanquam elementis
quibusdam significatio & demonstratio datur.
Vtrum igitur haecenus satis est? Tibi quidem
tam acuto & tam occupato puto. Sed quoniam
avidum hominem ad has discendi epulas rece-
pi, sic accipia ut reliquiarum sit potius aliquid,
quam te hinc patiar non satiatum discedere.
Quando ergo unusquisque eorum locorum quos
exposui, sua quaedam membra habet, ea quam
subtilissimè persequamur: & primum de ipsa
definitione dicatur. Definitio est oratio qua
id quod definitur, explisat quid sit. Definitio-
num autem duo sunt genera prima. unum earum
rerum quae sunt, alterum earum quae intelligun-
tur. Esse ea dico, quae cerni tangiue possunt: ut
fundum, ades, parietem, stillicidium, macipium,
pecudem, supellectilem, penus, & cetera. quo ex
genere quaedam interdum nobis definienda sunt.
Non esse rursus ea dico, quae tangi demonstra-
riue non possunt, cerni tamen animo, atque in-
telligi possunt: ut si usucapionem, si tutelam,
si gentem, si agnationem definias, quarum re-
rum nullum subest quasi corpus, est tamen qua-
dam conformatio insignita, & impressa in
intellig

*intelligentia, quam notionem uoco: ea sepe in
 argumentandi definitione explicanda sunt.
 Atque etiam definitiones alie sunt partitionū,
 alie diuisionum. Partitionum, cum res ea que
 proposita est, quasi in membra discerpitur: ut si
 quis ius civile dicat id esse, quod in legibus, se-
 natuconsultis, rebus iudicatis, iuris peritorum
 autoritate, edictis magistratuū, more, equita-
 te consistat. Diuisionum autem definitio formas
 omnes complectitur quæ sub eo genere sunt quod
 definitur: hoc modo. Ab alienatio est eius rei
 quæ mancipi est, aut traditio alteri nexu, aut in
 iure cessio, inter quos ea iure civili fieri possunt.
 Sunt & alia genera definitionum, sed ad huius
 libri institutum illa nihil periment: tantū est di-
 cendum, qui sit definitionis modus. Sic igitur ue-
 teres præcipiunt, cum sumpseris ea quæ sunt ei
 rei quam definire uelis, cum alijs cōmunia, usque
 eò persequi dum proprium efficiatur quod nul-
 lam in aliam rem transferri possit: ut hoc, He-
 reditas est pecunia, cōmune adhuc: multa enim
 genera sunt pecunie. Adde quod sequitur,
 Qua morte alicuius ad quempiam peruenit.
 nondum est definitio: multis enim modis sine
 hereditate teneri mortuorum pecunie possunt,
 Vnum adde uerbum, iure: iam à communitate
 res disiuncta uidebitur, ut sit explicata definitio
 sic, Hereditas est pecunia qua morte alicuius
 ad quempiam peruenit iure. Nondum est satis,
 M M adde.*

adde, Nec ea aut legata testamento, aut possessione retenta, confectum est. Itemq; ut illud, Gentiles sunt, qui inter se eodē nomine sunt. non est satis. Qui ab ingenuis oriūdi sunt. ne id quidem satis est. Quorū maiorum nemo seruitutem seruauit. abest etiam nunc. Qui capite non sunt diminuti. hoc fortasse satis est. nihil enim uideo Scæuolam pontificem ad hanc definitionem addidisse. Atq; hæc ratio ualet in utroq; genere definitionum, siue id quod est, siue id quod intelligitur, definiendum est. Partitionum autem & diuisionum genus quale esset, ostendimus: sed quid inter se differant, planius dicendum est. In partitione quasi membra sunt: ut corporis, caput, humeri, manus, latera, crura, pedes, & cætera. In diuisione forma sunt, quas Græci ἰδέας uocant: nostri, si qui hæc forte transeunt, species appellant, non pessimè, id quidem, sed inutiliter ad mutandos casus in dicendo. Nolim enim, ne si Latine quidem dici possit, specierum & speciebus dicere, & sape his casibus utendum est: at formis & formarum uelim. Cum autem utroq; uerbo idem significetur, commoditatem in dicendo non arbitror negligendam. Genus & formam definiunt hoc modo, Genus est notio ad plures differentias pertinens. Forma est notio, cuius differentia ad caput generis & quasi fontem referri potest. Notionem appello quod Græci τὸν νοῦν, cum πρὸς ἄλλοις dicunt.

Ed est insita & ante percepta cuiusq; forme cognitio enodationis indigens. Forma igitur sunt hæ, in quas genus sine ullius prætermiſſione diuiditur: ut ſiquis ius in legem, morem, æquitatem diuidat. Formas qui putat idẽ eſſe quod partes, confundit artem, & ſimilitudine quadam conturbatus, non ſatis acute, quæ ſunt ſecernenda, diſtinguit. Sæpe etiam definiunt & oratores & poëta per translationem uerbi ex ſimilitudine cum quadam ſuauitate. Si de ego à ueſtris exemplis niſi neceſſariò non recedam. Solebat igitur Aquilus collega & familiaris meus cum de litoribus ageretur, quæ omnia publica eſſe uultis, quærentibus ijs ad quos id pertinebat, quid eſſet litus, ita definire, quæ fluctus eluderet, hoc eſt quaſi qui adoleſcentiam florem ætatis, ſine ætate occaſum uitæ uelit definire. Translatione enim utens, diſcedebat à uerbis proprijs rerum, ac ſuis. Quod ad definitiones attinet, hætenus: reliqua uideamus. Partitione autem ſic utendum eſt, nullam ut partem relinquant: ut ſi partiri uelis tute-
las, inſcien-ter facias ſi ullam prætermittas. At ſi ſtipulationum aut iudiciorum formulas partiare, non eſt uitioſum in re infinita prætermittere aliquid. Quod idem in diuiſione uitioſum eſt. Formarum enim certus eſt numerus, quæ cuique generi ſubſciantur: partium diſtributio ſæpe eſt infinitior, tanquam

riuorum à fonte deductio. Itaq; in oratorijs ar-
 tibus quæstionis genere proposito, quot eius for-
 mæ sint, subiungitur absolute: ac cum de orna-
 mentis uerborum sententiarumq; præcipitur,
 quæ uocantur σχήματα, non fit idem. Res enim
 est infinitior, ut ex hoc quoq; intelligatur quod
 uelimus inter partitionem & diuisionem in-
 teresse. Quanquam enim uocabula propè idem
 ualere uideantur, tamen quia res differebant,
 nomina rerum distare uoluerunt. Multa etiam
 ex notatione sumuntur. Ea est, autem cum ex
 ui nominis argumentum elicitur, quam Græci
 ἐτυμολογίαμ uocant, id est, uerbum ex uerbo,
 ueriloquium. Nos autem nouitatem uerbi non
 satis apti fugientes, genus hoc notationem ap-
 pellamus, quia sunt uerba rerum nota. Itaq; hoc
 idem Aristoteles σύμβολον appellat, quod
 Latine est nota. Sed cum intelligitur quid signi-
 ficetur, minus laborandum est de nomine. Mul-
 ta igitur in disputando notatione eliciuntur ex
 uerbo: ut cum queritur, postliminium quid sit,
 non dico, quæ sint postliminiij. nam id caderet in
 diuisionē, quæ talis est, Postliminio redeunt hæc,
 homo, nauis, mulus clitellarius, equus, equa
 quæ fræna recipere solet. Sed cum ipsius postli-
 miniij uis queritur, & uerbum ipsum notatur:
 in quo Seruius noster (ut opinor) nihil putat
 esse notandum, nisi post- & liminium illud, pro-
 ductionem esse uerbi uult, ut in finitimo, legi-
 timo.

rimo, aditimo non plus inesse timum, quam in
 meditullio tullium. Scauola autem P. filius iun-
 ctum putat esse uerbum, ut sit in eo & post, &
 limen: ut quæ à nobis alienata sunt cum ad ho-
 stem peruenerint, & ex suo tanquam limine
 exierint, dein cum redierint post ad idem limen,
 postliminio uideantur redisse. Quo in genere
 etiam Mancini causa defendi potest, postlimi-
 nio redisse: deditum non esse, quoniam non sit re-
 ceptus. nam neq; deditionem neque donationem
 sine acceptione intelligi posse. Sequitur is locus
 qui constat ex ijs rebus quæ quodammodo affe-
 ctæ sunt ad id de quo ambigitur, quæ modò dixi
 in plures partes distributum: cuius primus est
 locus ex coniugatione, quam Græci συζυγία
 uocant, finitimus notationi, de qua modò dictū
 est: ut si aquam pluuiam eam modò intelligere-
 mus, quam imbri collectam uideremus, ueniret
 Mutius, qui quia coniugata uerba essent plu-
 uia, & pluendo, diceret omnem aquam oportere
 arceri, quæ pluendo creuisset. Cum autem à
 genere ducetur argumentum, non erit necesse id
 usque à capite arcessere: saepe etiam citra licet,
 dummodo suprâ sit quod sumitur, quam id ad
 quod sumitur: ut aqua pluuia ultimo genere ea
 est, quæ de celo ueniens crescit imbri: sed pro-
 piores loco in quo quasi ius arcendi continetur,
 genus est aqua pluuia nocens: eius generis for-
 ma, loci uitio, & manu nocens: quarum aliqua

iubetur ab arbitro coërceri. altera non iubetur. Commodè etiam tractatur hæc argumentatio quæ ex genere sumitur, cum ex toto persequare partes, hoc modo: Si dolus malus est cum aliud agitur, aliud simulatur: enumerare licet quibus id modis fiat: deinde in eorum aliquem, id quod arguas dolo malo factum, includere: quod genus argumenti in primis firmum uideri solet. Similitudo sequitur, quæ latè patet, sed oratoribus & philosophis magis quàm uobis. Et si enim omnes loci sunt omnium disputationum ad argumenta suppeditanda, tamen alijs disputationibus abundantius occurrunt, alijs angustius. Itaq; genera tibi nota sint: ubi autem his utare, quæstiones ipse te admonebunt. Sunt enim similitudines, quæ ex pluribus collationibus perueniunt quò uolunt: hoc modo: Si tutor fidem præstare debet, si socius, si cui mandaris, si qui fiduciam acceperit, debet etiam procurator. Hæc ex pluribus perueniens quò uult, appellatur inductio, quæ Græce ἰνὰγωγὴ nominatur: quæ plurimum est usus in sermonibus Socrates. Alterum similitudinis genus collatione sumitur, cum una res uni, par pari comparatur, hoc modo, Quemadmodum si in urbe de finibus controuersia est, quia fines magis agrorum uidentur esse quàm urbis finibus regundis adigere arbitrum nō possis: sic si aqua pluvia in urbe nocet, quoniam res tota magis agrorū est, aqua
pluvia

pluuie arcenda adigere non possis arbitrium. Ex eodem similitudinis loco etiam exempla sumuntur, ut Crassus in Curiana causa exempla plurimis usus est, agens de eo qui testamento sic heredem instituisset, ut si filius natus esset in decem mensibus, isque mortuus prius quam in suam tutelam uenisset, secundus habes hereditatem obtinisset: quæ commemoratio exemplorum ualuit, easque uos in respondendo uti multum soletis. Ficta etiam exempla, similitudinis habent uim: sed ea oratoria magis sunt, quam uestra, quanquam uti etiam uos soletis, sed hoc modo. Finge mancipio aliquem dedisse id quod mancipio dari non potest: num idcirco id eius factum est, qui accepit? aut num is qui mancipio dedit, ob eam rem se ulla re obligauit? In hoc genere oratoribus & philosophis concessum est ut multa etiam loquantur, ut mortui ab inferis excitentur, aut aliquid quod fieri nullo modo possit, augenda rei gratia dicatur, aut minuenda, quæ hyberbole dicitur, & multa mirabilia alia. Sed latior est campus illorum, eisdem tamen ex locis (ut ante dixi) & in maximis & in minimis questionibus argumenta ducuntur. Sequitur similitudinem differentia, rei maxime contraria superiori: sed est eiusdem dissimile & simile inuenire. Eius generis hæc sunt. Non quemadmodum quod mulieri debeas, recte ipsi mulieri sine autore autore soluas: ita quod aut pupille: aut

pupillo debeas, rectè possis eodem modo solvere. Deinceps locus est qui à contrario ducitur. Contrariorum autem genera sunt plura. Vnum eorum quæ in eodem genere plurimum differunt: ut sapientia, stultitia. Eodem autem genere dicuntur, quibus propositis occurrunt tanquam è regione quedam contraria, ut celeritati tarditas, non debilitas. ex quibus contrarijs argumenta talia existunt, si stultitiam fugimus, sapientiam sequamur: & bonitatem, si malitiam. Hæc quæ ex eodem genere contraria sunt, appellantur aduersa. Sunt enim alia contraria, quæ priuantia licet appellemus Latine, Græce appellantur *ἐπ' αὐτῆς*. Præpositio enim *IN*, priuat uerbum ea ui quam haberet si *IN* præpositum non fuisset, ut dignitas, indignitas: humanitas, inhumanitas, & cætera generis eiusdem. Quorum tractatio est eadem: quæ superiorum, quæ aduersa dixi. Nam alia quoque sunt contrariorum genera, uelut ea quæ cum aliquo conferuntur, ut duplum, simplex: multa, pauca: longum, breue: maius, minus. Sunt etiam ualde contraria alia, quæ appellantur negantia: ea *ἀντιπαρὶ τῆς* Græci, contraria aientibus: ut, si hoc est, illud non est. Quid enim opus exemplo est? tantum intelligatur argumento querendo, contrarijs omnibus contraria non conuenire. Ab adiunctis autem posui equidem exemplum paulò antè, multa scilicet adiungi, quæ suscipienda essent.

si stat

*si statuissemus ex edicto Prætoris secundum eas
 tabulas possessionē dari, quas is instituisset, cui
 testamenti factio nulla esset. Sed locus hic ma-
 gis ad coniecturales causas, quæ uersantur in
 iudicijs, ualeat, cum queritur quid aut sit, aut
 euenierit, aut futurum sit, aut quid omnino fieri
 possit. Ac loci quidem ipsius forma talis est.
 Admonet autem hic locus, ut queratur quid
 ante rem, quid cum re, quid post rem euenierint.
 Nihil hoc ad ius, ad Ciceronem inquit Gal-
 lus noster, si quis ad eum quid tale retulerat, ut
 de facto quereretur. Tu tamen patiēre nullum
 à me artis instituta locum præteriri: ne si nihil
 nisi quod ad te pertineat, scribendum putaris,
 nimium te amare uideare. Est igitur magna
 ex parte locus hic oratorius, non modò non iu-
 risconsultorum, sed ne philosophorum quidem.
 Ante rem enim queruntur, quæ talia sunt, ap-
 paratus, colloquia: locus, constitutū conuiuium.
 Cum re autem, pedum crepitus, strepitus homi-
 num, corporū umbra: & siquid eiusmodi. Ac
 post rem, rubor, pallor, titubatio, & siqua alia
 signa conturbationis. & conscientia: præterea
 restinctus ignis, gladius cruentus, ceteraq; quæ
 suspicionem facti possunt mouere. Deinceps est
 locus dialecticorū proprius, ex consequentibus
 & antecedentibus & repugnātib; qui etiam
 ab adiunctis longe diuersus est. Nam adiuncta,
 de quibus paulò antè dictum est, non semper*

eueniunt: consequentia autem semper. Ea enim
 dico consequentia, quæ rem necessario consequū-
 tur. Itemq; & antecedentia, & repugnantia.
 Quicquid enim antecedit quāq; rē, id coheret cū
 re necessario: & quicquid repugnat, id eiusmo-
 di est ut coherere nunquā possit. Cum tripartitō
 igitur distribuatur locus hic, in consecutionem,
 antecessionem, repugnantiam: repertiendi argu-
 menti locus simplex est, tractandi triplex. Nam
 quid interest cum hoc sumpseris, pecuniā nume-
 ratam mulieri deberi, cui sit omne argentum le-
 gatum: utrū hoc modo concludas argumentum,
 Si pecunia signata argentum est, legata est mu-
 lieri, est autem pecunia signata argētum: lega-
 ta igitur. An illo modo, Si numerata pecunia
 non est legata, nō est numerata pecunia argen-
 tum: est autem numerata pecunia argētum, le-
 gata igitur est. An illo modo, Non & legatū
 argentum est, & non est legata numerata pe-
 cunia: legatum autem argentiū est, legata igitur
 numerata pecunia est. Appellanti autē Diale-
 ctici eam conclusionem argumenti, in qua cum
 primum sumpseris, consequitur id quod annexū
 est, primum conclusionis modum. Cum id quod
 annexum est, negaris, ut id quoq; cui fuerit an-
 nexum, negandum sit: secundus appellatur con-
 cludendi modus. Cum autem aliqua coniuncta
 negaris, & his alia negatio rursus adiungitur,
 & ex his primū sumpseris, ut quod relinquitur,
 tollend

collendum sit: is tertius appellatur conclusionis
 modus. Ex hoc illa rhetorum sunt ex contrarijs
 conclusa, quæ ipsi enthymemata appellant: non
 quòd non omnis sententia proprio nomine en-
 thymema dicatur, sed ut Homerus propter ex-
 cellentiam còmunè poëtarum nomē efficit apud
 Græcos suum, sic cum omnis sententia enthy-
 mema dicatur, quia uidetur ea quæ ex contra-
 rijs conficiatur, acutissima, sola propriè nomen
 commune possidet. Eius generis hæc sunt, Hunc
 metuere, alterū in metu non ponere. Eam quam
 nihil accusas, damnas: bene quam meritam esse
 autumas, dicis male mereri. Id quod scis, pro-
 dest: nihil id quod nescis obest. Hoc differendi
 genus attingit omnino uestras quoq; in respon-
 dendo disputationes, sed philosophorum magis.
 quibus est cum oratoribus illi ex repugnantibus
 sententijs communis conclusio, quæ à diale-
 cticis tertius modus, à rhetoribus enthymema
 nuncupatur. Reliqui dialecticorum modi plures
 sunt, qui ex disunctionibus constāt. Aut hoc
 aut illud: hoc autem, non igitur illud. Itemq;
 Aut hoc, aut illud: non autem hoc, illud igitur.
 Quæ cōclusiones idcirco ratae sunt, quòd in dis-
 iunctione plus uno uerum esse non potest. Atq;
 ex ijs conclusionibus quas suprà scripsi, prior
 quartus, posterior quintus à dialecticis modus
 appellatur. Deinde addunt coniunctionum ne-
 gantiam, sic, Nō & hoc, & illud hoc autē, non
 igitur

igitur illud. hic modus est sextus. Septimus autem, Non & hoc, & illud: non autem hoc, illud igitur. Ex his modis conclusiones innumerabiles nascuntur, in quo est ferè tota dialectica. Sed ne ea quidem quas exposui, ad hanc institutionem necessariae. Proximus est locus rerum efficientium, quae causa appellantur: deinde rerum effectarum ab efficientibus causis. Harum exempla, ut reliquorum locorum, paulò antè posui, & quidem ex iure civili, sed haec patent latius. Causarum igitur genera duo sunt. Vnum, quod in sua id quod sub ea subiectum est, certè efficit, ut ignis accendit. Alterum, quod naturam efficiendi non habeat, sed sine quo effici non possit: ut si quis es causam statua velit dicere, quod sine eo non possit effici. Huius generis causarum, sine quo non efficitur, alia sunt quiescentia, nihil agentia, stolidia quodammodo, ut locus, tempus, materia, ferraamenta, & cetera generis eiusdem. Alia autem praecursionem quandam adhibent ad efficiendum, & quaedam afferunt per se adiuvantia, etsi non necessaria: ut amor congressio causam attulerit, amor flagitio. Ex hoc genere causarum ex aeternitate pendentium fatum à Stoicis necitur. Atque ut earum causarum sine quibus effici non potest, genera diuisi, sic etiam efficientium diuidi possunt. Sunt enim alia causa quae planè efficiant nulla re adiuvante: alia quae adiuvari velint: ut sapientia

tia efficit sapientes sola per se : beatos efficiat
 necne sola per se, quæstio est. Quare cum in di-
 sputationem inciderit causa efficiens aliquid ne-
 cessario, sine dubitatione licebit quod efficitur
 ab ea causa concludere. Cum autem erit talis
 causa, ut in ea non sit efficiendi necessitas, ne-
 cessaria conclusio non sequitur. Atq; illud qui-
 dem genus causarum quod habet vim efficien-
 di necessariam, errorem asferre non ferè solet:
 hoc autem sine quo non efficitur, sæpe contur-
 bat. Non enim si sine parentibus filij esse nõ pos-
 sunt, propterea causa fuit in parentibus pignè-
 di necessaria. Hoc igitur sine quo non fit, ab eo
 in quo certè fit, diligenter separandum. Illud
 enim est tanquam, Vinam ne in nemore Pelio.
 securibus Casæ cecidissent abiugæ ad terram
 trabes. nisi enim cecidissent abiugæ ad terram
 trabes, Argo illa facta non esset : nec tamen
 fuit in his trabibus efficiendi vis necessaria. At
 cum in Aiæcis nauim crispisulcans igneum
 fulmen iniectum est, inflammatur navis neces-
 sario. Atq; etiam est causarum dissimilitudo,
 quod aliæ sunt ut sine ulla appetitione animi,
 sine uoluntate, sine opinione, suum quasi opus
 efficiant, uelut omne intereat, quod orium est.
 Aliæ autem aut uoluntate efficiuntur, aut per-
 turbatione animi, aut habitu, aut natura, aut
 arte, aut casu. Voluntate, ut in cum hunc libel-
 lum legis. Perturbatione, ut si quis. euentum ho-

rum temporū timeat. *Habitu*, ut facile & citò irascatur. *Natura*, ut vitū in dies crescat. *Arte*, ut bene pingat. *Casu*, ut prosperè nauiget. Nihil horum sine causa, nec quicquam omnino, sed huiusmodi causæ non necessariae. Omnium autem causarum in alijs inest constantia, in alijs non inest. In natura & in arte constantia est, in ceteris nulla. Sed tamen earum causarum quæ non sunt constantes, aliæ sunt perspicuæ, aliæ latent. Perspicuæ sunt, quæ appetitionem animi iudiciūq; tangunt. Latent, quæ subiectæ sunt fortune. Cū enim nihil sine causa fiat, hoc ipsum est fortune, euentus obscura causa, quæ latenter efficit. Etiam ea quæ sunt, partim sunt ignorata, partim uoluntaria. Ignorata, quæ necessitate effecta sunt; uoluntaria, quæ consilio. Quæ autem fortuna, uel ignorata, uel uoluntaria. Nam iacere telum, uoluntatis est: ferire quem nolueris, fortuna. Ex quo aries ille subiicitur in uestris actionibus, si telum manu fugit, magis quam iecit. Cadunt enim in ignoracionem atq; in imprudentiam perturbationes animi: quæ quanquam sint uoluntariæ (obiurgatione enim & admonitione deiciuntur) tamen habent tantos motus, ut ea quæ uoluntaria sunt, aut necessaria interdum, aut citè ignorata uideantur. Toto igitur loco causarum explicato, ex earum diff. rentia in magnis quidem causis uel oratorū uel phil. sophorum magna argumentorum suppetit

petit copia. In uestris autem si non uberior, at
fortasse subtilior. Priuata enim iudicia maxi-
marum quidem rerum, in iurisconsultorum mihi
uidentur esse prudentia. Nam & adsunt mul-
tum, & adhibentur in consilio, & patronis di-
ligentibus ad eorum prudentiam confugientibus
hastas ministrat. In omnibus igitur ijs iudijs,
in quibus ex fide bona est additum, plurimus
earum usus est. Vbi uerò etiam, ut inter bonos
bene agi oportet, in primisq; in arbitrio rei ux-
oria, in quo est quid equius melius, parati esse
debent. Illi enim dolū malum, illi fidem bonam:
illi equum bonum. illi quid socium socio, quid
eum qui negotia aliena curasset, ei cuius ea ne-
gotia fuissent, quid eum qui mandasset, eumue
cui mandatum esset, alterum alteri præstare
oporteret, quid uirum uxori, quid uxorem uiro,
tradiderunt. Licet igitur diligenter cogni-
tis argumentorum locis non modo oratoribus
& philosophis, sed iuris etiam peritis copiose
de consultationibus suis disputare. Coniunctus
huic causarum loco locus ille est, qui efficitur ex
causis. Vt enim causa quid sit effectum indicat,
sic quod effectum est, quæ fuerit causa demon-
strat. Hic locus suppeditare solet oratoribus &
poëtis, sæpe etiam philosophis, sed ijs qui orna-
te, & copiose loqui possunt, mirabilem copiam
dicendi: cum denuntiant quid ex quaq; re sit
futurum. Causarum enim cognitio, cognitionem
euenit

uentorum facit. Reliquus est comparationis locus, cuius genus & exemplum supra positum est, ut ceterorum: nunc explicanda tractatio est. Comparantur igitur ea quæ aut maiora, aut minora, aut paria dicuntur: in quibus spectantur hæc: numerus, species, uis, quedam etiam ad res aliquas affectio. Numero sic comparabuntur, ut plura bona paucioribus bonis anteponan- tur, pauciora mala malis pluribus, diuturniora bona breuioribus, longè & latè peruagata angustis, ex quibus plura bona propagentur, quæq; plures imitentur & faciant. Specie autem com- parantur, ut anteponantur quæ propter se expe- tenda sunt ijs quæ propter aliud: & ut innata atq; insita, assumptis & aduentitijs: integra con- taminatis: incunda, minus incundis: honesta, ipsis etiam utilibus: procliuia, laboriosis neces- saria, non necessarijs: sua, alienis: rara, uulgari- bus: desiderabilia, ijs quibus facile carere pos- sis: perfecta, inchoatis, tota, partibus: ratione utentia, rationis expertibus: uoluntaria neces- sarijs: animata, inanimatis: naturalia, non natu- ralibus: artificiosa, non artificiosis. Vis autem in cõparatione sic cernitur, efficiens causa grauior, quàm non efficiens: quæ se ipsis contenta sunt, meliora quàm quæ egent alijs: quæ in nostra, quàm quæ in aliorum potestate sunt: stabilia, incertis: quæ eripi non possunt, ijs quæ possunt. Affectio autem ad res aliquas est huiusmodi,

princ

principum commoda maiora, quàm reliquorum:
 itemq; quæ iucundiora, quæ pluribus probata,
 quæ ab optimo quoq; laudata. Atq; ut hæc in
 comparatione meliora, sic deteriora quæ ijs sunt
 contraria. Parium autem comparatio nec cla-
 rionem habet, nec submissionem: est enim aqua-
 lis. Multa autem sunt quæ aequalitate ipsa com-
 parantur, quæ ita serè concluduntur: Si consilio
 iuuare ciues, & auxilio, æqua in laude ponen-
 dum est: pari gloria debent esse ij qui consulunt,
 & ij qui defendunt. at quod primum, est: quod
 sequitur igitur. Perfecta est omnis argumen-
 tum inueniendorum præceptio, ut cum profe-
 ctus sis à definitione, à partitione, à notatione,
 à coniugatis, à genere, à forma, à similitudine,
 à differentia, à contrarijs, ab adiunctis, à conse-
 quentibus, ab antecedentibus, à repugnantibus,
 à causis, ab effectis, à comparatione maiorum,
 minorum, parium: nulla præterea sedes argu-
 menti querenda sit. Sed quoniam ita à principio
 diuisimus, ut alios locos diceremus in eo ipso de
 quo ambigitur, hæere, de quibus satis est di-
 ctum, alios assumi extrinsecus: de ijs pauca di-
 camus, etsi ea nihil omnino ad nostras disputa-
 tiones pertinent: sed tamen totam rem perficia-
 mus, quandoquidem cœpimus. Neq; enim tu is
 es, quem nihil nisi ius ciuile delectet: & quo-
 niam ad te hæc ita scribuntur, ut etiam in alio-
 rum manus sint uentura, detur opera, ut quam-

plurimum ijs quos recta studia delectant, prodesse possimus. Hac ergo argumentatio quæ dicitur artis expertis, in testimonio posita est. Testimonium autem nunc dicimus omne quod ab aliqua externa re sumitur ad faciendam fidem. Persona autem non qualiscunq; testimoniij pondus habet. ad fidem enim faciendam autoritas queritur. Sed autoritatem aut natura aut tempus affert. Natura autoritas in uirtute inest maxime. In tempore autem multa sunt quæ afferant autoritatem, ingenium, opes, ætas, fortuna, ars, usus, necessitas, concursio etiam nonnunquam rerum fortuitarum. Nam & ingeniosos, & opulentos, & ætatis spatio probatos, dignos quibus credatur, putant, non rectè fortasse: sed uulgi opinio mutari uix potest, ad eamq; omnia dirigunt & qui iudicant, & qui existimant. qui enim his rebus quas dixi excellunt, ipsa uirtute uidentur excellere. Sed reliquis quoq; rebus quas modo numeravi, quanquam in ijs nulla species uirtutis est, tamen interdum confirmatur fides, si aut ars quedam adhibetur (magna enim est uis ad persuadendum scientiæ) aut usus. Ple-rumq; enim creditur ijs qui experti sunt. Facit etiam necessitas fidem, quæ cum à corporibus, tum ab animis nascitur. Nam & uerberibus torti, in igni fatigati quæ dicunt, ea uidetur ueritas ipsa dicere: & quæ à perturbationibus animi sunt, dolore, cupiditate, iracundia, metu, quia necessi-

tatis

ratis vim habent, afferunt autoritatē & fidem.
 Cuius generis etiam illa sunt, ex quibus nonnum-
 quam uerum inuenitur, pueritia, somnus, impru-
 dencia, uinolentia, insania. Nam & pueri saepe
 indicauerunt aliquid, ad quod pertineret, gna-
 ri: & per somnum, uinum, insaniam, multa saepe
 patefacta sunt. Multi etiam in res odiosas im-
 prudentes inciderunt: ut Stalurio nuper accidit,
 qui ea locutus est bonis uiris subauscultantibus
 pariete interposito, quibus patefactis, in indi-
 ciumq; prolatis, rei capitalis iure damnatus est.
 Huic simile quiddam de Zaccademonio Pausa-
 nia accepimus. Concurfusio autem fortuitorum ta-
 lis est, ut si interuentum est casu cum aut agere-
 tur aliquid quod proferendum non esset, aut di-
 cretur. In hoc genere etiam illa est in Palame-
 dem coniecta suspicionum proditionis multitu-
 do. quod genus refutare interdum ueritas uix po-
 test. Huius etiam generis est fama uulgi, quod-
 dam multitudinis testimonium. Quae autem uir-
 tute fidem faciunt, ea bipartita sunt: ex quibus
 alterum natura ualet, alterum industria. Deo-
 rum enim uirtus natura excellit, hominum au-
 tem industria. Diuina haec serè sunt testimonia:
 Primū orationis. oracula enim ex eo ipso appel-
 lata sunt, quòd inest in his deorū oratio. Deinde
 rerum in quibus insunt quasi opera diuina qua-
 dam. Primum ipse mundus, eiusq; omnis ordo
 & ornatus: deinceps acrei uolatus animi atq;

pupillo debeas, rectè possis eodem modo soluere. Deinceps locus est qui à contrario ducitur. Contrariorum autem genera sunt plura. Vnum eorum quæ in eodem genere plurimum differunt: ut sapientia, stultitia. Eodem autem genere dicuntur, quibus propositis occurrunt tanquam è regione quedam contraria, ut celeritati tarditas, non debilitas. ex quibus contrarijs argumenta talia existunt, Si stultitiam fugimus, sapientiam sequamur: & bonitatem, si malitiam. Hæc quæ ex eodem genere contraria sunt, appellantur aduersa. Sunt enim alia contraria, quæ priuantia licet appellemus Latine, Græce appellantur *γενήματα*. Prepositio enim *IN*, priuat uerbum ea ui quam haberet si *IN* prepositum non fuisset, ut dignitas, indignitas: humanitas, inhumanitas, & cætera generis eiusdem. Quorum tractatio est eadem quæ superiorum, quæ aduersa dixi. Nam alia quoque sunt contrariorum genera, uelut ea quæ cum aliquo conferuntur, ut *ἀπλὸν*, *σπλὴν*: multa, pauca: longū, breue: maius, minus. Sunt etiam ualde contraria alia, quæ appellantur negantia: ea *ἀποφατικά* Græci, contraria aientibus: ut, si hoc est, illud non est. Quid enim opus exemplo est? tantum intelligatur argumento quarendo, contrarijs omnibus contraria non conuenire. Ab adiunctis autem posui equidem exemplum paulò antiè, multa scilicet adiungi, quæ suscipienda essent, si stat

*si statuissemus ex edicto Prætoris secundum eas
 tabulas possessionē dari, quas is instituisset, cui
 testamenti factio nulla esset. Sed locus hic ma-
 gis ad coniecturales causas, quæ uersantur in
 iudicijs, ualet, cum queritur quid aut sit, aut
 euenierit, aut futurum sit, aut quid omnino fieri
 possit. Ac loci quidem ipsius forma talis est.
 Admonet autem hic locus, ut queratur quid
 ante rem, quid cum re, quid post rem euenierint.
 Nihil hoc ad ius, ad Ciceronem inquit Gal-
 lus noster, si quis ad eum quid tale retulerat, ut
 de facto quereretur. Tu tamen patiēre nullum
 à me artis instituta locum præteriri: ne si nihil
 nisi quod ad te pertineat, scribendum putaris,
 nimium te amare uideare. Est igitur magna
 ex parte locus hic oratorius, non modò non iu-
 risconsultorum, sed ne philosophorum quidem.
 Ante rem enim queruntur, quæ talia sunt, ap-
 paratus, colloquia: locus, constitutū conuiuium.
 Cum re autem, pedum crepitus, strepitus homi-
 num, corporū umbra: & siquid eiusmodi. Ac
 post rem, rubor, pallor, titubatio, & siqua alia
 signa conturbationis. & conscientia: præterea
 restinctus ignis, gladius cruentus, ceteraq; quæ
 suspicionem facti possunt mouere. Deinceps est
 locus dialecticorū proprius, ex consequentibus
 & antecedentibus & repugnātib: qui etiam
 ab adiunctis longe diuersus est. Nam adiūcta,
 de quibus paulò antè dictum est, non semper*

eueniunt: consequentia autem semper. Ea enim
 dico consequentia, quæ rem necessario consequū-
 tur. Itemq; & antecedentia, & repugnantia.
 Quicquid enim antecedit quāq; rē, id coheret cū
 re necessario: & quicquid repugnat, id eiusmo-
 di est ut coherere nunquā possit. Cum tripartitō
 igitur distribuatur locus hic, in consecutionem,
 antecessionem, repugnantiam: repertiendi argu-
 menti locus simplex est, tractandi triplex. Nam
 quid interest cum hoc sumpseris, pecuniā nume-
 ratam mulieri deberi, cui sit omne argentum le-
 gatum: utrū hoc modo concludas argumentum,
 Si pecunia signata argentum est, legata est mu-
 lieri, est autem pecunia signata argētum: lega-
 ta igitur. An illo modo, Si numerata pecunia
 non est legata, nō est numerata pecunia argen-
 tum: est autem numerata pecunia argētum, le-
 gata igitur est. An illo modo, Non & legata
 argentum est, & non est legata numerata pe-
 cunia: legatum autem argētū est, legata igitur
 numerata pecunia est. Appellanti autē Diale-
 ctici eam conclusionem argumenti, in qua cum
 primum sumpseris, consequitur id quod annexū
 est, primum conclusionis modum. Cum id quod
 annexum est, negaris, ut id quoq; cui fuerit an-
 nexum, negandum sit: secundus appellatur con-
 cludendi modus. Cum autem aliqua coniuncta
 negaris, & his alia negatio rursus adiungitur,
 & ex his primū sumpseris, ut quod relinquitur,
 tollend

tollendum sit: is tertius appellatur conclusionis
 modus. Ex hoc illa rhetorum sunt ex contrarijs
 conclusa, quæ ipsi enthymemata appellant: non
 quòd non omnis sententia proprio nomine en-
 thymema dicatur, sed ut Homerus propter ex-
 cellentiam còmunè poëtarum nomē efficit apud
 Græcos suum, sic cum omnis sententia enthy-
 mema dicatur, quia uidetur ea qua ex contra-
 rijs conficiatur, acutissima, sola proprie nomen
 commune possidet. Eius generis hæc sunt, Hunc
 metuerè, alterū in metu non ponere. Eam quam
 nihil accusas, damnas: bene quam meritam esse
 autumas, dicis male mereri. Id quod scis, pro-
 dest: nihil id quod nescis obest. Hoc differendi
 genus attingit omnino uestras quoq; in respon-
 dendo disputationes, sed philosophorum magis.
 quibus est cum oratoribus illi ex repugnantibus
 sententijs communis conclusio, quæ à diale-
 cticis tertius modus, à rhetoribus enthymema
 nuncupatur. Reliqui dialecticorum modi plures
 sunt, qui ex disiunctionibus constāt. Aut hoc
 aut illud: hoc autem, non igitur illud. Nemq;
 Aut hoc, aut illud: non autem hoc, illud igitur.
 Quæ cōclusiones idcirco ratae sunt, quòd in dis-
 iunctione plus uno uerum esse non potest. Atq;
 ex ijs conclusionibus quas suprà scripsi, prior
 quartus, posterior quintus à dialecticis modus
 appellatur. Deinde addunt coniunctionum ne-
 gantiam, sic, Nō & hoc, & illud hoc autē, non
 igitur

igitur illud. hic modus est sextus. Septimus autem, Non & hoc, & illud: non autem hoc, illud igitur. Ex his modis conclusiones innumerabiles nascuntur, in quo est scilicet tota dialectica. Sed ne ea quidem quas exposui, ad hanc institutionem necessariae. Proximus est locus rerum efficientium, quae causa appellantur: deinde rerum effectarum ab efficientibus causis. Harum exempla, ut reliquorum locorum, paulò ante posui, & quidem ex iure civili, sed haec patent latius. Causarum igitur genera duo sunt. Unum, quod in sua id quod sub ea subiectum est, certè efficit, ut ignis accendit. Alterum, quod naturam efficiendi non habeat, sed sine quo effici non possit: ut si quis ares causam statuæ velit dicere, quòd sine eo non possit effici. Huius generis causarum, sine quo non efficitur, alia sunt quicquid, nihil agentia, stolidi quodammodo, ut locus, tempus, materia, ferraamenta, & cetera generis eiusdem. Alia autem praecursionem quandam adhibent ad efficiendum, & quadam afferunt per se adiuvantia, etsi non necessaria: ut amor congressio causam attulerit, amor flagitio. Ex hoc genere causarum ex aeternitate pendentium fatum à Stoicis nequitur. Atque ut earum causarum sine quibus effici non potest, genera diuisi, sic etiam efficientium diuidi possunt. Sunt enim alia causa quae planè efficiant nulla re adiuvante: alia quae adiuvari velint: ut sapien-

tia efficit sapientes sola per se : beatos efficiat
 necne sola per se, quæstio est. Quare cum in di-
 sputationem inciderit causa efficiens aliquid ne-
 cessario, sine dubitatione licebit quod efficitur
 ab ea causa concludere. Cum autem erit talis
 causa, ut in ea non sit efficiendi necessitas, ne-
 cessaria conclusio non sequitur. Atq; illud qui-
 dem genus causarum quod habet vim efficien-
 di necessariam, errorem asferre non serè solet:
 hoc autem sine quo non efficitur, sæpe contur-
 bat. Non enim si sine parentibus filij esse nõ pos-
 sunt, propterea causa fuit in parentibus gignē-
 di necessaria. Hoc igitur sine quo non fit, ab eo
 in quo certè fit, diligenter separandum. Illud
 enim est tanquam, Vinam ne in nemore Pelio
 securibus Casæ cecidissent abiugæ ad terram
 trabes. nisi enim cecidissent abiugæ ad terram
 trabes, Argo illa facta non esset : nec tamen
 fuit in his trabibus efficiendi vis necessaria. At
 cum in Aiæcis nauim crispisulcans igneum
 fulmen iniectum est, inflammatur navis neces-
 sario. Atq; etiam est causarum dissimilitudo,
 quod alie sunt ut sine ulla appetitione animi,
 sine uoluntate, sine opinione, suum quasi opus
 efficiant, uelut omne intereat, quod ortum est.
 Alie autem aut uoluntate efficiuntur, aut per-
 turbatione animi, aut habitu, aut natura, aut
 arte, aut casu. Voluntate, ut tu cum hunc libel-
 lum legis. Perturbatione, ut si quis euentum ho-

rum temporū timeat. Habitu, ut facile & citò irascatur. Natura, ut vitium in dies crescat. Arte, ut bene pingat. Casu, ut prosperè nauiget. Nihil horum sine causa, nec quicquam omnino, sed huiusmodi causæ non necessarie. Omnium autem causarum in alijs inest constantia, in alijs non inest. In natura & in arte constantia est, in ceteris nulla. Sed tamen earum causarum quæ non sunt constantes, aliæ sunt perspicuæ, aliæ latentes. Perspicuæ sunt, quæ appetitionem animi iudiciumq; tangunt. Latent, quæ subiectæ sunt fortune. Cū enim nihil sine causa fiat, hoc ipsum est fortune, euentus obscura causa, quæ latenter efficit. Etiam ea quæ sunt, partim sunt ignorata, partim uoluntaria. Ignorata, quæ necessitate effecta sunt; uoluntaria, quæ consilio. Quæ autem fortuna, uel ignorata, uel uoluntaria. Nam iacere telum, uoluntatis est: ferire quem nolu- ris, fortuna. Ex quo aries ille subicitur in ue- stris actionibus, si telum manu fugit, magis quàm iecit. Cadunt enim in ignorationem atq; in imprudentiam perturbationes animi: quæ quanquam sint uoluntariæ (obiurgatione enim & admonitione deiciuntur) tamen habent tan- tos motus, ut ea quæ uoluntaria sunt, aut neces- saria interdum, aut certè ignorata uideantur. Toto igitur loco causarum explicato, ex earum diff. rentia in magnis quidem causis uel oratorū uel phil. sophorum magna argumentorum sup- petit

357
petit copia. In uestris autem si non uberior, ac
fortasse subtilior. Priuata enim iudicia maxi-
marum quidem rerum, in iurisconsultorum mihi
uidentur esse prudentia. Nam & adsunt mul-
tum, & adhibentur in consilio, & patronis di-
ligentibus ad eorum prudentiam confugientibus
hastas ministrat. In omnibus igitur iis iudijs,
in quibus ex fide bona est additum, plurimus
earum usus est. Vbi uero etiam, ut inter bonos
bene agi oportet, in primisq; in arbitrio rei ux-
oris, in quo est quid equius melius, parati esse
debent. Illi enim dolū malum, illi fidem bonam:
illi equum bonum. illi quid socium socio, quid
eum qui negotia aliena curasset, ei cuius ea ne-
gotia fuissent, quid eum qui mandasset, eumue
cui mandatum esset, alterum alteri præstare
oporteret, quid uirum uxori, quid uxorem uiro,
tradiderunt. Hicbit igitur diligenter cogni-
tis argumentorum locis non modo oratoribus
& philosophis, sed iuris etiam peritis copiose
de consultationibus suis disputare. Coniunctus
huic causarum loco locus ille est, qui efficitur ex
causis. Vt enim causa quid sit effectum indicat,
sic quod effectum est, quæ fuerit causa demon-
strat. Hic locus suppeditare solet oratoribus &
poëtis, sæpe etiam philosophis, sed iis qui orna-
te, & copiose loqui possunt, mirabilem copiam
dicendi: cum denuntiant quid ex quaq; re sit
futurum. Causarum enim cognitio, cognitionum
euent

uentorum facit. Reliquus est comparationis locus, cuius genus & exemplum supra positum est, ut ceterorum: nunc explicanda tractatio est. Comparantur igitur ea quæ aut maiora, aut minora, aut paria dicuntur: in quibus spectantur hæc. numerus, species, uis, quedam etiam ad res aliquas affectio. Numero sic comparabuntur, ut plura bona paucioribus bonis anteponantur, pauciora mala malis pluribus, diuturniora bona breuioribus, longè & latè peruagata angustis, ex quibus plura bona propagentur, quæque plures imitentur & faciant. Specie autem comparantur, ut anteponantur quæ propter se expectanda sunt ijs quæ propter aliud: & ut innata atque insita, assumptis & aduentitijs: integra contaminatis: incunda, minus incundis: honesta, ipsis etiam utilibus: procliuia, laboriosis necessaria, non necessarijs: sua, alienis: rara, uulgariibus: desiderabilia, ijs quibus facile carere possis: perfecta, inchoatis, tota, partibus: ratione utentia, rationis expertibus: uoluntaria necessarijs: animata, inanimatis: naturalia, non naturalibus: artificiosa, non artificiosis. Vis autem in cōparatione sic cernitur, efficiēs causa grauior, quàm non efficiens: quæ se ipsis contenta sunt, meliora quàm quæ egent alijs: quæ in nostra, quàm quæ in aliorum potestate sunt: stabilia, incertis: quæ eripi non possunt, ijs quæ possunt. Affectio autem ad res aliquas est huiusmodi,

prin

principum commoda maiora, quàm reliquorum:
 itemq; quæ iucundiora, quæ pluribus probata,
 quæ ab optimo quoq; laudata. Atq; ut hæc in
 comparatione meliora, sic deteriora quæ ijs sunt
 contraria. Parium autem comparatio nec elationem
 habet, nec submissionem: est enim aequalis.
 Multa autem sunt quæ aequalitate ipsa comparantur,
 quæ ita ferè concluduntur: Si consilio
 iuuare ciues, & auxilio, æqua in laude ponendum
 est: pari gloria debent esse ij qui consulunt,
 & ij qui defendunt. at quod primum, est: quod
 sequitur igitur. Perfecta est omnis argumentorum
 inueniendorum præceptio, ut cum profectus sis à
 definitione, à partitione, à notatione, à coniugatis,
 à genere, à forma, à similitudine, à differentia,
 à contrarijs, ab adiunctis, à consequentibus,
 ab antecedentibus, à repugnantibus, à causis,
 ab effectis, à comparatione maiorum, minorum,
 parium: nulla præterea sedes argumenti
 querenda sit. Sed quoniam ita à principio diuisimus,
 ut alios locos diceremus in eo ipso de quo
 ambigitur, herere, de quibus satis est dictum,
 alios assumi extrinsecus: de ijs pauca dicamus,
 etsi ea nihil omnino ad nostras disputationes
 pertinent: sed tamen totam rem perficiamus,
 quandoquidem cœpimus. Neq; enim tu is es,
 quem nihil nisi ius ciuile delectet: & quoniam
 ad te hæc ita scribuntur, ut etiam in aliorum
 manus sint uentura, detur opera, ut quam-

ratis uim habent, afferunt auctoritatē & fidem.
 Cuius generis etiam illa sunt, ex quibus nonnun-
 quam uerum inuenitur, pueritia, somnus, impru-
 dentia, uinolentia, insania. Nam & pueri saepe
 indicauerunt aliquid, ad quod perimeret, gna-
 ri: & per somnum, uinum, insaniam, multa saepe
 patefacta sunt. Azulei etiam in res odiosas im-
 prudentes inciderunt: ut Scalario nuper accidit,
 qui ea locutus est bonis uiris subauscultantibus
 pariete interposito, quibus patefactis, in indi-
 ciumq; prolatis, rei capitalis iure damnatus est.
 Huic simile quiddam de Zaccdamonio Pausa-
 nia accepimus. Concurfusio autem fortuitorum ta-
 lis est, ut si interuentum est casu cum aut agere-
 tur aliquid quod proferendum non esset, aut di-
 cretur. In hoc genere etiam illa est in Palame-
 dem coniecta suspicionum proditiōis multitu-
 do. quod genus refutare interdum ueritas uix po-
 test. Huius etiam generis est fama uulgi, quod-
 dam multitudinis testimonium. Quae autem uir-
 tute fidem faciunt, ea bipartita sunt: ex quibus
 alterum natura ualet, alterum industria. Deo-
 rum enim uirtus natura excellit, hominum au-
 tem industria. Diuina haec serè sunt testimonia:
 Primū orationis. oracula enim ex eo ipso appel-
 lata sunt, quod inest in his deorū oratio. Deinde
 rerum in quibus insunt quasi opera diuina qua-
 dam. Primum ipse mundus, eiusq; omnis ordo
 & ornatus: deinceps aërei uolatus animi atq;

cantus, deinde eiusdem aëris sonitus & ardo-
res: multarumq; rerum in terra portenta, atq;
etiam per exta inuenta præsensio: à dormienti-
bus quoque multa significata uisis. quibus ex
locis sumi interdum solent ad fidem faciendam
testimonia deorum. In homine uirtutis opinio
ualet plurimum. Opinio autem est, non modo
eos uirtutem habere qui habeant, sed eos etiam
qui habere uideantur. Itaq; quos ingenio, quos
studio, quos doctrina præditos uident, quorumq;
uitam constantem & probatam, ut Catonis,
Lælij, Scipionis, aliorumq; plurium, rentur
eos esse quales se ipsi uelint. Nec solum eos cen-
sent tales esse, qui in honoribus populi atq; in
Repub. uersantur: sed & oratores, & philoso-
phos, & poëtas, & historicos, ex quorum &
doctis & scriptis sæpe autoritas petitur ad fa-
ciendam fidem

EXPOSITIS omnibus argumentandi lo-
cis, illud primum intelligendum est, nec ullam esse
disputationem, in quā non aliquis locus incur-
rat, nec serè omnes locos incidere in omnem qua-
stionem: & quibusdam questionibus alios, qui-
busdam esse alios aptiores locos. Questionum
duo sunt genera: alterum infinitum, alterum defi-
nitum. Definitum est quod ὑπόθεσις Græci, nos
causam infinitum, quod δ᾽ ὁσις illi appellant, nec
propositum possumus nominare. Causa certis
personis, locis, temporibus, actionibus, negotijs
cern

cernitur, aut in omnibus, aut in plerisque eorum: propositum autem in aliquo eorum, aut in pluribus, nec tamen in maximis. Itaque propositum, pars causæ est. Sed omnis quæstio earum aliqua de re est, quibus causæ continentur, aut una, aut pluribus, aut nonnunquam omnibus. Quæstionum autem, quacumque de re sint, duo sunt genera: unum cognitionis, alterum actionis. Cognitionis sunt hæc, quarum finis est scientia: ut si queratur, à naturæne ius profectum sit, an ab aliqua quasi conditione hominum & pactione. Actionis autem eiusmodi exempla sunt, Sitne sapientis ad Remp. accedere. Cognitionis quæstiones tripartitæ sunt, cum an sit, aut quid sit, aut quale sit queritur. Horum primum coniectura, secundum definitione, tertium iuris & iniuriæ distinctione explicatur. Coniectura ratio in quatuor partes distributa est: quarum una est cum queritur, sit ne aliquid. Altera, unde ortum sit. Tertia, qua id causa effecerit. Quarta, in qua de mutatione rei queritur, sit necne, sic, Ecquidnam honestum sit, ecquid æquum reuera, an hæc tantum in opinione sint. Unde autem sit ortum, ut cum queritur, natura, an doctrina possit effici virtus. Causa autem efficiens sic, ut cum queritur quibus rebus eloquentia efficiatur. De commutatione sic: Possitne eloquentia commutatione aliqua conuersti in insantiã. Cum autem quid sit queritur, notio explicanda est,

Et proprietates, Et diuisio, Et partitio. Hæc enim
 sunt definitioni attributa. Additur etiam de-
 scriptio, quam Græci χαρακτήρæ uocant. No-
 tio sic queritur, Siue id æquum, quod ei qui plus
 potest, utile est. Proprietas sic. In hominemne
 solum cadat, an etiam in belluas egritudo. Di-
 uisio, Et eodem pacto partitio, sic, Triane gene-
 ra bonorum sint. Descriptio, qualis sit auarus,
 qualis assentator, ceteraq; eiusdem generis, in
 quibus natura Et uita describitur. Cum autem
 queritur quale quid sit, aut simpliciter queri-
 tur, aut comparatè: Simpliciter, expetendane sit
 gloria: Comparatè, præponendane sit diuitijs glo-
 ria. Simplicium tria genera sunt, de expetenda
 fugiendoq; de æquo Et iniquo, de honesto Et tur-
 pi. Comparationum autem duo, unum de eodem
 Et alio, alterum de maiore Et minore. De ex-
 petendo Et fugiendo, huiusmodi, Si expetende
 diuitis, si fugienda paupertas. De æquo Et ini-
 quo, æquumne sit ulcisci à quocunq; iniuriam
 acceperis. De honesto Et turpi, honestumne sit
 pro patria mori. Ex altero autem genere quod
 erat bipartitum, unum est de eodem Et alio: ut
 si queratur quid intersit inter amicum Et as-
 sentatorem, regem Et tyrannum. Alterum de
 maiore Et minore: ut si queratur eloquentiæ
 pluri sit, an iuris ciuili scientia. De cognitio-
 nis questionibus hætenus. Actionis reliquæ
 sunt, quarum duo sunt genera, unum ad officiū,
 alter

alterum ad motum animi uel gignendum uel sedandum, plariue tollendum. Ad officium sicut cum queritur suscipiendūne sint liberi. Ad mouendos animos, cum sunt cohortationes ad defendendam Rempub. ad gloriam, & ad laudem. quo ex genere sunt querelæ, incitationes, miserationesq; flebiles: rursusq; oratio cum iracundiam restringens, tum metum eripiens, tum exultantem lætitiā comprimens, tum agnitūdinem abstergens. Hæc cum in propositis questionibus genera sint, eadem in causis transferuntur. Loci autem qui ad quasq; questiones accommodati sunt, deinceps est uidendum. Omnes illi quidem quos supra diximus, ad plerasq; sunt, sed alij ad alias, ut dixi, aptiores. Ad coniecturam igitur maximè apta, quæ ex causis, quæ ex effectis, quæ ex coniunctis sumi possunt. Ad definitionem autem pertinet ratio & scientia definiendi. Atq; huic generi finitimum est illud quod appellari de eodem et alio diximus, quod genus forma quadam definitionis est. Si enim queratur idēne sit pertinacia & perseverantia, definitionibus indicandum est. Loci autem conuenient in eius generis questionē consequentes, antecedentes, repugnantes, adiunctis etiam duobus ijs qui sumuntur ex causis & effectis. Nam si hanc rem illa sequitur, hanc autem non sequitur: aut si huic rei illa antecedit, huic non antecedit: aut si huic rei repugnat, illi non

repugnat: aut si huius rei hac, illius alia causa est: aut si ex alio hoc, ex alio illud effectum est: ex quouis horum id de quo queritur, idemne an aliud sit, inueniri potest. Ad tertium genus questionis in quo quale sit queritur, in comparisonem ea cadunt, quae paulò antè in comparisonis loco enumerata sunt. In id autem genus in quo de expetendo fugiendoq; queritur, adhibentur ea quae sunt aut animi, aut corporis, aut externa uel commoda uel incommoda. Itemq; cum de honesto turpiq; queritur, ad animi bona uel mala omnis dirigenda oratio est. Cum autem de aequo & iniquo differitur, aequitatis loci colligantur. hi cernuntur bipartito, & natura, & instituto. Natura partes habet duas, tuitionem sui, & ulciscendi ius. Institutio autè aequitatis tripartita est: Una pars legitima est, altera conueniens, tertia moris uetustate confirmata. Atq; etiam rursus aequitas tripartita dicitur esse: una ad superos deos, altera ad manes, tertia ad homines pertinere. prima pietas, secunda sanctitas, tertia iustitia aut aequitas nominatur. De proposito satis multa: deinceps de causa pauciora dicenda sunt, pleraq; enim sunt ei cum proposito communia. Tria sunt igitur genera causarum, iudicij, deliberationis, laudationis: quarum fines ipsi declarant quibus utendum locis sit. Nam iudicij finis ius est, ex quo etiam nomen. Iuris autem partes tum expositio, tum
equi

aquitas. Deliberandi finis, utilitas, cuius ha-
 partes, quæ modo expositæ, rerum expectandarum.
 Laudationis finis, honestas, de qua item est anti-
 dictum. Sed definitæ quæstiones à suis quæq; lo-
 cis quasi proprijs instituuntur, in accusationem
 defensionemq; partita. In quibus existunt hæc
 genera, ut accusator personam arguat facti, de-
 fensor aliquid opponat de tribus, aut non esse
 factum, aut si sit factum, aliud eius facti nomen
 esse, aut iure esse factum. Itaq; aut inficialis aut
 coniecturalis prima appelletur: definitiva alte-
 ra: tertia quamvis molestum nomen hoc sit, iu-
 ridicialis uocetur. Harum causarum propria ar-
 gumenta ex ijs sumpta locis quos exposuimus, in
 præceptis oratorijs explicata sunt. Refutatio au-
 tem accusationis, in qua est depulsio criminis,
 quæ Græcè γὰρσις dicitur, Latine appelletur sta-
 tus, in quo primum insistit quasi ad repugnan-
 dum congressa defensio. Atq; etiam in delibera-
 tionibus & laudationibus ijdem existunt status.
 Nam & negantur sæpe ea futura quæ ab ali-
 quo in sententia dicta sunt fore, si aut omnino
 fieri nō possunt, aut sine summa difficultate non
 possunt. In qua argumentatione status coniectu-
 ralis existit. At cum aliquid de utilitate, ho-
 nestate, aequitate differitur, deq; ijs rebus quæ his
 sunt contrarie, incurrunt status aut iuris, aut
 nominis: quod idem contigit in laudationibus.
 Nam aut negari potest id factum esse quod lau-
 detur.

detur, aut non eo nomine afficiendum quo laudator affecerit, aut omnino non esse laudabile, quod non rectè, non iure factum sit. Quibus omnibus generibus usus est nimis impudenter Cæsar contra Catonem meum. Sed quæ ex statu contentio efficitur, eam Græci *λογισμῶν* uocant. Mihi placet id, quoniam quidem ad te scribo, quæ de re agitur, uocari. Quibus autem hoc, quæ de re agitur, continetur, hæc cōsuetudo uocentur, quasi firmamenta defensionis, quibus sublati defensio nulla sit. Sed quoniam lege firmius in controuersiis disceptandis esse nihil debet, danda est opera ut legem adiutricem & testem adhibeamus. In qua re alij quasi status existunt noui, qui appellantur legitima disceptationes. Tum enim defenditur non id legem dicere, quod aduersarius uelit, sed aliud. Id autem contingit cū scriptum ambiguum sit, ut duæ differentes sententiæ accipi possint. Tum opponitur scripto uoluntas scriptoris, ut queratur, uerbane plus an sententiæ ualere debeat. Tum legi lex contraria offertur. Ita sunt tria genera quæ controuersiam in omni scripto facere possunt, ambiguum, discrepantia scripti & uoluntatis, scripta contraria. Iam hoc perspicuum est, non magis in legibus quàm in testamentis, in stipulationibus, in reliquis rebus quæ ex scripto aguntur, posse controuersias easdem existere. Horū tractationes in alijs libris explicantur.

cantur. Nec solum perpetuae actiones, sed etiam partes orationis iisdem locis adiuuantur, partim proprijs, partim communibus: ut in principijs, quibus ut beniuoli, ut dociles, ut attenti sint qui audiant, efficiendum est proprijs locis. Itemq; narrationes, ut ad suos fines spectent, id est ut plana sint, ut breues, ut euidentes, ut credibiles, ut moderatae, ut cum dignitate. Quae quanquam in tota oratione esse debent, magis tamen sunt propria narrandi. Quae autem consequitur narrationem fides, ea persuadendo quoniam efficitur, qui ad persuadendum loci maxime ualeant, dictum est in ijs in quibus de omni ratione dicendi diximus. Peroratio autem & alia quaedam habet: & maxime amplificationem: cuius effectus hic debet esse, ut aut perturbentur animi, aut tranquillentur: & si ita iam affecti ante sunt, ut augeat eorum motus, aut sedet oratio. Huic generi, in quo & misericordia, & iracundia, & odium, & inuidia, & cetera animi affectiones perturbantur, praecepta sup-
peditantur alijs in libris, quos poteris mecum legere cum uoles. Ad id autem quod uelle senseram, cumulatè satisfactum esse debet uoluntati tuae. Nam ne praeuiderem aliquid quod ad argumentum in omni ratione reperiendum pertineret, plura quam à te desiderata erant, sum complexus: feci q; quod saepe liberales uenditores solent, ut cum aedes fundumne uendiderint,

utis cæsis receptis, concedant tamen aliquid
emptori, quod ornandi causa apte & loco posi-
tum esse uideatur. Sic tibi nos ad id quod quasi
mancipio dare debuimus, ornamenta quadam
noluimus non dubita accedere.

M. T. CICERO-
NIS DE PARTI-
TIONE ORATO-
RIA DIALO-
GYS.

CICERO FILIVS.



STVDEO, mi pater, Latine
ex te audire ea que mihi tu de
ratione dicendi Gracè tradidi-
sti, si modo tibi est otium, & si
uis. **CICERO PATER:**

An est, mi Cicero, quod ego malim, quam te
quandotissimum esse? Otium autē primum &
summum est. quoniam aliquando Roma exeundi
potestas data est: deinde ista tua studia uel ma-
ximis occupationibus meis anteferrem libenter.

C. F. Vis ne igitur ut tu me Gracè soles ordine
interrogare, sic ego te uicissim eisdē de rebus La-
tinè interrogem? **C. P.** Sanè, si placet. Sic enim
& ego te meminisse intelligam que accepisti,
& tu ordine audies que requiris. **C. F.** Quot
in

in partes distribuenda est omnis doctrina dicendi? C. P. In tres. C. F. Cedo, quas? C. P. Primum in ipsam vim oratoris, deinde in orationem, tum in quaestione. C. F. In quo est ipsa vis? C. P. In rebus & uerbis. Sed & res & uerba inuenienda sunt, & collocanda. Proprie autem in rebus inuenire, in uerbis eloqui dicitur. Collocare autem etsi est commune, tamen ad inueniendū refertur. Vox, motus, uultus, atq; omnis actio, eloquendi comes est: earumq; omnium rerum custos est memoria. C. F. Quid, orationis quot sunt partes? C. P. Quatuor. Earum dua ualent ad rem docendam, narratio & confirmatio. Ad impellendos animos due, principium & peroratio. C. F. Quid? quaestio quasnam habet partes? C. P. Infinitam, quam consultationem appello: & definitam, quam controuersiam nomino. C. F. QVONIAM IGITUR primum est inuenire oratoris, quid quaret? C. P. Ut inueniat quemadmodum fidem faciat eis quibus uolet persuadere, & quemadmodum motum eorum animis afferat. C. F. Quibus rebus fides fit? C. P. Argumentis, quae ducuntur ex locis aut in re ipsa insitis, aut assumptis. C. F. Quos uocas locos? C. P. Eos in quibus latent argumenta. C. F. Quid est argumentum? C. P. Probabile inuentum ad faciendam fidem. C. F. Quomodo igitur duo genera ista diuidis? C. P. Quae sine arte putatur, ea remota appello,

ut testimonia. C. F. Quid insita? C. F. Quae
 inharent in ipsa re. C. F. Et testimoniorum quae
 sunt genera? C. F. Divinum & humanum. Di-
 vinum, ut oracula, ut auspicia, ut uaticinatio-
 nes, & responsa sacerdotum, haruspicum, conie-
 ctorum: Humanum, quoad spectatur ex autori-
 tate, & ex voluntate, & ex oratione aut libera,
 aut expressa: in quo insunt scripta, pacta, pro-
 missa, iurata, quaesita. C. F. Quae sunt quae dicis
 insita? C. F. Quae infixae sunt rebus ipsis, tum
 ex toto, tum ex partibus, tum ex notatione, tum
 ex ijs rebus quae quodammodo affectae sunt ad
 id de quo queritur. Et ad id iotum de quo dis-
 feritur, tum definitio adhibetur, tum partium
 enumeratio, tum notatio uerbi. Ex his autem
 rebus quae quodammodo affectae sunt ad id de quo
 queritur, alia coniugata appellantur, alia ex
 genere, alia ex forma, alia ex similitudine, alia
 ex differentia, alia ex contrario, alia ex con-
 iunctis & alia ex antecedentibus, alia ex conse-
 quentibus, alia ex repugnantibus, alia ex causis,
 alia ex effectibus, alia ex comparatione maio-
 rum, aut parium, aut minorum: ut definitio, ut
 contrarium, ut ea quae sunt ipsi contrariatione eius
 aut similia, aut dissimilia, aut consentanea, aut
 dissentanea: aut ea quae sunt quasi cōiuncta, aut
 ea quae sunt quasi pugnātia inter se: aut earum
 rerū de quibus agitur, cause: aut causarū euen-
 tus, id est quae sunt effecta de causis: ut distri-
 bue

lutiones, ut genera partium, generumue partes: ut primordia rerum, & quasi præcurrentia, in quibus inest aliquid argumenti: ut rerum conventiones, quid maius, quid par, quid minus sit in quibus aut nature rerum, aut facultates comparantur. C. F. Omnibusne igitur ex his locis argumenta sumemus? C. P. Imò uerò scrutabimur & quæremus ex omnibus, sed adhibebimus iudicium, ut leuia semper reijciamus, nonnunquam etiam communia prætermittamus, & non necessaria. C. F. Quoniam de fide respondiſti, uolo audire de motu. C. P. Loco tu quidem quæris, sed planius quod uis explicabitur, cum ad orationis ipsius, quæſtionumq; rationem uenero. C. F. Quid ſequitur igitur? C. P. cum inueneris, collocare. Cuius in infinita quæſtione ordo eſt idem ſerè quem expoſui locorum. In definita autem adhibenda ſunt illa etiam quæ ad motus animorum pertinent. C. F. Quomodo igitur iſta explicas? C. P. Habeo communia præcepta fidei faciendi & commouendi: quoniam fides eſt firma opinio: motus autem, animi incitatio aut ad uoluptatem, aut ad moleſtiam, aut ad metum, aut ad cupiditatem. Tot enim ſunt motus genera, partes plures generum ſingulorum. Omnem collocationē ad finem accommodo quæſtionis. Nam eſt in propoſito finis, fides: in cauſa, & fides & motus. Quare cum de cauſa dixero, in qua eſt propoſitum, de utroq; dixero.

C. P.

C. F. *Quid habes igitur de causa dicere?* C. P. *Auditorum eam genere distingui. Nam aut auscultator est modò qui audit: aut disceptator, id est rei sententiæq; moderator, ita ut delectetur, aut statuat aliquid. Statuit autem aut de præteritis, ut iudex: aut de futuris, ut senatus. Sic tria sunt genera: iudicij, deliberationis, exornationis: quæ quia in laudationes maximè confertur, propriū habet iam ex eo nomē.* C. F. *Quas res sibi proponet in istis tribus generibus orator?* C. P. *Delectationē in exornatione: in iudicio aut sanitiā aut clementiā iudicis: in suasionem autem aut spem aut reformidationē deliberantis.* C. F. *Cur igitur exponis hoc loco genera controuersiarum?* C. P. *Ut rationem collocandi ad finem cuiusq; accommodem.* C. F. *Quonam tandem modo?* C. P. *Quia quibus in orationibus delectatio finis est uarij sunt ordines collocandi. Nam aut temporum seruantur gradus, aut generum distributiones, aut à minoribus ad maiora ascendimus, aut à maioribus ad minora delabimur, aut hæc inæquabili uarietate distinguimus, cum parua magnis, simplicia coniunctis, obscura dilucidis, læta tristibus, incredibilia probabilibus inteximus: quæ in exornationem cadunt omnia.* C. F. *Quid, in deliberatione quid spectas?* C. P. *Principia uel non longa, uel sæpe nulla. Sunt enim ad audiendum, qui deliberant, sua causa parati. Nec multum sanè sæpe nar-*
rand

randum est. Est enim narratio præteritarum rerum, aut præsentium: suasio autem, futurarum. Quare ad fidem & ad modum adhibenda est omnis oratio. C. F. Quid in iudicijs, quæ est collocatio? C. P. Non eadem accusatoris, & rei: quod accusator rerum ordinem persequitur, & singula argumenta, quasi hasta in manu collocata, vehementer proponit, concludit acriter, confirmat tabulis, decretis, testimonijs, accuratiusq; in singulis commoratur: perorationisq; præceptis, quæ ad incitandos animos valent, & in reliqua oratione, paululum digrediens de cursu dicendi, utitur, & vehementius in perorando, est enim propositum, ut iratum efficiat iudicem. C. F. Quid faciendum est contra reo? C. P. Omnia longè secus: sumenda principia ad benevolentiam conciliandam: narrationes aut amputande quæ ledunt, aut relinquende, si totæ sunt molestæ: firmamenta ad fidem posita, aut per se diluenda, aut obscuranda, aut digressionibus obruenda: perorationes autem ad misericordiam conferende. C. F. Sempërne igitur ordinem collocandi quem volumus, tenere possumus? C. P. Non sanè, nam auditorum aures moderantur oratori prudenti & provido: & quod respuunt, immutandum est. C. F. Expone deinceps quæ ipsius orationis verborumq; præcepta sunt. C. P. Unum igitur genus est eloquendi sua sponte fusum: alterum versum, atq; mutatum. Prima

uis est in simplicibus uerbis: in coniunctis secun-
da. Simplicia inuenienda sunt, coniuncta collo-
canda sunt: Et simplicia uerba partim natia
sunt, partim reperia. Natia, ea quæ significata
sunt sensu. Reperia, quæ ex his facta sunt. Et no-
uata aut similitudine, aut imitatione, aut infle-
xione, aut adiunctione uerborum. Atq; etiam
est hæc distinctio in uerbis, altera natura, tracta-
tione altera. Natura, ut sint alia consonantiora,
grauiora, leuiora & quodammodo nitidiora:
alia contrà. Tractatione autem, cum aut pro-
pria sumuntur rerum uocabula, aut addita ad
nomen, aut noua, aut prisca, aut ab oratore mo-
dificata, & inflexa quodammodo, qualia sunt
ea quæ transferuntur, aut immutantur, aut ea
quibus tanquam abutimur, aut ea quæ obscura
mus, quæ incredibiliter tollimus, quæq; mirabi-
lius quàm sermonis consuetudo patitur, orna-
mus. C. P. Habeo de simplicibus uerbis, nunc de
coniunctione quero. C. P. Numeri quidam sunt
in coniunctione seruandi, consecutioq; uerbo-
rum. Numeros autem ipsa metiuntur, ne aut non
compleas uerbis quod proposueris, aut redun-
des. Consecutio autem, ne generibus, numeris,
temporibus, personis, casibus perturbetur oratio.
Nam ut in simplicibus uerbis quod non est La-
tinum, sic in coniunctis quod non est consequens,
reuerberandum est. Communia autem simplicium
coniunctorumq; sunt hæc quinque quasi lumina
dilucid

dilucidum, breue, probabile, illustre, suauē. Dilucidū fit *usuatis uerbis, proprijs, dispositis, aut circumscriptione conclusa, aut intermissione, aut concisione uerborum. Obscurum autem, aut longitudine, aut contractione orationis, aut ambiguitate, aut inflexione atq; immutatione uerborum. Breuitas autem conficitur simplicibus uerbis, semel unaquaq; re dicenda, nulli rei nisi ut dilucide dicas, seruiendo. Probabile autem genus est orationis, si non nimis est comptum atq; expolium, si est autoritas & pondus in uerbis, si sententia uel graues, uel apte opinionibus hominum & moribus. Illustris autem oratio est, si & uerba grauitate delecta ponuntur, ac translata & superlata, & ad nomen adiuncta, & duplicata, & idem significantia, atq; ab ipsa actione atq; imitatione rerum non abhorrentia. Est enim hac pars orationis qua rem constituat penē ante oculos. Is enim maximē sensus attingitur: sed ceteri tamen, & maximē mens ipsa moueri potest. Sed quae dicta sunt, de oratione dilucida, cadunt in hanc illustrem omnia: est enim plus aliquanto illustre, quā illud dilucidum. Altero fit ut intelligamus: altero uerō uidere uideamur. Suauē autem genus erit dicendi, primū elegantia & iucunditate uerborum sonantium & lenium: deinde coniunctione, quae neque asperos habeat concursus, neque disinctos atque hiantes: & sit*

circumscripta non longo anfractu, sed ad spiritum
uocis apto: habeatq; similitudinem equalita-
temq; uerborum: tum ex contrarijs sumpta
uerbis, crebra crebris, paria paribus respondeant:
relataq; ad idem uerbum, & geminata atque
duplicata, uel etiam saepius iterata ponantur:
constructioq; uerborum tum coniunctionibus
copuletur, tum dissolutionibus relaxetur. Fit
etiam suavis oratio, cum aliquid aut inuisum,
aut inauditum, aut nouum dicas. Delectat enim
quicquid est admirabile, maximeq; mouet ea
qua motum aliquem animi miscet oratio, quaeq;
significat oratoris ipsius, amabiles mores: qui
exprimuntur aut significando iudicio ipsius ex
animo humano ac liberali: aut inflexione ser-
monis, cum aut augendi aliterius, aut minuendi
sui causa, alia dici ab oratore, alia existimari ui-
dentur, idq; comitate fieri magis quam uanita-
te. Sed multa sunt suauitatis praecepta, quae ora-
tionem aut magis obscuram, aut minus probabi-
lem faciunt. Itaq; etiam hoc loco nobis est ipsis,
quid causa postulet, iudicandum. C. F. Reliquum
est igitur, ut dicas de conuersa oratione atq; mu-
tata. C. F. Est itaq; id genus totum situm in
commutatione uerborum, quae simplicibus in
uerbis ita tractatur, ut aut ex uerbo dilataetur,
aut in uerbum contrahatur oratio. Ex uerbo,
cum aut proprium, aut idem significans, aut
factum uerbum in plura uerba diducitur. Ex
oratio

oratione, cum aut definitio ad unum uerbum reuocatur, aut assumpta uerba remouentur, aut in circuitus diriguntur, aut in coniunctione fit unum uerbum ex duobus. In coniunctis autem uerbis triplex adhiberi potest commutatio, non uerborum, sed ordinis tantummodo: ut cum semel dictum sit directe sicut natura ipsa tulerit, inuertatur ordo, & idem quasi sursum uersus retroq; dicatur: deinde idem inter cise atq; permiste. Eloquenti autem exercitatio maxime in hoc toto conuertendi genere uersatur. C. F. Actio igitur sequitur, ut opinor. C. P. Est itaque quidem oratori & cum rerum & cum uerborum momentis commutanda maxime est. facit enim & dilucidam orationem, & illustrem, & probabilem, & suauem, non uerbis, sed uarietate uocum, motu corporis, uultu. quae plurimum ualebunt, si cum orationis genere consentiens, eiusque uim ac uarietatem subsequetur. C. F. Nunquidnam de oratore ipso restat? C. P. Nihil sane praeter memoriam, quae est germana literatura quodammodo, & in dissimili genere persimilis. Nam ut illa constet ex notis literarum, & ex eo in quo imprimuntur ille notae: sic confessio memoriae tanquam cera locis utitur, & in his imagines ut literas collocat. C. F. Quoniam igitur uis oratoris omnis exposita est, quid habes de orationis praeceptis dicere? C. P. Quatuor esse eius partes: quarum prima & postrema ad motum

animi ualeat, is enim initys est & perorationibus concitandus. Secunda narratio, & tertia confirmatio fidem facit orationi. Sed amplificatio quanquam habet proprium locum, saepe etiam primum, postremum quidem ferè semper, tamen reliquo in cursu orationis adhibenda est, maximeq; cum aliquid aut confirmatum est, aut reprehensum. Itaq; ad fidem quoq; uel plurimum ualeat. Est enim amplificatio, uehemens quaedam argumentatio: ut illa docendi causa sit, hac commouendi. C. F. Perge igitur ordine quatuor mihi istas partes explicare. C. P. Faciam, & à principijs primum ordiar. Quae quidem ducuntur aut ex personis, aut ex rebus ipsis. Sumuntur autem trium rerum gratia, ut amice, ut intelligenter, ut attente audiamur. Quorum primus locus est in personis, nostris, disceptatorum, aduersariorum: è quibus initia beneuolentia concilianda comparantur aut meritis nostris, aut dignitate, aut aliquo genere uirtutis, & maxime liberalitatis, officij, iustitiae, fidei, contrarijs rebus in aduersarios confereendis, & cum ijs qui disceptant, aliqua coniunctionis aut causa aut spe significanda: & si in nos aliquod odium offensione collata sit, tollenda ea, minuendaue, aut diluendo, aut extenuando, aut compensando, aut deprecando. Intelligenter autem ut audiamur & attente, à rebus ipsis ordiendum est. Sed facillime auditor discit,

discit, & quid agatur intelligit, si complectare à principio genus naturamq; causa, si definias, si diuidas, si neq; prudentiā eius impediās confusione partium, nec memoriā multitudinē: quāq; mox de narratione dilucida dicentur, eadem etiam huc poterunt recte referri. Ut attente autem audiamur, irium rerum aliqua consequemur. nam aut magna quedam proponemus, aut necessaria, aut coniuncta cū ipsis apud quos res agitur. Sic autem hoc etiam in preceptis, ut si quando tempus ipsum, aut res, aut locus, aut interuentus alicuius, aut interpellatio, aut ab aduersario dictum aliquod, & maxime in perorando, dederit occasionē nobis aliquam ut dicamus aliquid ad tempus apte, ne derelinquamus: & quæ suo loco de amplificatiōe dicemus, multa ex his poterunt ad principiorum precepta transferri. C. F. Quid, in narratione qua tandem conseruanda sint? C. P. Quoniam narratio est rerū explicatio, & quadam quasi sedes ac fundamentum constituenda fidei, ea sunt in ea seruanda maxime, quæ etiam in reliquis ferè dicendi partibus: quæ partim sunt necessaria, partim sunt assumptæ ad ornandum. Nam ut dilucide probabiliterq; narremus, necessarium est: sed assumimus etiam suauitatem. Ergo ad dilucide narrandum, eadem illa superiora explicandi & illustrandi precepta repetemus, in quibus est breuitas: eaq; sapissime in nar-

ratione laudatur, de qua supra dictum est. Probabilis autem erit, si personis, si temporibus, si locis ea quæ narrabuntur, consentient, si cuiusque facti, & euenti causa ponetur, si testata dici uidebuntur, si cum hominum opinione, auctoritate, si cum lege, cum more, cum religione conueniant, si probitas narrantis significabitur, si antiquitas, si memoria, si orationis ueritas, & uite fides. Suauis autem narratio est, quæ habet admirationes, expectationes, exitus inopinatos, si interpositos motus animorum, colloquia personarum, dolores, iracundias, metus, letitias, cupiditates. Sed iam ad reliqua pergamus. C. F. Nempe ea sequuntur quæ ad faciendam fidem pertinent. C. P. Ita est : quæ quidem in confirmationem & in reprehensionem diuiduntur. Nam in confirmando, nostra probare uolumus : in reprehendendo, redarguere contraria. Quoniam igitur omne quod in controuersiam uenit, id aut sit, necne sit, aut quid sit, aut quale sit, queritur : in primo coniectura ualet, in alio definitio, in tertio ratio. C. F. Tenco istam distributionem. Nunc coniecturae locos quero. C. P. In uerisimilibus, & in proprijs rerum notis posita est tota. Sed appellemus docendi gratia uerisimile, quod plerumque ita fiat : ut adolescentiam procliuiorem esse ad libidinem. Proprie autem notæ argumentum, quod nunquam aliter fit, ceterumque declarat, ut fumus ignem. Verisimilia reperiuntur

periuntur ex partibus & quasi membris narra-
tionis : ea sunt in personis, in locis, in tēporibus,
in factis, in euentis, in rerum ipsarum negotio-
rumq; naturis. In personis, natura primum spe-
ctantur ualeitudinis, figura, uiriū, etatis, mariū,
foeminarum: atq; hæc quidem in corpore. Ani-
mi autem, aut quemadmodum affecti sunt, uir-
tutibus, uitijs, artibus, inertijs: aut quemadmodū
commoti, cupiditate, metu, uoluptate, molestia.
Atq; hæc quidem in natura spectantur. In for-
tuna, genus, amicitia, liberi, propinqui, affines,
opes, honores, potestates, diuitia, libertas, & ea
quæ sunt ijs contraria. In locis autem & illa na-
turalia, maritimi, an remoti à mari: plani, an
montosi: lene, an asperi: salubres, an pestilentes:
opaci, an aprici. et illa fortuita, culti, an inculti:
celebres, an deserti, coadificati, an uasti: obscuri,
an rerum gestarum uestigijs nobilitati: consecra-
ti, an profani. In temporibus autē præsentia &
præterita & futura cernuntur. In his ipsis uetū-
sta, recentia, instantia, paulò post aut aliquando
futura. In sunt etiam in temporibus illa quæ tem-
poris quasi naturam notant: ut hyems, uer, æstas,
autumnus: aut anni tempora: ut mensis, ut dies,
ut nox, hora, tempestas, quæ sunt naturalia. For-
uita autem, sacrificia, festi dies, nuptiæ. Iam fa-
cta & euentus aut consilijs sunt, aut imprudētia,
quæ est aut in casu, aut in quadā animi permo-
tione. Casu, cum aliter accidit ac putatum sit.

Permotione, cum aut obliuio, aut error, aut me-
 tus, aut aliqua cupiditatis causa permouit. Est
 etiam in imprudentia necessitas ponenda. Rerū
 autem bonarum & malarum tria sunt genera:
 nam aut in animis, aut in corporibus, aut extrā
 esse possunt. Huius igitur materie ad argumen-
 tum subiecte perlustranda animo partes erunt
 omnes, & ad id quod ageretur, ex singulis conie-
 ctura capienda. Est etiam genus argumentorū
 aliud, quod ex facti uestigijs, sumitur, ut telum,
 cruor, clamor editus, titubatio, permutatio colo-
 ris: oratio inconstans, tremor, & eorum ali-
 quid quod sensu percipi possit: etiam si prepara-
 tum aliquid, si communicatum cum aliquo, si
 postea uisum, auditū, indicatū. Verisimilia au-
 tem partim singula mouent suo pondere, partim
 etia si uidentur esse exigua per se, multū tamen
 cum sunt coaceruata, proficiunt. Atq; in his
 uerisimilibus insunt nonnunquā etiam certa re-
 rum & proprie nota. Maximā autē facit fidē
 ad similitudinem ueri, primum exemplum, de-
 inde introducta rei similitudo. Fabula etiā non-
 nunquā, etsi sit incredibilis, tamen homines com-
 mouet. C.F. Quid, definitionis quæ ratio est, &
 quæ uia? C.P. Nō dubiū est id quidē, quin defini-
 tio genere declaretur, & proprietate quadā, aut
 etiā cōmuniū frequentia, ex quibus propriū quid
 sit eluceat. Sed quoniā de proprijs oritur plerūq;
 magna dissensio, definiendum est sepe ex con-
 trarijs,

trarijs, saepe etiam ex dissimilibus, saepe ex paribus. Quamobrem descriptiones quoque sunt in hoc genere saepe aptae, & enumeratio consequentium, in primisque commouet explicatio uocabuli, ac nominis. C. F. Sunt exposita iam ferè ea quae de facto, quaeque de facti appellatione quaruntur. Nempe igitur ea restant, quae cum factum constet & nomen, qualia sint uocatur in dubium. C. P. Est ita ut dicis. C. F. Quae sunt igitur in eo genere partes? C. P. Aut iure factum depellitur, aut ulciscendi doloris gratia, aut pietatis, aut pudicitiae, aut religionis, aut patriae nomine, aut denique necessitate, inscitia, casu. Nam quae motu animi & perturbatione facta sine ratione sunt, ea defensionem contra crimen in legitimis iudicijs non habent, in liberis disceptationibus habere possunt. Hoc in genere, in quo quale sit quaritur, ex controuersia, iure & rectène factum sit, queri solet: quorum disputatio ex locorum descriptione sumenda est. C. F. Age sis ergo, quoniam in confirmationem & reprehensionem diuiseras orationis fidem. & dictum de altero est, expone nunc de reprehendendo. C. P. Aut totum est negandum quod in argumentatione aduersarius sumpserit, si fictum aut falsum esse possis dicere: aut redarguenda ea quae pro uerissimilibus sumpta sunt. Primum dubia sumpta esse praecertis. Deinde etiam in perspicue falsis eadem posse

posse dici. Tum ex ijs quæ sumpserint, non effici
quæ uelint. Accedere autem oportet ad singu-
la, sic uniuersa franguntur. Commemoranda sunt
etiam exempla quibus simili in disputatione cre-
ditum non sit: conquerenda conditio communis
periculi, si ingenijs hominum criminoforum sit
exposita uita innocentium. C. F. Quoniam unde
inueniuntur quæ ad fidem pertinet, habeo: quem-
admodum in dicendo singula tractentur, expe-
cto. C. P. Argumentationem querere uideris,
quæ est argumenti explicatio: quæ sumpta ex
ijs locis qui sunt expositi, conficienda & distin-
guenda dilucide est. C. F. Planè istuc ipsum de-
sidero. C. P. Est ergo (ut supra dictum est) expli-
catio argumenti, argumentatio: sed ea confici-
tur, cum sumpseris aut non dubia, aut probabi-
lia, ex quibus id efficias, quod aut dubium, aut
minus probabile per se uidetur. Argumentan-
di autem duo sunt genera: quorum alterum ad
fidem directò spectat: Alium se inflectit ad
motum. Dirigitur, cum proposuit aliquid quod
probaret, sumpsitq; ea quibus uteretur, atq; his
confirmatis, ad propositum sese retulit, atq; con-
clufit. Illa autem altera argumentatio, quasi re-
tro & contrà prius sumit quæ uult, eaq; confir-
mat: deinde id quod proponendum fuit, permo-
tis animis iacit ad extremum. Est autem illa na-
rietas in argumētando, & non iniucūda distin-
ctio, ut cū interrogamus nosmetipsos, aut percon-
tamur

tamur, aut imperamus, aut optamus : qua sunt cum alijs compluribus sententiarum ornamenta. Vitare autem similitudinē poterimus non semper à proposito ordientes, & si non omnia confirmando disputabimus, breuiterq; interdum, quae erunt satis aperta, ponemus : quodq; ex his efficietur, si id apertum sit, non habebimus necesse semper cōcludere. C. F. Quid illa quae sine arte appellantur, quae iandudum assumpta dixisti, ecquonam modo, ecquonam loco artis indigent? C. F. Illa uerò indigent: et nec eò dicuntur sine arte, quòd ita sunt, sed quòd ea non parit oratoris ars, sed foris ad se delata, tamē arte tractat, & maxime in testibus. Nam de toto genere testium, quàm id sit infirmum, sepe dicendum est: & argumenta, rerum esse propria: testimonia, uoluntatū: utendumq; est exemplis, quibus testibus creditum non sit: & de singulis testibus, si natura uani, si leues, si cum ignominia, si spe, si metu, si iracundia, si misericordia impulsī, si prēmio, si gratia adducti: comparandiq; superiore cum autoritate testium, quibus tamen creditum non sit. Sepe etiam quaestionibus resistendum est, quòd, & dolorem fugientes multi in tormētis ementiri per sepe sunt, moriq; maluerunt falsum fuendo, quàm uere inficiando dolere. Multi etiam suam uitā neglexerunt, ut eos qui his chariores quàm ipsi sibi essent, liberarent. Alij autem, aut natura corporis, aut

consue

consuetudine dolendi, aut metu supplicij aut mortis, uim tormentorū pertulerūt. Alij ementiti sunt in eos quos oderant. Atq; hac exemplis firmanda sunt. Neq; est obscurū, quin quoniam in utraq; parte sunt exempla, & item ad coniecturā faciendā loci, in contrarijs contraria sunt sumenda. Atq; etiā incurrit alia quedam in testibus & in questionibus ratio. Sæpe enim ea quæ dicta sunt, s; aut ambigue, aut inconstanter, aut incredibiliter dicta sunt, aut etiam aliter ab alio dicta, subtiliter reprehenduntur. C. F. Extrema tibi pars restat orationis, quæ posita in perorando est, de qua sanè uelim audire. C. P. Facilius est explicatio perorationis. Nam est diuisa in duas partes, amplificationē & enumerationem. Augendi autem & hic est proprius locus in perorando: & in cursu ipso orationis declinationes ad amplificandum dantur confirmata re aliqua, aut reprehensa. Est igitur amplificatio, grauior quedā affirmatio, quæ motu animorū conciliet in dicendo fidem. Ea & uerborū genere conficitur, & rerū. Verba ponenda sunt quæ uim habeant illustrādi, nec ab usu sine abhorrentia grauiā, plena, sonantia: iuncta, facta, cognominata, non uulgata, superlata, in primisq; translata, nec in singulis uerbis, sed in continentibus soluta, quæ dicuntur sine coniunctione, ut plura uideantur. Augent etiā relata uerba, iterata, duplicata, & ea quæ ascendunt
gradat

gradatim ab humilioribus uerbis ad superiora.
 Omninoq; semper quasi naturalis, & non ex-
 planata oratio, sed grauib; referta uerbis, ad
 augendum accommodatior. Hac igitur in uerbis,
 quibus actio uocis, uultus et gestus congruens,
 & apta ad animos permouendos, accommodata
 est. Sed & in uerbis, & in actione causa erit
 tenenda & pro re agenda. Nam hac quia ui-
 dentur perabsurda, cum grauiora sunt quam
 causa, diligenter ferè, quid quenq; deceat indi-
 candum est. Rerū amplificatio sumitur eisdem
 locis omnibus, quibus illa quæ dicta sunt ad si-
 dem: maximèq; definitiones ualent conglobatae,
 & consequentium frequentatio, & contraria-
 rum, & dissimiliū, & inter se pugnantium re-
 rum cōflictio, & causæ, & ea quæ sunt de cau-
 sis oriæ, maximèq; similitudines, & exempla:
 ficta etiam persona, muta denique loquantur.
 Omninoq; ea sunt adhibenda, si causa patitur,
 quæ magna habentur: quorū est duplex genus.
 Aliæ enim magna natura uidentur, alia usu.
 Natura, ut cœlestia, ut diuina, ut ea quorū ob-
 scuræ causæ, ut in terris mundoq; admirabilia
 quæ sunt: ex quibus, similibusq; si attendas, ad
 augendū permulta suppetūt. Usu quæ uidentur
 hominibus aut prodesse, aut obesse uehementius.
 quorū sunt genera ad amplificandū tria. nā aut
 charitate mouentur homines, ut deorum, ut pa-
 triæ, ut parentū: aut amore, ut fratrum, ut coniu-
 gum,

gum, ut liberorū, ut familiarium: aut honestate, ut uirtutum, maximeq; earum quæ ad communionem hominum, & liberalitatem ualent. Ex ijs & cohortationes sumuntur ad ea retinenda, & in eos à quibus ea uiolata sunt, odia incitatur, & miseratio nascitur, proprius locus augendi in ijs rebus aut amissis, aut amittendi periculo. Nihil est enim tam miserabile, quam ex beato miser. Et hoc torū quidem moueat, si bona ex fortuna quis cadat, & à quorum charitate diuellatur, quæ amittat, aut amiserit, in quibus malis sit, futurusue sit, exprimatür breuiter. Cito enim crescit lacryma, præsertim in alienis malis. Nec quicquam in amplificatione nimis enucleandū est. minuta est enim omnis diligentia: hic autē locus grandia requirit. Illud iam est iudicij, quo quaq; in causa genere utamur agendi. In illis enim causis quæ ad laudationem exornantur, ij loci tractandi sunt, qui mouere possunt expectationem, admirationem, uoluptatem. In cohortationibus autē, bonorum ac malorum enumerationes & exempla ualent plurimum. In iudicijs, accusatori ferè, quæ ad iracundiā: reo plurimq; quæ ad misericordiam pertinent. Nonnunquā tamen accusator misericordiam mouere debet, et defensor iracundiam. Enumeratio reliqua est, nonnunquam laudatori, suaseri non sæpe, accusatori sæpius quam reo necessaria. Huius ipsa tempora duo sunt: si

aut

aut memoria diffidas eorum apud quos agas, uel interuallo temporis, uel longitudine orationis: aut frequentatis firmamenti orationis, & breuiter expositis, uim est habitura causa maiorem. Et reo rarius utendum, est, quod ponenda sunt contraria, quorum dissolutio in breuitate laeabit, aculei pungent. Sed erit in enumeratione uitandum ne ostentatio memoriae suscepta uideatur esse puerilis. Id effugiet qui non omnia minima repetet, sed breuia singula attingens, pondera rerum ipsa comprehendet. C. F. Quoniam & de ipso oratore, et de oratione dixisti, exponere cum mihi nunc, quae ex tribus extremum proposuisti questionis locum. C. F. Duo sunt, ut initio dixi, questionum genera, quorum alterum finitum temporibus & personis, controuersia & causam appello: alterum infinitum, nullis neque personis, neque temporibus notatum, propositum uoco. Sed est consultatio quasi pars causae quaedam, & controuersia. Inest enim infinitum in definito, & ad illud tamen referuntur omnia. Quamobrem prius de proposito dicamus. cuius genera sunt duo: cognitionis alterum: eius scientia est finis, ut uerine sint sensus. alterum actionis, quod refertur ad efficiendum quid: ut si queratur quibus officiis amicitia colenda sit. Rursus superioris genera sunt tria: sit necne, quid sit, quale sit. Sit necne, ut, ius in natura sit, an in more. Quid autem sit, sitne ius id quod maiori parti sit uile.

Quale autem sit, iuste uiuere sit necne utile.
Actionis autem duo sunt genera. Vnum ad
persequendum aliquid, aut declinandū: ut quibus
rebus adipisci gloriam possis: aut quomodo in-
uidia nitetur. Alterum, quod ad aliquod com-
modum usumq; refertur, ut quemadmodum sit
Respub. administranda, aut quemadmodum in
paupertate uiuendum. Rursus autem ex cogni-
tionis, consultatione, ubi sit, necne sit, aut fuerit,
futurumne sit, queritur, unum genus est que-
stionis possitne aliquid effici: ut cum queritur
ecquisnā perfecte sapiens esse possit. Alterum,
quemadmodum quidq; fiat, ut quonam pacto
virtus pariat, naturane, an ratione, an usu.
Cuius generis sunt omnes in quibus ut in ob-
scuris naturalibusq; questionibus cause ratio-
nesq; rerum explicantur. Illius autē generis, in
quo quid sit id de quo agitur, queritur, duo sunt
genera: quorum in altero disputandum est, a' in
an idem sit, ut pertinacia & perseuerantia: in
altero autē descriptio generis alicuius & quasi
imago exprimenda est, ut qualis sit auarus, aut
quid sit superbia. Tercio autem in genere, in
quo quale sit queritur, aut de honestate, aut de
utilitate, aut de equitate dicendum est. De ho-
nestate sic: ut, honestumne sit pro amico peri-
culum aut inuidiam subire. De utilitate autem
sic: ut, sitne utile in Rep. administranda uersari.
De equitate uerò sic: ut, sitne aequum amicos
cogn

cognatis anteferre. Atq; in hoc eodem genere, in quo quale sit queritur, exoritur aliud quoddam disputandi genus. Non enim simpliciter solum queritur quid honestum sit, quid utile, quid equum, sed etiam ex comparatione, quid honestius, quid utilius, quid equius, atq; etiam quid honestissimum, quid utilissimum, quid equissimum: cuius generis illa sunt, quae praestantissima sit dignitas uitae. Atq; ea quidem quae dixi, cognitionis sunt omnia. Restant actionis, cuius alterum est praecipendi genus, quod ad rationem officij pertinet: ut quemadmodum colendi sint parentes. Alterum autem ad sedandos animos, & oratione sanandos, ut in consolandis mœroribus, ut in iracundia comprimenda, aut in timore tollendo, aut in cupiditate minuenda. Cui quidem generi contrarium est disputandi genus ad eosdem illos animi motus. (quod in amplificanda oratione saepe faciendum est) uel gignendos, uel concitandos. Atq; serè hæc est partitio consultationis. C. F. Cognoui: sed quæ ratio est in his inueniendi & disponendi requiro. C. P. Quid tu aliâ mne censes, & non eadem esse quæ est exposita, ut ex iisdem locis ad fidem & ad inueniendum ducantur omnia? Collocandi autem quæ est exposita in alijs ratio, eadem huc transfertur. Cognita igitur omni distributione proposuimus consultationum, controuersiarum & causarum genera

restant omnino. Et earum quidem forma du-
 plex est: quarum altera delectationem sectatur
 aurium: alterius, ut obtineat, probet, & efficiat
 quod agit, omnis est suscepta contentio. Itaque
 illud superius exornatio dicitur: quod cum la-
 rum genus esse potest, saneq; varium, unum ex
 eo delegimus, quod ad laudandos claros viros
 suscepimus, & ad improbos vituperandos. Ge-
 nus enim nullam est orationis, quod aut uberius
 ad dicendum, aut utilius civitatibus esse possit,
 aut in quo magis orator in cognitione virtutum
 vitiorumq; versetur. Reliquum autem genus
 causarum aut in provisione posterius temporis,
 aut in prateriti disceptatione versatur: quorum
 alterum deliberationis est, alterum iudicii. Ex
 qua partitione tria genera causarum exiit-
 runt: unum, quod a meliori parte laudationis
 est appellatum, deliberationis alterum, tertium
 iudiciorum. Quamobrem de primo primum,
 si placet, disputemus. C. F. Mihi vero placet.
 C. P. Ac laudandi vituperandiq; rationes, qua
 non ad bene dicendum solū, sed etiam ad hone-
 stē vivendum valent, exponam breviter, atq; à
 principijs exordiar & laudandi & vituperan-
 di. Omnia enim sunt profecto laudanda, qua
 coniuncta cum virtute sunt: & qua cum vitijs,
 vituperanda. Quamobrem finis alterius est
 honestas, alterius turpitudine. Conficitur autem
 genus hoc dictionis, narrandis exponendisq;
 factis

factis, siue ullis argumentationibus, ad animi
 motus leniter tractandos magis, quam ad fidem
 faciendam aut confirmandam accommodatæ.
 Non enim dubia firmanantur, sed ea quæ certa,
 aut pro certis posita sunt, augentur. Quamob-
 rem ex ijs quæ antè dicta sunt, & narrandi &
 augendi præcepta repetentur. Et quoniam in
 his causis omnis ratio serè ad uoluptatem audi-
 toris & ad delectationem refertur, utendum
 erit ijs in oratione singulorum uerborum insi-
 gnibus, quæ habent plurimum suauitatis: id est,
 ut factis uerbis aut uetustis, aut transiitis fre-
 quenter utamur: & in ipsa constructione uer-
 borum, ut paria paribus, & similia similibus
 sæpe referantur, ut contraria, ut geminata, ut
 circumscripita numero, non ad similitudinem
 uersuum, sed ad explendum aurium sensum, apto
 quasi quodam uerborum modo. Adhibendaq;
 frequentius etiam illa ornamenta rerum sunt,
 siue quæ admirabilia, nec opinata: siue signifi-
 cata monstris, prodigijs, oraculis: siue quæ ui-
 debuntur ei de quo agimus, accidisse diuina, atq;
 fatalia. Omnis enim expectatio eius qui audit,
 & admiratio, & improuisi exitus habent ali-
 quam in audiendo uoluptatem. Sed quoniam
 in tribus generibus bona malæ uersantur,
 externis, corporis & animi: prima sunt exter-
 na, quæ ducuntur à genere: quo breuiter modi-
 ecq; laudato, aut, si erit infame, prætermisso: si

humile, uel praterito, uel ad augendū eius quem
 laudas, gloriam, tacto : deinceps, si res patiatur.
 de fortunis erit & facultatibus dicendū. Postea
 de corporis bonis: in quibus quidem quæ uirtutē
 maxime significat, facillime forma laudatur.
 Deinde est ad facta ueniendum : quorum collo-
 catio triplex est, aut enim temperū seruandus est
 ordo: aut in primis recentissimum quodq; dicē-
 dum: aut multa & uaria facta in propria uir-
 tutum genera sunt digerenda. Sed hic locus uir-
 tutum atq; uitiorum latissime patens, ex multis
 & uarijs disputationibus nunc in quandam an-
 gustam & breuem concludetur. Est igitur uis
 uirtutis duplex. Aut enim sciētia cernitur uir-
 tus, aut actione. Nā quæ prudentia, quæ calli-
 das, quæq; grauissimo nomine sapientia appella-
 tur, hac scientia pollet una. Quæ uerò moderan-
 dis cupiditatibus, regendisq; animi motibus lau-
 datur, eius est munus in agendo, cui temperantia
 nomen est. Atq; illa prudentia in suis rebus,
 domestica in publicis, ciuilis appellari solet. Tem-
 perantia autem in suas, itidem res, & in commu-
 nes distributa est: duobusq; modis in rebus com-
 modis discernitur, & ea quæ absunt, non expe-
 tendo: & ab ijs quæ in potestate sunt, abstinē-
 do. In rebus autem incommodis est itidem du-
 plex. nā quæ ueniētijs malis obstat, fortitudo:
 quæ quod iam adest, tolerat & perfert, patientia
 nominatur. Quæ autem hac uno genere com-
 plecti

plectitur, magnitudo animi dicitur, cuius est liberalitas in usu pecunie, simulq; altitudo animi in capiendis incommodis, & maximè iniurijs, & omne quod est eius generis graue, infedatum & turbulentum. In communione autem que posita pars est, iustitia dicitur, eaq; erga Deos religio, erga parentes pietas, uulgò autem bonitas creditis in rebus fides, in moderatione animaduertendi lenitas, amicitia in beneuolentia nominatur. Atq; hæc quidem uirtutes cernuntur in agendo. Sunt autem aliæ quasi ministræ comitesq; sapientiæ: quarum altera, que sint in disputando uera atq; falsa, quibusq; positis quid sequatur, distinguit, & iudicat: quæ uirtus omnis in ratione scientiaq; disputandi sita est: altera autem oratoria. Nihil enim est aliud eloquentia, nisi copiose loquens sapientiæ: quæ ex eodem hausta genere, quo illa quæ in disputando, uberior est atque latior, & ad motus animorum, uulgiq; sensus accommodatior. Custos uerò uirtutum omnium, dedecus fugiens. Laudemq; maxime consequens, uerecundia est. Atq; hi sunt quidem ferè quasi quidam habitus animi sic affecti & constituti, ut sint singuli inter se proprio uirtutis genere distincti, à quibus ut quæq; res gesta est, ita sit honesta necesse est, summeq; laudabilis. Sunt autem alij quidam perfecti animi habitus ad uirtutem quasi præculi & preparati rectis studijs & artibus.

ut in suis rebus studia literarum, ut numerorum
ac sonorum, ut mensurae, ut siderum, ut equo-
rum, ut uenandi, ut armorum: In communibus
propensiora studia in aliquo genere uirtutis co-
lendo, aut diuinis rebus deseruiendo, aut paren-
tibus, amicis, hospitibus praecipue atq; insigni-
ter diligendis. Atq; haec quidem uirtutum: ui-
tiorum autem sunt genera contraria. Cernenda
autem sunt diligenter, ne fallant ea nos uitia,
qua uirtutem uidentur imitari. Nam & pru-
dentiam malitia, & temperantiam immanitas
in uoluptatibus aspernandis, & magnitudinem
animi superbia in animis extollendis, & despi-
cientia in contemnendis honoribus, & libera-
litatem effusio, & fortitudinem audacia imita-
tur, & patientiam duritia immanis, & iusti-
tiam acerbitas, & religionem superstitio, & le-
nitatem mollitia animi, & uerecundiam timi-
ditas, & illam disputandi prudentiam concerta-
tio, captatioq; uerborum, & hanc oratoriam uim
inanis quaedam profluentia loquendi. Studijs
autem bonis similia uidentur ea quae sunt in eo-
dem genere nimia. Quamobrem omnis uis lau-
dandi uituperandiq; ex his sumetur uirtutum
uitiorumq; partibus: sed in toto qua contextu
orationis haec erunt illustranda maxime, quem-
admodum quisque generatus, quemadmodum
educatus, quemadmodum institutus, moratusq;
fuerit, & siquid cui magnum aut incredibile
accid

acciderit, maximeq; si id diuinitus accidisse potuerit uideri: tum quod quisq; senserit, dixerit, gesserit, ad ea quæ proposita sunt uirtutum genera, accommodabuntur, ex illisq; iisdem inueniendi locis causæ rerum, & euentus, & consequentia requirentur. Neq; uerò mors eorū quorum uita laudabitur, silentio præteriri debebit, si modò quid erit animaduertiendum, aut in ipso genere mortis, aut in ijs rebus quæ post mortem erunt consecuta. C. F. Accepi ista, didiciq; breuiter non solum quemadmodum laudarem alterum, sed etiā quemadmodum eniterer ut possem ipse iure laudari. Videamus igitur deinceps, in sententia dicēda quā uiam & quæ præcepta teneamus. C. P. Est igitur in deliberando finis utilitas ad quem omnia ita referuntur in consilio dando, sententiaq; dicenda, ut illa prima sint suasori, aut dissuasori uidenda, quid aut possit fieri, aut non possit: & quid aut necesse sit, aut non necesse. Nam & siquid effici non potest, deliberatio tollitur, quamuis utile sit: & siquid necesse est (necesse autem id est, sine quo salui liberiue esse non possumus) id est reliquis & honestatibus in ciuili ratione, & commodis anteponēdum. Cū autem queritur quid fieri possit, uidendum etiam est quā facile possit. Nam quæ perdifficilia sunt, perinde habenda sepe sunt, ac si effici non possint. Et cum de necessitate antedemus, etsi aliquid non necessarium ui-

debitur, uidendum tamen erit quàm sit magnū.
Quod enim permagni interest, pro necessaria
sepe habetur. Itaq; cū constet hoc genus cau-
sarum ex suasionē & dissuasionē, suasiōi pro-
ponitur simplex ratio, si & utile est, & fieri
potest, fiat. Dissuasiōi duplex: una, si non utile
est, ne fiat: altera, si fieri non potest, nec suscipia-
tur. Sic suasiōi utrumq; docendum est, dissuasiōi
alterum infirmare sat est. Quare quoniam in his
uersatur omne consilium duobus, de utilitate
antē dicamus, quæ in discernendis bonis malisq;
uersatur. Bonorū autem partim necessaria sunt:
ut uita, pudicitia, libertas: ut liberi, coniuges, ger-
mani, parentes: partim non necessaria, quorum
alia sunt per se expetenda, ut ea quæ sita sunt in
officijs atq; uirtutibus: alia quod aliquid com-
modi efficiunt, ut opes & copia. Eorum autem
quæ propter se expetuntur, partim honestate
ipsa, partim commoditate aliqua expetuntur.
Honestate ea, quæ profisciscuntur ab ijs uirtuti-
bus, de quibus paulō antē est dictum, quæ sunt
laudabilia ipsa per se. Commoditate autem ali-
qua, quæ sunt in corporis aut fortune bonis ex-
petenda. quorum alia sunt quasi quodammodo
cum honestate coniuncta, ut honos, ut gloria:
alia diuersæ, ut uires, forma, ualētudo, nobilitas
diuitiæ, clientelæ. Est etiam quasi quedam ma-
teries subiecta honestati, quæ maxime specta-
tur in amicitijs: amicitie autem charitate &
amore

amore cernuntur. Nam cum Deorum, tum parentum patriæq; cultus, eorumq; hominum qui aut sapientia aut opibus excellunt, ad charitatem referri solet. Coniuges autem, & liberi, & fratres, & alij quos usus familiaritasq; coniunxit, quanquam etiam charitate ipsa, tamen amore maxime continentur. In his igitur rebus cum bona sint, facile est intellectu quæ sint contraria. Quod si semper optima tenere possemus, haud sane, quoniam quidem ea perspicua sunt, consilio multum egeremus. Sed quia temporibus, quæ uim habent maximam, persæpe euenit ut utilitas cum honestate certet, earumq; rerum contentio plerunq; deliberationes efficit, ne aut opportuna propter dignitatem, & honesta propter utilitatem relinquantur: ad hæc difficultatē explicandam præcepta referamus. Et quoniam non ad ueritatem solum, sed etiam ad opiniones eorū qui audiunt accommodanda est oratio, hoc primum intelligamus, hominum duo esse genera: alterum indoctum & agreste, quod anteferat semper utilitatem honestati: alterum expolitum, quod rebus omnibus dignitatē anteponat. Itaq; huic generi laus, honor, gloria, fides, iustitia, omniq; uirtus: illi autem alteri questus, emolumentum, fructusq; proponitur, atq; etiā uoluptas, quæ maxime est inimica uirtuti, boniq; naturam fallaciter imitando adulcerat, quam immanissimus quisq; acerrime sequitur, neq; solum honestis

honestis rebus, sed etiam necessarijs antepone. In
suadendo, cum ei generi hominum cōsiliū des,
sepe sanè laudanda est, & illud uidendū quan-
to magis homines mala fugiant, quā sequan-
tur bona. Nam neque honesta tam expetunt,
quā deuitāt turpia. Quis enim honorem, quis
gloriam, quis laudem, quis ullum decus tam un-
quam expetat, quā ut ignominiam, infamiam,
contumeliam, de decus fugiat? quarum rerū do-
lor grauis est. Est genus hominum ad honesta-
tem natum, malo cultu, prauisq; opinionibus
corruptum. Quare in cohortando atq; suadendo
propositum quidē nobis erit illud, ut doceamus
qua ui bona consequi, malaq; uitare possimus.
Sed apud homines bene institutos, plurimum de
laude & de honestate dicemus, maximeq; ea
uirtutum genera tractabimus, quae in communi
hominum utilitate tuēda augendaq; uersantur.
Sin apud indoctos imperitosq; dicemus, fru-
ctus, emolumenta, uoluptates, uitationesq; do-
lorum proferantur, addantur etiam contumelia
atq; ignominia. Nemo enim est tam agrestis,
quem non, si ipsa nūius honestas, contumelia
tamen & dedecus magnopere moueat. Quare
quod ad utilitatem spectat, ex ijs quae dicta sunt
reperietur. Quid autem possit effici, necne pos-
sit, in quo etiam quā facile possit, quāq;
expediat, queri solet, maxime ex causis ijs quā
quanque rem efficiant, est uidendum. Causarum
autem

autem genera sunt plura. Nam sunt alia quae ipsa conficiunt, alia quae vim aliquam ad conficiendum afferunt. Itaque ille superiores, conficientes uocentur, haec reliqua ponantur in eo genere, ut sine his confici non possit. Conficiens autem causa, alia est absoluta, & perfecta per se: alia aliquid adiuuans, & efficiendi socia quadam, cuius generis uaria est, & saepe aut maior, aut minor: ut & illa quae maximam vim habet sola saepe causa dicatur. Sunt autem aliae causa quae aut propter principium, aut propter exitum conficientes uocantur. Cum autem quaeritur quid sit optimum factu, aut utilitas, aut spes efficiendi ad assentiendum impellit animos. Et quoniam de utilitate iam diximus, de efficiendi ratione dicamus. Quo toto genere, quibuscum, & contra quos, quo tempore, aut quo loco, aut quibus facultatibus, armorum, pecuniae, sociorum, eorumue rerum quae ad quamque rem efficiendam pertinent, possumus uti, requirendum est. Neque solum ea sunt quae nobis suppetunt, sed etiam illa quae aduersantur, uidentur. Et si ex contentione procliuiora erunt nostra, non solum effici posse quae suademus, erit persuadendum, sed curandum etiam ut illa facilia, procliuia, incunda uideantur. Dissuadentibus autem, aut utilitas labefactanda est, aut efficiendi difficultates efferre, neque alijs ex praeceptis, sed ipsiusdem causae suasionis locis. Vterque uero ad augendum ha-

beat

beat exemplorum aut recentium, quò notiora sint, aut ueterum, quò plus autoritatis habeant, copiam. Maximeq; sit in hoc genere meditatus, ut possit uel utilia ac necessaria sepe honestis, uel hæc illis anteferre. Ad commouendos autem animos maxime proficiunt, si incitandi erunt, huiusmodi sententiæ, quæ ad explendas cupiditates, aut ad odium satiandum, aut ad ulciscendas iniurias pertinebunt. Sin autem reprimendi, de incerto statu fortune, dubijsq; euentis rerum futurarum, & retinendis suis fortune, si erunt secunde: sin autem aduersæ, de periculo commouendi. Atq; hi quidem sunt perorationis loci. Principia autem in sententijs dicendis breuia esse debebunt: non enim supplex ut ad iudicem uenit orator, sed hortator atq; autor. Quare proponere, qua mente dicat, quid uelit, quibus de rebus dicturus sit, debet, hortariq; ad se breuiter dicentem audiendum. Tota autem oratio simplex & gravis, & sententijs debet ornatiores esse, quam uerbis. C. F. Cognoui iam laudationis & suasionis locos: nunc quæ iudicijs accommodata sunt, expecto, idq; nobis genus restare unum puto. C. F. Recte intelligis, atq; eius quidem generis finis est æquitas, quæ non simpliciter spectatur, sed ex comparatione nonnunquam, ut cum de uerissimo accusatore disputatur, aut cum hæreditatis sine lege aut sine testamento petitur possessio: in quibus causis, quid æquius, æquis-

simum

sumum'ne sit, queritur: quas ad causas facultas petitur argumentationum ex ijs, de quibus mox dicetur, aequitatis locis. Atq; etiam ante iudicium de constituendo ipso iudicio solet esse contentio, cum aut sit'ne actio illi qui agit, aut iam'ne sit, an non iam esse desierit, aut illa'ne lege, his'ne uerbis sit actio, queritur: quae etiam si ante, quam res in iudicium uenit, aut cōcreta, aut dijudicata, aut confecta non sunt: tamen in ipsis iudicijs permagnum saepe habent pondus, cum ita dicitur. Plus petisti, si rō petisti, non fuit tua petitio, non à me, non hac lege, non his uerbis, non hoc iudicio. Quarum causarum genus est positū in iure civili, quod est in priuatarum ac publicarum rerum lege, aut more positum: cuius scientia neglecta ab oratoribus plerisq; nobis ad dicendum necessaria uidetur. Quare de constituendis actionibus, accipiendis subeundisque iudicijs, de excipienda iniquitate actionis, de comparanda aequitate, quod ea ferè generis eius sunt, ut quanquam in ipsum iudicium saepe dilabantur, tamen ante iudicium tractanda uideantur: paululum ea separo à iudicijs, tempore magis agendi, quam dissimilitudine generis. Nam omnia quae de iure civili, aut de equo & bono disceptantur, cadunt in eam formam, in qua quale quid sit ambigitur, de qua dicturi sumus, quae in aequitate & iure maxime consistit. In omnibus igitur causis tres sunt

sunt gradus : ex quibus unus aliquis capiendus est, si plures non queas, ad resistendum. Nam aut ita consistendum est, ut quod obijcitur, factum neges: aut illud quod factum fateare, neges eam vim habere, atq; id esse quod aduersarius criminatur. Aut si neq; de facto, neq; de facti appellatione ambigi potest, id quod arguere, neges tale esse, quale ille dicat : & rectum esse quod feceris, concedendum ne defendas. Ita primus ille status, & quasi conflictio cum aduersario, coniectura quidam: secundus autem definitione atque descriptione aut informatione uerbi: tertius equi, & ueri, & recti, & humani ad ignoscendum disputatione tractandus est. Et quoniam semper is qui defendit, non solum resistat oportet aliquo statu, aut inficiando, aut definiendo, aut equitate opponenda, sed etiam rationem subiiciat recusationis sue. Primus ille status rationem habet iniqui criminis, ipsam negationem inficionemq; facti. Secundus, quod non sit in re quod ab aduersario ponitur in uerbo. Tertius, quod id recte factum esse defendet, quod sine ulla nominis controuersia factum fateatur. Deinde unicuique rationi opponendum est ab accusatore. id, quod si non esset in accusatione, causa omnino esse non posset. Itaq; ea que sic referuntur, continentia causarum uocentur: quanquam ea non magis que contra rationem defensionis afferuntur, quam ipsa defensionis rationes continent causas. Sed
disting

distinguendi gratia, rationem appellamus eam
 quæ affertur a reo ad recusandum depellendi cri-
 minis causa: quæ nisi esset, quid defenderet non
 haberet. Firmamentum autem, quod contra ad
 labefactandam rationem refertur, sine quo ac-
 cusatio stare non potest. Ex rationis autem &
 ex firmamenti consilictione & quasi concursu
 quæstio exoritur quedam, quam disceptationem
 uoco: in qua quid deueniat in iudiciū, et de quo
 disceptetur, queri solet. Nam prima aduersario-
 rum contentio diffusam habet quæstionē, ut in cōte-
 ctura, ceperitne pecunias Decius. In definitione
 minuerēne maiestatem Norbanus. In aquita-
 te, iurēne occiderit Opimius Gracchū. Hæc quæ
 primam contentionem habent ex arguendo &
 resistendo, lata, ut dixi, & cōfusa sunt. Rationū
 & firmamentorum contentio adduxit in angustū
 disceptationem. ea in coniectura nulla est: nemo
 enim eius quod negat factū, rationē aut potest,
 aut debet, aut solet reddere. Itaq; in his causis
 eadē & prima quæstio, et disceptatio est ex-
 rema. In illis autem ubi ita dicitur. Non minuit
 maiestatem, quòd legit de Cepione turbulentius;
 populi enim Ro. dolor iustus uim tum illā exci-
 tauit, non tribuni actio. maiestas autem, quoniā
 est magnitudo quedam pop. Ro. in eius potestate
 ac iure retinendo, aucta est potius quàm di-
 minuta. & ubi ita refertur, Maiestas est impe-
 rij, atq; in omni pop. Ro. dignitate, quam minuit

is qui

is qui per vim multitudinis rem ad seditionem uocauit: existit illa disceptatio, munueritne maiestatem, qui uoluntate pop. Ro. rem gratam & aquā per vim egerit. In his autē causis, ubi aliquid rectē factum, aut concedendum esse factum defenditur, cum est facti subiecta ratio, sicut ab Opinio, Iure feci, salutis omniū & conseruanda Reip. causa: relatuq; est ab Decio, Ne sceleratissimum quidem ciuem sine iudicio iure ullo necare potuisti: oritur illa disceptatio, potueritne rectē salutis Reip. causa ciuem euersorē ciuitatis indemnātū necare. Ita disceptationes eae quae in ijs controuersijs oriuntur, quae sunt certis personis & temporibus notatae, fiunt rursus infinitae: detractisq; tēporibus & personis rursus ad cōsultationis formam rationemq; reuocantur. Sed in grauissimis firmamentis & illa ponenda sunt, siqua ex scripto, aut legis testamenti, aut uerborum ipsius iudicij, aut alicuius stipulationis aut cautionis opponuntur, defensionī contraria. Ac ne hoc quidem genus in eas causas incurrit, quae cōiectura cōtinentur. Quod enim factū negatur, id argui non potest scripto, ne in definitionem quidem uenit genere scripti ipsius. Nam etiam si uerbū aliquod de scripto definiendum est quā vim habeat, ut cum ex testamenti qui sit penus, aut cum ex lege praedij queritur quae sunt ruta casa: non scripti generis, sed uerbi interpretatio controuersiam parit.

Cum

Cum autem plura significantur scripto propter
uerbi aut uerborum ambiguitatem, ut liceat ei
qui contrà dicat, eò trahere significationē scri-
pti, quò expediat, aut uelit: aut etiā si ambigue
scriptum non sit, uel à uerbis uoluntatem &
sententiā scriptoris abducere, uel alio se eadem
dere contrariè scripto defendere: tum discepta-
tio ex scripti contentione existit: ut in ambi-
guis disceptetur quid maximè significetur: in
scripti sententiāq; contentione, utrum potius se-
quatur iudex: in contrarijs scriptis, utrum ma-
gis sit comprobandum. Disceptatio autem cum
est constituta, proposita esse debet oratori, quò
omnes argumentationes repetita ex inueniendi
locis conijciantur. Quod quanquam satis est ei
qui uidet quid in quoque loco lateat, quiq; illos
locos tanquam thesauros aliquos argumen-
torum notatos habet: tamen ea quæ sunt cer-
tarum causarum propria, tangemus. In conie-
ctura igitur cum est in inficiando reus, accusa-
tori hæc duo prima sunt. Sed accusatorem pro
omni aëctore & petitore appello. Possunt enim
etiam sine accusatore in causis hæc eadem con-
trouersiarum genera uersari. Sed hæc duo sunt
ei prima, causa, & euentus. Causam appello
rationem efficiendi: euentum, id quod est effe-
ctum. Atque ipsa quidem partitiō causarum
paulò antè in suasionis locis distributa est. Quæ
enim in consilio capiendo futuri temporis praci-

piebantur, quamobrem aut utilitatē uiderentur habitura, aut efficiendi facultatē: eadem, qui de facto argumentabitur, colligere debebit. quamobrem & utilia illi quem arguet, fuisse, & ab eo effici potuisse demonstret. Utilitatis coniectura mouetur, si illud quod arguitur, aut spe bonorum, aut malorum metu fecisse dicitur: quod fit acrius, quo illa in utroq; genere maiora ponuntur. Spectantur etiā ad causam facti, motus animorum: si ita recens, si odium uetus, si ulciscendi studium, si iniuriæ dolor, si honoris, si gloriæ, si imperij, si pecuniæ cupiditas, si periculi timor, si æs alienum, si angustia rei familiaris, si audax, si leuis, si crudelis, si impotēs, si incautus, si insipiens, si amans, si commota mente, si uolentus, si cum spe effugiendi, si cum opinione celandi, aut, si patefactum esset, depellendi criminis, uel perirumpendi periculi, uel in longinquum tempus differendi: aut si iudicij poena lenior, quàm facti præmium: aut si facinoris uoluptas maior, quàm damnationis dolor. His ferè rebus facti suspicio confirmatur, cū & uoluntas in reo causæ reperiuntur, & facultas. In uoluntate autē utilitas ex adeptione alicuius commodi, uitationeq; alicuius incommodi queritur, ut aut spes aut metus impulisse uideatur, aut alius repentinus animi motus, qui etiam citius in fraudē, quàm ratio utilitatis impellit. Quāobrem sine hac dicta de causis. C. F. Teneo, & quero

quæro qui sint illi euentus quos ex causis effici dixisti. C. P. Consequencia quedam signa præteriti, et quasi impressa facti uestigia: quæ quidem uel maxime suspicionem mouent, & quasi tacita sunt criminū testimonia. Atq; hæc quidem grauiora, quòd causa communiter uidentur insimulare & arguere omnes posse, quorum non interfuerit aliquid. Hæc propriè attingunt eos ipsos qui arguuntur: ut telum, ut uestigium, ut cruor, ut deprehensum aliquid quod ablatū ereptūue uideatur, ut responsum inconstanter, ut hesitatū, ut titubatum, ut cum aliquo uisus, ex quo suspicio oriatur, ut eo ipso in loco uisus, in quo facinus, ut pallor, ut tremor, ut scriptū, aut obsignatū, aut depositum quippiam. Hæc enim & talia sunt, quæ aut in re ipsa, aut etiā antè quàm factum est, aut postea suspiciosum crimen efficiant. Quæ si non erunt, tamen causis ipsis & efficiēdi facultatibus niti oportebit, adiuncta illa disputatione communi, non fuisse illum tam amentem, ut indicia facti aut effugere aut occultare non posset, ut ita apertus esset, ut locū crimini relinqueret. Communis ille contrà locus, audaciam temeritati, nō prudentiæ esse coniunctam. Sequitur autem ille locus ad augendum, non esse expectandū dum fateatur: argumentis peccata cōvinci: & hic etiam exempla ponentur. Atq; hæc quidē de argumentis. Sin autem erit etiam testium facultas: primum genus erit

ipsum laudandum, dicendumq; ne argumentis tenerentur reus, ipsum sua cautione fecisse testes effugere non potuisse. Deinde singuli laudentur. Quae autem essent laudabilia, dictum est. Deinde etiam argumento firmo, quia tamen saepe falsum est, posse rectè non credi: viro bono & firmo, sine vitio iudicis non posse non credi. Atq; etiam si obscuri testes erunt, aut tennes, dicendum erit non esse ex fortuna fidem ponderandam: aut eos esse cuiusq; locupletissimos testes, qui id de quo agatur, facillime scire possint. Si quaestiones habitae, aut postulatio ut habeantur, causam adiuvabunt: confirmandum genus primum quaestionum erit, dicendum de vi doloris, de opinione maiorum, qui eam rem totam nisi probassent, certe repudiassent. De institutis Atheniensium, Rhodiorumq; doctissimorum hominum, apud quos etiam (id quod acerbissimum est) liberi ciuesq; torquentur. De nostrorum etiam prudentissimorum hominum institutis, qui cum de servis in dominos queri nolissent, de incestu tamen, & coniuratione quae facta me cōsule est, querendū putauerunt. Irridenda etiam disputatio est, qua solent uti ad infirmandas quaestiones, & meditata, puerilisq; dicenda: tum facienda fides, diligenter esse & sine cupiditate quaesitum: dictaq; quaestionis, argumentis & coniectura ponderanda. Atque haec accusationis serè membra sunt.

Defen

Defensionis autem primum infirmatio causarum, aut non fuisse, aut non tantas, aut non sibi soli, aut commodius potuisse idem consequi, aut non his esse moribus, nō ea uita, aut nullos animi motus, aut nō tam impotentes fuisse. Facultatum autem infirmatione utetur, si aut uires, aut animum, aut copias, aut opes abfuisse demonstrabit: aut alienum tempus, aut locum non idoneum, aut multos arbitros, quorum crederet nemini: aut nō se tam ineptum, ut id susciperet, quod occultare non posset: neque tam amentem, ut pœnas ac iudicia contemneret. Consequentia autem diluet, exponendo non esse illa certa indicia facti, quæ etiam nullo admissō consequi possent: consistetq; in singulis: & ea, aut eorum quæ ipse facta esse dicet, propria esse defendet potius quam criminis: aut si sibi cum accusatore communia essent, pro periculo potius quàm contra salutē ualere debere: testiumq; & questionum genus uniuersum, & quod poterit in singulis, ex reprehensionis locus, de quibus antè dictum est, refellet. Harum causarum principia suspiciosa ad acerbitatē ab accusatore ponemur: denuntiabiturq; insidiarum commune periculum, excitabunturq; animi ut attendant. A reo autem, querela conflati criminis, collectarumq; suspicionum, & accusatoris insidiæ, & item commune periculum proferetur, animiq; ad misericordiam allicientur, & modicè

beneuolentia iudicū colligetur. Narratio autem accusatoris erit quasi membratim gesti negotij suspiciosa explicatio, sparsis omnibus argumentis, obscuratis defensionibus. Defensoris, aut praeteritis aut obscuratis suspicionum argumentis, rerum ipsarum euentus erunt casusq; narrandi. In confirmandis autem nostris argumentationibus, infirmandisq; contrarijs, saepe erunt accusatori motus animorū incitandi: reo mitigandi, Atq; haec quidē utriq; maximē in peroratione facienda: alteri frequentatione argumentorum, & coacervatione uniuersa: alteri si planē causam redarguendo explicarit, enumeratione, ut quidq; diluerit, & miseratione ad extremum. C. P. Scire mihi iam uideor quemadmodū coniectura tractanda sit. Nunc de definitione audiamus. C. P. Communia dantur in isto genere accusatori defensoriq; praecpta. Vter enim definiendo describendoq; uerbo magis ad sensum iudicis, opinionēq; penetrarit: & uter ad communem uerbi uim, & ad eam praecptionem quam inchoatam habebunt in animis ij qui audient, magis & propius accesserit, is uincat necesse est. Non enim argumentando hoc genus tractatur, sed tanquam explicādo exentiendoq; uerbo: ut si in reo pecunia absoluto, rursusq; reuocato, praenariationem accusator esse definiat omnem iudicij corruptelam ab reo: defensor autem non omnem, sed tantummodo accusatoris

corruptelam ab reo. Sit ergo hæc contentio prima uerborum, in qua etiam si propius accedat ad consuetudinem, mentemq; sermonis defensoris definitio, tamen accusator sententia legis nititur. Negat enim probari oportere, eos qui leges scripserunt, ratum habere iudicium, si totum corruptum sit: si unus accusator corruptus sit, rescindere nititur equitate, ut illa quasi scribenda lex sic esset: quæq; tamen complectetur in iudicijs corruptis, ea uerbo uno prauaricationis comprehendisse dicitur. Defensor autem testatur consuetudinem sermonis, uerbiq; uim ex contrario reperiet quasi ex uero accusatore, cui contrarium est nomen prauaricationis: ex consequentibus, quod ea litera de accusatore soleat dari iudici: ex nomine ipso, quod significat eum, qui in contrarijs causis, quasi uariè esse positus uideatur. Sed huic tamen ipsi confugiendum est ad æquitatis locos, ad rerum iudicatarum auctoritatem, ad finem aliquem periculi: communeq; sit hoc præceptum, ut cum uterq; definierit quammaximè potuerit ad communem sensum, uimq; uerbi, tum similibus, exemplisq; eorum qui ita locuti sunt, suam definitionem sententiamq; confirmet. Atq; accusatori in hoc genere causarum locus ille communis, minimè esse concedendum, ut is qui de re confiteatur, uerbi se interpretatione defendat. Defensor autem de ea quæ proposui æquitate nitatur, & ea cū secum

faciat, non re, sed deprauatione uerbi se urgeri
 queratur. Quo in genere percensere poterit ple-
 rosque inueniendi locos. Nam & similibus uti-
 tur, & contrarijs, & consequentibus, quan-
 quam uterque, tamen reus, nisi planè erit absurda
 causa frequentius. Amplificandi autem causa,
 quæ aut cum digredientur à causa, dici solent,
 aut cum perorabunt, hæc uel ad odium, uel ad
 misericordiam, uel ad omnino animos iudicum
 mouendos, ex ijs quæ sunt antè posita, sumentur,
 si modò rerum magnitudo, hominumue aut in-
 uidia aut dignitas postulabit. C. F. Habeo ista:
 nunc ea quæ cum quale sit quippiam discepta-
 tur, quæri ex utraque parte deceat, uelim au-
 dire. C. F. Confiteantur in isto genere qui ar-
 guuntur, se id fecisse ipsum, in quo reprehē-
 duntur. Sed quoniam iure se fecisse dicunt, iuris
 est omnis ratio nobis explicanda, quod diuidi-
 tur in duas partes primas, naturam atque le-
 gem: & utriusque generis ius in diuinum &
 humanum ius est distributa: quorum aquita-
 tis est unum, alterum religionis. Aequitatis
 autem ius est duplex: cuius altera directi, &
 ueri, & iusti, & (ut dicitur) equi & boni ra-
 tione defenditur, altera ad uicissitudinem re-
 ferenda gratiæ pertinet: quod in beneficio, gra-
 tia: in iniuria, ultimo nominatur: atque hæc com-
 munia sunt naturæ atque legis: sed propria le-
 gis, & ea quæ scripta sunt, et ea quæ sine literis
 aut

aut gentium iure, aut maiorum more retinen-
tur. Scriptorum autem, priuatum aliud est, pu-
blicum aliud. Publicum, lex, senatusconsultum,
fœdus. Priuatum, tabula, pactum, conuentum,
stipulatio. Quæ autem scripta non sunt, ea aut
consuetudine, aut conuentis hominum. & quasi
consensu obtinentur. Atq; etiam hoc in primis,
ut nostros mores legesq; tueamur, quodammo-
do naturali iure præscriptum est. Et quoniam
breuiter aperti fontes sunt quasi quidam equi-
tatis, meditata nobis ad hoc causarum genus
esse debebunt ea quæ dicenda erunt in orationi-
bus, de natura, de legibus, de more maiorum, de
propulsanda iniuria, de ulciscenda, de omni par-
te iuris. Si imprudenter, aut necessitate, aut casu
quippiam fecerit, quod non concederetur ijs qui
sua sponte & uoluntate fecissent, ad eius facti
deprecationem ignoscendi petenda uenia est, quæ
sumetur ex plerisq; locis æquitatis. Expositum
est, ut potui breuissimè, de omni controuersia-
rum genere, nisi præterea tu quid requiris. C.
F. Illud equidem, quod iam unum restare ui-
deo, quale sit cum disceptatio uersetur in scri-
ptis. C. P. Rectè intelligis: eo enim exposito,
munus promissi omne confecero. Sunt igitur
ambigui duobus aduersarijs præcepta commu-
nia. Vterq; enim hanc significationem qua ute-
tur ipse, dignam scriptoris prudentia esse defen-
det. Vterq; id quod aduersarius ex ambigue
scripto

scripto intelligendum esse dicet, aut absurdum, aut inutile, aut iniquum, aut turpe esse defendet, aut etiam discrepare cum ceteris scriptis, uel aliorum, uel maxime, si poterit eiusdem: quamq; defendet ipse, eam rem & sententiam quemuis prudentem & iustum hominem, si integrum daretur, scripturum fuisse, sed planius, eamq; sententiam quam significari posse dicet, nihil habere aut captionis, aut uitij: contrariam autem si probarit, fore ut multa uitia, stulta, iniqua, contraria consequantur. Cum autem aliud scriptor sensisse uidetur, & aliud scripsisse: qui scripto nitetur, cum re exposita, recitatione uti oportebit: deinde instare aduersario, iterare, renouare, interrogare num aut scriptum neget, aut contra factum inficietur. Post iudicem ad uim scripti uocet. Hac confirmatione usus, amplificet rem lege laudanda, audaciamq; consuetet eius qui eam palam contra fecerit, idq; fateatur, adsit tamen, factumq; defendat. Deinde infirmet defensionem, cum aduersarius aliud uoluisse, aliud sensisse scriptorem, aliud scripsisse dicat, non esse ferendum a quoquam potius latoris sensum, quam a lege explicari. Cur ita scripserit, si ita non senserit. Cur cum ea quae planè scripta sint, neglexerit: quae nunquam scripta sint, proferat. Cur prudentissimos in scribendo uiros, summe stultitiae putet esse damnandos. Quid impedierit scriptorē quo minus exciperet illud quod aduer

aduersarius tanquam si exceptum esset, ita dicit se secutum. Vietur exemplis ijs quibus idē scriptor: aut, si id non poterit, quibus alij quod excipiendum putarint, exceperint. Querenda etiam ratio est, si qua poterit inueniri, quare non sit exceptum: aut iniqua lex, aut inutilis futura dicitur, aut alia causa obtemperandi, alia abrogandi: dissentire aduersarij uocem, atq; legis. Deinde amplificandi causa, de conseruandis legibus, de periculo rerum publicarum atq; priuatarum, cum alijs locis, tum in perorando maximè grauius erit uehementerq; dicendum. Ille autem qui se sententia legis uoluntateq; defendet, in consilio atque in mente scriptoris, non in uerbis ac literis uim legis positam esse defender: quodq; nihil exceperit in lege, laudabit, ne diuerticula peccatis darentur, atque ut ex facto cuiusq; index legis mentem interpretaretur. Deinde erit utendum exemplis, in quibus omnis equitas perturbetur, si uerbis legum, ac non sententijs pareatur. Deinde genus eiusmodi calliditatis & calumnie retrahatur in odiū iudicis, cum quadam inuidiosa querela. Et si incidet imprudentiæ causa, quæ non ad delictum, sed ad casum necessitatemue pertineat, quod genus paulò antè attigimus, erit iisdem equitatis sententijs contra acerbicatem uerborū deprecandum. Sin scripta inter se dissentient, tanta series artis est, & sic inter se sunt pleraq; connexa & apta, ut
qua

quæ paulò antè præcepta dedimus ambigui,
quæq; proximè sententiæ & scripti, eadem ad
hoc genus causæ tertium transferantur. Nam
quibus locis in ambiguo defendimus eam signi-
ficationem quæ nos adiuuat, eisdem in contra-
rijs legibus nostra lex defendenda est. Deinde
est efficiendum, ut alterius scripti sententiam,
alterius uerba defendamus. Ita quæ modò de
scripto sententiæq; præcepta sunt, eadem huc
omnia transferamus. EXPOSITAE sunt
tibi omnes oratorie partitiones, quæ quidem è
media illa nostra Academia floruerunt, neq;
sine ea aut inueniri, aut intelligi, aut tractari
possunt. Nam & partiri ipsum, & definire, &
ambigui partitiones diuidere, & argumentor-
um locos nosse, & argumentationem ipsam
concludere, & uidere quæ sumenda in argu-
mentando sint, quidq; ex ijs quæ sumpta sunt
efficiatur, & uera à falsis, uerisimilia ab in-
credibilibus diiudicare & distinguere, & aut
malè sumpta, aut malè conclusa reprehendere,
& eadem uel angustè differere, ut Dialectici
qui appellantur, uel ut Oratorem docet, latè
exprimere: illius exercitationis, & subtiliter
disputandi, & copiosè dicendi artis est. De bo-
nis uerò rebus & malis, æquis iniquis, utili-
bus inutilibus, honestis turpibus, quam po-
test habere orator sine illis maximarum rerum
artibus facultatem aut copiam? Quare hæc
tibi

tibi sint, mi Cicero, quæ exposui, quasi indicia fontium illorum: ad quos si nobis eisdem du-
cibus, alijs uel peruenieris, tum & hæc ipsa me-
lius, & multo maiora alia cognoscēs. C.F. Ego
uerò; ac magno quidem studio, mi pater, mul-
tisq; ex tuis præclarissimis muneribus nullum
maius expecto.

M. T. CICERO-

NIS DE OPTIMO

GENERE ORA-

TORVM.



RATORVM genera esse di-
cuntur tanquam poetarum. id
secus est: nam alterum est mul-
tiplex. Poëmatibus enim Tragi-
ci, Comici, Epici, Melici etiā,
ac Dithyrambici, quod magis est tractatum à
Latinis, suum quoduis est diuersum à reliquis.
Itaq; & in tragœdia comicum uitiosum est, &
in comœdia turpe tragicum. Et in cæteris suus
est cuiusq; certus sonus, & quadam intelligenti-
bus nota uox. Oratorum autē si quis ita nume-
rat plura genera, ut alios grandæis, aut graucis
aut copiosos: alios tennæis, aut subtileis, aut bre-
uicis: alios eis interiectos, & tanquā medios pu-
ter: de hominibus dicet aliquid, de re parum. In
re enim

re enim quod optimum sit, queritur : in homine
 dicitur quod est. Itaq; licet dicere & Ennium
 summum Epicum poetam, sicui ita uidetur. &
 Pacuuium tragicum, & Caelium fortasse co-
 micum. Oratorem genere non diuido, perfectum
 enim quero. Vnum est autem genus perfecti, à
 quo qui absunt, non genere differunt, ut ab Ac-
 cio Terentius, sed in eodem nō sunt pares. Opti-
 mus est enim orator, qui dicendo animos au-
 dientium & docet & delectat & permouet.
 Docere debitum est, delectare honorarium, per-
 mouere necessarium, hæc ut alius melius quàm
 alius, concedendum est : uerum id fit non genere,
 sed gradu. Optimum quidem unum est, & pro-
 ximum, quod ei simillimum. ex quo perspicuum
 est, quod optimo dissimillimum sit, id esse deter-
 rimum. Nam quoniam eloquentia constat ex
 uerbis, & sententijs, perficiendum est : ut, pure,
 & emendate loquentes, quod est Latine, uerbo-
 rum præterea & propriorum, & translatorum
 elegantiam persequamur. In proprijs, ut aptis-
 sima eligamus : in translatis, ut similitudinem
 secuti uerecunde utamur alienis. Sententiarum
 autem totidem genera sunt, quot diximus esse
 laudum. Sunt enim docendi, acuti : delectandi,
 quasi arguti : commouendi, graues. Sed & uer-
 borum est structura quædam duas res efficiens,
 numerum, & lenitatem : & sententiæ suam com-
 positionem habent ad probandam rem accom-
 modat

modatum ordinem, sed earum omnium rerum, ut edificiorum, memoria est quasi fundamētum, lumen actio. Ea igitur omnia in quo summa, erit orator peritissimus: in quo media, mediocris: in quo minima, deterrimus. Et appellabantur omnes oratores, ut pictores appellantur etiam mali: nec generibus inter sese, sed facultatibus different. Itaq; nemo est orator, qui se Demosthenis similem esse nolit: at Menander Homeri noluit. Genus enim erat aliud, id non est in orationibus: aut etiam si est, ut alius gravitatem sequens, subtilitatem fugiat: contra, alius acutiore se quam ornatorem uelit: etiam si est in genere tolerabili, certe non est in optimo. si quidem quod omnes laudes habet, id est optimum. Hac dixi brevius equidem, quam res peribat; sed ad id quod agimus, non fuit dicendum pluribus. Unum enim cum sit genus, id quale sit querimus. Est autem tale, quale floruit Athenis, ex quo Atticorum oratorum ipsa uis ignota est, nota gloria. Nam alterum multi uiderunt, uitiosi nihil apud eos: alterum pauci, laudabilia esse multa. Est enim uitiosum in sententia, si quid absurdum, aut alienum, aut non acutum, aut subinsulsum est. In uerbis si inquinatum, si abiectum, si non aptum, si durum, si longè petatum. hac uitauerunt fere omnes qui aut Attici numerantur, aut dicunt Attice: sed quatenus ualuerunt, sani & sicci

duntaxat habeantur, sed ita, ut palaestrice spariari in xysto ut liceat, non ab Olympijs coronam petant, qui cum careant omni uitio, non sunt contenti quasi bona ualetudine, sed uires, lacertos, sanguinem querunt, quandam etiam suauitatem coloris: eos imitemur, si possumus: sin minus, illos potius, qui incorrupta sanitate sunt, quod est proprium Atticorum: quàm eos, quorum uitiosa abundantia est, quales Asia multos tulit. Quod cum faciemus, si modo id ipsum assequemur (est enim permagnum) imitemur, si poterimus, *Lysiam*, & eius quidem tenuitatem potissimum. Est enim multis in locis grandior: sed quia & priuatas ille plerasque, & eas ipsas alijs, & paruarum rerum causas scripsit, uidetur esse ieiunior, quoniam se ipse consultò ad minutarum genera causarum limauerit. Quod qui ita faciet, ut si cupiat uberior esse, non possit, habeatur sanè orator, sed de minoribus: magno autem oratori etiam illo modo saepe dicendum est in tali genere causarum. Ita sit ut *Demosthenes* cerè possit summis dicere, elate *Lysias* fortasse non possit. Sed si eodem modo putant exercitum in foro, & in omnibus templis, quæ circum forum sunt, collocato, dici pro *Milone* decuisse, ut si de re priuata ad unum iudicem diceremus, uim eloquentiæ suæ facultate, non rei natura metuantur. Quare quoniam nonnullorum sermo iam increbuit, parum se ipsos

seipsos Attice dicere, partim neminem nostrum dicere: aliteros negligamus. satis enim hic res ipsa respondet, cum aut non adhibeantur ad causas, aut adhibiti derideantur: nam si arrideantur, esset id ipsum Atticorum. Sed qui dici à nobis Attico more nolunt, ipsi autem se non oratores esse profitentur, si teretes aures habent, intelligensq; iudicium, tanquam ad picturam probandam adhibentur etiam inscū faciendi, cum aliqua solertia iudicandi. Sin autem intelligentiam ponunt in audiendi fastidio, neq; eos quidquam excelsum magnificumq; delectat: dicant se subtile quiddam & politum uelle, graue ornatumq; contemnere: id uero desinant dicere, qui subtiliter dicunt, eos solos Attice dicere, id est quasi sicce, & integre, & ample, & ornate, & copiose, cum eadem integritate Atticorum est, quid dubium est utrum orationem nostram tolerabilem tantum, an etiam admirabilem esse cupiamus? Non enim iam querimus, quid sit Attice, sed quid sit optime dicere: ex quo intelligitur, quoniam Græcorum oratorum præstantissimi sunt ij qui fuerunt Athenis, eorum autem princeps facile Demosthenes, hunc si quis imitetur, cum & Attice dicturum, & optime: ut quoniam Attici nobis propositi sunt ad imitandum, bene dicere id sit Attice dicere. Sed cum in eo magnus error esset, quale esset id dicendi genus, putauit

mihi suscipiendum laborem utilem studiosis,
mihi quidem ipsi non necessarium. Conuer-
ti enim ex Atticis duorum eloquentissimorum
nobilissimas orationes inter se contrarias, *Ae-*
schinis, *Demoſthenisq;* : nec conuerſi ut inter-
pres, sed ut orator, ſententijs iſdem, & earum
formis tanquam figuris, uerbis ad noſtram con-
ſuetudinem aptis : in quibus non uerbum pro
uerbo neceſſe habui reddere, ſed genus omnium
uerborum, uimq; ſeruauit : non enim ea me an-
numerare lectori putauit oportere, ſed tanquam
appendere. hic labor meus hoc aſſequetur, ut
noſtri homines quid ab illis exigant, qui ſe
Atticos uolunt, & ad quam eos quaſi formu-
lam dicendi reuocent, intelligant. Sed exorietur
Thucydides, eius enim quidam eloquentiam
admirantur. id quidem rectè, ſed nihil ad eum
oratoreſſem quem querimus. Aliud eſt enim ex-
plicare res geſtas narrando, aliud argumen-
tando criminari, crimēne diſſoluere, aliud
narratione tenere auditorem, aliud concitare.
At loquitur pulchre : num melius quàm *Pla-*
to? neceſſe tamen eſt oratori quem querimus,
controuerſias explicare forenſes dicendi genere
apto ad docendum, ad delectandum, ad per-
mouendum. Quare ſi quis erit, qui *Thucydidio*
genere cauſas in foro dicturum eſſe profiteatur,
is abhorreat etiam à ſuſpicionē eius, quæ uer-
ſatur in re ciuili & forenſi : qui *Thucydidem*
lauda

laudauit, ascribat suæ nostram sententiam. Quin ipsum Isocratem, quem diuinus autor Plato suum ferè æqualem admirabiliter in Phædro laudari fecit à Socrate, quemq; omnes docti summum oratorem esse dixerunt, tamen hunc in numero non repono, non enim in acie uersatur; & ferro, quasi rudibus eius eludit oratio. A me autem (ut cum maximis minima conferam) gladiatorum par nobilissimum inducitur. Aeschines tanquam aserninus (ut ait Lucilius)

Non spurcus homo, sed doctus & acer,
Cum Pacidiano hic cõponitur optimus longè
Post homines natos.

Nihil enim illo oratore arbitror cogitari posse diuinius. Huic labori nostro duo genera reprehensorum opponuntur: unum hoc (uerum melius Græci) à quo queratur, ecquid possint ipsi melius Latine? alterum, Quid istas potius legam, quàm Græcas? Iidem Andriam, & Synephebos, nec minus Terentium, & Cæcilium, quàm Menandrum legunt. nec Andromacham aut Anthiopam, aut Epigonos Latinos recipiant: sed tamen Ennium, & Pacuuium, & Accium potius, quàm Euripidem, & Sophoclem legunt. Quid igitur est eorum in orationibus à Græco conuersis fastidium, nulum cum sit in uersibus? Sed aggrediamur iam quod suscepimus, si prius exposuerimus, quæ

causa in iudicium deducta sit. Cum esset lex Athenis nequis populi scitum faceret, ut quisquam corona donaretur in magistratu priusquam rationes detulisset: Ex altera lex, eos qui à populo donarentur, in concione donari debere, quia in senatu Demosthenes curator muris reficiendis fuit, eosque refecit pecunia sua, de hoc igitur Ctesiphon scitum fecit, nullis ab ipso rationibus relatis, ut corona aurea donaretur: eaque donatio fieret in theatro populo conuocato, qui locus non est concionis legitima: atque ita predicaretur, eum donari uirtutis ergo, beneuolentiaque, quam erga populum Atheniensem haberet. Hunc igitur Ctesiphontem in iudicium adduxit Aeschines, quod contra leges scripsisset, ut & rationibus non relatis corona donaretur, & ut in theatro, & quod de uirtute eius, & beneuolentia falsa scripsisset, quoniam Demosthenes nec uir bonus esset, nec benemeritus de ciuitate. Causa ipsa abhorret illa quidem formula consuetudinis nostrae, sed est magna. Habet enim & legum interpretationem satis acutam in utranque partem, & meritorum in Rempublicam contentionem sanè grauem. itaque causa fuit Aeschini, quoniam ipse à Demosthene esset capitis accusatus, quod legationem ementitus esset, ut ulciscendi inimici causa nomine Ctesiphontis iudicium fieret de factis, fama; Demosthenis. Non enim tam multa dixit


dixit de rationibus non relatis, quàm de eo,
quòd ciuis improbus, ut optimus laudatus esset.
Hanc multam Aeschines à Ctesiphonte petijt
quadriennio ante Philippi Macedonis mortem,
sed iudicium factum est aliquot annis pòst
Alexandro iam Asiam tenente, ad quod iu-
diciu concursus dicitur è tota Grecia factus
esse. Quid enim aut tam uisendum, aut audien-
dum fuit, quàm summorum oratorum in gra-
uissima causa accurata, & inimicitijs incensa
contentio? Quorum ego orationes, si, ut spe-
ro, ita expressero uirtutibus utens illorum omni-
bus, id est sententijs, & earum figuris, &
rerum ordine, uerba persequens eatenus, ut ea
non abhorreant à more nostro (quæ si è Gre-
cis omnia conuersa non erunt, tamen ut generis
eiusdem sint, elaborauimus) erit regula ad
quam eorum dirigantur orationes, qui

Attice uolunt dicere. Sed de no-
bis satis: aliquando enim

Aeschinem ipsum
Latine dicen-
tem audia-
mus.

F I N I S.





10

2